

BIBLIOTECA NAZ.

BIBL. NAZ.
VITT. EMANUELE III

150

F

23

102 P. 23

~~8~~
7

~~102~~

~~0~~

~~123~~


201

~~17-11-10~~

cc.

cc.

cc.



BIBLIOTHECA
APOSTOLICA
VATICANA

A SIXTO V. PONT. MAX.
IN SPLENDIDIOREM,
COMMODIOREMQUE LOCVM
TRANSLATA,

ET A FRATRE ANGELO ROCCHA A CAMERINO,
Ordinis Eremitarum S. Augustini, Sacrae Theologiae Doctore,
COMMENTARIO

VARIARVM ARTIVM,
ac Scientiarum Materijs curiosis, ac difficillimis, scituq.
dignis refertissimo, illustrata.

AD S. D. N. GREGORIVM XIV.



ROMÆ, M. D. XCI.

Ex Typographia Apostolica VATICANA. W

[Franc. Mariæ Ticolomini, Ep'i Pientini, et Neunensis, septimj. —

— Anno Domini. 1593. —

VA-1 1507545



ROMA M.D.XCI

S.^{MO} D. N.

GREGORIO XIV.
PONT. OPT. MAX.

FRATER ANGELVS ROCCHA

*Augustinianus, a Camerino, humillimus seruus,
perpetuam felicitatem.*



BIBLIOTHECAM Apostolicam Vaticanam, PATER BEATISSIME, ceterarum omnium nobilissimam, & celeberrimam, & a Sixto V. in insigniorem locum translatam, atque in elegantiore formam, ditio-remq. structuram redactam, varijs item ac mirificis ornamentis, breuissimo temporis spatio, atque incredibili omnium admiratione illustratam, cum omnes cuiuscumque ordinis & conditionis viri quotidie, certatimq. vndique confluentes viserent, Emblematum, atque Historiarum explanationem optarent, inscriptionesq. auide perlegerent, ac diligenter exciperent, animum induxi meum, vt omnia scitu digniora explicarem, atque, omnium tam Romæ degentium, quam
a 2 eorum,

eorum, qui ab Vrbe absunt, commoditati consulens, typis mandarem. Quod cum præstiterim, Bibliothecam ipsam Apostolicam Vaticanam, hoc est omnium artium ac scientiarum, reiq. litterariæ antiquitatum Theatrum amplissimum S. T. dicare mihi visum est, & iure quidem, cum res Tibi oppignerata tamquam opus summorum Pontificum a B. Petro originem trahens, eorumq. præstitum commoditati, citra stellionatus crimen alteri offerri non possit. Meus hic certe liber si ex virium mearum imbecillitate spectetur, munus perexiguum esse fateor: si ex animo, magnum: quodq. de paupercula illa Muliere Euangelica scribitur, quæ duobus tantum obolis largam diuitum omnium opulentiam, atque munificentiam longe superasse commemoratur, meis hisce scriptis e pauperculo ingenioli mei Scrinio depromptis, id euenturum spero; atque etiam confido. Magis enim prompta & propensa offerentis voluntas, quam rei oblatae pretium perpendi debet; ac, teste Gregorio Magno, vacua illa manus dici haudquam potest, si Arca cordis optima sit voluntate repleta. Tu igitur, BEATISSIME PATER, qui duos Gregorios, Beatissimi scilicet Gregorij Magni pietatem & sanctitatem, Gregorijq. XIII. benignitatem, magnanimitatem, ac liberalitatem in te vno Gregorio concludis, humilia ne despicias,

despicias, sed tuos Gregorios, immo diuinam bonitatem, hoc est SALVATORIS nostri exemplum imitatus, ea, (cuiusmodi est hoc munusculum leuidense meum) benigno, quo soles, vultu atque animo suscipias, sicut etiam Pontificiæ dignitatis immensa hisce in terris potestas pollicetur, tuiq. Gregorij, (benigna tamen tua facie id præseferente, tuaq. natura non reluctante) iure quidem postulant, & expectant: Tui enim Nominis celsitudine, feliciq. aura elucubratio mea, qualiscumque sit, erigetur, erectaq. omnibus in Tuo Nomine apparebit. Ego interim ad Beatitudinis Tuæ pedes prouolutus suppliciter Deum deprecor, ac deprecabor semper, vt te multis annis auctum incolumem conferuet, ad vniuersæ Christianæ Reip. dignitatem tuendam, seu potius restituendam, augendam, exornandam, catholicamq. fidem ac disciplinam toto denique terrarum orbe propagandam.

Romæ M. D. XCI.

Kal. Mart. Ex Typographia Apostolica Vaticana.

[The page contains faint, illegible handwriting, likely bleed-through from the reverse side.]

Wahlstedtia T. & Greville *Apotheca Vegetabilis* Rourm. M. D. X C I.

A V C T O R V M

Qui in hoc opere passim citantur, nomina, cognomina, origines, monimenta insigniora, & elogia breuiter conscripta, atque ex probatissimis Scriptoribus desumpta.

A.



ABEN Ezra, & Abraam Leuita, & Gedalia Iachia Rabini, quorum primus scripsit in 11. cap. Danielis, secundus de gestis Romanorum, tertius vero Traditionum cathenam, quamuis sint ex ijs, qui foris sunt, donationem tamen Constantiniani fatentur, velint nolint: quorum primi vixerunt circa ann. Dom. 400. tertius vero atate nostra vixit.

Accursius Aquilanus, dictus Mariangelus, de Typographica artis inuentore, ac de libro primum omnium impresso. Floruit circa Ann. Dom. M. D.

Ado Viennensis Archiepiscopus, Breuiarium Chronicorum ab origine mundi ad sua usque tempora, ad ann. scilicet salutis nostra 1353. conscripsit, quo scilicet anno claruit.

Adolphus Meckerchus Brugensis, vir sane admodum eruditus, qui de recta & veteri pronuntiatione lingua Graeca scripsit Commentarios: eamq. cum Hebraica confert. Edidit etiam Appendicem de accentibus Graecorum. Claruit Anno Dom. M. D. L. XIV.

Adrianus Papa huius nominis primus, Natione Romanus, vir quidem doctus, & sanctus, scripsit librum de veneratione sacrarum imaginum, libr. item ad Karolum Imp. & Epistolas ad diuersas. Claruit Anno Domini D. C. C. XCV.

Aegidius Columna Romanus Archiepiscopus Bituricensis, Theologus insignis Ord. Erem. sancti Augustini, & sancti Thome Aquinatis auditor, multa in artes varias ac disciplinas more scholastico, necnon in Scripturam sacram, atque in libros Sententiarum Petri Lombardi conscripsit, & alia edidit permulta, sed doctissime sane omnia, atque ita, ut nomen Fundamentarij merito ei tributum sit. Claruit Anno Dom. M. CC. LXXX.

Aegidius Tschudus Glaronensis de prisca ac vera Alpina Rhetia cum reliquo

reliquo Alpinarum Gentium tractu librum Germanice scriptum edidit peragris locis ijs, Auctorumq. monumentis perlectis. Hinc de illarum Gentium lingua, locorumq. nominibus scripsit. Anno Domini M. D. LXXV.

Aelianus Sophista Romanus, Pausania auditor, & a Philostrato maxime laudatus, quod Romanus homo tam probe atticissaret, tamq. eleganter peregrinam a Patria vocem retinuerit. Scripsit de animalibus, de varia historia, ac de re militari: quae omnia in magna habentur existimatione. Claruit sub Adriano Romanorum Imp. Aelius Spartianus scriptor insignis, qui quasdam Caesarum vitas conscripsit, hoc est Adriani Imperatoris, & Aelii Veri Caesaris ad Diocletianum Augustum. Claruit sub Diocletiano Augusto.

Aeneas Silvius Senensis, qui fuit deinde Pius II. vir bonarum artium peritissimus, scripsit protectionem in Turcas, quam cum indixisset, non potuit perficere Ancone mortuus, qui Romam translatus sepultus est in Aedibus sancti Petri prope Altare sancti Andree. Hic edidit descriptionem Europa, Abbreuiationes Blondi, Historiarum opus imperfectum, Epistolas ad diuersos, multaq. alia, quae in lucem sunt edita, praesertim vero lib. de rebus a se gestis. Claruit circa Ann. Domini M. CCCC. LXIIII.

Aldus Manutius iunior, Pauli filius, Aldi Nepos de bonis litteris, ac litteratis optime meritus, varia scripsit, multos Auctorum bonorum libros illustrauit, & nonnullos ex Graco in Latinum, & ex Latino in Italicum transtulit sermonem. Claret Anno Domini M. D. XCI.

Aloysius Lippomanus Venetus, & Episcopus Veronensis, qui sanctorum vitas, Cathenam in Genesim & Exodum omnibus doctis pergratam, & in Psalmos conscripsit, & alia, praesertim vero Cathenam in Leuiticum, quae in tenebris adhuc latet. Claruit Anno Domini. M. D. XLV.

Alphonfus Ciacon Hispanus Biacensis, vir profecto eruditissimus, antiquitarum belluo, librum de sancti Hieronymi Cardinalis dignitate docte quidem & exacte conscripsit, necnon historiam de anima Traiani a cruciatibus tartareis erepta, & alia, quae nondum edita sunt in lucem, circiter viginti volumina. Claret Anno Domini M. D. XCI.

Ambrosius sanctus, Episcopus Mediolanensis, patria Romanus, & Doctor Ecclesiae eloquentissimus, qui sacro Baptismatis fonte Augu-
stinum

stinum Christo Salvatori nostro peperit, Commentarios edidit in
Scripturam sacram, multaq. alia pie atque catholice scripsit: ri-
tumq. Antiphonarum, Responsoriorum, atque Hymnorum e Graeca
Ecclesia in Latinam, teste Sigeberto in Chron. Naucl. transtulit.
Claruit Anno Domini. C C C. LXXX.

Ambrosius Bergomensis, Ord. Eremitarum S. August. Calepinus e Calepio
dictus Oppido in Cenomanis ad 14. lapidem a Bergamo Brixiam ver-
sus ad Colles in sinistra parte sito, & a bonitate vini denominato:
καλὸς bonus, καὶ πίω, bibo, Calepinus dictus est: erat enim ex Fa-
milia Comitum Calepy. Hic diuinarum, humanarumq. litterarum
studiosus ac peritus, magno sane labore, Dictionarium ex innumeris
fere Auctoribus collectum non solum voces omnes Latinas, & Grae-
cas ad Poetas & Oratores, ad Medicos & Philosophos, & Mathe-
maticos, necnon ad Doctores Ecclesiasticos pertinentes, sed etiam Au-
ctorum, ac locorum omnium, siue propositionum attestationem ip-
sam comprehendens ordine congesit Alphabetico, & in lucem edi-
dit: opus quidem & doctis & indoctis valde utile, ac pergratum,
& cuiusvis litteraturae hominibus pernecessarium, ex eo enim tam-
quam e cella penaria voces omnes Latinae, Latiniq. scribendi mo-
di, explosa barbarie, nobis prompte subministrantur: quae item igno-
rabantur, aut a doctis in dubium reuocabantur, nunc discussa du-
bietatis, & ignorationis tenebra, latissime patent. Nec audiendi
sunt ij, qui aiunt hoc opus paruum olim fuisse codicem: erat enim
pergrande, ut ego ipse ex Exemplari primo omnium edito noui,
atque hoc idem Trithemius testatur, ipsum pergrande opus appellans.
idem ait Iacobus Philippus Bergomensis in supplemento chronicorum,
eiq. coetaneus: immo ipsemet Ambrosius opus pergrande appellauit
in Epistola nuncupatoria, qua Dictionarium Senatui, Populoq. Ber-
gomensis circa ann. Dom. M. D. dedicauit: nam secunda vice
M. D. IX. idem Dictionarium Aegidio Viterbiensi summo to-
tius Ordinis Augustiniani Magistro, tertia vero vice Conuentus
Bergomensis eidem Aegidio Cardinali M. D. XIX. dicauit.
Dolendum autem est, ex hoc Dictionario voces innumeras non so-
lum ad Doctores Ecclesiasticos, verum etiam ad varias artes perti-
nentes, quae scitu sunt digna, fuisse sublatas. Laudandi tamen
sunt qui ex eodem Dictionario, tamquam e tritico lolium, hoc est
voces ob Typographorum siue aliorum incuriam corruptas substule-
runt, vocibus quibusdam Latinis ac Graecis adiectis. Claruit Anno

Dom. M. D. I X. & decrepita atate, atque oculis orbatus. M. D. X. obiit. Ammianus Marcellinus historiam Romanam ab anno Christi. 98. usque ad 382. conscripsit & praesertim de rebus a Constantio, Iuliano Apostata, & Valentiniano gestis: qui, quavis Ethnicus, nonnihil tamen de Constantini donatione fateatur. Vixit sub yssdem Imperatoribus circa Ann. Dom. C C C. LXXXIII.

Anastasius Romanus, Apostolica Bibliotheca custos diligentissimus, atque instaurator, vir sane non solum in humanis scientiis, verum etiam in diuinis scripturis insigniter eruditus, necnon Graeca lingua, ac Latine peritus, iubente Nicphao I. cuius Bibliothecarius erat, transtulit e Graeco in Latinum sancti Ioannis Elcemofynarij vitam, unam Dionysii Hierarchiam, vitasq. multorum patrum. Scriptis historiam Ecclesiasticam, atque summorum Pontificum. Claruit Anno Domini. D C C C. LX.

Anastasius Germonius, Archidiaconus Taurinensis, vir profecto doctus, libros de Immunitatibus Ecclesiasticis, ac de Indultis Cardinal. conscripsit, & alia eruditis viris pergrata: edidit enim Sensiones pomeridianas pro lingua Latina, Paratita, siue Summulas ad quinque libros Decretalium, Animaduersionumq. libros duos ad ius Casareum & Pontificium. Claret atate nostra M. D. XCI.

Angelus Politianus, Grammaticus celebris, Philosophus, Orator, & Poeta insignis: Graeca item linguae, & Latine praesertim peritissimus, Epistoliarum libros 12. conscripsit, & Miscellanea, librumq. in errores Latinae linguae: edidit Elogia, Epigrammata Graeca & Latina, Herodianumq. historicum de Graeco vertit, & alia. Claruit sub Alexandro VI. circa ann. Dom. M. CCCC. XCIIII.

Antoninus Ordinis Fratrum Praedicatorum, Archiepiscopus Florentinus, Summam casuum conscientia satis grandem, & Chronicos libros, atque alia edidit. Moritur sub Federico Imp. III. Anno Dom. M. C C C C. LIX. Sexto Nonas Maij.

Appianus Alexandrinus Sophista, qui historia Romana libros, teste Volaterrano, 22. conscripsit, quorum nonem tantum ad nos perueniunt. Edidit & alia complura de varijs populorum bellis. Floruit sub Adriani Principis temporibus.

Aristeas Gracus, Ptolemai Philadelphi cubicularius, seu potius ὑπαρχηγος, idest protector qui clypeum ante Regem portabat, historiam de 72. Interpretibus conscripsit. Composuit etiam librum Mirabilium Orbis, & libr. Fabularum. Claruit sub eodem Philadelpho, Olympiade 124.

de 124. Anno ante Christi Aduentum . C C C . L .

Aristoteles Stagyrites Philosophus insignis , totiq. terrarum orbe celeberrimus , omniumq. Philosophorum Peripatetica schola princeps : cuius scripta , quae manibus omnium eruditorum ac studiosorum teruntur , longum esset recensere . Huius doctrina tanta est apud Philosophos , ac Theologos ea in facultate , necnon apud omnes bonarum artium professores , quanta vix umquam verbis explicari posset . De Aristotele Quintilianus loquitur in hanc verborum formam : Quid Aristotelem ? quem dubito , scientia rerum an scriptorum copia , an eloquendi suauitate , an inuentionum acumine ; an varietate operum clariorem putem . Hae Quintil. Libros supra trecentos , Plutarcho teste in Sylla , reliquit : vel quadringenta volumina , ut Suida placet . Hic fuit statura paruus , gibbosus , & balbutiens , sed ob summam eruditionem socius , praeceptor , & a secretis Alexandri Magni euasit . Platonem audiuit decem annis , vel viginti , ut scribit Laertius . Excessit aetatis suae Anno LXVIII. eodem quo Demosthenes anno mortuus est : hic in Apulia , ille in Eubaea : ambo profugi , Antipatro persequente .

Arnobius Afer presbyter , philosophus , & rhetor insignis in Africa florentissime Rhetoricam docuit , & aduersus Gentes libr. conscripsit , & Commentarios edidit in Psalmos , scripsitq. alia permulta . Claruit circa Ann. Dom. C C C .

Africanus Pedianus Patauinus historicus , qui etiam luculentos in Ciceronis orationes Commentarios edidit . Hic anno aetatis suae 73. captus fuit luminibus : postea tamen summo cum honore , & hominum gratia vixit annos 12. Eusebio teste . Floruit circa Neronis tempora circa Ann. Dom. LV.

Athenaeus Naukratita Grammaticus , Dipnosophistarum , idest argute scizeq. in conuiuiis differentium libros 15. conscripsit , opus varium & eruditum . Floruit sub Marci Antonini Principis tempore , circa Ann. Dom. C. XXXIX.

Athanasius S. Episcopus Alexandrinus , Theologus insignis , qui multa pie , atque catholice scripsit , quae longum esset recensere . Claruit tempore Valentiniani & Valentis Imperatorum , sed sub Valente obiit Anno Dom. CCC. LXXIX. Sacerdotij sui XLVI. Sexto Nonas Maij.

Augustinus S. Afer , Tagastensis , Eremitarum Ordinis fundator , baptizatus a B. Ambrosio suscepto , anno aetatis suae 30. cum dimidio die 5. Maij. Hic deinde anno aetatis suae 36. salutis vero 394. creatus fuit Epi-

scopus Hipponensis, & Doctor Ecclesie celeberrimus, Doctorumq. inbar
fulgentissimum, & lux, malleusq. hæreticorum iure nuncupatus, cuius
scripta tot tantaq. sunt, ut nihil fere a quopiam docto scribatur, aut
dicatur, quod eorum doctrina respersum non sit. Quamvis autem om-
nia eius opera sint insignia, & præsertim de Sanctissima Trinitate,
opus tamen de Ciuitate Dei ob mirificam rerum, & doctrinarum
varietatem celeberrimum est, quod inter cæmandum Karolus Ma-
gnus sibi legi curabat. Moritur anno Domini CCCC. XXXIII.
Ætatis sue LXXVI. Episcopatus XL. Quinto Kal. Septembris.
Augustinus Triumphus Anconitanus Ord. Erem. S. Augustini Theo-
logus insignis, permulta ad 42. scilicet librorum volumina edidit:
scripsit enim, & doctissime quidem in varias artes ac scientias,
necnon in sacram Scripturam. Edidit autem opus de Potestate Ec-
clesiastica more scholastico omnibus doctis gratissimum, & num-
quam satis laudatum. Milleloquium Augustini incæpit, sed mor-
te præuentus imperfectum reliquit, quod Bartholomæus Vrbinas
eiusdem ordinis perfecit. Claruit sub Ioanne XXII. Anno Dom.
M. CCC. XXVIII. Ætatis sue. LXXXV.

Augustinus Steuchus Eugubinus ex congregatione Canonicorum regu-
larium sancti Saluatoris, Episcopus Kissami insule Crete, & Bi-
bliotheca Apostolica præfectus sub Paulo III. ex nobilissima Far-
nesiorum familia, de perenni philosophia decem libros edidit, atque
de Constantini donatione contra Laurentium Vallam scripsit, &
alia complura, & in sacram Scripturam, præsertim vero in Pen-
tateuchum. Claruit circa ann. Dom. M. D. XL.

Aulus Gellius, qui nocturnum Atticarum libros erudite conscripsit, fuit dili-
gentissimus rerum priscarum perscrutator. Claruit circa ann. C. XLIII.

Ansonius Gallus Burdegalsis Augustorum præceptor, & Poeta in-
signis, cuius extant Epigrammata arguta quidem, & leporis plena
de Augustis, & alijs rebus. Epigrammatum librum ex Græcis
Poetis acceptum in Latinos numeros conuertit. Varijs item carmi-
nibus scripsit Epistolas, & soluta etiam oratione, & præsertim ad
Gratianum Imperatorem discipulum circa ann. Dom. C C C C.

B.

Bartholomæus Marlianus, Patritius Mediolanensis, Topogra-
phiam antiquæ Romæ, eiusdemq. admirandas res conscripsit.
Claruit anno Dom. M. D. LXVI.

Bartho-

Bartholomæus Platina Cremonensis vir suo tempore doctissimus, scriptor seu abbreviator Apostolicus & Sixti IV. familiaris, Bibliothecæq. Vaticanæ præfectus, scripsit librum de gestis & vitis Romanorum Pontificum, de naturis rerum, Epistolas, & quedam alia.

Moritur Roma ex peste sub eodem Sixto M. CCCC. LXXXI.

Bartholomæus Sibylla Dominicanus, Theologus non ignobilis, qui peregrinas questiones conscripsit, in quibus multa curiose tractantur.

Claruit Anno Dom. M. D. XXXIV.

Beda Venerabilis Anglicus, vel Britannus, Monachus Benedictinus,

Theologus celebris, qui ob vite modestiam Venerabilis dictus, vel ut alij volunt, quia visu orbatus dum in itinere quodam concionem haberet ad id faciendum cohortatus ab ijs, qui eum ducebant,

dicentes multas illic Gentes sacrum expectare sermonem, quamvis nemo adesset, audita fuerunt in ære, concione habita, hæc verba:

Benedixisti Venerabilis Beda. Multa in Scripturam sacram conscripsit, necnon Chronica ab Orbe condito ad ann. vsque 700. Edidit quoque Martyrologium, & alia permulta.

Hic fuit Strabi Glossæ ordinariæ frater, cuius discipuli fuerunt Rabanus, Alcuinus, & Ioannes Scotus, alius a Franciscano scholastico Doctore, & alij Viri insignes.

Moritur sub Leone Imp. Anno Dom. DCC. XXXII.

Actatis sua LXXII. Prid. Kal. Iunij.

Bernardus S. Burgundus Abbas Clarenvallis, oraculum sui temporis, plurima pie atque erudite conscripsit, & præsertim Commentarios in Cantica, & Super Missus est, Considerationem divinæ contemplationis ad Eugenium Pontificem: unde muneris Pontificij ratio narratur.

Varias insuper Epistolas edidit, Sermones item in sollemnibus diebus habitos, & alia permulta. Huius doctrina, divina potius tradita, quam labore comparata indicatur.

Claruit sub Conrado Imp. III. Anno Dom. M. C. XL.

Bernardus Breitenbachius Itinerarium Terræ Sanctæ conscripsit, varias linguas enarrans. Claruit ætate nostra.

Berosus Chaldeus, Sacerdos, Astrologus, & Historicus, cui ob prædictiones, quas Athenienses divinas existimarunt, simulacrum in Gymnasio inaurata lingua statuerunt, seriem rerum Assyria, & aliorum a diluvio fere vsque ad Iosue, Gentium item origines Graecis explicavit, & Chaldaicam historiam suam tribus comprehendit libris.

Scripsit & de posteris Noe, sed perpauca eius extant scripta, quæ Annii Viterbiensis produxit: hac tamen adulterina ad-

etis

Beda, cur dictus
Venerabilis.

Etis Viris indicantur . Claruit sub Seleuco Nicanore , & Antiocho eius filio ac successore , cui Chaldaicam historiam dedicauit .
Bessarion Nicanus , vir sane doctissimus , Patriarcha Constantinopolita-
nus & S. R. E. Cardinalis multa eruditissime scripsit , Platoniam do-
ctrinam secutus , namq. Bibliothecam insignem Resp. Venetia dono de-
dit : cuius tanta erga doctissimos viros fuit liberalitas , ut eius domus
artium liberalium , litterarumq. Asylum diceretur . Moritur atate
confectus sub Sixto IV. Anno Dom. M. CCCC. LXXXIII.
Blondus Foroliuiensis libros de Italia conscripsit , & alios historicos li-
bros , hoc est de gestis Romanorum , de Roma triumphante , &
instaurata , necnon alia quadam . Claruit atate nostra circa ann.
Dom. M. C C C C. LXXX.

Bonauentura S. Balneoregiensis Ordinis Minorum , Alexandri de Ales
auditor & discipulus , & S. R. E. Episcopus Cardinalis Alba-
nensis , atque Ecclesia Doctor , qui in Scripturam sacram , & in
quatuor Petri Lombardi Magistri Sententiarum libros edidit Com-
mentarios , nec non opuscula permulta docte ac pie scripta , qua
omnium manibus teruntur . De hoc Doctore sancto hunc in mo-
dum scribit Trithemius : S. Bonauentura in scribendo profundus est,
non verbosus : subtilis , non curiosus : discretus , non vanus : flammantia ,
non instantia verba proferens . Vnde & securius legitur , fa-
cilis ab amante intelligitur , vilius frequentatur : pauci scribendo
libros docuerunt utramque . Bonauentura autem & multos supe-
rauit , & paucos : dum eius doctrina deuotionem , deuotio instruit
doctrinam . Si ergo & doctus vis esse & deuotus , illius opusculis
esto intentus . Hac Trithemius . Doctor iste sanctus , a B. Thoma
sanctus , dum viveret , fuit appellatus . Alexander vero de Alex de
eo frequenter dicere solebat : In Fratre Bonauentura Adam peccasse
non videntur . Moritur sub Leone Papa X. in Concilio Lugdunensi An-
no Dom. M. CC. LXXXIII. in Ecclesia cathedrali sepultus .
Boetius vir consularis , Orator , Philosophus , & Poeta , multa , &
praesertim de consolatione philosophica libros versu , & prosa con-
scripsit . Edidit etiam libros & Commentarios in varias artes ac
disciplinas . Multos Aristotelis libros de Attica lingua in Latinam
transtulit : ingenio subtilis , sensu promptus atque catholicus , & ser-
mone Latino Ciceroni non inferior : gener Symmachi Patriij fuit ,
& sancti Benedicti amicus . Moritur eodem anno , quo Symma-
chus Patritius , & Ioannes Papa sub Anastasio , iussu Theodorici
Regis

Regis apud Rauennam post diuturnum exilium in carcere ingulatus Anno Dom. D. XXIII.

C.

Cato Maior, Orator, qui & censorius dictus est, originem ex Tusculano municipio trahens, Græciq. litteris ab Enniædoctus in Sardinia, quam subegit; septem libros originum conscripsit. Huius tempore Gracia Romanus nondum suas dederat litteras, quas tamen teste Plinio, inspiciendas non perdiscendas esse affirmabat: quin Græcos ex Italia expellendos sentiebat. Claruit ab Vrbe cond. Anno D. LIX. ante Christum. C. XCIII.

Calvus qui dicitur Ludovicus Calius Rhodiginus antiquarum lectio-
num libros 30. curiose, & eruditissime quidem conscripsit. Edi-
dit etiam quasdam in Ovidij Metamorphoseon annotationes. Cla-
ruit circa ann. Dom. M. D.

Cæsar Imp. dictus Iulius Cæsar, vir sane celeberrimus, bonarumq. li-
terarum cultor maximus, Commentarios edidit, & in Aegyptum pro-
fectus Fastos, sive Kalendarium Nymæ Pompilij, qui lunaribus
mensibus annos distinxerat, correxit, & ad solis cursum reuoca-
uit, ut Plinius lib. 18. cap. 15. testatur. Floruit ante Christi Ad-
uentum. Anno LXXXVII.

Cæsar Baronius Soranus, vir profecto in sacris historijs optime ver-
satus, Martyrologium eruditis Commentarijs insignitum edidit, An-
nalesq. Ecclesiasticos in lucem emittit, omnibus quidem pergratos.
Claruit etate nostra. M. D. XCI.

Cicero Arpinas vir doctissimus, gracili corpore, & infirmo, collo procero ac
senui, ut narrat Genebrardus; Oratorum omnium Romanorum cele-
berrimus, & Latine lingua parens, exulans post oppressam Remp. va-
cuus negotijs forensibus & civilibus multos quidem aureos libros philo-
sophicos, omnium qui Latine scripserunt, tum doctri-
na, tum sermone elegantia primos, quos enumerat initio lib. 2. de Divinatione: sed
in tribus de Natura Deorum seipsum superavit, Deo providente,
ut Idololatria per suos cultores oppugnaretur, quæ mox per Chri-
stum Salvatorem nostrum esset expugnanda, ac triumphanda. Pri-
mum enim refellit Deum Epicureorum, deinde Deos Stoicorum,
Planetas & alios, denique Deos populares, quos fabulosos, ho-
minesq. fuisse contendit. Extant eiusdem Ciceronis libri Rhetori-
ces plurimi, Orationum, & Epistolarum, quarum alia Familiæ
dicuntur.

dicuntur, alia ad Atticum, Brutum, & 2. fratrem sunt scripta, quae manibus omnium teruntur. Claruit sub Iulio Cesare, & Octauiano Aug. ante Christi Aduentum. Anno LXXXVII.

Claudius Claudianus Alexandrinus Poeta insignis, quem nonnulli Florentinum fuisse volunt, sed falso: hic apertus & facilius fuit ad carmen componendum varijs figuris ac sententijs plenum. Scripsit libros quatuor de rapin Proserpina, libros duos in Rufinum, duos item in Eutropium, vnum de Bello Gildonico, ac Getico, & alia permulta. Floruit sub Theodosio, & Honorij temporibus.

Clemens Alexandrina Ecclesia presbyter, Pansherij discipulus, & Origenis Magister, qui tam de diuinis scripturis, quam de secularibus litteris multa conscripsit. Floruit sub Sennero, & Antonino Principibus. Anno Dom. C C.

Columella, qui L. Moderatus Columella Gaditanus genere dicitur, libros de re rustica absolutissimos edidit. Claruit sub Claudio Principe.

Cornelius Publ. Tacitus historicus, Eques Romanus, historia Romana suae Annalium lib. 16. ab excessu Augusti, necnon libellum annorum 56. atque de Germanorum Populis, moribus, ac situ, & alia, conscripsit. Floruit tempore Claudij Tiberij Neronis anno ab Vrbe condita. D C C. LXVII. Vsq. ad Flauij Vespasiani tempus, Anno ab Vrbe. D C C C. XXII.

Cyprianus Caecilius Afer, Ecclesia Carthaginensis Episcopus & Martyr, Cacilio presbytero suadente ad fidem conuersus, a quo sortitus est cognomen, multa scripsit opuscula pie quidem, atque erudite. Martyrio coronatur sub Valeriano, Anno Dom. C C. XLIX. VIII. Kalendas Octobris.

Cyrillus natione Gracus, & Episcopus Alexandrinus, qui Concilio Ephesino contra Nestorium & Pelagium praesedit, multa scripsit opuscula, doctrina ac sententijs plena, & praesertim aduersus Nestorium, occulta eius venena refellens. Edidit quoque Epistolas, Homilias, & Sermones complures. Claruit Anno Domini C C C C. XXXII.

D.

Damasus S. Papa, natione Lusitanus, & sancti Hieronymi amantissimus, scripsit Summorum Pontificum gesta, necnon Epistolas varias, de fide contra haeticos, carminaq. diuersa: nam in pangendis

- pangendis versibus fuit peritus. Claruit Anno Dom. CCC. LXX.*
Diodorus Siculus, qui historiam res Romanas continentem, Bibliothecam inscripsit, historiamq. ipsam mille centum ac triginta annorum libris 40. distinxit. Claruit sub Augusto, teste Suida.
Diogenes Laertius historicus insignis, vitam & mores, decreta, & responsa Philosophorum conscripsit, idq. omne libris decem comprehendit.
Dion Cassius cognomento Cocceius, patria Nicaeus, vir consularis, qui Romanam historiam a Pompeio Magno usque ad Alexandrum Mamea 80. libris comprehendit, & vitam Ariani Philosophi, resq. gestas Traiani Imp. conscripsit, Romanam item historiam edidit, libris 25. comprehendens. Claruit sub Alexandro Seuero.
Diomedes Grammaticus multi ingenij vir, scripsit nonnulla ad grammaticam pertinentia admodum quidem utilia.
Dioscorides Pedacius Anaxarbeus Medicus, Marci Antonij & Cleopatra familiaris libris VIII. de materia Medica conscripsit, & unum de lethaliis venenis, eorumq. praecautione, & curatione. Scripsit etiam de stirpium, necnon plantarum differentijs. Claruit sub Iul. Caesare.

E.

Epiphanus Cypri Salamina Episcopus, & sancti Hieronymi amicus, ad eumq. misit Epistolas, tantaq. vite sanctitate clarus extitit, ut spiritu prophetiae meruerit illustrari, sacrarumq. litterarum scientia excellens scripsit aduersus omnes hereses, & alia permulta, qua ab eruditis propter res, a simplicioribus propter verba lectitantur. Scripsit & alia, de quibus S. Hieronymus mentionem facit. Historiam item tripartitam in Latinum transtulit. Claruit Anno Dom. C C C. XC.

Ephorus historicus Cumanus, Isocratis auditor, ac Theopompi discipulus, quorum alter freno, alter calcaribus indigebat, teste Suida, Epitomen historiarum Herodoti, & quae bello Peloponnesiaco gesta sunt, scripsit. Claruit sub Caesare, cuius erat familiaris.

Euagrius Monachus, & Macharij Aegyptij discipulus, vir sane doctissimus, & Antiochie Episcopus, quem Hieronymus multis diuersarum ἱστοριῶν Tractatus cum sibi legisse ait. Scripsit praesertim vitas Patrum, & vitam B. Antonij, & Commentarios in

Proverbia Salomonis. Claruit Anno Dom. CCC. LXXX.
 Eusebius ob arctam cum Pamphilo necessitudinem Eusebius Pamphi-
 li dictus est, qui fuit Episcopus Casariensis, Chronicos edidit li-
 bros, Historiam Ecclesiasticam ex Philone, Iosepho, Clemente
 Alexandrino, Egesippo & alijs. Scripsit item de preparatione
 Evangelica, & alia. Claruit Anno Dom. CCC. XX.
 Eustathius Epiphaneus, qui scripsit temporum Epitomen ab Aenea
 Troiano usque ad Anastasium Principem, sub quo fuit, & alia
 quaedam. Claruit sub eodem principe, circa annum Domini
 C C C C. XCVI.

F.

Festus Pompeius, qui & Sextus Pompeius Festus dictus est, scri-
 psit de verborum significatione, siue priscorum verborum cum
 exemplis, libros viginti. Claruit sub Augusto.
 Flavius Vopiscus, qui Principum Romanorum Aureliani, Taciti, Flo-
 riani, Probi, Firmi, Saturnini, Proculi, Bonosi, Cari, Carini, Nu-
 meriani viuas conscripsit. Claruit sub Numeriano.
 Franciscus Sanctus Ordinis Minorum institutor, Assisii in Vmbria
 natus, vir sane vita sanctitate celeberrimus, scripsit Regulam, ac Te-
stamentum breue. Claruit Anno Dom. M. C C. XX.
 Franciscus Toletus Cordubensis e Societate Iesu, Vir sane vita probita-
 te clarus, ac doctissimus, summorumq. Pontificum multis ab hinc
 annis concionator, eruditissime in Logicam & Philosophiam Ari-
 stotelis, necnon in Scripturam sacram Commentarios valde utiles,
 & omnibus pergratos conscripsit, & ad hanc usque diem, Euange-
 lio B. Iohannis explanato, & in lucem edito, in Lucae Euangelium
 scribit, & alia, quae nunc sub incudine iacent, lectoribus admo-
 dum profutura. Hic enim non minus facilis quam doctus in scri-
 bendo ac docendo est. hinc ab eruditis de eo passim dici solet:
TOLETUS DOCET. Claret aetate nostra, Anno Domini
 M. D. XCI.

Franciscus Alumnus Ferrariensis scripsit permulta ad Italicam lin-
 guam emendatiorem pertinentia, Fabricam scilicet mundi ac Di-
 uinitas inscripta, opera quidem magni laboris, necnon magne stu-
 diosorum utilitatis atque commoditatis. Claruit Anno Dom.
 M. D. LVIII.

Genebrardus

G Enebrardus vir quidem eruditissimus, Theologus Parisiensis, Divinarum, Hebraicarumq. litterarum professor regius, & nostra aetate percelebris, vniuersa historia Speculum, siue Chronographia quattuor libros ab Orbe condito ad nostra usque tempora conscripsit, & in lucem edidit, opus profecto admodum utile, & omni laude dignum. Floret Anno Dom. M. D. XCI.

Gratianus Monachus Benedictinus Bononiensis, vel Classensis, si credimus Trithemio, qui ex aliena opinione ait eum esse Etruscum, summorum Pontificum Decreta congesit: opus admodum utile, quod Gratiani Decretum vocatur: cui adiecta sunt Decretales Epistole Gregorij IX. Sextus item Decretalium Bonifacij VIII. Clementina constitutiones Clementis V. Extrauagantes Ioan. XXII. & Extrauagantes communes aliorum Pontificum. Sunt qui velint Gratianum natum esse Clusii, quod est Oppidum Mediterraneum in Tuscia, ut videre est in Pomario Eccl. Rancun. sed in codice vetustissimo, quod in Bibliotheca Vaticana asseruatur, legitur, eum esse Bononiensem; & in Cænobio S. Felici Bonon. Collegisse Decretum: & ab Eugenio III. circa ann. Dom. M. C. LXXXV. approbatum. Claruit Anno Dom. M. C. LI. vel M. C. XX. ut Trithemio placet in libro de Scriptoribus Ecclesiasticis, vel M. C. XXVII. ut idem Trithemius ait libro 2. de Viris Illustribus Ordinis sancti Benedicti.

Gregorius Nysenus Episcopus & Basilij Casariensis frater scripsit librum de Hominis imagine, & libros duos contra Eunomium, quos Hieronymus in Catalogo sibi & Gregorio Nazianzeno ab Auctore ipso lectos fuisse narrat. Claruit Anno Dom. C C C. LXXX.

Gregorius Pontifex Maximus huius nominis primus Patria Romanus ex ordine Benedictino sanctitate ac doctrina celeberrimus & Ecclesie Doctor precipuus, qui multa in Ecclesia & in Missa instituit, permulta in Pontificatu etiam scripsit, pie, atque catholice omnia, Moralia ceteris excellentiora, & utiliora, quamuis omnia sint existimatione digna. Hic propter res praeclare gestas, atque Anglos ad fidem conuersos, Magnus & Anglorum Apostolus dictus est, cuius precibus animam Traiani Imp. a tartareis cruciatibus ablatam fuisse, Alphonsus Ciacon exacte declarat. Moritur anno secundo Phoca Imp. Anno Dom. D C. V. miraculis clarus. Quarto idus Martij.

Gabriel Prateolus Marchosius de Vitis, Sectis, & Dogmatibus omnium hereticorum ab Orbe condito ad sua ipsius usque tempora libros 21. conscripsit. Claruit Anno Dom. M. D. LVIII.

Gabriel Barrius Franciscanus Calaber de locis ac rebus Calabriae scripsit, Romana lingua puritate ornatus. Claruit circa Annum Domini M. D. LX.

H.

Henricus Glareanus, doctus quidem Helvetius ex pago Glarona, scripsit librum de varijs populis, eorumq. linguis, & praesertim de recta Latini Graeci. Sermonis pronuntiatione, necnon & alia complura ad Grammaticam, & alias artes pertinentia: conscripsit etiam Commentarios, & Scholia in Linium, & in alios Auctores. Claruit sub Maximiliano Augusto circa annum Domini M. D. LXIII.

Herodotus, pater
historiae.

Herodotus Halicarnassens, quem Cicero lib. 1. de Legibus, historia Patrem appellat, quia fuit e primis Graecorum Historicis, historiam scribere cepit a Cyro Persarum Rege libris novem, quorum quilibet Musa nomine inscriptus est. Strabo tamen libro ultimo hunc non Historiam sed Mythihistoriam, hoc est fabulosam, edidisse ait. Claruit anno ab Urbe condita C C C.

Hieronymus sanctus presbyter S. R. E. Cardinalis, ut Alphonsus Ciacon recte probat, quem nos item in hac nostra Bibliotheca secuti sumus, rationes alias & auctoritates in medium afferentes, Patria Sirdonensis, & vir sane doctissimus ac Doctor Ecclesiae praecipuus, Latinam, Graecam, Hebraicam, & Chaldaicam linguas callens, ac de divinis Scripturis optime meritus, multa scripsit, qua in maxima habentur existimatione, & manibus omnium eruditorum teruntur: eaq. longu esset recensere. Moritur plenus dieru Anno Do. C C C. XXII.

Horatius ex Venusia, Oppido Apulia, Poeta Lyricus insignis, sententijs plenus, sed moribus obscaenis, vitaq. incontinentissimus, sectam Epicuream secutus, ut ipse ait, varia carminum genera edidit, qua Ode vocantur. Qua in re tulit palmam. Quod Quintilianus etiam testatur, dicens: Inter Lyricos solus fere dignus est legi Horatius: quoniam & insurgit aliquando, & plenus est incunditijs & gratia, varijsq. verbis & figuris felicissime audax. Hae Quintil. Laudatur item a Persio, & Ovidio, Apollinari & ab alijs.

alijs. Eius natalis, Crinito teste, fuit duobus circiter annis ante coniurationem Catilinae, qua tempore celebres erant in Civitate, ex Poetis Catullus, ex Oratoribus Cicero, ex Philosophis Varro, Terentius. Orbilius, quem alicubi plagosum vocat, a puero audiuit. Amicos ex Poetis habuit Tibullum, Virgilium, & alios clarissimos viros. Artem etiam Poeticam, Epodon lib. Satyras, Epistolas & Sermones carmine hexametro conscripsit: qua omnia manibus omnium teruntur, & in Scholis leguntur. Hic brevis statura fuisse traditur, corpore obeso, oculis lippis, ut ex carmine illius varijs locis colligitur. Floruit sub Augusto & Mecenate, quos miris laudibus celebravit. Mortuus est autem anno aetatis suae septimo, & quinquagesimo, si Eusebio credimus.

I.

Iacobus Pamelius, canonicus Brugenſis, & Doctor Louaniensis, qui in sancti Cypriani opera luculenter conscripsit, de libris sacris benemeritus. Scripsit Micrologum de Ecclesiasticis obseruationibus, & Catalogum Commentariorum selectiorum in Biblia, & alia. Floruit Anno Dom. M. D. LXXXIX.

Ignatius Martyr, Antiochena Ecclesia tertius post B. Petrum Episcopus, qui Christum post resurrectionem in carne se non semel vidisse omnino affirmat, & praesertim cum Christus ad Petrum & ad alios adiuit, ut narrat Hieronymus in Catalogo, scripsit Epistolas aliquot, hoc est, ad Ephesios, Magnesianos, Trallenses, Romanos, Philadelphos, Smyrnaeos, & ad Polycarpum, in qua Epistola mentionem facit de Euangelio translato a Hieronymo id ipsum affirmante: & in hac eadem Epistola Christum post resurrectionem se vidisse ait. Scripsit etiam Epistolas duas ad sanctum Ioannem, & unam ad Deiparam Mariam semper Virginem, Tribemio teste. Martyrio coronatur Anno Do. C. XI. Innocentius III. Anagninus Pontifex Max. vir sane doctissimus, & non minus probus, quam doctus, qui Concilium Lateranense II. omnium, quae umquam fuerunt in Europa, celeberrimum coegit, sermones doctrina & elegantia plenos, Commentarium in septem Psalmos ad Penitentiam pertinentes, libellum de mundi contemptu, & Epistolas Decretales feliciter edidit, & alia quadam. Mortuus est autem Perusiae anno sui Pontificatus 18. mense 7. die 16. Anno Dom. M. C. C. Ioannes V I I I. Pontifex Max. vir doctus, scripsit nonnulla, & praesertim

sertim Epistolas aliquot, ut videre est in Registro, quod in Bibliotheca Vaticana asseruatur. Vixit annos 2. mensem 1. dies 4. in Pontif. Anno Dom. D C C C. LI.

Joannes Chrysostomus, quasi os aureum ob eloquentiam dictus, Patriarcha Constantinopolitanus, Doctor Græcus & quidem celeberrimus, permulta, & varia doctissime, atque elegantissime scripsit. Moritur Anno Dom. C C C C. XL. Sexto Kalen. Februarij.

Joannes Posken prepositus Ecclesie sancti Georgij Colonienfis, qui Psalterium Chaldaicum Aethiopicis characteribus imprimendum curavit, adiecto Alphabeto, necnon legendi modo. Floruit circa annum Dom. M. D. LXXV.

v. Picus Mirabula
naturæ monstru. /

Joannes Picus, Mirandule comes, summus Philosophus, omnisq. bonæ literaturæ studiosissimus, qui tanta ingenij perspicacitate doctrinaq. exiit, ut natura monstrum fuerit vocitatus, scripsit in Genesim, & in Psalmos: nongentasq. conclusiones philosophicas, multaq. alia edidit opuscula. Claruit anno Dom. M. C C C C. XCIII.

Joannes Nauclerus prepositus Tubingenfis, Chronographiam scripsit ab exordio mundi breuiter comprehendentem res memorabiles seculorum omnium, ac Gentium usque ad annum Christi M. D. His Chronicis adnexum est additamentum Nicolai Baslij ab anno Dom. M. D. L: in annum usque M. D. XIII. huic vero tempori adiecta est Appendix usque ad ann. Dom. M. D. XLIII. cuius historia a Surio Carthusiano continuata est. Claruit anno Dom. M. D.

Joannes Trithemius ex ordine Benedictino Abbas Spanheimensis, deinde Peapolitanus, librum de Ecclesiasticis Scripioribus studiosis admodum utilem, atque commodum, qui incipit a primitiua Ecclesia ad annum usque M. C C C C. XCIII. Scripsit & Polygraphiam sex libris distinctam, hoc est varios sine multis scribendi modos, qui a Gellio scripta furtiua, ab Italis Cifra vocantur. Scripsit denique opuscula pene innumera, que in lucem non prodierunt, & præsertim Steganographiam, occultam scilicet scribendi rationem, ut in Polygraphia legitur, opus quidem admirandum, a voce Græca, στεγανος, idest occultus, & γραφή scriptio, dictam. Claruit sub Alexandro VI. Anno Dom. M. C C C C. XCIII.

Joannes Baptista Egnatius Veretus, insignis bonarum literarum in Patria professor, tres de Romanis Principibus, vel Caesaribus libros, & nonem de Exemplis instar Valerij Maximi edidit in lucem,

rem, observationes in Ovidium, & Commentarios in Epistolas Familiares Ciceronis conscripsit, & alia. Claruit anno Dom. M. D. L. Josaphath Barbarus Venetus, qui scripsit duo Itineraria, quorum unum est Tanense, alterum Persianum. Vixit circa ann. Dom. M. C C C C. LXX.

Josephus Hebraeus Patria Hierosolymitanus, & sacerdos scripsit Bellum Iudaicum, & libr. de Mundi Antiquitatibus, contra Apionem, ac de potentia dicendi, & alia. Hic quamvis Iudeus, genus tamen Christianorum persaepe laudauit, atque de Salvatore nostro Jesu Christo in lib. 18. Antiquitatum insigne testimonium scriptum reliquit. Huius volumina tante auctoritatis apud Romanos adhuc illo vivente fuerunt, ut in Bibliotheca publica fuerint asseruata, eiq. post mortem statua area a Senatu, & Populo fuerit constructa. Claruit Romae sub Vespasiano, & Tito Principibus, & ad Traiani usque tempus vixit. Anno Dom. C.

Irenaeus Lugdunensis post Photinum martyrem Episcopus Lugduni, & Polycarpi martyris olim discipulus, scripsit libr. 1. aduersus Gentes, libr. 5. contra haereses, de Monarchia Dei libr. 1. & alia quadam. Claruit sub Antonino Vero. Anno Dom. C. LXXV.

Isidorus Inuior Episcopus Hispalensis, vir sane doctissimus, scripsit Etymologiarum libros viginti, & in totam Scripturam sacram commentarios, necnon alia permulta edidit, quae longum esset recensere. Claruit Anno Dom. DC. XXX.

Julius Capitolinus vitas Caesarum aliquot ad Diocletianum Augustum scripsit, hoc est Antonini Pij, M. Antonini philosophi, Veri Imp. & Pertinacis, qui postremus post Aelii Lampridij historias habetur. Floruit sub Diocletiano Augusto, ad quem scripsit Caesarum vitas. Judas Apostolus scripsit parnam Epistolam, quae catholica est, & in ea fit mentio de libro Enoch.

Justinus philosophus & Martyr, Neapoli Vrbe Palestina natus, vir quidem doctissimus, scripsit multos libros aduersus Gentes, Dialogum contra Iudeos, & praesertim contra Triphonem Iudaorum Principem, contra omnes haereses libr. 1. contra Marcionem libr. 1. & alia. Claruit sub Antonino Pio. Anno Dom. C. L.

Justinus historiographus, qui Epitomen in Trogum tanta styli felicitate conscripsit, ut aliorum prope inuentum sibi vendicanerit. Floruit sub Pio Imperatore.

Justus lypsius scripsit in Cornelium Tacitum, & in alios Auctores, necnon

necnon Epistoliarum questionum 5. libr. & sectionum antiquarum commentarios edidit, & alia. Claret aetate nostra. M. D. XCI. Iuuenalis Aquinas, dictus Decius Iunius, Poeta Satyricus, qui in hoc scribendi genere omnes alios antecellit, sexdecim Satyras conscripsit. Frontonem Grammaticum primo audiuit, deinde praeceptis atque institutis Quintiliani fuit eruditus. In satyris conscribendis secutus est exemplum Lucilij, & Horatij: qua in re maximam laudem adeptus est, teste Martiali, qui ei plurimum detulit. Floruit sub Domitiano principe, & ad Nerva, ac Traiani aetatem peruenit.

L.

Lactantius Firmianus, qui & L. Caelius dicitur, Arnobij Rhetoris discipulus, vir sane pauperrimus, ut ait Eusebius, sed doctissimus, qui libros de diuinis institutionibus, hoc est, de falsa religione, & de vera & falsa sapientia pie atque catholice scripsit, necnon alia ad Christianam pietatem pertinentia. Senex in Gallia docet, ubi Crispo Constantini filio Magister praeficitur, ut Hieronymus in Catalogo testatur. Claruit sub Constantino Principe, cui fuit amicissimus, suaq. scripta dedicauit. Anno Dom. CCC. XX.

Leo I. Hetruscus, vel, ut nonnulli volunt, Romanus, rerum gestarum, doctrina, vitaeq. sanctitatis praestantia Magnus, qui omnium Romanorum Pontificum primus in Basilica Vaticana sepultus est, Sermones eloquentiae, ac doctrina maiestate refertos edidit, & alia item conscripsit. Hic fuit Ecclesiastica dictionis Tullius: sacra Theologia Mercurius: Rationum fidei Aristoteles: Auctoritatis Apostolica Petrus, & in Christiano pulpito Paulus. Moritur sub Leone I. Imp. Anno Dom. CCC C. LXI. Quarto Kal. Iulij.

Liuius Patavinus, historicus insignis, qui res Romanas miro artificio, luculentiq. sermone conscripsit, ad quem, Hieronymo teste 10. 3. ep. 103. in princ. ad Paulinum, lacteo eloquentiae fonte manantem de ultimis Hispaniarum, Galliarumq. finibus quidam nobiles adierunt: & quos ad contemplationem sui, ut Hieronymus ait, Roma non traxerat, unius hominis fama perduxit. Hic Historiam annor. 750. ab Urbe condita ad ann. 41. Augusti, vel ad Christvsque natalem scripsit libris 140. vel ut alij volunt, 142. teste Genebrardo: de quibus non nisi 45. supersunt. Claruit circa annum Dom. XXX. Mortuus est Patavi quarto Tiberij anno, ut Eusebius in Chronicis testatur.

Lucanus

Lucanus Cordubensis dictus M. Annens, Poeta celeberrimus, Seneca
 viri gravissimi, ac Tragediarum Scriptoris nepos. Hic Bellum ci-
 vile inter Casarem, & Pompeium hexametris, & alia conscripsit,
 in quibus maximam ingenij ac doctrina laudem adeptus est. Hunc
 Martialis valde laudat, dum multis carminibus eius natalem de-
 scribit. Quintilianus autem ipsum Lucanum magis Oratoribus,
 quam Poetis annumerandum esse ait. Est, inquit, ardens, concisus,
 sententijsq. clarissimis excellens. In concionibus admirandus
 atque excultus, adeo ut videatur satis exprimere elegantiam,
 & maiestatem Virgilij. Vere autem Poeta dici non potest, si vis
 poematis, a quo nomen Poeta sumitur, perpendatur, ut Aristoteles
 optime docet: non enim versus, sed poema facit Poetam. Hic Ro-
 mam ab infantia delatus, & adolescens factus, in Grammatica
 habuit praeceptorem Rhemnium Palemonem Vicentinum eruditissi-
 mum, sed tanta arrogantia virum, ut Marcum Varronem por-
 cum appellaret: & secum natas & morituras litteras iactaret. In
 Rhetoricis praeceptorem habuit Flautum Virginium. Graece deinde
 ac Latine non sine summa audientium admiratione declamavit: &
 inter ceteros condiscipulos, Bassum, & Persium Satyricos singulari
 dilexit benevolentia, mutuisq. officijs prosecutus est. Vxorem ha-
 buit nomine Polam Argentariam, mulierem quidem eruditissimam,
 qua cum Lucano ipso tres primos Pharsaliae libros emendavit: ce-
 teri imperfecti, & inemendati fuerunt relictī propter intempesti-
 um interitum. nam patefacta contra Neronem coniuratione, C.
 Pisone huius praclari facinoris Principe, Lucanus incisione vena-
 rum interfectus fuit iussu Neronis, qui cum prius amabat ob lau-
 des sibi tributas, sed postea mutavit sententiam, agre ferens laudes
 alienas, hinc carminum Lucani famam deprimebat: & hac de-
 tractione Lucanum fortasse ad conspirationem concitavit. Obijt igitur
 sub Nerone anno aetatis suae XXX.

Lucanī mors.

Lucretius, qui dicitur Titus Carnus Poeta, & philosophus antiquissi-
 mus, Epicureorum doctrinam, & Empedoclem poetam secutus, te-
 ste Crinito, sumpto amatorio poculo, sicut ait Eusebius, tanto su-
 rore percitus est anno suae aetatis 44. ut manu sua se interfecerit.
 Sex de rerum natura per insaniae intervalla conscripsit libros, quos
 Cicero, cuius aetatem is non multo antecessit, emendavit. Quod au-
 tem de Lucano dictum est, de Lucretio item dici debet. Hic enim
 vere Poeta, ob eandem rationem, dici non potest. Lucretij carmen
 elegantia

elegantia præstare Quintilianus testatur, qui tamen ipsius carmen multum difficultatis retinere ait, non modo propter ipsam materiam difficultatis plenam, verum etiam propter egestatem lingue & rerum nouitatem, ut ille ait. Ab hoc poeta Virgilius, ut ait Crinitus, non solum verba aliquot, sed locos pene integros transtulit.

De Lucretio hunc in modum ait Ouidius:

Carmina sublimis tum sunt peritura Lucreti,

Exitio terras cum dabit vna dies.

Et Statius:

Et docti furor arduus Lucreti.

Hic ex Lucretiorum familia, que Romæ insignis erat, natus censetur: & fuit Ter. Varrone, & M. Tullio paulo antiquior.

M.

Macrobius, Latine longæuus, vir quidem eruditissimus, scripsit Saturnaliorum libros, & Commentarios edidit in Somnium Scipionis. Claruit circa ann. Dom. D C C C C. L.

Marianus Victorius Reatinus, vir eruditissimus, & Episcopus Reatinus, postea Amerinus, qui Scholijs, multisq. rebus alijs opera sancti Hieronymi luculenter illustrauit. Floruit sub Pio IV. cui opera omnia sancti Hieronymi dedicauit circa annum Domini M. D. LXXVIII.

Marsilius Ficinus Florentinus, Philosophus ac Theologus, vir profecto doctissimus, & Platonica doctrina perspicuus & celeberrimus, ac primus omnia Platonis opera e Græco in Latinum feliciter transtulit, & in ea edidit argumenta, multosq. alios Græcos libros in Latinam vertit linguam, & Epistolarum libros aliquot, compluraq. alia scripsit. Floruit Anno Dom. M. C C C C. XC. Obijt autem septuagenarius eodem anno, quo Laurentius Medicus, Hermolaus Barb. Politianus, Mirandulanus, Landinus, & Sanonarola moriui sunt, quorum interitum Ficinus deplorauit.

Martialis, dictus M. Valerius Martialis, Poeta lepidissimus, ex Bilbili Hispania & Celtiberia oppido, qui 14. libros Epigrammatum conscripsit, ingenij acumine, facilitate, festiuitate, ac salibus respersos, lasciuos tamen interdum, & parum castos. Marsum Poetam, Pedonem, ac Getulicum secutus est: Catullum, & Licinium Caluum plurimi fecit in hoc scribendi genere claros: & inter amicos præcipuos

cipuos habuit Stellam Patavinum, Silium Italicum, & alios complures, ad quos scribit. Claruit sub Domitiano, Nerva, Traiano, & Adriano Imp. Postremo in Patriam redijt, ubi interijt.

Martianus Capella Carthaginensis, multa ingeniose, ac docte conscripsit, & praesertim de Artibus liberalibus libros septem, & alia. De huius tempore nihil certi inueniri potuit.

Mattheolus Petrus Andreas Senensis vir sane eruditus in 6. libros Dioscoridis Medici scripsit Commentarios longe doctissimos, ac libr. de Gallici morbi curatione & alia. Claruit circa ann. Domini M. D. L.

Messalla Corvinus, qui fuit tertius vir Terentia Ciceronis uxoris, post Salustium, Orator nitidus & candidus, Quintiliano teste libro 10. cap. 1. et; ut Crinitus narrat libro 1. cap. 12. de honesta disciplina, ex morbo amisit rerum omnium, suiq. item nominis memoriam. Scripta edidit luculenta, praesertim vero de Augusti Caesaris progenie, & mira diligentia, & assiduus officijs fouis Tibullum, qui Rome, ut creditur, natus est Hirtio & Pansa Coss. qui annus etiam Ouidij Poetae natalibus fuit insignis. Hunc Messallam euntem in Prouinciam Phaecom Tibullus comitatus, in itinere obiit adhuc iuuenis non sine maximo more Nasonis Poetae, necnon Horatij & Macri, quos familiariter dilexit. Claruit Messalla sub Augusto.

Michael Mercatus Miniatensis Protonot. Apost. & vir admodum eruditus, de Obeliscis perdoctum edidit librum. Scripsit etiam Metallothecam, opus sane non minus doctum, quam curiosum, ac principibus dignum, quod propediem in lucem proditurum audiui. Claruit aetate nostra M. D. XCI. sub Gregorio XIV.

N.

Nicephorus Callistus Xanthopulus, historicus Ecclesiasticus insignis ac diligentissimus, suam Historiam Ecclesiasticam a Christi natiuitate ad annum usque 625. decurrentem conscripsit. Edidit etiam Opuscula & Epigrammata, omnia senarijs (qui non quantitate, sed numerum Syllabarum obseruant ut in singulis versibus sint Syllabae 12.) metris conscripta praeter Orationem confessionariam, quae postremo loco soluta oratione habetur. Claruit Anno

d 2 Domini

Domini M. C C C. XXXII. Vel secundum alios ,
M. C C C. LXXXIIII. Sub Paleologo Imp.

Nicolaus Papa Sanctissimus, huius nominis primus, Patria Romanus, pijs humilis fuit & mansuetus ac blandus, impijs terribilis, Regibus ac Tyrannis imperans auctoritate plenus. Scripsit Decretales Epistolas a Gratiano collectas. Extat etiam eius Epistola insignis ad Michaellem Imp. de Ignatij Patriarcha Constantinopol. iniusta depositione: in qua Epistola mentionem facit de Iustiniano Imp. qui a Ioanne VII. Canonum sextae Synodi confirmationem postulauit. Claruit circa ann. Dom. D C C C. LXII.

Nicolaus Lyranus ex Ordine Minorum, natione Anglus, & Hebraica lingua non ignarus, utiles in vetus ac nouum Testamentum Commentarios edidit, & alia complura conscripsit. Claruit sub Ioanne XXII. Anno Dom. M. C C C. XX.

Nicolaus Myrepsus Alexandrinus libros edidit 24. medicinales, opus utile iuxta 24. litteras Alphabeti. De huius tempore nihil certi inueniri potuit.

Nonius Marcellus Tiburticensis, suae (ut putat Aldus Manutius) Turbubigenensis, ex Hispania ciuitate, Grammaticus insignis aliquot de nominum origine libros erudite conscripsit, necnon de proprietate sermonum, & alia ad grammaticam artem pertinentia. De tempore nihil certi habetur.

O.

O Nuphrinus Panuinius Veronensis Ordinis Erem. S. Augustini antiquitatum belluo; ut Paulus etiam Manutius in Epistolis ait, in rerum antiquitatibus inquirendis fuit curiosissimus ac diligentissimus, multosq. Scriptorum errores detexit, necnon a rebus multis tenebris abstulit, dum plurima atque utilia, omnibusq. eruditis viris pergrata conscripsit, & in lucem edidit, quae manibus omnium studiosorum terantur: fuit enim vir ad omnes Romanas & Ecclesiasticas antiquitates e tenebris eruendas natus. Scripsit & multa alia, quae in tenebris delitescent ob illorum causam, qui ea penes se asseruant, nulla publica utilitatis & commoditatis habita ratione. Quae autem in lucem prodierunt, sunt Fasti ac Triumphus Romanorum, Commentarij Reip. Romanae, & in Fastos consulares, Chronicon Ecclesiasticum, & Epitome Ro-

manorum

manorum Pontificum, & Cardinalium, ac de septem precipuis Roma Ecclesiis. Huius effigies ad vinum ex are expressa in Ecclesia sancti Augustini Roma visitur: infra vero Epitaphium honoris caussa ab amicis in marmore nigro incisum legitur. Obiit autem Panhormi Anno Dom. M. D. LXVIII. Decimo octavo Kal. Aprilis anno etatis sue XXXIX. Alexandrum Farnesium Cardinalem & Vicecancellarium in Siciliam profectus, praeclaris multis & perfectis & inchoatis industriae suae monumentis relictis. Orus Apollo Niliacus, qui Hieroglyphicas notas, hoc est sacras Aegyptiorum litteras declarare studuit, easq. paruo comprehendis libello. Huius scripta a Plinio lib. 30. cap. 37. citantur. De tempore autem nihil certi inueniri potuit.

Optatus Afer & Mileuitanus Episcopus sex contra Donatistas libros conscripsit, multas item Epistolas, & alia edidit. Claruit sub Valentiniano, & Valente Principibus. Anno Dom. CCC. LXX.

P.

Paulus Apostolus Iudaus, qui ante Saulus, ex Lupo in agnum mutatus, ex persecutore Ecclesiae, defensor factus, & predicator veritatis, ac Doctor Gentium, multas conscripsit Epistolas tum publicas tum priuatas Christiana pietate ac doctrina referatissimas, in quibus nomen IESV quingentis exprimit. Extant eiusdem Pauli Epistola ad Senecam scripta: Paulus enim & Seneca amici se mutuis litteris frequenter salutarum, quarum meminit S. Hieronymus in Catalogo, & S. P. Augustinus Epistola 54. Martyrio coronatur una cum Petro sub Nerone Anno Dom. LXIX.

Paulus Orosius presbyter Hispanus, auditor beati P. Augustini, cuius hortatu contra Paganos Imperij lacerationem Christianis temporibus tribuentes, historiam mundi usque ad Valliam Gothorum III. in Hispania regem, vel ad annum usque 421. septem libris conscripsit: cuius etiam extant Epistola ad Augustinum, & ad alios, & Commentary in Cantica Canticorum. Claruit vita & doctrina illustris cum sancto Augustino circa Ann. Dom. CCCC. XX.

Paulus Manutius Aldi filius, & iunioris pater, de bonis literis, literatisq. optime meritis, atque in Romana linguae puritate alter Cicero nuncupatus, multos edidit Commentarios, & Scholia, Praefationes, & Epistolas plurimas, omnia quidem omnibus pergrata, quae

ta, quæ manibus item omnium teruntur, & maxima existimatione, & auctoritate habentur. Claruit ætate nostra. Obijt anno Dom. M. D. LXXIIII. Annos natus plus minus LXXII. quo anno Aldus eius pater obijt, Anno Dom. M. D. XLV. & Cicero, Romanæ eloquentiæ pater.

Pausanias *Cæsariensis* Grammaticus, æqualis *Aristidi* scripsit librum unū de constructione, & *Problematum* alterum, & *Geographiam* uniuersæ Græciæ. Claruit ab Vrbe cōdita circa ann. CCC. æqualis fere *Herodoto*.

Persius *Poeta* *Satyricus*, *Volaterris* natus *Hetruriæ* oppido, pauca scripsit, doctæ tamen sed suboscure. Hinc aiunt *Augustinum* ante conuersionem satyras eius lætitantem, & non satis intelligentem, librum in ignem proieciſſe dicentem: Non vis intelligi, nec intelligaris. Præter sex satyras, nihil scripſiſſe aliud *Quintilianus* teſtatur lib. 10. in hanc loquens ſententiā: Multum & veræ gloriæ, quamuis vno libello, *Persius* meruit. Idem teſtatur *Martialis*. Præceptorem in Grammatica *Rhemnium* *Palemonem* *Vicentinum*, qui graues inimicitias exercuit cum *Varrone*, in *Rhetoricis* *Flauium* *Virginium*, in *Philosophia* *Anneum* *Cornutum*: in ſcribendis Satyris *Lucilium* ſecutus eſt: *Lucanum*, *Casium* *Baſſum*, & *Macrinum* plurimum dilexit. Claruit & probis moribus, & egregia vitæ integritate ſub *Domitio* *Nerone*, ſub quo obijt anno ætatis ſuæ XXX.

Petrus *Lombardus* *Novariensis*, *Magiſter* ſententiarum dictus, *Pa-riſienſis* *Episcopuſ*, & in *Abbatia* *Sanocina* *Calabriæ* ſepultus, ſummus *Theologuſ*, ſcripſit quattuor libros *Sententiarum*, quibus comprehendit *Trinitatem* diuinarum perſonarum atque unitatem eſſentiæ; *Mundi* creationem, *Chriſti* incarnationem, noſtramq. redemptionem, & ſeptem *Sacramenta* *Eccleſiæ*, ac denique quidquid ad vniuerſam pertinet *Theologiam*. Hinc factum eſt, vt docti viri fere innumeri ſcholæſtice, et, vt ſic dixerim, diſputatiue in quattuor illos ſcripſerint libros. Sunt qui velint *Petrum* *Lombardum*, *Gratianum*, qui *Decretum* conſcripſit, & *Petrum* *Comeſtorem*, vel *Manducato-rem* ob ſua ipſius ſcripta referentiſſima crebris ſcriptura ſacræ auctoritatibus, quas quaſi manducauerit, & ventri memoria mandarit, ita dictum, & *Scholæſtica* *hæſtorie* Auctorem, ſi nonnullis credimus, fratres nothos fuiſſe. Scripſit item *Petrus* *Lombardus* in omnes *Pſalmos*, in *Episto-las* beati *Pauli*, & ſermones, atque alia edidiſt. Claruit ſub *Conrado* *Imp. III.* & *Ludouico* *Cratſſo* *Francorum* Rege. Anno Dom. M. C. XL.

Petrus

Petrus Crinitus Florentinus vir doctus scripsit vitas virorum illustrium, qui in bonis litteris, floruerunt, & Poetarum praesertim Latino- rum. Hic etiam edidit Poematum, suae Odarum varij argumenti libros duos, de honesta disciplina libros 25. & alia complura. Claruit anno Dom. M. D. V.

Petrus Borrana Lucarnensis, vel de Lacu maiori, de Brossago libel- lum, Corona pretiosa, inscriptum edidit, in quo e regione confe- runtur vocabula linguarum quattuor, Italicae scilicet vulgaris, La- tine, Graeca vulgaris, & veteris Graecae. Idem Borrana testatur Graeca vulgari lingua, qua nunc vivuntur Graeci, Iliadem Homeri translatam fuisse atque impressam. Claruit Anno Dom. M. D. XLIIII
Philostratus Lemnius Sophista Veri Lemnij Sophista nepos, & Juliae uxoris Severi Principis, cuius tempore vixit, Epistolarum Magister, de vitis Sophistarum libros quattuor scripsit ad Severum, ac de vita Apollonij libros octo. Edidit etiam Declamationes, Epistolas ama- torias, Epigrammata, & alia quadam. Claruit sub eodem Saeculo.
Pierius Valerianus Bellunensis, ex sorore nepos Fratris Urbani Gram- matici Ord. Minorum vir sane doctissimus, scripsit opus satis gran- de ad Hieroglyphicorum declarationem, & intelligentiam pertinens, & in Virgilium castigationes. Claruit circa Ann. Dom. M. D. L. Sepulti sunt ambo Venerij ad eadem Fratrum Minorum.

Plato Atheniensis, Aristotelis Magister, Apis Attica, & schola Academica Princeps, quem S. P. Augustinus lib. 8. cap. 11. de Civit. Dei Moyses, & Hieremiae libros legisse in Aegypto sentit. Hinc ab Eusebio in libro 10. de preparatione Evangelica cap. 3. & ab alijs Moyses Atheniensis nuncupa- tur. Scripsit enim permulta Theologiam praesertim Christiana fidei ac doctrinae satis adsimilem. Nam in Timaeo scripsit de mundi Crea- tione: in Phaedone de paenis Purgatorij temporalibus, de paenis Infer- ni aeternis, ac de iustorum Paradiso: in Epinomi de sanctissima Trin- itate verbis partim mysticis, partim vero apertis mentionem faciens, & praesertim de Patre & Filio: In Alcibiadiade innuit Christi adven- tum, quem Deum & hominem appellare satis aperte videtur. Id omne Cyrillus Alexandrinus nititur ostendere, ac probare lib. 8. contra Iulia- num. Augustinus item lib. 7. confessionum cap. 9. ait se legisse quos- dam Platoniorum libros e Graeca lingua in Latinam translatos, in quibus legebatur sancti Ioannis Evangelij principium, hoc est: In principio erat verbum, & cet. usque eo: Sine ipso factum est nihil. Idq. verum esse multis rationibus inibi, eodem Augustino teste, proba-

probatur. Augustinus etiam libro contra hareses quinque, longe post principium ait, Mercurium Trismegistum conscripsisse librum, in quo legitur: Hic est Filius Dei benedicti. Hac item Richardus 1. Sent. distinct. 3. artic. 2. quaest. 2. enarrat. Quare idem Augustinus libro de vera Religione cap. 4. inquit: Platonici, paucis mutatis, Christiani fiere. Hac de Platone, cuius scripta permulta sunt, ut dixi, quae longum esset recensere. Natus est post initia belli Peloponnesiaci. Vixit annos XX. cum Socrate. Floruit circa ann. ab Vrbe condita. C C C C. quo tempore Philippus Macedonia regnum adeptus est, simul & Alexandrum genuit, ut ait Gellius lib. 17. cap. ultimo: paucisq. inde annis post, Plato ad Dionysium Sicilia tyrannum posteriorem profectus est. Obijt anno aetatis suae LXXXI. dum ad mensam in quibusdam nuptijs accumberet, teste Alumno Ferrariensi.

Plautus Poeta Comicus percelebris e Sarsina in Aemilia, teste Ioanne Baptista Mantuano Carmelita ad Iulium I I. vel ut aliqui volunt, Farsina, Aemilia item, vel Romandiole Civitate vetusta, ceteris Comicis praefertur multorum sententia, & Varronis praesertim dicentis: Si Musa Latine loquerentur, Plautino sermone loquerentur. Hic fuit vir sane cruditijs, & in Romana lingua clarus, sed ita pauper, ut siquando vacabat a mola asinaria, cui ob magnam paupertatem contractam ex pecunia omni in scenicis ornamentis, Crinito teste, erogata, erat addictus, fabulas componebat, quas deinde vendicaret. Gellius itaque libro 7. cap. 18. appellat Plautum parentem ac Principem in omni elegantia Latina. Plautus in conscribendis fabulis, aut Comædijs secutus est Demophilum, Philemonem, & Epicharmum Siculum Poetas Graecos, Horatio teste: ac de se Epigramma, quod infra videre est, composuit in hanc verborum formam:

Postquam est morte captus Plautus,
Comœdia luget, scena est deserta:
Deinde risus, ludusq. iocusq. & numeri,
Innumeri simul omnes collacrymarunt.

Obijisse traditur paucis annis post Q. Ennium Olympiade C. XLV. illudq. Epigramma in eius sepulchro incisum fuit, ut narrat Gellius. Id quod de Nevio etiam, & Pacuvio Poetis affirmatur, eodem Gellio teste libro 1. cap. 24.

Plinius Secundus Veronensis, qui Vespasiani negotia administrabat, notis,

etibus, & subcisius horis (ut ipse inquit) opus de rerum natura 37. libris distinctum conscripsit, unius omnium parcissimus temporis. Claruit sub eodem Vespasiano circa ann. Dom. LXXI. Sed obijt Traiani tempore, ut Naclerus ait in fine Gen. 4. ab incendio Vesunij montis, qui a Neapoli urbe quattuor passuum millibus distat, absorptus.

Plutarchus Chæronensis ex Bæotia philosophus multa quidem eruditio-
nis vir, conscripsit Vitas Virorum Illustrium 48. & libros Apoph-
tegmatum, quos Traiano dedicauit. Edidit etiam opuscula quàm-
plurima, necnon Moralia, quæ sunt omnis elegantis doctrina ple-
na. Scripsit denique de proprietate lingue Græcæ, siue de diale-
ctis apud Homerum, opus valde utile, cum Appendice Lexici Græco
latini, & alia. Claruit sub eodem Traiano, cuius fuit Magister,
circa ann. Dom. C.

Polydorus Virgilius Vrbinas vir doctus, diligens, & curiosus, de re-
rum Inuentoribus opus sane admodum utile conscripsit, necnon Pro-
uerbia, tresq. de prodigijs libros, & alia quedam. Floruit anno
Dom. M. C C C C. XCIX.

Pomponius Mela Hispanus ex Mellaria Beticæ oppido scripsit libros tres
de situ Orbis. Claruit sub Claudio Imperatore.

Pomponius Lætus Picentinus, ut Iouius narrat, ex populis maris Tyr-
rheni accolis, qui sunt Lucanis proximi, hoc est ex ijs, qui loca
inter Surrentinum promontorium & Silæum omnem incolunt, ex
illustri autem, ut idem ait Iouius, Familia Sansuerinate. Hic
Vallam habuit Præceptorem Romæ, ubi postea bonis litteris imbutus
ludum litterarium aperuit, & inter viros insignes, Alexandrum
Farnesium, qui deinde fuit Paulus III. Latinis litteris, & per-
politus quidem edocuit. Scripsit de Romanorum Magistratibus, Sa-
cerdotijs, Iurisperitis, & legibus libellum unum, de antiquitati-
bus Urbis Romæ alterum: Compendium item Romanæ historiæ ab
interitu Gordiani Iunioris usque ad Iustinum III. necnon de ar-
te Grammatica libellum. Domum habuit in Quirinali, prope Aedicu-
lam sacram sancti Saluatoris de Cornelijs, in qua hæc leguntur verba:

P O M P O N I I . L A E T I . D O M V S .
ET. SOCIETATIS. ECSQVILINAI.

Hæc in Inscriptione ponitur SOCIETAS pro Academia, ad quam
viri docti frequenter adibant. Vox illa ECSQVILINAI sa-
pit antiquitatem Latinorum, qui CS, pro X, & diphthongum
Græcam AI, pro AE usurpabant. Claruit sub Paulo II. qui

eum molestia affecit; necnon sub Sixto IV. & Innocentio VIII. quibus gratus fuit. Obijt septuagenarius circa annum Domini M. C C C C. XCII. sub Alexandro VI. a cuius Familia, eodem Ionio teste, purpureis vestibus induta eius exequiæ fuerunt decorate: Sepulchrum autem varijs fuit Epigrammatis honestatum: inter que Pontani Epigramma primum obtinuit locum.

Priscianus Cæsariensis Grammaticus de arte Grāmatica scripsit ad Iulianum Consulem, ac Patricium, hoc est, de octo partibus orationis libros 16. de constructione earundem libros duos, de duodecim primis Aeneidos librorum carminibus, de accentibus, de versibus comicis. Scripsit etiam de questionibus naturalibus librum unum ad Cosroem Persarum Regem, & Carmina Dionysii de situ orbis in sermonem transfudit Latinum. Hunc ab initio Christianum, deinde fidei desertorem fuisse Volaterranus testatur. Claruit Athenis tempore Iustiniani principis, atque, ut alijs placet, sub Heraclio Imp. & sub Cosroe Persarum Rege circa ann. Dom. DC. ut Nauclerus ait, vel DC. XX. ut nonnulli volunt: vel, ut alijs placet, DC. XL. vel tempore Gregorij Magni, vel non multo post Gregorium, quem anno Dom. DC. V. vixisse sub Phoca Imperatore Trithemius testatur.

Procopius e Caesaria Palestina Orator & Sophista scripsit de edifijs Iustiniani Imperatoris libros 6. Edidit item historiam Romanam, bella videlicet, quæ circa Romam, & per Libyam gesta sunt per Belisarium Patricium, cuius subscriba & comes in cunctis expeditionibus fuit. Historiam quoque annorum C. XLII. pertexit usque ad annum Christi D. LIIII. a quo Agathias eodem tempore suam deduxit historiam ad ann. usque D. LVI. ut Genebrardus etiam testatur. Scripsit præterea librum de non edendis, vel non editis, ubi Comædia quadam, Iustiniani, eiusq. uxoris Theodora vituperationem describit, ut Suidas testatur. Edidit quoque lib. 1. de Cosmographia, atque item libros tres de bello Gothico; ac duos de bello Persico, duosq. de bello Vandalico. Claruit sub eodem Iustiniano, circa ann. Dom. D. LIIII.

Propertius, qui dicitur Sextus Aurelius Propert. ex Menania Umbria Oppido, Poeta nobilis 4. Elegiarum libros conscripsit. Hunc Poetam Quintilianus, censor in litteris acerrimus, plurimum commendans, Ovidio, & Gallo in Elegijs præponit, eo quod ille lascivior, hic vero durior. Laudatur item Propertius ab Ovidio ipso, qui eum blandum, rewerum, ac dulcem appellat. Idem sen-

uit Martialis, qui eius ingenio, & amoribus plurimum tribuit. Floruit Romæ Macenatis & Cornellyj Galli temporibus, quibus maxime acceptus fuit. Ouidium; Tibullum, & Bassum maxime coluit. Obijt anno ætatis sue XLI.

Prudentius, qui & Aurelius Clemens Prudentius dicitur, Poeta Christianus, & vir quidem in diuinis, & humanis litteris peritus, necnon metro & prosa excellens, anno ætatis sue 75. mundi vanitate relicta, ad sacras sese contulit scripturas, multaq. vtriusque Testamenti & carmine, solutaq. oratione declarauit. Scripsit contra multos hæreticos, Epistolas varias, sacros Hymnos, historiarumq. librum 1. & alia complura. Sidonius Apollinaris hand omnino contemnendus auctor in legendis, atque obseruandis antiquis Scriptoribus, cum loquitur de Prudentio Poeta, minime verius est, illum Horatio adiungere. Precipuum vero laudem consecutus est, doctiorum iudicio, eo ex carmine, aut opere, quo probitatem atque constantiam illorum, qui se pro Christiana deuouerunt Religione, prosequitur, dum Laurentium, Vincentium, Romanum, Hippolytum, Cassianum, & alios sanctos complures laudat. Carmina item eiusdem Prudentij de Natali Domini, necnon gestis & miraculis Christi, atque de animis expiandis, deq. vitiorum, ac virtutum conflictu non parum commendantur. Floruit sub Gratiano Imperatore Anno Dom. C C C. LXXX.

Ptolemaeus, dictus Claud. Ptolemaeus Pelusiensis. Astronomus, ac Geographus natione Aegyptius, Alexandriae professus est, artium liberalium, & Græcarum litterarum studij clarus fuit temporibus Antonini, & primus apud Græcos celi rationem diligentius explicauit, nulliq. priorum in Astrologia scientia cessit. Hic Geographiæ libros 8. absolutissime scripsit, necnon Almagestum vulgo sic dictum magnæ constructionis Mathematica, idest perfectæ celestium motuum pertractationis libros 13. Scripsit etiam Centiloquium, hoc est centum sententias, & alia quædam. Claruit circa ann. Dom. C. XL. Publius Victor de Vrbe Romæ locis, ac Regionibus libellum edidit.

De tempore nihil certi potuit affirmari.

Pythagoras, quem nonnulli Samium, e Samo Calabria ciuitate nunc deleta, esse contendunt, teste S. Thoma lib. 1. Metaph. lect. 8. necnon Gabriele Barrio Francicano de situ Calabria lib. 2. Alij Samium ex Samo Græciæ insula, alij Locrensem Calabrum, alij Herusum, ut Plutarchus ait lib. 8. Sympof. q. 7. & Clemens Alexandrinus Strom. 1. Fuit

Italica philosophiae auctor, primusq. cepit philosophus appellari, teste Augustino lib. 8. de Civ. cap. 2. & lib. 18. cap. 25. Hieronym. in Catal. & Plutarch. de Curiositate. Navigavit in Aegyptum, ut Aegyptiacas disciplinas disceret, & pro suis apud Gracos venditaret. Peregrinatus est in Babylonem ac Persidem, atque Magos conuenit, teste Cic. lib. 5. Tuscul. quest. & in Danielem incidere potuit, ut ait Genebrardus. Deinde in Calabria apud Crotoniatas, ac denique Metapontum in Apulia non procul a Calabriae confinio, & in sinu Tarentino commigravit, ubi obiit, eiq. Metapontini Templum magnifice struxerunt, sicut ad hanc usque diem vestigia Templi docent. Discipulos ad sexcentos habuisse fertur, inter quos fuit Archita Tarentinus. Hic ab omnium animalium carnibus, & a fabis religiosissime abstinebat, Iuvenale satyra 15. & alijs id ita esse affirmantibus, hoc est Callimacho, & Cicerone lib. 1. de Divin. Gellius tamen libro 4. cap. 11. ex Auctoritate Aristoxeni, qui musicus fuit ac vir litterarum veterum diligentissimus, & Aristotelis discipulus, ait, nullo sapius legumine Pythagoram usum, quam fabis. Claruit & in Italiam venit, eodem Gellio teste, Tarchinij Filio regnum obtinente, cui cognomentum Superbus fuit, post Urbem conditam circa ann. C C. XLIIII.

2.

Q. *Curtius nobilis historicus, & nihilo inferior Casare in scribendo, scripsit historiam de rebus gestis Alexandri Magni. Hunc Aldus Manutius cum esse putat, qui a Cicerone ad Q. Fratrem Epist. 2. libri 3. nominatur bonus & pereruditus adolescens. Scripsisse autem eum sub Augusto, conijcitur ex eius historia libr. 10. circa finem.*

Quintilianus Rhetor insignis ex Calagurio Hispania Ciuitate in Vaseonibus collocata, primus Roma ludum aperuit litterarium, & e fisco Stipendium tulit. Institutiones Rhetoricas, atque Declamationes conscripsit. Floruit sub Domitiano, cuius nepotes instituit, circa ann. Dom. LXXXVI.

R.

R *abanus Maurus Ordinis S. Benedicti, Natione Germanus, ac Sextus Archiepiscopus Moguntinus, scriptor Ecclesiasticus, pius*

pius atque catholicus, scripsit in Testamentum vetus, & in nouum, atque alia quedam. Claruit Anno Dom. D C C C. LV.

Raphael Volaterranus ex familia Maffea, quae etiam nunc Volaterris est, historicus celebris, multa conscripsit, & praesertim libros octo ac triginta Commentariorum Urbanorum, & Procopium de bello Persarum & Vandalorum e Graeco in Latinum transtulit. Edidit etiam Geographiam, Anthropologiam, & Philologiam. Claruit autem circa ann. Dom. M. D. IHI.

S.

S Alustius, qui Crispus dicitur, historicus Romanus, a Quintiliano Thucididi ex Graecis opponitur elegantia scribendi, Attica breuitate, sententiarum crebritate. Quare Martialis lib. vii. ait:

Hic erit, ut perhibent doctorum corda virorum,

Primus Romana Crispus in historia.

Hic scripsit coniurationem Catilinariam, & bellum Iugurtinum. Claruit sub Iulio Caesare, & Octauiano ante Christi aduentum circa ann. XL. ab Vrbe condita D C C. X.

Scaurus, qui dicitur Q. Terentius Scaurus, Grammaticus antiquus edidit librum de Orthographia, ac decem libros Commentariorum in Poeticam Horatii conscripsit, & librum de Celsij Vindiciis Grammatici erroribus. Hunc Gellius libro ii. cap. 15. nobilissimum appellat, & Adriani temporibus floruisse, & contra Celsium scripsisse ait.

Seneca dictus L. Anneus, Natione Hispanus, Patria Cordubensis, Philosophus Academicus, Socionis Stoici discipulus, teste Hieronymo in Catalogo, nisi tectius sit corruptius, ut praesertim asteriscus ibi appositus: vel Photini item Stoici discipulus, Lucani Poeta patruus, & Neronis Magister, beati item Pauli amicus, ac vitae continentissima, ut idem Hieronymus & Augustinus testantur. Extant Senecae non solum Epistolae ad Paulum, & Pauli ad Senecam scriptae, sed complura etiam doctrina ac sententijs reuerentissima superioribus annis diligenter emendata, & in volumen unum redacta a M. Antonio Mureto, viro sane eruditissimo. Nec silentio praetereundum censeo, Senecam ante biennium quam Petrus & Paulus martyrio coronarentur, Neronis & crudelitatis & ingratiudinis vitio valde laborantis iussu incisis venis mortem obisse, cum

in Pisoniana coniurationis suspicionem venisset. Claruit sub eodem Nerone circa annum Dom. L.

Sigisfundus Gelenius Bohemus vir diuersis linguis & variarum rerum cognitione doctissimus, scripsit Lexicon Symphonum, quo 4. linguarum Europae familiarium, Graece scilicet, Latine, Germanicae, Sclauonica concordia consonantiaq. indicatur, ubi in omnibus praedictis linguis eiusdem significationis vocabula e regione ponuntur. Scripsit praeterea Annotationes in T. Liuium & in Plinij historiam naturalem, & multa e Graeco in sermonem transtulit Latinum. Obijt circa ann. Dom. M. D. LIIII.

Sigisfundus Liber Baro scripsit rerum Moscouitarum Commentarios. Floruit circa ann. Dom. M. D. XL.

Solinus dictus C. Iulius Solinus Polyhistor, idest multa historiae vir, de mundi miraculis conscripsit libros. Claruit circa ann. Dom. C. XXII.

Sozomenus & Socrates Graeci historici, necnon Theodoretus item Graecus Ciria Episcopus historias Ecclesiasticas eodem tempore, hoc est sub Theodosio iuniore Imperatore, Anno Domini C C C C. XXX. conscripserunt, quas Epiphanius in Latinum transtulit sermonem: & ex ipsis Cassiodorus Senator & Monachus continuam fecit historiam unam, quam Tripartitam appellauit.

Stephanus Graecus Chorographus celeberrimus librum de Urbibus, ac de earumdem, aliorumq. locorum aequiuocis. De tempore non liquet: fuit tamen ante Eustathium Homeri explanatorem, cum ab eo citetur liber de Urbibus sub Tit. τῶν ἰδρυμένων.

Strabo Amasens philosophus Cretensis, Historicus, & Geographus insignis, quae post Polybium a Romanis gesta sunt, libris 43. comprehendit. De Geographia vero libros 17. feliciter conscripsit. Claruit temporibus Augusti.

Suidas historicus ordine Alphabetico suum opus digessit atque edidit, quem Christianum fuisse nonnullis reclamantibus, affirmat Genebrardus, dicens: Mirum est, nonnullos asserere Suidam non fuisse Christianum, cum ubique liber ipsius reclamet, seorsum in voce εὐαγγέλιον, qui est Epitome libri cuiusdam Hesychij. Anno Dom. M. XVIII. adhuc Suidas vivebat, ut ipsemet ait in voce, Adam.

Suetonius Tranquillus, qui Caius Suetonius dicitur, scriptor nobilis, Vitae duodecim Caesarum conscripsit, necnon de illustribus Rhetoribus atque

atque Grammaticis libellos duos . Floruit sub Adriano , circa ann.
Dom. C. XVIII.

T.

Terentius Carthaginiensis ; qui dicitur Publ. Terentius Afer, fuit
Poeta Comicus elegantissimus ac percelebris, cuius Comedia sex,
ob sermonis elegantiam , ut ait Cicero , a Latio scribi putabantur.
Huic sententia ad stipulatur etiam Varro : immo Afranius omnibus
cum Comicis praefert . Volcatius autem non nisi sextum locum ei
tribuit inter Comicos , postponitq. ipsum Caecilio , Plauto , Neuiō,
Licinio , & Atilio Comicis . Phormionem & Hecyram vertit ab
Apollodoro Poeta Comico Atheniensi : Andriam, Eunnuchum, Adel-
phos , & Heautontimorumenon a Menandro Poeta item comico
Atheniensi , a quibus Terentius integros mutuatus est sibi versus,
& a Menandro praesertim, ut in Bibliotheca Fulvii Ursini dictum est :
in qua Terentius litteris manuscriptis temporibus Ale-
xandri Severi Imperatoris asseruatur : cuius margines Scholijs cha-
ractere Longobardico , & nonnullis Menandri versibus Graecis ab
ipso Terentio in Latinam linguam translatis , & suo Poemati in-
sertis referissima sunt. Hic fuit Terentij Lucani libertus, sed ob egre-
giam indolem Lelij & Scipionis opera ad nobiliorem statum per-
uenit . Claruit ab Vrbe condita circa ann. D C. XX.

Tertullianus, qui dicitur Q. Septimius Florens Tertullianus, Latino-
rum Scriptorum princeps , teste B. Cypriano , et , ut ait S. Hiero-
nymus in Catalogo , post Victorem Pontificem & Apollonium , La-
tinorum primus omni scientiarum genere praeclarus , acris & vehe-
mentis fuit ingenij , cui B. Hieronymus scribens ad Paulinum hac duo
potissimum illi adscribit , nimirum quod sit in sententijs creber , &
in loquendo difficilis . Cui sententia consonum est quod Lactantius
Firmianus in quinto Diuinarum institutionum libro scribit . Se-
ptimius (inquit) Tertullianus fuit omni genere litterarum peritus ,
sed in loquendo parum facilis , & minus comptus , & multum ob-
securus . Huius doctrinam Cyprianus magnificabat , atque ita , ut
ipsum appellaret Magistrum , & absque Tertulliana lectione nul-
lam diem praeire pateretur . Hic opuscula multa conscripsit , quae
in lucem edita sunt , sed multo plura sunt , quae non extant , elo-
quentissime scripta , ut B. Hieronymo placet . Hic denique, quam-

- nis animam corpoream atque item Deum corporeum, non autem effigiatum esse senserit, non tamen ob id hereticus censetur, sed quia transit ad Cataphrygas damnans secundas nuptias, teste Augustino libro de heresibus ad Quoduiledecum heresi 86. Verum postea Ecclesiastica prescriptionis vi considerata, eum respicere opinandum est: Montanum enim, eiusque amulos inter hereticos numeravit in libro de Prescriptionibus. Claruit Anno Dom. C C. Theſeus Ambrosius I. V. Doct. Papiensis & Canonicus Lateranen. Introductionem plurium linguarum scripsit, hoc est Chaldaicam linguam, Syriacam, Armenicam, & decem alias linguas, necnon characterum differentium Alphabeti circiter 40. Claruit sub Paulo III. Anno Dom. M. D. XXXIX.
- Thomas Aquinas Ordinis fratrum Predicatorum, Alberti Magni auditor ac discipulus. Vir sanctitate, ac doctrina celeberrimus, ingenio acutus, & sermone clarus, Doctor Ecclesie insignis, & inter Scholasticos Latinos primatum tenens. Plurima in artes, ac scientias, necnon in Scripturam sacram feliciter conscripsit, & ob facilitatem, qua in scribendo usus fuit in rebus difficillimis explicandis, Doctoris Angelici nomen iure adeptus est, cui etiam a Christo Crucifixo, ad quem orabat, dictum fuit: Bene scripsisti de me Thoma. Claruit Anno Dom. M. C C. LXXIIII.
- Thomas Linacer Natione Anglus, Medicina professor, Vir utraque lingua doctissimus, multa non solum de arte medica, verum etiam de Latina lingua, cuius extant Grammaticae rudimenta, ac de Latini sermonis emendata structura libri 6. Claruit Anno Dom. M. D. XX.
- Thomas Fazellus Siculus Ordinis Fratrum Predicatorum, de locis ac rebus Siculis conscripsit Decades duas, quas Frater Remigius Florentinus in Italicam transtulit linguam. Claruit sub Karolo V. cui Decades dedicavit: quas duobus post annis emendatas & auctas Philippo eius Filio, qui successit ei in Regno, dicavit. Anno Dom. M. D. LX.

V.

Valerius Maximus historicus Romanus, qui sub Sexto Pompeio militavit, ut ipse de se testatur eo loci, ubi de institutis antiquis loquitur, factorum, dictorumque memorabilium exempla ab illustribus

lustris selecta Auctoribus, & in locos communes digesta, librisq. nouem comprehensa ad Tiberium Casarem scripsit, sed suboscure tum ob voces, tum etiam ob concisum dicendi modum. Opus tamen studiosis utile admodum est. Claruit sub eodem Tiberio.

Varro Romanus, Lelii discipulus, qui dicitur Marcus Terentius Varro, vir eruditissimus, ac Polyhistor fuit, hoc est, multiscius, & ab Augustino sancto litterarum doctissimus appellatus, necnon librorum belluo. Hic quadringentos ac nonaginta libros destissime scripsit, teste Gellio libro 3. cap. 10. qui ex ipsius Varronis primo Hebdomadum libro refert, Varronem anno octuagesimoquarto aetatis suae quadringentos & nonaginta libros edidisse: vel, ut narrat S. P. Augustinus lib. 6. cap. 3. de Ciuitate Dei, unum & quadraginta. Et Quintilianus lib. 12. cap. ult. de eo inquit: Varro quam multa, immo pene omnia tradidit. Quare de Varrone huius generis praemia oria est: Varro tot tantaq. scripsit, ut nihil videatur potuisse *Praemia de Varrone*

legere: tantum e conuerso legit, ut nihil potuisse scribere videatur. Huius librorum Catalogum S. Hieronymus olim conscripsit, Varroni Originem conferens: sed hunc iniuria temporis, hominum incuriae annexa amisimus. Vetranius tamen Maurus vir sane doctissimus ac diligentissimus, vitam Varronis describens, eiusdem librorum Inscriptiones ex Cicrone, Gellio, Pompeio, Nonio, Fulgentio, Laetantio, Seruio, Macrobio, Augustino, Acronio, Porphyrio, Prisciano & Plinio collegit, quae hoc loco recensendae non sunt, cum in Lucem editae non sint. Extant de re rustica libri tres, quorum Primus est de Agricultura, Secundus de re pecuaria, Tertius de Villaticis passionibus. Hoc solum opus ex tot Varronis libris integrum ad nostram peruenit aetatem. De Latina lingua libros 24. scripsit, quorum pars una extat: hic enim fuit peritissimus Latinae linguae, omnisq. antiquitatis, & rerum Graecarum, nostrarumque, plus tamen scientiae collaturus, quam eloquentia. Claruit sub Caio Casare, tempore Ciceronis, ad quem scribit, & nonagenarius moritur anno Imp. Augusti XV.

Vincentius Gallus Natione Burgundus Patria Bellouacensis Ordinis fratrum Praedicatorum, quatuor conscripsit Specula, quorum unum Historiale dictum libris 32. Alterum Naturale lib. 33. Tertium Morale lib. 3. Quartum Doctrinale lib. 13. complexus est: opus sane studiosis valde utile: his enim libris historiam vniuersalem ab Orbe condito ad annum usque Christi 1250. comprehendit. Edidit etiam alia quaedam. Claruit autem anno Dom. M. CC. XL.

Virgilius

Virgilius Mantuanus, qui dicitur *Publius Virg. Maro a Marone* patre sic nuncupatus, Poeta celeberrimus, primum inter Poetas Latinos obtinens locum. Huius Poetæ Bucolicorum Eclogæ extant decem, & Georgicorum libri quattuor ab eodem Auctore emendati: Aeneidos vero libri duodecim, quibus tertiumdecimum Maphæus Végius feliciter subtexuit, ab ipso non fuerunt correcti: hinc, adveniente morte, cremari iussit: ipse enim, ut narrat Gellius libro 17. cap. 10. more atque ritu Virgino versus edebat, hoc est informes, & imperfectos, quos deinde quasi lambendo perpolitos, atque elegantissimos reddebat. His accedunt varia poemata, partim anonyma, partim vero Virgilij; quamvis ea fere omnia sub ipsius nomine circumferantur. Hic in Bucolicis Theocritum, qui Bucolicos versus lingua Dorica conscripsit, in Georgicis Hesiodum, quem sine ulla quidem controuersia longe superauit: In Aeneide secutus est ex Græcis Auctoribus, Parthenium, Pisandrum, Apollonium Rhodium, & in primis Homerum Poetas Græcos felicissime imitatus est: Ex Latinis Q. Ennium, Liniū Andronicum, Nauium, Lucretium, & alios complures. Virgilij vitam apud Donatum & Crinitū videre est, quæ eam copiose describunt. Claruit sub Caio Casare, & Octauio Augusto I. I. Rom. Imp. Nec silentio prætercundum videtur quod multi dicunt, & præsertim Vincentius, S. Antoninus part. 1. Chron. cap. 6. Tit. 4. §. 7. & Vinc. lib. 7. Spec. hist. cap. 62. & Aug. lib. 10. de Ciuit. Dei cap. 27. de 4. Virgilij Eclogæ, quam de Christo integram scriptam esse affirmant, sicut a Sibylla Cumæa fuerat descriptus: quibus verbis consideratis Secundianus Decij præfectus, Verianus pîctor, & Marcellinus Orator Christiani effecti sunt. Coluit inter præcipuos amicos, Asinium Pollionem, Corn. Gallum, Quinrilium Varum, Horatium Flaccum, & Mæcenatem, cum quibus summa vixit familiaritate. Octauio fuit acceptissimus, & in Exquilij secundum hortos Mæcenatis habitasse traditur. Tarenti perijt, ut Seruius refert: vel, ut alij volunt, Brundisij, contracta ægritudine ex itinere ad visendum Metapontum; propter calores, ac nimios æstus. Eius cadauer delatum est ad radicem Montis Pausilypi non procul a Neapoli, ubi sepulchrum visitur ad hanc usque diem prope SannaZari monumentum, de quo Bembus distichon edidit sepulchro eius marmoreo incisum in hanc verborum formam:

Da sacro cineri flores: hic ille Maronis
 Vicinus musæ, proximus ut tumulo.

In sepulchro autem Virgilij, cuius adhuc extant vestigia, legitur hoc Distichon :

Mantua me genuit, Calabri rapuere, tenet nunc
Parthenope : cecini pascua, vna, duces.

Hoc loco Calabri pro Apuli ponuntur : olim enim Apulia & Calabria dicebatur. Deplorauerunt eiusdem obitum complures docti, & inter ceteros Cornelius Gallus ad Casarem scribens Augustum. Claruit sub eodem Augusto. Moritur anno aetatis suae LIII. S. Antonina teste par. 1. Chron. cap. 6. Tit. 4. §. 7.

Vitruuius, qui M. Vitruuius Pollio dicitur, Architectus insignis, quo etiam omnes huius artis professores tamquam Magistro viuuntur, libros de Architectura decem conscripsit. Floruit sub Casare Augusto, ad quem scripsit.

Vopiscus Flavius historicus, qui varias Romanorum Principum vitas, hoc est, Aureliani, Taciti, Floriani, Probi, Saturnini, Proculi, Bonosi, Cari, Carini, & Numeriani conscripsit. Aunum suum ait Vopiscus vixisse sub Diocletiano.

X.

X Enopion philosophus Atheniensis, historicus laudatus, Socratis discipulus, & Platonis amulus, speciosus, moratus, & grauis omnibus, philosophorum primus scripsit historiam, Herodotum, & Thucydidem secutus. Claruit circa ann. ab Vrbe condita CCCC.

XI.

Z Enodotus Ephesus Grammaticus & Poeta, qui Bibliotheca Ptolemai Philadelphi praefuit, & filiorum Ptolemai praeceptor nonnulla ad artem Grammaticam pertinentia conscripsit, praesertim vero Prouerbia, primusq. Homeri libros correxit, & in ordinem redegit. Claruit sub eodem Ptolemaeo.

Zonaras, dictus Ioannes Zonaras Monachus, & Historicus, historiam Graece ab exordio mundi vniuersalem ad sua usque tempora, hoc est usque ad Michaelis VII. Imperatoris Constantinopolitani tempus conscripsit. Edidit Chronicam historiam a Julio Casare usque ad Alexium Comnenum I. Imp. Constantinopolitanum : Epitomen item ab initio mundi : Alexandri Magni vitam : Periphrasim etiam in totam Aristotelis Logicam.

cam. Conscripsit præterea Compendium historiarum in tres Tomos distinctum, quorum Primus agit de rebus Judaicis ab exordio mundi usque ad Hierosolymitanum excidium: Secundus historiam Romanam ab Vrbe condita usque ad Constantinum Magnum breuiter complectitur: Tertius Imperatorum res gestas a Constantino Magno usque ad obitum Alexij Comneni. Canones Conciliorum collegit & exposuit. Edidit Commentarios in Damascenum, & in Acta Apostolorum, ac denique Vocabularium composuit. Claruit sub eodem Alexio Comneno, & Ioanne Comneno circa ann. Dom. M. C. XX: quo tempore Georgius Cedrenus, & Glycas floruerunt. Zosimus Comes, homo Græcus, superstitioni addictus, & exitiosus, qui historiam Romanam 414. annorum ab Augusto ad Honorium usque Imp. & Athalaricum Gothum, qui Romam diripuit, sex libris scelerata fide conscripsit: fictis enim laudibus impios, Diocletianum scilicet, & Iulianum Apostatam exornauit, falsisq; criminibus pios Principes, Constantinum Magnum, Gratianum, Theodosium, & alios onerat: & ob id a probis viris ut canis proscriptus, sed quamuis impiissimus, tamen velit nolit Constantini donationem fatetur, dolore ob hanc rem, quam damnat, affectus. Vixit sub Honorio Imp. circa ann. Dom. C C C C. III.



BIBLIOTHECA

VATICANA

A SIXTO V. PONT. MAX.

MAGNIFICENTISSIME CONSTRUCTA

ET MIRABILITER ILLUSTRATA.



MULTA profecto sunt ornamenta, quibus Bibliotheca Vaticana magnificentissime constructa, egregie quidem & maiorem in modum illustratur, atque oculi, mentesq. hominum eam intuentium mirifice pascuntur, summaque animi voluptate ac solatio perfunduntur: e quorum numero Emblemata illa sunt, quibus SIXTI V. immortalitate dignissimi præclare ac feliciter gesta, quæ ad hanc usque diem prodierunt, repræsentantur, & hinc inde ob oculos ponuntur: necnon in eadem Emblemata Guilielmi Blanci Inscriptiones: Concilia item præcipua, Scholæ, & Bibliothecæ insigniores, atque litterarum lauentes. Sed antequam rerum huiusmodi expositionem aggrediar, id sciri velim, molem hanc a fundamentis excitatam, tot porticibus subleuatam, tot cubiculis & cameris amplificatam, tam vasto fornice circumductâ, tot picturis & imaginibus intus, & extra insignitâ, tot aditibus, & gradibus peruiam, tot fenestris unde quaque patefactam, unius anni curriculo, quo vix alius de opere faciundo cogitasset, a SIXTO V. ad res sane pias, heroicas, atque arduas, Principe quidem potentissimo, quin Pontifice summo ac se ipso dignissimas, efficiendas & producendas nato, feliciter cœptam, feliciusq. consummatam: DE A in cuius

in cuius rei testimonium hæc ad eam partem, quæ Theatrum, siue Meridiem spectat, legitur Inscriptio marmore incisa:

SIXTVS V. PONT. MAX.

BIBLIOTECAM ÆDIFICAVIT

PORTICVS CONIUNXIT

AN. M. D. LXXXVIII. PONT. III.

Hæc item Bibliotheca Vaticana quattuor habet facies: vnam, quæ vergit ad Orientem, ad Occidentem alteram, tertiam ad Meridiem, postremam ad Septentrionem. Porta autem Bibliothecæ primaria est ad Orientem, in cuius vestibulo variæ sunt picturæ tam ad pictoris arbitrium & ad operis ornamentum, quàm ad librariam & typographicam artem pertinentes. Bibliothecam verò ingredienti, & suspicienti statim fornix sese offert, varijs picturis & imaginibus distinctus & insignitus, in quo pueri aligeri choros, siue coronas, representantes, sibi inuicem libros porrigentes cernuntur, & in cuiuscunque chori medio imago librum manu gestans & scientiam aut artem aliquam præseserens adstare conspicitur, multis item id genus alis picturis, & ornamentis ad stemmata gentilitia SIXTI V. non minus ingeniose excogitatis, quàm venuste, atque artificioso vndequaque collocatis, atque ita, vt hæc omnia Cælum ipsum, quatenus humana imaginatio hoc sibi tale struere potest, ante oculos proponere videantur. In parietibus vero inter fornicem & eorumdem parietum coronas, varia Emblemata elegantissimis Inscriptiōibus explicata, seu potius iisdem tanquam poetico penicillo adumbrata circumspiciuntur, quæ quidem soluta & plenior oratione enucleanda mihi primum visa sunt; vt deinde alia omnia singulatim, & suo loco explicentur. Id quod pro ingenij mei imbecillitate præstare conabor.



DE
E M B L E M A T I S
EORVMQ. INSCRIPTIONIBVS
GVILIELMI BLANCI
INTIMI CVBICVLARII
S. D. N. SIXTI V.

A Tergo introitus Bibliotheca ad dextram partem apparet

Emblema . xxiij . I.

DE SIXTI V. CORONATIONE.



MOC Emblemate, quod ingentem vtriusque sexus hominum; & cuiuscunque status, gradus, & dignitatis virorum multitudinem in medium affert, SIXTI V. Coronatio celebrata kalendis Maij 1585. ante fores Basilicæ sancti Petri Apostolorum Principis, ad introitus laeuam, tota Vrbe exultante, Illustrissimorumq. Cardinalium Senatu amplissimo adstante, feliciter representatur.

Nec silentio prætereundū est, cur Coronatio Pontificis ante Ædes sancti Petri in Vaticano, non autem in Basilica Lateranensi, quæ summi Pontificis Ecclesia episcopalis est, fiat. Nam, vt paucis agam, hæc Coronatio in Vaticano celebratur, vel quia, vt conijci potest, summi Pontifices præfens in tempus hoc in loco solent residere: vel quia hæc Basilica, prima sub nomine sancti Petri, cuius summus quisque Pontifex est Successor, & Christi Vicarius, à Siluestro Papa huius nominis primo mirificis Constantini Imperatoris impensis, qui ab eodem Siluestro baptismum suscepit, constructa est quinque porticibus per intercolumnia distinctis, quas Naues vocant, magnis pulcherrimisq. columnis circiter centū sustentata, Anno Domini CCC. XIX. vt patet ex vetusto marmore inciso lapidem porphyreticum continente, & prope Portam sanctam sito:

*Coronatio Pontificis
cur fiat ante Ædes
S. Petri, in Vaticano.*

super quem lapidem ossa Sanctorum Apostolorum Petri, & Pauli ab eodem Siluestro diuisa, & librata fuerunt. Immo, vt ait Onuphrius in libro de septem præcipuis Vrbis Romæ Basilicis, hanc Basilicam parua Ecclesiæ forma primus ædificauit sub ipsa Beati Petri Apostoli morte Anacletus presbyter S. R. E. ab eodem Petro ordinatus, & tertius ab eo postea Pontifex Romanus creatus. Hinc Ecclesia hæc in Decreto appellatur prima, & ceterarum caput, idest, Apostolica, vt exponitur ab Hugone: quia prima, vt dictum est, sub nomine sancti Petri Apostolorum Principis fuit ædificata: ob quã rationem, necnon ob alias iam assignatas, Coronatio Pontificis fieri solet ante sancti Petri Ecclesiã: quã, vt, occasione sese offerente, parum per digrediamur, moxq. eo vnde digressi sumus reuertamur, ad Sacellũ vsque sancti Petri primariũ, in quo SS. Apostolorum Petri & Pauli ossa requiescunt, protẽdebatur. Sed Iulius II. veteris Ecclesiæ parte posteriori disiecta, Bramantis eximie industriæ Architecti opera, noua Basilicæ toto Terrarum Orbe celeberrimæ futuræ fundamenta iecit. Huius deinde fabricam à Leone X. & Clemente VII. nonnihil, vt narrat Onuphrius, intermissam, & Paulus III. ex Michaelis Angeli Bonarotæ Architectura; auxit. Hæc autem a ceteris Pontificibus ita continuata est, vt, testudinibus aliquot factis, & Sacello Gregoriano mira structura confecto, amplissimæ & mirificæ Basilicæ formam. ob oculos ponat, præsertim vero SIXTO V. sedente, qui Absidam, seu Tholum, quem vulgo Cupulam vocant, centum millibus aureorũ, singulo quocunque anno infumendis per operarios homines ad octingentos, breuissimo temporis spatio perficiendum curat. Quæ res etsi ardua est, ac pene olim ab omnibus desperata, animi tamen SIXTI V. magnitudo tanta est, tamq. rerum omnium admirabilis apparatus, vt summa diligẽtia Fabij Blondi, Patriarchæ Hierosolimitani, cui cura omnis est demandata, necnon Iacobi à Porta Architecti opera, non solũ ad finem deducatur, sed etiam totius Ecclesiæ fabrica suis omnibus numeris, Deo adiuuante, absoluehda iudicetur. Quod vt eueniat, boni omnes diuinam benignitatem suppliciter deprecantur. De hoc Tholo Franciscus Bencius, & alij ex Collegio Societatis Iesu, necnon Iosephus Castalio iurisperitus Latino scripserunt

Idem f.
sius pag.
417.

plerunt versu, rei q. magnitudinem mira facilitate, atque felicitate explicarunt.

Hæc pauca de opere tam excellenti dicere mihi visum est: nunc autem ad propositam Coronationem redeamus. Inscriptionis igitur Auctori huius generis Coronationem tam insignem, tamq. sublimem, qua nulla maior in Terris inueniri potest, secum animo reputans, hunc in modum ait.

INSCRIPTIO EMBLEMATIS.

*Hic tria Sixte tuo capiti Diademata dantur.
Sed quartum in Cælis te Diadema manet.*

CVM summus Pontifex, vt breuitati consulam, coronatur, capiti eius Tiara, quam, Regnum Mundi appellant, imponitur, tribus constans Coronis, tres potestates, hoc est, Imperatoriam, Regiam, & Sacerdotalem, plenariam scilicet & vniuersalem totius Orbis Auctoritatem representantibus.

Per Tiaram ipsam, quam Regnum Mundi passim appellant, Imperatoriâ ac temporalis Potestas: per Mitram verò, Pontificiâ & spiritualis Auctoritas significantur: & quoniam Auctoritas Pontificiâ prior ac dignior, necnon amplior atque diffusior est Imperiali potestate, quia Sacerdotium in populo Dei regnum præcessit, sicut Aaron primus Pontifex Saulẽ primum Regem, & Noe ipsum Nemroth præcessisse leguntur, hinc summus Pontifex in signum Pontificiæ Auctoritatis semper & vbique Mitra vti solet: Regno autem, Imperatoriâ scilicet Corona, non semper & vbique, sed certis diebus & locis, intraq. Ecclesiam inter eundum ac redeundum, nec in diuinis officijs celebrandis, nec in sacris faciendis. Sed quoniam qui hoc in mundo legitime certauerit, coronam sibi in Cælo parat, Auctor inscriptionis ait, quartam Coronam SIXTO V. repositam esse in Cælis: & hanc stabilem & perpetuam esse necesse est. Id quod etiam figura quadrata ex sui natura præsefert. Quadrũ enim, quacunque vertatur, stare cernitur: cuius instar iustus cum ceciderit non collidetur, quia Dominus supponit manum suam. Manet igitur SIXTVM, idest quartum Diadema expectat

Inn. III.
serm. 3.

Exod. 28.

Gen. 8.
Inn. III.
serm. 1. de
B. Siluest.

2. Tim. 2.

Aug. in
Psal. 88.
10. 8.

SIX-

SIXTVM in Cælo, tamquam iustum: & vere manet, quia stabile est: & amitti non potest, quia sibi æternitatem sortitur.

A tergo introitus Bibliotheca ad lænam apparet

Emblema. I I.

DE EPISCOPATVS LATERANENSIS
possessione adipiscenda siue capienda.



OC Emblemate, susceptio Episcopatus Lateranensis representatur, hoc est, cū SIXTVS V. Pontificia sollēnitate, ac pompa, Regibus Iaponēsisibus cū comitantibus, Basilicā Lateranensem, vt moris est, tamquā suā peculiarem, & primariā Ecclesiam agnouit, ac suscepit. Quo loco cernitur Pōtifex asturconi, quem chineā vulgo appellant, insidens, præeuntibus longo ordine tā intimis, quam extimis Cubicularijs, alijsq. nobilissimis viris, necnon Vrbis primatibus equitatibus (vt interim Celeres Equites, ac pedestres, & hastatos Heluetios silentio inuoluam) subsequētibz vero S. R. E. Cardinalibus Illustribz. Patriarchis, Archiepiscopis Episcopis, ceterisq. Præsulibus. Idq. miro conspicitur apparatu. Ecclesia hæc primaria dicitur, propterea quòd Constantinus Imperator eam quarta sui baptismi die intra Palatium Lateranense à Laterano ciue Romano dictum, vt in sexto Emblemate ad læuam Bibliothecæ sito fusiꝯ explicabimus, Saluatori nostro construxit, summoq. Pontifici Siluestro primo, a quo baptismum suscepit, dono dedit. Hæc item Basilica fuit prima Ecclesia publice constructa: & in hac sola Ecclesia ligneum est Altare arcæ adsimile, vt memoria præteritorum temporum conseruaretur, quibus, cum tyrannorum persecutionibus vexaretur Ecclesia, a sancto Petro vsque ad sanctum Siluestrum, Pontificibus locus certus ac definitus non fuit, sed in cryptis, siue in cœmeterijs, aut in piorum ædibus super illo Altari ligneo consecrare solebant. Hinc idem sanctus Siluester honoris gratia sanciuir, vt in eo, quod est Altare maius, præter Romanum Pontificem Missas nemo deinceps celebrare posset. Id quod ad hanc vsque diem executioni mandatur. Nam in dicto Altari non nisi sum-

mo

Dist. 96. c.
14. Con-
stantinus.

mo Pontifici, & Cardinalibus Episcopis per Pontificiā dispensationem, & in horum defectū, Cardinalibus presbyteris rem sacrā facere licet, sicut de Altari maiori sancti Petri, sanctę Marię maioris, sancti Laurętij extra muros, & sancti Pauli decretū huiusmodi obseruatur. Sancitū etiam fuit, sicut in Decreto legitur, vt hæc Basilica Lateranensis Saluatori nostro dicata, & Saluatoris nomine nuncupata, postremo autem sancti Ioannis dicta, principatum haberet non solum supra Patriarchales Ecclesias, Alexandrinam scilicet, Antiochenam, Hierosolymitanam, & Constantinopolitanam, verum etiam supra omnes in vniuerso terrarum orbe Ecclesias Dei. Quare Patriarchatus, Archiepiscopatus, Metropolis, & Episcopatus appellatur: summus autem Pontifex, summus Patriarcha, summus Archiepiscopus, summus Metropolitanus, summusq. Episcopus dici potest ac debet: sicut enim Ecclesia hæc, ita & Papa tum nomina, tum effectum horum omnium optimo quidem iure sibi sortitur. Basilica autem sancti Petri, cuius fabricam, vt legitur in Decreto, Constantinus, donatione facta, instituit, quamuis prima Beati Petri sedes dicatur, vt in Emblemate de Coronatione diximus, non tamen Archiepiscopatus, nec Metropolis, nec Episcopatus appellari potest, sed prima dicitur, idest, Apostolica, vt dictum est. Et quamuis Vrbs Romana instar vniuersi Orbis quattuor Patriarchales Ecclesias habeat, hoc est, sancti Ioannis Laterani, sanctę Marię maioris ad Pręsepe, sancti Laurentij extra muros, & sancti Pauli; Ecclesia tamen sancti Petri nec Patriarchalis nec Episcopalis Ecclesia est, vt dicitur à nonnullis, qui eā Episcopo Portuensi subiectam esse, & ad eius Dioccesim pertinere dicunt. Præsens tamen in tempus hæc Basilica sancti Petri Patriarchalis habetur & vocatur. Hinc quinque Patriarchales Ecclesię in Vrbe nominantur, & sunt. Hęc dicenda erant, vt sciretur, cur summus Pontifex iurisdictionem Episcopalem, non in Ecclesia sancti Petri suscipiat, sed in Basilica Lateranensi, quę Lateranensis a loco: Sancti Saluatoris à dedicatione: Constantiniana a conditore, Constantino magno: *Faustę*, ab vxore Constantini, vt Optatus Mileuitanus ait: *Aurca* ab ornamentis, & diuitijs: Sanctorum, Ioannis Baptistę, & Ioannis Euangelistę, ab eorū inuocatione nuncupata est, & Romanorum

*Diff. 98.
c. 24. Cō-
stantinus.
Ibid. vt
supra.*

*Aluar. li.
2. de Plan-
ctu Eccl.
cap. 22.*

*22. q. 2.
cap. 18.*

*Aluar. de
Planctu
Ecclesia
lib. 2. c. 11.*

norum Pontificum vsui ædificata V. Idus Nouembris circiter
annum Christi CCC. XVIII. & à sancto Siluestro consecrata.
Auctor autem Inscriptionis de hac suscepta possessione sic ait:

INSCRIPTIO EMBLEMATIS.

*Ad Templū Antipodes Sixtum comitantur euntem,
Iamq. nouus Pastor pascit ouile nouum.*

Cic. de vñ-
nio Scip. et
de Acad.
quest. lib. 4.
Macrob.
lib. 2. de
somm. Scip.
& Plin.
lib. 2. cap.
65.

HIC, vt reor, per Antipodas, Iapones tunc temporis Ro-
mæ commorantes vt summo Pastori obedientiâ præsta-
rent, sic dicti quasi contra nostros pedes non recta linea. sed
trauersali degentes, intelliguntur: Antipodes enim, sunt Po-
puli aduersa nobis vestigia vrgentes. Per ouile autem nouum
vel est allusio ad illā mundi partem tamdiu nobis ignotam, &
non multis ab hinc annis à Colūbo inuentā: vel Inscriptionis
Auctor Gentē illam Iaponum intellexit, partem pro toto su-
mens, ac si dixisset, nouam Gentem ad fidē Christi conuersam
in Catholica Ecclesia tanquā ouile nouum pasci, & gubernari
a Pastore nouo, id est, nuper creato. Id quod nō sine diuino con-
silio factum esse credendum est: sicut etiam de illa femina no-
bilissima, quæ tanquā Regina Saba ad sapientiam Salomonis
audiendam, iam inde ab Aphrico sinu ad SIXTVM V. vnā
cum alijs eiusdem Regionis hominibz, superioribus mensibus
venit, dicendū est. Hoc enim nouum aliquod Regnum acqui-
rendum, & ad fidem venturum, vel tale aliud præfigere mihi
videtur. Quod sua Deus benignitate faxit.

EMBLEMATA AD LÆVAM SITA.

Emblema.

III.

De Italia prædonibus & exulibus liberata.



EMBLEMA, quod Bibliothecam ingredientium
oculis primo ad introitus læuam sese offert, libe-
rationem Italiæ completitur: quæ eūdem antea ne-
fariarum, & perditorumq. hominum, prædonum
scilicet atque exulum incursionibus esset exposi-
ta, multisq. calamitatibus premeretur, SIXTO V. seden-

INSCRIPTION

te ab

te, ab omni infestatione liberatur, ac magna quiete perfruitur, exulibus ac prædonibus vndequaue expulsi.

Liberationis Symbolum.

OVES triplicem montem circumstantes inspiciuntur, in cuius fastigio positus cernitur leo, qui ignita fulmina deorsum torquens, Lupos omnes pascenti pecori aduersantes terrore, ac metu concussos in fugam hinc inde conijcit. Ouibus populi, Lupis prædones, Montibus qui supra reliquam terram se extollunt Ecclesia, Leone SIXTVS Pontifex, Fulmine Auctoritas eius & potestas representatur: & ad eiusdem Pontificis insignia allusio esse potest, in quibus Montes Patriam significantes pinguntur, necnon & Leo, qui dominatum, & magnanimitatem, itemq. fortitudinem, vigilantiam, & custodiam significat. Hinc in ædificio, præcipue vero in Fanorum valuis, sacrarumq. Ædium vestibulis Leones marmorei siue ænei tamquam diuinorum custodes, vt est passim cernere, statui solent.

Leo dum vigilat, oculos clausos, dum dormit, apertos habet. —

Leo enim dum vigilat, oculos clausos, cum vero dormit resecratos habere fertur: immo nonnulli putarunt, sed falso quidem Leonem semper somni esse expertem, quippe qui magnos cum habeat oculos palpebrasq. perexiguas; oculos penitus obtigere non potest, hinc splendor ab eius pupilla emicans in somnem ipsum representat. Huic autem Emblemati, liberationisq. symbolo, SIXTI V. cum Alcide collatio aptissime quadrat, si amborum insignia Leonem habentia, fortitudo, resq. gestæ perpendantur. Idcirco Inscriptionis Auctor hæc secum, vt opinor, cogitans, SIXTVM cum Alcide confert, & hunc in modum ait:

INSCRIPTIO EMBLEMATIS.

*Alcides partem Italia prædone redemit,
Sed totam Sixtus dic mihi, maior vter?*

HÆC Inscriptio præfert, maiora SIXTVM præstitisse, quam Herculem, ab Alceo, auo paterno, Alcidem, auctore

auctore Herodoto, dictum: vel ab Α'λυσ, quod est robur. Hercules enim montem Auentinum, Caco Vulcani filio, prae-
Enid. 1. done infami, teste Virgilio, extremamq. Calabriae & Italiae oram latrone Lacinio, a quo Promontorium Lacinium
Enid. 3. vocitatum est, dumtaxat liberauit, vt apud eundem Virgilium videre licet. Sed SIXTVS. V. vniuersam Italiam a praedonum, & exulum incurfionibus liberauit, ac tranquillam reddidit. Hanc liberationem Simon Cecchinus vtriusque signat. Refer. distichis ingeniose factis feliciter prosequutus est.

Emblema. I I.

De Obelisco Vaticano sanctissima Crucis dedicato.

*Plin. lib.
26. ca. 11.
Herod. lib.
22.*



RIORI Emblematis proximum est illud Obelisci Vaticani altitudinis palmorum 114. citra basim, olim a Sesostridis Filio Nuncoreo, seu Phærone in Ægypto excisi, deinde ab Imperatore Caio Caligula in Urbem transfusci, & in Vaticano locati, Augustoq. ac Tiberio Caesaribus dicati, nunc vero a SIXTO V. summa omnium admiratione in mediam Sancti Petri Aream, ante sacras Aedes translati, ac diuino cultui addicti: cuius fastigio idem SIXTVS Crucem imponi iussit. Hinc Auctor Inscriptionis rem tantam perpendens, operosum scilicet laborem, & Christianam eiusdem Pontificis pietatem a superstitionis memoria ad verum & diuinum cultum, hominum animos auocantem. Distichon ex suo libro Epigrammatum in eundem Obeliscum superioribus annis edito depròmens inquit multum valere hanc Obelisci Translationem ad SIXTI V. memoriam sempiternam, atque hunc in modum ait:

INSCRIPTIO EMELEMATIS.

*Dum stabit motus nullis Obeliscus ab Euris,
 Sixte tuum stabit nomen, honosq. tuus.*

*Amm.
Marcell.
lib. 27.*

O BELISCVS, vt nonnihil de eo dicam, est lapis asperri-
 mus in figuram metæ cuiusdam sensim ad proceritatem
 confur-

confurgens excelsam, vtq. radium imitetur paulatim gracilescens, specie quadrata in verticem productus angustum, manu leuigatus artificis. Huiusmodi molis inuentor, teste Plinio, Mytres fuit, qui Heliopoli, hoc est in Solis Vrbe cum regnaret, somnio iussus Soli ipsi, quem Ægypti colebant, Obeliscum consecrauit. De hoc autem Vaticano, eiusq. Translatione, ac dedicatione Petrus Galesinius Proton. Apostolicus eleganti scripsit oratione. Petrus item Angelius Bargæus de Obelisco eruditum edidit Commentarium. Scripsit etiam de Obeliscis et fusissime quidem Michael Mercatus vir in varijs disciplinis bene versatus. Multi denique alij de Obelisci Vaticani Translatione, et versu et soluta oratione scripserunt, quos breuitati consulens prætermitto. Nunc reliquum est, vt Inscriptiones, quæ dicto in Obelisco Vaticano incise leguntur, in medium proferantur. Harum duæ sunt vetustæ, hoc est:

Plin. lib.
28. ca. 8.

I.

DIVO CAESARI DIVI IULII F. AVGVSTI F. CAESARI DIVI
AVGVSTI F. AVGVSTO TIBERIO SACRVM.

I I.

DIVO CAESARI DIVI AVGVSTI F. AVGVSTO TIBERIO SACRVM.

Inscriptiones novæ sunt quinque, quarum vna in Obelisci fastigio hanc in verborum formulam sculpta est:

I.

SANCTISSIMÆ CRVCI SIXTVS V. PONT. MAX. SACRAVIT
E PRIORE SEDE AVVLVSVM, ET. CAESS. AVG. AC TIB.
I. L. ABLATVM. M. D. LXXXVI.

Ceteræ Inscriptiones in Obelisci Basi exculptæ cernuntur, vt infra:

I I.

ECCE CRVX DOMINI FVGITE PARTES ADVERSÆ
VICIT LEO DE TRIBV IYDA.

I I I.

CHRISTVS VINCIT, CHRISTVS REGNAT, CHRISTVS IMPERAT,
CHRISTVS AB OMNI MALO PLEBEM SVAM DEFENDAT.

I V.

SIXTVS V. PONT. MAX. CRVCI INVICTÆ OBELISCVM VATICANVM AB IMPYRA SVPERSTITIONE EXPIATVM IVSTIVS ET FELICIVS CONSECRAVIT ANNO DOMINI M.D. LXXXVI. PONT. II.
B 2 SIXTVS

SIXTVS V. PONT. MAX. OBELISCVM VATICANVM DIS-
GENTIVM IMPIO CVLTV DICATVM AD APOSTOLORVM
LIMINA OPEROSO LABORE TRANSTVLIT
ANNO DOMINI. M. D. LXXXVI. PONT. II.

Emblema.

III.

De annona Vrbi, & Italia subministrata.



BERTATIS hoc Emblema est. Romam enim
SIXTVS V. initio sui Pontificatus, annonæ ca-
ritate laborantem reperit: hinc idem SIXTVS
ei prudentissime succurrit, & coempto frumen-
to, & in Urbem asportato, effecit, vt in sum-
ma inopia, summa esset copia. Nec eo contentus, vt non so-
lum Vrbi, verum etiam Italiæ vniuersæ magna ex parte suc-
curreret, ac tempus in posterum prouideret, Paludes Pontinas
Volsorum iuxta forum Appij haud longe a Tarracina, &
ab Vrbe xxxix. passuum millibus distantes, olim a Corne-
lio Cethego Consule, atque sequentibus sæculis a Theodo-
rico Gothorum Rege iterum exsiccatas, nunc idem Pontifex
ad res egregias omnes, & pias, resq. omnium opinione ma-
ximas ac pene desperatas producendas natus, tertio exsic-
candas mandauit: ex quibus longitudine ad viginti, latitudi-
ne vero ad septem miliaria factus est Ager, ducentis millibus
aureis in eam rem impensis: atque hunc in modum ex Agro
Pontino de perpetua annona non solum Vrbi, sed toti etiam
Prouinciæ, quin & Italiæ sapienter prouisum est. Quam rem
Blancus in Eucharistico ad SIXTVM V. describens ait:

Per te exsiccantur vastissima stagna lacusq.

Iamq. ferax ager est, qua fuit ante palus.

VBERTATIS symbolum est arbor, Pyrus, fructu onu-
sissima, ad cuius radicem circumstant oues, Leone trun-
cum ungulis complectente, & arborem concutiente. Hinc py-
ris cadentibus, oues pascuntur. Hoc Emblema venustatem ha-
bet, alludens ad gentilitia SIXTI V. stemmata, quæ Leone
pyrum tenente constant. Quare Auctor Inscriptionis, vt fru-
menti

Plin. l. 4.
cap. 7. et
Liu. l. 14.

menti affluentiam, SIXTI V. Pontificis Maximi prouidentia, et pietate, omni ex parte laudanda, Italiæ, et Romæ præsertim subministratam decantet, hunc in modum inquit:

INSCRIPTIO EMBLEMATIS.

*Temporibus Sixti redeunt Saturnia Regna:
Et pleno cornu Copia fundit opes,*

NEMINEM latet, regnante Saturno, magnam frumenti in Latio fuisse vbertatem, agrosq. mirum in modum excultos, cum ipse Agriculturam inuenisse dicatur. Quare Inscriptionis Auctor tamquã probatissimorum Poetarũ omnium familiarissimus, mutuato sibi in priori versu Virgilij hemistichio, aurei sæculi felicitatem ab eodem Poeta inibi decantatam, nunc etiam vigere aperte demonstrat, & versu altero alludere sibi visum est, ni fallor, ad illud Horatij:

Ecloga 4.

Lib. 1. Ep.
ad Iccium.

Aurea fruges

Italia pleno diffudit Copia cornu:

Quibus ex verbis Poeta Cornucopiæ Herculi datum innuere videtur. Copia autem apud Poetas pro Dea habitata fuit, sicut etiam ab eodem Horatio expressius dictum est in Carmine sæculari, vbi eam appellat beatam inquitens:

Carm.
sæcul.

Apparetq. beata pleno Copia cornu. Nos autem cum assatim omnia inesse significare volumus, Cornucopiæ dicimus, & per cornu fructibus, & floribus, frumentiq. spicis plenum abundantiam repræsentamus.

Emblema.

I I I I.

De sancti Petri Statua in Columnæ Traianæ fastigio erecta.



EMBLEMA hoc, est de Columna Traianæ Cochlide, quæ nunc altitudine extat palmorum centum & septuaginta septem, habetq. intus centum & octuaginta quinque gradus, quibus ad summum fastigium ascenditur: fenestellas vero 45. quibus lumen excipit, egregijs Traiani præliorum, & ab eo subactæ

subactæ Daciæ sculpturis varie insignita, eiusdemq. statuam olim in summo vertice sustinebat: vel vt alij aiunt, pilam auratam, in qua cineres Traiani asseruabantur: nunc vero æneum sancti Petri Apostolorum Principis Simulachrum a SIXTO V. inibi collocatum sustinet, dextra manu librum, quo doctrina Ecclesiastica: altera clauēs, quibus duplex Pontificia potestas declaratur, gestantis. Huius columnæ dedicationem Petrus Galefinius Prot. Apost. soluta scripsit oratione, et luculenter quidem. Auctor autem Inscriptionis Dedicationem describens hunc in modum ait:

INSCRIPTIO EMBLEMATIS.

*Vt vinculis tenuit Petrum, sic alia columna
Sustinet: hinc decus est, dedecus unde fuit.*

ACVTVS est hoc loco Inscriptionis Auctor, sed eius sententiā facile assequetur qui sanctum Petrū Neronis iussu ad columnam quandā marmoream, quæ etiamnum hodie in Æde Beatæ Mariæ Trans pontem religiosè visitur, ferreis vinculis alligatum, & inibi verberibus cæsum nouerit. Id quod planum nobis fit ex Altari dicta in Ecclesia sito, quod Cælestinus III. Petro & Paulo, quorum columnæ, ad quas dum verberarentur alligati olim fuerunt, inibi visuntur, cōsecrauit, intra aram ab eodem Pontifice quattuor dentibus sancti Petri asseruatis, vt videre licet ex lapide satis vetusto dictas columnas indicante; & ex lamina quadam ferrea consecrationem Altaris exponente & nuper reperta, cum ipsa ara in Ædes nouas translata est. Cæsar item Baronius sacrarum historiarum indagator diligentissimus, in Annalibus Ecclesiasticis dictas Columnas commemorat, atque ijs sanctos Apostolos, Petrum et Paulum alligatos virgis cæsos fuisse ait. Id vero non absque diuino consilio factum esse credendum est, scilicet tāquam præcipuas Dei Columnas, et Christianæ Fidei Principes ad columnas ligatos vno loco, vna die, vnusq. tyranni sententia cæsos, martyriq. fuisse decoratos. Ille autem, vt Magistrum suum Christum tamquam ipsius Vicarius imitaretur, fuit Cruci affixus: hic vero, vt nomen suum post conuersionem sibi inditum factis responderet, capite fuit truncatus, seu diminutus. Quare, sicut Romæ

Romæ Beato Petro Columna illa fuit opprobrio, ita hæc Traiana nunc in eius laudem et honorem, piorumq. solatium cedit. Et sicut olim, tamquam Christi Athleta fortissimus, in columna strenue decertauit, ita nunc in columnæ fastigio triumphum agit gloriosum. Nam ratione postulante, per quæ quis meretur, per eadem honorem assequi eum debere, dicendum est. Ob id Inscriptionis Auctor dixit:

Hinc decus est, dedecus unde fuit.

Hoc non nisi historiam enarratam præferre videtur: cetera adeo plana sunt, ut declaratione non egeant. Nunc autem reliquum est, ut Inscriptiones tum veterem, tum nouam in basi Columnæ cochlidis incisâs hoc in loco apponamus. Vetus inscriptio Traiano Imperatori Cochlidem dedicatam ad illius montis olim inibi extantis altitudinem erectam fuisse docet, ut infra videre est.

SENATVS POPVLVSQ. ROMANVS

IMP. CÆSARI DIVI NERVÆ F. NERVÆ TRAIANO AVG.
GERM. DACICO PONT. MAXIMO TRIB. POT. XVII. IMP. III.
COS. V. P. P. AD DECLARANDVM QVANTÆ ALTITVDINIS
MONS ET LOCVS TAN IVS SIT EGESTVS.

Hac in Inscriptione Cochlidis Traiano dedicatæ, duo semideleta reperiuntur verba: hinc eorum sensus desideratur. Sunt qui eas voces imperfectas in integrum restituendas opinantur hoc modo: Tantis operibus. Alij: Tantis viribus. Alij: Tantis ruderibus. Alij autem: Tantis molibus. Inscriptio autem noua in Columnæ fastigio ad sancti Petri pedes incisâ et in quattuor partes distincta in hanc formulam legitur:

SIXTVS V. B. PETRO APOST.

PONT. A. III.

Hac Inscriptione, atque dedicatione videre licet, quanta sit summi Pastoris pietas numquam satis laudata, gentilitatis impietate ac superstitione ablata, christiana obseruantia, conseruata et aucta, Vrbeq. vndique illustrata. Dum enim sacra effigies Beati Petri ænea in Traiani Columna tam celebri pijs precibus rite ex Ecclesiæ præscripto expiata collocatur, honor sanctis & Apostolorum præsertim Principi exhibetur, mentes hominum ad Christianam pietatem excitantur, & Vrbs ipsa pijs ornamentis decoratur. De hac Colum-

in cuius rei testimonium hæc ad eam partem, quæ Theatrum, siue Meridiem spectat, legitur Inscriptio marmore incisa:

SIXTVS V. PONT. MAX.

BIBLIOTECAM ÆDIFICAVIT

PORTICVS CONIUNXIT

AN. M. D. LXXXVIII. PONT. III.

Hæc item Bibliotheca Vaticana quattuor habet facies: unam, quæ vergit ad Orientem, ad Occidentem alteram, tertiam ad Meridiem, postremam ad Septentrionem. Porta autem Bibliothecæ primaria est ad Orientem, in cuius vestibulo variae sunt picturæ tam ad pictoris arbitrium & ad operis ornamentum, quam ad librariam & typographicam artem pertinentes. Bibliothecam verò ingredienti, & suspicienti statim fornix sese offert, varijs picturis & imaginibus distinctus & insignitus, in quo pueri aligeri choros, siue coronas, representantes, sibiq. inuicem libros porrigentes cernuntur, & in cuiuscunque chori medio imago librum manu gestans & scientiam aut artem aliquam præseferēs adstare conspicitur, multis item id genus alis picturis, & ornamentis ad stemmata gentilitia SIXTI V. non minus ingeniose excogitatis, quam venuste, atque artificioso vndeque collocatis, atque ita, vt hæc omnia Cælum ipsum, quatenus humana imaginatio hoc sibi tale struere potest, ante oculos proponere videantur. In parietibus vero inter fornitem & eorundem parietum coronas, varia Emblemata elegantissimis Inscriptiōibus explicata, seu potius iisdem tanquam poetico penicillo adumbrata circumspiciuntur, quæ quidem soluta & plenior oratione enucleanda mihi primum visa sunt, vt deinde alia omnia singulatim, & suo loco explicentur. Id quod pro ingenij mei imbecillitate præstare conabor.



DE
E M B L E M A T I S
EORVMQ. INSCRIPTIONIBVS
G V I L I E L M I B L A N C I
I N T I M I C V B I C V L A R I I
S. D. N. S I X T I V.

A Tergo introitus Bibliotheca ad dextram partem apparet

Emblema

DE S I X T I V. C O R O N A T I O N E.



O C Emblemate, quod ingentem vtriusque sexus hominum, & cuiuscunque status, gradus, & dignitatis virorum multitudinem in medium affert, S I X T I V. Coronatio celebrata kalendis Maij 1585. ante fores Basilicæ sancti Petri Apostolorum Principis, ad introitus læuam, tota Vrbe exultante, Illustrissimorumq. Cardinalium Senatu amplissimo adstante, feliciter representatur.

Nec silentio prætereundū est, cur Coronatio Pontificis ante Aedes sancti Petri in Vaticano, non autem in Basilica Lateranensi, quæ summi Pontificis Ecclesia episcopalis est, fiat. Nam, vt paucis agam, hæc Coronatio in Vaticano celebratur, vel quia, vt conijci potest, summi Pontifices præsens in tempus hoc in loco solent residere: vel quia hæc Basilica, prima sub nomine sancti Petri, cuius summus quisque Pontifex est Successor, & Christi Vicarius, à Siluestro Papa huius nominis primo mirificis Constantini Imperatoris impensis, qui ab eodem Siluestro baptismum suscepit, constructa est quinque porticibus per intercolumnia distinctis, quas Naues vocant, magnis pulcherrimisq. columnis circiter centū sustentata, Anno Domini CCC. XIX. vt patet ex vetusto marmore inciso lapidem porphyriticum continente, & prope Portam sanctam sito:

*Coronatio Pontificis
cur fiat ante Aedes
S. Petri, in Vaticano.*

*De Basil.
S. Petri.*

3.9.6.9.

*Idem fu-
sius pag.
427.*

super quem lapidem ossa Sanctorum Apostolorum Petri, & Pauli ab eodem Siluestro diuisa, & librata fuerunt. Immo, vt ait Onuphrius in libro de septem præcipuis Urbis Romæ Basilicis, hanc Basilicam parua Ecclesiæ forma primus ædificauit sub ipsa Beati Petri Apostoli morte Anacleus presbyter S. R. E. ab eodem Petro ordinatus, & tertius ab eo postea Pontifex Romanus creatus. Hinc Ecclesia hæc in Decreto appellatur prima, & ceterarum caput, idest, Apostolica, vt exponitur ab Hugone: quia prima, vt dictum est, sub nomine sancti Petri Apostolorum Principis fuit ædificata: ob quã rationem, necnon ob alias iam assignatas, Coronatio Pontificis fieri solet ante sancti Petri Ecclesiã: quã, vt, occasione sese offerente, parumper digrediamur, moxq. eo vnde digressi sumus reuertamur, ad Sacellũ vsque sancti Petri primariũ, in quo SS. Apostolorum Petri & Pauli ossa requiescunt, protèdebatur. Sed Iulius II. veteris Ecclesiæ parte posteriori disiecta, Bramantis eximie industriæ Architecti opera, noua Basilicæ toto Terrarum Orbe celeberrimæ futuræ fundamenta iecit. Huius deinde fabricam à Leone XI. & Clemente VII. non nihil, vt narrat Onuphrius, intermissam, Paulus III. ex Michaelis Angeli Bonarotæ Architectura, auxit. Hæc autem a ceteris Pontificibus ita continuata est, vt, testudinibus aliquot factis, & Sacello Gregoriano mira structura confecto, amplissimæ & mirificæ Basilicæ formam, ob oculos ponat, præsertim vero SIXTO V. sedente, qui Absidam, seu Tholum, quem vulgo Cupulam vocant, centum millibus aureorũ, singulo quocunque anno infumendis per operarios homines ad octingentos, breuissimo temporis spatio perficiendum curat. Quæ res etsi ardua est, ac pene olim ab omnibus desperata, animi tamen SIXTI V. magnitudo tanta est, tanq. rerum omnium admirabilis apparatus, vt summa diligẽtia Fabij Blondi, Patriarchæ Hierosolimitani, cui cura omnis est demandata, necnon Iacobi à Porta Architecti opera, non solũ ad finem deducatur, sed etiam totius Ecclesiæ fabrica suis omnibus numeris, Deo adiuuante, absoluenta iudicetur. Quod vt eueniat, boni omnes diuinam benignitatem suppliciter deprecantur. De hoc Tholo Franciscus Bencius, & alij ex Collegio Societatis Iesu, necnon Iosephus Castalio iurisconsultus Latino scripserunt

plerunt versu, rei q. magnitudinem mira facilitate, atque felicitate explicarunt.

Hæc pauca de opere tam excellenti dicere mihi visum est: nunc autem ad propositam Coronationem redeamus. Inscriptionis igitur Auctor huius generis Coronationem tam insignem, tamq. sublimem, qua nulla maior in Terris inueniri potest, secum animo reputans, hunc in modum ait.

INSCRIPTIO EMBLEMATIS.

Hic tria Sixte tuo capiti Diademata dantur.

Sed quartum in Cælis te Diadema manet.

CUM summus Pontifex, vt breuitati consulam, coronatur, capiti eius Tiara, quam, Regnum Mundi appellant, imponitur, tribus constans Coronis, tres potestates, hoc est, Imperatoriam, Regiam, & Sacerdotalem, plenariam scilicet & vniuersalem totius Orbis Auctoritatem repræsentantibus.

Per Tiaram ipsam, quam Regnum Mundi passim appellant, Imperatoria ac temporalis Potestas: per Mitram verò, Pontificia & spiritualis Auctoritas significantur: &

quoniam Auctoritas Pontificia prior ac dignior, necnon amplior atque diffusior est Imperiali potestate, quia Sacerdotium in populo Dei regnum præcessit, sicut Aaron primus Pontifex Saulem primum Regem, & Noe ipsum Nem-

roth præcessisse leguntur, hinc summus Pontifex in signum Pontificiæ Auctoritatis semper & vbique Mitra vti solet: Regno autem, Imperatoria scilicet Corona, non semper & vbique, sed certis diebus & locis, intraq. Ecclesiam inter eundum ac redeundum, non autem in diuinis officijs celebrandis, nec in sacris faciendis. Sed quoniam qui hoc in mundo legitime certauerit, coronam sibi in Cælo parat, Auctor inscriptionis ait, quartam Coronam SIXTO V. repositam esse in Cælis: & hanc stabilem & perpetuam esse necesse est. Id quod etiam figura quadrata ex sui natura præsefert. Quadrū enim, quacunque vertatur, stare cernitur: cuius instar iustus cum ceciderit non collidetur, quia Dominus supponit manum suam

Manet igitur SIXTVM, idest quartum Diadema expectat

SIX-

Inn. III.
serm. 3.

Exod. 28.

Gen. 9.
Inn. III.
serm. 1. de
B. Siluest.

2. Tim. 2.

Aug. in
Psalm. 88.
10. 2.

SIXTVM in Cælo, tamquam iustum: & vere manet, quia stabile est: & amitti non potest, quia sibi æternitatem sortitur.

*A tergo introitus Bibliotheca ad laenam apparet
Emblema. I I.*

DE EPISCOPATVS LATERANENSIS
possessione adipiscenda siue capienda.



OC Emblemate, susceptio Episcopatus Lateranensis representatur, hoc est, cū SIXTVS V. Pontificia sollēnitate, ac pompa, Regibus Iaponēsisbus cū comitantibus, Basilicā Lateranensem, vt moris est, tanquā suam peculiarem, & primariā Ecclesiam agnouit, ac suscepit. Quo loco cernitur Pōtifex asturconj, quem chineā vulgo appellant, insidens, præeuntibus longo ordine tā intimis, quam extimis Cubicularijs, alijsq. nobilissimis viris, necnon Urbis primatibus equitatibus (vt interim Celeres Equites, ac pedestres, & hastatos Heluetios silentio inuoluam) subsequētibz vero S. R. E. Cardinalibus Illustris. Patriarchis, Archiepiscopis Episcopis, ceterisq. Præsulibus. Idq. miro conspicitur apparatu. Ecclesia hæc primaria dicitur, propterea quòd Constantinus Imperator eam quarta sui baptismi die intra Palatium Lateranense à Laterano ciue Romano dictum, vt in sexto Emblemate ad læuam Bibliothecæ sito fusiꝯ explicabimus, Saluatori nostro construxit, summoq. Pontifici Siluestro primo, a quo baptismum suscepit, dono dedit. Hæc item Basilica fuit prima Ecclesia publice constructa: & in hac sola Ecclesia ligneum est Altare arcæ adsimile, vt memoria præteritorum temporum conseruaretur, quibus, cum tyrannorum persecutionibus vexaretur Ecclesia, a sancto Petro vsque ad sanctum Siluestrum, Pontificibus locus certus ac definitus non fuit, sed in cryptis, siue in cœmeterijs, aut in piorum ædibus super illo Altari ligneo consecrare solebant. Hinc idem sanctus Silvester honoris gratia sanciuir, vt in eo, quod est Altare maius, præter Romanum Pontificem Missas nemo deinceps celebrare posset. Id quod ad hanc vsque diem executioni mandatur. Nam in dicto Altari non nisi sum-

mo

*Dist. 96. c.
14. Con-
stantinus.*

mo Pontifici, & Cardinalibus Episcopis per Pontificiā dispensationem, & in horum defectū, Cardinalibus presbyteris rem sacrā facere licet, sicut de Altari maiori sancti Petri, sanctę Marię maioris, sancti Laurętij extra muros, & sancti Pauli decretū huiusmodi obseruatur. Sancitū etiam fuit, sicut in Decreto legitur, vt hæc Basilica Lateranensis Saluatori nostro dicata, & Saluatoris nomine nuncupata, postremo autem sancti Ioannis dicta, principatum haberet non solum supra Patriarchales Ecclesias, Alexandrinam scilicet, Antiochenam, Hierosolymitanam, & Constantinopolitanam, verum etiam supra omnes in vniuerso terrarum orbe Ecclesias Dei. Quare Patriarchatus, Archiepiscopatus, Metropolis, & Episcopatus appellatur: summus autem Pontifex, summus Patriarcha, summus Archiepiscopus, summus Metropolitanus, summusq. Episcopus dici potest ac debet: sicut enim Ecclesia hæc, ita & Papa tum nomina, tum effectum horum omnium optimo quidem iure sibi sortitur. Basilica autem sancti Petri, cuius fabricam, vt legitur in Decreto, Constantinus, donatione facta, instituit, quamuis prima Beati Petri sedes dicatur, vt in Emblemate de Coronatione diximus, non tamen Archiepiscopatus, nec Metropolis, nec Episcopatus appellari potest, sed prima dicitur, idest, Apostolica, vt dictum est. Et quamuis Vrbs Romana instar vniuersi Orbis quattuor Patriarchales Ecclesias habeat, hoc est, sancti Ioannis Laterani, sanctę Marię maioris ad Pręsepe, sancti Laurentij extra muros, & sancti Pauli; Ecclesia tamen sancti Petri nec Patriarchalis nec Episcopalis Ecclesia est, vt dicitur à nonnullis, qui eā Episcopo Portuensi subiectam esse, & ad eius Diocesim pertinere dicunt. Præsens tamen in tempus hæc Basilica sancti Petri Patriarchalis habetur & vocitatur. Hinc quinque Patriarchales Ecclesię in Vrbe nominantur, & sunt. Hęc dicenda erant, vt sciretur, cur summus Pontifex iurisdictionem Episcopalem, non in Ecclesia sancti Petri suscipiat, sed in Basilica Lateranensi, quę Lateranēsis a loco: Sancti Saluatoris à dedicatione: Constantiniana a conditore, Constantino magno: Fauistę, ab vxore Constantini, vt Optatus Mileuitanus ait: Aurea ab ornamentis, & diuitijs: Sanctorum, Ioannis Baptistę, & Ioannis Euangelistę, ab eorū inuocatione nuncupata est, & Romanorum

*Dist. 90.
c. 14. Cō-
stantinus.
Ibid. vñ
supra.*

*Aluar. li.
2. de Plan-
ctu Eccl.
cap. 11.*

*12. q. 1.
cap. 15.*

*Aluar. de
Planctu
Ecclesia
lib. 2. c. 11.*

norum Pontificum vsui ædificata V. Idus Nouembris circiter
annum Christi c c c. xviii. & à sancto Siluestro consecrata.
Auctor autem Inscriptionis de hac suscepta possessione sic ait:

INSCRIPTION EMBLEMATIS.

*Ad Templū Antipodes Sixtum comitantur euntem,
Iamq. nouus Pastor pascit ouile nouum.*

*Cic. de sō-
nio Scip. et
de Acad.
quasi lib. 4.
Macrob.
lib. 2. de
sōm. Scip.
& Plin.
lib. 2. cap.
65.*

Hic, vt reor, per Antipodas, Iapones tunc temporis Ro-
mæ commorantes vt summo Pastori obedientiā præsenta-
rent, sic dicti quasi contra nostros pedes non recta linea. sed
trauersali degentes, intelliguntur: Antipodes enim, sunt Po-
puli aduersa nobis vestigia vrgentes. Per ouile autem nouum
vel est allusio ad illā mundi partem tamdiu nobis ignotam, &
non multis ab hinc annis à Colūbo inuentā: vel Inscriptionis
Auctor Gentē illam Iaponum intellexit, partem pro toto su-
mens, ac si dixisset, nouam Gentem ad fidē Christi conuersam
in Catholica Ecclesia tanquā ouile nouum pasci, & gubernari
a Pastore nouo, idest, nup̄ creato. Id quod nō sine diuino con-
silio factum esse credendum est: sicut etiam de illa femina no-
bilissima, quæ tanquā Regina Saba ad sapientiam Salomonis
audiendam, iam inde ab Aphrico sinu ad SIXTVM V. vnā
cum alijs eiusdem Regionis hominibz, superioribus mensibus
venit, dicendū est. Hoc enim nouum aliquod Regnū acqui-
rendum, & ad fidem venturum, vel tale aliud præsagire mihi
videtur. Quod sua Deus benignitate faxit.

EMBLEMATA AD LÆVAM SITA:

Emblema.

I I I.

De Italia prædonibus & exulibus liberata.



EMBLEMA, quod Bibliothecam ingredientium
oculis primo ad introitus læuam sese offert, libe-
rationem Italiæ complectitur: quæ cum antea ne-
fariorū, perditorūq. hominū, prædonū
scilicet atque exulū incursionibus esset exposi-
ta, multisq. calamitatibus premeretur, SIXTŌ V. seden-

INTON

te ab

te, ab omni infestatione liberatur, ac magna quiete perfruitur, exulibus ac prædonibus vndeque expulſis.

Liberationis Symbolum.

OVES triplicem montem circumſtantes inſpiciuntur, in cuius faſtigio poſitus cernitur leo, qui ignita fulmina deorſum torquens, Lupos omnes paſcenti pecori aduerſantes terrore, ac metu concuſſos in fugam hinc inde conijcit. Ouibus populi, Lupis prædones, Montibus qui ſupra reliquam terram ſe extollunt Eccleſia, Leone SIXTUS Pontifex, Fulmine Auctoritas eius & poteſtas repræſentatur: & ad eiſdem Pontificis inſignia alluſio eſſe poteſt, in quibus Montes Patriam ſignificantes pinguntur, necnon & Leo, qui dominationem, & magnanimitatem, itemq. fortitudinem, vigilantiam, & cuſtodiam ſignificat. Hinc in ædificiorum, præcipue vero in Fanorum valuis, ſacrarumq. Ædium veſtibus Leonis marmorei ſive ænci tamquam diuinorum cuſtodes, vt eſt paſſim cernere, ſtatui ſolent.

Leo enim dum vigilat, oculos clauſos, cum vero dormit reſeratos habere fertur: immo nonnulli putarunt, ſed falſo quidẽ Leonem ſemper ſomni eſſe expertem, quippe qui magnos cum habeat oculos palpebrasq. perexiguas, oculos penitus obtegere non poteſt, hinc ſplendor ab eius pupilla emicans in ſomnem ipſum repræſentat. Huic autem Emblemati, liberationisq. ſymbolo, SIXTI V. cum Alcide collatio aptiſſime quadrat, ſi amborum inſignia Leonem habentia, fortitudo, reſq. geſtæ perpendantur. Idcirco Inſcriptionis Auctor hæc ſecum, vt opinor, cogitans, SIXTVM cum Alcide confert; & hunc in modum ait:

Leo dum vigilat, oculos clauſos, dum dormit, apertos habet. —

INSCRIPTIO EMBLEMATIS.

*Alcides partem Italia prædone redemit,
Sed totam Sixtus dic mihi, maior vter?*

HÆC Inſcriptio præſert, maiora SIXTVM præſtiſſe, quàm Herculem, ab Alcæo, auo paterno, Alcidem, auctore

auctore Herodoto, dictum: vel ab Α'λλῆ, quod est robur. Hercules enim montem Auentinum, Caco Vulcani filio, prædone infami, teste Virgilio, extremamq. Calabriae & Italiae oram latrone Lacinio, a quo Promontorium Lacinium vocitatum est, dumtaxat liberauit, vt apud eundem Virgilium videre licet. Sed SIXTVS. V. vniuersam Italiam a prædonum, & exulum incurfionibus liberauit, ac tranquillam reddidit. Hanc liberationem Simon Cecchinus vtriusque signat. Refer. distichis ingeniose factis feliciter prosequutus est.

Emblema. I I.

De Obelisco Vaticano sanctissima Crucis dedicatio.

Plin. lib.
26. ca. 11.
Herod. li.
22.



RIORI Emblematis proximum est illud Obelisci Vaticani altitudinis palmorum 114. citra basim, olim a Sesostridis Filio Nuncoreo, seu Phærone in Ægypto excisi, deinde ab Imperatore Caio Caligula in Urbem transuecti, & in Vaticano locati, Augustoq. ac Tiberio Caesaribus dicati, nunc vero a SIXTO. V. summa omnium admiratione in mediam Sancti Petri Arcem, ante sacras Aedes translati, ac diuino cultui additi: cuius fastigio idem SIXTVS Crucem imponi iussit. Hinc Auctor Inscriptionis rem tantam perpendens, operosum scilicet laborem, & Christianam eiusdem Pontificis pietatem a superstitionis memoria ad verum & diuinum cultum, hominum animos auocantem, Distichon ex suo libro Epigrammatum in eundem Obeliscum superioribus annis edito deprømens inquit multum valere hanc Obelisci Translationem ad SIXTI V. memoriam sempiternam, atque hunc in modum ait:

INSCRIPTIO EMBLEMATIS.

*Dum stabit motus nullis Obeliscus ab Euris,
Sixte tuum stabit nomen, honosq. tuus.*

Amm.
Marcell.
lib. 27.

O BELISCVS, vt nonnihil de eo dicam, est lapis asperri-
mus in figuram metæ cuiusdam sensim ad proceritatem
consur-

confurgens excelsam, utq. radium imitetur paulatim gracilescens; specie quadrata in verticem productus angustum, manu laevigatus artificis. Huiusmodi molis inuentor, teste Plinio, Mytres fuit, qui Heliopoli, hoc est in Solis Vrbe cum regnaret, somnio iussus Soli ipsi, quem Aegypti colebant, Obeliscum consecrauit. De hoc autem Vaticano, eiusq. Translatione, ac dedicatione Petrus Galesinius Proton. Apostolicus eleganti scripsit oratione. Petrus item Angelius Bargaus de Obelisco eruditum edidit Commentarium. Scripsit etiam de Obelisctis et fusissime quidem Michael Mercatus vir in varijs disciplinis bene versatus. Multi denique alij de Obelisci Varicani Translatione, et versu et soluta oratione scripserunt, quos breuitari consulens praetermitto. Nunc reliquum est, ut Inscriptiones, quae dicto in Obelisco Vaticano incisae leguntur, in medium proferantur: Harum duae sunt vetustae; hoc est:

Plin. lib.
38. c. 8.

I.
DIVO CAESARI DIVI IVLII F. AVGVSTI F. CAESARI DIVI
AVGVSTI F. AVGVSTO TIBERIO SACRVM.

I I.
DIVO CAESARI DIVI AVGVSTI F. AVGVSTO TIBERIO SACRVM.

Inscriptiones novae sunt quinque, quarum una in Obelisci fastigio hanc in verborum formulam sculpta est:

I.
SANCTISSIMAE CRVCI SIXTVS V. PONT. MAX. SACRAVIT
E. PRIORE SEDE AVVLIVM, ET. CAESS. AVG. AC TIB.
I. D. ABLATVM. M. D. LXXXVI.

Ceterae Inscriptiones in Obelisci Basi exculptae cernuntur, ut infra:

I I.
ECCE CRVX DOMINI FVGITE PARTES ADVERSÆ
VICIT LEO DE TRIBV IVDA.

I I I.
CHRISTVS VINCIT, CHRISTVS REGNAT, CHRISTVS IMPERAT,
CHRISTVS AB OMNI MALO PLEBEM SVAM DEFENDAT.

I V.
SIXTVS V. PONT. MAX. CRVCI INVICTAE OBELISCV M VATICANVM AB IMPYRA SVPERSTITIONE EXPIATVM IVSTIVS ET FELICIVS CONSECRAVIT ANNO DOMINI M. D. LXXXVI. PONT. II.
B 2 SIXTVS

SIXTVS V. PONT. MAX. OBELISCVM VATICANVM DIS-
GENTIVM IMPIO CVLTV DICATVM AD APOSTOLORVM
LIMINA OPEROSO LABORE TRANSTVLIT
ANNO DOMINI M. D. LXXXVI. PONT. II.

Emblema.

III.

De annona Vrbi, & Italia subministrata.



BERTATIS hoc Emblema est. Romam enim
SIXTVS V. initio sui Pontificatus, annona car-
itate laborantem reperit: hinc idem SIXTVS
ei prudentissime succurrit, & coempto frumen-
to, & in Urbem asportato, effecit, vt in sum-
ma inopia, summa esset copia. Nec eo contentus, vt non so-
lum Vrbi, verum etiam Italiae vniuersae magna ex parte suc-
curreret, ac tempus in posterum prouideret, Paludes Pontinas
Volscorum iuxta forum Appij haud longe a Tarracina, &
ab Vrbe *xxix.* passuum millibus distantes, olim a Corne-
lio Cathego Consule, atque sequentibus saeculis a Theodo-
rico Gothorum Rege iterum exsiccatas, nunc idem Pontifex
ad res egregias omnes, & pias, resq. omnium opinione ma-
ximas ac pene desperatas producendas natus, tertio exsic-
candas mandauit: ex quibus longitudine ad viginti, latitudi-
ne vero ad septem milliaria factus est Ager, ducentis millibus
aureis in eam rem impensis: atque hunc in modum ex Agro
Pontino de perpetua annona non solum Vrbi, sed toti etiam
Prouinciæ, quin & Italiae sapienter prouisum est. Quam rem
Blancus in Eucharistico ad SIXTVM V. describens ait:

Per te exsiccantur vastissima stagna, lacusq.

Iamq. ferax ager est, qua fuit ante palus.

VBERTATIS symbolum est arbor, Pyrus, fructu onu-
sissima, ad cuius radicem circumstant oues, Leone trun-
cum ungulis complectente, & arborem concutiente. Hinc py-
ris cadentibus, oues pascuntur. Hoc Emblema venustatem ha-
bet, alludens ad gentilitia SIXTI V. stemmata, quæ Leone
pyrum tenente constant. Quare Auctor Inscriptionis, vt fru-
menti

*Plin. li. 4.
cap. 7. et
Linn. li. 14.*

menti affluentiam, SIXTI V. Pontificis Maximi prouidentia, et pietate, omni ex parte laudanda, Italiæ, et Romæ præsertim subministratam decantet, hunc in modum inquit:

INSCRIPTIO EMBLEMATIS.

Temporibus Sixti redeunt Saturnia Regna:

Et pleno cornu Copia fundit opes,

NEMINEM latet, regnante Saturno, magnam frumenti in Latio fuisse vbertatem, agrosq. mirum in modum exultos, cum ipse Agriculturam inuenisse dicatur. Quare Inscriptionis Auctor tamquã probatissimorum Poetarũ omnium familiarissimus, mutuato sibi in priori versu Virgilij hemistichio, aurei sæculi felicitatem ab eodem Poeta inibi decantatam, nunc etiam vigere aperte demonstrat, & versu altero alludere sibi visum est, ni fallor, ad illud Horatij:

Ecloga 4.

Lib. 1. Ep.
ad Iccium.

Aurea fruges

Italia pleno diffudit Copia cornu:

QUIBUS ex verbis Poeta Cornucopiæ Herculi datum innuere videtur. Copia autem apud Poetas pro Dea habita fuit, sicut etiam ab eodem Horatio expressius dictum est in Carmine sæculari, vbi eam appellat beatam inquiens:

Carm.
sæcul.

Apparetq. beata pleno Copia cornu. Nos autem cum ætati omnia inesse significare volumus, Cornucopiæ dicimus, & per cornu fructibus, & floribus, frumentiq. spicis plenum abundantiam representamus.

Emblema.

I I I I.

De sancti Petri Statua in Columnæ Traianæ fastigio erecta.



EMBLEMA hoc, est de Columna Traianæ Cochlide, quæ nunc altitudine extat palmorum centum & septuaginta septem, habetq. intus centum & octuaginta quinque gradus, quibus ad summum fastigium ascenditur: fenestellas vero 45. quibus lumen excipit, egregijs Traiani præliorum, & ab eo subactæ

subactæ Daciæ sculpturis varie insignita, eiusdemq. statuam olim in summo vertice sustinebat: vel vt alij aiunt, pilam auratam, in qua cineres Traiani asseruabantur: nunc vero æneum sancti Petri Apostolorum Principis Simulachrum a SIXTO V. inibi collocatum sustinet, dextra manu librum, quo doctrina Ecclesiastica: altera clauēs, quibus duplex Pontificia potestas declaratur, gestantis. Huius columnæ dedicationem Petrus Galefinius Prot. Apost. soluta scripsit oratione, et luculenter quidem. Auctor autem Inscriptionis Dedicationem describens hunc in modum ait:

INSCRIPTIO EMBLEMATIS.

*Vt vinclis tenuit Petrum, sic alta columna
Sustinet: hinc decus est, dedecus vnde fuit.*

ACTVS est hoc loco Inscriptionis Auctor, sed eius sententiā facile assequetur qui sanctum Petrū Neronis iussu ad columnam quandā marmoream, quæ etiamnum hodie in Æde Beatæ Mariæ Trans pontem religiose visitur, ferreis vinculis alligatum, & inibi verberibus cæsum nouerit. Id quod planum nobis fit ex Altari dicta in Ecclesia sito, quod Cælestinus III. Petro & Paulo, quorum columnæ, ad quas, dum verberarentur alligati olim fuerunt, inibi visuntur, cōsecrauit, intra aram ab eodem Pontifice quattuor dentibus sancti Petri asseruatis, vt videre licet ex lapide satis vetusto dictas columnas indicante, & ex lamina quadam ferrea consecrationem Altaris exponente & nuper reperta, cum ipsa ara in Ædes nouas translata est. Cæsar item Baronius sacrarum historiarum indagator diligētissimus, in Annalibus Ecclesiasticis dictas Columnas commemorāt, atque ijs sanctos Apostolos, Petrum et Paulum alligatos virgis cæsos fuisse ait. Id vero non absque diuino consilio factum esse credendum est, scilicet tāquam præcipuas Dei Columnas, et Christiāne Fidei Principes ad columnas ligatos vno loco, vna die, vnusq. tyranni sententia cæsos, martyrioq. fuisse decoratos. Ille autem, vt Magistrum suum Christum tamquam ipsius Vicarius imitaretur, fuit Cruci affixus: hic vero, vt nomen suum post conuersionem sibi inditum factis responderet, capite fuit truncatus, seu diminutus. Quare, sicut

Romæ

Romæ Beato Petro Columna illa fuit opprobrio, ita hæc Traiana nunc in eius laudem et honorem, piorumq. solatium cedit. Et sicut olim, tamquam Christi Athleta fortissimus, in columna strenue decertauit, ita nunc in columnæ fastigio triumphum agit gloriosum. Nam ratione postulante, per quæ quis meretur, per eadem honorem assequi eum debere, dicendum est. Ob id Inscriptionis Auctor dixit:

Hinc decus est, dedecus unde fuit.

Hoc non nisi historiam enarratam præferre videtur: cetera adeo plana sunt, vt declaratione non egeant. Nunc autem, reliquum est, vt Inscriptiones tum veterem, tum nouam in basi Columnæ cochlidis incisâs hoc in loco apponamus. Vetus inscriptio Traiano Imperatori Cochlidem dedicatam ad illius montis olim inibi extantis altitudinem erectam fuisse docet, vt infra videre est.

SENATVS POPVLSQ. ROMANVS

IMP. CÆSARI DIVI NERVÆ F. NERVÆ TRAIANO AVG.
GERM. DACICO PONT. MAXIMO TRIB. POT. XVII. IMP. III.
COS. V. P. P. AD DECLARANDVM QVANTÆ ALTITVDINIS
MONS ET LOCVS TAN IBS SIT EGESTVS.

Hac in Inscriptione Cochlidis Traiano dedicatæ, duo semideleta reperiuntur verba: hinc eorum sensus desideratur: Sunt qui eas voces imperfectas in integrum restituendas opinantur hoc modo: Tantis operibus. Alij: Tantis viribus. Alij: Tantis ruderibus. Alij autem: Tantis molibus. Inscriptio autem noua in Columnæ fastigio ad sancti Petri pedes incisâ et in quattuor partes distincta in hanc formulam legitur:

SIXTVS V. B. PETRO APOST.
PONT. A. III.


Hac Inscriptione, atque dedicatione videre licet, quanta sit summi Pastoris pietas numquam satis laudata, gentilitatis impietate ac superstitione ablata, christiana obseruantia conseruata et aucta, Vrbeq. vndique illustrata. Dum enim sacra effigies Beati Petri ænea in Traiani Columna tam celebri pijs precibus rite ex Ecclesiæ præscripto expiata collocatur, honor sanctis & Apostolorum præsertim Principi exhibetur, mentes hominum ad Christianam pietatem excitantur, & Vrbs ipsa pijs ornamentis decoratur. De hac Colum-

Columna, atque ipsius dedicatione, Petrus Galefinius Proton. Apost. Commentarium edidit luculentum.

Emblema.

V.

De Iubileo in initio Pontificatus Sixti V. celebrato.



OC Emblemate, illius amplissimi Iubilei, quod Anno M. D. LXXXV. pro Dei ope impetrandā ad Christianæ Reipublicæ gubernacula capeffenda SIXTVS V. diuino consilio assumptus per vniuersum Christianum orbem promulgauit, descriptio continetur. Ibi autem videre licet innumeram hominum cuiuscunque sexus, conditionis, & ætatis multitudinem, supplicem ac demissam, turmatim, longoq. ordine ad Basilicam sanctæ Mariæ maioris ad Præsepe confluentem.

INSCRIPTIO EMBLEMATIS.

Sixtus Regnum iniens indicit publica vota.

Ponderis ò quanti vota fuisse vides!

ALIVDIT, vt opinor, Inscriptionis Auctor ad antiquā illā consuetudinem, qua non solum inaugurati Pontifices, aut Reges a diuinis precibus, & supplicationibus Regnū, & Pontificatum suum auspicabantur: verum etiam Poetæ ipsi, vt ille omnium optime nouit, operum suorum initia ab inuocatione ducebant. Quod autem subiungit exclamans:

Ponderis ò quanti vota fuisse vides! Ingeniose innuit, qualis & quantus sit SIXTI V. Pontificatus, vniuersaq. Ecclesiæ preces illas non fuisse irritas, quarum fructum hodie summa omnium vtilitate, & maxima Pontificatus gloria manifeste cognoscimus, & sole clariorem videmus. Hinc late patet, publicarum precum tantam esse vim, quantam ego verbis explicare numquam possem. SIXTO enim sedente, Christiana disciplina instauratur, et propagatur: pax conseruatur, et securitas præstatur: facinorosi et perditii homines puniuntur: boni remunerantur, et fouentur: virtutes extolluntur, et vitia funditus extirpantur: inopia expellitur, et annona

annona affluenter subministratur: Vrbs denique Auctoritatis Apostolicæ sedes, religionis catholicæ arx, dignitatum omnium parens, legum sanctarum seminarium, Christianarum virtutum templum sanctissimum, gratiarum cælestium thesaurus refertissimus, vniuersiq. Christiani Orbis theatrum amplissimum, egregijs actionibus in dies magis atque magis illustratur, commodis item et beneficijs afficitur, ornamentisq. passim decoratur.

Emblema. V I.

De Palatij Lateranensis restitutione, & Obelisci dedicatione.



HOC Emblemate Palatij Lateranensis restitutio, & Obelisci translatio, ac dedicatio representantur. Est hic Obeliscus citra basim ad altitudinem palmorum centum et nonaginta octo, omniumq. Obeliscorum, qui in Vrbe extant, maximus atque pulcherrimus, Hieroglyphicis, quorumdā scilicet animalium, aliarumq. rerum insignitus notis, Heliopoli, hoc est, in Solis Vrbe Ægyptia erectus, et inde a Constantino Magno Alexandriam, vt cum hinc postea Romam asportaret, translatus: quem deinde Constantius eiusdem Constantini Filius in Urbem transuexit, et in Circo Maximo locauit: ex quo denique loco **SIXTVS V.** operoso labore ante sacras Ædes Lateranenses transtulit, erexit, et inuictissimæ Cruci dedicauit. In huius Obelisci, cum Constantius in Circo Maximo ipsum locauit & erexit, quattuor Inscriptiones, vt ex fragmentis colligi potuit, fuerunt insculptæ, sicut infra videre est.

*Obelisci
altitudo.*

I.

PATRIS OPVS MVNVSQ. SVVM TIBI ROMA DICAVIT
AVGVSTVS TOTO CONSTANTIVS ORBE RECEPTO
ET QVOD NVLLA TVLIT TELIVS NEC VIDERAT ÆTAS
CONDIDIT VT CLARIS EXÆQVET DONA TRIVMPIS
HOC DECVS ORNATVM GENITOR COGNOMINIS VRBIS
ESSE VOLENS CÆSA THEBIS DE RVPE REVELLIT

C

SED

I I.

SED GRAVIOR DIVVM TANGEBAT CVRA VEHENDI
 QVOD NVLLO INGENIO NISVQ. MANVQ. MÓVERI
 CAVCASEAM MOLEM DISCVRRENS FAMA MONÉRET
 AT DOMINVS MVNDI CONSTANTIVS OMNIA FRETVS
 CEDERE VIRTVTI TERRIS INCEDERE IVSSIT
 HAVD PARTEM EXIGVAM MONTIS PONTOQ. TVMENTI

I I I.

CREDIDIT ET PLACIDO VECTA EST VELOCIVS EVRO
 LITTVS AD HESPERIVM POPVLO MIRANTE CARINAM
 INTEREA ROMAM TAPORO VASTANTE TYRANNO
 AVGVSTI IACVIT DONVM STVDIVMQ. LOCANDI
 NON FASTV SPRETI SED QVOD NON CRÉDERET VLLVS
 TANTÆ MOLIS OPVS SVPERAS CONSVRGERE IN AVRAS

I I I I.

NVNC VELVTI RVRSVS RVFIS AVVLSA METALLIS
 EMICVIT PVLSATQ. POLOS HÆC GLORIA DVDVM
 AVCTORI SERVATA SVO CVM CÆDE TYRANNI
 REDDITVR ATQVE ADITV ROMÆ VIRTVTE REPERTO
 VICTOR OVANS VRBIQ. LOCAT SVBLIME TROPÆVM
 PRINCIPIS ET MVNVS CONDIGNIS VSQVE TRIVMPIS

Hifce in Infcriptionibus duæ voces, Tropæum, fcilicet ac
 Triumpus, feſe mihi offerunt declarandæ, ne cis qui anti-
 quam ſcribendi formam ignorant, menda eſſe videantur.
 Quod enim Latini Trophæum, Græci, aſpiratione prætermiſ-
 ſa, Τροπαιον dicunt: quodq. Græci Τριαμνον, Latini Trium-
 phum appellant: hi namque ſcilicet Latini aſpirationem ex
 prima ſyllaba huius vocis Τριαμνον in nouiſſimam transferen-
 tes, b, in p, mutata, Triumphum nunc dicunt. Etenim anti-
 quiores Latini non in conſonantibus, ſed in vocalibus aſpira-
 tione utebantur, græcaſq. diphthongos frequenter adhibe-
 bant, vt ex vetuſto lapide ad Pontem Cæſium clarum fit, ad
 parie-

Tropæum.
 ac Trium-
 pus.

parietem scilicet cuiusdam domus , in qua hæc legitur Inscriptio .

Heic est sepulcrum , hanc pulcrum pulcræ femina

Nomen parentes nominarunt Claudiam , & c.

Vbi ponuntur heic pro hic , pulcræ pro pulcræ , et Claudiam pro Claudiam , more Græcorum : et sepulcrum ac pulcrum absque aspiratione . Ita etiam Niceporus , et Stephanus , pro Nicephoro , ac Stephano , et id genus aliæ dictiones permultæ sine aspiratione a veteribus scribebantur , sicut Aldus Manutius Iunior , Vir quidem eruditus , et in Latinorum vetustissimis codicibus manuscriptis , atque Inscriptionibus optime versatus , in sua maiori Orthographia diffuse docet . Angelus item Politianus suis in Miscellaneis nummum argenteum apud Laurentium Medicem se vidisse testatur hisce litteris , Triumphus . Sed ne Librariorum , vel eorum qui litteras incidebant , incitia id factum esse nonnulli credant , ea quæ de huiusmodi scribendi genere Cicero ait , subscribam . Ipse enim in libro de Oratore , se hanc scribendi formam , hoc est , sine aspiratione in consonantibus , sequutum fuisse aperte fatetur , dicens : Quin ego ipse , cum scirem ita Maiores locutos esse , vt nusquam nisi in vocali aspiratione vterentur , loquebar sic , vt pulcrum , & Cetegos , Triumphos , Cartaginem dicerem : aliquando , id quod sero , conuitio aurium , cum mihi extorta veritas esset , vsu loquendi populo concessi , scientiam mihi reseruavi . Hæc Cicero . Nemo igitur admiretur , si Tropæum , ac Triumphus absque aspiratione pro Trophæo , ac Triumpho ab antiquis Latinis scribebantur , vt ex Inscriptionibus superius positis patet .

*Græcorum
scribendi
modus .*

*Cicero de
Orat. l. 2.
post med.*

Notæ illæ instrumentorum , aliarumque rerum , necnon animalium species , quæ in Obelisco ipso videntur insculptæ , sunt litteræ , quibus olim Ægyptij utebantur , vt Strabo , Tacitus , Plinius , & Diodorus affirmant . Nam per speciem Apis mellæ conficientis Regem indicabant : cui cum iucunditate moderante aculei debent inesse : per accipitrem , rem cito factam : per Ceruum , longævum hominem : per Leonem fortitudinem , et vigilantiam : per manum , hominem ædificationis studiosum , vel hominem laboriosum , siue opus : per oculum , providentiam : per ferram maledicentiam : per falcem , tempus : per gladium , crudelitatem significabant , et hunc in

*Cor. Tac.
libro 23.
Strabo li.
27. Plin.
lib. 26. c.
8. & 9.
Diod. lib.
4 in prin.*

modum scribebant, variosq. animi sensus explicabant. Hæc pauca de huiusmodi Hieroglyphicis, hoc est sacris notis, vel sculpturis, vt Budæo placet, perfunctorie mihi dicere visum est, ne hoc scribendi genus, de quo quidem Orus Apollo, necnon Pierius Valerianus diffuse scripserunt, intactum penitus a me relinqueretur. Quæ autem hoc in Obelisco Hieroglyphica cernuntur incisa quamuis a nemine ad hanc vsque diem, quòd sciam, fuerint declarata, quid scilicet singula quæque animalium, aliarumq. rerum nota sibi velit; eorum tamen omnium sensum, vt apud Ammianum Marcellinum videre est, Græca interpretatione, Hermapion aliqua ex parte complexus est: Ammianus autem duorum tantum Obelisci Laterum Inscriptiones in Solis, vel magis in Rhamestis Regis Ægypti laudẽ incisas, ceteris duabus omiſſis, declarat: quas etiamſi Petrus Angelius Bargæus, quẽ semper honoris causa nomino, in Latinam tranſtulẽrit linguam, Hieronymi tamen Brunelli ex societate Iesu, Viri quidem eruditissimi, et optime Græcum Idioma callentis, versionem nondum diuulgatam apponere hoc in loco libuit. Inscriptiones autem sunt quæ sequuntur:

Amm. li.
17.

A PARTE AVSTRALI.

Hæc sunt, quæ Regi Rhameſti donauimus: quem Sol amat et Apollo, qui omnem terrarum Orbem cum gaudio regit. Potens veritatis amicus, Filius Heronis Deo ſatus, conditor orbis terra: quem Sol diligit, ac ceteris prætulit, strenuus Martis Rex Rhameſtes, cui omnis terra cum vigore, et audacia ſubiecta eſt. Rex Rhameſtes, Solis Filius æternum viuens.

Versus, vel Ordo secundus.

Apollo potens, qui eſt reuera dominus diadematis, et Ægyptum glorificans poſidet: qui Solis Urbem ſplendidam reddidit, quiq. condidit reliquum Orbem terra, et valde honorat Deos in Solis Ciuitate conſtitutos, quos amat Sol.

Versus, siue Ordo tertius.

Apollo potens Solis Filius præfulgidus, quem Sol ceteris præfert, & Mars strenuus muneribus ornat: cuius bona in omni tempore perma-

Permanent: quem Ammon diligit, qui Phœnicis delubrum bonis expleuit: cui Dii vite tempus donauerunt. Apollo potens Filius Heronis, rex orbis terræ Rhamestes, qui conseruauit Aegyptum, alia gente deuicta: quem Sol amat: cui multum tempus vite donarunt Dii, dominus orbis terrarum Rhamestes in æternum viuens.

Alius Versus, vel Ordo secundus.

Sol Deus magnus Dominus calî, dono tibi vitam sine satietate: Apollo potens dominus diadematis incomparabilis, cui statuas dicitur in hoc regno dominus Aegypti, et ornauit Solis Urbem, similiter et ipsum Solem, dominum calî, qui fecit opus bonum, Solis Filius rex in sempiternum viuens.

Versus, siue Ordo tertius.

Sol Deus dominus calî Rhamesti regi dono imperium, et in omnes potestatem: quem Apollo veritatis amicus, dominus temporum, & Vulcanus Deorum pater delegit, ac prætulit propter Martem Rex omni ex parte letus Solis Filius, et qui a Sole amatur.

A parte Orientali primus Versus, vel Ordo.

A Solis Vrbe magnus Deus incola calî Apollo potens, Heronis filius, quem Sol diligit, quem Dii honorant: qui omnem terram regit, quem Sol præ ceteris delegit, sirennus propter Martem Rex, quem Ammon amat, et præfulgidus eligens sempiternum regem.

Ceterorum laterum Obelisci Inscriptiones ab Ammiano fuerunt prætermissæ, quas in Hermapione reperiri credendum est, cum idem Ammianus ad earundem Inscriptionum finem dicat: *Et reliqua*: Immo ex Inscriptionum ordine multa alia omiſsa fuisse dijudicandum est. De Hieroglyphicis notis hætenus. Nunc reliquum est, vt alteram Emblematis partem Palatii scilicet Lateranensis restitutionem exponamus.

Palatium, de quo hic agitur, vetustissimum erat Laterani cuiusdam Ciuis Romani Consulis designati, qui iussu Neronis interfectus est, & vt Hieronymi vtar verbis, Cæsariano truncatus est gladio. Post Lateranum, Ædes hæc, quas Iuuenalis appellat egregias, incoluit Constantinus Imperator, & ad fidem

*Hier. 20.
epi. 20.*

Sat. 10.

fidem conuersus, Siluestro Papæ, a quo hic fuerat baptizatus, donauit. Hinc sancti Ioannis Basilica, quæ varia sortitur nomina, vt summatim in Emblemate secundo dictum est, Lateranensis ad hunc vsque diem vocitatur, quòd eo in loco exstructa sit, vbi olim erat, teste Hieronymo ad Marcellam, Palatium Lateranensium clarissimæ apud Romanos Familiæ. Dicta est etiam Constantiniana a Constantino magno, qui eam ædificauit, necnon Faustæ domus, ab eius vxore, Optato Mileuitano teste: Aurea itè ab ornamentis, & diuitijs: & postremo Ecclesia sancti Ioannis in Laterano, vel ob baptisterium, in quo fuit baptizatus Constantinus a Siluestro Papa, in sancti Ioannis Baptistæ memoriam & honorem fuit appellata: vel ob Monachorum, seu fratrum Monasterium titulo sanctorum Ioannis Baptistæ, & Euangelistæ, & Pancratij sub Ioanne I I I. Papa constructum iuxta eandem Lateranensem Basilicam, in qua dicti Fratres, vt Onuphrius in libro de septem Vrbis Ecclesijs narrat, sacras horas & Psalmos canebant: Canonici vero sacra tantum in ea faciebant, & sacramenta omnia administrabant. Ea autem Ecclesia appellata est Basilica, quasi regalis a verbo Græco, vel quia fuit olim domus Imperatoria, vel quia Regi omniū Regum Deo sacrificia inibi offeruntur. Auctor igitur Inscriptionis Palatij restitutionem, & Obelisci dedicationem tractans hunc in modum ait:

*Optatus
Mileuit.
lib. 2. con-
tra Pae-
men.*

*Onuph. de
sept. Eccl.*

INSCRIPTIO EMBLEMATIS.

*Quintus restituit Laterana Palatia Sixtus,
Atque Obelum medias transtulit ante fores.*

HÆC Inscriptio adeo facilis, & clara est, vt expositione non indigeat. Addā tamen Inscriptionis Auctore hoc in loco minus dixisse, & plura significare voluisse, Palatij Lateranensis restitutionem exponens, vt ex Palatio SIXTI V. iussu a fundamentis restituto, & in ditiozem, nobilioremq. formam, & vere Pontificiam redactō, aliaq. inibi instaurata, & in augustiorem speciem reddita, geminasq. porticus, & magnificentissimas quidem eiusdem Basilicæ aditui additas, inferiorem scilicet, & superiorem, in qua summus Pontifex benedictionem die sancto Paschatis largiri solet, necnon

necnon celeberrimam illam Scalam sanctam pretioso Christi sanguine conspersam in insigniorem, commodioremq. locum translata, sacrarumq. historiarum picturis, alijsq. ornamentis ad deuotionē, meditationemq. excitantibus mirifice insignitam facile quis intelligat. Nec ab re, vt reor, Blancus illud ingens saxum asperrimum, læuigatum, & quadratum, & excelsum, Obeliscum scilicet SIXTI V. iussu a Circo Maximo ante Lateranensis Basilicæ fores translatum, & erectum, Obelum nominauit. Obeliscus enim, vt nonnullis placet, diminutiuum nomen est ab Obelo maiore dictum. Hinc huiusmodi lapidem, vt suspicor, Obelum non Obeliscum Blancus appellauit Plinium imitatus: est enim omnium Obeliscorum, qui Romæ inuenti sunt, maximus. Inscriptiones autem nouæ sunt quæ infra leguntur:

Plin. lib.
36. ca. 11.

I.

CONSTANTINVS PER CRVCIS VICTOR A S. SILVESTRO
HIC BAPTIZATVS CRVCIS GLORIAM PROPAGAVIT.

I I.

FL. CONSTANTINVS MAXIMVS AVG. CHRISTIANÆ FIDEI
VINDEXTOR ET ASSEKTOR OBELISCVM AB ÆGYPTIO REGE
IMPERIO VOTO SOLI DEDICATVM SEDIÆ AVVLVSVM SVIS
PER NILVM TRANSFERRI ALEXANDRIAM IVSSIT VT
NOVAM ROMAM AB SE TVNC CONDITAM EO DECORARET
MONVMENTO.

I I I.

FL. CONSTANTINVS AVG. CONSTANT. AVG. F. OBELISCVM
A PATRE LOCO SVO MOTVM DIVO ALEXANDRIÆ
IACENTEM TRECENTORVM REMIGVM IMPOSITVM NAVI
MIRANDÆ VASTITATIS PER MARE TIBERIMQ. MAGNIS
MOLIBVS, ROMAM CONVECTVM IN CIRCO MAX.

PONENDVM S. P. Q. R. DD.

I I I I.

SIXTVS V. PONT. MAX. OBELISCVM HVNC SPECIE EXL
MIA TEMPORVM CALAMITATE FRACTVM CIRCI MAX.
RVINIS HVMO LIMQ. ALTE DEMERSVM MVLTÀ IM
PENSÀ EXTRAXIT HVNC IN LOCVM MAGNO LABORE
TRANSTVLIT FORMEQ. PRISTINÆ ACCVRATE
RESTITVTVM CRVCI INVICTISSMÆ DICAVIT.

A. M. D. LXXXVIII. PONT. IIII

Emble.

Emblema. V I I.

De Fonte & Aqua Felici.



OC Emblemate, Fons a SIXTO V. in Quirinali colle, quem hodie Romanorum vulgus a duobus equis marmoreis, Phidiæ & Praxitelis operibus hoc in colle sitis, Montem caballum appellant, magnificentissime constructus representatur.

INSCRIPTIO EMBLEMATIS.

*Fons Felix celebri notus super æthera versu,
Romulea passim iugis in Vrbe fluit.*

Aqua felix.

FONTEM hunc Inscriptionis Auctor Felicem appellat, cuius etiam aquam Felicem statuit nominandam SIXTVS. V. qui sicut olim Felix nomine proprio dicebatur, ita nunc ex re ipsa vocitari potest.

Felix igitur tum nomine tum re SIXTVS. V. Felix item fons, Felix aqua, ea saltem nuncupatione quam Græci Metonimiam, Latini vero transnominationem, siue nominatorem dicunt, hoc est, ea ratione qua domus læta nuncupatur, eo quia lætos homines reddit. Hunc ergo in modum hanc aquam Felicē appellare licet; propterea quod sua irrigatione felices colles, felices hortos, felices campos, felices denique eorundem locorum incolas reddit, cum dicta omnia ob nimiam aquarum penuriam infelicia quodam modo fuerint ad hāc vsque diem. Nunc enim Felix ipsa aqua ingenti copia & salubritate sua Quirinalē & Exquilinū Colles reddit amēnos, hinc excultos, & salubres. Hic interea fons a Blanco locutione Virgiliana super æthera notus, appellatur, id est, varijs ab ipso versuū generibus insigniter decātatus eo præsertim in libro suo, qui, Aquæ felices, inscriptus est, vbi inter alia eleganter & ingeniose explicata, in Ecloga Mopsi, & Tityri interlocutorum, quattuor versibus tria comprehendit, mirificam scilicet Fontis structuram, expensas non modicas pro Aquis Felicibus

Felicibus in Urbem deducendis, & pro hac re agenda incredibilem difficultatem & laborem, dicens:

Aspice, quàm longo ducantur fornice riu!

Aspice, ut in Calum moles substructa feratur!

Naturam ars superat: fontes natura negavit

Montibus his: fontes ars montibus ipsa ministrat.

HIS versibus Blancus in tantarum rerum admirationem, ac stuporem tractus, expensas ingentes innuit, cum dictas Aquas in Urbem longo fornice, hoc est, vigesimo ab Vrbe lapide collectas, & per longos Aquæductus tam arcuatos, quàm subterraneos ad Quirinalem vsque Montem adductas ait. Id quod non nisi maximis impensis fieri potuit. Difficultatem insuper ostendit, cum ipsam Naturam, quæ aquas Quirinali & Exquilino montibus negavit, ab arte superatam fuisse inquit, aquæ natura reluctante, cuius est deorsum labi, non autem sursum ferri. Mirificam Fontis structuram per admirationem innuit, cum molem in calum vsque, hyperbolicè loquens, sublatam esse dicat. Hic enim fons lapidibus marmoreis exstructus, columnis, & saxis in Obelisci formam excisis, necnon historijs ad aquam pertinentibus, mira arte exculptis ornatur. Habet autem Fons tria aquæ magna, ut vulgo dicitur, Capita, siue Ostia. Super horum mediū adstat Moysis statua marmorea: Ad læuam super alterum aquæ Caput, historia Gedeonis exculpta cernitur, quando ex decem millibus hominum trecenti tantum selecti fuerunt ad proeliandum: & hi sunt qui ad aquas ducti, instar canum aquas lambere visi sunt, ceteris, qui cernui biberant, a proelio exclusis. Ex altera parte super tertium aquæ caput historia Moysis, cum ex saxo ad Hebræorum murmurationem, aquam excussit. Qua de re extat ingeniosissimum Blanci Epigramma, quod est:

Aegypti deserto abiens, e viscere montis

Antiquus Moses eliciebat aquas:

Nunc alter Moses in seci culmina montis

Sixtus aquas Roma ducit ab Vrbe procul.

Magna ambo: sed vter fecit maiora, requires?

Atque illi, hic monti suppeditauit aquas.

*Fontis, et
Aquædu-
ctus des-
criptio.*

Indic. 7.

Num. 20.

CERNUNTUR infra, ad Columnarum bases, Leones quattuor marmorei aquam faucibus euomentes, quorum duo sunt ex marmaridum lapide subnigro sub suis basibus cum Hieroglyphicis litteris. Hi autem in area Pantheonis inter duo porphyretica labra olim videbantur.

Supra fontis verticem inter duos Obeliscos inspiciuntur insignia SIXTI V. a duobus Aligeris subleuata, super quibus Montes Cruce sanctissima insigniti locati sunt. In marmore autem hæc Inscriptio cubitalibus litteris inculpta legitur:

SIXTVS V. PONT. MAX. PICENVS
AQUAM EX AGRO COLUMNAE VIA
PRAENEST. SINISTRORSVM MLTARVM
COLLECTIONE VENARVM DVCTV SINVOSO
A RECEPTACVLO MILL. XX. A CAPITE XXII.
ADDVXIT, FELICEMQ. DE NOMINE
ANTE PONT. DIXIT.

Paulo Inferius:

COEPIT PONT. A. I. ABSOLVIT III.
M. D. LXXXVII.

In huiusce rei testimonium intra Urbis moenia prope portam sancti Laurentij, in arcu ipsius aquæductus ad eandem rem erecto hæc inculpta extat Inscriptio:

SIXTVS V. PONT. MAX.
DVCTVM AQVAE FELICIS
RIVO SVBTERRANEO MILL. PASS. XIII.
SVBSTRVCTIONE ARCVATA VII.
SVO SVMPTV EXTRVXIT.
ANNO DOM. M. D. LXXXV. PONT. I.

V T autem hoc tandem Emblemata concludam, dicam tantum, Felicem Aquam huius Fontis in multas Urbis partes late,

late, & copiose diffundi: ex eaq. Urbem ipsam sese quodā modo recreasse. Hinc Blancus in altero Inscriptionis versu ait: *Romulea passim iugis in Vrbe fluit*: hoc est, Roma a Romulo dicta, occultiori denominatione posthabita, iugiter, multisq. in locis, Felicibus aquis irrigatur, opera & industria loanis Fontanæ, qui eas in Urbem feliciter deduxit.

In fronte Bibliotheca ad leuam apparet

Emblema VIII. De Vjs.



OC Emblemate, Viæ nouæ & amplissimæ quidem representantur, quas SIXTUS V. ab Exquilino monte in quandam sideris formam ad loca diuersa aperuit ac strauit, collibus, & montibus explanatis. Quod quantam commoditatem

Via formā sideris representans.

populis sacras Ædes extra Urbem nouam visentibus afferat, haud facile dici potest. Qua ex re peruigilem summi Pastoris curam circa gregem suum nemo non ignorans velit nolit fateri cogitur, viam ampliorem, atque faciliorem sibi reddi, qua quisque ad sacratissimas Basilicas ire, ac demum inde fideream sibi Domum comparare queat. Id quod meo quidem iudicio fidereā illa Viarum forma nos docet. Hinc Blancus ait:

INSCRIPTIO EMBLEMATIS.

*Dum rectas ad templa vias sanctissima pandit,
Ipse sibi Sixtus pandit ad astra viam.*

MIRVM est, quanta carminis facilitate, & felicitate præstet Blancus, qui non solum ob ingenij acumen cum Martiali, vt dixi, sed etiam ob dicendi puritatem & facilitatem cum Ouidio est conferendus. Quod qui cetera, eaq. varia illius scripta non perspexerit, vel ex hoc Disticho facile iudicabit: & velut ex vngue Leonem dignoscet. SIXTUS igitur V. vt dicam quod ex Blanci Disticho desumpsi, dum nobis nouas aperit Vias, & facile ad Basilicas monstrat iter, amplissimam sibi ipse Viam aperit ad Cælum.

Ex ungue Leonem agnoscitur: prout vbi.

De his Vijs in Arcu aquæductus Felicis aquæ intra Urbis
moenia prope portam sancti Laurentij hæc legitur Inscriptio
lapide incisa.

SIXTVS V. PONT. MAX.

VIAS VTRASQVE

ET AD SANCTAM MARIAM MAIOREM

ET AD SANCTAM MARIAM ANGELORVM

AD POPVLI COMMODITATEM

ET DEVOTIONEM

LONGAS, LATASQ. SVA IMPENSA STRAVIT

ANNO DO. M. D. LXXXV. PONT. I.

In fronte Bibliotheca ad dextram partem apparet

Emblema. I X.

De Triplici continentia, sue castitate.



EMBLEMA hoc repræsentatur illud, quod
providentia SIXTI V. opera, diuinoq. consi-
lio de seruanda continentia virginali, maritali,
& viduali sancitum fuit. Est autem hoc loco al-
lusio ad ipsum Pontificem per tres illos albos
Montes in ciuisdem insignibus positos, necnon per tres illas
coronas Pontificias ad id quod Regnum mundi appellatur
spectantes. Ponitur enim in summitate alborum Montium,
qui puritatem & castitatem significant, Virginum Chorus
intra Coronam locatus, & circumseptus. Secundo loco Vi-
duarum Chorus altera Corona cernitur circumdatus. Postre-
mo autē loco coniugatorum tertia Corona circumuallatus, &
custoditus cōspicitur. Nam sicut Virginitas Viduitati, ita nu-
ptijs casta viduitas laude ac merito præferenda est. Hic ordo
adsimilis est verbis Matthæi loquentis de fructu centesimo,

*Sci. Flo.
Decr. 10.*

saxage-

sexagesimo, ac trigesimo. Virginibus enim centesimus, Vi- Matt. 13.
 duis sexagesimus, Coniugatis vero trigessimus debetur fru-
 ctus in fertili Ecclesiæ agro, quem integritatis flore vernan- Amb. lib.
de Vid. 10.
4.
 tem, quem viduitatis grauitate pollentem, quem coniugij
 fructibus redundantem SIXTVS V. tamquam verus cultor
 omni labore colit, omniq. industria exornat, & omni denique
 vigilantia custodit, vt Virginitas Angelorum vita hisce in
 terris florescat, fructuq. centesimo non defraudetur: viduitas
 fidei Magistra vigeat; & sexagesimo non careat fructu: con-
 iugalisq. societas fœcundet, fructuq. trigesimo non priuetur,
 sed quasi in vnum iugum iuncta maneat, & perseueret. Hinc
 Blancus de huiusmodi beneficio a SIXTO V. erga Romam
 collato, ait:

INSCRIPTIO EMBLEMATIS.

*Virgo intacta manet, nec viuit adultera coniux;
 Castaq. nunc Roma est, qua fuit ante salax.*

SI QVIS profecto Blancum diligenter examinet, cum
 Martialem alterum iudicet, nisi quod ille Hispanus, hic
 Gallus: ille lasciuior, & Latini sermonis non adeo candi-
 dus obseruator, hic pudicitiae, & puritatis Latinae linguae
 amator, & cultor: ille Domitiani Imperatoris res Romae
 gestas acutis Epigrammatis concludit, hic Mœcenatis sui
 SIXTI V. praeclara facinora ingeniosis versibus Romae ce-
 lebrat. Hoc vero admirabilius est, quod quae Domitiani cecinit
 ille, hic eadem fere a SIXTO V. facta, sed splendidiora,
 & Christianam pietatem, Pontificiamq. potestatem omnino
 redolentia nunc decantat. Et vt pleraque alia missa faciam,
 vnum tantum proponam exemplum, quod ad rem nostram
 mirifice facit. Ante enim Domitiani tempora adeo Romae vi-
 guerat impudicitia, vt Martialis quodam in Epigrammate
 Domitiani laudes in reformanda Vrbe extollens, ac temporis
 acti licentiam, effrenatosq. libidinis impetus exprobrans in
 huiusmodi exclamationem proruperit:

At prius, o mores; et spado melius erat.

Et alio in loco dum quamplurima eius merita erga Urbem
 recens-

recenset, eiq. Romam ob tot tantaq. beneficia plurimum debere fatetur, hunc in modum Imperatoris laudes concludit:

Plus debet tibi Roma quod pudica est.

BLANCVS igitur ad id quod contra Stupratores, & adulteros à SIXTO V. sancitum fuit, alludens, Romam nunc castam appellat, quæ fuit ante falax.

Emblema. X.

De Sacello Sixtiano.

HOC Emblemate repræsentatur Sacellum illud Sixtianum numquam satis laudatum, tum ob egregiam architecturam, structuramq. magnificentissimam, diuersorum generum lapidibus pretiosis, columnis, & statuis marmoreis, pulcherrimisq. picturis, auroq. ornatam: tum maximè ob Christi infantis Domini, & Saluatoris nostri Præsepe, quod hunc locum magis verendum, omniq. admiratione, atque deuotione spectandum, contemplandumq. reddit. Nam SIXTVS V. in suum hoc Sacellum transtulit dictum Præsepe, & in medio locauit: ad quod per gradus descenditur. Ex vno Sacelli latere, & Monumentum & Simulacrum Pij V. Ex altero autem Sepulchrum SIXTI V. ex marmore candenti onychino, aphrico, omnisq. alterius generis nobilissimo confecta cernuntur. Infra autem Simulacri Pij V. pedes hæc luculenta Epitaphia leguntur:

PIO V. PONT. MAX.

EX ORD. PRÆDICATORVM

SIXTVS V. PONT. MAX.

EX ORD. MINORVM

GRATI ANIMI MONVMENTVM

POSVIT.

Alterum

Alterum vero, quod illi mox subiungitur, in hanc verborum formulam extat:

PIVS V. GENTE GISLERIA. BOSCHI IN LIGVRIA NATVS, THEOLOGVS EXIMIVS: A PAVLO III. IN INSVERIA HÆRETICÆ PRÆVITATIS INQVISITOR, A IVLIO III. SANCTÆ INQVISITIONIS OFFICII COMMISSARIVS GENERALIS, A PAVLO IIIII. EPISCOPVS SVTRINVS, DEINDE S. A. E. TT. S. MARIE SVPER MINERVAM PRESBYTER CARD. ET A PIO IIIII. ECCLESIE MONTIS REGALIS, IN SVBALPINIS ADMINISTRATOR FACTVS: EO VITA IVNCTO, SVMMO CARDINALIVM CONSENSV PONT. MAX. CREATVR, QVI VETERES SANCTOS PONTIFICES AMPLATVS, CATHOLICAM FIDEM PROPAGAVIT, ECCLESIASTICAM DISCIPLINAM RESTITVIT, TANDEM GESTARVM RERVM GLORIA CLARVS, DVM MAIORA MOLITVR, TOTIVS CHRISTIANÆ REIPVB. DAMNO NOBIS ERIPITVR.

KAL. MAII M. D. LXXII. PONT. ANNO VII.

ÆTATIS SVÆ LXVIII.

Alijs etiam imaginibus vndique collustratur, quæ non historiae instar narrant, sed ob oculos ponunt præcipua quædam acta. Est ea in primis, qua apparatus pompaq. exprimitur, cum Pontifex creatus sollemni ritu coronatur. A dextera eius cernitur actio figuris expressa, cum Marcum Antonium Columnnam, classis Pontificiæ præfectum pronunciat, & constituit. A sinistra extat etiam ad posteritatem prodita, altera actio, qua Sfortiam, sanctæ Floræ Comitem, Pontificij auxiliarij exercitus ducem, contra perduelles Karoli Noni, Galliae Regis, Ecclesiæq. hostes decernit. Pugnae naualis designatio, & classis Christianæ cōtra Turcas strenue ad Echinadas pugnantis descriptio, expressa item figuris, alio loco apparet, breuiq. at illustri narratur elogio hoc:

SELINVM, TVRCARVM TYRANNVM, MVLTIS INSOLENTEM VICTORIIS, INGENTI PARATA CLASSE, CYROQ. EXPVGNATA, CHRISTIANIS EXTREMA MINITANTEM, PIVS V. FOEDERE CVM PHILIPPO II. HISPANIARVM REGE, AC REP. VEN. INITO, M. ANTONIVM COLUMNAM, PONTIFICIÆ CLASSI PRÆFICIENS, AD ECHINADAS, HOSTIBVS XXX. MILL. CÆSIS, X. MILL. IN POTESTATEM REDACTIS, TRIREMIBVS, CLXXX. CAPTIS, XC. DEMERSIS XV. MILL. CHRISTIANIS A SERVITVTE LIBERATIS, PRÆCIEVS, ET ARMIS DEVICIT.

Ex

Ex altera parte imago cernitur proclij, & victoriæ, quæ, eo ipso duce Sfortia, in Gallia de hæreticis reportata est: habetq. item incisam inscriptionem hanc:

GALLIAM CAROLO IX. REGE, PERDVLLIVM, HÆRETICORVMQ. NEFARIIS ARMIS VEXATAM, VT DE REGNO, DEQ. RELIGIONE ACTVM VIDERETVR, PIVS QVINTVS, SFORTIÆ, COMITIS SANCTÆ FLORÆ DVCTV, MISSI EQVITVM, PEDITVMQ. AVXILIARIIVS COPIIIS, PERICVLO EXEMIT. HOSTIVSQ. DELETIS, VICTORIAM REPOR-
TAVIT, REGI REGNVM CVM RELIGIONE RESTITVIT. SIGNA DE HOSTIVS. CAPTA, AD LATERANENSEM BASILICAM SVSPENDIT.

Habet præterea Sacellum hoc Sixtianum hemicyclia sex suo loco disposita: in quorum primo, Apostolorum Principis Petri, in altero Beati Pauli Apostoli, in tertio Sancti Dominici confessoris, in quarto Sancti Petri martyris, in quinto seraphici Francisci, in sexto Sancti Antonij Patauini simulacra marmore pulcherrimo exculpta cernuntur.

De his omnibus Petrus Galesinius Proton. Apostolicus in translatione corporis Pij V. eleganti & soluta scripsit oratione. Hæc igitur, & multo plura, quæ verbis explicare nemo potest, contemplatus Inscriptionis Auctor, mira scilicet rerum pulchritudine, summa artis excellentia, & loci veneratione captus hunc in modum ait:

INSCRIPTIO EMBLEMATIS. 511

*Virginis absistit mirari templa Diane,
Qui sanum hoc intrat, Virgo Maria, tuum.*

HISCE in Versibus allusio est Dianæ Virginis ad Beatam Mariam semper Virginem, Virginem scilicet ante partum, in partu, & post partum: Virginem sine exemplo, Virginemq. vt multa paucis complectar, quæ nec sibi simile visa est, nec habere sequentem, vt Ecclesia sacrosancta testatur. Blancus igitur, hac allusione, & comparatione poetica Sacellum hoc sanctæ Mariæ ad Præsepe dicatum ostendit admirabilius esse Dianæ Templo, quod adnumeratum fuit inter septem Mundi miracula, quæ sunt Mausoleum ab Artemisia

*Antiph.
ad Laud.
Nat. Do.*

Li. 34. c. 7

missa Cariae Regina in memoriam viri extructum, Colossus solis apud Rhodios, Iouis olympiaci simulacrum ex ebore a Phidia factum, Muri Babylonis quos Semiramis Regina constituit, Pyramides in Aegypto, Domus Cyri Medorum Regis, quam Memnon arte prodiga, illigatis auro lapidibus, fabricavit, & Dianae Ephesiae Templum quod summæ magnificentiæ fuit, & admirationis apud priscos, ducētis viginti annis factum a tota Asia: cuius longitudo erat 425. pedum: latitudo vero 220. Columnæ centum viginti septem a singulis Regibus factæ, sexaginta pedū altitudine: & ex his triginta lex cælata, vt apud Plinium fusissime videre licet. Hoc autem Templum Herosttratus Ephesius, homo ignauus & scelestus suis manibus incendit, vt ea re nominis immortalitatem compararet.

*Septem
mūdi m.
racula.*

*Lib. 7. ca.
28. & lib.
36. cap. 5.
& Strabo
lib. 14.*

Vt igitur Blancus Dianæ Templum a Sacello Sixtiano superatum esse indicet, Beatam Mariam semper Virginem alloquens ait: Qui tuum, Virgo, ingreditur Sacellum, Dianæ Templum admirari absistit, idest, desistit. Absistere enim pro desistere ponitur. Sic Virgilius: Absiste moueri: Absiste rogādo. Sic Claudianus: Absiste rogari. Sic & alij hoc verbo vsi sunt. De hoc Sacello Sixtiano opus elegantissimum carmine Heroico in tres libros distinctum edidit Franciscus Badesius.

*Virg. d. &
s. Eneid.*

Emblema. X I.

De Obelisco ad Aedes sanctæ Mariæ de Populo erecto.



EMBLEMA hoc ob oculos ponitur Obeliscus ille Hieroglyphicis insignitus notis, & in Circo maximo olim locatus: nunc vero ante Aedes sanctæ Mariæ de Populo a SIXTO V. translatus, & erectus, ad sanctissimā Christi Crucem super Montes, ac Stellam in fastigio Obelisci positam sustinendam, vt significetur, hisce in terris, atque in cælo Crucem ipsam regnare.

INSCRIPTIO EMBLEMATIS.

Maximus est Obelus, Circus quem maximus olim
Condidit, & Sixtus maximus inde trahit.

CIRCUS, in quo erat Obeliscus hic, altitudinis centum & sex palmorum citra basim, appellabatur Maximus, vel
E quia

*Obelisci Circus maximus
altitudo.*

*Circi ma-
ximi lon-
gitud. &
latitudo.*

quia maximus erat Circorum omnium, qui quattuor erant in Urbe primarij, vel quia, teste Annio Viterbiensi, Vertumno Iano Deorum maximo ab ipsis gentilibus sacratus erat. Hic locus, in quo ludi fiebant longitudine stadiorum trium, hoc est passuum 437. latitudine vero 125. a Tarquinio primum constructus, a Cæsare autem dictatore in ampliorem, & nobiliorem, ditioresq. formam 40000. Sextertijs redactus, duceta & sexaginta hominum millia sedentium capiebat. Hinc forsitan Inscriptionis Auctor ad magnitudinem Circi maximi alludere voluit dicens, maximum esse Obeliscum, cum tamē Lateranensi, & Vaticano sit longe minor. Qui autem eum e Circo maximo ad hunc locum transfulit, & crexit, tum nomine, tum re non solum Pontificia potestate, sed rebus etiam gestis vere maximus est, & iure dici debet. In huius Obelisci basi hæc Inscriptio olim insculpta legebatur:

IMP. CAESAR DIVI F. AVGVSTVS

PONTIFEX MAXIMVS

IMP. XII. COS. XI. TRIB. POT. XIV.

ÆGYPTO IN POTESTATEM

POPVLV ROMANI REDACTA

SOLI DONVM DEDIT.

Inscriptiones novæ in Obelisci basi nondum exculptæ sunt, hinc ipsæ hoc in loco apponi non potuerunt.

Emblema. XII.

De Domo Mendicantium.



Oc Emblemate repræsentatur summa SIXTI V. pietas, Domusq. Mendicantium vsui, magna liberalitate ab eodem summo Pontifice constructa. Hic enim tamquam verus Pastor suis ouibus non solum panem spiritualem, sed etiam corporalem præbere studet, dum tot pauperes mendicitate laborantes vnum in locum cogit, atque inibi post largam annonam Urbis comparatam, diuino primum verbo, deinde temporali cibo alendos, & cetera humanæ indigentiae necessaria iisdem subministranda diligenter curat: nec amplius tot pauperes, tam senes, quam iuuenes, & filios parentibus orbatos, & mu-

& mulieres, necnon Virgines, & Viduas gementes, auxiliumq. postulantes per Urbem, & per Ecclesias turmatim ire patitur. Quod qui hodie fieri non videt, sed potius medicis Urbē carere cernit, admirari non desistit. Hinc Inscriptionis Auctor huius nouitatis causā, interrogatione premissa, hūc in modū exponit.

INSCRIPTIO EMBLEMATIS.

Queris, cur tota non sit mendicus in Vrbe:

Tecta parat Sixtus, suppeditatq. cibos.

PVLCHRE dubium diluit, & admirationem tollit Inscriptionis Auctor: potuisset enim vere admirari qui olim tot pauperes, & mendicos in Vrbe vidisset: vel qui modo tantū ad Urbem accessisset, & in tanta hominū frequentia nullum mendicum cerneret. Itaque Inscriptionis Auctor ait: *Tecta parat SIXTUS*: Id pertinet ad Prochodochium, idest ad locū mendicis recipiendis destinatum. *Suppeditatq. cibos*: Id spectat ad Prochotrophium, idest ad locum mendicis alēdis paratum. Hinc domus hęc Mendicantium dicta, a SIXTO V. constructa, & Prochodochium, & Prochotrophium simul est: in quā domum recipiuntur, & inibi aluntur mendici. In cuius rei testimonium ad portam Domus hęc Inscriptio marmore incisa legitur:

SIXTVS V. PONT. MAX. PICENVS
PAUPERIBVS PIE ALENDIS
NE PANE VERBOQ. CAREANT
MVLTQ. SVO COEMPTAS AERE
HAS ADES EXTRVXIT
APTAVIT AMPLIAVIT
PERPETVO CENSV DOTAVIT
ANNO D. M. D. LXXXVII. PONT. II.

Emblema. X T I I.

De statua sancti Pauli in Columna fastigio locata.



OC Emblemate representatur Dedicator Statue æneæ S. Pauli super Columnam Cochlidem Antonianam a SIXTO V. collocata. Hęc Columna altitudinis palmorū 279. citra basim gradus marmoreos intrinsecus ducentos sex, & fenestellas sexaginta sex habēs, Antonino Imperatori, cognomento

† De hac
historia vi
de infra
pag. 283.
Euseb. in
Chron. Vo
laterr. &
alij.

Pio, ob pietatem, & clementiā sibi ab hominibus, adscriptam, a M. Antonio philosopho, eius filio adoptiuo erecta, & varijs eiusdē gestis & victorijs miro artificio exsculpta, dedicata est. Hic, anno Domini CXXXIX. regnare cœpit, & Eusebio teste, primus permisit, vt Resurrectio Dominico die celebraretur. Simulacrum eius in fastigio huius Columnę, vt in numismatis videre licet, olim cernebatur: nunc vero SIXTI V. iussu sanctissimo, Statua S. Pauli iure conspicitur. Quare Inscriptionis Auctor ait:

INSCRIPTIO EMBLEMATIS.

*Iure Antoninum Paulo vis, Sixte, subesse:
Nam vere hic pius est, impius ille Pius.*

ELEGANTEM nominis, et rei allusionem tangit. Blancus, dum rationem reddit, cur SIXTVS V. Antonino Pio columnam ademerit, vt eam Paulo daret: nimirum, quia Paulus vere pius, fuit Christianę pietatis disseminator, Doctor egregius, & fortissimus Christi athleta: ille vero, licet pietatis politicę nomen sortitus fuerit, re tamen ipsa ethnica impietate pollutus extitit, & vera fortitudine & eloquentia, quibus Imperator falso laudabatur, ab eodē Paulo longe superatus fuit. Itaque nō solū ob dictas rationes in Columna Antoniana triumphū iure agit, verumetiā ob eam causam, quę de Petro in Columna Traiana triumphū gerente in Emblemate quarto fuit assignata. Inscriptiones nouę in Columnam incidendę ad hanc vsque diem incise non sunt; hinc ipsę hoc in Emblemate apponi non potuerunt.

Emblema. X I I I I.

De Translatione Pij V.



PIVS V. Pont. Max. vitę sanctimoniam clarissimus in Basilica sancti Petri Tumulo non satis nobili iacebat: SIXTVS autem V. grato erga illum animo in Sacello suo Monumentum magnificentissimum eidem extruxit: illiusq. corpus sollempni pompa, magnaq. cuiusvis ordi-

nis

nis hominum frequentia eò transferri iussit.

INSCRIPTIO EMBLEMATIS.

*Transfers Sixte Pium: transferre an dignior alter,
Transferri an vero dignior alter erat?*

SVETILIS est Inscriptionis Auctor, & paucis verbis multa complectitur, dū ait: Transferri Pium V. a SIXTO V. hoc est, Pontificem dignissimum a Pontifice dignissimo, neque digniorem a digniore potuisse transferri. De hac translatione Petrus Galelimus Proton. Apost. eleganter, et erudite scripsit.

Emblema. XV.

De Obelisco ad Aedes S. Mariae ad Praesepe sito.



OC Emblema est Obelisci, quem Octavius Augustus erexit in Mausoleo quod in Valle Martia non procul ab Aedibus sancti Rocchi sibi & posteris Augustis magnificentissime construxit. In hoc celeberrimo sepulchro erant statuae aeneae, atque marmoreae cum inscriptione Pacis, & Victoriae & P. P. ad honorem ipsius Augusti. Erant praeterea ingentes, & pulcherrimae columnae cum parietibus marmoreis, porphyreticisq. lapidibus incrustatis. Mausoleum autem erat in excelsis fundatum molibus lapide niuco, & perpetuae viriditatis arboribus coopertum in summum usque verticem ad fluminis ripam exaggeratum: & in eius summitate locatum fuerat Caesaris Augusti simulacrum ex aere fabricatum, duoq. Obelisci Mausoleum ornabant, quorum vnus altitud. palmorum 70: est: quem ante sancti Rocchi Aedes humi iacentem ad Basilicam sanctae Mariae Maioris, ubi est Christi Praesepe, SIXTVS V. transtulit, & erexit. Hinc Inscriptionis Auctor ait:

*Obeliscus
altitudo.*

INSCRIPTIO EMBLEMATIS.

*Qui Regum tumulis Obeliscus servijt olim,
Ad cunas Christi, in pie Sixte, locas.*

PAUCA in fronte, sed a tergo multa hoc videtur continere distichon per huiusmodi antitheton Tumuli, & Cuna-

Cunarum, mortis scilicet, & vitæ, Tyrannorum & veri Regis Christi, Saluatoris nostri. Inscriptionis enim Auctor his duobus versibus dicta omnia, multoq. plura cōprehendere visus est, dū ait hunc Obeliscum inseruissē olim Tumulis, & sempiternæ morti Regum, nunc vero seruire nascenti Christo, Regi regū, ac veræ, æternæq. vitæ Auctori. Hinc quanto præstantior est vita æterna, quàm mors numquam finem habitura, ita Obeliscus præstantius sibi munus, & obsequiū comparauit. Quare non immerito Ioannes Chrysostomus vitā nostram e Christi ortu nascentem animo reuoluens, Saluatoris nostri natiuitatem omnium festorum metropolim esse asseuerauit. Inscriptiones sunt quæ sequuntur:

Io. Chrys.
so. 3. in si-
ne de bea-
to Philo-
sopho.

hæc Natiuitas, festo
omnium metropolim.

I.

CHRISTVS PER INVICTAM CRUCEM POPVLO PACEM PRÆ-
BEAT, QVI AVGVSTI PACE IN PRÆSEPE NASCI VOLVIT.

I I.

CHRISTVM DOMINVM, QVEM AVGVSTVS DE VIRGINE
NASCITVRVM VIVENS ADORAVIT, SEQ. DEINCEPS DO-
MINVM DICI VETVIT, ADORO.

I I I.

SIXTVS V. PONT. MAX. OBELISCVM AEGYPTO ADVECTVM
AVGVSTO IN EIVS MAVSOLEO DICATVM EVERSVM
DEINDE ET IN FLVRES CONFRACTVM PARTES IN VIA
AD SANCTVM ROCCHVM IACENTEM IN PRISTINAM FA-
CIEM RESTITVTVM SALVTIFERÆ CRVCI FELICIVS HIC
ERIGI IVSSIT, ANNO D. M. D. LXXXVII. PONT. III.

I I I I.

CHRISTI DEI IN ATERNVM VVENTIS CYNABVLA LÆ-
TISSIME COLO QVI MORTVI SEPVLCHRO AVGVSTI TRI-
STIS SERVIEBAM.

Emblema.

X V I.

De Triremibus, siue de Classe Pontificia.



EMBLEMA, quod ad dexterā introitus Bibliothecæ
Varicanæ primo cernitur, Classē Pontificiā
cōplectitur: quam SIXTVS V. ad abigendos
piratas, qui nostra Italiæ maria frequenter in-
festabant, & in ipsum Italicum solum non raro
incurrabant, & omni ferocitate grassabantur. De SIXTI V.

Triremi-

Triremibus elegantissime & erudite scripsit Antonius Quarengus, vir perpolitus quidem litteris ornatus.

Hoc autem animaduersione dignum est, respondere sibi inuicem, & ex aduerso loco sita esse hæc duo Emblemata, liberationis scilicet Italiae, quod a læua primum apparet: & hoc Classis Pontificiæ, quod ut diximus, primum a dextra conspicitur. Id quod factum est, ut ex vna parte, Terra ipsa prædonibus liberata, & ex altera sit Mare piratis perpurandum. Hinc Inscriptionis Auctor ait:

INSCRIPTIO EMBLEMATIS.

*Instruit hic Sixtus classes, quibus æquora purget,
Et Solymos victos sub sua iura trahat.*

MIRVM non est, hoc loco Inscriptionis Auctore non solum de piratis expellendis, verumetiam de sacro bello; & Turcarum extirpatione agere, cum alibi, præsertim vero in suo Eucharistico carmine omnes ingenij sui vires & neruos videatur intendisse ad bellum in Turcas concitandum, & promulgandum. Hoc ite superioribus diebus declarauit elegantissimo illo Epigrammate, quod hunc in modum exorditus est:

Postquam Italici victos exegit sinibus hostes

Et mihi adhuc restant æquora, Sixtus ait.

Sed quamuis Blancus id aperte dixerit, ego tamen ex eo Nautis Emblemate recondita quædam intelligenda esse suspicor, dum arcana contempler antiquorum, qui hoc commento, siue potius Hieroglyphico non solum manifestam oppugnationem contra hostes, tutelam pro se, refugium, atque securitatem, verum etiam salutem & felicitatem præferre studebant. Id quod ex numismate Iani, qui in Italiam venit, nobis planum fit, in cuius numismatis altera parte Nautis: & ex altera ipse Ianus geminus in æs incidebantur. Qua de re Ouidius hunc morem scrutatus dixit:

At bona posteritas puppim signauit in ære

Hospitis aduentum testificata Dei.

Ex hoc numismate manauit ad Posteris lusus quidam; sed mysticus, & in quibusdam Europæ partibus ad hanc vsque diem

Lusus

diem seruatus, & a paucis intellectus, quò pueri denarios in sublimè iactantes, exclamabant, aut caput, aut nauim: quorum altero, post firmatum humi nummum, inspecto, eius erat victoria, qui diuinasset: cuius lusus genus hodie in Italia sub nomine sanctissimæ Crucis, per quem salus nostra aduenit, & sub Sancti nomine fieri solet. Manauit inde in posteriores Romanos vsus incidendæ Nauis in numismata, sicut videre est in Adriani nummo: in cuius altera facie Nauis, cum his litteris: S. C. Cos. III. P. P. cernitur: in altera vero hæc legitur inscriptio: Felicitati Aug. Idem in Augusti nummo cum eadem inscriptione conspicitur. Nauis item felicitatis, & salutis indicium erat apud Athenienses, vt Plato in Phædone testatur. Christiana tandem pietas felicissimi successus, & salutis suæ signum habet, Naue ipsam cū Piscatore Petro tam in familiari summi Pontificis annulo, quàm in aureis Apostolici fisci nummis expressam felicitatem, & salutem tot annis antea præmonstratam, sed ab ijs, qui verum Deum ignorauerunt, non intellectam. Quod enim Ouidius de Naue Iani dixit:

Plato in
Phadone.

Hospitis aduentum testificata Dei,

Sumptum fuit ex altiori disciplina ab eo ignota, qua homines admoniti forent, hospitem aduenturum, Petrum scilicet Christi Vicarium, qui Naue, hoc est in Ecclesia, verum Dei cultum, & salutem humano generi subministraret, vt factum est. Quod etiam, ni fallor, numismata quædam, quæ nuper ad manus meas peruenerunt, præferre videtur: in quorum altera parte SIXTI V. effigies: in altera vero Nauis conspicitur cum hac Inscriptione: *Terra, Mari securitas*: quæ profecto securitas, & salus ex Pontificatu SIXTI V. mirum in modum in Christiano Orbe vigent.

De omnibus pene rebus hucusque a me explanatis, & a SIXTO V. Pontifice Maximo præclare gestis Ioannes Franciscus Bordinus, varia carmina elegiaca superiori anno edidit, & figuras ipsas suo in libello representauit. Hæc de Emblematis. Nunc reliquum est, vt ad Bibliothecas accedamus.

D E

BIBLIOTHECIS

AD LAEVAM BIBLIOTHECAE

VATICANÆ

PER FEDERICVM RANALDVM

Valuen. Bibliotheca custodem excogitatis, & per Petrum Galefium Proton. Apost. & Silvium Antonianum sacri Collegij illustrissimorum S. R. E. Card. secretarium dispositis, atque Inscriptionibus illustratis, & per Pictores penicillo representatis.

*Silvius Antonianus
Collegij Cardinalium
secretarius.*



BIBLIOTHECARVM vsus apud omnes Populos, Hebræos scilicet, Græcos, Latinos, atque Barbaros frequentissimus fuit semper. Id quod non sine ratione factum esse asseuerandum est, cum viuos Præceptores habere semper nobis nō liceat, aut saltem non semper doctos & præclaros Viros. Hinc a Regibus olim, & Imperatoribus, & locupletibus hominibus, bonarumq. artium cultoribus, vel certe earundē amatoribus iā inde a priscis illis temporibus ad hanc vsque diem Bibliothecæ in pretio fuerunt, vt in ijs optimorum auctorum libri reconderentur: & ex ijsdem suo item tempore tanquam e penu depromerentur. Institutum est vere insigne, & omni ex parte laudandum: & antiquam Typographica ars fuisset inuenta, summo opere necessarium, vt veterum scripta ab interitu, & disciplinæ ab obliuione vindicaretur. Harum rerum, Typographiæ scilicet ac Bibliothecæ institutum SIXTVS V. ad omnia præclara, & Pontificia sane opera, omniq. laude, admirationeq. digna conficienda natus, veterum omnium ingenia, generososq. animos, eorumq. operam tum ingenti rerum gestarum copia, tum etiam magnitudine, atque præstantia longe superâs, maiorem in modum præstitit. Illam enim in Vaticano ad sanctorum Patrum codices restituendos, Catholicamq. disciplinam

F

toto

toto terrarum orbe propagandam instituit. Hanc autē ad veterum Scriptorum monumenta excolenda, atque conseruanda publicæ studiosorum commoditati, vniuersæq. Reip. Christianæ vtilitati, feliciter, vt solet omnia, omniūq. admiratione, restituit. Ad huius vero Bibliothecæ ornatū, omniumq. litteratorum solatium, insigniores ac vetustiores Bibliothecæ nō solum sacræ, sed etiā profanæ per Pictores in pariete expressæ, repræsentantur: quarū prima Hebræa est, vt infra videre licet.

B I B L I O T H E C A H E B R A E A
*in sinistro angulo depicta Bibliothecam Vaticanam
 ingredienti primum sese offert.*



Exod. 17.

2. Mac. 2.

Deut. 31.

BIBLIOTHECA Hebræa in Templo erat, vbi Prophetarum libri, & Iudicum ac Regum acta asseruabantur: & iam inde a Moyse ex diuino iussu ortum habuit: Deus enim, Amalech deuicto, dixit Moyfi: Scribe hoc ob monumentum in Libro, & trade auribus Iosue. Hinc de huiusmodi Bibliotheca in 2. Machabæorum libro aperte legitur hunc in modum: Inferebantur autem in descriptionibus & commentarijs Nehemiæ hæc eadem, & qualiter construens Bibliothecam, congregauit de regionibus libros & Prophetarum, & Dauid, & epistolas Regum, & de donarijs. Moyses denique, vt in Deuteronomio legitur, postquam verba legis conscripsit, Leuitis, qui fœderis Arcam portabant, præcepit dicens: Tollite librū istum, & ponite eum in latere Arcæ fœderis Domini Dei vestri, vt sit ibi contra te in testimonium. Id quod in prima sinistri anguli parte repræsentatur, vbi Moyses Leuitis iuxta fœderis Arcam adstantibus librum porrigere cernitur. Quam rem Inscriptio hunc in modum expresse declarat:

*Moyse librum legis Leuitis
 in Tabernaculo reponendum tradit.*

EX altera anguli parte nonnullæ imagines depictæ Bibliothecam diligenter tractare videntur, vbi repræsentatur
 Biblio-

Bibliotheca illa, quam Esdras sacerdos & scriba post incensam legem a Chaldeis, cum Iudæi regressi sunt in Hierusalem, diuino afflatus spiritu reparauit, cunctaq. legis ac Prophetarum volumina, quæ fuerunt a Gentibus corrupta, accurate, vt Rabanus Maurus ait, correxit: totumq. vetus Testamentum in duos & viginti libros distinxit, vt tot libri essent in lege, quot littetæ apud Hebræos habentur. Hic item non solum libros emendauit, sed etiam præter illos duos canonicos, qui sub eius nomine in Biblijs sacris leguntur, quattuor ac ducentos libros edidit, vt nos testatum legimus: ex quibus septuaginta libros non nisi sapientibus tradendos esse ait. Hinc nonnulli suspicati sunt Cabbalam apud Hebræos ab ipso collectam fuisse, huiusq. generis libros Picus Mirandulanus mirum naturæ Monstrum sese habuisse scribit. Hic igitur Esdras, vt missa isthæc faciamus, non solum libros corruptos correxit, aliosq. confecit, sed Bibliothecam hebræam restituit, restitutam auxit, & auctam diligenter conseruandam curauit, vt videtur præferre Inscriptio, quæ in hanc legitur formam:

*Esdras Sacerdos, & Scriba
Bibliothecam sacram restituit.*

SCHOLA BABYLONICA

in primo interfenestrio depicta.



In primo Interfenestrio Schola Babylonica iussu Nabuchodonosor regis instituta repræsentatur: in ea enim pueri, in quibus nō erat macula, forma elegantes, & decori, & de regio semine orti litteras & linguam Chaldæorum docebātur, vt inibi per tres annos victu regio enutriti coram rege deinde stare, eiusdēq. Regis negotia tractare possent. Hac in Schola, Daniel Propheta de stirpe David regia adhuc fere infans captiuus e Iudæa in Babyloniam perductus vna cum Anania, Azaria, & Misæle socijs puerulis cernitur. Hi Chaldæorum linguam, eorumq. artes, omnes per trium annorum spatium

Ex 4. lib. Picus Mirandulanus, naturæ monstrum.

Esdras nō canonico cap. 14.

Gen. 11. 2. Chron.

De Inssis. Cler. cap. 54.

Isid. Hist. lib. 7. etymol. cap. 3.

Anno m^o di 3508.

Dan 1.

didicerunt, non ut doctrinam Babylonicam sequerentur, sed ut eam reprobarent, sicut de Moyse legitur, qui eodem consilio omnem sapientiam Ægyptiorum adeptus fuit. Hi propter abstinenciam, ac diuinæ legis obedientiam cibis regijs vesci noluerunt, sed leguminibus tantum, & aqua contenti ceteris sapientiores, & pulchriores alijs, qui cibo regio yescabantur, reperti sunt: per quos deinde apud Chaldaeos, & Persas Dei religio late propagata fuit. Daniel vero omnium visio-
Dist. 37.
Qui de mensa.
Dan. 1.
Dan. 2.
Epiph. de vita prophet.
 num, & somniorum intelligentiam a Deo accepit: & vir factus, ut ait Epiphanius, fuit ad spectu aridissimus, & squalore oblitus: in fauore autem, & gratia perquam speciosus. Triennio expleto, Daniel cum socijs a Rege accersitur per Eunuchorum præpositum, qui cum Eunuchis, cui horum puerorum cura demandata fuerat, hac de accersitione nonnullis præstolantibus loqui præfert. Hac in schola Daniele, tresque eius socios, necnon & alios litterarum studio operam nauantes videre est: quorum alij legere, alij scribere, alij vero meditari videntur. Huius Scholæ Inscriptio est:

*Daniel, & socij linguam,
 scientiamque Chaldaeorum ediscunt.*

Esdra 1.
cap. 5. 6.
 EX altera huiusce Interfenestrij parte complures imagines conspiciuntur, quæ consultationem, siue potius decretum perquirendum de Templi instauratione repræsentant, ut Inscriptio, quæ eo loci legitur, aperte declarat his verbis:

*Cyri Decretum de Templi instauratione
 Darij insu perquiratur.*

Genebr.
li. 1. Chrō.
anno mil-
li 3140.
Libro 8.
antiq.
2. Para-
lip. 2. &
3. Reg. 7.
 Ut autem ambiguitates de instauratione Templi e medio tollantur, nonnihil dicere operæpretium duxi. Templum Domini a Salomone anno ab Orbe condito 3146. construitur annis centum & quadraginta tribus, prius quam Tyrij Carthaginem Coloniam conderent, Iosepho teste. Hoc Templum augustissimum fuit, & omni admiratione dignum, ita vero, ut illa septem Mundi miracula longe superaret: constructumque fuit centum quinquaginta tribus millibus Prosclytarum inter Israelitas inuentis, qui ad lapidinas,

eidinas, & ad lapides, & saxa in opportunū locum asportanda operas suas præstarent. Anno vero ab orbe condito 3369. tam Hierusalem, quam Templum in tercia captiuitate a Babilonijs solo æquatur. Anno autem mundi 3638. Templi instauratio a Cyro conceditur, & a Zorobabele, fundamenta iaciuntur, sed iussu Artaxerxis structura intermissa, anno 2. Darij longinani perficitur. Anno autem Mundi 4157. & anno Christi 69. inuito & renitente Tito, Templum hoc a milibus incensum fuit, ita vt humana industria ignis exingui nō potuerit. Ter Templum deinde Iudæi instaurare conati sunt, sub Hadriano, sub Constantino Magno, & Iuliano Apostata, qui non solum a vita monasticha, vt fertur, sed etiam a Catholica fide desciuit. Hic, vt ait Ioannes Chrysostomus, omnium Imperatorum impiissimus bonos sanctosq. mores, Christianamq. vitam euertere, studuit, dum monasticham vitam professos foedissima sæuitia necandos, scholas iteni claudendas, sacros codices omnes comburendos, & ecclesias deuastandas curabat, Ecclesiæq. hostes, & apostatas fouebat. Hic denique, tamquam Christi hostis scelestissimus, vt eius nomen omnino deleret, si potuisset, anno a Christi Saluatoris nostri ortu 356. pro Templo Iudæis iterum, hoc est tercia vice, ædificādo, etsi ipse Idolis seruiebat, pecunias tamen contulit, & artifices vndique euocauit furēns, vt Domini sententiam euerteret, qui Templum Salomonicum deinceps instaurari non patitur. Hinc, vt ait Ioannes Chrysostomus, cum artifices hoc tam impium scelus tentassent, fundamentaq. aperire cœpissent, multamq. terram exhaustissent, restaretq. vt iam structuram aggredierentur, proutinus ignis exiliens e fundamentis multos exussit, & intempestiuam atque impiam pertinaciam interrupit. Quare hoc exemplo Iudæi, suum ipsorum statum funditus deletum esse, nec cum amplius instauratum iri mōnentur, Deo ita iubente, qui cum infirmitati nostre prouidens Ecclesiam suam sanctam, & catholicam amplificari vellet, omnia illa subueri & penitus tolli ita voluit, vt sine vlla cunctatione illis cessantibus, hæc vera esse, pro quibus in illis typus præcesserat, crederemus. Erat enim prius Hierusale vrbis magna et regalis, at vbi Templum Dei CHRISVS venit, qui cælestis Hierusale cœpit aporre mysteria, deleta illa terrena,

Genebr.
li. 1. Chr.
anno mū-
di 3146.
Cp 3638.

Esdra. 1.
cap. 3. 4.
Esdra lib.
3. non ca-
nonico c.
1. & 6.
Genebr. li.
2. Chron.
an. Chri-
sti 69.

Homil. 3.
aduers. Iu-
daos 10. 5.

Homil.
vt sup. ad
finem.

Genebr. li.
2. Chron.
anno mū-
di 4257.

Hom. 10.
in Leuit.

Mar. 14.

Esd. lib.
3. cap. 5.

eo in templo lapis super lapidem non remansit. Erat prius Pontifex sanguine taurorum, & hircorum purificans populum: sed ex quo verus apparuit Pontifex, qui credentes suo purificaret sanguine, nusquam est ille Pontifex prior, nec ullus ei locus relictus. Altare fuit prius, & sacrificia celebrabantur: sed ubi venit verus AGNVS qui seipsum hostiam obtulit DEO, cuncta illa velut in tempus posita cessauerunt. Hæc ex Origene: Non est igitur quod Iudæi tertium Templum materiale amplius expectent: tertium enim Templum spirituale aduenit CHRISTVS, qui de seipso, hoc est de Templo corporis sui dixit: Dissoluam Templum hoc, & in tribus diebus excitabo illud. Instauratio, autem, quæ hoc in loco memoratur, est de secundo Templo, quod Zorobabel inchoauit, ut in tertio libro, qui Esdræ dicitur, videre est. Hic enim & quartus quâuis canonici non sint, sunt tamen alicuius auctoritatis. Hæc de Schola Babylonica, necnon de Templi instauratione. Nunc reliqua persequamur.

BIBLIOTHECA GRÆCA.

Gell. li. 5.
No. 7. c. 17.



N secundo Interfenestrio Bibliotheca Græcorum representatur: in cuius priori parte Pisistratus Atheniensium Tyrannus, in secunda vero Seleucus Macedoniæ Rex, Nicanor dictus, vna cum alijs imaginibus depicti cernuntur. Pisistratus enim primus in Græcia creditur Bibliothecam instituisse: quam deinceps ab Atheniensibus auctam Xerxes Persarum Rex Athenarum potitus abstulit, & ad Persas asportauit. Seleucus vero longo post tempore Athenas referendam curauit. Id quod Inscriptiones, quæ infra leguntur, aperte docent: quarum prior in hanc legitur formam:

*Pisistratus primus apud Græcos
Bibliothecam instituit.*

*Altera vero:
Seleucus Bibliothecam a Xerxe
asportatam referendam curat.*

BIBLIOTHECA ALEXANDRINA.



BOST Græcam Bibliothecam in eodem Interfene-
 strio sequitur Bibliotheca Alexandrina, ab Ale-
 xandria Ciuitate nomen suscipiēs, & a Ptolemæo
 Philadelpho; Ægypti Rege, & Stratonis discipu-
 lo, constructa. Hic enim, quod ad Bibliothecæ
 studium pertinet, cum Pisistratum æmularetur, maximis im-
 pensis vndique conquisitos libros describi curauit, septuagin-
 taq. vel vt ait Gell. septingentis voluminum millibus Biblio-
 thecam instruit, quam vt sacris etiam codicibus insigniret,
 vetus Testamentum ex Hebræo in Græcam linguâ per septua-
 ginta duos Interpretes ab Eleazaro Iudæorum Pontifice ad
 hanc rem præstândam selectos trecentis plus minus ante Chri-
 stum natum annis transferri curauit. Quod vt ab eodem Elea-
 zaro facilius impetraret, Iudæos, ad centum viginti millia li-
 bertati restituit, & auri quinquaginta talenta ad crateras, &
 libatoria faciēda, necnon & gemmas fere innumeras Hieroso-
 lymam misit. Hi autem septuaginta duo viri apud Pharam
 Nili insulâ in singulis cellulis singuli, vt ait Augustinus, seor-
 sum locati Biblia interpretati sunt, tanta Spiritus sancti virtue,
 vt in omnibus plane conuenirent, & ne in minimo quidem
 verbo discreparent, oracula de CHRISTO obscuriora, nec-
 non de Sanctissima Trinitate Spiritus sancti instinctu conte-
 gentes, ne Ptolemæo eorum mysteriorum non capaci scanda-
 lum afferrent, & ne canibus sanctum darent. Bello tandem
 Alexandrino, quod Iulius Cæsar contra Ptolemæum gessit, vt
 Cleopatram ab ipso pulsam restitueret, cum Vrbs a Cæsare
 fuisset incensa, hæc etiam Bibliotheca deflagrauit, Transla-
 tione septuaginta Interpretum, ob diuinam prouidentiam,
 seruata. Huius Bibliothecæ Præfectus erat Demetrius Phale-
 ræus vir doctissimus, ac Theophrasti discipulus. Quare in pri-
 ma huius Interfenestrii parte Ptolemæus rex, Demetrius Bi-
 bliothecarius, & Aristæas ὑμνοποιῆς Regis, cernuntur, dum
 ille Bibliothecam ingenti librorum copia struendam curat,
 & Veteris Testamenti translationem procurandam studet. In
 altera vero parte septuaginta Interpretes sacros Codices Pro-
 lemao

Ioseph. li.
 21. cap. 2.
 Euseb. li.
 5. hist.
 Eccl.

Gell. li. 6.
 Noët. cap.
 17.

Aristæas
 Philadel-
 phi ὑμνο-
 ποιῆς

Iustinus
 Mart. A-
 pol. 1. ad
 Gent.
 Aug. lib.
 18. de Ci-
 uir. Dei c.
 42.

Genes. li.
 2. chron.

Aristæas
 professor
 Regis. Ex
 Hiero. op.
 104. 10. 3.

Iemæo Regi offerre conspiciuntur. Inscriptiones autem ad hæc res explicandas sunt duæ, quarum prima est:

*Ptolemæus ingenti Bibliotheca instructa
Hebræorum libros concupiscit.*

Altera vero est:

*LX XII. Interpretes ab Eleazaro missi
sacros libros Ptolemæo reddunt.*

BIBLIOTHECA ROMANORVM

in tertio Interfenestrio depicta:

Pub. Vid.

Gell. lib.
11. Noct.
cap. 17.

Plin. lib.
34. cap. 7.

Suet. Tru-
quillus.

Plin. lib.
35. cap. 2.
in lib. 7.
cap. 30.

Gell. li. 1.

Noct. cap.

10.

Virg.

Ecl. 4.



BIBLIOTHECAE publicæ, vnde triginta fuisse Romæ perhibentur, ex ijs autem duas saltem præcipuas, Palatinam scilicet, & Vlpianam extitisse narrant histori: hæc ab Vlpio Traiano, vt ait Gellius, in Templo fuit instituta: illa vero ab Augusto in Palatino monte & in Apollinis templo tam Græcorum quàm Latinorum codicum copia mirifice fuit constructa, vt Suetonius, & Plinius testantur. Fuerunt item priuatæ Bibliothecæ permultæ, Domitiana, & Gordiana, necnon Iuliana, siue Cæsariana Græcis Latinisq. scriptis refertissima a Iulio Cæsare Marco Varroni commissa. Primus autem qui in Urbem librorum copiam aduexit, fuit Paulus Æmilius, Por-
sena Macedonum rege deuicto. Sed Asinius Pollio Romæ pri-
mus tam Græcæ quàm Latinas Bibliothecas promulgauit,
additis Auctorum imaginibus in atrio de manubijs magni-
ficentissime constructo.

In hoc autem Interfenestrio de libris Sibyllinis historia, Pa-
latinaq. Bibliotheca representantur: vbi mulier quædam, Si-
bylla scilicet Cumæa, vt suspicor, tres libros venales manu ge-
stans, coram Tarquinio superbo rege, sex alijs exustis, quos
omnes oracula continere affirmabat, ad stare cernitur. Tar-
quinius enim pretium percontatus est: quod cum sibi ni-
mium & immensum videretur, risit, tantiq. eos nouem
codices emere noluit: hinc mulier illa foculum coram eo igni

appo-

Sibylla cumæa

apposuit, tresq. libros ex nouem combussit. Id quod secunda etiam vice de tribus alijs factum fuit, Tarquinio de pretio percontante, idemq. pretium de sex reliquis libris Muliere postulante. Hinc tertia vice Tarquinius reliquos tres libros mercatur nihilo minore pretio quam quod pro omnibus nouem fuerat postulat. Quo facto, Mulier illa, vt ait Gellius, a Tarquinio digressa, nusquam postea loci visa fuit. Tres autē libri in Sacrarium repositi, Sibyllini fuerunt appellati: & ad eos quasi ad Oraculum quindecim viri adibant, cum Romani aliqua de re publica falsos consulere Deos cupiebant. Inscriptio ad hanc rem pertinens, hisce legitur verbis:

Gell. lib.
1. ca. 19.

*Tarquinius superbus libros Sibyllinos tres,
alijs a Muliere incensis, tandem emit.*

IN altera huius Interfenestrij parte Augustus Cæsar inter litteratos, Virgilium scilicet & Horatium Poetas laurea decoratos, ceterosq. bonarū artium cultores, adstare cernitur: eiusq. Palatina, & pulcherrima quidem Bibliotheca, Latina videlicet & Græca repræsentatur, in qua Numeriani Imperatoris, & Marci Varronis viuientis Statuæ, teste Pollione, fuerant locatæ. Inscriptio huius Bibliothecæ hæc est:

*Augustus Cæsar, Palatina Bibliotheca
magnifice ornata, viros litteratos fouet.*

BIBLIOTHECA HIEROSOLYMITANA
in quarto Interfenestrio depicta.



BCCELESTIastici Viri, post Apostolorum tempora, hereticis passim ingruentibus, summa cura, & pietate adlaborarūt, vt Catholicorum scripta, sacrarumq. litterarū interpretationes in Bibliothecas, quas in Templis habebant, reponerentur. Quod factum sane fuit, vt, cum ab illis viuā semper voce crudiri homines non possint, litterarum saltem monimentis crudiantur. Quam profecto rem Alexander Episcopus

Ensb. li.
6. ca. 14.
Et Hier.
vñ. de Vi-
ris illust.
10. 1. Et
Niceph.
Call. li. 7.

Euseb. li.
6. histor.
Eccles. ca.
32. & in
Chro. Ni-
seph. li. 5.
cap. 27.

Hierosolymitanus celeberrimus, qui Martyr sub Decio in carcere obiit, egregie quidem præstitit. Hic enim Hierosolymis insignem Bibliothecam instituit, in quam virorum Ecclesiasticorum scripta reposuit, Berilli, Hippolyti, Caij & aliorum quibus se adiutum in scribenda historia Ecclesiastica Eusebius testatur. Floruit Alexander circa annum Domini 254. temporibus Clementis Alexandrini, Origenis, & Narcissi: & extrema iam senectute, venerandaq. canicie eximius, ut idem ait Eusebius, & per pictores representatur, Cæsareæ perillustre Christianæ fidei testimonium præsidis tribunali dedit, bonum certans certamen, stolamq. sanguine imbuens Episcopalem. Hoc igitur in loco Hierosolymitana representatur Bibliotheca, in qua tres præsertim viros insignes, Diaconibus, & Clericis scribentibus, & id genus alia facientibus, videre licet, Alexandrum scilicet, & Narcissum, qui, codem Eusebio teste, centū & sexdecim annos vixit, assidentes, & Origenē adstantem, cum hic annos circiter triginta tunc temporis natus esset. Huius Bibliothecæ Inscriptio legitur hunc in modum:
*S. Alexander Episc. & Mart. Decio Imp. in magna
temporum acerbitate sacrorum Scriptorum
libros Hierosolymis congregat.*

BIBLIOTHECA CAESARIENSIS
in quinto Interfenestrio depicta.

Euseb. in
Chron.



CAESAREA, Vrbs Palestinae, non procul a Monte Carmelo in littore Maris magni, quæ Turris Stratonis vocitabatur, ab Herode in honorem Cæsaris ædificata, Cæsarea denique nuncupata fuit. Hac in ciuitate Pamphilus Laodiceus Cæsareæ Palestinae presbyter, qui glorioso tandem martyrio fuit decoratus, Bibliothecam insignem magno studio construxit, opera Eusebij Episcopi, cui maxima familiaritate coniunctus erat, adiutus, Pisistratum in sacrorum codicum ingenti coactione adæquare contendens. Hic enim sua in Bibliotheca ad triginta voluminum millia habuisse, suaq. manu maxi-
mam

Hiero. de
Viris il-
lust. 10. 1.

nam partem librorum Origenis descripsisse narratur. Quæ omnia Hieronymus & Gennadius, Ecclesiasticos scriptores toto terrarum Orbe inquirentes, miro ordine prosequuti sunt: eorumq. studia vno voluminis Indiculo comprehenderunt. Quare hac in Bibliotheca S. Pamphilus, Eusebius Episcopus, & Hieronymus conspiciuntur: Pamphilus videlicet ex vna parte, ex altera vero Hieronymus actum scribendi representantes. Ad Hieronymi pedes leo iacere cernitur, sicut passim pingi solet, vt ex eo, si hac in re coniectari fas est, declaretur, maximum sibi in eremo degenti cum belluis fuisse vsum & consuetudinem, vt ipsemet hinc fatetur verbis: O quoties (inquit) ego ipse in eremo constitutus, & in illa vasta solitudine, quæ exusta solis ardoribus horridum monachis præstat habitaculum, putabam me Romanis interesse delicijs. Sedebam solus, quia amaritudine repletus eram: horrebant sacco membra deformia: & squalida cutis situm æthiopica carnis obduserat: quotidie lacrymæ, quotidie gemitus: & si quando repugnantem somnus imminens oppressisset, nuda humo vix ossa hærentia collidebam: de cibis vero, & potu taceo, cum etiam languentes monachi aqua frigida vtantur, & coctum aliquid accepisse, luxuria sit. Ille igitur ego, qui ob gehennæ metum tali me carcere ipse damnaueram, scorpionum tantum socius & ferarum, sæpe choris intereram puellarum. Hæc S. Hieronymus ad Eustochium scribens. Ex quibus verbis cum inter feras in Erèmo fuisse late patet: hinc, si conijcere licet, leonem secum habere pingitur. In hac vero Bibliotheca, legendi scribendiq. actu ipse representatur: propterea quod eam, aliasq. permultas vidisse, contrectasse, necnon diligenter lectitasse perhibetur. Eusebius autem in medio adstant libros inquirendi, seu postulandi actum præferre videtur. Ceteri vero vel libros compaginare, vel disponere hinc inde cernuntur. Huius Bibliothecæ Inscriptio legitur in hanc verborum formam:

S. Pamphilus Presb. & Mart. admiranda sanctitatis, & doctrinæ Cæsareæ sacram Bibliothecam conficit, multos libros sua manu describit.

Hierony.
10. l. 1. ep.
22.

Hier. de
vitis il-
lustr. 10. l. 1.

BIBLIOTHECA ROMANORVM PONTIFICVM
in angulo ad leuam frontispicij Bibliotheca depicta.



BIBLIOTHECAM Pontificiam iam inde a Petro, primo Christi Vicario ortū habuisse, & a Bibliorum codicibus, præsertimq. Euangelij, Epistolis Petri, Pauli, Iacobi, Ioannis, & Iudæ, necnon Apostolorum Actis, & Ioannis Apocalypsi, deinde Epistolis Decretalibus, vel Consultationibus siue Constitutionibus Synodalibus, vel rebus id genus alijs per summos Pontifices eiusdem Christi Vicarios, & Petri successores incrementum paulatim accepisse credendum est. Huius rei indicium luculentissimum ex eo haberi potest, quod teste Hieronymo, ex cunctis Christiani orbis partibus ad Archiuū Romanū, in quo œcumenica Concilia asseruabantur, pro dubiorū solutione frequēter confugiebatur, vel, cū in Canone aliquo quid, corruptum vel deprauatū esse iudicabatur. Id quod etiā ex quodam S. Gregorij Magni loco planum fit, qui, cum dubitatio seu difficultas quædā de Ephesino concilio orta fuisset, ait: Romani Codices multo veriores sunt quàm Græci. Ex concilio item Romano Gelasij tempore celebrato, in quo de Archiuo & Scrinio Romanis, deq. Bibliothecarijs, Scribis, & Notarijs, & Scriniarijs frequens cōmemoratio fit, Ecclesiā Romanam ingenti librorum copia abundasse dicendū est. Ex libro denique Pontificali, constat Hilarum sanctum duas in Palatio Lateranensi construxisse Bibliothecas, quæ, vt dictum est, a S. Petro originem traxerūt. Hinc in priori anguli parte S. Petrus repræsentatur, qui vni, genuflexo, alijs adstantibus, mandare videtur, vt sacros Codices super altare positos asseruandos curaret. Hæc autem sacros Codices asseruandi cura fuisse demandata iudicatur, cum Petrus ab vrbe decedere, & in Galliam, atque in Hispaniam, necnon in alias Prouincias proficisci statuit, vt Christianam fidem propagaret, ac promulgaret, sicut re ipsa fecit: tunc enim, Linum & Cletum Diaconos, suos item discipulos, corepiscopos, seu coadiutores instituit, eisq. Ecclesiasticas functiones Romæ commisit: Clecto autem Clementem, Petri & Pauli auditorem, successisse

S. Igna-

*Athanas.
ad Mar-
cū Papā.*

*Hierō. ad
Pāmach.
ep. 12. 10.
2. Et Eu-
seb. li. 18.
c. 21.*

*Regist. li.
5. ep. 14.*

*Hilarus
Pontifex,
nō Hila-
rius, vt a
nonnullis
falso scri-
bitur.*

S. Ignatius eiusdem Petri discipulus & Christi Martyr affirmat. Id quod sacro Missæ Canoni satis consōnum esse videtur, vbi prius quidem Linus, deinde Cletus, tertio autem loco Clemens leguntur. Nec silentio prætereundum est, nonnullos ratos fuisse eundem cū Cleto Anacleto. Hinc Cæsar Baronius in Annalibus Ecclesiasticis ait ex Ignatij testimonio, Clementem Cleto successisse, atque ita pro Anacleto legendū esse: nam in eiusdem Ignatij epistola, Anacleto Clemens non Cleto successisse legitur. Sed quia de huiusmodi historia, dictorūq. Petri successorū ordine maxima est inter Scriptores controuersia, satis est eam tetigisse, pro ea scilicet re exponenda, quæ ad nostrū negociū pertinet. Qui vero de hac controuersia varias Scriptorum opiniones, necnon sententias videre cupit, ad Annales Ecclesiasticos Cæsaris Baronij cōfugiat, qui huius generis difficultatem fusissime, & eruditissime quidem pertractat. Vt autem ad rem nostram reuertamur, sicut Bibliothecam Vaticanam iam inde a Petro ortum traxisse, ita etiam ab eodem de ea conseruāda curam Successori suo fuisse demandatam, coniectari licet, vt ex Inscriptione, quæ infra legitur, videre est:

S. Ignat.
epi. 4. ad
Mariam
Cassoboli-
ten.

Tome 1.
an. Chri-
sti 69.

*S. Petrus sacrorum librorum Thesaurum
in Rom. Ecclesia perpetuo asseruari iubet.*

IN altera huius anguli parte Summi Pontifices repræsentantur, qui Bibliothecam Vaticanam instituerunt, vel auxerunt, siue conseruarunt. Hæc primum, vt dictum est, in Lateranensī Patriarchio fuit, vbi olim Romani Pontifices residebant: deinde Auenionem, quò Romanam sedem Clemens V. aduexit, translata, Martini V. opera Romam iterum perducta, in Vaticano tandem sita est, vbi Pontifices residere solent. Quamuis autē multi eam in dies auxerint, duo tamen summi Pontifices Bibliothecam in Vaticano insigniter construxerunt, & auxerunt, hoc est, Nicolaus V. Pont. Max. natione Lunensis ex oppido Sarazano, qui missis doctis viris conquirendorum vndique Codicum gratia, vt Volaterranus testatur, Bibliothecam Vaticanam ampliorē reddidit, confusis eousque, sparsisq. libris, neque vllō certo, aut digno loco interclusis,

Volaterr.
libro 22.
Anthrop.

terclusis. Hanc item Sixtus IV. non solum amplificavit, sed etiam in nobiliorem locum reposuit, honestiori structura exornavit, armarijs, pluteisq. digessit; atque Ecclesiæ decori, studiosorumq. consuluiit comoditati. Sed SIXTUS V. ita eam rebus quibuscumque illustrem reddidit, ut ceteros omnes, qui Bibliothecas instituerunt, facile superarit. Inscriptio, quæ infra legitur, hæc est:

*Romani Pontifices Apostol. Bibliothecam
magno studio amplificant, atque illustant.*

Huic Vaticanæ, & Apostolicæ Bibliothecæ aliquem semper & vitæ probitate, ac doctrina Virum insignem præfuisse credendum est. Qui autem ipsi Bibliothecæ præerat, in Romana curia & Bibliothecarius & Cancellarius aliquando fuit appellatus, cuius munus erat, codices omnes accuratissime custodire, Bullas, seu Diplomata, vel Epistolas decretales summorum Pontificum scribere, necnon dictare, actaq. Conciliorum, & synodalia, idq. genus alia exscribere, & conservare. Quæ item nostra ætate Sedis Apostolicæ faciunt Cancellarij, ea omnia huius generis Præfectus præstare solebat: isq. Papæ amanuensis, siue scribarum princeps, vel a secretis poterat nuncupari: Bibliotheca enim Pontificia velut Cancellaria, utq. hoc tempore loquimur, Secretaria quædam erat.

De Præfectis Bibliotheca Vaticana.

*Tristius de
Scrip. Ec-
clo. et Pla-
tina in
vita Leo-
nis 4.*

Gregorius I I. in Patriarchio nutritus, & a Sergio Papa Subdiaconus, & Sacellarius, ac postmodum Diaconus creatus Bibliothecæ Lateranensis curam suscepit, ut Anastasius Apostolicæ olim Bibliothecæ instaurator, & custos affirmat.

Bartholomæus Platina Cremonensis vir suo tempore doctissimus, Scriptor Apostolicus, & Sixti IV. familiaris, ut alios Bibliothecarios, de quibus nihil scriptum reperire potui, silentio inuoluam, Bibliothecæ Vaticanæ ab eodem Sixto IV. Pontificatus Anno VI. M. CD. LXXV. Præfectus fuit institutus: atque huiusmodi munus perpetuū fore decretum est.

Bartholomæo Platina Bartholomæus Manfredus Clericus Brittonensis Diocesis, linguarum peritia insignis, eo demor-

tuo

quo, successit Anno XI. eiusdem Pontificatus M. CD. LXXXI.
Post hos creati sunt temporibus suis qui sequuntur.

Christophorus persona Romanus Prior sanctæ Balbinæ
creatus Anno M. CD. XXCIV.

Ioannes de Dionysijs Venetus Anno M. CD. XXCVII.

Hieronymus Cathalanus Archidiaconus Barcinonensis, qui
fuit Alexandri VI. cubicularius, Anno M. CD. XCIII. eius-
demq. Pontificatus anno II.

Ioannes Fonsalida Hispanus Episcopus Interannensis Anno
M. CD. XCV.

Fr. Volaterranus Archiepiscopus Ragusinus Anno M. D. V.

Thomas Ingeramius, alias Phædrus Volaterranus. M. D. X.

Philippus Beroaldus Iunior Bononiensis, An. M. D. XVI.

Fr. Zenobius Accarolus Florentinus ordinis Prædicatorum
Anno M. D. XVIII.

Hieronymus Aleander Carnus Archiepiscopus Brundisi-
nus Cardinalis, Anno M. D. XXXVII.

Augustinus Steuchus Eugubinus Episcopus Chisamen-
sis cōgregationis sancti Saluatoris Bononiensis, An. M. D. XXXVIII.

Marcellus Ceruinus Politianus Presbyter Cardinalis, qui
fuit Pontifex, a Paulo III. creatus, Anno M. D. XLIX.

Robertus de Nobilis Politianus Diaconus Cardinalis a
Paulo IV. creatus, Anno M. D. LV.

Alphonfus Carafa Neapolitanus Diaconus Cardinalis, An-
no M. D. LVIII.

Marcus Antonius Amulius Presbyter Cardinalis Venetus,
Anno M. D. LXV.

Guilielmus Sirletus Presbyter Card. Calaber, An. M. D. LXXII.

Antonius Carafa Neapolitanus Presbyter Cardinalis a
SIXTO V. Bibliothecarius, Anno M. D. XXCV. creatus
ad hanc vsque diem Bibliothecæ fungitur præfectura.

De Custodibus Bibliothecæ Vaticane.

VT autem tot millium librorum curæ, atque conserva-
tioni melius incumbi posset, idem Sixtus IV. duos
Custodes fidei spectatæ, ac diligentæ Viros, qui Bibliotheca-
rium iuarent, instituit: atque huiusmodi custodiam perpetuo
duraturam decreuit, sicut de Bibliothecario dictum est. Inter
Custo-

Custodes vero, ut ceteros, qui iam inde ab eo tempore fuerunt, præteream, hoc munere functi sunt, Faustus Sabceus, & Nicolaus Maioranus Hydruntinus: huic vero per promotionem ad Episcopatum Monopolitanum successit Guilielmus Sirletus Squillacensis. Huic autem per promotionem ad Protonotariatum (qui tandem presbyter fuit Cardinalis, & Bibliothecarius creatus M. D. LX.) successit Hieronymus Sirletus Guilielmi frater.

Fausto Sabceo successit Federicus Ranaldus Valuen. & Hieronymo Sirleto successit Marinus Ranaldus Valuen. Federici frater: atque ambo tempus in præsens Bibliothecam ipsam Vaticanam summa fidelitate, summaque industria, incredibiliq. labore pertractant, custodiunt, omniq. ex parte conseruant.

*De Librarijs, vel Scriptoris Bibliothecæ Vaticanæ,
Librorumq. numero.*

SIXTVS IV. ut Bibliothecæ Vaticanæ utilitati, omni conatu consuleret, tres Librarios, hoc est, codices & scripta describentes, Latinum scilicet, Græcum, & Hebræum instituit: quibus Paulus IV. tres alios, duos videlicet Græcos, vnumq. Latinum adiunxit.

Marcellus autem Ceruinus, qui olim Bibliothecarius fuit, librorum correctores, & ut sic dixerim, reuifores duos instituit.

SIXTVS vero V. qui in rebus præclaris conficiendis a nemine superatur, sed ipse potius ceteros omnes longe superare videtur, ut nihil ad Bibliothecæ Vaticanæ decus & ornamentum, nihilq. ad publicam utilitatem, atque commoditatem præstandam desiderari posset, multa alia, multoque maiora omnia studiose molitur, Bibliothecamq. ipsam Vaticanam, Viris doctissimis ita exornat, utilitatibus & commoditatibus, ornamentisq. ita auget, ut nihil hac nobilius, nil celebrius, nil denique, quod ad Bibliothecas pertinet, post hominum memoriam gloriosius vnumquam fuerit. Hac in Bibliotheca Vaticana omni scientiarum linguarumq. genere reuerentissima, Codices præsertim manuscripti, & innumeri quidem, miro ordine asseruantur, & custodiuntur. Hæc hætenus. Nunc reliquum est, ut cetera persequamur.

DE CONCILIIS AD DEXTERAM.

BIBLIOTHECÆ VATICANÆ

depictis.



IAM inde a priscis illis temporibus tum apud Hebræos tum etiam apud alias Nationes Concilia & Conuētus pro dissidijs seu litibus dirimendis, erroribusq. corrigendis, siue rebus decernendis, ac legibus fanciēdis publice haberi coeperunt. Sic Aegyptios ac Persas, vt narrat Herodotus, sic Moysen & Iosue habito Populorū Conuēntu factitasse Iosephus testatur. Sed vt Populi Hebræi, aliarumq. Gētium exempla ad hanc rem pertinētia silentio pretermittā, Apostolorum Concilia post Christi aduentum celebrata breuiter recensebo : deinde ad Synodos Generales in Bibliotheca Vaticana Pictorum penicillo repræsentatas statim aggrediar describendas.

*Herod. l. i.
Iosephus
de Antiqu.*

Concilium Hierosolymitanum primum fuit de electione Mathiæ, vt habetur in actibus Apostolorum. Secundum de septem Diaconorum electione. Tertium de Circumcisione gentibus non imponenda. Quartum de legalium ad tempus permissione donec Synagoga cum honore sepeliretur, vt Beda, Carthusianus, & alij testantur.

*Act. i.
Act. 6.
Act. 15.
Act. 21.*

Primum fuit statim post Christi Ascensionem. Secundum anno primo post Christi mortem ante conuersionem Pauli, qui & eodem anno conuersus est. Tertium anno quartodecimo post Christi Ascensionem, & Pauli conuersionem sub Petro & reliquis Apostolis, Claudij tempore Imperatoris. Quartum autem non multo post etiam sub Petro. Sed tunc temporis tam Apostolorum quàm Presbyterorum Synodus, vt habetur in Actibus Apostolicis, cogebatur. Hinc summi Pontifices Concilia habere coeperunt.

Act. 15.

Cornelius autem primus omnium in Vrbe Roma sexaginta Episcoporum, totidemq. Presbyterorum, ac Diaconorum

H

contra

contra hæresim Nouatianam Synodum habuisse creditur: primusq. omnium Marcellus sanciuit, nullum Conuentum indici licere, nullumq. a quibusuis actum haberi ratum sine Romani Pontificis auctoritate. Id quod Iulius etiam, Damasus, & Gregorius summi Pontifices statuerunt, seu potius statutum confirmarunt.

Lib. 2.
cap. 12.
de Auth.
Pot. et Im-
mun. Eccl.

Quamuis autem multa Concilia generalia, necnon & alia ab Imperatoribus, ac Regibus fuerint congregata, vt Anastasius Germonius, Archidiaconus Taurinēsis vir in vtriusque iuris scientia apprimè eruditus, ac bonarum artium peritissimus diffuse, & exactè quidē in suo Libro de Sacr. Immunitat. narrat, summorū tamē Pontificū permisso, seu potius horatu, vt idem Germonius plene docet, fuerunt indicta. Hæc hætenus: nunc reliquum est, vt ad institutum nostrum accedamus.

DE CONCILIO NICAENO

P R I M O

*A tergo introitus Bibliotheca Vaticana ad dextram
representato.*



CVM Romani Principes, quorum Imperio Vniuersus fere terrarum Orbis olim subijciebatur, passim in Christianum nomen sæuirent, Concilia Ecclesiastica non tam publica quàm priuata fuisse credendum est.

At vbi Constantinus magnus Christianam religionem, volente Deo, complexus est per baptismum, quem a sancto Siluestro Papa suscepit, tunc Ecclesiæ catholicæ Romanæ de Christianæ rei summa agere publice licuit per eundem Constantinum, quo imperante Nicænus frequens Conuentus, itemq. primus ac celeberrimus omnium, Lateranensis generali secundo. excepto habitus est in Nicæa Bithyniæ Vrbe, Anno Domini 316. vel 324. Episcopi tercenti decem & octo ex vniuerso Christiano Orbe congregati interfuerunt,

fuerunt, atque inibi Arianæ perfidiæ impiam blasphemiam condemnarunt. Arius enim Alexandriæ Presbyter nomine magis quàm re ipsa, gloriæ atque laudis nouitatisq. improbæ cupidus in sanctissima Trinitate inæqualitatem esse affirmabat. Quæ profecto hæresis ceteris omnibus fuit perniciosior. Hinc de Mysterio Trinitatis loquens Augustinus sanctus, nil eo difficilius quæri, nullibi periculosius errari, nihil denique fructuosius inueniri posse ait. Fuit etiam alijs amplior, quia post Constantini mortē, vt alios prætermittā, Constantium & Valentem Imperatores, & Theodericum Gothorum Regem patronos inuenit per totum Terrarum orbem diffusa, & quamuis in Alexandria, teste Hieronymo, fuerit scintilla erroris, totum tamen orbem depopulata est flamma eius. Quare in hoc Concilio Homouision, hoc est eiusdem cum Patre substantiæ Filium scribi, fateriq. debere firmissima omnium sententia acclamatum, ac per symbolum definitum est: in quo addita sunt nonnulla in Symboli Apostolorum declarationem contra hæreses insurgentes in aliquot fidei articulos. Nam contra errorem Manichæorū, Deum creatorem inuisibilem, diabolum vero visibilem creatorem impie asseuerantiū, in illo articulo: *Creatorem celi & terre*, additum est: *Visibilem, & inuisibilem*. Contra autem pestiferam ac detestandam blasphemiam Arij additum est: *Ex patre natum*, scilicet Filium Deum de Deo, consubstantialem Patri. Hæc, et alia pro rei maiori explicatione fuerūt expressa.

Huic Synodo, quæ in Aula Regia per pictores præsentatur, Pontifex non interfuit, sed Vitus & Vincentius Romani Presbyteri, quos nunc Cardinales appellamus, & Hosius Cordubensis Episcopus Constantino Imperatori gratissimus loco Siluestri præfederūt. Duo illi Presbyteri, seu Cardinales purpureis vestibus induti cernuntur, vt Cardinales fuisse facilius pateat: nam ad illud vsque tempus Cardinales Galero rubro atque purpura donati non erant, cū id in Concilio Lugdunensi primo sub Innocētio iij. Federico ij. Imperāte, factū sit, vt suo loco dicemus. Hosius vero Cordubensis vir quidē celeberrimus Episcopalibus indumentis ornatus inter dictos Cardinales & Episcopos chorū efficientes, & adsidētes, repræsentatur. Huic Concilio Episcopi, Archiepiscopi, & Patriarchæ interfuerunt:

H 2 inter

lib. 1. de
Trin. c. 3.
tom. 3.

Lib. 3. in
Ep. ad Ga-
lat. c. 10. 6.

S. Thom.
1. 2. q. 36.
ar. 2. et 22.
q. 1. ar. 9.
c. 10.
De his su-
sis infra
pag. 65.

Hist. Eccl.
lib. 2. c. 1.

Bren. Ro.
6. Decembr.
Hist. Eccl.
lib. 2. c. 1.

inter quos fuit Nicolaus Myræ Episcopus, & ceteri vitæ sanctitate illustres, quorum alijs ob catholicam fidem oculus effossus, alijs vero suræ abscissæ erant, adeo. vt reliquiæ Martyrum eò conuenisse viderentur. Claruerunt autem hoc in

Niceph.
lib. 8. c. 14.
¶ 19. &
Martyrol.
11. Sept.

Niceph. Concilio inter sanctos viros Paphnutius Ægyptius, & Spyridion Cyprius Episcopi, duo ex ijs confessoribus, qui olim sub Maximino Imperatore dextro orbat oculo, sinistroq. poplite mutilati ad metalla fuerunt damnati. Hic autem Sanctus scilicet Spyridion prophetiæ quoque dono, & signorum gloria inclytus fuit, & in eadem Synodò Philosophum Ethnicum christianæ fidei insultantem deuicit, & ad fidem perduxit, vt ad læuam Concilij, extra tamen Conuentum, videre est, vbi Spyridion venerando aspectu senex, & bacillo innixus oculo dextro orbat, ac sinistro poplite truncatus, philosophum cogitabundum & conuictum alloquens representatur.

Hist. Eccl.
lib. 2. c. 1.

Ad dextram vero partem extra item Patrum Conuentum sanctus Athanasius tunc Diaconus, deinde presbyter ordinatus ab Alexandro Episcopo Alexandrino, in cuius locum successit, ad stare cernitur, qui cum Alexandro Episcopo, qui alteri philosopho silentiū imposuit, contra hæreticos disputauit.

Hist. Tripart.
¶ Bren. die
2. Maij.

E regione autem eorum, qui loco Pontificis præfederunt, Constantinus Imperator humiliori loco sedere conspicitur: quod tamen Episcoporum iniussu facere ausus non fuit. Hic orationem ad Patres habuit, vniuersq. Concilio largissimam ex publico subministrauit annonam, com meatumq. omnibus pro itinere faciundo suppeditauit, & eos præsertim, qui pro Christi fide tormenta passi fuerunt, exosculatus est non semel pro ea scilicet veneratione, qua Christi fideles prosequabatur maxima. Hinc libellos contra aliquem sacerdotem accusationem continentes ab aduersarijs aut æmulis sibi oblatos igne comburendos mandauit, dicens: Hæ accusationes in magni Iudicij die Iudicem suum habebunt: mihi enim homini sacerdotum causas iudicare non licet.

Hist. trip.
lib. 2. c. 1.

Ad Concilij læuam in eminentiori loco, siue in suggesto, vnde sermo ad populum haberi solet, Diaconus legendi astu cernitur pro Nicænæ fidei acclamatione, Arianæq. blasphemix damnatione promulganda. Arius autem ad inferiorem suggesti partem coram Patribus ad stare conspicitur: quodq. in cor-

in corde eius latebat virus, in ipsius facie clare indicatur: squalido enim ore, atque inculto, pannis, curis, moeroreq. oblitus per Pictorem representatus est: atque ita, ut animam euomere velle videatur, sicut ei miserrime euenisse narratur. Hic enim Constantinopoli secessum petēs exonerandi ventris causa, effluentibus foras intestinis miseram euomuit animam, mox experturam iudicium eius: de quo ipsum perperam sensisse, iudicatum fuit.

*Arijobius
ex Volaterr.
scri.*

Nec silentio prætereundum censeo quod de Patrum subscriptione diuinitus factum est: Musonius enim & Chrysanthus, ut Nicephorus narrat, cum suum diem obijissent antequam sacra Synodo finis fuisset impositus, Patrum consilio Codex Decreta omnia complectens & obsignatus demortuorum Episcoporum sepulchro pro eorundem subscriptione recipienda, diuina opē implorata appositus fuit: hinc post tridie, facto mane, Codex ipse obsignatus, demortuorumq. Episcoporum chirographis proprijs suo loco subscriptus, ac munitus, a Concilij Patribus fuit inuentus. Quæ res tantæ admirationi ac stupori omnibus extitit, tantæq. auctoritatis, venerationisq. apud omnes fuit, quantâ verbis nemo explicare potest. Hinc non solum ob ingentem Patrum & Sanctorum numerum, aliasq. ob causas plurimas, verum etiam ob huius generis factum tam illustre, tamq. admirandum, magnū Concilium non immerito dici potest.

*Nicephorus lib. 8.
cap. 23.
de Concilio Nicæno.*

Hoc fuit primū inter quattuor illa Concilia celeberrima, quibus scilicet Nicæno 1. Constantinopol. 1. Ephæs. 1. & Chalcedonenſi tamquā 4. Euangelij honorem præstandum esse sanctus Gregorius ille magnus affirmavit. Huius Concilij inscriptio in hanc legitur verborum formam:

*Reg. lib. 1.
c. 24. sub
ſine. & lib.
2. cap. 49.*

*S. Silueſtro PP. Fl. Constantino Magno Imp.
Chriſtus Dei F. Patri conſubſtantialis declaratur,
Arij impietas condemnatur.*

Ad dextram Bibliothecæ partem inter primam fenestram
& angulum Concilio Nicæno annexum librorum Ariano-
rum

rum combustio representatur, vt ex inscriptione, quæ legitur eo loco, videre licet.

*Ex Decreto Concilij Constantinus Imp.
Libros Arianorum comburi iubet.*

Socrates
lib. 1. c. 8.
& 22. &
Sozomen.
lib. 1. cap.
11.

Hic autem non solum Arianorum libros cremari mandauit, sed eum etiam, qui ipsos celare deprehensus fuisset, capitali supplicio afficiendum decreuit.

DE CONCILIO CONSTANTINOPOLITANO I.

*In primo Interfenestrio ad Bibliothecæ Vaticanæ
dextram depicto.*

Iustin. lib.
4. Et Plin.
lib. 4. c. 11.
Cal. Rhodig.
lib. 19.
antiqu.
test. c. 6.



CONCILIVM Constantinopolitanum primum Constantinopoli Thraciæ Ciuitate pulcherri- ma ac perillustri, nec non vtriusque linguæ, Cælio Rhodigino teste, monumentis celeberrima, olim Bizantio a Bizante conditore seu Bize Megarentium classis præfecto dicta, deinde vero a nomine Constantini, qui eam instaurauit, & auxit, muroq. cinxit, Constantinopoli, & noua Roma olim nuncupata coactum fuit Anno Domini tercentesimo octuagesimo tertio ex Episcopis Orthodoxis centum & quinquaginta, Macedonianis vero triginta sex tempore Damasi Papæ, & Theodosij senioris Imperatoris contra Macedonium Episcopum Constantinopolitanum, qui Spiritum sanctum Deum esse negabat, & creaturam esse affirmabat. Quare vt ad Spiritus sancti alluderetur personam, de qua præsertim hoc in Concilio habetur sermo, splendor ingens vel flamma ignea, per quam Spiritus sanctus significatur, e cælo descendens super altare inibi depicto stare cernitur.

Huic Concilio interfuerunt quattuor præsertim Patriarchæ

*Gregorij Pa-
tris prae-
cipui.*

*Greg. Na-
zianz. euv
Theologus
dicatur.*

*Greg. Na-
zianz. ab-
dicatio.*

*Hist. Eccl.
lib. 9. c. 28.*

chæ, Gregorius videlicet Nazianzenus Patriarcha Constanti-
nopolitanus. Timotheus Alexandrinus, Melitius Antioche-
nus, & Cyrillus Hierosolymitanus, Theodosio seniore Im-
peratore præsidente, vt ad dextram huius fenestree partem
videre est. Ad hanc eandem partem Episcopus in suggesto
adstare, & ad Patres sermonem habere cernitur. Ad læuam
Interfenestrij conspicitur historia de abdicatione & deposi-
tione, electioneq. Episcopi Constantinopolitani. Gregorius
enim Nazianzenus dum Nazianzi esset Episcopus ob singu-
larem diuinarum litterarum scientiam, propter quam Theo-
logi cognomen consecutus est, nec non ob magnam vitæ san-
ctitatem Constantinopolim ad eam gubernadam Ecclesiam
accerisus fuit: hinc Ciuitatem hæresibus laborantem expur-
gauit & ad catholicam fidem reduxit: quod autem summum
ei omnium amorem conciliare debebat, multorum sibi para-
uit inuidiam. Itaque cum inter Episcopos magna ob id orta
fuisset seditio, sponte ipse cedens Episcopatu, illius Propheta
dictum ysurpauit dicēs: Si propter me commota est hæc tem-
pestas, deiicite me in mare vt vos iactari desinatis. Gregorius
igitur cum Nazianzum rediisset, Timotheus Alexandrinus
Maximum quendam Cynicum Apollinaris vassania infe-
ctum Episcopum Constantinopolitanum creauit, quem Pa-
tres hoc in Conuentu Constantinopolitano antequam cete-
rarum rerum agendarum sumeretur initium, dignitate Epi-
scopali nudatum ab Ecclesia eiecerunt, Nestariumq. laicum
Tarsensem tunc Prætoris Magistratu Constantinopoli con-
spicuum, virum quidem prudentem, & litteratum, vitæq. pro-
bitate, catholicaq. fide insignem Constantinopolitanæ Eccle-
siæ Episcopum instituerunt, quam scilicet Ecclesiam post
Romanam, primatum obtinere debere decreuerunt, nouamq.
Romam esse dixerunt. Quamuis autem laicum ad Episco-
palem sedem statim promouere non liceat, id tamen ob
nimiam Clericorum penuriam iure factum fuit: propterea
quod nemo Constantinopoli inueniri potuit, qui vel Artana,
vel Macedoniana hæresi respersus non esset. Hoc denique in
Concilio Macedoniana hæresis vel blasphemia damnata
est, Symbolumq. fidei editum fuit nulla penitus in re ab eo
diuersum, quod nunc in Ecclesia publice canitur, præterquam
quod

quoddam solum ibi legitur: *Spiritum sanctum a Patre procedentem, suppressa Filij persona, quæ deinde ad maiorem explicationem post Nicænum & Constantinopolitanum I. fuit expressa: vbi enim nunc dicimus: Et in Spiritum sanctum Dominum, & viuificantem, qui ex Patre, Filioq. procedit: qui cum Patre, & Filio simul adoratur, & conglorificatur, in Symbolo Constantinopolitano hunc in modum dicitur: Et in Spiritum sanctum Dominum viuificantem ex Patre procedentem, cum Patre & Filio simul adorandum, & conglorificandum; Quæ omnia etsi eadem sunt cum ijs, quæ nunc in Symbolo inter Missarum solemnias leguntur, pro maiori tamē declaratione addita sunt nonnulla in Concilijs, ad peruersorū, impiorumq. hominū os obstruendū, piorumq. sententiā confirmandā: consubstantialēq. cum Patre & Filio Spiritum sanctū esse, in hac Synodo fuit declaratum. Huius Concilij inscriptio in hanc legitur verborū formam:*

S. Damaso Papa & Theodosio sen. Imp. Spiritus sancti diuinitas propugnatur, nefaria Macedonij extinguitur.

DE CONCILIO PRIMO EPHESINO

In secundo Interfenestrio ad dextram Bibliotheca depicto.



*Nest. post
Chrysost.
Episc. Com
stantinop.*

CONCILIVM Ephesinum primum habitum est non solum contra Pelagium, sed etiam contra Nestorium Constantinopolitanum Episcopum, qui purum hominem e Beata Maria semper Virgine natum, vtrāque personam carnis, aliam vero faceret diuinitatis, affirmabat: nec vnum Christum in diuinitate & carne sentiebat, sed seiunctim alterum Dei filium, alterumq. hominis prædicabat. Coactum est hoc Concilium sub Theodosio iuniore Imp. qui præsens adfuit, & Cælestino Pontifice circa annum Domini 436. ducentisq. Patribus in Ciuitate Ephesina, Vrbe maritima Ionæ, emporioq. Asia

Asiæ citerioris celeberrimo, Amazonum opere, Dianæq. templo in primis nobilitato, celebratum fuit.

Huic Concilio interfuerunt duo Patriarchæ, Cyrillus scilicet Patriarcha Alexandrinus, & Arcadius Episcopus, necnon Philippus Presbyter, quæ nunc Cardinalē vocitamus, Pōtificis loco præfederunt, & in eminentiori parte per pictores representantur. Cyrillus vero, qui Concilio, præfedit, Mitra & Pallio cernitur insignitus. Hoc itē in Cōcilio, cui S. Augustinus morte præuentus interesse nō potuit, nō modo Nicænæ fidei Symbolum prolixè explicatum est, atque ita vt hæc Synodus vniuersæ doctrinæ christianæ summa quædam non immerito dici possit, verum etiam Beatam Mariam semper Virginem nō modo *ἡ ἁγία*, id est Christi Matrem, sed *θεοτόκος*, hoc est vere filij Dei Genitricem siue Deiparam, & in Christo vnā esse tantum personam in duabus naturis, diuina scilicet & humana, declaratum fuit.

Cōcilij Patres præcipui.

B. Maria Virgo Dei-para.

Hinc ad superiorem huius Interfenestrij partē Maria Virgo filium, Christum Saluatorem nostrum in sinu gestās conspicitur. Nec sine diuino consilio factū esse credendū est, vt in hac scilicet Ciuitate præsertim Ephesina, sacra hæc Synodus fuerit celebrata: nam sicut Diana Virgo falso ac superstitiose a Gentilibus inibi colebatur, ita contra factum est, vt Beata Maria semper Virgo, Virgo, inquam, ante partū, in partu, & post partū, quæ nec primam similē visa est, nec habere sequentem, vt sacrosancta testatur Ecclesia, Dei Mater declararetur ac nominaretur, debitoq. cultu a Christi fidelibus, falso cultū expulso, non solum tamquam Christotocos, verum etiā tamquam Theotocos iure quidem veneranda, colendaq. esset.

Antiph. ad Laudēs Mariæ Domini.

Theotocos, Dei Mater.

Diaconi hinc inde libros legendi actu representantur, librique hæresibus respersi emensa quadam in terram deiiciuntur. Vnus autem prope Cyrillum Patriarcham Alexandrinū litteras Apostolicas publice coram Patribus legere cernitur.

Ad dextram eiusdem Interfenestrij partem peregrinū, siue mendicum quemdam innixum arundini, intra quam inclusæ litteræ synodi Ephesinæ ad Patres Constantinopoli degentes deferrebantur, videre licet. Fautores enim Nestorij Constantinopoli commorantes vbi primum rescuerunt, Antesignanum suum, Nestorium scilicet in synodo Ephesi-

791110
-1911

To. 2. c. 19.
pag. 406.

na fuisse condemnatum, omnes mox vias terra marique
ita intercluxerunt, & obseruauerunt, vt nemo e Concilio
Ephesino Constantinopolim, vel Constantinopoli ad Con-
cilium ire potuisset. Hinc singulari Dei prouidentia fa-
ctum fuit, vt Epistola, quam Cyrillus Alexandrinus no-
mine synodi Ephesinæ ad sanctos Episcopos, & Monachos
scripsit, opera cuiusdam mendici, qui eam in scipione, seu
arundine inclusam gerebat, perlata fuerit. Hic namque dum
serio mendicare se fingit, vna cum arundine ipsam quoque
Epistolam dictis Patribus reddidit, vt ex Actis Concilij Ephe-
sini a Theodoro Peltano editis constat.

Nec silentio prætereundum est, vbi primum Concilio finis
fuit impositus, lustrationem, siue vt nunc dicimus, processio-
nem Episcoporum fuisse celebratam: qua in refacienda ta-
petis, ac peristromatibus, siue auleis stratas fuisse vias, ac lu-
minibus vndequaque plenas fuisse, narratur. Quæ res quoad
fieri potuit, hoc in loco ad dextram Interfenestrii fuit repræ-
sentata. Inscriptio autem infra legitur hisce verbis:

S. Cælestino PP. & Theodosio Iun. Imp.

Nestorius Christum diuidens damnatur,

B. Maria Virgo Dei Genitrix predicatur.

DE CONCILIO CHALCEDONENSI IN TERTIO

*Interfenestrio ad dextram Bibliothecæ Vaticanæ
depicta:*

Genera-
le 4.

De hoc
Euph. sem-
plo Eugr.
lib. 2. c. 3.



CONCILIVM Chalcedonense, Chalcedone Asiæ
Vrbis maritima, e regione Bizantijs, seu Constan-
tinopolitanæ Ciuitatis, coactum fuit in Eccle-
sia sanctæ Euphemie Virginis & Martyris, sub
Martiano Imperatore, & Leone primo magno,
qui olim cum Clero & Cruce Attilæ occurrens ipsum placat-

uit

uit terrore affectum. Celebratum autem fuit circa annū Domini 444. a Patribus sexcentis ac triginta contra Eutichen Constantinopolitanum Abbatem, & Dioscorum, magnū diaboli laqueum, Patriarcham scilicet Alexandrinum eius defenso- rem, in Christo post humanitatem assumptā diuinam tantum naturā permanere asseuerantes: quos hæc sacra Synodus necnon Nestorium cum reliquis hæreticis, & Ephesinum conciliabulum ab Eutiche & Dioscoro congregatū, vna Patrum sententia damnauit affirmans Christum Dominum de Virgine sic natum, vt in eo substantiam diuinā & humanā naturā confiteamur. Hinc Christus Saluator noster supra hoc Concilium in aere crucem manu, altera vero mundum gestare cernitur.

*Eutiches
Archimē-
drica, i. est
multorum
monaste-
riorum Pa-
ter, vel Ab-
bas.*

Hoc in Concilio loco summi Pontificis præfuderunt quatuor, duo scilicet Episcopi, & duo Presbyteri; Martianus autē Imperator concionem Latinā vnā, Græcam vero alteram habuisse narratur: qui adfuit præfens vna cum Iudicibus & Senatoribus, qui orationem item ad Patres habuerunt. Huic item Conuēti quattuor Patriarchæ interfuerunt, Constantinopolitanus scilicet, Anthiochenus, Hierosolymitanus, & Dioscorus Alexandrinus, qui præsertim ob libellum, quem ipse contra Leonem Papam edidit, condemnatus, ab Ecclesia fuit eiectus. Quare in medio Concilij adstans tamquam reus a duobus Diaconis mitra & pallio spoliatur, duoque presbyteri, totidemq; Diaconi accusationes in Dioscorum scriptis mandatas ad Conciliū detulerunt: sed hic tantum vnum videre licet. Diaconus item alter prope thronum, sancti Leonis Epistolam actu legendi repræsentatur: quæ quidem Epistola, maxima omnium acclamatione, lecta fuit.

*Concilij Le-
gati quatuor.*

*Concilij pa-
tres præsi-
dei.*

*Dioscorus
primus co-
tra Papam
libellū com-
fecit. diff.
21. c. In-
stantum.*

Nec silentio pertranseundū est, vnum præsertim scitu & admiratione dignissimum, illud scilicet quod de duobus libris narratur: quorum alter Catholicam fidem, alter vero hæreticam perfidiam complectebatur. Hi enim cum in sepulchro sanctæ Euphemie noctu reconditi fuissent, mane actutum, ope diuina prius implorata, resecatoq; sepulchro, catholicus liber inuentus fuit in manu sanctæ Euphemie, quæ Patriarchæ Constantinopolitano, Marianoq; Imperatori omnium stupore, dictum codicem porrexisset narratur.

*Nicopho-
rus lib. 25.
cap. 5. &
Eutrophius
de inuent.
lib. 4. cap.
16.*

Inscriptio autem ad hoc Conciliū pertinens hisce legitur verbis:

Leone Magno PP. & Martiano Imp. infelix Euthiches unam tantum in Christo, post incarnationem, naturam asserens confutatur.

Reg. lib. 1.
cap. 24. &
lib. 2. cap.
49.

Concilium hoc fuit vnum ex quattuor illis celeberrimis, quibus scilicet Nicæno primo, Constantinopolitano primo, Ephesino primo, & Chalcedonensi tamquam quattuor Euangelij honorem præstandum esse Magnus ille Gregorius affirmavit, vt suis in locis dictum est.

DE CONCILIO CONSTANTINOPOLITANO II.

*In Quarto Interfenestrio ad dextram Bibliotheca
Vaticana depicto.*

Gener. 5.
Niceph. Ep.
Euagr. l. 4.
cap. 36.



To. 2. Con-
cil.

CONSTANTINOPOLITANVM Concilium II. Constantinopoli in Secretario Ecclesiæ adnexo circa annum Domini. 553. sub Vigilio Papa, & Iustiniano Magno Imperatore cōtra Anthymū olim Episcopum Constantinopolitanum, & Sergium, ac Theodorum Mopsuestenum Nestorianos, necnon Petrum Archiepiscopum Antiochenum, Theodoritum Episcopum, Ibam, & alios. Petrus enim impie asseueravit, Trinitatem sanctissimam fuisse crucifixam, & confundens personas, duasque naturas in Christo negans, affirmavit Hymnū Trisagium sic pronuntiandum esse: Sanctus, Sanctus, Sanctus, qui crucifixus est pro nobis. Ad hunc Petrum sanctus Felix Papa monitoriam scripsit Epistolam.

Patres Cō-
cilij præci-
pui.

Huic Concilio centum & sexaginta quinque Patres interfuerunt inter quos fuerunt tres Patriarchæ, Constantinopolitanus, Menna videlicet, qui loco Pontificis præsedet, Antiochenus, & Alexandrinus: Patriarcha vero Hierosolymitanus nomine

nomine suo Rufum & Cononem Abbates insignes pro falsis Origenis dogmatibus oppugnādis ad hanc Synodum legasse narratur: cui etiam Monachi Ordinis sancti Basilij libellos contra Origenistas offerentes interfuerunt, vt videre est ad huius Concilij dextram. Hic item ad læuā videre est Imperatorē in eminentiori loco sedentē, necnon Legatos, & Diaconū in suggesto impia Petri, & Theodori, aliorūq. hereticorū scripta corā omnibus lætitantem, Episcopos etiā hinc inde libros manibus tenentes & ad Origenis dogmata spectantes cernere licet: Inscriptio huius Cōcilij in hanc verborū legitur formā.

Vigilio Papa, & Iustiniano Imperatore contentiones de tribus capitibus sedantur, Origenis errores refelluntur.

Tria illa capita, quæ in Inscriptione leguntur, ad Theodorum Mopsuestenum, Theodoritum, & Ibam pertinent. In hoc enim Concilio damnatus est Theodorus cum suis dogmatibus, quæ erant mira monstra, miræq. insanix: Impia etiam scripta Theodoriti contra duodecim capitula sancti Cyrilli damnata fuerunt, necnon Epistola Ibæ, quam ipse ad Marim Persam scripsisse dicitur, & in ea Verbum de sancta Genitrice, semperq. Virgine Maria incarnatum, hominem factum inficiatur, stulte, & impie quidem.

To. 2. Conc.
cil. c. 12.
13. & 14.

DE CONCILIO

CONSTANTINOPOLITANO III.

Ad dextram Bibliotheca depicto.



CONSTANTINOPOLITANVM III. & VI. Generale Constantinopoli sub Dono Papa indictum, cœptum sub Agathone, & sub Leone II. absolutū, tempore Constantini Imperatoris huius nominis quarti, cognomento Pogonati a ducentis & octoginta nouem Patribus celebratum fuit circa annum Domini, 676. vel 681. in Secretario sacri Palatij, quod Trullus appellatur, contra Sergium, Paulum, Pyrrhum, & Petrum

Gener. 6.
S. Anton.
p. 2. tit. 19.
cap. 1. §. 5.
ait a Leone II. Decreta huius Synodi ex Græco in Latinū fuisse trās-
lata.

Petrum, monothelitas, & monophyfitas olim omnes Patriarchas Constantinopolitanos, & Cyrum Antistitē Alexandrinum, Theodorumq. Pharan Episcopum, hæreticos omnes impie asserentes vnā tantum in Christo voluntatē, & naturā.

*Concilij
Legati.*

Hoc in Concilio tres Legati, duo scilicet Presbyteri, Theodorus, & Georgius, & Ioannes diaconus, ab Agathone missi, duobus Patriarchis, Constantinopolitano, & Antiocheno assistentibus, præfederunt: & inter alios Patres, Theodori Archiepiscopi Rauennatis legatus, Ioannes Episcopus Portuensis, Abundantius Episcopus Paternensis Sicilia: Ioannes Archiepiscopus Rheginus, Theophilus Episcopus Thurinus, Theodosius Episcopus Tropienfis, Episcopus Scyllaticus, calabri omnes, Cænobiarchæ ab Vrbe missi, huic eidem Synodo interfuerunt.

*Episc. Portuensis. rem
sacra sollemni pompa
facit.*

Ad læuam huius Interfenestrij nonnulla scripta a Diacono obsignantur, ne callide amplius deprauari possent. Episcopi item libros Catholicorum Patrum attente inibi legere ac conferre cernuntur, vt propositiones Patrum ab hæreticis & a Machario præsertim Patriarcha Antiocheno truncatim & per fraudem citatæ, inuenirentur: cuius rei veritate inspecta Macharius ipse in medio adstans mitra & Pallio spoliatur, eiusq. loco Theophanes sicut Abbas eligitur, & Stephanus item Monachus eius discipulus eodem in loco Diaconatus veste exuitur. Ad hanc eandem partem in eminentiori loco Imperatorem videre est.

Ad dextram vero cernitur Ioannes Episcopus Portuensis, qui die sancto Paschatis Missam more Latino, & sacra, sollemniq. pompa in Ecclesia sanctæ Sophiæ celebrauit, cui sollemnitati Cardinales duo, præsertim Legati, & Imperator interfuerunt. Ad eandem partem Diaconus in suggesto conspicitur, qui summi Pontificis Epistolas sententiarum grauitate, verborumq. ponderibus resperfas, ac sententiam contra hæreticos legendi, promulgandi, actu representatur. Huius Concilij Inscriptio hisce legitur verbis:

*S. Agathone Papa, Constantino Pogonato Imp.
Monothelita hæretici vnā tantum in Christo
voluntatem docentes exploduntur.*

Hoc

Hoc denique in Cōcilio sollēni ter Missa decātata, processio Episcoporum celebrata fuit, vt inibi videre licet. Antistes item Rauennas, qui exarchorum fretus potentia, sedi Apostolicæ non obtemperabat, ad obedientiam redijt, decretumq. fuit, vt electio Cleri Rauennatis irrita foret nisi Romani Pontificis auctoritate comprobaretur.

Hæc de ijs, quæ ad huius Interfenestrij pertinent picturas: nunc reliquum est, vt alia ad eandem Synodum pertinentia, & scitu quidem dignissima explicemus.

Sexta hæc & vniuersalis synodus (vt Concilij Nicæni Patres tradunt) sub Constantino IIII. cœpta, nullum edidit Canonem, sed sub Iustiniano II. eius filio post obitum patris Imperium suscipiente, quattuor aut quinque post annis in Trullo coacta centum & duos edidit Canones, quos Gentianus Heruerus Aurelianen. ex Græcis exemplaribus in Latinam transtulit linguam, sicut frater Bartholomæus Carranza Miranden. instituti sancti Dominici in sua Conciliorum summa testatur. Horum CII. Canonum in Concilio Generali VII. & Nicæno II. mentionem factam esse, Canonemq. octuagesimum secundum de imagine Christi in figura Agni in fauorem imaginum citatum esse constat. Horum item Canonum Nicolaus I. in sua Epistola ad Michaelē Imperatorem scripta meminit, dicens, Iustinianū II. Imp. eorundē Canonum confirmationem a Ioanne VI. humiliter postulante accepisse: quē Imperatorem tanquā piissimum Nicolaus I. in Epistola eadē laudauit. Anastasius etiam Abbas, & Apostolicæ sedis Bibliothecarius in præfatione synodi VIII. Generalis ait, in Synodo VI. nullam, præter fidem, regulam fuisse editam: sed quas eius assēuerant regulas longe post sextam Synodum ab ipsis constat esse penes se priuatimq. depromptas. Patres item, qui ex Oriente, & Occidente ad Synodum Florentinam conuenerunt, citant hos CII. Canones sextæ Synodi in Trullo celebratæ. Gratianus denique in Decreto, aliquot Canones, quos nominauimus, citat, & sextæ Synodo ascribit, vt suis in locis videtur. Hinc nouem Canones in volumine Conciliorum Colonie excuto appoliti tamquam nothi, & adulterini reiecti sunt, & iure quidem, sicut ex his, quæ hucusque narrata sunt, clare patet.

Nic. 2. &
Gener. 7.
Act. 6. 10.
2.
Act. 4. id
etiam om-
ne explica-
tur.

Act. 5. &
explica-
tius Act.
6. 10. 2.

To. 2. Con-
cil.

Conc. Flor.
sess. 5. Ferr.
10. 3.

Nica. 2. &
Gener. 7.
Act. 4. 10. 2

Scitu

Scitu præterea dignum est, præfationis loco allocutoriam Patrum 227. ex ijs, qui in Trullo conuenerunt, ad Imp. Iustinianum reperiri orationem, in qua ostendunt, in duabus vniuersalibus Synodo quinta scilicet, quæ fuit Iustiniano Magno regnante, & sexta, quæ fuit Constantino Pagonoto imperante, Canones ad Ecclesiarum constitutionem, sicut reliquæ quattuor sanctæ vniuersales Synodi fecerunt, editos non fuisse: ob idq. Patribus 227. sub Iustiniano 11. in Trullo iterum congregatis, hanc Synodum ad duarum supplementum fuisse celebratam: quæ propterea nec sexta propriè nominatur, sed *πεντήκοντη*, idest quinquagesima: nam quod quintæ & sextæ Synodo deerat, repleuit: & vniuersalis re uera nuncupatur, & est. Hæc ex fratre Bartholomæo Carranza summæ Conciliorum Auctore.

*Nic. 2. &
Gener. 7.
Añ. 4. &
6. 10. 2.*

*In Summa Cœcil.
Generalis
6. post finē
Añ. 18.*

Adde etiam, quòd septima Synodus ait de hac re non esse dubitandum: nam, vt ipsa testatur Synodus, qui temporibus Constantini subscripserunt, iidem illi sub Iustiniano dictos Canones subsignarunt, vt ex eorundem propriarū manu immutabili similitudine clare patet: necesseq. erat (inquit) vt post Synodū vniuersalē Canones quoque Ecclesiastici ederetur. Hinc nō noua Synodus, sed Synodi cōtinuatio dici debet.

*Nic. 2. &
Gener. 7.
Añ. 4. &
6. 10. 2.*

*To. 2. Con-
cil.*

Præterea Hadrianus primus ad Tarasium Episcopū Constantinopolitanum scribens, sextam Synodum cum omnibus suis Canonibus se recipere aperte ait, eiusdemq. Tarasij erga sextam Synodum, & sacras imagines fidem laudat: immo in eadem Epistola, figuram Christi in forma Agni digito sancti Ioannis Baptistæ demonstratam inter dictos Canones diuine, & legaliter promulgandos receptam esse testatur, ac laudat. De hac vero Epistola ad Tarasium Nicolaus Papa primus mentionem facit.

*To. 2. con-
cil. Añ. 2.
Nic. 2. Ge-
ner. 7. &
in Summa
Cœcil. can.
82.*

His autem, quæ narrauimus, non refragatur secundus dictæ Synodi Canon, qui Canonem Cypriani in Concilio Carthaginensi de hæreticis rebaptizandis confirmare videtur: non enim Canonem vniuersum, sed partem quandam confirmat, quæ ad aliquos certos hæreticos pertinet, præsertim vero Paulianistas siue Paulianos a Paulo Samosateno sic nuncupatos. Hi enim in nomine sanctissimæ Trinitatis non baptizabantur. Quare in Concilio item Nicæno decretum fuit,

vt si

vt si qui ex illis ad Ecclesiam redirent, rebaptizarentur, quod veram baptismi formam non tenerent, atque adeo nec verum baptismum susciperent.

Quomodo autem dictus Cypriani Canon recipiatur, Canon 95. eiusdem sextæ Synodi aperte declarat, ubi alij hæretici nominantur, qui ad Ecclesiam venientes tamquam Gentiles recipiebantur. Hunc in modum Gelasius Papa opuscula Cypriani, ijs videlicet exceptis, quæ Ecclesia reprobauit, se recepisse fatetur. Nam ante Gelasium, immo ante S. Augustinum opinio Cypriani de hæreticis rebaptizandis damnata fuit. * Qui enim in nomine sanctissimæ Trinitatis, hoc est Patris, & Filij, & Spiritus sancti, iuxta formam a CHRISTO institutam, vel tantum in CHRISTI nomine sicut in Actibus Apostolorum legimus, baptizati sunt (vnum quippe, idemque est, vt S. exponit Ambrosius) constat eos non esse de nouo baptizandos vt in Decreto legitur. Forma namque ab Apostolis tradita, est eadem implicite cum ea, quæ a CHRISTO instituta fuit: quam etsi Apostoli Spiritus sancti consilio ad tempus mutauerunt, vt CHRISTI nomen, quod apud Iudæos contemptui & odio erat, amabile, ac venerandum redderetur, forma tamen substantialis implicite permanebat: nam sub CHRISTI nomine intelligitur Pater, Filius, & Spiritus sanctus. Pater est vngens, Filius, qui Græce dicitur CHRISTVS, est vnctus, & Spiritus sanctus est ipsa vnctio. Vnde mutatio hæc non substantiæ, sed modi potius, siue ritus dici debet: et huiusmodi potestas mutandi semper in Ecclesia fuit, vt in Sacramentorum scilicet dispensatione, salua illorum substantia, sicut sacrosancta Synodus Tridentina aperte ait, ea statueret, vel mutaret, quæ suscipientium vtilitati, seu ipsorum sacramentorum venerationi, pro rerum, temporum, et locorum varietate expedire iudicaret.

Quod autem in hac eadē sextæ Synodo sedem Constantinopolitanam Romanæ sedi æqualem facere videtur, id non præcise, & omnino intelligitur, sed quantum ad æqualia priuilegia, siue similia vtriusque Ecclesiæ, hac tamen conditione adiecta, vt Cōstantinopolitana post Romanam sedem secundum locum teneret, sicut inibi videre licet.

K

Quod

Concil. Generale. 7.
c. 19. Et 1.
q. 1. c. 53.
Paulian.

Concil. Generale. 6. can.
95.

S. Aug. contra Donatistas li. 2.
c. 31. 32.

10. 7.

* Decr. p.

3. De consecr. diff.

4. cap. 24.

Mass. vlt.

Act. 2. 19.

Amb. li. 1.

de Spirit.

san. c. 3.

S. Bonan.

4. sent. diff.

23. Art. 1.

quest. 1. in corp.

Seff. 21. c.

2.

Can. 36.

Et diff. 22.

cap. 6.

Renouan-

tes.

Can. 12. et
13. et dist.
31. c. 14.
Aliter.

Quod item de matrimonio olim sacerdotū in hac sexta Synodo decretum fuit, non vniuersæ Ecclesiæ, sed tantum Orientali legem præscribit, vt ab eodem Carranza optime in eundem Canonem scribente animaduersum est: nec illud decretum matrimonij dissolutionem, sed potius separationem religiosamq. vitam ob perpetuum sacrificium comprehendebat: vsus enim sacerdotalis dignitatis actualem munditiam iure postulat: siquis autem ex consensu vxoris ordinabatur, continebat: sin secus, non ordinabatur.

Can. 55.

Can. 65.

Quod denique in hac eadem Synodo Ecclesiā Romanam die sabbati, vno excepto, sancto scilicet sabbato maioris hebdomadæ, non ieiunare obligat, ex instituto sanctorum Apostolorum, cuius contrarium ad hanc vsque diem seruauit Romana Ecclesia, huius Concilij Generalis dignitati non aduersatur. Quamuis enim vniuersalis Synodus legitime congregata Romanam Ecclesiam ad id obligare potuerit, cum tamen huius generis decretum de non pertinentibus ad fidem existat, consuetudoq. foret contraria, hæc locum obtinuit ex Beati, ac Patris nostri Augustini sententia ad Casulanum necnon ad Ianuarium scribentis. Quod enim (ipse ait) neque contra fidem, neque contra bonos mores iniungitur, indifferenter est habendum, & pro eorum, inter quos viuatur, societate seruandum est. Mater mea (inquit) Mediolanum me consecuta, inuenit Ecclesiā sabbato non ieiuantē, cœpit perturbari, & fluctuari quid ageret, cū ego adhuc catechumenus, talia non curarem: sed propter ipsam consului hac de re beatissimæ memoriæ virum Ambrosium, Mediolanensem Episcopum, a quo sum Mediolani baptizatus: qui respondit: Cum Romam venio, ieiuno sabbato: cum hic sum, non ieiuno. Sic etiam tu ad quam forte Ecclesiam veneris, eius morem serua, si cuiquam non vis esse scandalo, nec quemquam tibi. Hoc cum Matri renunciaissem, libenter amplexa est. Hæc ex Beato Patre Augustino in ijs Epistolis, quæ ad Casulanum, & Ianuarium scriptæ sunt. Canones igitur, in Trullo celebratos, vt rem tandem concludam, authenticos esse existimo. Si autem aliter de ijs ab Ecclesia decretum fuerit vnquam, eius iudicium omnino amplector, cui me semper omnibus in rebus subditum esse profiteor, ac declaro.

To. 2. epist.
86. circa
finem. &
epist. 118.
c. 2. & dist.
11. c. 1.
40. illa. 9.
alia.

DE CONCILIO

NICÆNO II.

75

*In VI. Interfenestrio, ad dextram Bibliotheca
Vaticane depicto.*



NICÆNUM Concilium II. & Generale VII. in *Gener. 9.*

Nicæa Asiæ ciuitate, vbi prima Synodus Generalis tempore Siluestri Papæ, & Constantini Imperatoris cōgregata fuit, celebratum est, in Ecclesia maiori sanctæ Sophiæ sub Hadriano primo, & Constantino VII. Irenes filio Imperatore a Patribus 350. circa annum Domini 581. seu 775. vel 790. contra Iconomachos, qui imagines in Ecclesijs damnaabant. Quare hac in Generali Synodo decretum fuit imaginum expressiones relative esse adorandas, sanctorumq. reliquias esse honorandas: aliud est enim picturas absolute adorare (quod nō licet) aliud vero per picturas cognoscere quid sit adorandum: etenim non repræsentantes figuras & imagines, sed res repræsentatas adoramus, & imagines quatenus repræsentant. Adoratio enim non in imaginibus terminatur, sed ad prototypum refertur.

*Imaginū
sanctorum
ueneratio.*

Hoc item in Concilio multa de Angelis pertractata sunt & præsertim an sint corporei, & de vsu pingēdi eos: de ipsorū autē, vt sic dixerim, corporeitate nihil fuit decretū, etiam si Tarasius Patriarcha Constantinopolitanus ex doctrina B. Ioannis Thessalonicensis cum gentili quodam de vsu imaginum disputantis coram Patribus affirmari, Angelos pingi oportere, eo quia circumscribi possunt, & vt homines apparuerunt; sacraque Synodus visa non fuerit improbare, sed potius hanc sententiā approbare: Synodus enim non affirmavit, Angelos esse corporeos, sed modū conuincendi Gentilē, vsūq. pingēdi Angelos approbauit. Nam quandoque licet extremum probare, vt alterum auferratur. Hæc autem controuersia nondum Ecclesiæ censura terminata est.

*Angeli an
sint corporei.*

Huic Concilio Petrus Archipresbyter, Cardinalitijs vestibus indutus, & Petrus Monachus Abbas sancti Sabbæ loco Hadriani summi Pontificis præsedisse repræsentantur, & inter alios

Cōcilij Legati.

Episcopus Stephanus Episcopus Viboniensis, & Stephanus Episcopus Tropiciensis Calabriae interfuerunt. Tres Episcopi in medio adstantes suae poenitentiae libellos promulgare conspiciuntur, ut inibi videre est, ubi vnus ex tribus, flexo genu, palinodiam, quam vulgo retractationem vocitamus, actu recantandi repraesentatur.

Ad dextram huius Concilij, seu Interfenestrij partem imaginum adorationes cernuntur, sancto Luca Euangelista Beatae Mariae semper Virginis filium suum puerulum Christum Saluatorem nostrum in sinu gestatis ad viuum olim per pictoriā artem exprimentem. Diaconus praeterea in suggesto adstans Concilij decreta promulgare cernitur; vniuersa Synodo acclamante. Huius Concilij Inscriptio in hanc legitur verborum formam:

*Hadriano Papa, Constantino Irenes
F. Imp. impij Iconomachi reijciuntur,
Sacrarum Imaginum veneratio confirmatur.*

Hoc in Concilio Acta sextae Synodi citata fuerunt, & approbata, ut dicta in Synodo monstratum est. Itaque nihil est, quod hac de re plura nunc verba faciamus.

D E C O N C I L I O

CONSTANTINOPOLITANO IIII.

*Ad dextrum Bibliothecae Vaticanae angulum
depicto.*

Gener. 2.

Photius di
8^o Veclas,
quid sibi
velit, vide
Anton. p.
3. Tir. 22.
s. 13. §. 10.



ONSTANTINOPOLITANVM IIII. Concilium, Generale vero VIII. Constantinopoli sub Hadriano secundo, & Basilio Imperatore circa annum Domini 870. a Patribus quadringentis fuit celebratum contra Photium hominem pessimum, haereticum, & Ecclesiae rebellem, ac falsarium cognomento Veclas, hoc nomine a se callide confecto, sibiq. acquisito. Hic primus manifestissime contra Dei Ecclesiam insurrexit, Ignatiumq.

tiumq. a sede Constantinopolitana deturbauit, eamq. tyrannice occupauit.

Huic Concilio, loco summi Pontificis, Diaconus Cardinalis, duoq. Episcopi interfuerunt. Præsens etiam adfuit Photius, quæ senecta ætate grauem baculo innixum, & ad Patres gradiētem, ad læuam Concilij partem videre est. Ab eo autē baculum Marini Vicarii Romanus auferri mandauit dicens: Baculus dignitatis pastoralis est signum: quod hic habere haudquaquam potest, quia lupus est, non pastor.

Concilij
Legati.

Ad læuā eiusdē Cōcilij partē Episcopi, Presbyteri, Diaconi, ac Subdiaconi, qui cū Photio ceciderunt, libellos pœnitentiæ corā Synodo flexis genibus proferētes, manuum impositione recepti cernuntur. Ignatius autem Pallio iterum decoratus sedī Constantinopolitanæ, vt ad læuam cernere licet, restituitur, Photio expulso. Diaconus denique ad dextram Concilij partem in suggesto adstans restitutionem Ignatij, & Photij depositionem actu legendi repræsentatur. Inscriptio huius Concilij hæc est:

*Hadriano II. Papa, & Basilio Imp. S. Ignatius
Patriarcha Constantinopolitanus in suam
sedem (pulsō Photio) restituitur.*

Ad alteram Concilij huius, seu anguli partem, Photij chirographa combūri conspiciuntur, necnō acta omnia conciliabulorum, quæ ab eodem Photio contra Nicolaum I. Papam, & Ignatium Patriarcham Constantinopolitanum celebrata sunt, vt ex Inscriptione, quæ infra legitur in hanc verborum formam, videre est.

*Ex Decreto Concilij Basilius Imper. Chirographa
Photij, eiusq. conciliab. acta combūri iubet.*

Hac Synodo septem præcedentes confirmantur: multiq. Canones, qui non extant in exemplari Græco, vt ait Genebrardus, eidem attribuuntur Concilio, cui Donatus Ostiensis, Stephanus Nepeſinus Episcopi, & Marinus Diaconus, Legati Hadriani Papæ, vt diximus, præfuerunt.

Gener. lib.
4. Chron.
an. Christi
870.
Platina.
Lib. Cōcil.
& alij.

QVI VARIOS

IDIOMATVM CHARACTERES

VARIAQ. DISCIPLINARVM
genera inuenerunt.

Dimensio
Bibliothecæ
Vaticane
74.



BIBLIOTHECA Vaticana plurimis cameris, ac porticibus amplificata, a basi ad fastigium est palmorum 130. cuius pars superior, in qua libri asseruantur, longitudinē palmorum 318. latitudinem 69. altitudinem vero 40. septemq. columnas parastaticas lateritias, & quadratas ipsum fornicem superiorem distinguentes ac sustentantes complectitur: quarum Imagines saltem quattuor eorum, scilicet, qui varios idiomatum characteres, vel disciplinas, siue libros inuenerunt, depictas comprehendit.

De Hebraicis litteris ab Adamo inuentis.



ANTEA vero quàm de Columnis parastaticis dicere aggrediamur, de primo homine diuinitus edocto, primoq. disciplinarum, litterarumq. Inuentore sermonem habere oportet. Hic enim è regione primæ Columnæ parastaticæ in semicolumna lateritia parieti annexa a tergo introitus Bibliothecæ per pictoriam artem representatus, pelliceisq. vestibus amictus, altera manu pomum, altera ligonem gestare cernitur.

Per pomum peccati origo innuitur: itemq. illud omne, quod ex peccato originali in vniuersum genus humanum transfuso mox natum est. Adam enim ad Dei imaginem, & similitudinem creatus, dum astu satanæ per serpentem tanquam per fistulam loquentis peccat, ne Heuæ vxori suæ ad pomum comedendum contra diuinum præceptum cohortanti tristitiam afferret, mors, atque omnes calamitates generi humano subortæ sunt: atque hunc in modū similitudine amissa, gratia scilicet, atque iustitia originali deperdita, qua ex diuina liberalitate fuerat affectus, in imagine deformata

Gen. 3.



ATIO ipsa persuadet, Adamum diuinitus edoctum disciplinas, certosq. præsertim scribendi characteres adeo necessarios alijs præmōstrasse, sicut Inscriptio docet: hanc autem scribendi formam hoc loco positam Hebraicas inter litteras antiquiorem, primumq. Alphabetum fuisse credendum est: quod instar ceterorum Hebraicorum a dextro in sinistrum latus legitur. Sed quamuis hunc scribendi modum naturæ magis proprium esse nonnullis rationibus Hebræi tueantur, necnon gloriantur se cæli motum a dextro in sinistrum in scribendo imitari, ego tamen cum eruditis viris Latinis, quibuscum non sum conferendus, hanc rationem cum alijs id genus argumentis parui pendens (cælum namque nec proprie dextrum, nec sinistrum habet, quia nec est animal, nec eius motus incipit, nec habet diuersas figuras, sed tantum ex parte Orientis & Occidentis quodam modo habere potest) a sinistro in dextrum scribendum esse autumo, mihiq. persuadeo: ceteris vero posthabitis rationibus, hoc vnum inuietum in medium afferro argumentum ex eorundem Hebræorum modo scribendi desumptum. Eos enim, vt cetera omittam, inter scribendum, litterarum ipsarum virgulas, ac lineas directas, aut transuersas a sinistra inchoatas in dextram desinentes terminare constat. Quæ igitur partis est ratio, eadem & totius esse debet: & quemadmodum linearum tractus efficitur, ita litterarum quoque ordo seruandus est. Vfus tamen inualluit, vt Hebraicum Idioma a dextro in sinistrum scribatur, & legatur: quod Syriacis, & Chaldaicis litteris, necnon alijs multis commune est, quæ item cum eodem Idiomate aliqua ex parte quantum ad numerū, & figuras affinitatem habent.

*Arist. lib.
2. celi rex.
7. & 13.*

*Arist. lib.
1. celi rex.
19. in fine.*

*Hieron. in
Psal. 82.
10. 7.*

Hebr. opinio.

Hæc de modo scribendi Hebraicum Idioma, quo tanquam mysteriorum pleno, vt Sanctus Hieronymus ait, ceterarumq. linguarum primo, Deum in supposita creatura ad primos Patres allocutum fuisse, eisdemq. cum diabolo sermonem, congressumq. habuisse, rebusq. nomina ab Adam imposita, Moysi, legem denique fuisse datam credendum est, vt multi, & eruditi quidem Viri affirmarunt. Nec desunt qui dicant hac Hebraica lingua omnes tandem aliquando locuturos. Sicut enim (inquiūt) ante ædificationem Turris, quam Nemroth

roth post diluuium ædificandam ad vim aquarum tempus in posterum euadendam curauit, (vnde ex huiusmodi infania tanta homini sermonis varietas, linguarumq. confusio innata est, vt quot orbis Regiones sunt, tot hominum linguæ sint) vna lingua omnes populi loquebantur, ita conuersis omnibus ad cultum veri Dei, omnes Hebraice locuturos esse aiunt. Quamuis autem S. Hieron. Hebræos ita opinantes, vna scilicet hac Hebraica lingua in fine mundi omnes locuturos, irridere videatur, terrā tamen vniuersam vnius labij, vt scriptura Sancta testatur, post diluuium, fuisse non inficiatur. Id quod etiam ante diluuium extitisse affirmandum est, vt infra dicetur. Hæc in vniuersum de Hebraica lingua mihi dicere visum est: cetera vero infra dicentur, cum alibi de hoc Idiomate loquendum sit. Reliquum est igitur, vt ad primam Columnam parastaticam accedamus.

Gen. 11.

S. Hieron.
in G. c. So-
phonia. 10.
5.

Gen. 11.

DE PRIMA COLUMNA PARASTATICA,

quæ litteras Hebraicas, Chaldaicas, & Syriacas,
earumdemq. Inuentores comprehendit.

*De Filijs Seth, Astrologiæ Inuentoribus, litterarumq.
Hebraicarum cultoribus.*



IN PRIMA primæ Parastaticæ Columnæ facie Theatrum versus, duo Iuuenes pelliceis vestibus amicti conspiciuntur, filij scilicet Seth, & Adæ nepotes, litterarum Hebraicarum cultores, & Astronomiæ inuentores anno mundi 235. vt Iosephus testatur, etiam si ipsum Seth earundem inuentorem fuisse affirmet Suidas, & Philo primam litterarum inuentionem Abrahæ tribuat. Dictorum vterque Iuuenum effictæ Columnæ, vel Tabulæ fragmentum apud se habet, super ea manum suam tenens.

Genes. lib.
1. Chron.
anno 235.
Ioseph. li-
bro 1. an-
tiquo.

L

Hi enim


Hi enim duas columnas, siue tabulas fecerunt, quarum vna lateritia erat, altera ænea, siue marmorea: illa contra ignis conflagrationes, hæc contra aquæ alluuiiones, vt monimenta ipsa diutius conseruarentur, ac permanerent, cum Adam, eodem Iosepho teste, rerum omnium futurum interitum prædixisset. Hisce in columnis liberales artes, eas præsertim, quæ ad obseruationem siderum pertinent, conscripserunt. Hinc ab Hebræis ad Ægyptios, & Chaldaeos, & deinde ad reliquos Astrologiam manasse credendum est. In earum altera promissionem de semine, idest de Christo, Adæ factam, cælaram dicunt: Iosephus autem ad suam vsque ætatem columnam illam marmoream in Syria durasse, testatur. Supra harum imaginum caput, Hebraicum legitur Alphabetum: infra earundem pedes hæc legitur Inscriptio:

*Genebr. li.
1. Chron.
anno mudi
235.*

*Lib. 1. de
antiq. re-
rum.*

*Filij Seth columnis duabus rerum cælestium discipli-
nam inscribunt.*

Alphabetum Hebraicum antiquius.



*Appendix
Thes. An-
tios. de in-
troduc. lin-
guarum.*



Gen. 11.

ALPHABETVM hoc loco positum est idem cum superiori. Filij enim Seth cō vsi sunt, quod sibi ab Adamo præmonstratū fuisse opinandum est. Nam, vt diximus, non solum post diluuium, verum etiam ante ipsum omnes vna tantum lingua locutos fuisse credendum est, cum post Turrim a Nepotibus Noe ædificatam linguarum confusio, atque diuisio sequuta fuerit, sicut Scriptura sacra testatur. Quod autem vna, eademq. lingua Hebraica ante diluuium,

diluuium, ac temporibus præsertim filiorum Seth extiterit, ex eo nonnulli credunt, quod in Genesi de Enos narratur: vbi ipse inuocare nomen Domini cœpisse dictus est. Enos enim cœpisse inuocare Deum, non ita intelligitur, quòd Abel & Cain sacrificando id nō factitasse credendum sit, sed tunc cœptum esse inuocare in nomine Iehouah, iuxta locutionem Hebraicam, opinandum est, sicut Caietano placet, quamuis alij arbitrentur, Enos cœpisse inuocare nomen Domini, quasi primus inuenerit imagines quasdam, per quas orationum deuotio excitaretur: vel quia eius tempore instauratus fuerit Dei cultus, ritusq. cœperit ceremonijs colendi Deum. Alij vero ex hoc eodem loco, atque ex hoc nomine Iehouah, hanc linguā, quæ Hebraica nuncupatur, ante diluuium fuisse autumant: hoc enim quattuor litterarum nomē, quod tetragrammaton dicitur, cui etiā admirandas Hebræi virtutes tribuūt, illius est linguæ, illiusq. characteribus scribi solet. Adde etiam quòd Iosephus, vt in Exemplaribus manuscriptis Hebraicis & impressis legitur, recenset Epistolam ab Alexandro Magno ad Aristotelem præceptorem suum scriptam de sepulchro Cainan filij Enos, qui fuit ante diluuiū, in Ciuitate Persiaca inuento: cuius Epitaphium litteris Hebraicis scriptū fuisse de Diluuiο futuro Alexander testatur: quas quidē litteras antiquiores fuisse credendum est: quibus etiam, vt S. Hieronymus in Ezechielem ait, eousque Samaritani utebantur.

Gen. 4. in fine.

Caiet. in hunc locū. Aloys. slipp. in catena.

Iehouah Tetragrammaton.

Lib. 2. de Antiqu. 6. 11.

Gen. 3.

S. Hieron. in cap. 9. Ezech. 10. 4.

Testimonium de eo, quod in sepulchro Cainan repertum fuit.

וַיִּכְתֹּב אֶת הָעֵתִיד לְהָיִת סְחָכוֹל עַל לִוְחֹת אֲבָן וְהָיָה שֵׁם וְהָכֵתֵב כְּתָב עֲבָרִי

Admiror autem, cur extrema littera superioris Alphabeti figuram T, Thau, quæ sanctissimæ Crucis similitudinem representat, non habeat, sicut in antiquioribus Hebræorum litteris reperiri Sanctus Hieronymus ait, nisi hoc sit ijs antiquius: Thau enim figura, quæ ipsi Thau, ת, recentioris Alphabeti Hebraici non est adsimilis, sic scribi solet T, †, vt ex multis Alphabetis, quæ ex libris, qui cuidam Salomoni ascribuntur, desumpta sunt, Apollonio eius interprete, sicut ex Thesei Ambrosij Canonici regularis Lateranensis in

S. Hieron. ubi supra.

Appendix Thef. Ambrosij de introd. linguarum.

varia linguarum genera Introductione videre licet: vbi inter multa diuersarum linguarum Alphabeta, vnum Iacobitarum extat Alphabetum, cuius littera extrema figuram Crucis omnino repræsentat, hoc modo Γ . Hæc autem littera, siue figura, Symbolum nostræ redemptionis, quæ per Crucem consummata est, ante aduentum Saluatoris nostri in carnem, absolutionis signum, Salutaremque notam præferre visa est, vt legitur in Ezechiele, vbi signa Thau super virorum gementium frontes scripta esse, legitur: & qui huiusmodi figura inueniebatur insigniti, salutem consequabantur. Quauis autem littera Γ , Thau Hebraica antiquior cum Γ , Græca Θ , & Latina, T , quantum ad figuram habeat affinitatem, ab iisdem tamen quantum ad sonum non parum differt: illa enim suavis est: hæc autem insuauissimæ a Cicerone appellantur: A θ , θ nta vero Theta Græco, & figura, & sono, atque symbolo longe distat: nam Thau salutare est: Theta autem lethiferum: propterea quod θ , erat mortis nota, vel quia per medium telum est transfixa, vel quia est prima dictionis, *Θάνατος*, littera, quæ mortem significat. Hinc Martialis illud Theta mortiferum, Persius autem nigrum appellauit dicēs: *Et potis est nigrum mortis præfigere Theta*. Alius: *O nimum ante alias infelix littera Theta*. Nec est mirum quod Thau figuram Crucis habens diuersam a Theta significationem habeat, cum Christus Saluator noster in signo sanctissimæ Crucis mortem nostram moriendo destruxerit, vitamque resurgendo repararit. Vt cumque autem sit quod de antiquioribus characteribus Hebraicis dictum iam fuit, quas in Bibliotheca Vaticana inuenimus litteras, nos hic apponendas censuimus, quibus Astrologiam à Seth conscriptam esse credendum est. De filiis autem Seth hætenus, vt de Abrahamo tandem loquamur.

D E A B R A H A M O
ET SYRICARVM, CHALDAICARVMQ.
LITTERARVM INVENTORE.



L T E R A in Columnæ facie Abrahā, primus Patriarcha, senex, vestibus oblongis indutus, & machæratu, circinum, & amussim, siue regulam & normam, quā nunc Quadram passim vocāt, dextra manu tenere cernitur.

tur. Machæra cinctus pingitur Abraham ob prælium, quod annum septuagesimum quintum agens, contra Chodorlahomor Regem Elamitarum, & Thadal Regem gentium, & Amraphel Regem Sennaar gessit, vt Loth nepotem suum, & mulieres atque viros, substantiamq. Sodomorum & Gomorrhæ ab inimicis ablatam recuperaret. Hinc potitus victoria reuertitur, & pane vinoq. sollempniter prius oblato a Melchisedech, Dei nomine inuocato, excipitur ac benedicitur. Circinū & amussim dextera tenere cernitur ob mathematicam, quā sacerdotibus Aegyptijs tradidisse fertur, vt scribit Iosephus, & Plato in Epinomide id quodā modo videtur inuere. Quod videtur confirmare Cicero, qui primos Astrologiæ inuētores Chaldaeos rececit. Aegyptij enim illas ita excoluerūt vt putetur Geometriæ inuētores sicut Phoenices Arithmeticæ esse dicuntur: cuius tamen lineas ab eodem Patriarcha cum in Palæstinam profectus est, acceperunt. Dicitur etiā Abraham artem statuariā aliquādiu exercuisse, a Thare patre suo statuario idolorum fictore & venditore edoctus.

Abraham præterea Chaldaicarum, seu Hebraicarū litterarum inuentor fuit, Philone teste, qui arbitratur linguam Hebræorum ipsam, vt B. Hieronymus narrat, esse Chaldaicā: quia Abraham de Chaldeis fuit. Vel potius teste Suida, sacras litteras, & linguam sanctam olim inuētā conseruauit, cum Adam, vel filij Seth dictarum litterarum, vt Iosephus ait, Inuētores dicantur, qui multis annis Abraham præcesserunt. Supra Abraham caput extat Alphabetum vt infra: ad eiusdē vero pedes legitur Inscriptio in hanc verborum formam:

Abraham Syras, & Chaldaicas litteras inuenit.

Alphabetum Syriacum, & Chaldaicum.

Gen. 14.

Epinomis.
i. legū ap-
pēdix, vel
Phil. to. 5.Cic. lib. 2.
de Diuin.
nō semel.Ex Genes.
li. 1. Chro-
nic. an. mō
di 1949.Hebra. in
Beresith
Rabba, &
Suidas in
Abrahā.
Hieron. in
c. 1. Da-
nielis to. 4.
Suidas in
Abrahā, et
Ioseph. lib.
1. Antiq.



EC silentio prætereundum est, cur Inscriptio Latina hoc loco posita Syriacas, & Chaldaicas litteras unico Alphabeto comprehendat. Id enim factum esse reor propter earundem linguarum vicinitatem, seu affinitatem, ut sanctus Hieronymus testatur dicens: In hac Epistola (ad Galatas) modo Cephas, modo Petrus scribitur: non quòd aliud significet Petrus, aliud Cephas, sed quòd quam nos Latine, & Græce Petram vocamus, hanc Hebræi, & Syri propter linguæ inter se viciniam, Cepham nūcupent. Hinc ex Philonis sententia, quam Hieronymus improbare visus non est, Hebræorum ipsam linguam Chaldaicam esse dicendum est, quia, ut diximus, Abraham de Chaldæis fuit. Nec desunt, qui autement Chaldaicam linguam esse, quam nunc Hebræam dicimus, atque ita fuisse vocitatum, ut Theodoretus præsertim ait, ex eo quòd Abraham, cum è regione Chaldæorum in Palæstinā veniret, fluuium Euphratem pertransiit. Hebra enim, ut aiunt, Syrorum lingua idem dicitur quod Euphrates: immo idem Theodoretus Syriacam linguam omnibus alijs antiquiorem esse arbitratur, ut nomina ipsa Geneseos indicare videntur. Adam enim (ait) Cain, Abel, & Noc, propria sunt linguæ Syriacæ: Syrorum namque mos est, terram rubram appellare Adam. Interpretatur autem Adam terrenus, aut puluerosus, & Cain possessio, sicut Adam ipse de Cain innuisse videtur, cum Deum laudauit dicens: Possedi hominem per Deum. Abel idem quod luctus: primus enim visus est mortuus, & primus parentibus luctum attulit. Noc vero idem quod requies. Vtrumque autem sit, Hebraicam linguam, omnium matricem & mundo coæuam fuisse fatendū est, ut S. Hieronymus, & Origenes testantur: & ex hac multè, id est 72. ut Hebræis placet, factæ sunt: quod colligunt è capitibus familiarū, quæ in libro Geneseos recensentur: Hebraica enim Syriacæ, Arabicæ, Chaldaicæ, Aegyptiacæ, Samaritanicæ, aliarumq. id genus linguarū genitrix nūcupatur: Græca Doricæ, Ionicæ, Acolicæ, & Atticæ, ex quibus communis efficitur: Latina Italicæ, Boemicæ, Moscouiticæ, ac ceterarum: Germanica Helueticæ, Anglicæ, Flandricæ, & aliarum: Tartarica Turcicæ, Sarmacanicæ. Abyssina Aethiopica,

S. Hieron.
in c. 2. ad
Gal. co. 6.

S. Hieron.
in cap. 1.
Dan. to 4.

S. Hieron.
ubi supra.

Theodore-
tus 9. 59.
Gen. 60. in
Gen.

Hieron. in
Soph. co. 5.
Orig. hom.
21. Num.

Gen. 20.

Ex Geneb.
lib. 1. Chro-
nic. anno
muni
1850.

picæ, & Sabeæ: Hinc mirum non est, si Syriaca, & Chaldaica linguæ vnico Alphabeto comprehendantur, cum ex illa vna, antiquioreq. Hebraica lingua ceteræ originem traxisse perhibeantur: immo cum eadem ipsa Hebraica non solum quantum ad scribendi modum, verum etiam quantum ad characteres, atque verborum sensum, affinitatem non modicam ceteras linguas habere constat: Hæc hactenus, vt ad alia transeamus.

DE MOYSE ANTIQVAVM LITTERARVM APVD HEBRÆOS INSTAVRATORE.



TERTIA in Columnæ facie Moyſes Iudæorum Dux inclytus conſpicitur dextra manu librum, qui Pentatheucum repræſentat, tenere cernitur: qui ad ſiniſtram partem duas Tabulas lapideas apud ſe habet, in quibus fuerunt ſcripta decem Præcepta, quæ a Deo in Monte accepit. Inſtituit autem Moyſes leges ad Religionē & ad Rempubicam pertinentes 449. & amplius, totis illis quadraginta diebus, quibus fuit in Monte: quæ tandem, alijs deinceps additis, viſque ad 614. præcepta excreuerunt. Affirmantia quidem 248. quot hominum oſſa a Medicis numerantur: Negantia vero 366. quanta eſt ſumma dierum anni. Id quod ex illis duobus libris, ſuper quibus extant lapideæ Tabulæ, repræſentatur. Hic etiam Hebraicarum litterarum inuentor fuiſſe fertur, vt Euſebio placet, qui ait in libro de Temporibus, & in libro de Præparatione Euangelica Moyſem Iudæis primum litteras tradidiſſe, & a Iudæis Phœnices, poſtremo a Phœnicibus Græcos accepiſſe. Quamuis autem, vt nonnulli volunt, Moyſes Hebraicam linguam punctis inſignitam a Deo accepiſſe dicatur, dum legem in Monte ſuſcepit: dicitur tamen Inuentor Alphabeti antiquioris, quod Adamo primum, deinde eius Nepotibus tributum eſt, cum eiſdem

Alphabeti

Anno mū.
di 2009.

Affirm. & 298.
Neg. præce
pta.


Lib. 8. &
10.

Lib. 18. de
Cim. c. 39.

Alphabeti instaurator fuerit, & cultor, quo antiquiores non habemus Auctores, qui libros conscripserint perhibeantur. De Hebraicæ linguæ antiquitate sanctus Pater Augustinus idem videtur sentire dum ait: Non itaque credendum est, quod nonnulli arbitrantur, Hebræam tantum linguam, per illum, qui vocabatur Heber, vnde Hebræorum vocabulum est, fuisse seruata, atque inde peruenisse ad Abraham; Hebræas autem litteras a lege cœpisse, quæ data est per Moysen, sed potius per illam successionem patrum, memoratam linguam cum suis litteris custoditam. Denique Moyses in populo Dei constituit, qui docendis litteris præesset, priusquam diuinæ legis vllas litteras nossent. Hæc Augustinus. Supra Moysis caput, Hebraicum Alphabetum antiquius legitur: ad pedes autem Inscriptio Latina, vt infra:

Moyſes antiquas Hebraicas litteras inuenit.

Alphabetum Hebraicum antiquius.



Exod. 31.
in fine.

ALPHABETVM hoc est idem cum primo, & secundo, quæ superius posita sunt: & quamuis Hebraicas litteras non solum ante legem Moyſi datam, verumetiam ante diluuium fuisse constet, sicut superius monstratum fuit: Moyſes tamen eas inuenisse narratur, vt ex Inſcriptione Latina clare patet, quatenus characteres ipsos instaurauit, & illustrauit, dum Tabulas lapideas digito Dei scriptas accepit, ceterosq. libros iisdem litteris conscripsit. De Hebraicis litteris antiquioribus hætenus: & reliquum est vt ad nouas Hebraicas accedamus.

DE ESDRA NOVARVM LITTERARVM APVD HEBRÆOS INVENTORE.



QUARTA in paraſtaticæ Columnę facie Hebraicarum litterarū, ſed recentiorū inuentor Eſdras, Propheta, Sacerdos, & Scriba more ſacerdotali indutus, altera manu calamū, altera vero librū tenere cernitur. Hic a S. Auguſtino magis rerum

geſtarū ſcriptor quā ſcripta habitus fuit: Eſdras autem, inquit Auguſtinus, propheta forte cēſendus eſt, quia Chriſtū prophetaſſe viſus fuit cum orta quęſtione apud Regem quid fortius, aut potentius eſſet in rebus, Vnus dixit eſſe Regem, alter Vinum, tertius vero Mulieres, ſed ſuper omnia veritatem victricem eſſe demonſtrauit: quā Veritatem Chriſtum eſſe dicendum eſt.

Hic item litteras nouas Hebræas, quibus nunc vtimur, inuenit, vt S. ait Hieronymus, poſt captā Hieroſolymā, & poſt inſtaurationem Templi ſub Zorobabel, cum ad illud vique tempus ijdem fuerint characteres Samaritanorū & Hebræorū. Hic Cabbalā apud Hebræos collegiſſe dicitur, & ſeptuagintaduobus mandaſſe libris, quibus ſeptuaginta duorum priorum doctrinā comprehendiffe perhibetur: æquorū numero eſt quartus liber falſo Eſdrę aſcriptus. Eos libros Ioannes Picus Mirādulæ comes, et naturæ monſtrū ſe habuiſſe ſcribit. Huius itē opera libri ſacri fuerūt emendati: hinc merito ſcriba, ſiue cēſor fuit appellatus: qui etiā, teſte Athanaſio in Synopſi, ducētos et quattuor libros cōſcripſit. Quattuor interea libri ſub Eſdræ nomine in Biblijs olim reperiebantur, ſed duo tantum priores canonici habentur: Idq. itā eſſe declaratum eſt in Concilio Carthaginēſi, Florentino, et Tridentino: quorum prior de rebus geſtis filiorum Iſrael priuſquam c Babylone in Hieruſalem aſcenderet Nehemias: ſecundus vero, qui continet hiftoriam de reædificatione muri per Nehemiam, qui miſſus fuit tamquam Dux a latere Perſarum Regis ad reædificationem Ciuitatis, Nehemias etiam

M

dicitur,

Lib. 18. de
Cin. c. 36.
10. 5. Ex
3. Eſd. 3.

Quęſtio. quid fortius
aut potentius in
rebus.

10. 14.

Præſin 11.
Rég. 10. 3.
Et in c. 9.
Exec. 10. 4.
Ex 4. lib.
ſub falſo.
Eſdra no-
mine in-
ſcripto. c.
14.

10: Picus Mirādula-
nus, naturę monſtrū.

Cōcil. Tri-
den. ſeſſ. 4.

To. 3. Pra-
f. 107.
in Esdrā.

Homil. 9.
in Iosue.

Cōtr. Arr.

Augus. de
Ciu. Dei.
lib. 18. c.
36. 10. 5.

Ambr. l. 2.
c. 2. in Lu.

Lib. 2. c. 7.
Rabanus
de instit.
cler. c. 54.

Ex Geneb.
li. 2. Chro.
anno mun
di 3638.

Ex Geneb.
li. 2. Chro.
anno mū.
di 3638.

Ex Praef.
in lib. Pa-
ralip. 107.
sed cla-
rius ex
Praef. l. 54
in ad Pau-
lū. & En-
stoch. 10. 3.
Praef. 117.

dicitur, saepe tamen confundi solent: vterque vero dicitur Esdræ, sed primus magis proprie dicitur. Tertiū & quartus nomine Esdræ inscripti (quos Hieronymus apochryphos, somniiq. plenos vocat) & inter canonicos numquam recepti, nunc iuxta Canonem sacri Concilij Tridentini a Biblijs veteris editionis vulgatæ Sixti V. Pontif. Max. præcepto expuncti sunt, quamvis terrius ab Origene, Athanasio, & Augustino, quartus ab Ambrosio pluribus in locis, & præsertim in Lucam, & in libro de Spiritu sancto citentur. Scriptit etiam Genealogias libri Paralipomenon vsque ad eum locum, in quo suam genealogiam ostendit: cetera Nehemias absoluit. De ipso Esdra Rabanus maurus hunc in modum scribit: Omnes libros sacros veteres cum Iudæi ingressi fuissent Hierusalem, Esdras diuino spiritu afflatus reparauit, cunctaq. Prophetarum volumina, quæ fuerunt a Gentibus corrupta, correxit: totumq. vetus Testamentum in duos & viginti libros distinxit, vt tot essent libri in lege quot habentur & litteræ. Quidam autem eum faciunt auctorem accentuum & punctorum, quæ hodie in Biblijs Hebraicis reperiuntur, sed falsum putant, propterea quod Hieronymus ad sua vsque tempora nulla extitisse testatur: inuentaq. fuerunt paulo post tempora Honorij Imperatoris anno ab euerso templo 436. & post Christi passionem 476. in Tyberiadē Vrbe Galilææ. Quamvis autem huiusmodi puncta ab Esdra inuenta esse inficientur multi et eruditi quidem Viri: ij tamen affirmant ab ipso Synagogæ, vel Synodi auctoritate Codices Iudæorū per sententias, membra, et versus fuisse diuisos, et interuallis quibusdam distinctos: qui antea veluti vnici erant versus. Quare S. Hieronymus ait se ad vtilitatē legentium easdem commaton incisiones, et interuallorum distantias, quas in Hebraicis Codicibus repererat, in sua Translatione seruasse. Sed de hac Columnā parastatica hætenus, vt de Hebraico Alphabeto nouo nonnihil dicatur. Supra Esdræ caput Hebraicum Alphabetum nouum cernitur: Ad pedes autem eiusdem hæc Latina legitur Inscriptio:

Esdras nouas Hebræorum litteras inuenit.

ALPHABETVM HEBRAICVM NOVVM.

Nomina litterarum.	Pronunciatio.	Figurae litt.
Aleph	a	א
Beth	b	ב
Ghimel	g	ג
Daleth	d	ד
He	h	ה
Vau	u	ו
Zaiin	z	ז
Cheth	ch	ח
Teth	t	ט
Iod	i	י
Caph	c ch	כך
Lamed	l	ל
Mem	m	מם
Nun	n	נו
Samech	s	ס
Nghain	gh	ע
Pe	p ph	פף
Tfade	tf	צץ
Coph	k	ק
Relc	r	ר
Scin	sc	ש
Sin	f	ש
Thau	t th	ת

Litteræ 7 Caph, 6 Mem, 5 Nun, 4 Pe, 3 Tsade, in fine
dictionis ponuntur: illæ autem alteræ, quæ sunt eadẽm cum
hisce quinque, figuris tamen differentes, indifferenter locantur,
fine dictionis excepto. Sunt qui Zade, non Tsade dici cõtendant.

Hebræi vocales non habentes, vtuntur virgulis, & punctis vice vocalium, vt infra videre est. De quibus etiam fusius dicetur.

Paruæ.

Vocales.

Magnet.

a	c	i	o	u	a	c	i	o	u
---	---	---	---	---	---	---	---	---	---



ALPHABETVM hoc Hebraicum ab Esdra inuentum quamuis ab Alphabeto, quod Adamo, filijs Seth, Abrahamo, & Moyfi superius ascriptum fuit, longe diuersum sit quantum ad figuras, cum eo tamen quantum ad modum scribendi, & characterum numerum, eorundemq. nomen est idem: Nam duæ & viginti sunt litteræ a dextro in sinistrum latus desinentes, eodemq. sono pronuntiatae: immo (quod consideratione dignum existimatur) non solum apud Hebræos, verum etiam apud Syriacos & Assyrios, Ægyptios & Asianos, Samaritanos & Armenos, Arabes & Æthiopes, Indos & Saracenos, Phoenices & Illyricos, siue Dalmatas, Hetruscos et Turcas, Græcos atque Latinos, necnon apud alias Nationes, initium primæ litteræ Alphabeti fere cuiuscunque sono ipsius A, pronuntiari solet, cum ab Hebræis & ab alijs Aleph dicatur (a Chaldæis tamen Olaph) ab Indis Alefu, ab Assyrijs, siue Syriacis, ac Phoenicibus Aluz, a Saracenis Alchimon, ab Ægyptijs Athomus, vel Athoin, a Græcis, Hetruscis, et Iacobitis, multisq. alijs Alpha, & a Latinis A. Id quod non absque mysterio factum dicas oportet: A, enim vox est humana, magisq. ad virum, quàm ad feminam pertinens: & hac forsitan ratione primum hominem Adam, & primam feminam Eum sic Deus nuncupari voluit, cum E, vox magis feminæ quàm viri esse videatur, vt a prima infantis luce experimento id ita esse passim didicimus.

Hæc de numero, ac scribendi modo, pronuntiationeq. litterarum, ex quibus Alphabetum Hebraicum, multaq. alia diuersarum linguarum affinitatem quandam inter se habere dignoscuntur: ex notis tamen, siue figuris, aut characteribus non parum diuersa, sicut ex Alphabeto Chaldaico, Hebraico antiquiori, ac nouo, quod nunc præ manibus habemus, videre est. Elementa enim, quibus iam olim, hodieq. Iudæi vtuntur, non veterum Hebræorum, sed Assyriorum esse dicuntur, vt Genebrardo placet, Esdra inuentore, qui Synagogæ, siue Synodi consilio, & auctoritate litteras mutauit, vel quòd veterum Hebræorum quàm Assyriorum operosior erat scriptura, vel quia eas Samaritani post exilium callerent. Ideoq. Iudæi ne cum schismaticis Israelitis yllo sacrorum vsu communicarent,

Ex Appē-
dice Theſ.
Ambr. de
introduc.
variarum
linguarū.

Geneb. lib.
2. Chron.
anno m. m.
di 1038.
Geneb. lib.
2. an. m. m.
di 3203.

nicarent, hanc litterarum formam, quæ nunc vſitata eſt, id eſt quadratam, mutatis prioribus figuris, Eſdra auctore, con-
diderunt, atque illas veteres, quæ Samaritanæ litteræ deinde ſunt nominatæ, quibus etiam ad eam uſque diem ſancti Hieronymi, vt ipſe ait, Samaritani vtebatur, reliquerunt Hebraei. Verum quia Hebraica lingua vocales non habet, vt etiã idem Hieronymus ſanctus teſtatur, non ſine magno iudicio, vel ab Eſdra, vel deinceps a quopiam alio, etiam poſt Chriſti aduentum ad annos quadringentos, vt nonnulli volunt, puncta & ad legendum & ad intelligendum commoda fuerunt inuenta: ſin ſecus, legentibus ſemper difficillima fuiſſet lectio, & quandoque incerta. Quare hac tempeſtate punctis, & pronuntiatione, non ſcriptis litteris, vt Græci, & Latini faciunt, vocales linguæ Hebraicæ exprimuntur: conſimilique modo a Chaldæis, necnon ab Aethiopibus, virgulis affixis litteris, vocales explicantur, vt ex Grammatica Aethiopica, quam Marianus Viſtorius Rheatinus, vir quidem doctus, Iulij tertij temporibus, Marcello Ceruino tunc Cardinali, qui poſtea Marcellus II. Pontifex dictus eſt, dicauit, & Romæ edidit, cognoscei poteſt. Hinc nos Alphabeto huic nouo Hebraico puncta, quæ a ſancto Hieronymo accentus vocantur, quibus ipſe forſitan caruit, apponenda cenſuimus, etiamſi in Alphabeto, quod in Bibliotheca Vaticana inuenimus, deſiderentur. Nec ſilentio prætereundum eſt, Hebraicos hoſce characteres multo minores olim, quàm nunc, fuiſſe, vt S. Hieronymus innuere viſus eſt ad Euſtochium ſcribens hunc in modum: Accedit (inquit) ad hanc dictandi difficultatē, quod caligantibus oculis ſenectute, & aliquid ſuſtinentibus beati Iſaac, ad nocturnum lumen nequaquam valeamus Hebræorum volumina relegere: qui etiam ad ſolis, diciq. fulgorem, litterarum nobis paruitatē cæcantur.

Hæc de nouo Alphabeto Hebraico punctis inſignito, quo Biblia Hebraica & vetuſtiora, ac recentiora conſcripta ſunt: hæc punctis & virgulis conſtant, illa vero non item: vtrâque tamen multis in locis corrupta fuiſſe credendum eſt: hæc præter alias quattuor & viginti cauſas, quas Franciſcus Toletus Doctor Theologus & ſocietate Ieſu in ſuis Regulis Hebraicis pro Lingua ſancta intelligēda, vt vidi, conſcripſit, ſed nondum in lucem

S. Hieron.
in cap. 9.
Ezech. 10.
4.

In c. 25.
Hier. 16.
4.

Grammatica Aethiopica
Mariani Viſtorij.

Proem. in
7. cōment.
Ezech. 6.
21. 10. 4.

Gen. 29.

Regu. 24.
ex Fran-
ciſco To-
lero in lo-
cos difficil-
limos v-
riusque
Teſtamen-
ti.

in lucem emisit, deprauationi subiecta sunt præsertim ob puncta, quæ sicut lectionem faciliore, clarioremq. reddût, ita etiam corruptioni viciniorem efficere queunt, si solertia tantillum deficiat, vel tantumdem malignitatis apponatur: illa vero scilicet vetustiora sunt ite deprauatu facilia ob litterarum, dictionumq. æquiuocatione, quæ sine punctis, & virgulis facile admitti potest, tum ob aliquot huius idiomatis characteres eandem figurâ retinentes, tum etiam ob easdem voces diuersam habentes significationem, cuius generis est דָּבָר quod absque punctis est verbû, vel sermo, et pestis, siue mors, vel mortalitas: additis vero punctis, vel virgulis æquiuocatio aufertur: Nam דָּבָר Dauar verbum, vel sermo interpretatur: si autem hoc modo scribatur דָּבָר Deuer, vel דָּבָר Dauar, pestis vel mors, siue mortalitas dicitur: His de causis Hebraica exemplaria corrupta fuisse cruditi quidem Viri (vt reor) affirmarunt: e quorum numero fuit Eusebius de historia Ecclesiastica, lib. 4. cap. 17. et lib. 5. cap. ultimo,

Cap. 29. Tertullianus aduersus Marcionem, Irenæus in lib. 1. contra hæresim, Basilii lib. 2. contra Eunomium, Ambrosius in Epistolam ad Romanos, et in Epistolam ad Galatas, et in Procemio libri primi in Lucam: Iustinus Martyr aduersus Tryphonem ait, ex versiculo illo Psalmi, Regnavit a ligno Deus, ablatas esse duas hasce voculas, A ligno: quæ in Psalmorum editione, quam Italiam dicunt, et Ecclesia sancti Petri Romæ habet, et legit quadringentis ab hinc saltem annis, huius editionis ceteris libris ammissis, reperiuntur: De hoc Psalterio Beatus Franciscus, vt conijcere possum, locutus est in sua Regula dum Clericis mandauit, vt diuinum officium recitandum disponerent iuxta Romanæ Ecclesiæ ritû, Psalterio excepto. Quam rem Sanctus Bonauentura perpendit, rationemq. exceptionis huiusce reddit dicens, Ecclesiam Romanam alia Psalterij translatione vti, quam communiter habeatur, vel verius aliter emendato, vt ipse ait: nam per Romanæ Ecclesiæ ritum, diuini officij ordinem Romæ obseruatum intelligit, vt ex dictorû verborum serie clare patet.

Psal. 21. Præterea, vbi nos legimus: Foderunt manus meas, & pedes meos, pro eo, quod legi debet דָּבָר Karû, id est, foderunt, vt habet vulgata editio, recentiores Hebræi legunt דָּבָר Kaa-

ri, id est, tanquam Leo manibus meis, & pedibus meis: quæ quidem lectio sensum nonnisi durum, & distortum habet. Id quod factum videtur, vt veritas prophetica de Christi Saluatoris nostri passione & imperio occultaretur. Ad simile est illud de Messia diuinitate apud Hieremiam: Et hoc est nomen, quod vocabunt eum, Dominus iustus noster: nam pro eo, quod legitur in Latina editione vulgata, *Vocabunt*, recentiores Hebræi legunt: *יְהוָה* Ichreo, id est, *Vocabit*: quasi velint id esse legendum: Dominus vocabit Messia nomen, Iustus noster. At verus lectionis sensus est: Israel vocabunt nomen Messia: Dominus iustus noster: pro quo in Hebræo sic legi debet, *יְהוָה* Ichreu, id est *Vocabunt*, vt Chaldaica paraphrasis habet, & Rabbi Daud Kim Ki, qui hunc in modum legit: Israel vocabunt Messiam, Deus iustus noster, non autem, Deus vocabit Messiam, Iustus noster. Et hac in re consului Neophitos aliquot eruditos, & Hebraicæ linguæ professores, Christianæq. pietatis obseruantissimos, qui Hebraica exemplaria tum vetustiora tum etiã recentiora deprauata esse asseueranter fidem faciunt iuxta sententiam sancti Hieronymi, qui in Epistola ad Galatas, Hebraica exemplaria immutata esse aperte fatetur, vbi ait, sublatam ab Hebræis fuisse hanc vocem, *omnis*, ex dicto illo Deuteronomij: Maledictus omnis, qui non permanferit in omnibus, quæ scripta sunt in libro legis: eamq. vocem in Hebræis Samaritanorum voluminibus se inuenisse ait, idq. cum septuaginta Interpretibus concordare affirmat. Nec huic sententiæ aduersatur quod in Isaia dicit idem Hieronymus, ex Origenis scilicet sententia irridens eos, qui dicunt nonnullos scripturæ locos ab Hebræis fuisse deprauatos: quoniam ibi Hieronymus de quibusdam tantum locis loquitur, non autem in vniuersum, vt inibi videre est. Huiusmodi est dictum Augustini, qui ait, Hebraica exemplaria quantum ad annorum dinumerationem, hominumq. ætates corrumpi potuisse librariorum potius negligentia, quàm Interpretum, vel Hebræorum peruersitate, aut malitia, cum id Iudæorum improbitati contra Messia aduentum fauere posse haudquam videatur: nonnulla enim de Christo, ac de sanctissima Trinitate septuaginta Interpretes, Spiritu sancto dictante,

Hier. 31.

S. Hieron.
in c. 3. ad
Galat. in
prin. to. 6.

Deut. 27.

To. 4. in c.
6. Isaia.Lib. 15. de
Ciuit. Dei
cap. 13.Aug. lib.
18. de Ci-
uit. c. 42.
to. 3.

Pras. in te, omiserunt, ne Ptolemæo mysteriorum non capaci scanda-
Pras. Isa. lum afferrent, neue, vt sanctus Hieronymus ait, Ethnicis fi-
ad Paulā dei sacramenta perspicue tunc temporis proderent, neue etiā
& Euseb. sanctum canibus, & margaritas porcis darent. Huius gene-
20.3. Pras. ris est illud: Ex Aegypto vocavi filium meum. Et: Videbunt
117. in quem transfixerunt. Et: Osculamini Filium, vt sancti Hie-
Matth. 2. ronymi Translatio habet: pro quo in editione vulgata legi-
Io. 19. tur: Apprehendite disciplinam, quæ per Filium, qui est sa-
Psal. 2. pientia Patris, intelligi debet. Hæc de antiquis ac nouis
 Hebræorum litteris, earumq. Inuentoribus. Nunc reliquum
 est, vt ad secundam Columnam parastaticam accedamus.

DE SECUNDA COLUMNNA PARASTATICA,

quæ litteras Aegyptias, sacrasq. notas, necnon
Phrygias, earundemq. complectitur
Inuentores.

De Iside Aegyptiarum litterarum inuentrice.



PRIMA huius Columnæ parastaticæ facies
Isidem Inachi Regis filiam, & Aegyptiorum
Reginam capite corona regia, ac lunula semi-
plena redimito, læua sceptrum, frumentiq.
spicas quinque gestantem repræsentat: ad
cuius Reginæ pedes crocodilus cernitur.

Hæc e Græcia in Aegyptum se se recipiens, vt infra di-
cetur, Aegyptios litteras docuit, & terras colere instituit,
primaq. vt Tertullianus ait, repertas spicas capite cir-
cumtulit, sicut id spicæ illæ præferunt. Hinc eam Aegy-
ptij vitæ sanctam ob beneficiorum memoriam magnis ho-
noribus tanquam Deam prosequuti sunt, eidemq. sacer-
dotes instituerunt, terramq. eius nomine, hoc est Isidem, ap-
pellarunt: Isis enim lingua Aegyptiorum terra nuncupatur.

Per

Tertul. li.
de corona
mil.

Lucanus
lib. 6.

Per lunulam illam semiplenam, siue cornutam, quæ supra
 Reginae frontem ad coronæ regiæ cōspicitur summitatē, Isis
 intelligitur. Plutarchus enim, & Eusebius, aliq. permulti *Plutarch.
 & Euse-
 bins.*
 Isidem Lunam esse contendunt ex Ægyptiorum dictatis, qui
 eam hoc Hieroglyphico describebant, vt cornua taurina ve-
 luti nouæ Lunæ speciem gestaret. Sicut autem Isis per Lu-
 nam, ita per imaginem æluri, quem catum, & felem Latine
 vocitamus, intelligebatur Luna, in cuius cultum magna
 ælurum veneratione prosequiebantur Ægyptij: apud quos
 quidquid cum Luna consensum aliquem, vel quandam sym-
 pathiam habebat, id maximo habebatur honori: cuiusmodi
 ælurus, siue felis, vel catus esse dicitur, cui ad easdem Lunæ *Gellius li.
 20. cap. 7.
 Noë. At.*
 vices oculos aut ampliores fieri, aut minores, crescente, ac
 decresciente Luna. Huius autem generis sympathiam ex eo
 item esse credebant, quod sicut Luna Soli aduersatur, ita felis
 foricem, quem Solis totum esse dicebant, genuino quodam
 odio prosequi solet. Hinc felis hieroglyphico Lunam, ac
 Lunæ imagine Isidem Ægyptij significabant ob eam saltem
 vim, quam Luna insuit non solum in ea, quæ in aquis pro-
 creatur, verumetiam ab ipsa gignuntur terra, quæ Ægyptio-
 rum Idiomate Isis, vt diximus, nuncupatur: ad cuius rei in-
 tellectum lunula illa in coronæ vertice depicta est.

Per Crocodilum lacertæ adsimilem, incredibili tamen ma-
 gnitudine, vnguibus armatum, solis Ægyptijs, atque ijs re-
 gionibus, quæ Nilo alluuntur, cognitum, fit allusio ad Æ-
 gyptum, quæ huiusmodi specie animalis maiorem in mo-
 dum abundat, sicut noctuis Athenæ abundare solent.

Fit præterea, vt reor, per Crocodilum allusio ad venera-
 tionem, quā eidem animali necnon & Ibi aui præstabant Æ-
 gyptij, sicut Aristoteles ac Tertullianus testantur. Puto enim
 Crocodilum ab Ægyptijs veneratum esse ad malum euitan-
 dum, quod ipsum animal videtur præferre, hoc est rapi-
 nam, crudelitatem, ac simulationem: Crocodili enim natura
 est, sicut naturalis historiæ professores narrant, vt cum fame
 stimuletur, & insidias machinatur, os hausta impleat aqua,
 quam effundit in semita, qua nouit aut alia quæpiam ani-
 malia, aut homines aquatum venturos, vt lapsos ob lubri-
 cum descensum neque valentes aufugere corripiat, corre-

*Aristot. de
 re famil.
 lib. 2. Ex-
 plo 33.*

*Tertul. li.
 2. contra
 Marcio-
 nem.*

*Crocodili
 natura.*

N prosq.

REGINAM hanc, qua nullum apud Aegyptios nomen maius, neque venerabilius fuit, Aegyptiarum litterarum Inuentricem fuisse Latina docet Inscriptio: sed apud eosdem Aegyptios loco litterarum varias animalium extirisse effigies, variarumq. rerū instrumenta incisa aliquando fuisse credendum est, vt per huiusmodi figuras humanæ mentis sensus varios effingerent, sicut antiquissima monimenta memoriæ humanæ faxis, & Obeliscis præsertim impressa indicant: sed hieroglyphicis priores dicti Alphabeteri litteras fuisse fatendum est ex doctrina sancti Patris Augustini, qui, dum Isidem litterarum Aegyptiarum inuentricem affirmat, hunc in modum ait: Quid sapientiæ esse potuit in Aegypto antequam Isis, quam mortuam tanquam Deam magnam colendam putauerunt, litteras traderet? Isis porro Inachi filia fuisse proditur, qui primus regnare cœpit Argiuis, quando Abrahæ iam nepotes reperiuntur exorti. Quibus verbis non solum antiquam litterarum, doctrinarumq. Aegyptiarum inuentionem ostendit, verum etiam propheticam doctrinam omni origine humanæ philosophiæ antiquiorem fuisse testatur, ac demonstrat. Hæc de primis Aegyptiorum litteris, vt ad sacras notas accedamus.

S. Aug. lib. 18. de Ciuit. Dei cap. 37. in fine. to. 5.

DE MERCVRIO SACRARVM LITTERARVM APVD ÆGYPTIOS INVENTORE.

SECUNDA parastaticæ Columnæ facies Mercurium Iouis & Maiæ filiū, galeratū, & cothurnatum, alisq. redimitū, caduceū, idest duobus virgam serpentibus circumdātā dextra tenentem, Deorum nuncium, facundiæ mercatorum, lucrari, ac palæstræ Deum, furum Magistrum, ac denique citharæ, litterarumq. Aegyptiarum inuentorem repræsentat. Hæc autem ad eiusdem sermonem & facundiam pertinent. Dictus est enim Mercurius, vt ait S. Pater Augustinus, quasi

Diod. li. 1. cap. 3.

Nomina Mercurio tributa declarantur a S. Aug. lib. 7. de Ciuit. cap. 14.

medius currens, cum sermo inter homines medius currere sexisset: Ideo a nonnullis Hermes appellatur: *ἑρμης* autem Græce interpretatio est, quæ etiam ad sermonem refertur. Hinc Deorum nuncius a Poetis fingitur: quoniam per sermonem cogitata omnia enunciantur. Hic præterea mercibus, a quibus item Mercurius est nominatus, præesse creditur, quia inter vendentes & ementes sermonem fieri medium necesse est. Furum denique Magister appellatur, propterea quod audientium corda sermo aufert & animos fallit. Huius capiti, ac pedibus Poetæ alas tribuunt, hac re significare volentes, instar volucrum velocem per aera ferri sermonem. Caduceum quoque seu virgam gestare fingitur, qua serpentes, hoc est dissidia & discordias hominum tanquam venena, seu venenatas belluas diuidat: nam dissidentium animi sermones præsertim sedari solent: dictumque caduceum existimatur quasi contentiones & bella per orationem cadere faciat. Quare pacis legati a priscis illis Scriptoribus Caduceatores dicebatur: sicut enim per Feciales bella indicebantur, ita pax per Caduceatores fiebat. Ad Mercurij imaginis pedes cernitur caput Argi, qui ob plurimos oculos ceticolus appellabatur. Hoc loco situm est caput ut intelligatur, Argum a Iuno custodem constitutum Isidis, olim Io, in iuuentutis formam a Ioue commutatæ, a Mercurio eiusdem Iouis iussu fuisse interfectum, oculis eius sono fistulæ consopitis, quos deinde aut suæ Iuno, hoc est Patonis caudæ inseruit, ut Poetæ fabulose aiunt, & præsertim Ovidius, qui hunc in modum Argum ipsum describit:

*Lin. lib. 6.
de Bello
Pun.*

Lib. 1. Metamorph.

*Centum luminibus cinctum caput Argus habebat,
Inq. suis vicibus capiebant bina quietem,
Cetera seruabant; atque in statione manebant.*

Quo quidem commento Poetæ indicare voluerunt, sermoni, quem per fistulæ ac citharæ sonum significarunt, tantam esse quandoque vim, ut ex eo quisque aliquando decipiat, oculo intellectus per dicendi suauitatem sopito. Argus item mystice sumptus, ut Mythologici interpretantur, est cælum stellarum innumeris fere oculis quibuldam, stellis scilicet fulgēs ac distinctum, quibus quædam cælestium oculorum species inesse videtur. Mercurium vero, teste Macro-

bio

gularem effigiem, seu figuram, cruribus ita dispositis, representasse: ob eamq. item causam, Ibim ab Aegyptijs veneratam fuisse puto. Hinc apud Latinos, & Græcos prima littera ad Isochelis trianguli faciem accommodata est, atque ita opinandum est reliquas quoque huius generis litteras, vel xvj. vel quoquot extiterint, alicuius animalis effigie, membra figuratas fuisse. De huiusmodi characteribus Aegyptijs, vel hieroglyphicis, siue sacris notis, Cornelius Tacitus hunc in modum ait: Primi per figuras animalium Aegyptij sensus mentis effingebant, & antiquissima monumenta memoriae humanæ impressa saxis cernuntur, & litterarum semet inuentores perhibent: inde Phœnices, quia mari præpolebant, intulisse Græciæ, gloriamq. adeptos tanquam reperint quæ acceperant. Hæc Tacitus: ex cuius verbis planum fit, non solum hieroglyphica maiori ex parte animalium figuris cōstare, verum etiam Aegyptiarum litterarum inuentionem (Hebraico Idiomate excepto, atque Chaldaico) omnibus esse alijs antiquiorem.

Cornelius
Tacit. lib.
11. An-
nal.

quaternarij numeri
potestas et dignitas.

Nec subticendum esse censeo, cur Mercurius in Latina Inscriptione, quam superiori loco apposuimus, ΤΗΟΥΤ, nūcupetur, ni etiam Theuth scribi debeat, vt scriptum, & impressum passim inueni. Quæ quidem vox sicut quattuor tantum litteris constat, ita etiam consideratione existimatur digna: propterea quòd quaternarij potestas, ac dignitas admiranda semper fuit apud omnes fere Nationes, quæ nihil quaternitate non constare putarunt: nam quaternitatem animæ nostræ inesse arbitrabantur, mentem scilicet, scientiam, opinionem, & sensum: aliaq. denique omnia quaternario numero esse colligata, hoc est elementa ipsa, horas anni, numeros, ætatumq. compagines: atque ita vt nihil dici possit, quod a numero quaternario tanquam a radice ac principio non dependeat, sicut Plutarchus, & Cælius Rhodiginus diffuse demonstrant. Quare Pythagorici numerum quaternarium totum numerum, ac sacrum, solidumq. vocabant ob rationes, quas Arithmetici recte norunt. Hinc non sine ratione, aut consilio factum esse reor, vt omnes fere Gentes præcipuum Dei nomen quattuor tantum litteris enunciarint. Hebræi enim sacrum Dei nomen יהוה Iehouah, quod inde

Plutarch.
li. 9. Sym-
pos. 9. 3.
10. 2.

Ex Cæli.
Rhodig. li.
23. antiq.
lect. c. 9.
10. 3.

Tetra-

Tetragrammaton dicunt, quattuor tantum litteris nominantur: quod & alia voce exprimitur, quæ Adonai est, & apud eos, Adni etiam, scribitur: significat autem, Dominum nostrum. Iesu deinde suaue, ac salutare Gentibus nomen ab Angelo accepimus. Græcis vero Θεός, Latinis Deus appellatur. Quem autem nos Deum nuncupamus, Persæ dicunt Syre: Magorum disciplina, Orsi: Arabes, Alla: Aegyptij vero Thout, vel Theuth: quo nomine Mercurius ab iisdem nuncupatus, tanquam Deus veneratus est, cui quaternarius numerus ab Aegyptijs adscribitur, ut Rhodiginus ait, quando inter omnes quadratus censetur Deus. Plutarchus autem Mercurio quaternarium numerum sacratum iam fuisse ex eo opinatur, quod quarta mensis die natus feratur. Vel id factum esse putandum est ob sex & decem litteras ab eodem inuentas, quæ quattuor quaternarijs constant. Vtunque autem sit quod duabus hisce rationibus postremo loco narratis dictum est, Mercurium ab Aegyptijs veneratum, ut commentationes mathematicas, & id genus alias commentitias rationes posthabeam, ex eo saltem appellatum esse Thout, vel Theuth credendum est, quod hisce quattuor litteris ab iisdem populis Deus, ut diximus, appellabatur. Ut autem quæ de Mercurij nomine, ac litteris, artibusq. ab eodem inuentis testimonio comprobem luculentissimo, dicam quæ in Platonis Phædro inueni. Plato enim sub Socratis nomine sic ait: Audiui equidem circa Naucratis Aegypti, priscorum quendam fuisse deorum, cui dicata sit auis, quam Ibim vocant, dæmoni autē ipsi nomē Theuth, hunc primum omnium numerum, et numeri computationem, geometriam, et astronomiam, talorum, alearumq. lusus, et litteras inuenisse. Hæc Plato de Mercurio, quem infra, litterarum patrem appellat: quæ quidem omnia non nisi de Mercurio intelligi debent, ut omnes exponunt, tum ex Ibi aue, quæ prima sacrarum litterarum erat, tum etiam ex disciplinis, quæ eidem ascribuntur. Mercurius igitur Theuth ab Aegyptijs dicitur siue Theutates, ut ait Rhodiginus: itemq. dæmon, idest sapiens, nuncupatur. Ab iisdem teste Cicerone, dicitur Thoyth: eodemq. nomine primus anni mensis vocatur. Dicitur item Taatus, ut ait Eusebius,

& Thoor,

Math. 1.
Luc. 1. &
2.

Cal. ubi
supra.

Plut. li. 9.
Symphian-
con. 9. 3.
10. 2.

Plato in
Dialogo
qui dicitur
Phædro, vel
de pulchro
longe post
med. et nō
procul a
ne. 10. 2.

Cal. Rhodig.
li. 22.
c. 15. 10. 3.
Cic. lib. 2.
de Nat.

Euseb. l. 1.
cap. 7. de
prep.

& Thoor, ac Thoyth : vel $\theta\omega\upsilon\theta$ $\chi\theta$ $\theta\omega\theta$, idest Thoyth, vel Thoth, vt in Suida legitur : In Platone autem $\theta\epsilon\upsilon\theta$, Theuth. Hac de Mercurio, vt ad alia transcamus.

DE HERCVLE PHRYGIARVM LITTERARVM INVENTORE.



ERTIA Columnæ parastaticę facies Herculem, Iouis & Alcmenæ filium, clauæ ex altera parte innixum, ex altera vero leonis pellem manu tinentem repræsentat. Hic ob insignem fortitudinem & gloriam a Gentibus illis Veritatis ignaris inter deos relatus est, maximis exantlatis laboribus, quos quattuor, ac triginta fuisse constat, ipsumq. Phrygiarum litterarum inuentorem extitisse, perhibetur. Hinc supra eius caput Alphabetum Phrygiacum conspicitur : ad eiusdem autem pedes hæc legitur Inscriptio :

Hercules Aegyptius Phrygias litteras conscripsit.

Alphabetum Phrygiacum.

ΓΧΨΔΖΑΒΛΠΣΟΚΣΥΗ
ΗΑΥΞΧΣΩΣ

Cic. lib. 3.
de Natu.
Deor.



HERCVLEM Phrygiarum litterarum inuentorem fuisse Cicero testatur dicens : Alter Hercules traditur Nilo natus Aegyptius, quem aiunt phrygias litteras conscripsisse. Hac de causa apud Gallos Herculis simulacro, siue hieroglyphico, eloquentiæ vis exprimi solebat, sicut ex Luciani libello de Hercule conscripto patet :

patet: in quo Phrygia eloquentia maiorem in modum laudatur. Qua de re Phrygibus proprias antiquitus fuisse litteras ab Hercule inuentas dicendum est, sicut Tabella ad angulum huius faciei dextrum depicta, quam Puerulus prope Herculem iacens tenere cernitur, præferre videtur. Nam per huiusmodi picturam fit allusio ad illud, quod Herodotus narrat de duobus infantibus, quos Psammiethicus rex Aegyptiorum, pastori cuidam inter pecora educandos dedit, atque in solitaria casa custodiendos, caprarumq. lacte alendos, nullamq. penitus vocem coram eis edendam iussit, donec infantes inarticulate vagire desisterent, & aliquid, Natura docente, articulare pronunciarent, ut hoc exemplo sciri posset, quænam lingua sit homini naturalis, quinamve primi hominum extiterint, cum ad illa usque tempora, ut Pausanias ait, de huiusmodi antiquitate fuerit controuersia. Hinc expleto (ait) bimatus tempore, pueruli, porrectis manibus procidentes hanc vocem Beccus, idest panem Phrygia lingua (vel Bech potius, ut suspicor) ediderunt. Qua ex re Aegyptij antiquitatem Phrygibus concedendam confessi sunt. Hæc ex Herodoto: qui etiam ex Græcorum opinione inibi ait, mulieribus, quæ infantes illos custodiendos, ac nutriendos Regis præcepto susceperunt, linguas fuisse abscissas. Id quod ab Herodoto irrisum, ego rationi, ac Psammiethici crudelitati, quam eidem Regi Herodotus tribuit, magis consentaneum esse puto. Non deest tamen qui dicat, ab iisdem puerulis editam fuisse hæc vocem Bedy, quæ apud Phrygas aquam significat, & quamdam cum dictione Beccus quantum ad sonum habet affinitatem. Sunt item, qui eos puerulos hanc vocem Beccus, quæ apud Gallos, & Italos auium rostrum sonat, protulisse nolint, sed sonum siue balatum quemdam, be, be, ad imitationem caprarum, quas audierunt, edidisse contendat, nullam prorsus linguam homini naturalem esse affirmantes, ut etiam sancto P. Augustino placet dicenti: Siquis inter mutos natus atque alitus esset, sero ac iam iuuenis in alios homines incidens, loqui disceret, cum aliam linguam nullam nosset. Hæc Augustinus: ex cuius plane sententia clare dignoscitur, nullam prorsus linguam homini esse naturalem: si qua enim ei naturalis foret, omnes vno

Ex Ioanne
Pierio Va-
ler. Bel-
lunen. lib.
59. de Her-
cule & e-
loquentia.

Herod. li.
2. in Eu-
serpe sub
initio.

de duobus in-
fantibus in so-
litaria casa edu-
catis.

Pausan.
lib. 2.

Beccus, id
est panis.

Lib. 3. in
Thalia.

Clemens
Alexand.
Strom. 5.

Sueton. in
Vitell. c.
vlt.

S. August.
li. de ani-
ma quam
tit. c. 18.
to. 2.

sopopcia veritatem ipsam excedente : nam lingua (Aristoteles ait) non nisi ad significandum aliquid alteri contributa est . Id quod absque rei intelligentia , quæ in brutis animalibus non exstat , fieri haud quaquam potest . Si autem aliquando accidit , vt bruta animalia loqui visa fuerint , sicut narrat Liuius , qui ait bouem locutum : id prodigiosum , atque in eo dæmonem loquutum fuisse dicas necesse est ob superstiosam earum Gentium credulitatem , vt idem Liuius ait : vel diuina virtute res huiusmodi euenire potest , sicut in Scriptura sacra euenisse legitur .

Arist. li. 1.
de anima
text. ult.
5. vltimis
verbis .

Lin. Dec.
1. lib. 3. &
Dec. 3. lib.
4. & 7.

Num. 22.

Homini igitur soli datum est loqui : nec ei fari fas est a prima nascentis luce , sed quodam sane tempore a natura sibi præscripto , vt omnes recte norunt : alijs tamen citius , alijs vero tardius . Si quis autem ante idoneam loquendi ætatem verba pronunciasse dicatur , eum rursus obmutuisse Aristoteles narrat , quousque solitum loquendi tempus , accessisset : vel eum dæ actutū obijisse aiunt , sicut cuidā infanti , euenisse compertū est : qui supra omnes Naturæ leges , vix dum quattuor ac viginti vitæ horis completis , verba ad paterni regni amissionē , & gentis perniciem , ac desolationem pertinētia edidit : quibus enunciatis , eum exanimem concidisse , proditur . Hac de loquutione soli homini concessa : nunc reliquum est , vt eo , vnde digressi sumus , reuertamur dicentes , nullam homini linguam esse naturalem , ita scilicet , vt si quis inter mutos natus , atque alitus esset , hac vel illa naturaliter loquatur lingua ab alijs olim inuenta . Is enim cum ad idoneam loquendi ætatē peruēnisset , nullamq. prorsus didicisset linguam , nutu aliquo , siue gestu corporis quodā modo , vt sic dixerim , loqui , vocē aliquā emittens , niteretur , mutiq. vicē nullo penitus verbo pronunciato gereret : qui enim linguā vllam non audiuit , suapte natura loquutionem aliquam formare non potest nisi cælesti dono adiuuetur . Præterea omnes , qui nascuntur turdi , teste Aristotele , mutos item fieri necesse est , quippe qui nullā discere potuerint loquendi formā . Qua de re , quæ ab Herodoto de duobus puerulis , phrygiaq. linguā narrantur , veritati consentanea haud quaquā esse fatendum est : Siqua enim lingua homini esset naturalis , Hebraica profecto foret , omnium linguarum prima , quam primus homo diuinitus edoctus ce-

Plinius in
procem. li-
bro 7. hist.
nat. ait
puero da-
ri loquun-
tionē , cū
uerter pal-
pitare ces-
sat : hoc est
ad mitem
24.

Hali Aba-
ragel.

Ex Arist.
4. de hist.
9. to. 5.

Arist. lib.
4. de hist.
animal. 6.
9. to. 5.

*Herodo-
tus ubi su-
pra.*

*Barthol.
5. quæst. pe-
regr. Dec.
3. c. 6. g. 6.*

teris præmonstravit : & hac denique lingua, quæ primos Pa-
rentes cum Deo congressum, sermonemq. habuisse creden-
dum est, eos puerulos, quos panem Phrygia lingua pronun-
ciasse narrat Herodotus, loquuturos fuisse reor, sicut Orige-
nem, ac Hieronymum sensisse Bartholomæus sibylla testa-
tur, qui ex eorum sententia dictos pueros voces hæc edidisse
Hebraicas, hoc est, לחם Lechem, quæ apud nos dicitur
panis, & יין Iain, quæ vinum Latinè interpretatur.
Hæc ex Bartholomæo sibylla. Verum, ut res sese habeat,
has tamen opiniones hoc loco recitare libuit, ut intelligatur,
quid puerulus ille tabellâ tenens in hac parastaticæ Columnæ
facie depictus sibi velit. Hæc de Hercule, Phrygijsq. litteris
ab eo cōscriptis, quas etiā Aegyptias fuisse opinor, cū ab Her-
cule Aegypto eō delatæ sint. Nunc ad Memnonē accedamus.

DE MEMNONE LITTERARVM ÆGYPTIARVM INVENTORE.

*Virg. 1.
Æneid.*



QUARTA parastaticæ Columnæ facies Memno-
nem Tithoni filium fratris Laomedontis ex
Aurora susceptum, equestri, seu militari habi-
tu indutum, Aegyptiarumq. litterarum inuen-
torem, aut cultorem repræsentat: cuius post ter-
gū sepulchrū cernitur, super quod aues duæ volandi actū de-
pictæ cōspiciuntur. Supra Memnonis caput Alphabetū extat
Aegyptiacum: ad eiusdem vero pedes hæc legitur Inscriptio:
Memnō Phoroneo æqualis litteras in Aegypto inuenit.
Alphabetum Aegyptiacum.

P Q T
9 J X Y Y 2 Z P
Y Z U G S T U O B U T

MEMNO-

MEMNONEM Aegyptiarum litterarum inuentorem fuisse docet Inscriptio, quamuis Alphabetum hoc loco positum paulo superius ex multorum virorum sententia fuerit affirmatum in Aegypto repertum fuisse a Mercurio, quem Cicero huius nominis quintum fuisse tradit. Id quod admirationi nobis esse non debet, cum de primo litterarum Aegyptiarum inuentore apud probatissimos Auctores magnum certamen fuisse constet. Quamuis igitur Mercurio, quem hieroglyphica inuenisse nemo inficiatur, Aegyptiacum Alphabetum plerique tribuant, Memnoni tamen vel tanquam eiusdem Alphabeti inuentori, vel saltem cultori illud idem ascribendum nonnulli affirmant.

Vt autem quæ in hac parastaticæ Columnæ facie intelligantur, quod de Memnone scriptum reperti, breuiter subscribam. Sunt qui eum Aethiopem ex Aethiopia in Aegyptum, vbi occubuisse volunt, profectum arbitrentur, quo Demetrium Sunieum adijisse dicunt, vt statuam Memnonis, ac pyramides spectaret, quas umbram non iactare, quamuis altissimas, audiuit. Thebæi Memnonem negant, sed quemdam popularem suum esse aiunt, cuius ea sit statua. Nec deest qui eam Sesostris tribuat, & a Cambyse mutilatam dicat. Sunt etiam ex Græcis, qui Memnona Aethiopem non fuisse, sed apud Ilium Aethiopibus præfuisse affirmant. Maior tamen probatissimorum Auctorum pars ex Aethiopia profectum apud Ilium occubuisse testatur. Memnon enim Aethiops Tithoni, & Auroræ filius cū maxima orientalium populorum copia in auxilium Priamo Troiæ Regi venit, & in pugna ab Achille occisus, vel, vt alij tradunt, Thessalis insidijs interfectus fuit: qui cum in rogo cremaretur, precibus Auroræ, vt Poetæ fabulantur, in auem mutatus est: ex eademq. pyra aliæ aues euolarunt, quæ Memnoniæ vocatæ, quotannis, vel, vt alij volunt, quinto quoque anno, in agrum Iliacum aduolasse, Memnonisq. sepulchrum ter lustrasse, deinde in duas partes diuisæ, rostris, vnguibusq. (vt aiunt) concursum, siue conflictum egisse, suiq. generis Auctori sanguine suo parentasse dicuntur, sicut Ouidius aperte docet, qui de Memnone historiam suo carmine fabulose & eleganter cecinit. Hinc Memnon tanquam multorum militum dux

militari

Plato in
Philebo, et
in Phædro.
10. 2.
Plutarch.
li. 4. Symp.
9. 3. 10. 2.
Diod. li. 1.
C. 4.
Cic. lib. 3.
de Natur.
Deo. Strabo
lib. 7.
C. alij.
Polydor.
Virg. li. 2.
cap. 6.

Philostratus in Ico-
nib. Strabo
lib. 15.
Et Lucianus in To-
xari.

Ouid. lib.
13. Metamorph.
Virg. li. 2.
Aeneid.

Pausan.
lib. 2.
Diod. Sic.
lib. 3.
Strabo lib.
13. 15. C.
17.

militari habitu indutus cernitur ad rei militaris historiam innuendam : fabulam vero aues supra sepulchrum depictæ repræsentant .

*Ex Philo-
strato in
Iconibus .
Ex Strabo
no lib. 25.
c. 17. &
an alijs.*

Nec eiusdem Memnonis statua silentio prætereunda censetur : est enim sedens nigro è lapide , quæ magna religionis celebritate in Aethiopia visebatur : in quam dux ipse ab Achille confossus fertur transmutatus . Eo autem artificio fabricata erat , ut sol primo statim ortu radios suos in os eius eiacularetur , ac veluti plectrum aliquod ibi sonum excitaret , vocaliq. significatione iam adesse deum annunciaret : eratq. statua illa diei aduenientis indicium , ut Auroræ filius mater-num officium imitaretur . Dicitur autem Memnon Phoroneo æqualis , sicut in Inscriptione legitur Latina , ut clare dignoscatur , ipsum tẽpore Phoronei Argiuorum Regis I I. qui initio dispersos populos in Urbem coegit , quam appellauit Argon Phoronicon : vel Phoronei , ut alij volunt , Regis primi , qui fuit anno fere quingentesimo post aquarũ inundationem : sunt enim qui Memnonem ante Phoroneum Argiuorũ Regem II. fuisse velint . Hæc de Memnone . Nunc reliquum est , ut ad tertiam Columnam parastaticam transeamus .

*Plin. li. 7.
cap. 39.*

DE TERTIA COLUMNÆ PARASTATICA,

Græcarum litterarum inuectores repræsentante .

De Cecrope litterarum Græcarum inuettore .



RIMA huius parastaticæ Columnæ facies Cecrope Atheniensium Rege . primo , Athenarumq. instauratore insignitur . Hic autem vestitu regio , venerandoq. aspectu , ac dextra sua iugum , duasq. manus complicatas , hoc est fidei symbolum , sinistraq. sceptrum regale , in cuius cacumine extat noctua , gestare cernitur ; & ad ipsius Regis latus conspiciatur Satyrus : Noctua Athenarum insignia indicat : Satyrus vero , cuius pars superior

viri

viri effigies est, altera vero in caprarum pedes desinit, geminam eius naturam, sicut poetæ fabulati sunt, significare videtur. Id autem ei tributum est, quia primus apud eos marem & feminam in matrimonio iunxit, ut Iustinus, & Eusebius testantur. Hinc Iugum, fideiq. symbolū ob coniugium introducū gestare conspicitur. Cecropē Eusebius biforem appellat: & hac de causa Diphyes appellatur, ut in Inscriptione legitur, hoc est geminæ naturæ homo, vel femiur & semifemina dictam ob rationem: vel partim homo, partim vero bellua, cum ferinos hominum mores ad humanos reduxisse dicatur. Supra Cecropis caput Græcum extat Alphabetum: ad eius vero pedes Latina hæc legitur Inscriptio:

*Iustinus
lib. 2. Eusebius
in
pref. Chre-
nic.*

*Cecrops Diphyes primus Atheniensium Rex
Græcarum litterarum Auctor.*

Litteræ Græcæ a Cecrope inuentæ.

A B Γ Δ Ε Ι Κ Λ Μ Ν Ξ
Ο Π Ρ Σ Τ Φ

QUAMVIS a Cecrope sexdecim tantum litteræ dicantur inuentæ, nos tamen totum Idiomatis Græci Alphabetum in tabulam redactum, litterarum figuris omnibus, pronuntiatione, siue potestate, ac nominibus eandem distinctum, Latinisq. characteribus declaratum, sicut de nouo Hebraico Alphabeto factum est, infra apponendum censuimus, ut ex eo cuique perbreuem legendi modum scire cupienti, cognitionē aliquam largiamur. Quod ut facilius quisque assequatur, nonnulla etiam ad Græcā scribendi formam pertinentia ob oculos ponere nobis visum est. Qui autem nexus litterarum, partim breuitatis, partim elegantie causa repertos nosse desiderat, ad compēdiosas legendi normas confugiat licet, ut deinde aliqua ex parte instructus ad vberiores Grammaticæ institutiones sese conferre queat.

ALPHA

ALPHABETVM GRÆCVM

Quattuor ac viginti litteris constans.

A α	Αλφα	Alpha	A a
B β	Βητα	Vita	B b, u, cōfonās
Γ γ	Γάμμα	Gamma	G g
Δ δ	Δέλτα	Delta	D d
E ε	Εψιλόν	Epsilon	E e
Z ζ	Ζήτα	Zita	Z z
H η	Ητα	Ita	I i
Θ θ	Θήτα	Thita	T th
I ι	Ιώτα	Iota	I i
K κ	Κάππα	Cappa	C c
Λ λ	Λάμδα	Lambda	L l
M μ	Μυ	My	M m
N ν	Νυ	Ny	N n
Ξ ξ	Ξι	Xi	X x
O ο	Ομικρόν	Omicron	O o paruum
Π π	Πι	Pi	P p
Ρ ρ	Ρω	Rho	R r
Σ σ	Σίγμα	Sigma	S s
Τ τ	Ταυ	Tau	T t
Υ υ	Υψιλόν	Ypsilon	Y y
Φ φ	Φι	Fi	P ph
Χ χ	Χι	Chi	C ch
Ψ ψ	Ψι	Psi	P pf
Ω ω	Ωμέγα	Omega	O o magnum

Vocales.

Diphthongi.

Impropriæ.

Α Ε Η Ι Ο Υ Ω.	Α Ι Α Υ Ε Ι Ε Υ Ο Ι Ο Υ.	Α Η Ι Ω Ι Τ Η Τ Ω Υ.
α ε η ι ο υ ω.	αι αυ ει ου οι ου	α η ω υ η ν ω
α ι ο ι ο υ ο.	αυ αι ευ ι υ	α ι ο ι ι υ ου

Accentus tres. Acutus, Gravis 'Circumflexus', Spiritus duo. 'Asper', 'lenis'.
 Semper vocales, ac diphthongi initio dictionis alterum habent ē spiritibus. Consonans ρ in principio quidem aspiratur, *ρῶμα* thomi, in medio vero si geminetur, priore loco leuigatur, posteriore aspiratur, *πορρῶ*. Gamma ante γ, κ, ξ, χ, pronuntiatur vt η, *ἄγγελος*, angelos, *λίγξ*, linx, *πέφραγκα*, pephanca, *ἐγχος*, enchos. Tau τ post ν, vt d, *τὸν δαίδαλον*, ton dandalon. Pi π post μ, vt b latinum, *πέμπα*, pembo.

GECROPEM



CECROPEM sexdecim, vel vt alij volunt, decem & septem Græcarum litterarū Auctorem fuisse, proditur. Verum quia de primo harum litterarum inuentore non satis constat, hinc alij Græcarum litterarū inuentores, seu cultores earumdē in hac parastaticæ Columnæ facie recensentur. Cornelius Tacitus de Græcarum litterarum inuentoribus in hanc loquitur verborum formam: Quidam Cecropem Atheniensem, vel Linū Thebanum, sexdecim litterarum formas, & temporibus Troianis Palamedem Argium quattuor memorāt, mox alios, ac præcipuum Simonidē ceteras reperisse. Quibus verbis quamuis nihil certi affirmetur, sed res in opinionem vertatur, Lipsius tamen, diligens rei litterariæ indagator, Cecropem Aegypto ortū litteras Græcas intulisse Athenas pro comperto ait. Huic opitulatur opinioni hieroglyphicum illud de bicipiti Cecropis effigie a priscis Gentibus illis exculptum, eo quod, alijs huiusce facti causis prætermisissis, linguas duas calleret, Græcam scilicet, & Aegyptiacam: Athenienses enim Aegyptiorum coloni fuisse dicuntur e Sacensi ciuitate, Cecrope duce, deducti, vt Nazianzenus testatur. Huic denique opinioni videtur fauere illud, quod omnes fatentur de Cecrope ipso, quem tanquam ingenij vi præpollentem multarū rerum inuentorem fuisse affirmant. Cecrops enim primus omnium Iouē appellauit, simulacra reperit, arā statuit, victimas immolauit, cum ante illum nemo hæc inter Græcos nouisset omnino.

Cecropem igitur primum Græcarum litterarum, quas paulo superius ob oculos posuimus, inuentorem extitisse, ceteros vero characteres ab alijs eidem Alphabeto Græco fuisse adiectos, vt suo loco dicemus, censendum fatendumque est: quarum litterarum formas aliqua ex parte a Hieroglyphicis Aegyptiorum originem traxisse opinandum est, sicut ex prima Alphabeti littera constat, quam Græci ab Aegyptijs, & a Græcis Latini mutuati sunt. Prima enim Hieroglyphici Alphabeti littera apud Aegyptios, vt suo loco dictum est, Ibis auis Ciconiæ adsimilis in vsu erat, quam Mercurius, qui primus litteras Aegyptijs tradidit, primam litteram voluit esse Ibim, quæ in suo ingressu, cruribus ita dispositis formam refert triangularem. Hinc littera, quæ apud

P Græcos,

Li. 11. An-
nal.

Lipsius in
Cornel. li.
11. sic em-
endat.

Nazianz.
in Mono-
dia Basil.
lij.

Iustinus
li. 2. Et En-
seb. in præ-
f. Chron.

Plutarch.
lib. 9. Sym-
posiacon q.
3. 50. 2.

Cic. pro Mi-
lone 10. 3.
erat.

Fig. 24.

Ascon. Pe-
dian.

Clem. Ale-
xandrinus
Strom. 1.
Diod. li. 1.

Plin lib. 5.
c. 6. Strabo
lib. 17. Pto-
lemaeus li.
4. c. 6. Am.
Marcel. li.
22.

Aug. 9. de
cin. c. 11.
To. 4. de
Natura.
To. 4. de
anima.
To. 3. Epin.
C. 1. p. 2.
Cyril. cōt.
Iul. 10. 2.

Græcos, ac Latinos prima est, ad Isochelis trianguli faciem accommodatur. Atque ita alias fortasse litteras alicuius animalis effigiem recepisse opinandum est; sed longa annorum serie huiusmodi characterum formæ, vna hac excepta, omnes absoleuere. Et sicut Græci atque Latini, aliqua litterarum figura Aegyptios imitati sunt, ita ab iisdem Hieroglyphicum aliquod in scribendo desumpsere, vt videre est ex littera, A, quam Cicero salutarem appellauit: nam in diiudicandis causis erat absolutionis nota, sicut, C, condemnationis apud Latinos, apud vero Græcos, Θ, θῆτα Theta, quæ est prima littera dictionis θάνατος, quæ mortem significat, vt superius dictum est, & fusiùs quidem. N, vero & L, comperendinationis erat indicium, per quod non liquere significabant. Vniuersi enim Iudices, vt Pedianus ait, Tabellas in cistam coniciebant singularibus litteris signatas. Nec cuiquam mirum videri debet, Græcos & Latinos ab Aegyptijs nonnihil in scribendo accepisse, cum ab iisdem Aegyptijs varia disciplinarum genera, philosophiamq. præsertim ortum habuisse constet: immo Clemens Alexandrinus, Diodorus Siculus, atque alij complures eam Græciæ inquilinam, oriundam vero Aegyptijs affirmant: cuius item rei præclarum præbent nobis testimonium Pythagoras, Eudoxus, Plato, alijq. insignes Græciæ viri, qui ob disciplinas adipiscendas, Aegyptum peragrarunt: ad cuius (vt opinor) triquetram terræ figuram, Alphabeti Græci inuentor illam litteræ formam, quæ Δ. Delta nuncupatur, fortasse accepit, vt figuram illius regionis hoc etiam Hieroglyphico in scribendo imitaretur. Hinc factum est, vt Aegyptus ipsa, Græcæ litteræ vocabulo Δ. Delta a multis fuerit appellata. Et vt ceteros Græcos, qui in Aegyptum ad scientias capeffendas se contulerunt, prætermittam, ad Platonem redeo, qui neminem læt quantum profecerit ea in regione, vbi etiam, sicut S. * Pater Augustinus opinatur, Moysis, & Hieremiæ libros ipse sibi interpretandos curauit, sicut præseferunt ea, quæ in Timæo de mundi creatione, & in Fædone de Purgatorio, de Paradiso, deq. inferno cōscripsit. Præterea in Epinomi de sanctissima Trinitate mentionē facit: & in Alcibiade, siue de Voto aduētum Christi innuere videtur. Immo idem Augustinus in quibusdam

busdam

busdam Platoniorum libris caput primum Euangelij sancti Ioannis se legisse fatetur: & in Mercurij Trismegisti libro se reperisse ait, Hic est filius Dei benedicti. Qua de re Plato ab Eusebio Moyses Atticissans, siue Atheniensis vocatur: nam, ut sanctus ait Augustinus, eius scripta Christianam Theologiam magna ex parte reddunt. Ut autem eo, unde digressi sumus, reuertamur, asseueranter dicendum est cum Clemente, Diodoro, & alijs probatissimis Auctoribus in Aegypto ab Abraham Astrologiam olim edocta, ut Iosephus ait, ante alias Nationes post diluuium sapientiae humanae studium viguisse: cui profecto veritati adstipulatur quod Aristoteles in sua Metaphysica affirmat dicens: Circa Aegyptii Mathematicae artes constitutae sunt: illic enim gens sacerdotum vacare ijs permissa est. Hae Aristoteles. Nam sacerdotes Aegyptij caelo sereno perpetuo videntes Astronomiae praefertim, ac Geometriae nauabatur opera ad agrorum limites distinguendos, qui singulo quoque anno Nili alluuiionibus confundebantur. His, alijsq. artibus, ob quas Aegyptij vocabantur sapientes, Moyses fuit instructus, qui in Actibus Apostolorum omni sapientia Aegyptiorum eruditus fuisse perhibetur. Quare mirandum non est, Graecos ab Aegyptijs mutuatos sibi fuisse aliqua litterarum elementa, cum ab iisdem varia disciplinarum genera accepisse dicantur. Verum de Graecarum litterarum inuentoribus inter scriptores non parua est controuersia: alij enim sexdecim, alij vero decem & septem characterum inuentione Cecropi, alij Cadmo Foenicis fratri, ceteros vero partim Lino, partim alijs ascribunt, ut suo loco dicemus. Hae de Cecrope, ut ad Phoenicem transeamus.

Lib. 7. off.
c. 9. 10. 1.
Hares. 5.
c. 3. 10. 0.
Euseb. prep.
Euag. c. 5.

Lib. 8. do
Ciu. c. 11.
10. 5.

Ioseph. lib.
1. Antiqu.

Aris. 1. Me
taph. c. 1.
sub finem.

Strabo lib.
16.

Gen. 41.
Ab. 7.

Lipsius.
Herod. in
Terps.

DE PHOENICE LITTERARVM APVD PHOENICES INVENTORE.



LTERA in parastatica Columnae facie Agenoris filius & Cadmi frater Phoenix (a cuius nomine, vel a mari rubro, quod in Syriam profluit Syriae Prouincia prope Iudaeam, ubi Tyrus & Sidon ciuitates olim claruerunt, Phoenicia dicta est) conspici-

tur. Hic veste militari & Imperatoria instar Paludamēti Rōmani, sed purpureo colore, galeatus cernitur: in cuius cono, seu crista Phœnix cernitur auis vnica illa, quæ annis quingētis, & eo amplius, vt aiunt, in Arabia viuens, dum se viderit senuisse, collectis aromatū virgultis rogum sibi struit, & conuersa ad radium Solis alarum plausu voluntarium sibi incendium nutrit, sicq. iterum de cineribus suis vel humore carnis, vermis exurgit, & in auem adolescit.

Plin. li. 10.
Nat. hist.
cap. 2.
Ouid. 15.
Metamor-
phos.
Lact. in
earm. Pha
nic.

Phœnicis Historiæ

Quamuis hanc de Phœnice alite historiam Aristoteles tamquam fortasse fabulosam silentio præterierit, alij tamen, & eruditi quidem viri, ac fide dignissimi (vt Plinium hac in re præsertim, necnon Ouidium, & alios, qui inter carmina conscribenda eam celebrarunt, omittam) huius auis historiam aperte comprobasse visi sunt. Seneca inter Stoicos virum bonum ob raritatem phœnici comparat, quæ tantum vna in rerum natura esse creditur, cum sua morte reuiuiscat, moriendo scilicet quingentesimo quoque anno, vt sanctus Hieronymus ait. Quare ex eo naturæ miraculo Epiphanius immortalitatem animæ, & carnis resurrectionem concludit: ita etiam sanctus Ambrosius, qui ait: Auis in regione Arabiæ, cui nomen est Phœnix, rediuuuo suæ carnis humore, reparabilis, cum mortua fuerit, reuiuiscit: solos non credimus homines resuscitari. Huius item auis exemplo sanctus idem Ambrosius castam Deiparæ virginis comprehendit conceptionē virtute Spiritus sancti operatam: Phœnix enim auis virtute naturæ quadam non coitu concipitur, partuve gene-

Sen. lib. ep.
3. ep. 42.

Hier. 10. 9.
epist. 20.
ad Præsid.

Epiph. l. de
Phœnice.

Ambro. de
fide & re-
surr. 10. 4.
Et Hexæ.
6. 23. 10. 1.
Et in Psal.
118. 10. 2.

S. Cypr. in
Symb. Apo
solicis.

Phœnicis elegans
enigma.

ratur. Hoc idem probat sanctus Cyprianus dicens: Quid mirum si Virgo conceperit, cum orientis auem, quam Phœnicem vocant, in tantum sine coniugē nasci, vel renasci constet, vt semper vna sit, & semper sibi ipsi nascendo, vel renascendo succedat? Ad huius auis propositum extat ænigma satis elegans, siue lusus Symphosis cuiusdam hūc in modum:

Vita mihi mors est, moriar si capero nasci,
Sed prius est fatum lethi, quàm lucis origo,
Sic solos manes ipsos mihi dico parentes.

Hæc de Phœnice volucris recitare libuit, ne huius historiam fabulosam esse quis credat, sicut nonnulli opinari sunt. Hoc autem loco auis ipsa depicta est, vt allusio fiat ad Phœnicem


nicem Cadmi fratrem, quem Phœnicibus litteras tradidisse docet Inscriptio. Per vestem illam purpuream Phœniciæ nomen representatur, in cuius ciuitate, Tyro scilicet, purpura ex conchilijs conficiebatur optima. Hinc Phœnix rubedo, seu purpura interpretatur: & ob hanc causam, vt ait Isidorus, in librorum, vel capitum fronte litteræ rubeæ scribi, & imprimi solent, vt hoc scilicet commento Phœnices litterarum inuentores ostendantur. Hinc Ouidius:

Nec titulus minio, nec cedro charta notetur.

Supra Phœnicis caput Phœnicæum extat Alphabetum: ad eius vero pedes hæc legitur Inscriptio:

Phœnix litteras Phœnicibus tradidit.

Alphabetum Phœnicæum.



PHOENICEM litterarum apud Phœnices inuentorem fuisse ex Latina inscriptione patet. Quid autem de huiusmodi litterarum inuentione, ac figuris mihi dicendum sit, haud plane scio, nisi in medium afferam quod scriptum Lucanus reliquit dicens:

Phœnices primi (fama si credimus) ausi,

Manfuram rudibus vocem signare figuris.

Ex quibus verbis haud facile cognosci potest num de characteribus Græcis, aut Phœnicæis Lucanus loquatur. Sed si Isidoro credimus, de Græcis litteris hoc dictum esse fatendum est, sicut etiã ex Cornelij Taciti verbis constat, vt suo loco fusiùs dicemus. Litterarum autem figuræ partim cum Hebraicis, & id genus alijs characteribus, partim vero cum Græcis affinitatem quandam habere cernuntur. De Hebraicis quidem mirandum non est, cum ex Hebraica Lingua, tanquam omnium linguarum prima, omnia alia Idiomata, sicut ratio

Isidorus lib.
1. Aetym.

Ouid. de
crisib. lib.
1.

Lucan. lib.
3.

Q. Cur-
tius.

Isid. lib. 2.
Erym. c. 3.

ipsa

9. Hieron.
10. 4. in c.
7. Isa.
13. lib. 1.
14. c. 3.

15. 10
16. 10
17. 10

Pag. 92.
Ex Thess.
Ambr. in
introduç.
ad lignas
vntias c.
6. 67.

Zuseb. lib.
10. de præp.
Enç. c. 2.
6. 114.

ipsa postulat, ac suadet, emanasse perhibeantur, veluti Chaldaica, Syriaca, Phrygiaca, atque Aegyptiaca, & alia item, quæ cum hisce vicinitatem non modicam tum nominibus, vel pronuntiatione, tum characteribus ipsis habere videntur, sicut etiam lingua Punica, vt sanctus Hieronymus ait, immo Græcæ litteræ, atque Latinæ, Isidoro teste, ex Hebræorum fontibus oriri dicuntur, vt ex variarum linguarum Alphabetis, quæ in hac Bibliotheca Vaticana ob oculos posuimus, cernere est. Nam ab Hebræis prima littera Alphabeti dicta est Aleph, deinde a Græcis Alpha, postremo autem a Latinis A, qui minimū profecto sonus in prima littera cuiuscunque fere Alphabeti apud omnes Nationes pronuntiaci solet, sicut in nouo Alphabeto Hebraico demonstratum est. Sed vt alia Idiomata silentio præteream, de Græcis dicam litteris, quæ non solum quantum ad pronuntiationem aliqua ex parte, verum etiam quantum ad figuras & nomina quodam modo cum Hebraicis conuenire videntur. Hoc item de Phœnicæis litteris videre licet, quæ cum Hebraicis antiquis, ac nouis, Phrygijs quoque, Aegyptiacis, Græcis, atque Latinis characteribus, quod ad figuras saltem pertinet, quandam affinitatem habere cernuntur, quippe quæ, vt ait Eusebius, ab Hebraicis, & a fontibus ambarum Græcæ, a Græcis autem Latinæ ortum habuisse dicantur. Hæc de Phœnicæis litteris, vt ad Cadmum Phœnicis fratrem transeamus.

DE CADMO PHOENICIS

FRATRE GRAECARVM LITTERARVM

INVENTORE,

SIVE INSTAVRATORE.



TERTIA in parastaticæ Columnæ facie Cadmus Phœnicis frater, & Agenoris filius; Phœnicum item Rex conspicitur, qui Tyro, & Sidoni ciuitatibus imperauit, ac sexdecim, vel decem & septem, vt Isidorus censet, Græcarum litterarum inuentor, siue instaurator dictus est. Ad eius pedes

dēs Draco cernitur, supraq. caput Græcæ conspiciuntur litteræ: infra vero hæc Latina legitur Inscriptio:

*Cadmus Phœnicis frater litteras sexdecim
in Græciam intulit.*

Græcæ litteræ xvj. vel xvij. a Cadmo inuentæ.

A B Γ Δ Ε Ι Κ Λ Μ Ν Ξ
Ο Π Ρ Σ Τ Φ

CADMVM Græcarum litterarum fuisse inuentorem, siue instauratorem Latina docet Inscriptio, sicut etiam plerique sentiunt. Quamuis autem Phœnices Græcis litteras intulisse multi affirmant, id tamen de Cadmō Phœnicæo, Phœnicisq. fratre intelligendū esse constat, vt superius a nobis dictum est, cum explanauimus duos illos Lucani versus in hanc verborū formam conscriptos:

Phœnices primi (fama si credimus) ausi,

Mansuram rudibus vocem signarē figuris.

In hanc sententiam Herodotus Halicarnassæus, historiarum pater, vt Ciceroni in libro de legibus placet, deuenisse visus est dicens: Phœnices isti, qui cum Cadmo adueniunt, quorum Zephirei fuere, dum hanc regionem incolunt, cum alias multas doctrinas in Græciam introducere, tum vero litteras, quæ apud Græcos, vt mihi videtur, antea non fuerant: & primæ illæ quidem extiterunt, e quibus omnes Phœnices vtuntur. Diodorus itidem ait: Qui dicunt Phœnices a Musis perceptas litteras tradidisse postmodum Græcis, hi sunt qui cum Cadmo in Europam nauigarunt. Ex quo a Græcis litteræ Phœniissæ appellatæ sunt. Cornelius item Tacitus idem affirmat, dum de Aegyptijs litterarum Inuentoribus loquens ait: Inde Phœnicas, quia mari præpollebant, intulisse Græciæ, gloriamq. adeptos, tanquam

Clement
Alexand.
Strom. 1.
Plin. lib. 7.
Et Suidas.

Lucanus.
Lib. 3.

Herod. lib. Herodotus,
s. in Ter-
piscore cir-
ca med.

Diod. li. 6.

Corn. Tac.
lib. 11. Au-
nal. ante
med.

tanquam repererint quæ acceperant. Quippe fama est, Cad-
 mum classe Phœnicum vestum rudibus adhuc Græcorum
 populis artis eius Auctorem fuisse. Quamuis interea Iose-
 phus in primo Antiquitatum libro contra Appionem scri-
 bens, Græcos omnino ante Homeri ætatem litteris caruisse
 affirmer, quem post bella Traiana fuisse manifestum est, Ci-
 cero tamen in Bruto secus tradit inquit: Nec dubitari de-
 ber quin fuerint ante Homerum Poetæ: quod ex eis carmi-
 nibus intelligi potest, quæ apud illum, & in Phœacum, & in
 Procorum epulis canuntur: cuius verbis ad stipulatur Euse-
 bius dum ait, ante Homerum apud Græcos scripsisse Linum,
 Philamonem, Thamyram, Amphionem, Orpheum, Mu-
 sæum, Demodotum, Epimenidem, Aristæum, & plerosq.
 alios. Ante igitur Homerum, quem tamen Grammaticæ
 Græcæ Auctorem fuisse Plato testatur, Scriptores extitisse
 apud Græcos, & a Phœnicibus in Græciam a Cadmo
 præsertim Græcas litteras fuisse illatas dicendum est, sicut
 etiam Plinio placet, qui de huiusmodi certamine multas re-
 censet opiniones. Idem quoque sentit Suidas, qui Cadmo
 sexdecim tantum litteras, quas paulo superius ob oculos po-
 suimus, adscribit: iisdemq. litteris quattuor in Troiano bel-
 lo a Palamede fuisse adiectas nonnulli volunt hac figura
 Θ, Ξ, Υ, Φ, totidem post eum a Simonide Melico fuisse in-
 uentas hisce notis, Ζ, Η, Ψ, Ω. quarum uis in nostris reco-
 gnoscitur. Aristoteles autem decem & nouem prisca fuisse
 litteras commemorat, quæ sunt:
 Α Β Γ Δ Ε Ζ Η Θ Ι Κ Λ Μ Ν Ο Π Ρ Σ Τ Υ Ω,
 Duas vero ab Epicharmo, non a Palamede fuisse additas,
 ait, hoc est, Θ & Ρ, vel Ξ, Χ, Ψ, ut Hermolaus prodit. Hac au-
 tem controuersia posthabita, ad Cadmum reuertamur sex-
 decim litterarum Græcarum inuentorem, seu potius instau-
 ratorem: ipsum enim non omnino primum in Græciam lit-
 teras detulisse fatendum est, cum longe ante eum inibi eas-
 dem litteras a Cecrope inuentas fuisse demonstratum sit. Id
 quod recte Diodorus explicat dicens: Cum Actinus Solis fi-
 lius in Aegyptum transiens Astrologiam Aegyptios docuif-
 set, demum Græcia diluuiio oppressa, plurimos homines pe-
 rijisse, litterarūq. monimenta fuisse deleta constat: eamq. ob
 causam

Ioseph. li.
 1. Antiq.

Cicero in
 Bruto.

Euseb. lib.
 10. de præ-
 po. Euang.

Plato in
 Cratyllo.
 20. l.

Plin. li. 7.
 circa finē.
 Suidas.

Diodorus
 lib. 5.

causam post multa sæcula, existimatum est, Cadmum Agenoris filium litteras primum in Græciam adduxisse, atque ideo Græcos quadam communi ignorantia ductos, litterarum inuentionem illi acceptam retulisse. Cadmus igitur Græcarum litterarum instaurator potius, quàm inuentor appellandus est. Nec a re alienum fore arbitror, si eas litteras inueniendi, instaurandiq. tempus, seu modum, ac locum, quem nonnulli referunt, in medium asseramus. Cadmum enim Pegaso equo insidentem, quæritantemq. Urbis condendæ locum litteras inuenisse aiunt non procul ab Helicone monte in Bœotia, apud Hippocrenem fontem, quem Cadmus primus inuenisse creditur. Hinc Poetæ dictum fontem, quem Latine Caballinum vocitamus, vngula Pegasi equi alari, a quo fons Pegaseus deinde dictus, inuentum esse fabulati sunt. Et quoniam Cadmus litterarum inibi inuentor fuisse narratur, factum est, vt huiusmodi fons Musis sacer haberetur. Vnde Persius:

Nec fonte labra proliui Caballino.

Persius ad verbum reddens vocem Græcam, Hippocrene, fontem Caballinum appellauit. Nam ἵππος nobis equum sonat, πρην, fontem. Musis autem sacer dicitur, vel, vt diximus, ob Græcas litteras inibi inuentas, vel ex eo, quod Hesiodum, ipsius fontis aqua epota, Poetam statim euasisse fabulose commentati sunt. Hæc de modo, ac tempore, siue loco, in quo litteras Græcas dicitur inuenisse Cadmus: ad cuius pedes Draco cernitur. Qua ex re (vt reor) fit allusio ad id, quod de eo fabulati sunt Poetæ. Hic enim, vt aiunt, a Patre missus ad sororem suam Europam perquirendam, quam Iuppiter in taurum mutatus, rapuerat, & in Cretam transfulerat, cum illam non inuenisset, nec ad patrem redire auderet, non procul a Parnasso, & Helicone Phocidis montibus, parum inter se distantibus, & altitudine, & circuitu æmulis confedit, ibiq. Thebas condidit, regionemq. illam, dictam prius Aoniam a Boue Bœotiam nominauit. Cumq. quosdam ex socijs a dracōe, vel serpente necatos vidisset, eum occidit, eiq. dentes euulsit, ac seuit, ex quibus, vt fabulose aiunt, homines armati nati sunt: qui se statim omnes mutuis vulneribus consecerunt, præter quinque, qui se socios Cadmo adiunxerunt.

*Ouid. lib.
1. Metamorph.*

*Strabo li.
8.*

*Persius in
Prol. Satyrarum.*

*Ouid. lib.
3. Metamorph. in
principio.*

Q

Per

Ouid. lib.
4. Metamorph.
lib. 16.
ge post me-
dium.

Per serpentem innuitur illud etiam quod de eodem Cadmo fabulose narratur: etenim hic postremo ab Amphione, & Zetho regno pulsus in Illyrium profugit: ibiq. deorum commiseratione ipse, & vxor Hermione, vt Ouidius ait, Martis & Veneris filia, in serpentes murati sunt. Hæc de Cadmo, vt ad Linum Græcarum item litterarum inuentorem accedamus.

DE LINO THEBANO GRÆCARVM LITTERARVM INVENTORE.



QUARTA in parastaticæ Columnæ facie Linus Thebanus Poeta, & musicæ peritissimus, Apollinis & Terpsicores, siue, vt quidam volunt, Mercurij & Vraniæ Musæ filius, Thamyra, Herculis, & Orphei Magister, laurea ornatus, ac citharam manu gestans repræsentatur.

Hermodo-
tus lib. 2.
discipl.
Cornel. li.
11. Annal.


Hic de mundi generatione, deq. siderum cursu scripsisse dicitur, vt Sol & Luna supra eius caput innuunt: et a Cornelio Tacito, in Græcarum litterarum Inuentores adscribitur, sicut etiam Latina hæc docet Inscriptio:

Linus Thebanus litterarum Græcarum Inuentor.

Quintil.
lib. 2. in-
stit. Orat.
Herod. lib.
8. in prin.

Quinque sunt loquendi genera, quibus Græci Auctores vsi fuerunt, Ionica scilicet Lingua, Dorica, Attica, Aeolica, & Cōmunis. Hinc fortasse factū est, vt eadem litteræ, quas Cecrops inuenit, Cadmo etiam, ac Lino fuerint adscriptæ, non tanquā earundē inuentoribus, sed potius instauratoribus, aut cultoribus: quippe qui eas hoc vel illo dicendi genere excoluerunt.

Litteræ a Lino inuentæ, vel excultæ.



LINVM

LINUM Græcarum litterarum Inuentorem fuisse, Cornelius Tacitus hunc in modum ait: Quidam Cecropem Atheniensem, vel Linum Thebanum, sexdecim litterarum formas reperisse memorant. Hæc Tacitus. Quamam vero litteræ ab eo fuerint inuentæ, non satis constat: hinc eadem, quæ Cecropi, & Cadmo tributæ fuerunt, hoc loco scriptæ sunt: quas longo post tēpore minus fortasse cultas, ab eodē Lino innouatas, et exultas fuisse credendum est, quamuis alij eum a Phœnicia primū Græcis litteras intulisse, velint. Hunc ab Hercule adolescēte plectro ac citharra occisum ferunt, cum eum inconcinnius, rusticiusq. canentem, vtentemq. fidibus corripuisset. De Lini eruditione, ac nobilitate Virgilius testimoniū præbet luculentum inquiens:

*Cornel. Ta-
cit. li. 11.
Annal.*

*Cæli. Rho.
lib. 19. v.
24. 10. 2.*

Ecloga 4.

*Non me carminibus vincet nec Thracius Orpheus,
Nec Linus, huic mater quamuis, atque huic pater adsit,
Orpheus Calliopeia, Lino formosus Apollo.*

Hæc de Lino, deq. tertia Columna parastatica, vt ad Quartam ceterorum Græci Alphabeti characterum Inuentores comprehendentem accedamus.

DE QVARTA COLUMNA PARASTATICA,

Græcarum aliquot litterarum Inuentores
repræsentante.

*De Palamede quattuor Græcarum litterarum
Inuentore.*



PRI^{MA} huius parastaticæ Columnæ facies Palamedem Nauplij Eubœæ Regis filium militari habitu indutum, peltatum, et quattuor Græcarum litterarum Inuentorem comprehendit. Hic historiam, solutamq. orationem instituisse, calculorumq. lufum, mensurarumq. ac pon-

Plin. lib.

10. c. 23.

ubi mira

de Gru-

bys legu-

nt.

derum rationem excogitasse, Astrologiam optime calluisse, annumq. ad Solis cursum, mensesq. ad cursum Lunæ accommodasse, Solis item eclypsim in castris visam, ac reformidatam, naturalem esse, minimeq. timendam primus dixisse fertur. Ad quam rem innuendam hoc loco Lunam depictam, Solemq. eclypsatum videre est. Hic præterea ordinem Aciei, & Vigiliæ a Gruibus didicisse proditur. Grues enim non nisi acie instructa volant, electo duce, quem sequantur, dispositiq. in extremo agmine custodibus, qui gregem voce contineant. Quare ex huiusmodi collegio, vel aciei ordine apud Latinos consensus, unioq. partium in eandem sententiam aut rem, cōueniendi vocabulum a Gruibus videtur accepisse, ut inde CONGRUERE pro cōuenire dicamus. A Gruibus itē excubias Palamedē didicisse ferunt, proptereaquod aues illæ dum noctu ceteris dormientibus euigilant, lapillum ideo prensant, ac pede sustinent, ut ille lassatis somno decedens indiligentiam coarguat. Quæ vero dormiunt, capite subter alam condito, alternis insistant pedibus. Harum alitum vigilantiam Alexander ille magnus imitatus est: quando enim sibi peruigilandum erat, ne somni violentia opprimeretur, vas aheneum prope thorum apponi iubebat, supra quod brachium exporrigebat, pilam, ut Ammianus Marcellinus ait, argenteam manu complexus: quæ si quando ipse somno vinceretur, elapsa, sonoro strepitu somnum abrumperet. Palamedes autem ab iisdem auib. & aciei ordinē, & excubiarum rationem, litterarūq. formas edoctus est, sicut Grus lapillum gestans, quæ in eiusdem Palamedis pelta cernitur, multarumq. Gruum acies in sublime actu volitandi depictæ ordine quodam militari conspiciuntur, innuere videntur. Gruum ordo a sancto Hieronymo litteratus appellatur: quoniam inter volandum mutatis subinde ordinibus, litteras quasdam videntur effingere, ut Alpha, A, & ut alijs magis arridet, Ypsilon, Y, cuius litteræ inuentionem ex auium volatu Palamedi attributam, Philostratus testatur. Hinc a Poetis Palamedis aues, Grues dicuntur, ut ex Martialis Epigrammate constat: cuius verba sunt hæc:

*Turbabis versus, nec littera tota volabis,
Vnam perdidideris si Palamedis auem:*

S. Hieron.

epist. 4. ad

Rust. 10. 1.

Philostr.

Ec Cal.

Abod. lib.


7. 10. 2.

Lib. 13.

Per Gruem igitur vno pede gestantem lapillum, altero autem insistentem, excubiarum excogitatio, per earundemq. auium agmina aciei ordo, inuentioq. repræsentantur litterarū, quas inuenisse dicitur Palamedes: cui quamuis quantū ad inuentionē littera, Y, a Philostrato tribuatur, tamen quantum ad mysticū saltem sensum, nemo, quod sciam, alius eam Pythagoræ non adscribit. Palamedi autem litteras, quæ infra cernuntur, tribuendas contendunt: ad quarum plane formas ordo Gruum varius inter volitandum videri solet. Vtunque vero sit, quæ hoc loco reperiuntur, recensenda sunt.

Palamedes bello Troiano Græcis litteras IIII. adiecit.

Græcæ litteræ a Palamede inuentæ.



PALAMEDEM Troiano bello quattuor Alphabero Græco adieciſſe litteras, quas ob oculos poſuimus, Latina docet Inſcriptio. Quamuis autem tres tantū ab eodem Palamede litterarum formas Iſidorus affirmet, hoc eſt, H, X, Ω, Plinius tamen Θ, Ξ, Φ, Χ. & Suidas Ζ, Π, Φ, Χ, litteras ei adſcribendas volunt: cui quidem numero Tacitus aſtipulatur, dum ait: Quidam Cecropem Athenienſem, vel Linum Thebanum ſexdecim litterarum formas, & Troianis temporibus Palamedem Argium quattuor, mox alios, ac præcipue Simonidem ceteras reperiſſe memorant. Ita emendauit Lipſius, qui ob librariorum incuriam hunc locum menda non caruiſſe opinatus eſt, & iure quidem: corrupte enim huc in modum legunt: Quidam Cecropem Athenienſem, vel Linum Thebanum, & temporibus Troianis Palamedem Argium memorant, ſexdecim litterarum formas, mox alios, ac præcipuū Simonidem ceteras reperiſſe. Quæ ſane lectio ſine mēda eſſe nō poteſt quibuſdā omiſſis, confuſiſq. notis: nemo enim ſcriptorū Palamedi ſexdecim tribuit litteras, ſed omnes ad ſummum iiij. characterū formas adſcripſerūt. De Palamede autem haſtenus, vt ad Pythagorā tranſeamus.

*Iſid. lib. 2.
cap. 3.
Plin. li. 7.
cap. 56. Et
Suidas.*

*Corn. lib.
11. An-
nal.*

*Lipſius in
Cornel.*

DE PYTHAGORA VNIVS LITTERÆ APVD GRÆCOS INVENTORE.

Pythag.
Ital. Philo-
sophia
Auctor. pri-
mus capis
Philoso-
phus appel-
lari. Ex S.
Aug. lib. 8.
de Civ. c. 2
& l. 18. c.
25. 10. 5.
* Hier in
c. 3. Escl.
10. 5. Plur.
tom. 2. de
Curios.
* Croton,
civitas re-
tustissi-
ma, ac no-
bilissima
saluberr-
mo loco se-
cus mare
Ionium,
vel Adria-
ticū sita
ad eā Ca-
labria par-
tē, quā Ma-
gna Gra-
ecia dice-
batur.
Metapon-
tum, civi-
tas Apulia
non minus
nobilis,
quā veru-
sta ad ma-
re Adria-
ticum in
sinu Tarē-
tino nō pro-
cul a Ca-
labria cō-
finio sita.



SECUNDA huius Columnæ parastaticæ facies Pythagoram Samium, Demarathi negotiari-
ris locupletis, vel, vt alij volunt, Mnesarchi
gemmarum sculptoris filium, Italicæ philoso-
phiæ Principem, & Architæ Tarentini præce-
ptorem, togatum, venerandoq. aspectu senem, vnusq. lit-
teræ Græcæ inventorem representat.

Hoc loco videre est Pythagoram digito dextræ manus ori
apposito silentium Discipulis indicentem: * quibus per quin-
quennium audire tantum licebat. Auditores autem non
pauciores sexcentis habuisse fertur, qui noctu etiam ad eum
confluebant. Per librum, quem læua gestare cernitur, eius
doctrina indicatur. In Aegyptum enim, vt superius a nobis
dictū est, nauigauit, vt Aegyptiacam Theologiam, ritus, mo-
resq. cognosceret: hinc ferunt eum ab Aegyptijs sacerdoti-
bus cærimonias, numerorum potestates, admirandas tem-
porum vices, solertissimasq. Geometriæ formulas: a Chal-
dæis autem sideralem planetarum scientiam, stellarum sta-
tus, ambitus, effectusq. in genituris hominum didicisse.
Postremo in Italiā redijt, & in Calabriam se contulit, * Cro-
toneq. confedit, deinde Metapontum commigrauit, vbi mul-
tis post annis supremum diem obiit: cui denique Metaponti-
ni ædes eius post obitum pro templo ei consecrarunt, diui-
nisq. honoribus ipsum prosequuti sunt. Huius templi non-
nulla ad hanc vsque diem vestigia, & admiranda quidem ex-
tāt, vt ego ipse vidi, dum Calabriam, ceterasq. Regni vtrius-
que Sicilia, atque vniuersæ fere Italiæ provincias peragraui,
vna cum totius Augustinianæ Familiæ Moderatore, Magi-
stro Spirito Vicentino, qui cuncta pene Italiæ eiusdē Instituti
Coenobia ex officio visitauit, cuius ego tunc a secretis erā. Di-
ctus est autē Pythagoras Italicæ Philosophiæ Princeps, pro-
pterea quòd in Italia Philosophiā publice docuit, vbi tot, tā-
tosq. habuit Auditores: vel ex eo quòd Italus fuit, ex Samo,

vt non-

vt nonnullis placet Scriptoribus, Ciuitate Calabriae nunc deleta. Sunt enim in Calabria pleraque loca, iisdem nominibus appellata, quibus Graeciae, aut Asiae loca, vt Tempſa, Pandosia, Thuria, Miletus, Scylleum, Amphissa, Locrus, Samus, Thebae, & Melissa Vrbes. Item Acheron, Butrotus, Crathis, & Sybaris amnes. Alij, tamen ex Samo Graeciae Insula, alij Lorensem, alij vero Tuscum Pythagoram fuisse contendunt.

Ad Pythagoræ pedes stateram cernere est, quæ hoc loco depicta, vt opinor, fuit, ob sententiam ab ipso non raro pronunciatam, hoc est, *Stateram ne excedas*. Eius dicta a Discipulis tanquam Pythij Apollinis oracula æstimabantur, hinc de nonnullis rationem reddere nescientes aiebant: Αὐτὸς ἔφη, hoc est, ipse dixit, idq. satis esse credebatur. Hæchaetenus. Reliquum est enim, vt ad litteræ formam, quam Pythagoras ipse inuenisse dicitur, tranſeamus explicandam. Hic enim, Y, litteræ reperisse fertur, vt Latina, quæ infra legitur, indicat Inſcriptio:

Pythagoras, Y, litteram ad humanæ vitæ exemplum inuenit.

Y

HAC profecto littera, quam Pythagoræ adscribunt, humanam vitam, hoc est, Virtutis, & vitij viam mystice repræsentatam esse volunt. Hoc plane sensit Isidorus, qui arbitratus est, Y, litteram a Pythagora ad exemplum vitæ humanæ formatam fuisse: cuius virgula inferior, vnde orditur character ipse, primam significat ætatem, incertam scilicet, quippe quæ adhuc se nec vitij nec virtutibus dedit, instar illius virgulæ, quæ non magis ad dextram, quàm ad læuam vergere cernitur. Biuium autem, quod superest, duabus lineis constans, ab adolescentia incipit: cuius dextera pars angusta est, sed ad beatam tendens vitam: sinistra latior, sed ad labem, interitumq. deducens. Id quod ad simile videtur dicto Euangelico, hoc est, Arcta & angusta est via, quæ ducit ad vitam: lata vero, & spatiosa, quæ

S. Tho. 2. lib. 1. Metaph. lect. 8. Et Gab. Barr. de situ Calab. lib. 2.

Pythag. Erasmus ex Plutarcho. 2. de Curios. Ex Suida, & Clem. Alex. 2. Str. Locrensis ex alijs.

De hac littera S. Hieron. To. 1. epist. 7. & 26. Isid. lib. 1. Etym. cap. 3.

Matth. 7.

*Persius Sa-
tyra 3.*

quæ ducit ad perditionem. Hoc idem innuere visus est Persius, & adumbrate quidem dicens:

*Et tibi qua Samios deduxit littera ramos,
Surgentem dextro monstravit limite callem.*

*Humana
vita de-
scriptio,*

Explicatius autem, ac fusius Epigramma illud, quod sub incerto Auctoris nomine inter opuscula Virgiliana circumfertur, id omne planum facere videtur hunc in modum:

Littera Pythagoræ discrimine secta bicorni,

Humane vitæ speciem præferre videtur.

Nam via Virtutis dextrum petit ardua callem,

Difficilemq. aditum primum spectantibus offert:

Sed requiem præbet sēsis in vertice summo.

Molle ostendit iter via lata: sed ultima meta

Præcipitat cæptos, voluitq. per ardua saxa.

Quisquis enim duos casus Virtutis amore

Vicerit, ille sibi laudemq. decusq. parabit.

At qui desidiam, luxumq. sequetur inertem,

Dum fugit oppositos incauta mente labores,

Turpis, inopsq. simul miserabile transigit ænum.

Hoc Epigrammate non minus elegantiam, quàm Christianam pietatem redolente Hieroglyphicum de humanæ vitæ ratione feliciter explicatū mihi videtur: nec minus ingeniose a Pythagora excogitatum iudicatur, quàm cetera Græci Alphabeti elementa, quæ mysticâ habent significationē. Quinque enim litteræ mysticæ apud Græcos appellantur, ut suo loco de ijs sigillatim dicemus. De littera Pythagorica hætenus. Nunc vero de Epicharmo loquendum est:

*Mysticalis
sera quin-
que apud
Græcos.*

DE EPICCHARMO POETA

NONNVLLORVM CHARACTERVM

APVD GRÆCOS INVENTORE.



TERTIA huius parastaticæ Columnæ facies Epicharmum Siculum, Poetam comicum, & Philosophum, Pythagoræ auditorem, Tityri, ut scribit Suidas, vel Chrymatij filium representat.

Huic nonnulli Comœdiæ, necnon duarum Græcarum litterarum inuentum tribuunt; hoc est Θ, & Φ, ut

Aristo-

Aristoteli & Plinio placet, vel Ξ , X , vt alij volunt, aut Ψ , vt Hermolaus tradit, sed duas tantum litteras ab eo inuentas esse constat, sicut docet Inscriptio:

Epicharmus Siculus duas Græcas addidit litteras.

Litteræ ab Epicharmo inuentæ.

Θ . X .

HÆRVM litterarum altera, Θ scilicet, Thita vel Theta, ex quinque mysticis characteribus est, & mortem significat: iudices enim morte damnatis litteram Θ , quæ per medium telo transfixa est, apponebant, cum sit prima littera huius dictionis *θάνατος*, quæ mortem significat, vt dictum est. Hinc Martialis illud Theta mortiferum, Persius autem nigrum appellauit dicens:

Et potis est nigrum mortis præfigere Theta.

Ab alio vero Poeta infelix dicitur. Vnde ait:

O nimium ante alias infelix littera Theta.

De hoc Hieroglyphico, nonnullisq. alijs huius generis mysticis characteribus superius loquuti sumus, cum de primo Alphabeto Hebraico antiquiori sermo habitus est. Hæc de Epicharmo, duarumq. litterarum inuentione, vt ad Simonidem accedamus.

Pag. 84.

Mart. li. 7.

ad Castr.

Pers. Saty.

4.

Pag. 84.

DE SIMONIDE MELICO

QUATTVOR GRÆCARVM LITTERARVM

INVENTORE.



QUARTA huius parastaticæ Columnæ facies Simonidem Melicum ex Cæa vel Chio insula, laurea ornatum, gestantemq. dextra citharam, litterarumq. inuentorem representat. Hunc Simonidem quem Cæum, vel Chium vocant, primum longas H, & Ω , litteras, tertiumq. sonum

R

Lyra

Suidas.
Plin. li. 7.
cap. 56.
Cicero in
Oratore.

Simonides arte
memorandi inuenit.

Lyræ inuenisse Suidas testatur: octauamq. chordam Citharæ siue Lyræ addidisse Plinius narrat. De memorandi arte ab eo ipso inuenta Cicero hunc in modum ait: Simonides Cæus, primus artem memorandi inuenisse fertur. Cum enim coenaret in Thessalia Simonides apud Scopam, fortunatum hominem, & nobilem, cecinissetq. id carmen, quod in eum scripisset, in quo multa ornandi causa, Poetarum more, in Castorem & Pollucem scripta fuissent, nimis illum sordide Simonidi dixisse memorant, dimidium se eius ei, quod pactus esset, pro illo carmine daturum: reliquum a suis Tyndaridis, quos æque laudasset, peteret, si ei videretur. Paulo post ferunt nunciatum Simonidi ut prodiret, iuvenes stare ad ianuam duos quosdam, qui cum magnopere euocarent: surrexisse illum ipsum, prodixisse, vidisse neminem. Hoc interim temporis interuallo domum illam, ubi epulabatur Scopas, concidisse, ea ruina ipsum oppressum cum suis interiisse: quos cum humare vellent sui, nec possent obtritros internoscere villo modo: Simonides dicitur ex eo quod meminisset, quo eorum loco quisque cubuisset, demonstrator vniuscuiusque sepeliendi fuisse. Hac tum re admonitus inuenisse dicitur, ordinem esse maxime, qui memoriæ lumen afferret. Hæc Cicero. Simonidem quattuor denique litterarum, quæ supra eius caput cernuntur, inuenisse, proditur, ut Latina infra eiusdem pedes docet Inscriptio:

Simonides Melicus quattuor Græcarum litterarum inuentor.

Litteræ a Simonide inuentæ.

Z . H . Ψ . Ω .

Isid. lib. 2.
cap. 3.
Plin. lib. 7.
cap. 56.
Plut. li. 9.
Symp. q. 3.
10. 2.



IMONIDEM quamuis Isidorus trium Græcarum litterarum hoc est Ξ, Θ, Ψ, fuisse testetur: Plinius tamen eas quattuor, quas ob oculos posuimus, inuenisse, affirmat. Plutarchus item & Cornelius Tacitus quattuor

ab

ab eodem Simonide fuisse inuētas aiunt. De mystico sensu H, & Ω, alio in loco dicemus, cum sermonem habebimus de Christo Salvatore nostro, qui primam Alphabeti litteram, & vltimam sibi vendicat, cum sit principium, & finis dicens: Ego sum A, & Ω: atque de ceteris mysticis loquemur litteris, de quibus etiam non nonnulla superius dicta sunt.

Corn. Tac.
li. i. c. 4.
nat.

Apo. c. i.

DE QVINTA COLUMNA PARASTATICA,

Latinarum litterarum, Hetruscæq. linguæ
Inuentores repræsentante.

*De Nicostrata Carmenta Latinarum litterarum
inuentrice.*



PRIMA huius parastaticæ Columnæ facies Nicostratam Euandri Arcadis matrem aspectu venerandam, & viuacem, litterarumq. Latinarum Inuentricem repræsentat. Hæc ante Urbem conditam in Colle Palatino sedem habens tanquam Sibylla fuit habita ob futurorum Vaticinia carminibus tradita: atque ob id Carmenta, vel Carmentis a carminibus Latine fuit appellata: siue a carpente vehiculi genere, quo utebatur: carpentumq. quasi carmentum a Carmenta Euandri matre appellatur, vt Ouidio placet hunc in modum dicenti:

Plut. lib.
quæst. Ro.
to. i. q. 32.

Liv. lib. i.
ab Urbe
cond. Dec.
i. Et Strabo
lib. 5.
circa mod.

Nam prius Ausonias matres carpenta vehabant:

Hæc quoque ab Euandri dicta parente reor.

Ouid. lib.
i. Fast.

Quamuis autem de huiusmodi litterarum inuentione non modica inter Scriptores sit controuersia, vt infra videre est: nos tamen & Inscriptionem, & nonnullorum Scriptorum opinionem sequuti, Nicostratam Latinarum inuentricem affirmamus

R 2 littera-

litterarum, ijs profecto notis, quas supra eius caput cernere licet: ad cuius pedes Latina hæc legitur Inscriptio.

*Nicostrata Carmenta Latinarum litterarum
Inuentrix.*

Litteræ a Nicostrata inuentæ.

A. B. C. D. E. G. I. L. M.
N. O. P. R. S. T. V.

*Isid. lib. 1.
Etym. c. 3.*



ICOSTRATAM Carmentam Latinarum sexdecim

*Plin. li. 7.
cap. 56.*

litterarum inuenisse ex Latina Inscriptione constat, quamuis nihil omnino certi nisi ex Isidori sententia affirmare queam: nam eas in Latium a Pelasgis illatas fuisse

*Plin. li. 7.
cap. 56.*

Plinius, ac Solinius produnt, Dionysius ab Arcadibus, qui post Pelasgos venerant, adductas fuisse in Italiam volunt. Hinc factum est, vt Nicostrata Euandri Arcadis Mater Latinis primū dicatur dedisse litteras, vt Inscriptio aperte docet. Scitu præterea dignum videtur, Latinos characteres, quos ob oculos posuimus, a Cadmo ex Phœnicia in Græciam primū allatos fuisse, vt Plinio placet, qui ait Græcas & veteres quidem litteras easdem pene fuisse, quæ nunc Latinæ sunt, vt Delphica tabula ænea indicabat, quæ Romæ in palatio Minervæ dicata, & in Bibliotheca cōspiciebatur, eiusdem Plinij, vt ipse testatur, temporibus. Id quod etiam ex ytriusque Alphabeti Græci scilicet & Latini characteribus, siue litterarum figuris planum profecto fit, si diligenter Alphabetum spectentur: vtriusque enim Alphabeti litterarum pars maior eandem figuram, ac potestatem, eademq. nomina habere cernitur, quod ad initium pronūciandi saltem pertinet, vt in singulo quoque fere elemento videre est. Quamuis autem Latinam linguam a Græca ortum habere, multa q. ab ipsa accepisse, confitet, non tamen hanc illa vberiore omnino esse dicendum est, si vtriusque linguæ iura probe examinentur.

Græcæ

Græca enim linguæ vbertas, si Græcis credimus, Latina; ut ipsi volunt, inopiæ non est anteposenda, cum hæc Latina scilicet lingua, vna profecto sit, illa vero multiplex, hoc est, Ætica, Acolica, Ionica, Dorica, & Communis. Nam Latina velut multarum Gentium vna lex, vna est lingua Romana: vnius autem Græciæ, quod pudendum est, non vna, sed multe sunt tanquam in Republica factiones. Itaque tantum abest, ut Latina lingua inops dici debeat, ut hæc ipsa vberior Græca nuncupanda sit, cum lingua nostra vna idem efficiat, quod Græcorum multiplex præstare solet. Hinc Cicero in libro de Finibus huic sententiæ suffragatur dicens: Sed ita sentio, & sæpe disserui, Latinam linguam non modo non inopem, ut vulgo putarent, sed locupletiores esse, quam Græcam: quando enim, ne nobis dicam, aut Oratoribus bonis, aut Poetis, postea quidem quam fuit quem imitarentur, vllus orationis vel copiosæ, vel elegantis ornatus defuit? Idem alio in libro ait: Et si, quod sæpe diximus, & quidem cum aliqua querela, non Græcorum modo, sed etiam eorum, qui se Græcos magis, quam nostros haberi volunt, nos non modo non vinci a Græcis verborum copia, sed esse in ea etiam superiores. Hæc Cicero. Quare idem Tullius ut quod dixerat, ratione ipsa confirmet, alio in loco ait: Dolorem, & laborem vno nomine, πόνος, appellantur Græci. O igitur verborum inops interdum, quibus abundare te semper putas Græcia! Hoc idem fere de alia voce hunc in modum dixit: Bene maiores nostri accubationem epularem amicorum, quia vitæ coniunctionem haberet, conuiuium nominarunt melius, quam Græci, qui hoc idem tum comportionē, tum concenationē vocant. Hæc Cicero. Conuiuium enim a conuiuendo dicitur, quasi conuiuere, plurimorumq. vita sit. Ex huiusmodi igitur auctoritatibus & rationibus clarum sit, Græcam linguam non esse locupletiores Latina, quamuis idem Cicero, hanc vocem Σωτήρ voce vna exprimi non posse dicat hisce verbis: Hoc quantum est? ita magnum, ut Latino vno verbo exprimi non possit, is nimirum Soter, qui salutem dedit. Hæc Cicero: qui quamuis loco huius dictionis *Saluator*, dixerit, *Soter*, ne noua voce yteretur, non tamen dicendum est, hanc vocem *Soter*, apud Latinos exprimi non posse per dictionem illam

Herod. lib.
s. in princ.
Et Quin-
til. lib. 1.
Instit. Or-
ator.

Cic. lib. 2.
de Fin. sub
initio. 10.
1. phil.

Latina lingua
locupletior
græca.

Cic. lib. 3.
de Fin. sub
initio. 10.
1. phil.

Cic. lib. 2.
Tull. qua-
stio. 10. 1.
phil.

Cic. lib. 2.
Sened. post
med.

Cic. lib. 2.
Verr. 11.
2. 10. 1. Or-
ator.

Cic. in Pi-
sonē 20. 3.
Quat.

Saluator cur apud
Ciceronem non sit.)

Paul. Ma-
nutius co-
men. in li.
2. Verr.
Att. 2.

Horatius
in arte Po-
etica.

Gell. li. 19.
Noct. Att.
cap. ult. in
fine.

S. Hieron.
in cap. 1.
Epist. ad
Eph. lib. 2.
no. 6.

illam *Saluator*: quod est nomen verbale a verbo *Saluo*, as, deductum: qua quidem voce usus est Cicero in *Pisonem* di- cens: Me posse iterum *Rempublicam* saluare, si cessissem: infinitam eadem fore, si restituissem. Hæc Cicero. Idq. in multis editionibus me legisse fateor. Quamquam autem eam vocem, *Saluator*, tamquam nouam *Ciceroni* vitare vi- sum est: non tamen a nobis omnino vitanda est, cum res no- ua nouum postulet nomen. Hinc *Paulus Manutius* nouus *Latinae* linguæ instaurator, ac parens dixit, & recte quidem: Quo patet communis error eorū, qui *IESVM CHRISTVM*, *Seruatore*m appellant: aliud enim est seruare: aliud salutem dare. *Servat* is, qui ne *salus* amittatur, aliqua ratione præstat: salutem dat qui amissam restituit. Quod si *Seruator* est *Soter*, quia minus valet, necesse est, *SALVATOREM* ap- pellare, quod *ΣΩΤΗΡ* Græce dicitur, vsurpato in re noua no- uo verbo: quod veteres quoque probauerunt. Hæc *Manutius*. Quibus ex verbis manifeste dignoscitur, nos iure quidem uti posse voce illa, quam *Ciceroni* tanquam nouam vitare pla- cuit: hinc etiam non solum Græcam linguam locupletio- rem Latina non esse, verum etiam hanc illa vberiore exis- tere planum fit. Quod *Horatius* dicere visus est, & aperte quidem hunc in modum:

*Venimus ad summum fortunæ, pingimus, atque
Psallimus, & luctamur Achivis doctius unctis.*

Cui sane rei *Nigidius* apud *Gellium* ad stipulari videtur di- cens: Græcos non tantæ inscitæ arcesso, qui, *Ou*, ex *O*, & *Y* scripserunt, quantæ qui *Ei* ex *E*, & *I*. Illud enim inopia fece- runt, hoc nulla re subacti. Hæc *Gellius*. Multa in hanc sen- tentiam possem congerere, quæ causa breuitatis omitto, con- cludens, Latinam linguam a Græca haudquaquam supera- ri, quamvis hæc ab illa ortum trahat, sicut ex litterarum vtriusque Alphabeti figuris, potestate, ac nominibus vi- dere licet, ut paulo superius dictum est. Nec tamen huic veritati *Hieronymum* aduersari quis putet, cum ipse di- cat: Vnde nos propter paupertatem linguæ, & rerum noui- tatem, & sicut quidam ait, quod sit Græcorum sermo latior, & lingua felicior, conabimur non tam verbum transferre de verbo (quod impossibile est) quàm vim verbi quodam expli- care

care circuitu. Id enim ex aliorum opinione dicere visus est, sicut infra apertius explicauit, dicens: Multa verba sunt, quæ nec de Græco in Latinum transferri valent, nec de Hebraico in Græcum: & reciproce, nec de Latino in Græcū, nec de Græco in Hebræum. Quibus ex verbis colligitur, nec Græcam linguam Latina locupletio-riorem, nec Latinam Græca esse vberio-riorem: sed vtramque aliquando coarctari, atque ita, vt sese habeant sicut excedentia, vt sic dixerim, & excessa: ambæ enim aliquid in se habere cernuntur, quo altera alteram excedere videatur: & quisque ex aliena lingua transferens non nihil inuenire solet, quo difficultatem explicandi sibi inesse videt. Quamuis autem nos, vt possumus, transferre adlaboremus: non tamen inde damnari, aut coargui Latine linguæ tenuitas debet, quando, vt testis locupletior Hieronymus est, etiã Græci pleraque nostra per circuitus transferunt.

*Hierony
ubi supra*

*Cal. Rho.
lib. 2. c. 17.
10. 1.*

*Hierony.
ubi supra.*

Hæc de Latina lingua mihi dicere visum est, vt eam a Græca, a qua ortum habet, nequaquam superari, facile dignoscatur. De Nicostрата item Latini Alphabeti Inuentrice hæc-tenus, vt ad ceteros eiusdem Linguæ charactèrum Inuentores accedamus.

DE EVANDRO CARMENTAE FILIO APVD ABORIGINES LITTERARVM INVENTORE.



LITERA huius parastaticæ Columnæ facies Euandrum militari habitu indutum, Carmentæ filium, Arcadiæ Regem, aliquot Latine linguæ charactèrum Inuentorem repræsentat.

Hic ob suam ipsius eloquentiam Mercurij filius ex Nicostрата dictus est: dimissaq. Arcadia, cum patrem casu interfecisset, auito regno pulsus, suadente Matre, quæ vates erat, vt dictum est, conscensa naui in Italiam venit, & pulsus Aboriginibus, tenuit illa loca, vbi postea Roma condita fuit, paruumq. oppidum in Palatino Monte extruxit. Aborigines autem Populi dicti sunt antiquissimi, qui primi dicta loca incoluerunt: sic appellati, quod primi visi sint tan-

*Liu. lib. 2.
ab Vrbe
condita nō
procul a
princ. Dec.*

quam

quam editi sine Patribus, quasi sine origine: aut quod ex varia gentium colluione mixti erant: qui deinde aduentu Aenae Phrygibus coniuncti, Latini vno nomine nuncupati sunt. Hinc ab Euandro Aboriginibus Latinas litteras, quae supra eius caput extant, datas esse docet Inscriptio:

Euander Carmenta filius Aborigines litteras docuit.

Litterae ab Euandro inuentae.

H. K. Q. X. Y. Z.



Corn. Tac.
li. ii. Annal.

Liui. lib. i.
ab Vrbe
cond. non
procul a
prim. Dec.
i.

Isid. lib. i.
Etym. c. 3.

VANDRUM sex litteras Alphabeto Latino adie-
cisse, non solum ex Latina Inscriptioe constat, ve-
rum etiam ex ipso Cornelio Tacito, qui de litteris
ab Euandro inuentis hunc in modum ait: Aborigines Arca-
de ab Euandro didicerunt. Et formae litteris Latinis, quae ve-
terrimis Graecorum. Sed nobis quoque paucae primum fuere,
deinde additae sunt. Haec Tacitus. Quae sane verba a Plinij
sententia non abhorrent: diximus enim paulo superius, Grae-
cas veteres litteras easdem pene fuisse, quae nunc Latinae sunt:
quibus ab Euandro sex illae notae, quas ob oculos posuimus,
fuerunt adiectae. Liuius item Euandrum litterarum inuento-
rem extitisse affirmat dicens: Euander tum ea, profugus ex Pe-
loponneso, auctoritate magis quam imperio regebat loca, ue-
nerabilis uir miraculo litterarum, rei nouae inter rudes ar-
tium homines: venerabilior diuinitate credita Carmentae
matris, quam fatiloquam ante Sibyllae in Italiam aduentum
miratae haec gentes fuerant. Haec Liuius. Partim igitur Car-
menta, partim vero Euander eius filius Italis tradiderunt lit-
teras: illa sexdecim, hic autem sex: quarum figurae, sicut de
sexdecim illis dictum est, eadem esse cernuntur, una tantum
littera, Q scilicet, excepta, quae nullam penitus cum Graecis,
neque cum Hebraicis litteris habet affinitatem: immo, Latini-
nis exceptis, nulla alia Lingua hanc notam habere fertur: su-
persuaque vocatur, quia veteres Latini per C, scribere sole-
bant,

bant, & nō minus recte per C, quā per Q, vt Cuādo, & Cuoniā & id genus alia : quia C, & Q, maximā inter se habēt affinitatē, vt videre est in Relatiuo, Quis, vel qui. Nā eius obliqui tam C, quā Q, retinere solent, vt Cuius & Cui, Quem & Quo, Loquor loquutus, & locutus, Sequor sequutus, & secutus, Quum, & Cum. Ceteræ vero quinque a Græco Alphabeto desumptæ vel figuræ tantum retinent, vt H, & X. vel figuram ac nomina, potestatemq. simul vt K, T, & Z. Figura enim illa, H, apud Græcos est I, longum : apud Latinos est aspirationis nota. X, apud Græcos pro Ch, ponitur : apud Latinos, litteræ Græcæ Ξ, potestatem, & vim habet : sed X, apud Latinos ad Augusti vsque tempora nondum recepta fuerat, sed pro æ C, & S, vel G, & S utebantur, vt Apeccs, & Gregs, pro Apex, & Grex : quæ quidem littera X, vt Quintilianus ait, carere potuimus. Figuræ vero K, T, & Z tam apud Græcos quā apud Latinos idem sonant, eandem penitus formam habentes. Kappa enim, quæ tam apud Græcos quā apud Latinos habet vim C, non vtimur nisi in dictionibus Græcis, quibus tanquā Latinis vti solemus, vt *Kyrie elenson*, vel *eleeson*, & *Kalenda*, Scaurus autem ait nomina, in quibus, A, secunda esset statim sede, per K, scribenda esse hunc in modum : *Kalenda*, *karta*, et *karus* : sed huiusmodi voces, quoniam Græcæ omnino sunt, characteribus Græcis scribi deberent : si autem Latinis notis per C, non per K, Kappa, quam apud Latinos superuacuum esse Priscianus testatur : cui Quintilianus adstipulatur non obscure dicens loco eius nos habere litteram C, quæ vim suam ad omnes perferat vocales. Hanc litteram, K, a Sallustio, ludi Magistro, Latinis litteris adiectam esse Isidorus ait, vt in sono duarum litterarum C, & Q, faceret discrimen. A Græcis item T, et Z litteras mutuati sunt Latini pro Græcis dictionibus conscribendis : sed apud Romanos etiam ad Augusti vsque tempora admissæ non fuerunt : nam pro T, Latini litteram, I, ponebant, vt Hieronimus, non Hieronymus, sicut nunc scribi solet. Loco item Z, duplici, ss, utebantur, vt Patrissō, pro Πατριζω, Patrizo. Interdum etiam eius loco, sd : sustituebant d, vt a multis nunc scribitur, qui Esdras, pro Εζρας, Ezras vtuntur. Antiqui præterea loco, Z, vnicum S aliquando ponebāt scribentes : Sacynthus pro Zacynthus, Sethus

Priscianus, & Quintil.

Isidor. lib. 4. Etym. 6.

Pag. 18.

Littera
Z, dentes
mortui i-
mitatur,
dum ex-
primitur.

pro Zethus. Nonnunquā etiam D, loco ipsius, Z, vsurpabant, vt Medentius, pro Mēzentius: sed hoc tantū apud antiquissimos, qui peregrinas litteras nullas recipiebant. Hinc scribebant Triumpum, et Tropæum, non Triumphum, ac Trophæum, vt superius a nobis, et fusiꝯ quidem demonstratum est. Hanc litteram Z, vt Martianus ait, Appius Claudius detestabatur quod dentes mortui, dum exprimitur, imitatur.

Sicut igitur sex litteræ ab Euandro inuentæ, vt Inscriptio docet Latina, partim easdem tantum figuras, partim vero et figuras, et vim, ac nomina retinere cernuntur, ita de multis alijs Latini Alphabeti dicendum est litteris, quæ vel figuris, ac potestate simul, siue nomine a Græcis re ipsa discrepare nō videntur, vt A. E. I. M. N. O. T. quæ non solum easdem figuras, sed easdem fere potestates, ac pronunciations maiori ex parte a Græcis acceperunt. B. vero P, et X, litteræ figuras retinent Græcas, potestates ac pronunciations non item. B, enim pro V, P pro R, & X pro Ch, Latinis litteris, apud Græcos vsurpantur.

Hæc de Latinis litteris, quæ vel figuras tantum, vel figuras, ac potestates simul a Græcis sumpserunt: cetera enim Alphabeti Græci elementa; vel per inuersas figuras cum Latinis quandam habent affinitatem, vt Γ est L, inuersum. Λ, est V contrario modo situm, Σ vero M transuersa conscriptū. Vel nullam penitus figuram Latinis habent adsimilem, vt Δ. Θ. Ξ. Π. Φ. Ψ. Ω. Aliquot autem characteres Græcos Latini aliqua ex parte duplicibus litteris inter scribendum imitari student Θ per Th, Φ per Ph, X per Ch, Ψ per Ps, reddentes.

Diphthongorum item vsus nobis indicio est, Latinam linguam a Græca traxisse originem. Vtimur enim his præsertim diphthongis quattuor, quæ scribuntur hunc in modum: AE, OE, AV, & EV. quarum duæ primæ eo modo scribuntur, sed non pronunciantur nisi per E, vt Cæsar, & Phœbus: duæ alteræ a Græcis desumptæ sicut scribuntur ita pronunciantur, vt Audio, & Euge. Nec silentio prætereundum videtur, alias etiam diphthongos Græcas a Latinis vsurpatas fuisse, vt videre est apud Virgilium, necnon apud alios probatissimos Auctores, qui dictionibus hisce per diphthongum diuisam vsi sunt per Diocresim figuram hoc modo: Aulai,

Aurai,

Aurai, Animai, Aquai, ac Terrai, et voces id genus permul-
tæ, quibus frequenter vsus est Lucretius, pro Auræ, Auræ,
Animæ, Aquæ, ac Terræ: nam apud Græcos Alpha cum Io-
ta, vt AI, vel *ai*, facit illud quod est apud Latinos, Æ, æ. Poe-
tæ interea vsi sunt non raro alia diphthongo Græca, quæ est
EI, vel *ei*, faciens I, nostrum, vt Orphei, & Promethei per sy-
næresim figuram, pro Orphi, & Promethi: Id quoque cla-
rum fit ex ijs vocibus, quarum pluralis gignendi casus desinit
in *Ium*, accusandi casus pluralis postrema syllaba diphthon-
gum Græcam, *ei*, vel *ei*, admittere solet: sic enim ad hanc vs-
que diem scribitur: Omneis, Treis, Fonteis, & Naucis, atque
aliæ huiusmodi voces, pro Omnes, vel Omnis, Tres, vel Tris,
Fôtes, vel Fontis, Naues, vel Nauis: & Queis, pro Quis & Qui-
bus in septimo casu. Nec solum dictas diphthongos Græcas
frequenter adhibuerunt antiquiores Latini, sed etiam illam,
quæ est: OY, vel *ou*, faciens V, nostrum, vt ex vetusto lapide
ad Pontem Cestium Romæ videre licet, ad parietem scilicet
cuiusdam domus, in qua hæc legitur Inscriptio:

*Idem su-
pra pag.
19.*

HEIC EST SEPVLCRVM,

HAV PVLCRVM,

PVLCRAI FEMINAE

NOMEN PARENTES

NOMINARVNT CLAOVDIAM, &c.

Vbi ponuntur heic pro hic, pulcrai pro pulcræ, Claoudiam
pro Claudiam. Et quoniam littera, T, vel, *v*, in diphthongis
Græcis sonat nostrum V, vt Au, Eu, Ou, hinc Latini ad Græ-
carum diphthongorum imitationem, Y, in V nostrum con-
uerterunt, vt quod Græci Δύο, *ἑὺς*, *μῦς*, *θύλη*, & *ῥώμυλος*, Nos
Duo, Sus, Mus, Thule, & Romulus dicimus, & Sulla pro Syl-
la, Purrhus, pro Pyrrhus, atque alia id genus ab Ennio sic
pronunciabantur, vt in Oratore Auctor est Cicero. Quibus de
rebus omnibus facile colligitur, Latinā linguam a Græca ha-
buisse ortum: non tamen hanc illa locupletiores esse fateor,
vt satis copiose demonstratum est. Hæc autem in medium af-
ferre mihi visum est, vt ijs, qui aliter sentiunt, aliqua ex
parte satisfaciam. Nunc reliquum est, vt ab Euandro sex lit-
terarum Inuentore ad Claudium transeamus Imperatorem.

*Cicero in
Oratore.*

DE CLAVDIO IMPERATORE

TRIVM LITTERARVM INVENTORE.



ERTIA huius parastaticæ Colūnæ facies Clavdium Imperatorem habitu imperatorio indutum, laurea ornatum, librum manu gestantem, triumq. litterarum apud Latinos inuentorem representat. Hunc tres litteras Latino Alphabe-

Corn. Tac.
cit. lib. 11.
Annal.
* Al. plebi-
scitis, sed
scitis me-
lius.
* Suet. in
Claudio

to addidisse ex Tacito constat, qui ait: Claudius tres litteras adiecit, quæ vsui, imperitante eo: post oblitteratæ: aspiciuntur etiam nunc in ære publicâdis * scitis per fora, ac templa fixo. Hæc Tacitus, atque eadem fere Suetonius prodit. Nomina vero litterarum, quas a Claudio Latinis adiectas, atque aliquando in vsu fuisse, deinde oblitteratas Cornelius testatur, a Scriptoribus subtrahuntur: hinc vna tatum littera supra Clavdij caput cernitur: ad cuius pedes hæc legitur Inscriptio:

Claudius Imp. tres novas litteras adinuenit.

Litteræ a Claudio Imper. inuentæ.

F

Reliquæ duæ vsu oblitteratæ sunt.



LAVDIVM Imperatorem trium litterarum apud Latinos Inuentorem fuisse Tacitus & Suetonius testantur, sed quænam sint, non satis constat, nec per eos, nec per alios Scriptores: dicam tamen quæ inuenire potui. Quintilianus de littera ϕ a Claudio inuenta mentionem aperte facit: sed quomodo fuerint oblitteratæ, Tacito teste, non video, cum trium illarum vna saltem alio modo scripta ad hanc usque diem in vsu sit, nisi dicamus eam absoleuisse, postea vero in vsum reuocatam, vel aliter olim scriptam, pronunciatamq. fuisse respondeamus, vt fusius infra dicemus. Quod enim antiquiores Latini per Ph, scribebant, vt phama, phanum,

Quintil.
li. 1. instit.
Orat. cap.
4. lib. 12.
cap. 10.

num, & phagus, nos per F, scribere solemus, vt Fama, Fanum, & Fagus, quamuis dictiones illæ in Latinorum vsum receptæ a Græco fonte originem trahāt: immo vetustissimi Scriptores Latini F, litteram loco aspirationis utebantur, vt Fordeum, Trafo, Vefo, pro Hordeum, Traho, Veho. Sicut etiam Fenedi, pro *Eneti* Heneti, & H, pro V, vt Veneti pro Heneti. Fuerunt præterea apud antiquissimos, qui loco, F, utebantur B, et Bruges dicebant pro eo, quod posteri Fruges dicere maluerunt.

Hæc item littera F, quæ Digamma Æolicum appellatur, quia nil aliud est quàm duplex Gamma Γ, Γ, alterum alteri superpositum, & a lingua Æolica desumptum, etiam pro littera V, ab antiquioribus Latinis vsurpata nō raro fuit, hoc modo inuersa ꝓ vt Quintilianus testatur inquit: Nec inuitiliter Claudius Æolicam illam ꝓ, ad hos vsus litterarum adiecerat. Et iterum: Æolicæ quoque litteræ, qua ceruom, seruomq. dicimus, etiamsi forma a nobis repudiata est, vis tamen manet. Hæc Quintilianus, ex cuius verbis colligitur, hanc litteram ꝓ, aliter olim scriptam fuisse: nodusq. dissoluitur. Hanc item litteram ꝓ, non Claudius solus inter litteras habendam censuit, sed & Varro, si Annæo Cornuto credimus. Hanc litterā, inquit, Terentius Varro dum vult demonstrare, ita perscribit, *VA*. Qui ergo in hac syllaba sonus est, idem litteræ erit. Hoc Digamma etiā hodie legitur in lapidibus Claudianis Romæ, & præsertim ad S. Lucie Cloacam hoc modo:

Priscianus.

Quintilianus ubi supra.

Ann. Cornuti. lib. de Orthogr. Va, pro nunciatio littera ꝓ.

TI. CLAVDIVS
DRVSI F. CAISAR
AVG. GERMANICVS
PONT. MAX. TRIB. POT.
VIII. IMP. COS. IIII.
CENSOR. P. P.
AVCTIS POPVLI ROMANI
FINIBVS. POMERIUM
AMPLIARIT. TERMINARITQ.

Qua in Inscriptione legitur CAISAR, more antiquo pro CAESAR per diphthongum Græcam, in qua Alpha cum Iota facit Æ diphthongum Latinam: ibidem legitur AMPLIARIT,

PLIAJIT, & TERMINAJIT, pro Ampliauit, et Terminauit. In alijs item spectationibus antiquis hoc Digamma cernitur sic: OCTAJIVS, et OCTAJIA, pro Octavius, et Octauia. Ita etiam DIAVS, CLIVS, RIIVS, SERIIVS, VIIVS, pro Diuus, Cliuus, Riuius, Seruius, Viuius. Quamuis autem, vt ait Gellius, ad huiusce syllabæ, uus, non vs, velut Diuus, et Vulgus, sonum declarandum Digamma ꝑ fuerit inuentum, ad simplex tamen, V, pronunciandū adhibitum esse constat, sicut ex superiori Inscriptione clare patet. Hinc factum est, vt littera V, etiam Digamma nuncupetur: quia sicut F vel ꝑ pro V, vsurpata fuit, ita F, pro V, scripto pronunciari solet, præsertim in Germania, vbi præter alia permulta, Vinum pronunciatur sic: Finum. Idem fere in Gallia Cisalpina, quæ V, tamquam F, pronunciare solet dicens Bres pro Breue: & id genus alia: Quare Claudius Cæsar, vt Tacitus prodit, F, loco V, consonantis recipiendum instituit, vt Fulgus pro Vulgus, Fixit pro Vixit.

*Priscianus lib. 1.
Antisigma.
Lipsius in
Corn. lib.
11. Ann.*

Quod ad secundam litteram ab eodem Claudio inuentam pertinet, Priscianus hunc in modum ait: P, & S, loco Græcæ, Ϙ, fungitur, pro quo Claudius Cæsar Antisigma, hac figura scribi voluit Ϟ: sed nulli ausi sunt antiquam scripturam mutare. Antisigma ideo dicitur, teste Lipsio, quia duo sigma obuerso dorso scribuntur hoc modo: Ϟ. Hac enim Semilunæ figura prisca Græci, vt ipse ait, Sigma sic formabant, c, vt in fine vltimæ Columnæ parastaticæ fusiis diceretur.

*Mar. Vetrani in li.
11. Ann.
Cornel.
Val. Max.*

De tertia denique littera Claudiana Marcus Vetranius Maurus ex Velio longo litteram nescio quam a Claudio inuentam leniendo R, opinatur. Sunt tamen qui velint Claudium, vel Centimalum, siue Centimanum, vt alij minus recte scribunt, qui librum in iure ciuili tertium a P. Papinio scripsit, R, litteram introduxisse, cum prius Fusij dicerentur: qui deinde Fusij disti sunt.

Alij vero AI, vel ay, diphthongum fuisse putant, quod non est dicendum: constat enim hanc diphthongum antiquitus creberrime vsurpatam fuisse, vt in Claudij æuo Inscriptiones marmore incisæ indicant: cuiusmodi est illa: ANTONIAI DIAVAI, & cetera, pro Antonia Diuæ, & similia

similia scripta. Martiane capella de hac tertia littera sic scribit: Huic litteræ S, Diuus Claudius P, adiecit, aut C propter Ψ, & Ξ Græcas, vt Psalterium, & Saxum. Id autem Lipsio non placet dicenti: Martiane a Claudio nouum X, repertum sentire videtur, quod vanum puto, quia X, in vsu erat temporibus iam Augusti, vt diserte monet Isidorus: Sed & X, a Varrone, & Quintiliano censetur inter eas, quæ non necessariae. Varro enim in Fragmento quopiam ex libro de Grammatica sic ait: Litterarum partim sunt, & dicuntur, vt A. B. partim dicuntur, & non sunt, vt H, & X, partim sunt, & non dicuntur, vt Φ, Ψ, ex quibus verbis non absurde collegeris, duabus his litteris, quæ, Varrone teste, necessariae sunt, nouam formam inuisse Claudium, nomenq. Et de Ψ, quidem clarum, cui Antistigma OC, vel PS, respondit. De Φ autē Claudio Phi, Grammatici loqui neglexerunt, etsi ea littera non dubie necessaria est, et alius eius sonus, quàm Fi, vt monuit Quintilianus. Hæc ex Lipsio, qui hanc litteram ꝥ, a Claudio inuentam, Ph, alteram OC, tertiam vero Ph, fuisse opinatur: quarum prima ꝥ, alio sonu, atque hoc modo scripta, F, remansit: secunda, quæ est, OC, vel aboleuit, vel vsum numquam obtinuit: tertia vt, Ph, vsum in scribendo obtinuit, sed noua forma nomenq. nouum ei contributa apud Scriptores inuenti non queunt: et hac de re nihil certi affirmari potest.

Martianus Capella.

Lipsius in li. 11. Animal Cornu ly.

Varro de re gram.

Tres igitur litteras inuenit Claudius, quem etiam de harum litterarum ratione scripsisse ferunt: hinc librum dextra gestare cernitur. Hæc de Claudio Imperatore trium litterarum apud Latinos inuentore. Nunc reliquum est, vt omnia Latinæ linguæ elementa ordine Alphabetico distincta ob oculos ponantur, sicut de Hebraicis, Græcisq. litteris a nobis factum esse constat. Verum quia in ijs disponendis non solum figuras & nomina earumdem, sed etiam potestatem, siue pronunciationem suis locis apposuimus: hinc idem de Latino Alphabeto faciendum est dictorum characterum formatione descripta iuxta iudicium Martiani Capellæ, qui litterarum omnium formationes inter pronuntiandum naturales excogitauit, sicut ex versâ pagina videre licet.

ALPHA.

ALPHABETVM LATINVM.

<i>Figura.</i>	<i>Nomina.</i>	<i>Formatio litterarum.</i>
Aa	A,	Vocalis, sub hiatu oris congruo, solo spiritu pronunciatur.
Bb	Be,	Labris per spiritus impetum reclusis editur.
Cc	Ce,	Super molaribus linguæ extremæ appulsis exprimitur.
Dd	De,	Appulsu linguæ circa superiores dentes innascitur.
Ee	E,	Vocalis, spiritus lingua paululum pressiore.
Ff	Ef,	Dentes labrum inferius deprimentes lingua palatoq. dulcescit.
Gg	Ge,	Spiritus cum palato inter dentes.
Hh	Hach,	Non est littera, contraq. paululū faucibus est ventus exhalans.
Ii	I,	Vocalis, spiritus dentibus pressus, extrema linguæ parte contracta.
Kk	Ka,	Faucibus, palatoq. formatur.
Ll	El,	Lingua palatoq. dulcescit.
Mm	Em,	Labris imprimitur.
Nn	En,	Lingua dentibus appulsa collidit.
Oo	O,	Vocalis, rotundi oris spiritu comparatur.
Pp	Pe,	Labris spiritus erumpit.
Qq	Qu,	Appulsu palati ore restricto.
Rr	Er,	Spiritus lingua crispante corraditur.
Ss	Es,	Sibilum facit dentibus verberatis.
Tt	Te,	Appulsu linguæ dentibus impulsis excuditur.
Vv	V,	Vocalis, ore constricto, labrisq. promulgi exhibetur.
Xx	Ix,	Quidquid, C, atque, S, formauit exhibetur.
Yy	Ypsilon,	Vel Fyo, pressis labris, spirituq. procedit.
Zz	Zeta	Duplex sibilus, dentes mortui, dum exprimitur, imitatur.

Vocales quinque.	Diphthongi quattuor.	Litteræ duplices a Græcis mutuæ.
A, E, I, O, V,	AE, OE, AV, EV.	CH, PH, PS, TH.
Y, Græca: cur Fyo dicta, vide infra.	Dux primæ scribuntur, sed non pronunciantur.	X, Φ, Ψ, Θ.



ALPHABETVM Latinum litterarum figuris, nominibus, ac pronunciationibus, formationibusq. distinctum, vna, ac viginti litteris constat, si ijs, qui H, & K, litteras tanquam superuacuas ab Alphabeto expolunt, credimus: vt A b c d e f g i l m n o p q r s t u x y z: H, enim non est littera, sed aspirationis nota: K, vero Græca idem efficit, quod C, Latinum elementum: immo quod etiam & Q, vt paulo superius demonstratum est. Quare Martianus Capella decem & octo tantum litteras vniuersæ conscriptioni Latinæ, ac locutioni necessarias esse affirmavit, vt A b c d e f g i l m n o p r s t u x. Nam C, littera ad omnes vocales, vt ait Quintilianus, vim suam commode perfert. Quam ob causam Nigidius figuris, teste Papyriano suis in Commentarijs, neque K, neque Q, est vnquam vsus. Y autem, & Z, ob Græca tantum nomina in nostrum venerunt vsunt.

Ex Dieme
de Gram.
Varr. &
Quintil.

Martianus.

Quintil.
Nigidius.

Zeta enim in Latinis vocibus non adhibetur, sed in Italica lingua nos ea vti solemus. Ypsilon vero, quod Italice vocitatur Fyo, vel Fya, non nisi in dictionibus Græcis vsurpatur. Cur autem sic nuncupetur, haud facile dignosci potest: sunt enim qui hanc vocem Fya ex hya voce luctuosissima fieri velint, quæ est in nomine Hyacinthi pueri Amiclei, qui ab Apolline, vt Poetæ fabulantur, dum iactû disci sese exercebat, fuit interfectus: cuius mortem ægre ferens Apollo, interempti pueri cruorem in florem sui nominis commutauit, vt Ouidius hisce versibus indicasse visus est dicens:

Ipse suos gemitus folijs inscribit, & hya

Flos habet inscriptum, funesq. littera ducta est.

Ouid. lib.
10, Metamorph.

Hinc hyacinthus dictus est quasi flos Cinthij, hoc est Apollinis, quod enim a Latinis viola, siue flos dicitur, a Græcis vocitatur Ia, quæ syllaba ex Ypsilon littera inuersa λ, cōficitur. Si enim I, præponas, & A subijcias sine linea transuersali, vel secante, hoc modo Λ, vt in multis Inscriptionibus antiquis videre est, efficitur Y, cuius figuram representari in hoc flore contendunt. E quoniam hæc littera semper apud Græcos cum aspirandi nota scribi solet, & aspiratio apud antiquiores Latinos in F frequenter conuertebatur, vt Fordeum pro Hordeum, sicut superius demonstratū est, hinc pro Hya Fya, vel

vel Phya, siue Fyo in Italia, ut reor; pronunciatur.

Sunt qui velint in Ouidiano illo versu; quem supra recitauimus, legendum esse non Hya, sed *Al A*, vel *aj aj*, id est Heu Heu, hunc in modum:

Ipse suos gemitus folijs inscribit; & aj aj

Flos habet inscriptum, funestaq. luctera ducta est:

Plin. lib.
21. 6. 11.

Qui hoc modo legendum putant; Plinium forsitan sequuntur dicentem, hoc violæ genus venis quibusdam nigris esse distinctum, ita discurrentibus lineis, ut duarum Græcarum litterarum *a* & *i* figuram referant: quæ res Poetis duplicis fabulæ occasionem præbuit. Nam & Hyacinthum ab Apolline dilectum, quem imprudens disci iactu interfecit, in hunc florem mutatum tradunt, interiectionemq. dolentis *aj*, quæ ex duabus illis litterulis conficitur, velut testimonium doloris; quem Apollo ex eius morte conceperat, habere inscriptam. Aiacem item Telamonis Regis filium in eundem florem conuersum aiunt, dum impatientia prælati sibi Vlissis seipsum interemit: duasq. primas eius nominis, Aiakis videlicet litteras, quæ sunt *aj*, in hoc flore mansisse impressas affirmant, sicut etiam ex eodem constat Ouidio, qui utramque fabulam feliciter complexus est hisce versibus:

Ouid. lib.
13. Metamorph.
& alij per
multi.

Rubescatq. sanguine tellus

Purpureum viridi genuit de cespite florem;

Qui prius Oebalio fuerat de vulnere natus:

Littera communis medijs pueroq. viroq.

Inscripta est folijs, hac nominis, illa querela.

Quibus verbis Ouidius florem Hyacinthum, necnon litteram, vel potius syllabam *aj*, in flore ipso impressam, & Hyacintho puero, & Aiaci viro communem esse testatur. *Al*, enim Aiakis primas nominis notas, Hyacinthiq. dolentis interiectionem refert: ex quibus characteribus, ut ostensum est, Ypsilon littera constare cernitur, quæ prima Hyacinthi nominis aspirata extat nota. Huc item spectat illud Virgilij Aenigma de floribus, quos Regum nominibus insignitos esse ait hoc modo:

Virg. Ecl.
3. in fine.

Dic quibus in terris inscripti nomina Regum

Nascantur flores:

Per flores nominibus Regum insignitos Hyacinthum florem

rem intelligi necesse est, in quo syllabam IA, vel AI, geminam, impressam esse constat: ex qua duæ saltē primæ Aiæcis Telamonis Regis filij nominis litteræ, voxq. Hyacinthi pueri luctuosa colliguntur, atque inuersa littera X, vt dictum est, efficitur, quam huius Hyacinthi nominis litteram aspiratam primam, Hy, vel potius syllabas duas priores esse patet hoc modo, Hya, vt initio diximus. Hinc aspiratione in F cōuersa, Fya, vel Fyo dicitur. Qua ex re luctuosa, ac miserabili (vt opinor) factum est, vt huius generis vox quādoque pro vestigali, atque vt Persæ, & Itali dicunt, pro angaria, ac pro pœna metaphorice vsurpata sit non raro a Poetis, qui Italica scripserunt lingua: hæc enim nonnisi moerorem asferre solent ijs, qui huiusmodi res patiuntur. †

Hæc de littera Fyo, necnō de Alphabeto Latino, quo etiam Latini scriptōres aliqua ex parte inter numerandum vsi sunt, sicut idem, & sane copiosius, ab Hebræis, ac Græcis fieri constat. Nos enim non nisi septem vel octo ad summum litteras pro vniuersa numerandi ratione adhibere solemus, quæ sunt C. D. I. L. M. Q. V. X.

Littera autem I, vt a primo exordiar numero, apud nos pro vnitatem vsurpatur: propterea quod ex vna tantum, & recta quidem linea constar, sine qua nulla Alphabeti elementa formantur: hæc enim linea ad ceteras litteras formandas aut duplicatur, aut ad circuli figuram agitur, aut incuruatur, aut alijs describitur modis: Hinc eam maiores nostri primam numerandi figuram constituentes vnitatem appellauerunt: vnitatem namque omnium numerorum mater est, Boetio teste, qui ex ea tamquam matre vniuersum numerum procreari, & in eam ipsam postremam rursus resolutionem fieri affirmat. Hac igitur ratione per I, vnitatem significatur: quoniam elementa omnia ab ipsa linea sumunt exordium, & in eam resoluuntur. Hæc denique littera I duplicata, dualitatem: triplicata, triadem: quadruplicata numerum quaternarium representat.

Littera V, quinque significat: ipsa enim quinta Vocalis est: cui si præponatur littera I, hoc modo: I V. numerum quaternarium efficit: si autem VI. senarium constituet: & quot litteræ I post V geminantur, tot vnitates numero

† Sacrasissimam Trinitatem per tres hæc litteras Græcas II. T. V. olim representari solebat, vt legitur Dist. 71. c. 1. & in Summa: sunt enim prima littera trium personarum, vt patet Pater, cuius prima littera est P, filius est F, Spiritus, cuius prima littera est S. Hinc Gallia cisalpina, Venetijs, in Piceno, & in multis alijs Italia locis littera Xpsi-lon in Alphabeto, X in F, conuersa, Fio nuncupatur. Filius enim Latine, Italica voce Figho dicitur, & per eclipsim Fio, vt a Venetis passim pronuntietur, ab Hispanis Fijo, quæ vox Græca ditioni Tios assimilata videtur.

T 2 quinario

quinario additas fuisse dicās oportet, vt VI, sex: VII, septem: VIII, octo. VIII, nouem ad denarium vsque numerum procedendo, qui per X, indicatur.

Littera X, decem significat; quia decima est consonans; vt Prisciano placet: hisce enim characteribus, H, K, & Z, detractis, quarum prima non est littera, sed aspirationis nota; aliæ vero sunt a Græcis desumptæ, vt dictum est, C, G, Q, pro vna littera connumeratis, teste Prisciano, & B, atque F, inuicē sibi cedentibus, cum Bruges & Fruges dicantur, S, vere sibi, non littera existente, & propterea frequenter in versu apud antiquos abiecta, litterā X, decimam consonantem esse, ob idq. decem significare fatendum est. Vel significat decem, quia videtur constare ex duplici V, quæ bis posita decem significat, altera inuersa hunc in modum X.

Littera L, quinquagenarium numerum ad Græcorum imitationem repræsentat: nam Græci antiquiores per litteram λ , quinquaginta indicabant. L, autem, & N, inuicem sibi cedunt, vt ait Priscianus: dicimus enim Lympham & Nympham, idem intelligentes, aquam scilicet, quæ Græce dicitur Νύμφη: & quod veteres Græci Nympham appellabant, nos per mutationem vnius litteræ λ in I, Lympham, hoc est aquam, vocitamus. Non est igitur mirum, si quinquagenarium numerum, quem Græci per N exprimebant, nos per L significemus, Græcos imitantes.

Littera C, centenarium numerum significat, quia in hoc numero primum locum habere cernitur; vt Centum, cuius vocis primum elementum est, C.

Littera D, quingenta significare solet: propterea quòd inter hanc litteram D, & M, quod mille significat, H, & K, ob rationem assignatam detractis, quinque sunt litteræ; quæ dimidium millenarij numeri efficiunt, vt nonnulli aiunt: sed infra de hoc melius fortasse dicetur.

Littera M, mille indicat, cum huius nominis primum elementum sit, M, vt vulgo fertur. Quamuis autem Priscianus dicat notari Mille per X, & decem millia hunc in modum: CXX, Paulus tamen Manutius id omnino damnat tamquam a vetustate alienum; & Priscianū deridet: quodq. de D, & M, vulgo putatur, ingeniose declarat dicens, Mille

Virgil. &
Iuuenal.
lii.

Paul. Manutius in
Addit. in
Calap. &
in Commentis.
in li. 12. Epist.
fam.

Quamuis

apud

apud Scriptores Latinos antiquitus notatum sic esse, CIO: pro quingentis, quod est millenarij numeri dimidium, hoc modo, IO. Hinc librariorum incuria, seu præpropera festinatione ex hac figura CIO, M, defluxit, similitudine errorem efficiente, quia M, quandoque ita scribitur, ∞ , ut minimum discrepare videatur a CIO. Ex hac item figura, IO, errorem creante similitudine, pro quingentis littera D notari cœpit, atque vsum apud nos obtinuit: sicut enim ex hac figura CIO, M, ita ex IO, D, facile conficitur. Adde etiã, quod in antiquis libris aliæ item figuræ pro mille vsurpatæ sunt, ob minus accuratam librariorum festinationem, qui, ut vno calami ductu, mille indicarēt, pro CIO scribebant sic, ω , quod quandam affinitatem cum figura CIO habere videtur. Hinc etiam apud vetustiores hanc figuram, ∞ , pro mille ob eandem causam efficere solebant. Hæc de quingentesimo, ac millenario numero: multo autem plura de antiqua apud Latinos numerandi ratione, quæ nunc in frequenti vso non est, ut in additamentis Manutianis in Dictionarium Fratris Ambrosij Calepini ex Augustiniana familia videre est.

*Paulus
Manutius
ubi supra.*

Littera Q. quingenta millia apud veteres Latinos indicabat: quoniam Q. huius numeri primum est elementum. Hunc autem numerum per Q. litteram vsurpari hodie non video. De Latinis litteris, earumdemq. vso hæcenus, ut ad Hetruscas notas accedamus.

DE DEMARATHO HETRUSCARVM LITTERARVM INVENTORE.



QUARTA huius parastaticæ Columnæ facies Demarathum Corinthium, negotiatorem ditissimum, Græco habitu indutum, truculento visu hominem, Hetruscarumq. litterarum Inventorem representat. Hic tyrannidem Cypseli fugiens, Tullio teste, in Hetruriam, Italiæ regionem, Tyrrheni mari incumbentem, ad primâ vsque Tyberis ripam protensam,

*Cic. lib. 3.
Tusculan.
quasi.*

*Lin. lib. 9.
ab Urbe
cond. post
med.*

tenfam, Macra fluuio a Liguria discretam, cuius hodie Metropolis est Florentia Ciuitas pulcherrima, & nobilissima, comparatis opibus luculentis commigrauit: atque inibi a Tarquinienfibus eiusdem Regionis populis exceptus, Tarquinium Priscū Populi Romani Regem ex illustri Hetrusca vxore genuisse commemoratur. Hic item inuētor fuit Hetruscarum litterarum, de quibus Liuius mentionem faciens, Romanos pueros Hetruscis litteris nō minus quā Græcis eruditos olim fuisse affirmat hunc in modū: Cære educatus apud hospites, Hetruscis inde litteris eruditus erat: linguamq. Hetruscam probe nouerat. Habeo Auctores, vulgo tum Romanos pueros, sicut nunc Græcis, ita Hetruscis litteris erudiri solitos. Hæc Liuius. Harum autem litterarum inuentorem fuisse Demarathum Corinthium Cornelius testatur aperte dicens: At in Italia Hetrusci litteras ab Corinthio Demaratho didicerunt. Hæc Tacitus. Huius linguæ Alphabetum supra Demarathi caput cernitur: ad cuius pedes hæc legitur Inscriptio:

*Demarathus Corinthius Hetruscarum litterarum
Inuentor.*

Litteræ a Demaratho inuentæ.

◊IMJIA 8 E R Z C
Я J Y Z X V 7 T A H

*Append. de
inuerd. ad
varias lin
guas.*

HETRUSCARVM litterarum Alphabeti varia extiterunt, sicut ex varijs libris, ac lapidibus, necnon Italiae Bibliothecis constat, Theſeo Ambrosio teste. Quamuis autem maiori ex parte easdem fere figuras habeant, ordinem tamen eundem, eandemq. pronunciationem, seu potestatem,

testatem; vel idem nomen, eundemq. legendi modum non item: alterum enim huiusce linguæ Alphabetum, vt cetera præteream, a dextro in sinistrum latus, more Hebraico: alterum vero iuxta Latinam consuetudinē a sinistro in dextrum scriptum inueni, cuiusmodi est quod præ manibus habemus; nam a sinistro in dextrum legitur latus: quod vero a sinistro in dextrum conscriptum reperitur, prætermittere mihi visum est. Hoc autem modo exarata videntur septem vetustissima illæ Tabulæ æneæ, quæ iam pridem Eugubij prope moenia Ciuitatis effossæ hucusque ibidem publice asseruantur: ex quarum vna nuper excusa congestum est Alphabetum, quod etiam typis mandatum quantum ad quasdam notas, alijs eiusdem linguæ Alphabetis absimile esse conspicitur: fieri enim potuit, vt varijs characteribus idem Alphabeti elementum figurarint Hetrusci, vt ex varijs eiusdem linguæ Alphabetis, quæ ad quinque, maiori ex parte similia, ego ipse vidi, coniectare licet: Id quod factum videtur ob aliquam fortasse litterarum mixtionem habitam cum Volscis in Latio, & cum Oscis in Campania Populis, quorum varias litteras, variumq. dicendi stylum fuisse multi prodiderunt. De Hetruscis autem litteris nonnisi dicta Alphabeta partim typis mandata, partim vero conscripta reperiuntur, quæ a Tartuncis sepulchro Volaterris olim inuento, & a septem illis Tabulis æneis Eugubij repertis videntur desumpta. Quorumnam vero Gentium propria fuerint elementa, seu litterarum notæ, quæ in ipsis Tabulis æneis Eugubij asseruantur, non satis constat, etiamsi Hetruscæ linguæ nomine circumferantur. De his vero Tabulis Eugubij in Theatro repertis scripsit versus elegiaco Iacobus Taurellus Fanensis, & eleganter quidem. Hæc de Hetruscis litteris, vt ad Illyricam, Armenam, Seruianam, & Gothicam notas accedamus.

Tabula æneæ Eugubij reperta.

DE SEXTA COLUMNÆ PARASTATICA,

Gothicæ, Armenæ, Illyricæ, ac Seruianæ linguæ
Inuentores repræsentante.

De Vlphila Gothicarum litterarum Inuentore.



PRIMA huius parastaticæ Columnæ facies
Vlphilam Gothorum Episcopum, habitu Epi-
scopali indutum, Gothicarumq. litterarum
inuentorem repræsentat. Hinc supra eius ca-
put Gothicum Alphabetum conspicitur: &
ad eiusdem pedes hæc legitur Inscriptio:

Vlphilas Episcopus Gothorum litteras inuenit.

Litteræ ab Vlphila inuentæ.

A B C D E F G H I J K L M N O P Q R S T U V X Y Z

*Trip. lib.
8. c. 13. Et
Socr. li. 4.
cap. 34.
Niceph. li.
22. c. 48.*



VLPHILAM non solum Gothicarum litterarum
fuisse inuentorem, sed etiam Scripturam sacram in
Gothicam linguam primū translulisse multi pro-
diderunt. Qua profecto re, necnon verbi Dei pro-
pagatione, qua Gothos ad Christianam fidem conuertit,
damnum omni miseratione dignissimum ab eiusdem Regio-
nis populis omni immanitate, ac barbarie refertissimis, vni-
uersæ Italiæ, & Romæ præsertim illatum rependisset, nisi po-
stea hæresim Arii, reiecta catholica fide, complexus esset:
cuius

cuius exemplo eandem hæresim alij sectati sunt : maxima enim Vlphilas apud Gothos præpollebat auctoritate. Niceph. Call. lib. 11. c. 48.

Gothi, vt omnes testantur historia, Scythiæ populi immanes in tractu Septentrionali Europæ, Danis, & Nouergis contermini, olim armis Italiam subegerunt, Romamq. ipsam solo æquarunt, suamq. in totum Orbem non solum moribus, verum etiam lingua inuexerunt barbariem, quam Latinæ præsertim litteræ non modicam perpeßæ dicuntur. Gothorum enim, quos Getas esse multi & eruditi quidem Viri vo-
lunt, aliqui Ostrogothæ tanquam Orientales illorum vocabulis ita dicti, sicuti Vuisigothæ qui Occidentalium sese Regionibus infudere, nuncupati sunt. Non est igitur mirum, Latinam linguam ab huiusmodi Gentibus maximam accepisse iacturam. Roma enim capta, in qua florere Latinæ litteræ, Gothicam linguam didicit, vt sanctus Augustinus testatur inquiring: Si licet dicere non solum Barbaris lingua sua, sed etiam Romanis *Sihor aarmen*, quod interpreta-
tur, Domine miserere, cur non liceret in Concilijs Patrum in ipsa terra Græcorum, vnde vbique destinata est fides, lingua propria *Homonson* confiteri, quod est Patris, & Filij, & Spiritus sancti vna substantia? Hæc Augustinus. Quibus verbis satis constat, Romanam linguam nonnihil a Gothis accepisse, immo ab ijs, necnon a Gallis, Longobardis, & a frequen-
tia, siue concursione in Urbem aduenarum, contaminatam, barbarieq. conspurcatam, & pene amissam olim fuisse; atque ita, vt multis iam sæculis non modo Latine nemo fere locutus fuerit, sed ne Latina quasi quidē legens intellexerit. Quæ autem ætas illa intellexit, perperam maiori ex parte pronun-
ciauit, aut scripsit: pronunciabatur enim B pro V, & contra V pro B, vt laior pro labor, veneficium pro beneficiū, beritas pro veritas, benio pro venio, & aliæ id genus sexcētæ voces ita pronunciabātur, vt ex codicibus manuscriptis antiquis videre est: qui quidē pronun-
ciādi, scribendiq. modus in Hispania, præsertim vero in Prouincia Castelle, & alibi apud multos ad hanc vsque diē remansit. Hinc de huiusmodi iactura Quintilianus ait: Mutauimus genus, & vltra nobis, quàm oportebat, indulsumus. Quid multa? totus prope mutatus est sermo. Hæc Quintilianus. Idem sensit Diomedes Grammaticus dicens:

Aelius Spartian. S. Hieron. in Genes. Orosius li. 1. cap. 10. Rhodig. li. 18. c. 24. 10. 2. & alij.

S. August. Epist. 179. Laurentius sub fin. 10.

Quinsil.

Diomed. Gramm.

V Iniecit

Plin. Tac.
citius, Ma-
crob. Apu-
leius.

Paul. Ma-
nucius li.
Epist. Fa-
mil.

Cic. lib. 3.
Tusc. qua-
stio. Et ex
Terent. in
prol. He-
cyræ.

Cic. lib. 3.
de Orat.

Cic. 5 Brn
10.

Cic. lib. 3.
de Orat.

Cic. ibid.
non procul
a suis.

Iniecit postera ætas manum, & veluti disciplinam pristini sæ-
culi sermonē fastidire cœpit, & noua veluti parturire verba.
Idem Plinius, Tacitus, Macrobius, & Apuleius dixerunt: Hu-
iusmodi autem iacturam ad hæc vsque tempora passi sumus:
Romanam enim linguam nobis olim non modo Romæ, verū
etiā in vniuersa præsertim Italia peculiarem, ac natiuā, nunc
tanquam peregrinam, atque exteram intra lares nostros ex-
cipere solemus: immo, vt ait Paulus Manutius, elingues pene
sumus in Latina lingua, quā tum lacte ipso Romani imbibe-
bant: pueri enim cū primū balbutire incipiebant, a Matribus,
& Nutricibus nulla arte Latinā discebant linguam, qua vte-
bātur, vt ex Cicerone colligitur, dicente: Frequens confessus
Theatri, in quo sunt mulierculæ, & pueri, mouetur audiens
tā grande carmen. Et in Oratore: Equidem cum audio Socrū
meā Læliam (facilius enim mulieres incorruptā antiquitatē
conseruant, quod multorū sermonis expertes ea tenent sem-
per, quæ prima didicerūt) sed etiā sic audio, vt Plautum mihi,
aut Næuiū videar audire. Et in Bruto: Erant tamen, quibus vi-
deretur illius ætatis tertius Curio, quia splēdidioribus fortas-
se verbis utebatur, & quia Latine nō pessime loquebatur, vsu,
credo, aliquo domestico: nā litterarū nihil sciebat, sed magni
interest quos quisque audiat quotidie domi, quibus scū loqua-
tur a puero: quemadmodū Patres, Pædagogi, Matres etiā lo-
quantur. Legimus epistolas Corneliæ Matris Graccorum: ap-
paret filios non tā in gremio educatos, quā in sermone Ma-
tris. Ibidem: Nullum ille Poetā nouerat, nullū legerat Orato-
rem, nullā memoriā antiquitatis collegerat. Et infra: Anto-
nius existimabatur bene Latine loqui, sed litteras nesciebat.
Idem in eodem libro de Oratore ait: Nemo vnquā Oratorem
quod Latine loqueretur, admiratus est: si aliter, irridēt. Neque
cum Oratorem tantummodo, sed hominem nō putant. Idem
ibidem: Illud autē nequis admiretur quonam modo hæc vul-
gus imperitorum in audiendo notet, cū in omni genere, tum
in hoc ipso magna quædam vis, incredibilisq. naturæ. Omnes
enim tacito quodam sensu sine vlla arte, aut ratione quæ sunt
in artibus, & rationibus recta, ac praua dijudicant: ita vero, vt
siquid contractione breuius fieret, aut productione longius,
Theatra tota reclamāt. Ex huiusmodi ergo tanti viri testimo-
niji

nijs aperte dignoscitur, Latinā linguam peculiarem olim, & nativā omnibus Romæ, & in vniuersa Italia fuisse, viris scilicet & muliereulis, nobilibus & ignobilibus, senibus & pueris, doctis & indoctis, diuitibus & mendicis: in ea tamen alter alterū præstabat, sicut in alijs linguis apud omnes Nationes euenire solet. Nunc vero in hac perdiscenda maximos perperitimus labores, melioremq. ætatis partem consumimus, vixq. eam ipsam in scribendo consequimur, & laboriose quidem in eadem Latina lingua balbutire videmur, dum barbariem, ac stribiliginem, tortuosā scilicet orationis præritatem, ac versuram vitare, puramq. dicendi formam sequi studemus, ob insignem iniuriam Latinitati illatam ab exteris Nationibus, & Gothica præsertim Gente: quæ Gens profecto barbara, & immanis, quanta Latinis litteris, vniuersæq. Italiæ damna intulerit, Romanæ, vt cetera conticescam, ruinæ docent. Hæc de Gothica lingua, vt ad Armenicam transeamus.

Gell. lib. 16.
cap. 20.

DE S. IOANNE CHRYSOSTOMO
LITTERARVM ARMENICARVM
A V C T O R E .

ALTERA eiusdem parastaticæ Columnæ facies sanctum Ioannem Chrysostomum ob auream sermonis præstantiam, Chrysostomum scilicet, hoc est, aureum os, appellatum, patria Antiochenum, & Antiochenæ quondam Ecclesiæ presbyterum, Constantinopolitanum Archiepiscopum, Græcū Doctorem, Græcoq. more indutū, Armenicarumq. litterarū Auctore representat: ad cuius pedes hæc legitur Inscriptio:

S. Ioan. Chrysost. litterarum Armenicarum Auctor.

ALPHABETVM, quod in Bibliotheca extat Vaticana, absque nominibus, ac pronunciationibus conscriptum hoc loco non apposuius, sed quod sequitur, studiosorum commoditati studentes conscripsimus, sicut de Hebraico, Græco, Latino, Armenico, Illyrico, ac Seruiano eandem ob causam factum est.

ALPHABETVM ARMENVM

nouem ac triginta litteris constans.

Figure litterarum

Nomina litterarum

Pronunciatio.

ա	աբ	Aip	a
բ	բեն	Pien Bien	p.b.
գ	գիւմ	Chiim Giem	c.g.
դ	դայ	Ta Da	t.d.
ե	եւ	Icc	ie.c.
զ	զայ	Za	z.
է	է	Ac	a.c.
ը	ընդ	let	ie.
թ	թայ	Tho	th:
ժ	ժե	ge ze xe	g.z.x.
ի	իւն	Inni	i.
լ	լիւն	Liun	l.
խ	խե	Hhe	hh.
ծ	ծայ	Zza.Dha.Tza.	dh. tz. zz.
կ	կեն	Chien.Gien.Kien.Quien.	c.g.k.q.
հ	հայ	Ho.	h.
զ	զայ	Tfa.Ssa.xa.	ff.tf.x.
ղ	ղայ	Chat.Gal.Gal.	gl.l.
ձ	ձե	Ic.Gic.Hie.	i.g.h.
մ	մե	Micn.	m.
ն	նե	Chi.	i.
շ	շե	Nu.	n.
չ	չայ	Sa.Scha.	f.fc.
ւ	ւ	Vua.	o.
փ	փայ	Scha.Zia.	fz.
ք	քե	Be. Pe.	p.b.
լ	լե	Sche.Zche.	fc.ch. q.z.

Դ ր	ռա	Rha.Rra.	rh.rr.
Ա ւ	սե	Se.	f.
Վ զ	վե	Viech.Vieu.Vieph.	u.
Ա Դ ւ	տուեն	Dun.Tuen.	t.d.
Ը ր	երե	Re.	r.
Յ ց	ցո	Zzo.	zt.zz.
Ի ւ	հիուեն	Yun.Phyun.	y.
Փ փ	փիուր	Piur.Pfiur.	p.pf.
Ք ք	քե	Che.	ch.
Է ւ	և	Ieu.	eu.
Ֆ ֆ	ֆե	Phe	ph.
Օ օ	աբիուեն	Aipion.	o.

V O C A L E S.

ա. ե. է. ը. թ. հ. ճ. յ. ո. զ. ւ. օ.

D I P H T H O N G I.

այ. աւ. եւ. ու. եւ. ոյ.

Հայր մեր որ յերկնսս.



ANCTVM Ioannem Chrysostomum Armenicarum litterarum inuentorem fuisse Latina docet Inscriptio, ratioq. ipsa persuadet. Nam sanctus ille diu in Armenia relegatus vixit, vbi post multa in vetus ac nouum Testamentum conscripta, plurimos suæ vitæ sanctitate, ac lingua, ad Euangelicam doctrinam traxit, & Scripturam sacram in Armenicam linguam transfulisse dicitur: deinde in pusillum ac desertum Armeniæ oppidulum nomine Cucufon, ac demum Arabissum deportatus ex hac luce decessit.

Ex li. 10.
Trip. hist.

*tolom. So
mus, Dio-
nyf. Sira-
bo, Plinius,
Stephan.
Virgilius
Lucanus.
Gen. 8.
Iſa. 37.
in fine.

Ex Hero-
ſo, & Xe-
nophonis
æquino-
ctio.

Ex Theſe-
o Ambroſio
in Intro-
duct. un-
viarũ lin-
guarũ.

Pag. 145.
& 147.

ſit. Armenia autem, vt Scriptores omnes affirmant, eſt Aſiæ regio inter Taurum & Caucaſum montes à Cappadoçia ad Calpium vſque mare protenſa, ab Armenio Theſſalo Iſtonis comite, vt inquit Strabo, dicta. Hanc Terram Hebraica lingua *Ærez Ararat*, ideſt Terram Ararat appellat: huius vero regionis Incolæ nunc Chriſtiani ſancti Thomæ è cinctura dicti in temporalibus Perſarum regi, qui Sophi vulgo nuncupatur, obediunt, & iuxta ſanctæ Romanæ Eccleſiæ ritum ſe degere profitentur. Eiufdem regionis Alphabetum nouem ac triginta litterarum figuris maiuſculis, totidemq. minuſculis conſtat, quæ cum characteribus, ac pronunciationibus variarum linguarum quandam affinitatem habent. Vulgaris autem lingua eſt eadem Turcica, & Tartarica, multasq. voces Hebraicas habet, vt in Appêndice oſtendemus; Georgiana vero Tartaricæ & Armenicæ media eſt. Notis huiusce Alphabeti conſtat perbreuis Inſcriptio poſt Abecedarium appoſita: quæ in chartula efficta, ſatisq. oblonga a ſancto Ioanne Chryſoſtomo manu geſtatur, & in characteres nostros tranſlata in hanc legitur verborum formam: *Chair mer or hierchins*. Latine vero hunc in modum: *Pater noſter qui es in calis*. Quod factum reor, vt innuatur, ſanctum Ioannem Chryſoſtomum hac lingua Euangelicam doctrinam apud Armenos propagari. Et quia vna eademq. littera varijs modis, & frequenter quidem pronunciatur, hinc factum eſt, vt huiusmodi Alphabetum, quod a ſiniſtro latere ad dextrũ legitur, iuxta varias earundem litterarum pronunciaciones, ac poteſtates, maiorem characterũ numerũ admittat, quàm cetera Alphabeta recipiant. Nec ſilentio prætereundum cenſetur, trigefimam quartã litteram, quæ pro Y ponitur, hoc modo ſcripta *Y*, Yun, vel Phyun apud Armenos vocitari: a quibus Fyo, vel Fya noſtrum ita pronũciatum, originem traxiſſe opinor, vt ex Theſeo Ambroſio videre eſt: nec ob id ceteras rationes ad hanc rem pertinentes, quas paulo ſuperius recenſuimus, contemnendas eſſe dicendum eſt: ſed ſuo quiſque potiatur ſenſu. Hæc de Armenico Alphabeto, vt ad notas Illyricas accedamus.

DE SANCTO HIERONYMO

LITTERARVM ILLYRICARVM

INVENTORE.

TERTIA eiusdem parastaticæ Columnæ facies sanctum Hieronymum Stridonensem, Virum profecto omnium doctrinarum genere præditum, Hebræam præterea linguâ, Syram, Chaldaicam, Græcam, & Latinam perfecte callentem, litterarumq; Illyricarum Inventorem repræsentat. Hinc supra eius caput Illyricum extat Alphabetum: ad eius autem pedes Leo iacere cernitur: atque infra hæc legitur Inscriptio:

*S. Hieronymus litterarum Illyricarum
Inuentor.*

ALPHABETVM, quod in Bibliotheca Vaticana extat, hic non apposui: sed studiosorum studens commoditati, quod versa pagina videre licet, varijs figuris, varijsq; nominibus, ac pronuntiacionibus, siue potestatibus conscriptum ob oculos ponendum censui, sicut de Hebraico, Græco, Latîno, atque Armenico, necnon Seruiano ob eandem rationem factum esse constat. Quam profecto industriam hisce in Alphabetis præstare mihi visum est, cum huiusmodi linguas apud multas Nationes in frequentiori, quàm ceteras, usu esse non ignoremus.

ALPHA-

ALPHABETVM ILLYRICVM

Tribus ac triginta litteris constans.

Figuræ litterarum.	Nomina litterarum.	Pronunciatio litterarum, vel potestas.
	Af	a vocalis.
	Buk	b
	Viede	u consonans.
	Glagoglie	gh, vel gl,
	Dobro	d
	Iest	e vocalis, sed quandoque sonat, ie.
	Sgiuiete,	non sg, sed medium inter s, & g: ut apud Venetos, no ghesce, pro eo, quod Latine dicitur: nō adest.
	Sielo	sz non z, sed medium inter s, & z.
	Semglie	Hæc littera eandem pene retinet pronuntiationem, quam habet superior.
	Isge	Hæc est littera, quæ numerū denarium significat.
	I	i vocalis.
	Iu, & giu	
	Kako	k
	Liude	l
	Miflete	m
	Nasc	n
	On	o vocalis.
	Pokoi	p
	Erzi	r
	Slouo	s consonans.

𐤀	Tuarde	t
𐤁	Vk	u vocalis.
𐤂	Hir	h Pronunciatur more Hebræorum, vt Abraham.
𐤃	Fi	f
𐤄	Zi	z
𐤅	Ciarv	e Est littera, quæ pro duplici ce cum i, ponitur, & pronunciatur vt apud Italos Faccio, taccio.
𐤆	Od	od pro duabus litteris.
𐤇	Scai	pronunciatur vt, sc, in latino verbo Scio.
𐤈	Sctai	sct pro his tribus litteris.
𐤉	Ier	Deseruit pro fulcimento consonantium in fine dictionum.
𐤊	Iat	ia & ie.
𐤋	Iust	iu more Latinorum.
𐤌	Ieriest	hæc littera parum aut nihil deseruit, sed ponitur pro significatione litterarum, quæ instar characterum Hebraicorum significationem habet.

SANCTVM Hieronymum Illyricarū litterarum inuentorem fuisse aperte docet Inscriptio: idq. fama ipsa nobis persuadet. Quamuis enim sanctus Hieronymus Illyricus, siue Dalmata non fuerit, eum tamen huius linguæ auctorem extitisse, rumor sparsus est. Quod autem hic sanctus non fuerit Illyricus, ex eodem constat Hieronymo, qui hunc in modum ait: Vastatis vrbibus, hominibusq. interfectis, solitudinem, & raritatem quoque bestiarum fieri, & volatiliū, pisciumq. testis Illyricus est, testis Thracia, testis in quo ortus sum solum: vbi præter cælum & terram, & crescentes vepres, & condensa siluarum, cuncta perierunt. Hæc Hieronymus, qui Illyricum a patrio Solo hic separat, & in Catalogo Dalmatiam ab eodem patrio Solo diuidens, scribit se Stridone natum, idq. oppidum esse

Hieron. in
c. 1. Soph.
10. 5.

Hieron. in
Cat. Scrip.
Eccl. in fi-
ne 10. 2.

in confinio Pannoniæ, Dalmatiæque. Blondus item Foroliuensis affirmat Strignam, quæ olim Stridon (vbi Eusebij Hieronymi patris sepulchrum adhuc extare testatur) intra Arsiam flumen, Italiæ ea in ora, Plinij, ceterorumq. veterum testimonio, ex ipsius etiam Augusti descriptione, limitem contineri: proptereaq. Istriæ, non Illyrio, aut Dalmatiæ Stridonē adscribi debere ait. Quamuis igitur Hieronymus sit Istrianus, Stridonensis videlicet, non Illyricus, siue Dalmata, cum tamen vel Illyricæ linguæ, quæ Sclauona nunc dicitur, fuisse inuentorē, vel eam saltem (latius enim tunc lingua illa patebat) optime calluisse fatendum est. Habet namque Gens illa Missas, codicem horarium, ceterasq. diuinas preces, vt ego ipse vidi Illyrica conscriptas lingua ab omnibus Dalmatis intellecta: sedisq. Apostolicæ auctoritate (quam a Paulo II. habuerunt) publice illis vbique vtuntur: eas autem a sancto Hieronymo accepisse illius Regionis incolæ persuasissimi ita sunt, vt captis potius armis omnes disperire malint, quàm eas relinquere. Qua ex re colligi potest, Illyricam linguam, seu Dalmatam, quæ tunc late patebat, atque Istriam etiam, si non omnem, maiori tamen ex parte occupabat, a sancto Hieronymo etsi non terra, lingua tamen Illyrico, sicut vulgata omnium stat sententia, excultam saltem, in melioremq. formam redegisse, siue in scribendo fuisse innouatam: huiusce enim linguæ Stridonem Dalmatiæ finitimam expertem fuisse, vero simile haudquaquam videtur esse.

Hieron. in
proem. li.
3. in Hier.
eo. 4. Et in
6. et 7. Za
char. 10. 5.
Marian.
Vil. 5. In
dice Isti
con.

Vt cumque autem sit quod a nobis hucusque dictum est, hoc vnum pro certo affirmare possum, Hieronymum multis in locis homines linguæ suæ Latinos vocare, vt Marianus Victorius Reatinus, olim Episcopus Amerinus interpretatur, dum idem Hieronymus Hebræorum, Græcorumq. eruditionem in scripturarum sanctarum explanatione hominibus linguæ suæ se tradere scribit, commentarios super Prophetas omnibus notissimos eo nomine intelligens, vt idem Victorius affirmat: nisi Hieronymum Illyrica lingua Scripturam sacram ijs populis coram explanasse dicamus, vel Scripturam sacram in Illyricam linguam transulisse, vt nonnullis placeat. Sed vt res sese habeat, hanc linguam a Hieronymo in vsum saltem reuocatam, in melioremq. cultum fuisse resti-
tutam,

tutam, & ab Illyrico Polyphemi (vt Appianus scribit) siue, vt alij volunt, Cadmi filio, vel Cadmonis, vt ait Suidas, inuentam olim fuisse opinandum est, cum ab eo ipso Illyrio Regio illa Europæ, & Adriatico mari incumbens Appiano, Eustathio, & Suida testibus, Illyris, siue Illyrium solet nuncupari: quam hodie Italice Sclauoniam vocant. Alphabetum autem a sancto Hieronymo inuentum, vel saltem instauratū, quamuis ab omnibus alijs linguis, quod ad figuras pertinet, valde dissimile sit, habet tamen easdem litterarum pronuntiationes ac potestates, quibus lingua Seruiana, sicut infra patebit, vti solet. Hæc tamen lingua a Dalmatis nec adhibetur, nec intelligitur: illa vero quæ Buchuizza, idest litteraria dicitur, Dalmatia, atque Istria, Sciria, et Carinthia, necnon Gentes aliæ his finitimæ vtuntur: Croaticaq. appellatur a Croatia, inter Dalmatiam & Istriam sita.

Hæc de Illyricis litteris, siue Hieronymi, vt aiunt, lingua. Quid autem per Leonem ad eius pedes iacentem significetur, declaratum est, cum de Bibliotheca Cæsariensi locuti sumus. Cur vero idem sanctus pileo rubro pingi soleat, silentio haudquaquam prætereundum videtur. Quamuis enim Galero rubro vsque ad Innocentij IIII. tempus Cardinales vsi non fuerint (cum namque ab eodem Pontifice in Concilio primo Lugdunensi acceperunt, vt suo loco fusius dicemus) is tamen rubeo colore pingi solet, vt Hieronymum Cardinalitia dignitate decoratum fuisse, indicetur. Cardinalatus enim nomen ac dignitas siue officium non solum Gregorij magni tempestate in vsu fuerunt, vt in eius Epistolis videre est, verum etiam Damasi Papæ temporibus, Volaterrano teste, qui ait: Inuenio in antiquis Tabulis apud Ecclesiam Aretinam Donationis cuiusdam Zenobij Senatoris Romani eidem Ecclesiæ vsque a tempore Damasi Pontificis factæ, vbi est huiusmodi subscriptio:

Ego Io. S. R. E. Diaconus Cardinalis ex parte Damasi Pont. laudo, & confirmo.

Itaque non video, ait Volaterranus, cur sanctus Hieronymus Damaso charus non fuerit S. R. E. presbyter Cardinalis. Hæc Volaterranus. Quamuis enim sub Benedicto octauo, sub Innocentio quarto, & sub Paulo secundo Cardinalitia

X 2 insignia

pag. 11.

Pileus rubens in Concilio Lugdunensi datus.

Epist. Gregor. lib. 1. epist. 79. & 81. lib. 2. ep. 25. Et canon. 7. q. 1. Passoralis. Volaterr. lib. 22. Anthropologia.

insignia fuerint amplificata, ceterisque temporibus dignitatem ipsam auctam constet, non tamen Cardinalatus nomen antea non fuisse censendum est: aliud namque est insignia recentiora esse amplificata: aliud vero Cardinalium nomen veteribus fuisse incognitum.

Ex Biblio-
th. Dama-
sc. & Pla-
tina.

Nec tamen silentio prætereundum est, Cardinales in primitiua Ecclesia Presbyteros fuisse nuncupatos, quibus Euaristus Pontifex primus omnium Titulos diuisit, quos Marcellus non multo post limitauit pro Gentibus ad Christi fidem venientibus, atque infantibus baptizandis, mortuisque sepeliendis: nam ducetos & triginta sex Sacerdotes Cardinales Romæ quādoque fuisse multi Scriptores producit. Primitus autem Presbyteri,

Guido Ar-
eb. Frāci-
scus Zaba-
rella Car-
di. & aliq.
Greg. li. 1.
Episto. 79.
& 84.
Et li. 2. ep-
25.
Et Can. 7.
q. 1. Pasto-
ralis.

quandoque vero in quacumque Ecclesia principales Sacerdotes, seu Episcopi cardinales dicti sunt, ut ex Gregorio Magno videre est. Quod autem principio prorsus oneri fuit, summo tandem, nec immerito quidem, & oneri & honori esse coepit, quādo scilicet in administranda Rep. Christiana Pontifici semper præsto adesse coeperunt, ita vero ut inter contentiones Imperatorum ac populi Romani de Pontifice creādo non semel subortas, auctoritatē & prerogatiuam summæ Pontificis eligendi sibi iure cōparatint. In primitiua igitur Ecclesia Cardinales nomine presbyterorum nuncupabantur, ut etiam ex eiusdem Hieronymi, qui ad hanc usque diem Presbyter vocitatur, verbis colligi potest. Hieronymus enim in explicatione libri Isaiæ hunc in modum ait: Senatus quoque consultata dicuntur, & principes quondā Romani Consules appellati sunt, vel a consulendo ciuibus, vel ab agendo cuncta cōsilio. Et nos, inquit, habemus in Ecclesia Senatum nostrum, cœtum presbyterorum. Hæc Hieronymus, qui per Senatum presbyterorum, Collegium Cardinalium, teste Archidiacono, insinuauit, ac seipsum tamquam Senatorum, siue Cardinalium collegam suboscure nominauit. Idem visus est innuere cum ad Ageruchiam scripsit dicens, se in chartis Ecclesiasticis Damasum Papam iuuasse, synodicisque consultationibus Orientis, & Occidentis respondisse. Si enim Hieronymus a secretis Damasi Papæ solum fuisset, non se iuuasse eum, sed ei se inferuisse in chartis scribendis dixisset: nec synodicis consultationibus se respondisse addidisset, sed mitius loquens, responsa

Hier. epist.
11. cir. mo-
di. 10. 1.

sponsa transmisisse scribendo dixisset: respondere enim auctoritatem quandam ad secretarium non pertinentem præferret.

Extat ad hoc idem probandum satis evidens coniectura, quæ colligi potest ex verbis eiusdem Hieronymi dicentis se omnium pene sententia summo Sacerdotio dignum fuisse iudicatum. Quibus ex verbis coniectare licet, tam clerū, quàm plebem Romanam propensissimam in Hieronymum fuisse, ita vero, ut mortuo Damaso, Hieronymū subrogassent. Hinc Hieronymum presbyterum, idest Cardinālē fuisse censendum est, cum summos Pontifices, Marcellum scilicet, Melchiadē, Siluestrum ex Presbyteris Cardinalibus, Marcum, Iulium, Liberium, & Damasum, eiusq. successores, vel ex Presbyteris, vel ex Diaconibus Cardinalibus in summum Pontificatum fuisse assumptos constet. De Hieronymi Cardinalitio, Cyrillus Hierosolymitanus Episcopus mentionem facit ad Augustinum scribens. Idem Eusebius Cremonensis sancti Hieronymi discipulus ad Theodonium scribens Romanum. Idem sanctus Petronius Episcopus Bononiensis in tractatu Apophtegmatum selectorum sanctorum Patrum scribit. Idem S. Augustinus in sermone ad fratres in Eremito. Quamuis autē sermones omnes ad fratres in Eremito Augustini esse non iudicentur, ut fusissime quidem a nobis demonstratum est in nostra Bibliotheca, siue in Indice Theologico, & scripturali, huiusmodi tamen sermo non nisi magnam auctoritatem habere potest, cum ex vetustissimis manuscriptis exemplaribus patet sancti Augustini operibus ij omnes interserantur, tantiq. Doctoris, ac doctrina, & pietate digni sint iudicati.

Ut autem huius generis quæstionem concludam, aliam ad nostram opinionem comprobendam in medium afferam coniecturam, quæ ex eiusdem Augustini sententia colligitur. Augustinus enim ad Hieronymum scribens Petrum vere errasse, & a Paulo iure reprehensum hunc in modum ait: Quamquam secundum honorum vocabula, quæ iam Ecclesiæ vsus obtinuit, Episcopatus Presbyterio maior sit: tamen in multis rebus Augustinus Hieronymo minor est, licet etiā a minore quolibet non sit refugienda, vel dedignanda correctio. Vbi glossa, Hieronymum fuisse Cardinalem, verbis illis affirmat: cui consentit Cardinālis de Turre Cremata idem

Hiero. epi.
99. ad A-
sellā to. 2.

Anno Do-
mini 400.

Anno Do-
mini 440.

Aug. serm.
25. to. 10.

Aug. epi.
19. to. 2.

De cr. p. 2.
causa 2. q.
7. cap. 34.
Turr. Cre-
mat. lib. 7.
Summ. Ec-
cle. ca. 83.

caput

caput exponens hoc modo: Quamquā Episcopatus sit presbyterio maior scilicet ordine, Augustinus tamen Hieronymo minor est, administratione scilicet, ac dignitate: quoniā Hieronymus Presbyter Cardinalis fuit, & omnis Presbyter Cardinalis maior est quolibet Episcopo nō Cardinali, vt quidam dicunt, & refert Hugo in Glosa. Hæc Ioannes de Turre Cremata Episcopus Cardinalis: in cuius doctrinæ confirmationem dicam ego quod de Augustini verbis sentio.

Augustinus enim, ni fallor, vt in ea ad Hieronymū epistola Petrū iure a Paulo fuisse reprehensum ostendat, comparatione inter se & Hieronymum vti videtur, quasi dicere voluisset: Sicut Augustinus est Hieronymo maior, & minor, ita Petrus est Paulo maior, & minor, & æqualis, vt placet Augustino Triūpho dicenti: Paulus fuit minor Petro potestate prælationis, quia solus Petrus fuit Cephas, idest caput totius Ecclesiæ. Maior autem prerogatiua electionis, quia electus fuit a Christo post Resurrectionem, & glorificationem. Vnde in Bulla Papæ Paulus ponitur a dextris, Petrus vero a sinistris. Aequalis fuit officio prædicationis, & fidei defensionis, quia creditum est ei Euangelium præputij, Petro vero Euangelium Circumcisionis, sicut ipse testatur ad Galatas scribens. Vnde in tali casu iuste poterat Petrum reprehendere, sicut æqualem sibi, vel minorem. Hæc Triumphus. Hæc igitur comparatione dicendum est, Augustinum maiorem Hieronymo fuisse, ratione scilicet ordinis Episcopalis, Hieronymum vero maiorem Augustino ratione administrationis, & assistentiæ, cum Cardinales Papæ assistant, sicut Apostoli Christo. Si autem Hieronymus Cardinalis non fuisset, non video, quō modo Hieronymus Augustino maior esse potuerit, nisi id ad senectam præsertim ætatem vel ad alia, quæ Cardinalitia dignitate maiora esse non possunt, referatur, vel ad vitæ sanctitatem, quæ hominem maiorem facit quàm nomen Episcopi: illudq. humilitatis causa a sancto Augustino dictū fuisse fatendum est. Adde etiā quod sancti Augustini tēpore Episcopatus Cardinalitia dignitate maior omnino fuit, vt Onuphrius Panuinius testatur: Cardinalis enim Presbyter, vt Onuphrius docet, medius erat locus inter Episcopum & ceteros Presbyteros non Cardinales.* Sed sub Alexādro III. sub quo Romana Ec-

Quasi. 7.
ar. 2. de po
est. Ecclo.
ad 1. arg.
Idem fere
ait S. Bon.
in Ps. 67.
post medi.
ton. 2.

r in bulla
apud Paulus
testatur a dex
tris, Petrus
vero a sinistris

Onuphrius
Panuinius de
Episc. Tit.
C. Diaconus
Episc. Card.

* Anno Do.
mi. 1176.

na Ecclesia ad maximum in terris fastigium euecta fuit, Imperatore potentissimo Friderico Ahenobardo, eoq. Ecclesia infestissimo hoste, conculcato, victo, pacemq. ab Ecclesia petere coacto, tum primum ex Episcopis versa vice Cardinales fieri coepti. Cardinalium enim dignitas cum Ecclesiae, & Romani Pontificis dignitate semper creuit. Hæc Onuphrius. Quamuis igitur Episcopatus Cardinalitia dignitate maior olim fuisset, ob id tamen dicendum non est, tunc temporis Cardinalatum non extitisse, aut Hieronymum Cardinalitia dignitate decoratum non fuisse: constat enim, vt ipsemet Hieronymus testatur, cum a Paulino Episcopo Antiocheno, Antiochenæ Ecclesiae Presbyterum anno suæ ætatis trigésimo creatum fuisse, vt etiam idem fere dicit Epiphanius.

*Hic Pont.
Senatus
Veneti op
ra contra
vim Imp.
est in sede
repositus.*

*Hier. Epist.
61. ad Pā.
10. 2.
Epiph. Epi
sto. 60.*

Nec desunt interea qui ipsum Hieronymum Presbyterum deinde Ecclesiae Romanæ factum fuisse affirmant, e quorum numero est Ado sanctissimus, idemq. doctissimus, Treuerensis Archiepiscopus, qui hac de re luculentissimum præbet testimonium. Idem narrat Aloysius Lippomanus, & alij permulti. Presbyterum autem Romanum creatum nō nisi Cardinalem censendum esse, multi, & eruditi quidem viri affirmant, dicentes, non eo Hieronymum Presbyterum Ecclesiae Romanæ censi, quod iuxta eius ritū Presbyter fuerit creatus, cum propter hanc rationem omnes Presbyteri nuncupationem huiusmodi accepturi essent: nec etiam quod Romæ ordinatus, cum fieri nequeat, vt vnus & idē Romæ & Antiochiæ Presbyter iure ordinetur. Sed ideo Ecclesiae Romanæ Presbyter creatus nuncupatur, id est nouo titulo insignitus, ita vero, vt Presbyter primarius diceretur. Primarij autem Presbyteri, non nisi Cardinales intelligi debent, vt ex Decreto colligitur, vbi Clerici S. R. E. in singularis potentia, & præ excellentiæ culmine constituti instar amplissimi Senatus Romani a Constantino reuerendissimi appellantur. Id quod ad simile est eiusdem Hieronymi sententiæ dicentis: Ecclesia habet Senatum, coetum Presbyterorum, sine quorum consilio, nihil monachis agere licet: Senatum quoque Romani habet, cuius consilio cuncta agebant, & nos habemus Senatum nostrum coetum presbyterorum. Quem plane Presbyterorum coetum, ac Senatum Archidiaconus, vt diximus, pro Cardi-

*Ado de vi
tis sancto-
rum.
Anno salu
tis 500. se-
pore Greg.
VII.
Aloys. 10. 4.*

*Dislin. 96.
cap. Con-
stantinus.*

*S. Hieron.
in caput. 3
Isa. sub i-
nis. tom. 4.*

naliū

(sponsus Ciacon, de
Hieronymi Cardinali-
tate.)

nalium Collegio exponit. Quare Sanctum Hieronymum Cardinalem fuisse, ob idq. pileo rubro depingi solere concludendum est, etiamsi ad eam usque diem Cardinales huiusmodi galero atque purpura donati non fuissent. Qui multa ad hanc rem pertinentia videre cupit ad Fratris Alphonsi Ciacon Hispani viri quidem eruditissimi Tractatum confugiat, ubi plurima testimonia, & rationes non paucas de eiusdem Sancti Cardinalitio recenset. Hæc de sancti Hieronymi Cardinalitia dignitate, atque Alphabeto, quod ipse inuenit, ut ad Cyrillum Seruianæ linguæ Auctorem accedamus.

D E

S A N C T O C Y R I L L O

A L I A R V M

I L L Y R I C A R V M L I T T E R A R V M

I N V E N T O R E :



QUARTA eiusdem parastaticæ Columnæ facies, Cyrillum Episcopum habitu Episcopali indutum, Illyricarumq. litterarum cultorem præcipuum, siue Inuentorem repræsentat. Hic primus a Sede Apostolica impetrauit, ut in Dalmatia illius Prouinciæ idiomate diuinum officium recitare liceret. Sunt tamen qui a Methodio id impetratum dicant. Vterque autem Euangelium Dalmatis prædicauit. Cyrillus item Clementis Papæ corpus Romam asportandum curauit: hinc ad eius pedes anchora iacere cernitur, ut huiusmodi translatio maritimo itinere facta innuatur. Alphabetum autem Seruianum supra eius caput conspicitur, infra vero hæc legitur Inscriptio:

S. Cyrillus aliarum Illyricarum litterarum

Auctor.

ALPHA-

ALPHABETVM SERVIANVM

tribus & quadraginta litteris constans.

Figure litterarum

Nomina litterarum

Pronunciatio, vel potestas

А а	Азъ	Al	a
Б б	Букн	Buki	b
В в	Вѣде	Viede	v consonans
Г г	Глаголе	Glagoglie	gh
Д д	Добро	Dobro	d
Е е	Есть	Iest	e ie
Ж ж	Живѣте	Xiviete	gg
С с	Сѣло	Selo	z
З з	Земле	Semglic	f
И и	Иже	Ixe	i vocalis
Н н	Н	I	i consonans
К к	Како	Kako	k q
Л л	Люде	Liude	l
М м	Мислѣте	Mislerc	m
Н н	Нашн	Nasci	n
О о	Он	On	o
П п	Покон	Pokoi	p
Р р	Рци	rzi	r
С с	Слово	Slovo	s
Т т	Тврде	Tvrde	t
У у	Укъ	Vk	v vocalis
Ф ф	Ферѣта	Ferta	f
Ѡ ѡ	Ѡнта	Thita	th
Х х	Херѣ	Her	hh
З з	Ерѣ	Ier	e ie
Ы ы	Ерѣи	Ieri	i
Ѣ ѣ	Ѣтъ	Ot	od ot

Ѡ	Ѡдѣ	Od	od
ѡ ѡ ѡ	ѡ	O	o vocalis
Ц ц	Цн	Zi	zz
У у	Уерькѣ	Cierv	cc ci
Ш ш	ШѦн	Sciai	sc
Щ щ	Щан	Sctai	ſct
Ѣ Ѣ	Ѣтъ	Iar	ia
Ѧ Ѧ	ѦѦ	Ea	æ
Ѧ Ѧ	Ѧ	E	e angusta
Ѧ Ѧ	Ѧко	Iako	ia
Ѧ Ѧ	Ѧ	Ic	ie
Ю ю	Ю	Iu	iu
Ѯ Ѯ	Псн	Pfi	ps
Ѯ Ѯ	ксн	Kfi	ks
Ѯ Ѯ	Ѯ	Giu	giu
Ѯ Ѯ	ѮѦ	Cchia	cch



SANCTVS Cyrillus, quē Seruiāni Alphabeti Inuentorem fuisse docet Inscriptio, Illyricus siue Sclauorum fuit Episcopus, & S. Clementis, qui tertius post B. Petrum Apostolum Pontificatum tenuit, corpus Romam deferendū, & in Basilica eiusdem Clementis nomine insignita recondendum curauit, vt anchora etiā illa fortasse inuit: Clemens enim, alligata ad eius collum anchora, in mare præcipitatus martyrio fuit decoratus. Eadem in Ecclesia sancti Clementis Cyrillus & Methodius Sclauorum Episcopi miraculis clari sepulti sunt: quorum sacras reliquias sub altari in eiusdē Ecclesiæ sacello peruetusto repertas fuisse constat: nunc vero Sixtus V. Pont. Maximus eiusdem sancti Cyrilli corpus in Ecclesiam sancti Hieronymi Illyricorū ab eodem Pontifice constructam transferendum mandauit.

Alphabetum hoc loco conscriptum, vt ad rem nostram reuertamur, non est illud, quod in Bibliotheca extat Vaticana, sed eo copiosius. Hoc autem nominibus item, ac pronun-

ciatio.

ciationibus, quæ in omnibus Alphabeticis inibi scriptis desiderantur, Seruianumq. non Illyricum nuncupatum, hic ob oculos ponendum censui, cum hæ litteræ Seruianæ non Illyricæ dicantur, nec ab Illyricis, seu Dalmatis dignosci queat, nisi laboriose perdiscantur, sicut in qualibet Natione exterarum linguarum characteres percipi solent. Hæ litteræ instar Hebraicarum litterarum mysterijs plenæ a Seruia, & Bulgaria, Vallachia, Moldauia Daciæ partibus, necnon a Bosina, Russia, & Moscouia, atque ab alijs Gentibus ad Orientalem plagam pertinentibus adhibentur, maioriq. ex parte a Græco fonte desumptæ sunt, Græcosq. accentus recipiunt, characteribus maiusculis, qui eos non admittunt, exceptis more Græcorum. Huius generis lingua, quæ omnium linguarum censetur ditissima, & non nisi regulis permultis ad vnguem acquiri potest, Chiurilizza, hoc est, Cyrilliana à Cyrillo inuentore, quem Chiuril appellant, nuncupatur. Bosina vero inter ceteras Gentes Seruianam linguam adhibentes, puriori, & elegantiori loquendi forma uti solet, ad quam elegantiam & loquendi venustatem Seruia non parum accedit, sicut a Marino Temperizza Epidaurio de Societate Iesu hanc lingua optime callente accepi. Huius generis est Epitaphium illud, quod in templo sanctæ Mariæ de Ara cæli lapide incisum extat ad pavementum Altaris maioris in monimentum Katarinæ Bosnensis Reginae, quæ inibi humata iacet. Epitaphium vero in hunc legitur verborum formam:

КАТАРИНИ КРАЛИЦИ БОСАНЗСКОИ
СТИПАНА, ЖЕРЦЕГА СВЕТОГА
САВЕ, СПОРОДА ЕЛНИ ЕН КЪШЕ
ЦАРА СТИПАНА РОЕНИ ТОМАША
КРАЛА БОСАНСКОГА ЖЕНИ
КОИ. ЖИВЕ ГОДИНИ Н. Н. Д.
И ПРИМНИХЪ РИМНИ НААНТА ГНА
У. Х. О. Н. АНТО НА. К. НЕ.
ДНИ ОКТОБРА, СПОМНИАКЪ
НЕ ПИЕСМОМЪ ПОСТАВЛЕНЪ

*Epitaphium Katarinæ
Bosnensis Reginae*

Italicis conscriptum litteris legitur hunc in modum :

*Katarini Kraglizi Bosanskoi ,
 Stipana Kerzega Suetoga
 Saue, sporoda ieline i kucchie
 Zara Stipana roieni. Thomascia
 Kraglia Bosanskoga xeni.
 Koliko xini godini. LIIII.
 I, priminu, u Rimi nalita Gospodina
 M.CCCCLXXVIII. Na XXV.
 Dni Octobra, Spominak
 Gne, pismom postauglien.*

Idem vero Latine redditur hisce verbis :


*Katarinæ Reginæ Bosnensi ,
 Stephani Ducis Sanctæ
 Sabæ, ex genere Helenæ, & domo
 Principis Stephani natæ, Thomæ
 Regis Bosnæ Vxori.
 Quantum vixerit annorum LIIII.
 Et obiit Romæ, Anno Domini
 M.CCC.LXXVIII. XXV.
 Die Octobris. Monumentum
 ipsius scriptis positum.*

Hæc de variarum litterarum inuentoribus : nunc vero reliquum est, ut ad ea, quæ e regione huius postremæ columnæ parastaticæ ad parietem depicta cernuntur, transeamus.

DE SEMICOLVMNA LATERITIA

E REGIONE POSTREMÆ COLUMNÆ PARASTATICÆ

Parieti annexa, in qua Christus Saluator noster, & Siluester Papa, Constantinusq. Magnus Imperator depicti conspiciuntur.

ALVATOR noster, Christus Iesus, Deus & homo, ad cuius dextram Siluester eiusdem Vicarius, & Petri successor, ad læuam vero Constantinus Imperator depicti cernuntur, e regione postremæ Columnæ parastaticæ repræsentatur diuinam quandam præseferens Maiestatem, vt per pictoriam artem effingi potuit, dextra manu Mundum, læua autem Librum, in quo duarum litterarum A scilicet, & Ω Hieroglyphicum scriptum conspiciuntur. Sed supra eius caput hæc legitur Inscriptio:

*Iesus Christus, summus Magister, celestis
doctrinæ Auctor.*

Hoc loco non immerito SALVATOR noster duabus quidem rationibus depictus cernitur, sicut enim litterarum inuentarum ordo in primo Adam diuinitus edocto incœpit, ita & in secundo Adam, Christo, summo sane Magistro, celestisq. doctrinæ Auctore, eundem variarum linguarum, per quas omnium scientiarum genera explicata sunt, ordinem ac periodum, siue ambitum concludi necesse erat. Sicut etiam primus Adam de terra terrenus, qui peccato inobedientiæ Mūdum corripit, atque damnauit, mortemq. vniuerso generi humano comparauit, in huiusmodi variarum litterarum inuentione primum sibi locum sortitus est, ita iure quidem factum est, vt secundus Adam de cælo celestis, qui ad mortem

vsque

Philip. 2. vique factus obediens suo pretioso sanguine Mundum ipsum
 instauravit, ac redemit, dum mortem nostram moriendo de-
 struxit, & vitam resurgendo reparavit; eidem primo Adamo
 ærumnis ac laboribus pleno gratiarū summiq. boni thesau-
 rus ex aduerso responderet. Quoniam vero litterarum figu-
 ræ pro quibusdam Hieroglyphicis designādīs vsurpatæ sunt,
 vt scilicet per litteram Y, humana vita, per Θ, mors, per T,
Pagin. 83. *42. & 114.* *& 129.* **Crux Dominica** repræsentaretur, sicut de his atque alijs lit-
 teris satis diffuse suis locis demonstratum est; hinc eo in Co-
 dice, quem Christus gestare cernitur, harum litterarū A & Ω,
 Alpha videlicet, & Omega, quarum vna est Alphabeti Græ-
 ci prima, altera vero postrema, Hieroglyphicum scriptum
 fuit: propterea quòd duas hasce litteras Redemptor noster
 sibi vendicauit dicēs: Ego sum Alpha, & Omega, principium
 & finis: concurrentibus enim litteris in se inuicē A ad Ω vsque
Apo. 1. 21. *& 22.* *Ex Isidoro*
lib. 2. Etym. *mol. cap. 4.* *Et Pier. li.*
47. circa *finem.* *Ex Ter-*
tull. lib. de *Mon.* deuoluitur: & rursus Ω ad A replicatur: vt ostenderet in se
 esse & initij decursum finem, & finis recursum ad initium,
 vtq. omnis dispositio in Ω desinens, per quem cœpta sunt,
 per Verbum scilicet Dei, quia caro factum est, proinde desināt
 quemadmodum & cœpit, & a Deo in Christo omnia ad ini-
 tium reuocarentur. Ideo inquit: Ego sum A & Ω, principiū
 & finis: qui est, & qui erat, & qui venturus est. Dicitur enim
 Deus, primum vniuersarum rerum principium, & finis, ad
 quem cuncta ordine suo diriguntur: Omnia enim propter se-
 metipsum operatus est Dominus, vt ait sapiens. Dicitur itē
 Deus qui est, & qui erat, & qui venturus est, ad eiusdem æter-
 nitatem indicandam. Aeternitas enim, teste Boetio, est inter-
Boet. li. 3. *Prosa 6. de* *conf. phil.* minabilis vitæ tota simul & perfectæ possessio. Sed quia id a
 nobis intelligi non satis potest, hinc per temporis differentias
 præsentis scilicet, præteriti, ac futuri nobis exprimitur. Ad
Isa. 44. hoc idem indicādum dictum est per Isaiam prophetam: Ego
 primus, & nouissimus. Item Beatus Ioannes in sua Apoca-
Apo. vls. lypsi. Ego sum A & Ω, primus & nouissimus, principium &
 finis: quamuis enim in illa sacratissima Trinitate nihil maius
 aut minus, nihil prius aut posterius, nisi prioritas originis,
 non autem temporis, aut dignitatis existat, hæc tamen de ea
 affirmātur ad triū personarum æternitatem declarandā. Hæc
 de Iesu Christo SALVATORE nostro ad parietem depictō.

Ad

Ad eiusdem parietis dextram sanctus Silueſter Chriſti Vicarius, & Petri ſucceſſor paſtoralibus indumentis, atque inſignibus ornatus, venerandoq. aſpectu ſenex conſpicitur: ad cuius pedes hæc legitur Inſcriptio:

Sanctus Silueſter, Chriſti Domini Vicarius.

Ad læuam Conſtantine Magnus habitu imperatorio, ſiue paludamento indutus, ſatisq. belle effigiatus cernitur: ad cuius pedes Inſcriptio in hanc verborum legitur formam.

Conſtantine Imperator, Eccleſiæ Deſenſor.

Duo hic inſignes Viri, Silueſter ſcilicet, Chriſti Vicarius, & Conſtantine Imperator, Eccleſiæ deſenſor repræſentantur, vt Latine docent inſcriptiones. Id autem non abſque conſilio factum eſſe credendum eſt (alios enim Chriſti Vicarios, & Eccleſiæ deſenſores fuiſſe conſtat) ſi de Silueſtro Papa, & Conſtantino Imperatore hiſtoria perpēdatur, atque Eccleſiæ Catholicæ Romanæ amplificationis initium in memoriā reuocetur. Conſtantine nāque Imperator cum lepræ curandæ cauſa medicorum conſilio balneum ſibi ex infantium ſanguine parandum mandaſſet, ſancti Apoſtoli, Petrus, & Paulus noctu ei vigilanti apparuerunt præcipientes, vt ſi ex lepra liberari vellet, omiſſa impij balnei immanitate, Silueſtrum in Soracte monte latitantem accerſeret: a quo ſalutari lauacro recreatus, in omni ditione Romani Imperij Tempora Chriſtiano more ædificanda imperaret: ſublatisq. inanium Deorum ſimulachris, vero Deo cultum adhiberet. Quare Conſtantine cæleſtibus monitis obtemperans Silueſtrum diligentiffime conquiſitum accerſit: à quo Apoſtolorum imagines recognoſcens, baptiſmo ſanatur, & ad tuendam, propagandamq. Chriſti Eccleſiam inflammatur: Silueſtroq. auctore multas Baſilicas ædificandas curauit, eaſq. magnificentiffimis donis exornauit, arasq. publice, & vbique conſtruendas conceſſit: id quod ad eam uſque diem fieri non licuit: Pontificibus enim tunc temporis locus certus ac definitus non erat, ſed in cryptis, ſiue in cœmeterijs, aut in ædibus

*Hiſt. ex
Bra. Rom.
Nicephor.
liij. de Hi
ſtor. Eccle.
cap. 33.
S. Anton.
p. 2. Tit. 9.
cap. 1. §. 2.
S. Vincen.
ſpec. hiſt.
lib. 13. ca.
47. Et Hu
go. Floria.
& Meta-
phr. et alij
per multis.*

piorum

piorum consecrare solebant super ligneo Altari, quod in Lateranensi Basilica a Constantino Magno prima publice constructa conseruatur, & non nisi a summo Pontifice, & a Cardinalibus per pontificiam dispensationem adhibetur, vt fufius in Emblemate I I. dictum est.

Pag. 6.

Siluestri igitur tempore, Constantino Imperatore per la- uacrum baptismi a lepra mundato eiusdem Siluestri manu, donationeq. Ecclesiæ Catholicæ Romanæ ab eodem Impera- tore facta, suas Ecclesia recepit vires, amplificariq. tunc pri- mū cœpit. Conuersio autem Constantini ab illa igneæ Crucis visione sumpsit exordiū: hinc eo in loco, qui nunc vulgo dici- tur Pons mollis, olim Miluius vocitatus, non procul ab Vrbe Roma, & a Porta Flaminia, quæ præsens in tēpus Sanctæ Ma- riæ de Populo nuncupatur, Constantinus contra Maxentium certans ex eo victoriam reportauit, sanctissimo Crucis signo sibi iam ostenso Græcis hisce litteris: ΕΝ ΤΟΤΤΩ ΝΙΚΑ, idest, ΙΝ ΗΟC VΙNCE. quod profecto signum primus ipse in vexillum transformauit, & nummos eo obsignari iussit, quod deinceps a Christianis fuit passim obseruatum.

Hoc item sanctissimæ Crucis vexillum Constantinus miri- fica contra Maxentium potitus victoria in Vrbe Roma, subli- miq. loco statui iussit. Suam enim statuam ex ære fabrefac- tam, dextra manu ex eadem materia signum Crucis elabo- ratum tenentem, ac Romæ in loco percelebri firmis innixam fundamentis collocari præcepit hac Latina Inscriptione insi- gnitam:

HOC SALVTARI SIGNO, VERO FORTITVDINIS
INDICIO, CIVITATEM NOSTRAM TYRANNIDIS
IVGO LIBERAUI, ET S. P. Q. R. IN LIBER-
TATEM VINDICANS, PRISTINAE AMPLITVDI-
NI ET SPLENDORI RESTITVI.

Miraculum autem illud de signo Crucis cum Inscriptione Græca, necnon Constantini conflictatio ipsa cum Maxentio, atque Baptismus, in Palatio Vaticano summi Pontificis, Ro- mæ in aula, quæ dicitur Constantini, bellissime per picto- riam artem representantur.

De huiusmodi vexillo Augustali, quod sanctus Ambrosius ad Theodosium Augustum Imperatorem scribens, Labarum Christi sacratum nomine signum appellat, Petrus Nannius sua in hunc Ambrosij locum Notatione sermonem habet, sed fusius quidem Eusebius de Constantini vita ait, circa horas meridiei, iam luce vergente, vidisse se suis oculis in ipso cælo soli imminēs Crucis trophæum, quod non nisi luce constabat, additumq. titulum his verbis: HOC VINCE. Deinde cum hoc ipsum in somnis apparuisset, tali specie configurari mandavit. Erat autem huiusmodi specie configuratum: Hastile in sublime erectum, auroq. vestitum, antennam siue ceruchos habebat transuersos instar Crucis. In summo fastigio corona ex lapidibus pretiosis & auro confecta collocabatur, in qua erat salutaris vocabuli insigne, ita vt littera P decussatim in medio poneretur his litteris:

Saxom. lib.
1. cap. 3.
Hist. Trip.
li. 1. cap. 9.
Amb. to. 1.
epist. 17.
Euseb. li. 1.
cap. 23. 24.
C. 25.

X I Σ

P

T O Σ

Decussare est aliquid ad decussis figuram ita redigere, vt inter se litteræ, Græcæ χ, aut Latinæ x, speciem præbeant. Ea enim figura apud Latinos vocatur Decussis, quia vt nos hodie, ita veteres hac figura numerum denarium significabāt. Quòd si litteram x per medium seces, relinquetur v, quæ figura denarij dimidium, hoc est, quinarium numerum demonstrat. Vnde eam Latini quicuncem vocauerunt. Hoc igitur modo hæ litteræ decussatim sumuntur, quibus CHRISTOS resultat, quia decussatim, aut transuersa legūtur. Græcas autem litteras decussatim positas in cono galeæ sequentibus deinde temporibus gestare solebat Imperator. Ab antena autem illa, siue ceruchis hastili in transuersum insertis, velum pendeat, opus regium, varietate gemmarum multa luce fulgorantium obtectum, auroq. intertexto, ineffabilem magnificentiam, pulchritudinemq. spectantibus de se præbens. Ceterum hoc velum ita ceruchis pendulum, iuxta latitudinis, & longitudinis modum bona, & cōgrua proportionē sibi ipsi respondebat. Hæc ex Petro Nannio, & Euse-

Decussare.

Z

bio

Euseb. l. i. c.
de vit. C.
Constant. cap.
24.

bio locis supra citatis. Eusebius autem eam Crucis imaginē in cælo visā, & lapidibus pretiosis fabricatam a Constantino sibi ostensam fuisse aperte fatetur.

Pier. Valer.
vin. lib. 50.
hierogl.


De huiusmodi etiam vexillo Augustali Pierius Valerianus hoc idem alijs tamen verbis, hunc in modum ait: Côtus erat prælongus, cuius apex in ϱ Græcæ litteræ similitudinem incuruabatur: inde paulo infra X Græca identidem littera sua insignis decussatione addita erat, id Christi nomen ostentat. Inde Crucis signum faciebat bacillus transfusus, cui velum aut mappula solebat appendi vexilli loco. Hæc duo significabant apud Græcos, quorū characteribus signata erāt, CHRISTVS PASSVS, aut CRVCIFIXVS. Hæc Pierius.

De huius vero generis signo, quod Constantino apparuit, variæ fuerunt opiniones aut sententiæ, ex nummis hoc tamen signo Crucis variè obsignatis, & excusis exortæ: sed omnes vnum, eundemq. sensum reddunt. Sunt enim qui ex nummo aureo Valentis Imperatoris illud signum Constantino apparuisse velint eo modo, quem ex prima figura infra videre est, vbi littera X, quæ est Ch, apud Græcos, & ϱ, superposita, quæ est R, apud eosdem: quibus litteris Christus significatur, A & Ω, hinc inde positis, quas, vt diximus, idem Saluator noster Christus sibi vindicauit. Alij vero ex nummo æreo Constantini Magni eo apparuisse modo, quem secunda figura demonstrat, vbi signum Crucis cernitur, ad cuius dexteram X Græca, quæ est Ch: ad læuam vero C quæ ab antiquioribus Græcis pro S, vsurpabatur: ex quibus item notis Christus significari solebat. Hæc autem figura C, quæ Sigma Græce dicitur, et pro S ponebatur, vt in vetustis codicibus, & nūmis apparet, eadem fere est ac C Latinorū, nisi quod extrema cornua habet intus magis reflexa, & magis oblonga modo hic apposito. Christus etiā per abbreviationē a Græcis hoc pacto scribebatur X C, vel X S, aut X P S. Ex qua scribendi formula ortus est error quorundam Latinorū, qui hanc vocē CHRISTVS hoc modo scribere solent, Xps. Idem fere error cōmittitur ab ijsdem, cum scribitur Iesus: Græci enim per abbreviationem scribere solent hoc modo, IC, vel IS, aut IHS. Hinc imperiti Græcos characteres ignorantes, scribunt, Iesus, cum aspiratione hunc in modum: Ihesus, & per abbrevia-

scribendum esse
XPS. et IHS. ✓

uiationem IHS, vel Ihs, putantes mediam litteram, quæ est Ita apud Græcos, & conuertitur in E. apud Latinos, esse aspirationē, ignorantie linguæ Græcæ decepti. Nōnulli denique ex nummo aureo Anthemij Imperatoris ijs notis, quas infra tertio loco cernere licet, apparuisse volunt, vbi X & P, signo crucis superposito, vel X et P, Cruce super figuram orbicularem mundum repræsentantem locata conspiciuntur.



Alius extat æreus Constantini nūmus, in quo eiusdē Imperatoris effigies ad viuū expressa, vt infra videre est, repræsentatur Græca hac Inscrip̃tione: ΑΤΚΦΛΚΩΝΣΤΑΝΤΙΝΟC, hoc est, Imperator Cæsar Flavius Constantinus: prima enim huius Inscrip̃tionis dictio est ΑΤΟΚΡΑΤΩΡ abbreviata, per quā vocē supremū Imperatoris ius significārē Imperator exprimebatur. Αυτοκράτωρ namque dicitur qui per se potest, nec aliūde pēdet. Ex altera vero numismatis parte vel tria labara, seu vexilla, vel tres Cruces extant Græca item hac Inscrip̃tione: ΝΙΚΑΙ ΕΩΝ, idest, Vincit existens, signum scilicet Crucis vincit ubicumque existit: illud autem numisma antiquo Romanorum more incisum, alterum autē Christiano more incisum, vtrumque tamen triplicem crucem repræsentans cernitur: sed illud suboscure, hoc autem clare. Quare ex huiusmodi numismate facile colligi potest, signum Crucis, quod media demonstrat figura superius posita, tribus hisce Crucibus satis adsimile, Constantino apparuisse Græca illa Inscrip̃tione: ΕΝ ΤΟΤΤΩΙ ΝΙΚΑΙ 

† Vel ΝΙΚΑΙΕΩΝ.
i. Nican-
sum: inci-
debatur e-
nim nomē
Populorū,
a quibus
numisma-
ta eudēba-
tur.

† Triplex
item Cru-
cis signū
præfere-
triplicem
Crucis vi-
sionem, per
quam tri-
plex victo-
ria fuit a
Constanti-
no reper-
ta. Prima
Roma con-
tra Maxen-
tium: Se-
cunda con-
tra Bixan-
tium: Ter-
tia contra
Scythas.
De his Ni-
ceph. lib. 8
c. 32. De
prima e-
tiam. c. 3.
De secūda
lib. 7. c. 47.

Nec silentio prætereundum est, simulacrum Constantini in hoc numisma, quod infra videre est; incisum imagini ipsi, per quam Constantinus in Vaticani Palatii aula, eiusdem Imperatoris nomine nuncupata, representatur, omnino esse adsimile, ut ego, ita esse, ijs imaginibus collatis, re ipsa comperi. Hæc autem numismata, quæ hoc loco incisa conspiciuntur, non semel vidi, & contrectavi, opera tamen Annibalis Zitelli concuius mei, viri quidem eruditi, omniūq. antiquitatum, ac veterum præsertim imaginum virorum illustrium apprime studiosi, & S. D. N. Sixti V. cubicularij, penes quæ asseruatur.

Quamvis autem simplex, vel vnicum Crucis signum Constantino apparuisse omnes fere affirmant, triplex tamen eiusdem signi forma, ut in superiori figura, necnon infra videre est, in vetustis nummis conspicitur. Id quod factum esse reor, vel ad indicandas tres illas cruces, quas Helenam Constantini matrem inuenisse constat: vel ad passionem Christi, qui inter duos latrones Cruci fuit affixus, vberius explicandam: siue ut hoc Symbolo sanctissima Trinitas representaretur: quæ, cum omnia eius opera ad extra, ut Theologi optime docet, sint indiuisa, humani generis salutem fuit operata, quamvis Filius assumpserit humanitatem, per quam passus est. †

EX NUMMO ALIO CONSTANTINI ÆREO.



Hæc de Crucis signo, Constantini Magni conversionis initio, cui additum fuit regenerationis lauacrum, per quod a lepra tum corporali tum etiam spirituali cum purgatum fuisse, pro coperto habetur. De hoc sancto regenerationis lauacro per Siluestrum Papam Constantino subministrato, & sanctorum Apostolorum Petri, & Pauli imaginibus, non solum S. Antoninus, & alij su-
pra

pra citati, sed etiam Adrianus Pōtif. Max. in Concil. Gen. VII. luculētissimum præbuit testimonium. Quis autem tantæ erit audaciæ, qui testimonium summi, ac tam vetusti Pōtifcis in Concilio generali prolatum aspernatur, eiq. somnia, ac deliramenta sui capitis opponat? De hoc item lauacro Damasus, Nicolaus primus, & alij summi Pontifices testantur: Idem docent Cedrenus, Zonaras, ac Nicephorus Callistus, qui etiam mentionē facit de Cōstantini baptisterio, quod ad hanc vsque diē Romę in Basilica Lateranenſi asseruatur. Ante hos Theophanes Graptus in sacra Historia de hoc eodem Constantini lauacro sermonē habet. Argumentū denique inuictū ad hanc rem corroborandā in mediū afferri potest hunc in modū: Fieri non potuit, vt sancti Patres in Concilio primo Nicæno Cōstantinū sedere non baptizatū, quotidianisq. sacris interesse, a quibus non baptizati excludebātur, passi fuissent. Quibus omnibus Constantinū tūc temporis interfuisse, epistolasq. tā pias de religione Christiana conscripsisse constat, vt Eusebius narrat, qui etiā de sacro eius lauacro loquitur. Hoc idē in Bibliotheca Vaticana, & in bibliothecis Græcis scriptū reperitur. Nec huic veritati refragari debet quod sanctus sensit Hieronymus dicens, Constantinū iam senē ab Arianis fuisse baptizatū: Hieronymus enim, vt pace tāti viri sic dixerim, nominis viciniā, falsoq. rumore adductus, quod de Cōstatio Constantini filio dicebatur, id patri attribuit: Cōstātius enim in extrema ætate, vt ait Damascenus, ab Eusebio Nicomediensī Ariano fuit rebaptizatus. Nec mirum videri debet, Hieronymum dictis de causis id asseuerasse, cui in angulo terræ posito, vt ipse in libro de Viris Illustribus ait, multa ignota esse potuerunt. Hæc de baptismo, vt ad Constantinū Donationē tranſeamus.

Donationem Ecclesiæ Catholicæ Romanæ a Constantino Imperatore vere factam fuisse permulti Scriptores, & insignes quidem prodiderunt, quorum tantum nomina postremo loco recensēbimus. Si enim omnia, quæ pro hac re comprobanda, siue corroboranda sese offerunt, in medium afferrem, ingens plane volumen conficeretur. Nunc vero pene obiter, & currente quasi calamo, per pauca quędam, quæ hac de re dubitantibus suasionem præstare possunt, hic breuiter conscribenda censui. Vt autem ex palea, siue ex

zizania

De sancto
rum Apo-
stolorū sa-
cris imagi-
nibus.

Nic. 2. cir-
ca an. Do-
mini 581.
Cedr. init.
3. Tomi.
Niceph. li.
7. cap. 35.

Pag. 58. et
60.

Euseb. lib.
4. de vita
Constant.
cap. 29. &
seq.

De baptis-
mo c. 62.

Auctor no pro-
dist. Hieronymus
de baptismo Co-
stantini.

Hieron. de
vir. ill. 10.
1.

de donatione Constantini

zizania triticum, & ex terra aurum colligamus, seu ex spinis rosam decerpamus, atque ex Herculeis manibus clauam, vel ex hostibus gladiū extrahamus, Donationis huiusce veritatē ex eiusdē veritatis inimicis extorquendā esse in primis iudico. Hinc topico illo Aristotelis, & vulgatissimo quidem argumento (vt aiunt) a minori ad maius veritatem ipsam, veluti e tenebris lucem detractam, magis firmam reddemus, testimonijs omni fide dignissimis adductis, eamq. rationibus denique non insulsis confirmabimus, confirmatamq. relinquemus.

Ex Genes.
li. 3. Chro.
Anna Do-
mini. 315.

Nicoph. li.
26. hist. Ec-
cles. capit.
41. & 42.

Contra Vallam.

Augustin.
Sicuchus.

Phot. Cōst.
2. Nomoca-
monis c. 2.
sub anno
860.
Nicoph. li.
26. hist. Ec-
cles. ca. 41.
& 42.

Amplissimum, vt ab huiusce veritatis hoste initium sumā, de egregia, piaq. Constantini liberalitate ac munificentia, siue Donatione Ecclesiæ Catholicæ Romanæ præstita testis est Zosimus, homo Græcus, Græcæq. superstitioni valde addictus, atque exitiosus. Zosimus enim de Constantino Imperatore, qui Siluestro Papæ, eiusq. successoribus Romam dono dedit, & omnia Imperatoria indumenta, & ornamenta, atque alia permulta, vt Augustinus Steuchus Eugubinus aduersus Laurentium Vallam hominem iniquum, & mordacissimum, atque ad obloquendum omnibus in rebus natum, duobus libris de Donatione Constantini aperte probat, hunc in modū ait: Constantinus cessit Roma, & Constantinopolim a se maiestati Imperij transtulit, quod se Romanis sciret inuisum ob mutatam religionē. Hæc Zosimus, qui de mutata religione a Constantino, qui ab idolorum cultu, detestanda execratione relicta, ad Christianam fidem transijt, manifeste loquitur, de eiusdem Constantini Donatione tacite non nihil videtur innuere. Zosimus enim ait Constantinum cessisse; dicat aliquis: Cuinam cessit? non Senatui, non populo: nam nemo id scripsit. Nec Senatus, Populusve hac de re mouit vnquam litem. Pontifici igitur cessit, qui Romam vt suam iam inde ab eo tempore possidet, seruat, ac de ea antiquas tabulas, testimonia, & census habet.

Am. Mar-
cell. li. 27.

Lib. de tra-
dis. veterum
gestarum
Rom.

Ammianus item Marcellinus Ethnicus tale aliquid de Constantini Donatione innuit dum de opibus, ac potentia Romani Pontificis conqueritur, & mirum in modum dolet. R. Abraham leuita Donationis huiusce veritati velit nolit suffragatur Hebraica lingua dicens:

וְלִי הָיָה

קִסְמָנִינוּ קִיסָר הוּא חֲקַק תּוֹרַת חֲנָצִרִים וְשֵׁב לַעֲבוֹדָתָם וְלַתּוֹרָתָם
לְאַחֵר שְׁלֹשׁ מֵאוֹת שָׁנָה לִישׁוֹ לְחֻשְׁבוֹנָם וְהוּא יָצָא בְּרוּמֵי וְנִתְּנָה
לְכוֹמְרֵי אֲדָוִם עַד הַיּוֹם הַזֶּה וּבִנָּה מְדִינַת קִסְמָנִינָה נֹכְחֶיהָ :

Hæc autem, quæ Hebraice conscripta sunt, Latine redduntur in hanc verborum formam :

Constantinus Cæsar legem Nazaræorum confirmavit, & ad eorum cultum ac legem transijt annis tercentum post Iesum iuxta eorundem computationem. Cessit deinde Roma, eamq. sacerdotibus Idumæorum (sic Christianos appellât) ad hanc vsque diem, Constantinopoli ædificata.

Abben Ezra in Danielis illud : Et super vllum Deum, non intelligit: luculentissimum de hac Donatione Constantini affert testimonium dicens :

Abb. Exr.
in xi. D^a.

וְהַמָּעַם שֶׁכָּבֵד מְקוֹם רוֹמָא שֶׁהוּא בְּנוֹ
וְהַנִּיחֵן לַעֲוֹן הַנִּקְרָא אֲבָן :

Horū verborum sensus in Latinā linguā vertitur hoc modo:

Constantinus decoravit locum Romæ, quæ erat sedes eius: & reliquit eum iniquitati (sic impie impij de sanctis Apostolis loquuntur) quæ vocatur Petrus (vt ait Genebrardus) vel vt Ioannes Paulus Eustachius Neophytus, vir quidem Christianæ pietatis obseruantissimus exponit: vanitas nuncupatur.

Rex Gedalia Iachia in Traditionum catena idem apertius affirmat verbis hisce Hebraicis :

בְּשָׁנָה ד' אַלְפִים ז' לְבְרִיאָה הָיָה בְּרוּמָה קִסְמָנִינוּ חֲקַק וְחִתּוּק
אֲמוֹנָתָם וְהִדְרִין אֶל סְלוֹסְטֵרוֹ פָּפָא כָּל־אֲשֶׁר לוֹ בְּאִיטְלְיָה וְהָלַךְ
וּבִנָּה מֵהַדָּשׁ עִיר בְּזִמְנֵי וְעַל שְׁמוֹ קִרְיָה קִסְמָנִינוּפּוֹלִי :

Anno a creatione mundi 4050. Romæ Constantinus Cæsar Christianæ fidei adhæsit, & Siluestro Papæ quod in Italia habebat, dono dedit: Bizantium adiit, & Constantinopolim iterum condidit, suoq. nomine eam nominavit.

Hæc de Constantini Donatione ab ijs, qui foris sunt: nunc reliquum est vt ad nostros, & ad eos præsertim omni fide dignissimos accedamus, quorum in numero est Sanctus ille

Athana-

*Aug. Steu-
chus.*

Athanasius, qui Constantinū in Concilio præsertim Nicæno vidit. Hic enim ad Felicē Papā scribens recenset quæ Constantinus in Ediçto suo de Donatione facta Siluestro Papæ, eiusq. Successoribus sanxerat & promulgarat. S. etiā Damasus, qui Liberio successit, & Cōstantinū videre potuit, de eadem Constantinī Donatione scripsit, vt Centuriatores quoque affirmāt. Sāctus præterea Gregorius suis in Epistolis patrimoniū Ecclesiæ, & per Occidentem late patens, quo ipse frueretur, tunc etiā temporis amplissimū fuisse nō semel demonstraui.

*Censur. 4.
cap. 7.
Greg. lib.
ep. sub an.
600.*

*Nauecl. ge-
ner. 11.
Chr.*

Quo sane tēpore S. Isidorus, vt Naclerus testatur, de huiusmodi Donatione aperte locutus est. Hanc eandē Donationē Iustinianus Imperator centum post annis, deinde Arithbertus Longobardorum Rex, Pipinus, Carolus Magnus, Ludouicus, Otho denique magnus in publico Rauennatenſi Concilio confirmarunt, vt etiam Centuriatores testantur. Decretum item de huiusmodi Donatione piissimum, quod a Canonistis Palea, a Græcis Oraculum appellatur, sicut ait Steuchus, ab alijs pagina Donationis, vt cetera huius rei nomina prætermittā, in cunctis Græcorum Bibliothecis reperitur. Quod

*Censur. 10.
cap. 10.*

*Aug. Steu-
chus.*

Græce, ac Latine conscriptū in Bibliotheca Vatic. asseruatur: Latine vero impressum in primo Conciliorū Tomo & in Decreto Gratiani extat, citaturq. ab omnibus, qui Constantinī Donationē verā fuisse contendunt. Qui eam tuentur, sunt hi:

*Grati. De-
cret. pa. 1.
distinc. 95.
ca. 14. Cō-
stantinū.*

DE VERA CONSTANTINI DONATIONE SCRIPTORES.

Sanctus Athanasius Episc.

Sanctus Damasus I.

Sanctus Gelasius I.

Leo IX. aduersus Michaelē

Constantinopolit. cap. 12.
& 13.

Gregorius VII.

Innocentius III.

Gregorius IX.

Nicolaus III.

Pius II.

Isidorus Episcopus Hispal.

Ado Episcopus Viennensis.

Iuo Episcopus Carnoten. par.

5. cap. 44. & 54.

Brochardus Episcopus Vormaciensis.

S. Thomas Aquinas.

Augustinus Triūphus quæst.

43. de pot. Eccl.

Gēnadius Scholarius Græcus.

Anselmus Lucensis.

Abbas

Abbas Ioachinus.	Petrus Damiani Cardin. Ho-
Emmanuel Caleca Græcus.	stiensis.
Dominicus Episc. Brixienfis,	Volaterranus.
dictus Torcellanus.	Albericus de Rosath.
Henricus Gandauensis in Quo-	Simeon Archiepisc. Thessalo-
libeto.	nicensis.
Theodorus Balsamon Patri-	Ioânes Nauclerus Germanus.
archa Antioch.	Leoniceus histor. Turcicarum
Nicolaus Lyranus in Baruch	scriptor.
cap. 5. & in Nahum, & in	Hieronymus Aleâder, Card.
Apoc.	Brundusinus.
Martinus Polonus.	Augustinus Steuchus.
Aluarus de planctu Ecclesiæ	Cæsar Costa Archiepiscopus
lib. 1. cap. 52. & 56.	Capuanus.

Quamuis huius generis Donationem a Constantino factam fuisse constet, ab eo tamen temporalem potestatem non nisi Ecclesiæ redditam, & corroboratam, a Christo autem, qui est princeps Regum terræ, sancitam esse dicas necesse est. Summi vero Pontifices ob Principum iniuriam, quæ iusto rerum dominio, & iuri haudquaquâ detrahit, per aliquot annos ea Donatione potiti non sunt: sicut enim Christus, cui solium David debebatur, huius possessionem non statim accepit, ita Petrus, Christi Vicarius, & alij summi Pontifices Constantini Donationem illico non sunt consecuti. Nec Siluester, Donationem ipsam tabulis incidendam curauit, nec in Capitolium ascendit: satis enim erat, Imperatorem sacrosancto Sacerdoti ante altare procubuisse, imperiūq. coram tot testibus sacrasse, ac deuouisse. Nec item in dubium verti debet, num Constantinus Imperij partem Papæ, sibi parte reservata, cōcedere, immediatam Imperij administrationem eidem dare potuerit: bona enim Reipublicæ quamuis alienari non queant, in usum tamen meliorem commutari, Deoq. a quo recipiuntur, dicari possunt, in ministrorum scilicet Ecclesiasticorum sustentationem, Ecclesiæ reparationem, & in pauperum erogationem, iuxta triplicem bonorum distributionem ex Deuteronomio desumptam. Quare Constan-

Ex Aug.
Triumph. q.
1. de pot.
Eccles. ar. 1.
in corp.
Apost. 1.

Ex Aug.
Triumpho
q. 43. de
pot. Eccles.
art. 1.

Dent. 14.
& ponitur
12. qu. 2.
Mos.

August.
Triumph.
q. 43. ar. 3.

Psal. 23.

25. q. 1. ca.
Videntes.
Aug. ubi
sup. ar. 2.

1. Tim. 6.

Greg. 19.
Moral. 6.
14.

Dion. de
Cal. hier.
cap. 4.

Dent. 5.

Augustin.
Triumph. q.
1. ar. 1. de
pot. Eccl.
Et habe-
tur 2. q. 1.
c. Quicum-
que.

tinus in dominium illius; qui est Deus & homo, hoc est Christus Iesus, cuius Vicarius est ipse Papa, Imperij bona transferre potuit, immo Ecclesiæ Christi. Vicario quæ a Deo receperat (cum omnia sint Dei, cuius est omnis terra, & plenitudo eius, orbis terrarum, & vniuersi, qui habitant in eo, vt Psalmographus testatur) reddidit, ac reddere debuit. Hinc idem Constantinus Papæ, eiusq. successoribus immediatam temporalium rerum administrationem iure dedit, seu potius reddidit: quam summus Pontifex Imperatori pro Ecclesia defendenda concessit, iuxta illud Pauli dictum: Sæcularia iudicia si habueritis, contemptibiles, qui sunt in Ecclesia, illos constituite ad iudicandum. Qua in re sanctus ait Gregorius: Contemptibiles de Ecclesia eligendi sunt ad iudicandum: quia per laicos, & per illos, qui sunt minoris meriti in Ecclesia, iudicia sunt exercenda, ac temporalia negocia tractanda, non autem per Clericos immediate. Hinc summus Pontifex sua auctoritate leges imperiales corrigere potest, sicut lex diuina humanam: easq. mutare valet pro temporum diuersitate, si euident inde utilitas oriri videatur: lex enim imperialis ab auctoritate Papæ eo ipso depêdet iure, quo a lege diuina eâ dependere dicas oportet: cuius quidem legis, diuinæ scilicet, Papa est Vicarius, ac minister: præsertim vero cum lex diuinitatis, teste Dionysio, influentiam in hæc inferiora non nisi per media conferre queat. Medius autem inter Deum & populum Christianum est ipse Papa. Quare populo Christiano nulla lex danda est, nisi ipsius Papæ auctoritate, sicut lex vlla Israelitico populo data non fuit, nisi medio siue intercedente Moyse, qui de se ipso ait: Ego sequester, & medius fui inter Deum, & vos vt annunciarem vobis verba eius. Potestatem igitur non modo spiritualem, verum etiam temporalem Pontifici summo inesse fatendum est: immo tantum abest, vt Papa temporalem potestatem non habeat, vt omnis Imperatorum, ac Regum potestas ab auctoritate Papæ dependeat, vt dictum est, & subdelegata iure nuncupetur. Potestas enim iurisdictionis tam spiritualium quàm temporalium, immediata est in solo Papa, qui eam immediate habet a Deo, vt Triumphus recte docet, & ratio ipsa nobis persuadet:

suadet : sicut enim in corpore naturali omnia membra influentiam a corde habent, ita in corpore mystico omnem potestatem a Pontifice summo influentiam recipere, dicendum est. Hæc autem potestas a Christo Domino per summum Pontificem in Episcopos deriuatur: qui a Christi in terris Vicario sicut riuuli a fonte, radij a sole, & ab arbore rami pendere dignoscuntur. Imperatoribus autem, ac Regibus, ceterisque Principibus est in ministerium data obrationes superius assignatas. Hinc summus Pontifex omnem sæcularem potestatem iudicare potest, ac debet sicut ex Decreto videre licet, ubi Zacharias Romanus Pontifex Francorum Regem non minus iniquum quam regnandi oneri non aptum priuasse regno, Pipinumque Karoli Imperatoris Patrem subrogasse legitur. Innocentius item huius nominis IIII. in Concilio Lugdunensi primo Federicum II. Imperatorem imperio priuauit, & ad electores imperij de nouo eligendo Imperatore scripsit. Id quod executioni mandatum fuit, ut infra, suo loco videre est. Nec huiusmodi doctrinæ refragatur quod alij aliter sentientes dicunt de Moyse, & Aaron: vterque enim Christum, ut Triumphus ait, repræsentauit: aliter tamen Moyse, aliter vero Aaron. Moyse namque, ut legislator, Aaron autem ut summus Sacerdos Christum significarunt. Etenim Christus, cuius vicem gerit Papa, fuit Legislator iuxta illud Isaia: Dominus legifer noster: Dominus iustus noster. Fuit item Sacerdos, Psalmographo teste, dicente: Tu es sacerdos in æternum secundum ordinem Melchisedech. Quamuis igitur Moyse potestas, quæ fuit imperialis, Aaron potestate, quæ fuit sacerdotalis, maior diceretur, non tamen potestatem Papæ omni alia maiorem inficias quis ire potest, cum summus Pontifex gerat vicem Christi, cuius potestas per Moysen, & Aaron fuit repræsentata, sacerdotalis videlicet ac temporalis: quam potestatem Ezechiel tempore Iosedech & Sedechia auferendam prophetauit dicens: Aufer Cydarim, tolle coronam, hoc est, sacerdotium, & regnum: Cydaris enim est mitra summi Pontificis, corona vero Regis tiara. Id quod factum esse constat. Nam Iosedech summus Pontifex, & Sedechia Rex manu Nabuchodonosor in captiuitatem ducti fuerunt. Huius autem gene-

*Augustin.
Triumph. de
pot. Eccl. 9.
1. art. 1.*

*Ex Concil.
Ephesino.*

*15. q. 6. c.
Alius.*

*Concil. Lug
dun. 1.*

*Quart. 1.
de pot. Ec-
clesiastic. 3.*

1. 4. 33.

Psalm. 109.

Ezech. 24.

ris priuationem vt ex prophetiæ serie colligitur, Propheta
 vaticinatus est duraturam donec veniret illè, cuius est iudica-
 re, hoc est Christus qui sacerdotalem scilicet ac regalem,
 siue temporalem habuit: de quo etiam Iſaias dixit: Super
 solium Dauid, & super regnum eius sedebit, vt confirmet il-
 lud, & corroboret in iudicio, & iustitia amodo, & vsque in
 sempiternum. Hinc Angelus de Christo idem testatus est,
 dicens: Dabit illi Dominus sedem Dauid Patris eius, & re-
 gnabit in domo Iacob in æternum. Solium autem Dauid
 temporale constat extitisse potestatem, quam in Christo
 fuisse aperte, & erudite docet Franciscus Toletus e societate
 Iesu, vir sane pius ac doctissimus. Qui autem huiusmodi re-
 galem ac temporalem potestatem in Christo fuisse negat,
 detestandæ Iudæorum cæcitati suffragatur. Quare diuino
 consilio factum est, vt Pilatus, qui ea in Inscriptione sanctissi-
 mæ Crucis fastigio imposita Christum Iudæorum Regem
 appellauit, Iudæis reclamantibus dixerit: Quod scripsi,
 scripsi. Christus autem huiusmodi potestatem temporalem,
 quotiescumque sibi id expedire videbatur, exercuit: & præ-
 fertim cum adulteram in adulterio deprehensam a morte
 temporali manifeste liberauit. Christus item non modo spi-
 ritualem exercuit, vendentes & euentes de templo eiciens,
 verum etiam temporalem, mēsas nummulariorum, & cathe-
 dras vendentium columbas euertens. Temporalem præterea
 potestatem suā esse patefecit, cū dæmonum legionem in porcos
 intrasse, eosq. in mare præcipitandos concessit. Quæ res cum
 absque possessoris damno fieri non queat, si Christus rerum
 etiam temporalium Dominus non extitisset, id eum factu-
 rum non fuisse dicendum est. Idem intelligi voluit, cum fi-
 cum non sine alicuius damno arefieri iussit. Idem denique
 rei temporalis dominium demonstrauit, cum Apostolis vt
 asinam, & pullum ad se adducerent, mandauit, possessore non
 reclamante, vbi primū Christum Dominū ita iussisse audiuit.
 Duplex igitur in Christo fuit potestas, quam deinde in
 eius Vicario remansisse fatendum est. Hinc sanctus Petrus
 non solum spiritualem exercuit potestatem, sed etiam tem-
 poralem: præsertim vero cum Ananiam & Saphiram tem-
 porali morte mulctauit: quam etiam potestatem sibi refer-
 uandam

uandam innuit, auricula Malchi abscisa. Huic denique doctrinæ fauet illud, quod B. Paulus ad Philemonem laicum, Ciuem Colossensem, et Christianum pro Onesimo a Paulo ad fidem conuerso, olim autem seruo Philemonis, a quo ante conuersionem fugerat, scripsit, vt eum reciperet. Quamuis enim id ei Paulus imperare, vel Onesimum Philemonis seruū penes se retinere potuisset, vt ipse ait, voluit tamen eum ad id faciendum cohortari. Quibus verbis, Paulum rei temporalis potestatem habuisse affirmandum est: si enim res aliter sese haberet, nec seruum profugum, qui bona temporalia, Philemoni domino suo furatus fuerat, secum retinere, nec Philemoni vt eum reciperet, imperare valuisset, sicut id sibi facere licuisset aperte ait.

Potestas igitur iurisdictionis, tā spiritaliū quàm tēporaliū est in solo Papa immediate a Deo per Christū: deriuata vero in omnibus Episcopis et Prælati a Christo, mediāte Papa: sed tēporaliū potestas Principibus sæcularibus est in ministeriū data. Non solum autē huiusmodi potestas est in Ecclesia, verū etiā coactiua tam spiritalis quàm tēporalis, de qua Iosephus Stephanus Valentinus Doctor Theologus eruditum quidem edidit librum. Quæ rex ex eo colligi potest, quod in veteri Testamento legitur hunc in modum: Si superbierit nolens obedire imperio sacerdotis, ex decreto iudicis morietur. Id quod in noua item lege esse quis inficias ire audeat, dicente Apostolo: Visum est Spiritui sancto, & nobis nihil vltra vobis imponere oneris nisi hæc necessaria, vt abstinatis vos ab immolatis simulacrorum? Quibus verbis, teste Chrysostomo sancto, Apostoli nouam legem condunt: nam de his nihil præcepit Christus. Hoc idem confirmatur ex eo, quod Beatus Paulus pertransiens ciuitates, Apostolorum, ac seniorum præcepta custodienda, & executioni mandanda præcipiebat. Nec huic doctrinæ illud Deuteronomij refragatur: Non addetis ad verbū, quod ego loquor vobis (ait Deus) nec minuetis ex eo. Et: Quod præcipio tibi, hoc tantum facito Domino. Idem in fine Apocalypsi: nam huiusmodi prohibitio non nisi de additione nouarum legum prioribus legibus contraria, & corrumpente, non autem perficiente opus præceptum, Nec est par ratio de veteri ac nouo Testamento:

Ex Aug.
Triumpho
q. 1. de pot.
Eccles. ar. 1.

Deut. 17.

Act. 15.

Act. 16.

Deut. 4. &
12.

Apoc. ult.

S. Thom. 2.
1. ad Gal.
lect. 2. &
3.

vetus

vetus enim lex data est vni tantum Populo, & ad præscriptū tēpus, hoc est ad Christi vsque aduentum: sed lex Euangelica vniuerso terrarū orbi ad finem vsque mūdi duratura. Ideo ita facile omnia determinari nō poterāt, vt aliæ leges tā ciuiles, quàm Ecclesiasticę necessarię quādoque nō forent. Adde etiā quòd eadē leges, & ritus populis diuersis cōuenire nō possūt.

De duplici summi Pontificis potestate spiritali scilicet ac temporali, vel coactiua ipse Christus locutus est dicens: Data est mihi omnis potestas in cælo, & in terra. Quamuis autem hæc Saluatoris nostri verba a Beato Hieronymo, ac beato Anselmo exponantur de spiritali potestate, idest sicut sum Rex in cælo ita in cordibus hominum; & a Theophylacto de omni diuina in omnes creaturas potestate, non temporali: Nicolaus tamen primus ad Michaelem Imperatorem scribens hunc in modum ait: Christus beato Petro vitæ æternæ clauigero terreni simul, & cælestis Imperij iura commisit. Quare Zacharias Papa Regem Francorū non tam pro ipsius iniquitatibus, quàm etiam pro eo quòd ad tantā potestatem exercendā nō erat idoneus regno deposuit, & Pipinum Karoli Imperatoris patrē loco eius instituit.

Potestatem summam visus est exercere Christus dum vendentes de templo eiecit, flagello de funiculis facto. Si enim vtramque potestatem Ecclesia non haberet, Apostolis dicentibus: Ecce gladij duo hic, non respondisset Christus satis est, sed nimis. Hinc S. Bernardus ad Eugenium Papam scribens ait: Quid denuo gladium, quem semel iussus es respondere in vaginam, vsurpare tentas? Quem tamen qui tuum esse negat, non satis videtur mihi attendere verbum Domini dicentis: Conuertere gladium tuum in vaginam. Tuus ergo, et ipse tuo forsitan nutu, sed non tua manu euaginandus: alioquin, si nullo modo ad te pertineret, dicentibus Apostolis: Ecce gladij duo hic, non respondisset Christus: Satis est, sed nimis. Hæc Bernardus: ex cuius verbis satis clare patet, gladium vtrumque, spiritualem scilicet ac temporalem immediatum esse in solo summo Pontifice: ille ab Ecclesia, hic pro Ecclesia: ille sacerdotis, hic militis manu exercendus: quem etiam Apostoli exercere visi sunt in Ananiam, et Saphiram, et Petrus in Malchum, auriculam eius abscindens: cui tamen

*Nicol. 1. et
ponitur di
stinct. 22.*

*Zach. Ro:
Pōt. & po-
nitur. 15.
quæst. 6. c.
Alius.*

Ioan. 2.

Luca 22.

*S. Bern. li.
4. de con-
sid.*

Matt. 26.

Ioan. 18.

Act. 1.

tamen præceptum fuit a Christo, vt gladium in vaginam ad tempus conuerteret, ne Saluatoris nostri passioni, humanæq. redemptioni foret impedimento :

Quamuis autem Regnum omne de Christo dictum in Scriptura sacra multi de spirituali tantum regno, & æterno intelligendum esse velint, non desunt tamen qui de utroque regno intelligi debere affirmant. Nec huic doctrinæ aduersatur quod Saluator noster de se ipso dixit : Regnum meum non est de hoc mundo : voluit enim hisce verbis, vt sanctus

ait Ambrosius, Pilatum suspicione liberare, qua credere poterat, se regnum Iudæorum temporale affectasse : atque hunc sensum illud dictum habere potest : Rex sum, sed non eo modum, quo Cæsar & Herodes. Vel, vt ait Chrysostomus, Regnum Christi non fuit de hoc mundo, quia non fuit modo mundano, sicut alij sunt reges, qui ex fortitudine ministrorum accipiunt regnandi potestatem : ipse autem regnando super suos sibi ipsi sufficiens est, nullius indigens auxilio, vel fauore. Dixit etiam Christus : Regnum meum non est de hoc mundo, vt triplicem, & falsam quidem de suo ipsius regno, ac potestate refelleret opinionem, Consanguineorum scilicet, Gentilium, ac Iudæorum. Consanguinei enim ipsum mundana, sui carnali affectione ac propagatione regnaturum expectabant : Gentiles tyrannica auctoritate, armorumq. potestate : Iudæi vero, vt Discipuli, temporali quadam successione cum regnaturum, ac liberaturum Iudæos è manibus Romanorum, sperabant dicentes : Nos sperabamus quòd ipse esset redempturus Israel. Ad primam opinionem confutandam dictum est, Regnum Christi non esse de hoc mundo, hoc est, Chrysostomo teste, non ex mundana generis consanguinitate, ex qua non potestatem, & virtutem regnandi, sed potius infirmitatem moriendi contraxit. Ad secundam opinionem refellendam, eodem Chrysostomo teste, idem pronunciatum est : qui suos compescuit Discipulos præcipiens vt gladium in vaginam conuerterent : Patrem vero, qui plusquam duodecim legiones Angelorum sibi exhibuisset, rogare destitit. Ad tertiam opinionem reiiciendam dictum est : Regnum meum non est hinc : non secus atque dixisset Christus : Regnum meum non ad temporalem successionem, sed ad possiden-

Chrysost.
Aug. Theo
phil. & Cy
ril. in hunc
locum Ioan.
18. Et Am
brosius Lu
cam.

Ambr. in
Luc. 3. pro
posuimus.

Chrysost.
homil. 83.
in Ioan. 16.
3.

Luca 24.

Matt. 26.

Ioan. 18.

Ioan. 18.

possidendam æternam mansionem. Nec contrarium sentientibus fauet illud eiusdem Saluatoris dictum: Reddite quæ sunt Cæsaris Cæsari, & quæ sunt Dei Deo: Hisce enim verbis quandam legalem iustitiam sancitam esse dicendum est, vt scilicet vnicuique quod suum est, reddendum esse pro comperto habeamus, eo videlicet modo, quo dicit Apostolus: Reddite omnibus debita: cui tributum, tributum: cui vectigal, vectigal: cui honorem, honorem: & cui timorem, timorem. Nec propterea potestatem Papæ temporalem diminutam vlllo pacto esse opinandum est: Imperatoribus enim, ac Regibus temporalia reddenda sunt pro stipendijs ipsorum, qui, vt ait Apostolus, Ecclesiam Dei defendere, & Christianum populum gubernare, ac Rempublicam in pace conseruare debent. Nemo enim suis militat stipendijs: nec quisquam pascit gregem, & decius non comedit lacte. Illud præterea Apostoli dictum: Quid mihi de ijs, qui foris sunt, iudicare? Non de ijs, qui sunt in temporali potestate constituti, sed de infidelibus, nomine, & re extra Ecclesiam degentibus intelligendum esse omnes interpretantur, a quibus tamen infidelibus dominandi ordo; quem de lege, ac beneficio naturæ esse constat, auferri non potest, vt ait Triumphus: quia sicut Deus beneficia naturæ bonis, & malis largitur, dum solem suum oriri facit super bonos & malos: & pluit super iustos, & iniustos; ita Ecclesia ad imitationem iudicij diuini facere debet, nisi ij iura Ecclesiastica, iuraq. nostra rabie tyrannica occupare, Christianosq. infestare studeant: hisce enim de causis summus Pontifex ab eis dominium, & iurisdictiones auferre, ac bellum iisdem iuste indicere potest, ac debet.

Vt igitur quæ dicta sunt, summam concludamus, temporalem summo Pontifici inesse potestatem, Constantiniq. Donationem veram extitisse, immo rerum temporalium potestatem tyrannice olim vsurpatam, tamquam Ecclesiæ propriam ab eodem Constantino redditam fuisse cum Augustino Triumpho affirmamus. Hinc in semicolumna latericia, de qua sermonem habuimus, Saluatorem nostrum, Ecclesiæ vniuersalis caput representatum esse diximus: ad cuius dextram Siluester, Christi Vicarius, ad læuam autem

Constan-

Matth.
22.

Rom. 13.

Ex Augu.
Triumpho
quest.

Rom. 13.

1. Cor. 9.

1. Cor. 5.

Augustin.
Triumph. 9.
23. art. 3.
de pot. Eccl.
cles.
Matth. 5.

Ex Augu.
q. 1. de po-
rest. Eccl.
art. 5. in
corp.

Constantinus magnus, Ecclesiæ & opibus atque armis defensor pro huiusmodi Donatione indicanda, seu potius innuenda, ut reor, per pictoriam artem representati conspiciuntur. Reliquum est autem, ut ad cetera transeamus declaranda.

DE BIBLIOTHECÆ VATICANÆ FENESTRIS

BIBLIOTHECA Vaticana, cuius primaria porta est ad Orientem, excipit itē lumen per quatuor ac decem fenestras, quarum septem ad Septentrionē, totidemq. ad Meridiem vergunt: illæ quattuor elementa, hæ vero quattuor anni tempestates, & Sixti V. stemmata gentilitia alternatim depicta comprehendunt.

De Fenestris ad Septentrionem vergentibus.

AD PRIMAM dextræ partis fenestram in ipso fenestræ fornice mulier super delphinum sedens, tridentemq. manu gestans depicta cernitur, ad aquā, vnum elementorum, quibus quasi alimentis quodcunque animal viuit, atque constat, representandam. Quamuis autem terra primum, inferioremq. locum tanquam elementum ceteris grauius, ac ponderosius sibi vendicet, ut Aristoteli, alijsq. philosophis placet, & ratio ipsa suadet; Aqua tamen primo cernitur loco. Id quod vel pictorum iudicio factum est, vel ad imitationem verborum Ouidij, qui elementis distribuit loca hunc in modum:

Ignea conuexi vis & sine pondere cali

Emicuit, summaq. locum sibi legit in arce.

Proximus est aer illi leuitate, locoque.

Densior his tellus, elementaq. grandia traxit,

Et pressa est grauitate sui: circumfusus humor

Vltima possedit, solidumq. coercuit orbem.

Quibus verbis Ouidius quamuis aquæ postremum locum tribuere videatur, si ea tamen perpendantur, nil aliud ex ijs-

*Arist. lib.
4. de calo.*

*Ouid. lib.
2. Metamorph. sub
init.*

dem verbis, quàm terræ superficiem circumfluentem ab aqua humectari, ac possedi colligi posse fatendum est. Hunc eundem fere sensum patitur illud Scripturæ sacræ dictum:

Psal. 135. Qui firmavit terram super aquas, hoc est iuxta aquas terram ipsam humectantes, eo loquendi modo, quo dici solet: Hæc ciuitas fundata est super mare, vt Venetiæ: illa vero super Sequanam fluuium Galliæ, Belgas a Celtis diuidentem.

Psal. 23. Hoc eodem fere modo intelligitur illud Psalmi dictum, quo super maria fundatum esse mundum legimus. Quoniam vero aqua procreationi earum rerum, quæ è terra præsertim nascuntur, maximum præbet auxiliū, hinc supra fenestræ fornicæ hæc legitur Inscriptio: PROCREATIONVM ORIGO.

AD tertiam fenestram, secunda prætermissa, in qua insignia Sixti V. depicta cernuntur, in ipso fenestræ fornice femina humi sedens, leone, alijsq. animalibus hinc inde consistentibus, depicta conspicitur: quæ Terram significat. Terra enim per Deam Cybelem repræsentatur, quæ & Rhea dicitur *ἡ μήτηρ πάντων*, fluo, quòd terra affluens sit omnium rerum. Dicitur etiam Pales quòd terra sit pabulorū Dea. Ops item dicta putatur, quòd terræ ope vita hominum sustentetur: vel ab antiquo adiectiuo Ops, quo veteres pro diuite utebantur, quemadmodum contra, inopem dicimus pauperem & egenum. Hæc quoque Mater Deorum, quia omnia gignit, dicta a Poetis censetur, vel quòd putarent cælestes omnes in terris fuisse genitos, deinde ob insigne aliquod meritum in cælum fuisse translatos. Alma item mater ab alendo nuncupata est. Maia interea dicebatur, &, vt ait Cornelius Labeo, Magna mater quòd Terra sit omnium communis parens: vel quòd iuxta Poetarum historias fabulosas primitus mortales omnes ex terra nascebantur. Hinc Prometheus Iapeti filius, vt idem Hesiodus ostendit, hominem ex humo imbri mollita finxit, cui Minerua spiritum immisit. Id autem fortasse desumptum fuit a vera diuinaq. historia libri Geneseos, vbi primus homo de limo terræ legitur creatus a Deo, qui statim in faciem eius spiraculum vitæ inspirauit: hinc lingua Syriaca, vt Theodoretus ait, primus ille homo

Adam

*Ouid. lib.
1. Metamorph. nō
procul ab
initio.
Gen. 2.*

Adam dictus est, terrenus scilicet, aut puluerosus: Syrorum enim mos est, terram rubram appellare Adam. Qua ex re omnis homo pulvis, & in puluerem dicitur reuersurus, ac Terræ filius iure nuncupatur. Ob idq. olim obscuro, ignotiq. genere prognati, Terræ filij dicebantur, propterea quod Terra communis est omnium parens, iuxta hanc perbreuem Inscriptionem, quæ supra fenestræ fornix legitur: MATER OMNIVM. Eandem ob causam prouerbialis figura in hominem exulem, erronem, & incertis vagantem sedibus hunc in modum Græce dicebatur: *ἦν πρὸν γῆς*, idest Terram pro terra, vt ex Cicerone videre est, dicente: Hæc & alia ferre non possum: itaque *ἦν πρὸν γῆς* cogito: significat enim se de fugiendo cogitare. Hæc denique Dea, Cybele scilicet, per quam terra representatur, curru vehi a Poetis fingitur, quia terra pender in aere, & super stabilitatem suam, vt sacrosancta Scriptura docet; dicitur firmata, idest super mundi centrū, ad quod partes terræ ita vndequeque sua tendūt natura, vt ab ipso cētro declinare nullo penitus modo queāt. Eadem quoque Dea rotis sustineri fertur, quia rotatur semper, & voluitur mūdus. Hæc de Terra, vt ad aeris elemētū accedamus.

Theod. in
Gen.

Cicer. lib.
14. Epist.
ad Attic.
epist. 10.

Psalm. 103.

AD quintam fenestram, quarta prætermissa, quæ Sixti V. stemmata gentilitia habet, in fenestræ fornice femina supra aerem per fumum siue nubem quandam representatum sedens, aëreamq. comam habens depicta cernitur. Inscriptio autem ad aerem indicandum hæc est: INANITATIS IMPATIENS. Aer enim inanitas quodam modo dicitur multo plus raritatis quam inferiora elementa admixtum habens. Hinc non solum Virgilius, verum etiam alij probatissimi scriptores per vacuum, & per inane aerem intellexerunt. Quamuis enim vacuum in rerum natura, vt Aristoteles recte docet, non reperiatur, vacuum tamen, vt aiunt, rusticaliores homines dari opinantur, dum aliquem locum re visibili, ac palpabili repleri non vident: sed vbi visibile corpus non extat, ibi statim aerem tanquam inanitatis impatientem adesse, locumq. ipsum replere dicas necesse est: natura enim vacuum nullo modo pati potest.

Virg. Ecl.
6. Et Geor.
lib. 1.
Lucr. li. 2.
Arist. lib.
4. phys.

*Phœnicis
historia.
pag. 116.*

*Aegid. Ro.
2. sens. dist.
15. q. 1. ar.
sic. 2.
Arist. lib.
3. de hist.
anim. cap.
19. 10. 35.*

*Salamandra
extinguit ignē.*

*Arist. loco
sup. citato.*

*Bestiolæ i
igne nascū
tur, & vi-
uunt.*

*Animal
nullum in
igne gene-
ratur.
Arist. lib.
2. de gen.
animab. c.
23. 12. 6.*

AD septimam fenestram, sexta insignibus Sixti V. decora-
ta, in ipso item fenestræ fornice depicta cernitur femina,
humī sedens flammās igneas dextra manu gestans, igneamq.
habens comam, intra quam fœnix, quæ per ignem innouari
solet, vt fusius dictum est, conspicitur, ad ignem omnium
elementorum leuissimum indicandum, hac Inscriptione:
PROCREATIONIS EXPERS. Ignis enim a gignendo,
idest nascendo per antiphrasim figuram dicitur, quod in eo
nihil nascatur: immo quidquid sub cælo tangit, ipse tandem
destruit, & consumit: nihil enim, vt ait Doct̃or noster Aegidius
columna Romanus, in igne diu stare potest, quod ab eo
non consummatur. Nec id Aristoteli aduersari puto dicenti
hunc in modum: Nonnulla corpora esse animalium, quæ
igne non absumentur, Salamandra claro documento est:
quæ, vt aiunt, ignem, inambulans per eum, extinguit. Hæc
Aristoteles, qui iuxta aliorum opinionem loqui hoc loco vi-
detur. Quamuis enim Salamandra ob magnam tuam ipsius
frigiditatem aliquandiu in igne absque sui corruptione sta-
re queat, vt omnes concedunt, eam tamen absque sui con-
sumptione in igne permanere Aristoteles non affirmat, sed
ignem ab illa per eum inambulante extingui ait, sicut etiam
id ab Aegidio non negatur. Alienam item opinionem sequi
Aristotelem diiudico, dum loco supra citato, bestiolas in igne
oriri, & viuere, & ab eo dimotas emori, eundem Aristotelem
dixisse lego. Ait enim: In Cypro Insula, ærarijs fornacibus,
vbi chalcites lapis ingestus compluribus diebus crematur, be-
stiolæ in medio igne nascuntur pennatæ, paulo muscis gran-
dibus maiores, quæ per ignem saliant, atque ambulent. Id
autem eidem Aristoteli aperte refragatur: qui nullum animal
in igne generari posse ait: atque huiusce dicti rationem red-
dit dicens: Inest enim in semine omnium, quod facit vt fec-
cunda sint femina, videlicet quod color vocatur: idq. non
talis facultas aliqua est, sed spiritus, qui in semine, spumo-
soq. corpore continetur, & natura, quæ in eo spiritu est pro-
portione respondens elemento stellarum, quamobrem ignis
nullum animal generat. Hæc Aristoteles, qui vitalem in se-
mine esse calorem, quem non ignem, neque ignis aliquam ef-
se ait facultatem, ex qua gigni animal vllum, vt ipse inquit,
non

non posset. Huic doctrinæ consonum videtur esse illud, quod idem Aristoteles ait de Vireone aue, quam igne procreari, fabulosum esse pro comperto habet. Hæc de igne procreationis experite, vt à quattuor elementis ad quattuor anni tempora tranſeamus.

*Arist. lib.
9. de hist.
anim. 10.
1.*

DE FENESTRIS MERIDIEM SPECTANTIBVS.



BIBLIOTHECÆ Vaticanæ læua septem habet fenestras, Sixti V. insignibus, & quattuor anni tempestatibus alternatim insignitas. Quattuor autem anni tempestatum descriptio ex quattuor Ouidij desumpta est hisce versibus:

*Ouid. lib.
2. Metamorph.*

Verq. nouum stabat cinctum florente corona:

Stabat nuda æstas, & spicea serâ gerebat:

Stabat & autumnus calcatis sordibus vuis:

Et glacialis hiems canos hirsuta capillos.

Hæ quattuor anni tempestates per pictoriam artem præsentantur: & singulæ cuique ex quattuor hisce versibus hemistichium vnum tributum est. Ver nouum per feminam, quæ coronam floribus confectam dextra manu, læua autem copiæ cornu floribus plenum gestat, repræsentatur hac inscriptione: *Cinctum florente corona.* Aestas item per feminam spicis triticeis ornatam, quæ dextra manu falcem, læua autem spicarum fasciculum habet, hac inscriptione significatur: *Spicea serâ gerit.* Autumnus denique per feminam caput vuis ornatum habentem, atque vuis circumseptam repræsentatur hac inscriptione: *Calcatis sordidus vuis.* Hiems autem per senem ad ignem sedentem, & calefacientem significatur hac inscriptione: *Canos hirsuta capillos.* Hæc de vasis amplioris Bibliothecæ Vaticanæ fenestris, Nunc reliquum est, vt ad eiusdem Bibliothecæ cameras Cappellis Pontificijs, Concilijs, Historijs, atque Emblematis ornatas accedamus.

DE CAPPELLIS PONTIFICIIS A SIXTO V. INNOVATIS,

*quæ in duobus Cubiculis formicatis Bibliotheca
annexis, representantur.*



EODIN CUBICULO, quod ad Theatrum, siue ad Meridiem vergit, quattuor Cappellæ Pontificiæ in fornice depictæ representantur, hoc est, sancti Ioannis in Laterano, sancti Pauli, sanctæ Sabinæ, & sancti Laurentij.

In altero, quod Septentrionem spectat, totidem cernuntur Cappellæ, hoc est, sanctæ Mariæ Maioris ad Præsep, sanctæ Crucis in Hierusalem, sanctæ Mariæ de Populo, & sanctorum duodecim Apostolorum.

*Ex cõstitu-
tione 24.
Bullarij
Sixti V.*

*S. Leo in
ser. S. Gre-
gor. li. 40.
hom. 10. 2.
Innoc. 3.
in serm.*

Horum autē locorū pars maior Cappellis Pontificijs antiquitus decorabatur, præsertim vero per Summos Pontifices, quos ob eximiã vitæ sanctitatem, rerumq. gestarū gloriã magnos nō immerito appellamus, Leonē videlicet, & Gregoriū, quorū sermones diuina quadã spiritus eloquentia pleni inter Missarum sollempnia ad Populum habiti hanc rem aperte declarant. Hinc Sixtus V. vt sanctam, & vetustam summorum Pontificum consuetudinem innouaret, quas narrauimus Pontificias Cappellas in pristinum ritum reuocauit, easq. in Basilicis, certisq. almæ Vrbs Ecclesijs, Dominicis videlicet Quadragesimæ, & Aduetus, alijsq. statis sollempnibus diebus ac festiuitatibus celebrandas mandauit. Vt autē huius generis innouatio pateat clarius, Cappellas, quæ inter Missarū sollempnia celebrari solent, hoc ordine recensere mihi visum est.

DE CAPPELLIS ADVENTVS.



EN ADVENTV, Dominica prima ad sanctum Laurentium: Secunda, ad sanctum Ioannem in Laterano: Tertia, ad sanctam Crucem in Hierusalem: Quarta, ad sanctum Paulum. In Natali Domini, ad sanctam Mariam Maiorem, ad Præsep Domini, more antiquis-

antiquissimo. In Circumcisione Domini, ad sanctam Mariam de Populo. In Epiphania, ad sanctum Petrum. In festo item die Purificationis in Cappella Palatina, vbi a summo Pontifice Candelæ benedictæ distribuuntur.

DE CAPPELLIS QVADRAGESIMÆ, ET PASCHATIS.

IN die Cinerum Cappella celebratur in Ecclesia sanctæ Sabinae, vbi Cineres a summo Pontifice sollemniter benedicti super capita ad poenitentiam, mortisque restitutionem sparguntur. Dominica prima Quadragesimæ ob magnam ad sancti Sebastiani Ecclesiam ab Vrbe distantiam, locique angustiam Cappella celebratur in Ecclesia sanctæ Mariæ de Populo nuncupata, vniuersæ Urbis deuotione percelebri, & loci amplitudine, necnon commoditate non parum opportuna. Quibus item de causis Christi fidelium commoditati consultum, decretumque fuit, vt eadem Ecclesia sanctæ Mariæ de Populo, pro sancti Sebastiani Ecclesia visitari possit, cum septem, aut nouem Ecclesiis de more visitantur: Dominica secunda, Cappella celebratur in Ecclesia S. Pauli: Tertia, in Ecclesia S. Laurentij extra muros: Quarta, in Ecclesia S. Crucis in Hierusalem: Quinta, in Ecclesia S. Mariæ Maioris: Dominica Palmarum in Basilica S. Petri. Feriæ quartæ, quintæ, & sextæ Maioris hebdomadæ Matutina, necnon Feriæ quintæ, & sextæ, ac Sabbati sancti in Cappella Palatina celebrantur. Dominica Paschatis, in Basilica S. Ioannis in Laterano, vbi Populo sollemniter a summo Pontifice benedictio datur. Die secunda & tertia Paschatis in Cappella Palatina Missa celebratur. Sabbato item in albis, in quo cuiuscumque Pontificatus anno primo, deinde singulo quoque septennio Agnus Dei consecratur, ac distribuuntur.

DE CAPPELLIS POST PASCHA IN FESTIS MOBILIBVS.

IN ASCENSIONE Domini, quo etiam die Romanus Pontifex populo sollemniter benedicit, & in die Perceostes, atque in die omnium Sanctorum Pontificiæ Cappellæ celebrantur in Basilica S. Petri. Commemoratio autem omnium

omnium fidelium defunctorum celebratur in Cappella Palatina :
In die item Festo sacratissimi Corporis Christi in Cappella
Palatina Missa celebratur, sitq. processio Pontificalis.

DE CAPPELLIS FESTORVM IMMOBILIVM.

IN ASSUMPTIONE Beatæ Mariæ Virginis ad sanctam Mariam Maiorem, de more : ubi dotes pro maritandis puellis ex instituto Sixti V. distribuuntur. In eiusdem Natiuitate ad sanctam Mariam de Populo. In Inuentione sanctæ Crucis ad sanctam Crucem in Hierusalem. In Natali sancti Petri, in Basilica Vaticana eiusdem. In Conuersione sancti Pauli, in eiusdem Basilica. In Natali sancti Ioannis Baptistæ in Basilica Lateranensi. In die Festo sancti Laurentij Martyris in eiusdem Basilica extra muros. In Annunciatione B. Virginis in Ecclesia sanctæ Mariæ supra Mineruam, ubi etiâ dotes pro maritandis puellis de more distribuuntur.

Ceteris festis, sollempnibusq. diebus diuina officia in Cappella Palatii Apostolici de more celebrantur. Hæc de Pontificijs Cappellis: nunc reliquum est, vt occidentalium Conciliorum, quæ in Cubiculis Bibliothecæ maiori annexis depicta cernuntur, declarationem aggrediamur.

DE CONCILIIS OCCIDENTALIBVS

in Bibliotheca Vaticana depictis.

De Concilio Generali Lateranensi primo.

3. Anton.
par. 3. tit.
27. §. 20.

CONCILIIS Orientalibus octo ad Bibliothecæ Vaticanæ dextram per Pictores representatis, & qua fieri potuit, breuitate ac facilitate declaratis, ita vero, vt per pictoriam artem inibi representata, atque alia, etiam absentes percipere queant; nunc reliquum est, vt Concilia totidem Occidentalia in alijs Cameris Bibliothecæ maiori

maiori annexis depicta explicantur. Vt igitur a dextra exordiamur parte, Synodorum ordine id postulante, Concilium Lateranense Generale primum se se offert declarandum circa annum Domini 1159. celebratum, cui præsens adfuit Alexander huius nominis III. qui olim Federici Imperatoris iram & imperum fugiens abdidit se Venetias, quem deinde cognitum, & a Senatu perhonorifice susceptum Othone Imperatoris filio nauali prælio a Venetis victo, captoq. Federicus supplex adorauit, & ad eius pedes proculutus excommunicationis absolutionem obtinuit, obedientiam pollicitus, cum prius fuerit eum persequutus, & quattuor schismaticorum Pontificum fouerit seditiones, quibus Romana Ecclesia mirum in modum fuit perturbata, & afflicta, Guelphorum, & Gibellinorum sectarum tempestate.

General.
11.

Blon. l. 1.
dec. 2. O.
Plat. 1. 1.

Genebr. &
Onuphr. 66
Plat.

Hoc in Concilio, quod post quattuor schismaticos Pontifices ex hac luce sublato, celebratum esse credendum est, Lex salutaris, ut ait Genebrardus, de duabus suffragiorum tertijs Cardinalium sancita fuit, ne tempus in posterum huius generis schisma de summo Pontifice eligendo suboriri posset. Præsedit autem in hac Synodo summus ipse Pontifex Alexander, ut videre est ad dexteram Concilij partem, recentiq. Episcopi tam Orientales, quam Occidentales interfuerunt pro moribus tam laicorum, quam ecclesiasticorum reformandis, necnon Vaudensibus, & Catharis damnandis, torneamentisq. prohibendis, ut ad dextrum Concilij angulum cernere licet, ubi mirus huius generis ludi apparatus cernitur, viro edictum manu gestante, torneamenti. ducem alloquente. Ex hac parte Palatium Lateranense, ex altera vero Roma, Tyberinumq. flumen repræsentantur. Hæretici vero, qui hoc in Concilio damnati fuerunt, seu pauperes Lugdunenses, Vaudenses dicti sunt a quodam diuite Vualdone Lugdunensi, qui opibus relictis, pauperibusq. erogatis, Euangelicam paupertatem simulans, multosq. sub huiusmodi velamine impios errores adumbrans quosdam libros vulgari maternaq. lingua, cum idiota esset, sanctorum dictis, ac testimonijs extortis sibi conscribi curauit: suoq. inflatus spiritu munus Apostolicum prædicando usurpauit. Cathari autem dicti sunt quasi puri propter munditiam, & puritatem, quam arrogantissime, & falso

Genebr. li.
bro 4. anno
Christi
1178.

Blon. l. 1.
dec. 2. O.
Plat. 1. 1.

Ioh. 1.

August. li.
de her. c.
40. 10. d.

quidem ostentabant, dicentes se sine peccato esse contra illud Iohannis: Si dixerimus quod peccatum non habemus, nos ipsos seducimus, & veritas in nobis non est. Hinc omittebant illud orationis Dominicæ: *Dimitte nobis debita nostra*. Hosce hæreticos S. P. Augustinus in Manichæos, in Macarios, & in Catharistas distinguit. Inscriptio autem ad vniuersam huius Concilij picturā pertinens in hanc legitur verborū formā:

*Alexandro III. Pont. Federico I. Imp.
Vnaldenses & Cathari hæretici damnantur,
Laicorum & Clericorum mores
ad veterem disciplinam restituantur.
Torneamenta vetantur.*

Sext. de
creal. Ex-
traug. si-
tu. 9. cap.
unico.

Torneamenta hoc in libro intelliguntur exercitia illa armorum vsus representantia, vnde, vt plurimum, cædes, vel grauius vulnera reportantur: quæ si pro viribus tantum humanis experiendis, vel pro armorum vsu addiscendo fierent, ita vero, vt vitæ corporis, animæque periculum eis non inesset, licita forent, & ab Ecclesia prohibita non fuissent, cuiusmodi sunt hastiludia, ludus Troianus, siue cannarum vel virgarum, quibus equites tecti clypeis ludere solent, & cetera id genus alia, quæ adhibito moderamine, quod cædes, & alia discrimina cauentur, illicita non existimantur, sed potius permittuntur. Hinc pugnans in torneamento illicito, reus homicidij, & irregularis iudicatur, si quis in eo etiam fortuito inter pugnantem vel extra pugnantium cœtum occidatur. interfectus autem inter pugnantes, nec non ille, qui etiam non pugnandi causa accessit, sepultura Ecclesiæ priuatus iudicatur. Hinc mirum non est, si prima huius generis torneamēta illicita vententur, cum sine animæ discrimine exerceri non queant. Hæc de Concilio Lateranensi Generali primo, eiusque Inscriptione.

DE CONCILIO II. LATERANENSI OECUMENICO,

*& duodecimo Generali, omniumq. Conciliorum
celeberrimo.*



CONCILIVM hoc Oecumenicum XII. & Lateranense II. circa annum Domini 1215. celebratum, omnium, quæ vmquam fuerint, in vniuersa Europa, vel Ecclesia, extitit celeberrimum. Nam præter Romanum Pontificem, Innocentium huius nominis III.

*Sanctus
Ant. par.
3. tit. 19.
cap. 1. §. 6.
Aemil. lib.
5.
Blon. lib.
6. dec. 2. in
fine.
Plat. in ui
ra Innoc.
Syr. 10. 3.
Concil.
Genebr. li.
bro 3. anno
Christi
1215.*

qui Concilio præfuit, ex quattuor orbis terrarum nobilissimis Patriarchis duo hac in Synodo interfuerunt, Constantinopolitanus scilicet, & Hierosolymitanus: Antiochenensis enim excusatione morbi legitima, sacerdotes legatos & sanctos misit: Alexandrinus autem ab Aegyptiis ire veritus ex suis misit Oratores. Archiepiscopi tum Græci, tum Latini septuaginta: Episcopi quadringenti, Abbates duodecim, sacrorum Cœnobiiorum primores octingenti confedere. Fuerunt denique in vniuersum Patres 1285. vel 1300. vt placet Antonino Archiepiscopo Florentino, qui mille & tercentum Episcopos huic Synodo interfuisse ait, Episcopos pro Prælatiis, iureq. suffragij ferendi in Concilio insignitos vsurpans. Græci item & Romani Imperij Legati, Regumq. Franciæ, Hispaniæ, Angliæ, Hierusalem, & Cypri oratores interfuerunt.

Hoc in Concilio damnatus fuit libellus, quem edidit Abbas Ioachim contra Petrum Lombardum, Magistrum sententiarum de vnitatis essentia, siue de essentia sanctissimæ Trinitatis. Magister enim in libro primo sententiarum dixit: Quædam summa res est, Pater, Filius, & Spiritus sanctus, & illa non est generans, nec genita, nec procedens. Hæc Magister. Ex quibus verbis, Abbas Ioachim huiusmodi doctrinam haud recte percipiens, quaternitatem colligebat: & quartam in diuinis rem adstruebat, huiusq. generis errorem & notam Magistro impingebat. Hinc damnata Ioachim doctrina, super quam dictum errorem Magistro Sententiarum

*Mag. sent.
lib. 1. Dist.
5.*

De sum-
ma Trin-
cap. Fir-
miter.

falso adscriptum fundabat, approbata est hæc Magistri doctrina, hunc scilicet in modum: Quædam summa res est, incomprehensibilis quidem & ineffabilis, quæ veraciter est Pater, & Filius, & Spiritus sanctus, tres simul personæ, quarum quælibet est illa summa res nõ generans, non genita, nec procedens: sed Pater est qui generat: Filius qui gignitur: Spiritus sanctus qui procedit: distinctiones enim sunt in personis, & vnitas in essentia, vel in substantia, & in natura. Alius namque est Pater, alius Filius, alius Spiritus sanctus quantum ad distinctionem personarum, non tamen aliud: sed in essentia, & natura vniuersa Trinitas omnino idem: tresq. personæ illæ diuinæ consubstantiales dicuntur, & sunt.

Hoc itē in Concilio de confessione auriculari singulo quoque anno facienda, & Eucharistia in Paschate recipienda, deq. consecrationis verbis sanctiones fuerūt acclamatae, & promulgatae: bellumq. sacrum, quod Cruciatam appellamus, de Hierosolyma recuperanda decretum fuit, cruce signatis institutis. Hinc summus Pontifex Innocentius in subsellio pontificio assidens duos viros ad eius pedes prouolutos cruce signatorum duces instituere, Concilio vniuerso spectante, conspiciatur. Huius Concilij Inscriptio in hanc legitur verborum formā:

*Innocentio III. Pont. Federico II. Imp. Abbatis
Ioachim errores damnantur. Bellum sacrum de
Hierosolyma recuperanda decernitur.
Crucesignati instituuntur.*

Bren. die
4. Octob.

Ad læuam huius Concilij partem sanctus Franciscus Ecclesiam Lateranensem humeris sustinere cernitur. Hic enim Romam venit, vt sui ordinis regulam ab Apostolica sedē confirmandam curaret, sed ab Innocentio III. reiectus est. Hunc autem idem Innocentius, cum in somnis postea isdem Franciscus, quem repulerat, collabentem Lateranensem Basilicam suis humeris sustinere sibi visus esset, conquisitum accersiri iussit, benigneq. accipiens, omnem eius institutorum rationem confirmauit. Quare huius generis historia tam insignis ad Basilicam Lateranensem, in qua Synodus

aus ipsa celebrata fuit, & ad eundem Pontificem pertinens; hoc in loco repræsentatur, ut Inscriptio, quæ infra legitur, aperte docet hunc in modum:

*Innocentio III. Pontifici per quietem S. Franciscus
Ecclesiam Lateranensem humeris sus-
tinere visus est.*

Ad eiusdem Concilij dextram sanctus Dominicus flagellum manu gestans conspicitur: Hic enim sanctus, quamvis sui ordinis confirmationem ab Innocentio III. in Concilio Lateranensi, ad quod cum Episcopo Tholosano iuerat, non acceperit, sed eiusdem Pontificis hortatu ad suos pro regula sibi deligenda remearit, & ab Honorio III. Sancti Augustini Regula suscepta, ordinis Prædicatorum confirmationem impetrarit, hoc tamen in loco repræsentatur, propterea quod eius consilio, & opera Simon ille Illustrissimus, & Christianissimus Comes a monte Forti pugnam contra Albigeneses suscepit: quo in prælio centum millia hæreticorum ab octo millibus Catholicis fusa, & interfecta fuisse perhibentur: ex quibus, cum multi capti essent, centum & octoginta fuerunt concremati hæresim abiurare renuentes. In huiusmodi hæreticæ prauitatis extirpatione, & in prædicationis officio, a quo prædicatorij ordinis nomen desumptum est, sanctus Dominicus annos circiter decem ijs in partibus adlaborauit. Inscriptio dictam contra Albigeneses pugnam indicans, in hanc verborum legitur formam:

*S. Dominico suadente contra Albigeneses hereticos
Simon Comes Montiforten. pugnam suscipit,
egregieq. conficit.*

Et quoniam Innocentij III. virtutem & doctrinam Beatorum Virorum; Francisci videlicet, ac Dominici sanctitas non parum adiuuit, hinc iure quidem vnus & item alter hoc in Concilio tamquam Ecclesiæ Catholicæ propugnacula, & fulcimenta repræsentantur.

DE CONCILIO LVGDVNENSI P R I M O, ET GENERALI XIII.

To. 3. Cœc.
Anton. 3.
par. ti. 19.
cap. 5. §. 1.
C. 2.

Platina
vita In-
noc. 4.
Genebr. li.
4. Chron.
Aemil. lib.
7.
Vinc. lib.
32. Spe.
hist.



VGDVNENSE primum Concilium, & Generale XIII. Lugduni, Ciuitate celeberrima, totiusq. Galliæ celticæ olim emporio, in colle supra confluentem Rhodani, & Araris imminente: nunc vero in plano sita, magna sui parte Rhodano & Arari fluminibus inclusa, circa annum Domini 1245. missis per orbem terrarum nuncijs, celebratum fuit sub Innocentio IIII. primo Anagninæ Pontifice, qui præsens adfuit Concilio, in quo Federicum II. Imperatorem, qui pacem inter Ecclesiam, & Imperium initam non semel violauit, Cardinalesq. sanctæ Romanæ Ecclesiæ, ceterosq. Prælatos & Clericos ad Concilium proficiscentes carceri mancipauit, regnumq. Siciliæ, beati Petri patrimonium in scelestissimam, ac tyrannicam seruitutem redegit, hæresisq. vehementi suspitione laborauit, Federicum, inquam, rogatum prius & admonitum per Cardinales Legatos, deinde ad Concilium per nuncios accersitum, eoq. proficisci renuentem, excommunicatum, omniq. honore ac dignitate priuatum adiudicauit, adiudicatumq. promulgauit, & Ecclesiæ hostem declarauit, atque ad electores Imperij de nouo eligendo Imperatore scripsit.

Ex Vinc.
lib. 30. c.
143, et An-
ton. 3. par.
ubi supra.

Hoc in Concilio interfuerunt omnes sanctæ Romanæ Ecclesiæ Cardinales, alijq. prælati, necnon Ludouicus Rex Francorum offerens sese, suumq. regnum in Ecclesiæ, ac summi Pontificis defensionem, vt ad læuam huius Concilij videre est. Ad dexteram vero Innocentius IIII. subsellio pontificio insidens pileo rubro Cardinales decorare cernitur: nam ad illam vsque diem huius generis galerum gestare amplissimus ille Senatus non consueuit. Quæ res vsum tandem obtinuit, & iure quidem, non solum vt maior illustrissimo illi ordini accederet maiestas, sicut res ipsa postulat, sed vt huiusmodi argumento admoneantur Cardinales oportere pro Christiana

Christiana religione se semper paratos esse discrimini, & sanguinem effundere, si opus foret. Cardinales enim sunt Consiliarij summi Pontificis, Templi Dei bases, clarissima Ecclesiæ lumina, & columnina, veriq. cardines figurati in ijs Sacra scripturæ verbis: Domini enim sunt cardines terræ, & posuit super eos orbem. Quam sententiam Ostiensis ille Doctor egregius ad sanctæ Romanæ Ecclesiæ Cardinales perpulchre transtulit dicens: Sicut ostium regitur cardine, ita & Ecclesia Romana consilio regitur Cardinalium: quia etiam per septuaginta illos viros senes, populi magistros, eiusq. onus secum sustentantes, & per illos Sacerdotes Leuitici generis consiliarios figurati sunt. Hi autem in primitiua Ecclesia ad pium ministerium instituti nonnumquā presbyteri, quandoque vero in quacumque Ecclesia principales Sacerdotes, seu Episcopi dicebātur Cardinales, idest principales: vt apud Gregorium Magnum videre licet: qui primates Ecclesiæ cuiuscumque etiam Episcopos frequenter Sacerdotes Cardinales appellat, quibus instar septuaginta illorum senum onus populi in veteri testamento sustentantium, ad Leuitici generis Sacerdotum, animarum cura, spe retributionis futuræ, committebatur. Quod autem principio prorsus oneri fuit, summo tandem, nec immerito quidem, & oneri atque honori etiam esse cœpit, quando scilicet illi in administranda Republica Christiana Pontifici semper præsto adesse cœperunt, atque ita vt inter contētionēs Imperatorum, ac populi Romani de Pontifice creando nō semel subortas, auctoritatem, & prærogatiuam ipsius Pontificis eligendi sibi iure compararint. Hinc ijs paulatim non solum potestas, sed decus etiam & ornamentum, quod ad habitum pertinet, paulatim accessit, præsertim vero vbi primum ab Innocentio III. sancitum fuit, vt equo deinceps insidentes rubro vterentur galero: posita vero a Paulo II. Veneto veste coccinea, cucullo insigni, hoc est, Lacerna, quam sic veteres appellant, donati fuerunt, eoque huius generis habitum non habentes. Vnde Cardinalis nomen ita celebre paulatim redditum fuit, ita denique hic ordo supremus, tantoq. incremento auctus euasit, vt solus sit vniuersæ Reipublicæ Christianæ Senatus.

Hæc de Pilco rubro, & purpurea veste, quibus Cardinales

non

1. Reg. 2.

Num. 11.

Deut.

Greg. li. 2.

Epist. epist.

79. Ep. epist.

21. Ep. lib.

2. epist. 25.

Et Can. 7.

q. 1. Pastoralis.

Anno Chri

sti. 1245.

vol. 50.

Genebr. li.
4. Chron.
anno Chri
sti 1245.

Vinc. Spe.
hist. lib.
31. cap. 2.
Anton. 3.
par. xi. 19.
s. 2. §. 3.

quo Cardinalis
Concordantias
rubro.

Anton. 3.
par. ubi su
pra. et Six.
san. lib. 4.
Bibl.

non immerito decorati sunt, vt in hoc Concilio videre est : in quo etiam de recuperanda Terra sancta sancitum fuit, Sancto Ludouico Francorum Rege, quintæ expeditionis Duce creato, qui cruce signatus, et in Asiam cum exercitu profectus, quinto post anno in Galliam remeauit.

Nec silentio prætereundum esse censeo, Innocentium I I I I. inter alia et permulta quidem a se gesta, immortalitateq. dignissima, nuncios ex ordine Prædicatorum ad Tartaros misisse pro ijs ad fidem conuertendis. Hic etiam Pontifex Petrum Martyrem ex eodem ordine sanctorum cathologo adscripsit, compluresq. Cardinales, viros sane egregios, creauit, præsertim vero Hugonem, ordinis ite Prædicatorum, primū Cardinalem, virū omni probitate ornatum, ac doctissimum, qui vniuersam scripturam sacram quadruplici sensu explanauit, et in Psalmos luculentissimum edidit commentarium, Bibliorumq. indicem, quem Concordantias vocant, laboriosissimum sane, et immensi tædij, ac temporis opus, sacrarumq. litterarum studiosis magnopere necessarium, primus excogitasse, excogitatumq. promulgasse, perhibetur : qui etiam in Germaniam ad Imperij electores legatus missus est pro nouo eligendo Imperatore, Federico I I. dignitate imperatoria priuato, et huic Concilio Lugdunensi primo interfuisse creditur. Summus autem Pontifex Innocentius multis rebus gestis clarus Perusij ex hac luce decessit. Inscriptio, quæ huius Concilij res præcipuas exponit, in hanc legitur verborum formam :

Innocentio I I I I. Pont. Max. Imp. Federicus I I.

hostis Ecclesia declaratur, imperioq. priuatur.

De Terra sancta recuperatione constituitur :

Hierosolymitana expeditionis Dux Ludouicus Francorum Rex designatur :

Galero rubro, & purpura Cardinales donantur.

DE CONCILIO LVGDVNENSI
S E C V N D O,
ET G E N E R A L I X I I I I.



CONCILIVM Lugdunense II. & Generale
XIIII. celebratum fuit Lugduni circa an-
num Domini 1272. Episcoporum 500. Abba-
tum 60. aliorumq. minorum Prælatorum, ac
Sacerdotum fere mille, præfide Romano Pon-
tificæ Gregorio X. Placentino, qui fuit creatus

*S. Ant. 3.
par. ii. 10.
20. cap. 2.*

Pontifex, dum in Syria legationis munereungebatur, et Vi-
terbij coronatus. Hic Conclauē, et eundem fere in eligendo
Pontifice modum, qui nunc obseruatur, et alia ad Conclauē
pertinentia decreuit: nam ad illud vsque tempus Cardinales
in Conclauē haudquaquam recludebantur, sed summo ma-
ne singulis diebus, si Romæ erant, in Laterano: vel in Basilica
sancti Petri, aut alibi, prout occasio se se offerebat; si autem
extra Urbem, in Ecclesia Cathedrali illius loci, in quo mora-
bantur, vna conueniebant, non secus atque hac tempestate
fieri solet, dum congregatio habenda est.

*Donat.
Onuph.
Pann. &
Petri, Ma-
turus in
Chron.
S. Ant. 3.
par. ii. 20.
cap. 2.*

Concilium hoc pro Terra sancta recuperanda coactum
fuit, necnon contra Græcos de processione Spiritus sancti a
Filio: declaratum enim, definitumq. fuit, Spiritum sanctum
ab æterno a Patre, et Filio, nō tamquam ex duobus principiis,
sed tamquam ex vno principio: non duabus spirationibus,
sed vnica spiratione procedere: damnatiq. sunt sub anathe-
matis vinculo, qui aliter fenserint, seu aliter asserere ausi
fuerint. Hinc in ipso Concilio Articulus de processione Spi-
ritus sancti a Patre, et Filio, dum sollempnis fiebat lustratio, La-
tine, atque Græce decantatus est. Quare ad dexteram huius
Concilij per Pictorem repræsentati verba hæc Latinis figuris,
notisq. musicis conscripta leguntur:

*In 6. De-
cretal. de
sum. Trin.
& fide Ca-
thol. lib. 2.
tit. 1.*

Qui a Patre, Filioq. procedit.

Dd Ad

Ad læuam autem verba hæc Græca idem sonantia notis
item musicis insignita leguntur in hanc verborum formam:

ΤΟ ΠΝΕΥΜΑ ΤΟ ΑΓΙΟΝ ΕΚ ΤΟΥ ΠΑΤΡΟΣ,
ΚΑΙ ΤΟΥ ΥΙΟΥ ΕΚΠΟΡΕΤΕΤΑΙ.

Id eousque, & ad hanc vsque diem professæ prædicauit, & docuit sacrosancta Romana Ecclesia, mater omnium fidelium, & magistra. Hoc item habet orthodoxorum patrum atque doctorum tum Latinorum, tum etiam Græcorum incommutabilis, ac vera sententia sicut in eodem Concilio definitum fuit. Sunt qui velint Græcorum Imperatorem, Michaelem Palæologum, & Tartarorum Regem huic Concilio interfuisse, sicut pictura ipsa monet: Imperatorisq. auctoritate vnionem, siue concordiam vtriusque Ecclesiæ, nonnullis tamen repugnantibus Græcis, initam fuisse affirmant. Huius generis vnionem siue concordiam per pictores representatam ad dexteram huius Concilij partem videre est: vbi duæ mulieres se inuicem salutantes cernuntur, indumentis Ecclesiasticis indutæ: quarum vna Ecclesiam Latinam, altera vero Græcā satis clare demonstrant, si vtriusque indumenta recte conspiciantur. Inscriptio vero hanc historiam declarans hunc in modum legitur:

*Gregorio X. Pont. Græci ad sanctæ Ecclesiæ
Romanæ vnionem redeunt.*

Hinc Michael Palæologus Imperator, vt ait Nicephorus, Romanæ & Catholicæ Ecclesiæ fidem ac ritus recipere renuentes varijs multauit modis, bonorum videlicet publicationibus, relegationibus, carceribus, excæcationibus, flagris, mutilationibus, et id genus alijs poenis. Quare Becus, Patriarcha Constantinopolitanus excellentis plane ingenij, ac doctrinæ vir, Imperatoris edicto de processione Spiritus sancti non obtemperans, seu potius aduersans, in teterrimos carceres, vt idem Nicephorus ait, coniectus fuit: at deinceps resistens, mutata sententia, pristina dignitati restitutus, ab intimis Imperatoris consilijs efficitur, atque ita, vt sine eius consilio nil penitus gereretur.

Non

Non defunt tamen qui affirmant, non Imperatorem, sed eius Legatos huic Synodo interfuisse: quæ quidem sententia verior existimatur, vt aperte colligitur ex Epistola eiusdem Gregorij X. ad eundem Imperatorem eiusq. Filium missa, in qua eis de vnione ab ipsis Legatis inita gratulatur.

Ex 48. C8
cil. Et ex
Registro.
Ex Guill.
Nang. Et
Nicephor.
Greg. li. 5.
Et Genes.
lib. 4. Chro
ni. 1272.

Ad eandem Concilij dextram Sanctum Bonauenturam Cardinalem ex ordine Minorum Cathedræ insidentem, nec non eiusdem instituti Fratres ad inferiorem partem assidentes, & cum Græcis de processione Spiritus sancti disputantes videre est. Inscriptio ad hanc historiam pertinens, hæc est:

In hoc Concilio S. Bonauentura egregia virtutum officia Ecclesiæ Dei præstitit.

Sanctus item Thomas Doctor angelicus Neapoli degens ad hoc Concilium a Gregorio X. fuit accersitus: sed in itinere faciundo aduersa valetudine impeditus in Monasterio Fossæ nouæ ordinis Cisterciensis, non procul a Terracina, & prope Pipernum castrum, ad duo milliaria, permansit, vbi Cantica canticorum explanauit, ac tandem inibi ex hac luce decessit.

3. Ant. 9.
par. ti. 20.
cap. 2. &
Bren. Ro-
man. die
7. Martij.

Huic etiam concilio inter alios viros insignes præsens adfuit Frater Hieronymus Minorita Asculanus, qui fuit Nicolaus Papa huius nominis IIII. Hic Regem Tartarorum baptizandum ad Concilium duxit, vt videre licet ad huius Concilij læuam, vbi Rex ipse sollempni, & Ecclesiastica pompa baptismum suscipere cernitur, sicut Inscriptio docet, quæ hunc in modum legitur:

Rex Tartarorum sollempniter baptizatur.

Sunt tamen qui dicant non Tartarorum Regem, sed eius Nuncios huic Synodo interfuisse: quorum vnū a Petro Ostiensi Episcopo sollempni pompa baptizatum esse affirmant.

Ex Affie
Concil.

Hoc item in Concilio cernere est Gregorium X. subscellio Pontificio insidentem, & Regem Tartarorum humi prouolutum, summiq. Pontificis pedes exosculantem, quem prope

Dd 2 Frater

Frater Hieronymus, de quo sermonem habuimus, ad stare cernitur, ipsumque Regem eo duxisse representatur. Inscriptio, quæ infra est, in hanc legitur verborum formam:

*Tartarorum Rex a Fratre Hieronymo ordinis
Minorum ad Concilium perducitur:*

Nec a re nostra alienum fore hoc loco duximus, si qua de Fratre Hieronymo, quem hac in Inscriptione videmus nominatum, dicamus. Ut autem quod pollicemur, tum exactius tum brevius præstare possimus, Epitaphium luculentum, quod in eius sepulchro statuis marmoris insignito incisum legitur, hic apponendum censui: hac enim Inscriptione, & eiusdem Fratris Hieronymi laudes, & Sixti V. qui monumentum ipsum nobilissimum in Ecclesia S. Mariæ Maioris ædificandum curauit, animi ingenuitatem amplectemur. Epitaphium in hanc legitur verborum formam:

NICOLAVS IIII. Ordinem Minorum professus, Philosophus, & Theologus egregius Constantinopolim a GREGORIO X. missus, Græcos ad R. E. communionem, Tartaros ad fidem reduxit. Post S. Bonaventuram Generalis, sanctitate, & doctrina Ord. propagavit. NICOLAI III. nuncius inter Francorum, & Castellæ Reges pacem conciliavit. Sanctæ Potentianæ Cardinalis, Legatus HONORII IV. in Galliam, Senatoriam P. R. dignitatem sedi Apostolicæ restituit. Factus Pontifex Remp. sublati discordiis composuit, Christianos Principes sacro fœdere iunxit, Ptolemaidem copijs adiunxit. Flaminiam in Pontificis iterum ditionem redegit. Publicum in monte Pessulano Gymnasium restituit. Probo, & eruditos in cognatorum loco tantum habuit. Lateranen. & hanc Basilicam structuris, & opibus auxit. Tandem Insuper, & Religione orbem terræ moderatus magna sanctitatis opinione obijt prid. Non. Aprilis. M. C. C. XCII. Pontificatus sui Anno V.

DE CONCILIO VIENNENSI

XV. GENERALI.



VIENNENSE Concilium Generale XV. Viennæ, quæ est Austriæ Metropolis, Vrbs incluta, omniumq. Vrbiū, quas Danubius sustinet, & ædium magnificentia, & rerum copia clarissima, celebratū fuit circa ann. Dom. 1311. sub Alberto I. Imperatore, & sub Clemente huius nominis V. Hic natione Vascō, dum erat Archiepiscopus Burdegalenſis (nam Cardinalis, Burdegala degebat) summus Pontifex absens creatus Perusia, & Lugduni a Cardinalibus coronatus, Rege Gallia, Rege Angliæ, ac Rege Tarraconensi, vel Aragoniæ præsentibus, sedem Pontificiam ab Vrbe Roma, Auenionem circa ann. humanæ salutis 1305. tranſtulit: sed eam Gregorius XI. post ann. 70. Romam anno Dom. 1376. reduxit.

Sunt qui velint huic Concilio interfuisse Philippum IV. cognomento pulchrum Francorum Regem, eiusq. filium primogenitum, Ludouicum scilicet Hutinum dictum Nauarra tunc Regem, & Philippi fratrem Karolum Valois comitem, vt ex vita Clementis V. manuscripta constat.

Huic Concilio summus præſedit Pontifex: præſentes autem adſuerunt duo Patriarchæ, Alexandrinus scilicet, & Antiochenus, Episcopi 300. aliq. Patres permulti contra Saracenos pro Terra sancta recuperanda, necnon contra Templarios hæreticos, quibus condemnatis, eorum instituti redditus in alias sacrorum ordinum familias fuerunt distributi: & quasi dato a summo Pontifice signo e Concilio Viennensi ob nefanda quædam scelera, prauasq. opiniones ad Religionem pertinentes, vniuersus eorum ordo deletus fuit. Rex Armeniæ Regno renunciat, & in Ordinem sancti Francisci seſe abdidit.

Hoc in Concilio Festum Sacramenti corporis Christi ab Urbano IIII. institutum, cuius officium cum hymno & prosa S. Thomas edidit, & ab eodem Urbano in præmium,

Ex Plin.
lib. 3. cap.
24.

S. Ant. 3.
par. 1. 2.
cap. 1.

Præsolus

Plat. &
Palm. 10.
3. conc.
Ex Geneb.
lib. 4. Chro
ni. 1311.

S. Anton.
ubi supra.
Onuphr. 15
Blon. dec.
3. lib. 9.
Trithemius.

Et Geneb.
li. 4. Chro
nic. 1311.

Polid Virgil. lib. 6.
cap. 8.

colum-

Præse-
luti, & Ge-
nebr. ubi
supra.

columnam argenteam accepit, confirmatum fuit, lustratioq. ipsa, qua corpus Christi sanctissimum in ferulū Feriā V. post Octauam Pentecostes ferri solet, centum fere post annis Papiæ initium sumpsit, & in hoc item Concilio fuisse instituta, atque inde ad reliquas Occidentis partes manasse perhibetur.

Eodem in Concilio Clericorum mores reformati sunt, decretumq. fuit, vt honestis donarentur stipendijs qui in primarijs Europæ Academijs, Hebraicam, Chaldaicam, Græcam, & Arabicam linguam publice profitentes docerent, vt fides catholica apud omnes Nationes propagaretur. Constitutiones item, quæ Clementinæ a Clemente ipso Pontifice editæ, & ab eiusdem Pontificis nomine dictæ, approbatæ fuerunt, sicut innuere videntur quattuor illi Viri, qui libros manu gestantes in terram prouoluti, pontificiamq. benedictionem postulantes hoc in Concilio representati cernuntur. Quæ quidem fere omnia Inscriptiones, quæ infra leguntur, hisce verbis comprehendunt:

Clemente. V. Pontifice Clementinarum decretalium constitutionum Codex promulgatur.

Processio sollemnitatis corporis Domini instituitur.

Hebraica, Chaldaica, Arabica, & Græca linguarum studium propagandæ fidei ergo in nobilissimis quattuor Europæ Academijs instituitur.

Hæc in Camera præter quattuor Concilia penicillo inibi representata, Palatium Lateranense nouum & vetus depicta cernuntur: quorum alterum ad læuam, alterum ad dexteram videre est. De his in Emblemate 6. sermonem habuimus. Nunc reliquum est, vt ad alia Concilia, quæ in altera camera representantur, accedamus.

DE CONCILIO FLORENTINO
XVIII. GENERALI,

Quod Græci octauam Synodum vocant.



FLORENTINVM Concilium Generale XVIII. celebratum est primùm Ferrariæ, quæ est Ciuitas admodum nobilis a Pado flumine in Italia circumpadana dicta. Attamen inibi inchoatum, propter ingruentem pestem absolui non potuit: hinc ab Eugenio IIII. translatum est Florentiam, Ciuitatem in Hetruria clarissimam, quæ olim Fluentia, quod ad Arni fluenta extructa sit, dicta: & Fluentini illic Populi, Catoni & Plinio, qui nunc Florentini nomine magis auspicato vocantur, vt Politianus in quadã scribit epistola, nuncupabãtur. Nunc autẽ Florentia dicitur, & vere Florentissima vocitari potest, non solũ ob mercaturã, militiãq. peritiam, variarumq. disciplinarũ cognitionem, ingeniorumq. nobilitatem, atque ædificiorum præstantiam, verum etiam ob miram Ferdinandi Medicei magni Ducis magnanimitatem, qua tota Hetruria & Florẽtia præsertim exultat, & gloriatur: de qua nunc illud paronomasticum non immerito dici valet:

Florida florenti floret Florentia flore.

Florentinum igitur Concilium Ferrariæ inchoatum, Florentiæ absolutum est, cui Eugenius IIII. præsedit anno Domini 1438. sub Sigismundo Imperatore, præsentibus Iosepho Constantinopolitano Patriarcha, qui Florentiæ obiit, & Ioanne Paleologo Orientis Imperatore, necnõ Cardinalibus, multisq. Episcopis tum Græcis, tum Latinis, Abbatibus, Monachis, & Crucesignatis.

Hoc in Concilio primùm inter Græcos, & Latinos disputatum fuit de processione Spiritus sancti, definitumq. fuit, explicationem verborum illam, *Filiusq. procedit*, veritatis declarandæ causa in Concilio Lugdunensi II. urgente necessitate, & rationabiliter quidem in Symbolo fuisse appositam. Secundo de igne Purgatorii. Tertio de Papæ primatu. Quarto de Christi corpore in azymo, siue fermentato veraciter confi,

Genebr. li.
4. Chron.
1438.
Et Prælat.
lus.

conficiendo : sacerdotesq. in altero ipsum Domini corpus conficere debere , vnumquemque scilicet iuxta suæ Ecclesiæ siue Occidentalis, siue Orientalis consuetudinem . Quinto de panis transubstantiatione in Eucharistiæ sacramento . Græca tandem Ecclesia cum Romana conuenit : Armeniq. & Indi sacramentum Confirmationis recipientes vnitatem fidei reintegrarunt , vt Inscriptio , quæ infra legitur, in hanc verborum formulam docet :

*Genes. lib.
4. Chron.
1438.
Et Præter
hui.*

*Eugenio IIII. Pontifice, Græci, Armeni, Aethyopes
ad fidei vnitatem redeunt.*

*Sess. 10.
Ferr. 10.3.*

Sed quoniam Bessarion Trapezuntius, Archiepiscopus Nicænus, & Isidorus Archiepiscopus Thessalonicensis, doctissimi Græcorū in Latinis perinde ac Græcis litteris hoc in Concilio concordia Ecclesiæ vtriusque fuerunt Auctores, in Cardinalium collegium cooptati sunt .

Hoc in Concilio sanctorum Thomæ Aquinatis, & Bonaventuræ doctrina non semel citatur, & laudatur .

Nec silentio prætereundum censeo quod Iosepho Constantinopolitano Patriarchæ accidit . Hic enim , dum vltima sessio agebatur , post cœnam in penetrale domus scribendi causa sese recipiens, tremore, atque animi languore affectus subita morte occubuit . Quo in transitu pro suæ fidei catholicæ testimonio reliquit chirographum, in quo Pontificem Romanum, tamquam verum Iesu Christi Vicarium, & sancti Petri successorem in vniuerso orbe tenere primatum, animarumq. Purgatorium esse confessus est : quæ omnia ad illud vsque tempus fuerat inficiatus . Hinc vnus ad læuam, alter vero ad dextram Concilij cernuntur in suggesto : quorum alter Concilij decreta , alter vero Confessionem Iosephi Archiepiscopi Constantinopolitani de igne Purgatorii, deq. primatu Petri scriptis mandatam promulgare representantur .

DE CONCILIO XIX. OECVMENICO, ET LATERANENSI III.



LATERANENSE III. Generale & XIX. Oecumenicum contra Concilium Pisanum a Maximiliano I. Imperatore, & Ludouico Rege, & a quibusdam Cardinalibus contra Iulium II. Papam coactū, ab eodem Iulio indictum fuit, & non solum contra dictum Conciliabulum, sed etiam contra Turcas, & pro Ecclesiæ reformatione, nec non pro pace inter Principes Christianos componenda institutum, & inchoatum, circa annum Domini 1513. eiusdemq. Iulij II. morte interruptum, continuatum vero, & absolutum a Leone X. Florentino ex familia Medicea. Hoc in Concilio præsentēs adfuerunt Maximilianus Imperator, & Franciscus Rex Galliarum: quibus turcicum bellum commissum est, sicut duæ docent Inscriptiones, quarum altera ad læuam, altera ad dextram Concilij hisce leguntur verbis:

*Genchy. li.
4. Chron.
1522.*

Iulio II. & Leone X. Pont. Max. bellum contra Turcam, qui Syriam, & Aegyptum, proxime Sultano victo, occuparat, decernitur.

Maximilianus Caesar, & Franciscus Rex Galliarum bello Turcico Duces præficiuntur.

DE CONCILIO TRIDENTINO GENERALI XX. ET OECVMENICO.



TRIDENTINVM Concilium, & vltimum Generale Tridenti, in Vrbe ad Athesin sita, in Italiæ, & Germaniæ cōfinibus coactū, & in postremo Bibliothecæ loco, seruato temporum ordine, depictum, fusiolem, exactioremq. postulat declarationem, cum ætate nostra fuerit celebratum.

Ec Concilium

Concilium hoc contra Lutheranos, Zuinglianos, & Calu-
nistas sub Paulo I I I. qui sedit ad ann. 15. indictum fuit anno
Dom. 1542. 11. Kal. Iunij anno sui Pontificatus VIII. & anno
1545. inchoatū die 13. mensis Decembris: deinde sub Iulio III.
qui sedit annos 5. mensem 1. dies 10. Deinde sub Marcello I I.
qui sedit dies 28. Deinde sub Paulo IIII. qui sedit annos circi-
ter V. Sed sub Marcello ob suā ipsius mortē, & sub Paulo IIII.
ob bellum nihil actū fuit. Postremo sub Pio IIII. qui sedit an-
nos 5. mēses 5. absoluta, & acclamata est anno Domini 1564.
26. Ianuarij die S. Policarpi ab eodem confirmata, cum iam
diu, multumq. ab vniuersis fidelibus fuisset desiderata.

Hoc autem conciliū non vno tantū in loco celebratum est:
nam primo idem Pont. Paulus III. anno sui Pont. III. & anno
Dom. 1537. pro concilio celebrando Mantuā locum aptum
designauit, & indixit. Sed ob aliquas pactiones sibi propositas
a cōditione temporum, ac sedis Apostolicæ, nominisq. Eccle-
siastici dignitate, atque libertate prorsus alienas consilium
mutauit, & concilium prorogauit ob infestationem, & inua-
sionem Turcarum in Italiæ littoribus subortam.

Anno vero 1538. Vincentiam urbem copiosam a Venetis con-
cessam elegit: & Genuæ indiictionis litterę promulgatę fuerūt
4. Kal. Iulij, sed ob dilationem Patrum, qui Vincentiam ituri
erant, conciliū 1539. ad summi Pontificis arbitriū suspensum
fuit. Sed 1542. tandem aliquando idem Paulus III. Tridentū
locum commodum, & liberum, omnibusq. Nationibus op-
portunum elegit, & anno 1543. incipiendum, & prosequen-
dum promulgauit. Prima autem sessio 1545. inchoata est
13. die Mensis Decembris Tridenti, Christo Salvatore nostro
adspirante: Apostolicæ sedis Legatis præsidentibus, Ioanne
Maria Cardin. Episcopo Prænestino: & Marcello Præsbytero
Card. S. Crucis: & Reginaldo Polo Anglo Diac. Card. sub
Karolo V. & Ferdinando Imp.

Hac in ciuitate Tridentina septē sessiones celebratę sunt.
Deinde notis de causis, accedente etiam sedis Apostolicæ au-
thoritate conciliū Bononiam veluti ad locum magis paratū,
salubrem, & idoneum, et pro securitate vitæ ipsorum Præla-
torum translatus est: et 1547. die 21. Aprilis Sessio nona Bo-
noniæ celebrata est sub eodem Paulo I I I. Decima vero sub

eadem

eodem Pontifice, eodemq. loco, die 2. Iunii eiusdem anni.

Verum 1551. Kalendis Maij Tridenti, quo Iulius III. Concilium reuocauit, Præsidentibus Sebastiano Archiepiscopo Si-
pontino, et Aloysio Episcopo Veronensi Nuncijs Apostolicis,
tam eorum proprio, quàm Card. Marcelli de Crescentijs, Tit.
S. Marcelli, Legati absentis nomine ob aduersam valetudinē,
Sessio XI. celebrata est, vsque ad xvi. Sessionem inclusiue, in
qua 1552. die 28. Aprilis ob nouos in propinquis Germaniæ
locis tumultus excitatos, et bellum in Italia, et Gallia subor-
tum, et grauissimum quidem, suspensum fuit concilium.

Pius autem IIII. anno sui Pontificatus primo 1560. Ka-
lendis Decemb. Conciliū Tridenti resumendum promulga-
uit: et 17. Sessio 1562. die 18. Ian. Cathedræ Romanæ B. Petri
Apostolorū principis cōsecrato fuit inchoata, quæ cū reliquis
ad 25. et vltimam Sess. vsque, Tridenti celebrata est: et 1563.
Synodus absoluta fuit, maxima bonorum omnium expecta-
tione, vniuersaq. Christianæ Reipublicæ tanta vtilitate,
quanta verbis vix vmquam explicari posset, et clausum est
Concilium per Ioan. Moronum, per Stanislaum Hosium, Lu-
douicum Simonettam, et Bernardum Nauagerium Card. Le-
gatos: nā Card. Altaemps itē legatus, et Pij IIII. ex sorore Ne-
pos, honestissimis, et grauissimis quidem de causis decesserat.

Relatio autem facta fuit per Ioannem Moronum, et Lu-
douicum Simonettā legatos. Nauagerius enim ob aduersam
valetudinē aberat. Cardinalis vero Mantuæ 2. Martij, et Card.
Seripandus ordinis Erem. S. Augustini, item legati 17. eius-
dem mensis ex hac vita decesserant 1563. Decretis autē Con-
cilij subscripserunt CCLV. Patres, hoc est Legati quattuor,
Hosius Varmienfis, Simonetta, Moronus, et Nauagerius. Car-
dinales item duo non Legati, Madrutius, et Lotharingus, per
quem fuit facta acclamatio. Patriarchæ III. Archiepiscopi
xxv. Episcopi CLXVIII. Abbates VII. Procuratores ab-
sentium xxxix. Generales ordinum VII.

Hoc in Concilio decretum est de Symbolo fidei. De Ca-
nonicis scripturis: de editione, & vsu sacrorum librorum,
& præsertim de Bibliorum Vulgata editione quàm mē-
dantissime imprimenda in Sess. 4. Et de Indice librorum, et
Catechismo edendis, et de Breuiario, atque Missali refor-

*De Biblijs
sess. 4.
De indic.
Catech.
Breu. &
Miss. sess.
25. in fi.*

Ec 2 mandis,

mandis, vt in Sess. 25. videre licet: et horū quattuor sub Pio V. facta sunt: Biblia vero sacra Vulgatæ editionis ad eiusdē Concilij Tridentini præscriptum emendata, & a Sixto V. Pont. Max. recognita, & approbata 1590. in lucē prodierunt. Decretum est de peccato originali: de iustificatione: et de Septem Sacramentis: de Purgatorio, et Indulgētijs. Hinc multa in Ecclesia Dei restaurata, declarata, & reformata sunt: & innumera rerum materiæ pertractatæ, & explicatæ fuerunt in honorem, & exaltationem catholicæ fidei, & animarum salutem.

Legati, qui ad Sacrosanctam æcumenicam Tridentinam Synodum conuenerunt sub Pio 1111. a principio vsque ad finem, qui fuit die iij. Decemb. M. D. LXXIII.

- + **H**ERCULES Gonzaga S. R. E. Presb. Card. tituli Sanctæ Mariæ nouæ, Mantuanus, obiit Tridenti, die secunda Martij 1563. & sepultus est Mantuæ.
- + Hieronymus Scripandus S. R. E. Presb. Card. tituli S. Sufannæ, Neapolitanus, obiit Tridenti die 17. Martij 1563. & ibi sepultus in Ecclesia S. Marci ordinis Fratrum Eremitarum S. August. quorum olim fuerat Generalis.
- + Stanislaus Hosius S. R. E. Presb. Card. tituli Sanctæ Mariæ trans Tyberim, Polonus, Vuarmienfis.
- + Ludouicus Simonetta S. R. E. Presb. Card. tit. S. Cyriaci in Thermis, Mediolanen.
- Marcus Siticus S. R. E. Diaconus Card. Basilicæ duodecim Apostolorum de Altaemps, Germanus.
- + Ioannes Moronus S. R. E. Card. Episcopus Prænестinus, Mediolanēsis, in demortui Cardinalis de Mantua locū missus.
- + Bernardus Nauagerius S. R. E. Presb. Card. tituli Sancti Nicolai inter Imagines, Venerus, in demortui Cardinalis Scripandi locum.

Cardinales non legati.

- + **K**AROLVS a Lotharingia S. R. E. Presbyter Cardinalis, tituli Sancti Apollinaris, Princeps, & Archiepiscopus Rhemenfis, Gallus.
- Ludouicus Madrutius S. R. E. Diaconus Cardinalis Electus, Episcopus Tridentinus, Germanus.

Numerus

*Numerus Prælatorum cuiusque Nationis, qui ad æcumenicam
Tridentinam Synodum conuenere.*

Prælati. —	Itali.	187	Per Procuratores.	2
	Galli.	26	Per Procuratores.	1
	Germani.	2	Per Procuratores.	4
	Hispani.	31	Per Procuratores.	4
	Lusitani.	3		
	Græci.	6		
	Poloni.	2		
	Hungari.	2		
	Angli.	1		
	Hiberni.	3		
	Flandri.	2		
	Croati.	1		
	Morauī.	1		
	Illyrici.	3		

Fuerunt in uniuersum Prælati 281.

INDEX ORATIONVM, & Concionum habitarum ad patres Concilij Tri- dentini Sub Pio IIII. Pont. Max.

*Ex impresso Brixie anno 1562. iussu Hieronymi Card. Seripandi,
Ordinis Eremitarum Sancti Augustini.*

ORATIONES ANNO M. D. LXI.

- Nou. 30. **O**RATIONEM habuit ad Patres Synodi, Reue-
rendus Pater Camillus Papiensis, in Dominica
prima Aduentus Domini.
- Dec. 7. R. Maximianus Cremenſis, Ordin. minorum, nunc
Episcopus Clodiensis, in Dominica II. Aduen.
14. R. Eugenius Pisarenſis Ordin. S. Augustini, in Do-
minica III. Aduentus.
21. R. Laurentius Venetus, in Dom. IIII. Aduentus.
26. R. Io. Franc. Lombardus Neap. in festo S. Stephani.
Dec. 27.

- Dec. 27. R. Cæſar Ferrantius Sueſſanus, in feſto S. Ioannis.
 28. R. Paulus Tridentinus, in feſto ſanctorum Innocent.

A N N O M. D. LXII.

- Jan. 1. R. Iulius Gabrieliuſ Eugubinuſ, in feſto S. Circun-
 ciſionis Ieſu Chriſti Domini noſtri.
 6. R. Stephanuſ Aretinuſ, in feſto Epiphaniæ.
 19. R. Archiepiſcopuſ Rheginuſ in inchoatione, vt vo-
 cant, ſacroſancti Concilij.
 Feb. 9. Illuſt. Orator Sereniſ. Regiſ Luſitanæ.
 11. R. Simon Florentinuſ, in feria IIII. Cinerum.
 15. R. Henricuſ Luſitanuſ, in Dom. I. Quadageſimæ.
 22. R. Generaliſ Ordin. Minorum Obſeruan. in Dom. II.
 24. R. Epiſcopuſ Quinqu eccleſienſiſ, Orator Caſa-
 reæ Maieſtatiſ.
 26. R. Archiepiſcopuſ Corcyrenſiſ, in 2. Seſſione Patrū.
 Mar. 1. R. Angeluſ Venetuſ, Ord. S. Auguſtini, in Dom. III.
 8. R. Theodoruſ Mantuanuſ, in Dominica IIII.
 12. R. Auguſtinuſ Hiſpanuſ, Abbas Congregationiſ
 Caſinēſiſ, in feſto S. Gregorij Magni, ac Pont. Max.
 15. R. Stephanuſ Aretinuſ, in Dominica V. quæ dicitur
 de Paſſione.
 16. Illuſtriſ. Orator Regiſ Catholici.
 18. Magnificuſ Orator Excellentiſ. Ducis Florentiæ.
 20. Magnificuſ Orator Heluetiorum Catholicorum.
 27. R. Ioan. Fonſeca Hiſpanuſ, in die Paraſceueſ.
 Apr. 6. R. Epiſcopuſ Tinninienſiſ, Orator pro Clero Hun-
 gariæ.
 25. Clariſ. Orator Ducis Venetorum.
 Mai. 7. R. Taddæuſ Peruſinuſ Ordin. Erem. S. Auguſtini, in
 feſto Aſcenſionis Dominicæ: qui poſtea eiſdem
 Ordiniſ fuit Generaliſ.
 14. R. Epiſcopuſ ſanctæ Agathæ, in 3. Seſſione.
 17. R. Petruſ Fauoniuſ Iuſtinopolitanuſ, in die Pentec.
 24. R. P. Fontidoniuſ Hiſpanuſ, in feſto S. Trinitatiſ.
 26. Illuſtriſ. Orator Chriſtianiſ. Regiſ Galliarum.
 Iun. 4. R. Epiſcopuſ Famaguſtanuſ, in 4. Seſſione.
 27. Excellen. Orator Illuſtriſ. & Excellen. Ducis Bauarię.
 Iul. 16.

- Iul. 16. R. Episcopus Tinniniensis in 5. Sessione.
 Aug. 3. R. Procuratores Reuerendiss. Episcopi Basilcensis, &
 Ratisponensis, eodem die habuerunt Orationes.
 Sept. 17. R. Episcopus Vigintimiliensis, in 6. sessione.
 Octo. 23. R. Episcopus Præmisiensis, Orator Sereniss. Regis
 Poloniæ.
 Nou. 1. R. Franciscus Orantes Hispanus, in festo omnium
 Sanctorum.

CONCIONVM INDEX.

*Omnes istæ Conciones habita sunt vulgari, seu patrio sermone;
 exceptis tribus, nimirum concione Patij,
 Morgati, & Fontidony.*

A N N O M. D. LXI.

- Mai. 15. R. Episcopus Veronensis in festo Ascensionis, con-
 cionem habuit coram Patribus Synodi.
 Iul. 25. R. Episcopus Leriensis, in festo S. Iacobi Apostoli.
 Aug. 28. R. Ambrosius Veronensis, Ordinis sancti Augustini,
 Prior sancti Marci, in festo sancti Augustini.
 Nou. 1. R. Sixtus Cremonensis Canonicus Regularis in festo
 Omnium Sanctorum. Hic etiam aliam ha-
 buit Concionem, die 3. Decemb. pro S. Iubilei
 promulgatione.
 23. R. Angelus Venerus, Ordin. Carmelitarum, in Do-
 minica vltima post Pentecosten.

A N N O M. D. LXII.

- Ian. 11. R. Archiepiscopus Panormitanus in Dominica in-
 fra Oct. Epiph.
 20. R. Episcopus Cohimbriensis, in festo S. Sebastiani.
 25. R. Archiepiscopus Panormitanus, in Dominica Se-
 ptuagesimæ.
 Feb. 1. R. Episcopus Acciensis, in Dominica Sexagesimæ.
 8. R. Eugenius Pifaurensis, Ordin. sancti Augustini, in
 Dominica Quinquagesimæ. Qui per totum Qua-
 dragessimæ tempus in Ecclesia Cathedrali, docte,
 & ad

& ad ædificationem concionatus est.

Mar. 11. R. Archiepiscopus Panormitanus, in feria quarta post quartam Dominicam Quadragesimæ, quæ die legitur Euangelium de cæco nato.

Apr. 12. R. Didacus Paiuius, Dominica secunda post Pascha.
19. R. Camillus Papiensis Dominica tertia.

26. R. Aloysius à Burgo nouo, Dominica quarta.

Maij. 3. R. Antonius Ilcinenfis, Dominica quinta.

10. R. Alexius Fiuizanius Ordin. sancti Augustini, in Dominica infra octauam Ascensionis.

31. R. Siluester Mantuanus Ord. Carmel. in Dominica prima post octauam Pentecostes, quæ est Dominica secunda.

Iun. 7. R. Amans Brixienfis in Dominica tertia.

14. R. Petrus Morgatus, in Dominica quarta.

21. R. Aurelius de Scyo, in Dominica quinta.

28. R. Angelus a Petriolo Ordin. min. de obseruantia, in Dominica sexta.

Iul. 19. R. Bartholomæus Pergulensis Ord. min. in Dom. ix. etenim in Domin. vii. & viii. non sunt habitæ Conciones, sicut nec in Dom. xl. xx. xxiii. xxv.

25. R. Alphonsus Salmeronius Iesuita, in festo S. Iacobi, obiit Neap. die 13. Februarij. 1585.

26. R. Simon Florentinus in Dominica decima.

Aug. 5. R. Episcopus Veglensis, in festo S. Dominici.

9. R. Laurentius Venetus in Dominica xii.

16. R. P. Martyr Vincentinus Ord. Præd. in Dom. xiii.

23. R. Bonifacius Ragusinus Ordin. min. de obseruan. in Dominica xiiii.

28. R. Episcopus Segobricensis, in festo S. Aug.

30. R. Lainez Generalis Iesuitarum in Dominica xv.

Sept. 6. R. M. Antonius de Lugo Ord. min. in Domin. xvi.

13. R. Angelus Venetus Ord. S. Augustini, in Dom. xvii.

20. R. Theodorus Mantuanus in Dominica xviii.

28. R. Stephanus Aretinus in Dominica xix.

30. R. Petrus Fontidonius in festo S. Hieronymi.

Oct. 4. R. Archiepiscopus Panormitanus in festo S. Franc.

11. R. Aurelius a Corinaldo Ordin. S. Aug. in Dom. xxi.

R. Hier.

18. R. Hier. Pistorienſis Ord. Capucinatorū in Dom. xxii.
 25. R. Cherubinū a Caſſia Ord. S. Aug. deinde Episc.
 Teleſij, in Dominica xxxii. quinquageſima.
 Nou. 8. R. Vincentius Meſſanenſis Ord. min. obſeruan. in
 Octaua Sanctorum omnium.
 15. R. Antonius de Mondulfo Ord. S. Aug. in Dom. xxvi.
 22. R. Franciſchinus Viſdom. Ferrarienſis, Ord. min. in
 Dominica xxxii. & vltima.

A N N O M. D. L X I I I.

- Mar. 28. R. Stephanus Bonucius Ord. ſeruorum in Dom. Paſſ.
 Apr. 9. R. Antoñ. Democares Gallus in die Paraſceues.
 Maij. 2. R. Baſilius Piſanus Dominicanus in Dominica iiii.
 poſt Paſca.
 9. R. Alphoñſus Salmeronus Ieſuita in Dom. v.
 16. R. Andreas Mandula Ord. min. in Dom. v. i.
 20. R. Iacobus a Paſſa Luſitanus in die Aſcenſ.
 27. R. Aegidius Volaterranus Ord. S. Aug. in Dom. vii.
 30. R. Ludouicus Ioannes Villeta in die Peñtecoſtes,
 hac die Miſſam celebrauit Patriarcha Venetiariū.
 Iun. 6. R. Oron Scipius Hiſp. in Dom. Trinitatis.
 13. R. Paulus Ferrariēſis min. obſer. in Dom. iii. poſt Pent.
 27. R. Deſiderius de S. Martino Carmelita in Dom. iiii.
 29. R. Villalpanus Hiſp. in die SS. Apoſt. Petri & Pauli.
 Iul. 11. R. Ioan. Bapt. Cremenſis in Dom. v. i.
 15. R. Episcopus Aliphanus in Seſſ. 7. de ordiñe. habuit
 Orationem, & Miſſam celebrauit Episc. Pariſienſis.
 18. Et idē Episcopus 18. Iulij habuit concionē Hiſpanice.
 Aug. 1. R. Io. Fauentinus Ord. min. in Dom. ix. habuit conc.
 5. R. Episc. Lancian. Dominicanus habuit concionem
 in die S. Dominici.
 8. R. Simon Patauus ord. S. Aug. habuit cōc. in Dom. x.
 15. R. Steph. Facinus Carmelita habuit concionem in
 die Aſſumpt. in Dom. xi.
 22. R. And. de S. Bernardo ſeruita habuit conc. Dom. xii.
 29. R. Deſiderius Veron. Dominicanus in Dom. xiii.
 Sept. 5. R. Ioan. Franciſcus Vincentinus Minorum, obſeru.
 habuit concionem in Dom. xiiii.

117. R. Franciscinus Visdom. Ord. min. habuit concionem in die Natiuitatis B. Virg.

12. R. qui supra in Dom. xiv. habuit concionem.

118. R. And. Volaterranus ord. S. Aug. hab. conc. Do. xvi.

26. R. Lucretius Asolanus Carmel. hab. conc. Dom. xvii.

Oct. 30. R. Hieron. Pat. seruita habuit conc. Dom. xviii.

119. R. Franciscinus Visdom. ord. min. habuit concionem in die S. Francisci.

10. R. Bonifacius Mantuanus Ord. predic. habuit concionem in Dominica xix.

117. 17. R. Ioan. Ant. Bosetus min. obseru. hab. conc. Dom. xx.

24. R. Franciscinus Visdom. Ord. min. hab. conc. Do. xxi.

Nou. 1. R. Petrus sumel Hisp. habuit orationem in die omni. Sanct. & Missam celebrauit Episcopus Lucerinus.

7. R. Hier. Venetus Carmelita habuit conc. Dom. xxii.

11. R. Episcopus Atrebatensis in Sess. 8. de Matrimonio habuit orationem, & Missam celebrauit R. Episcopus Trifanensis.

117. 14. R. Alexander Scadianus Seruita. hab. conc. Do. xxiii.

121. R. Don Alphonfus Salmeronus Iesuita habuit concionem in die Presenti B. Virg.

123. R. Franciscus Forerius Dominicanus habuit orationem in Dom. r. Aduen. & hic fuit secretarius Congregationis Indicis librorum prohibitorum: hac in Dom. Missam celebrauit Episcopus Nemausensis.

Dec. 3. Missam celebrauit Episcopus Sulmonensis, & die sequenti fuit continuata sessio, & Missam celebrauit Episcopus Catihensium Neapolitanus.

12. Episcopus Nazianzenus, & coadiutor Famagustanus habuit orationem: & Dei gratia impositus est finis Sacro Concilio Tridentino.

Hac de ijs, qui in Concilio Tridentino Orationes, & Conciones habuerunt, ex cathalogo iussu Cardinalis Seripandi Legati collecto, cui accesserunt qui post eiusdem Legati obitum orandi, & conuocandi munere in eodem Concilio functi sunt: ex quibus, ut dictum est, postremam Orationem, in qua summam omnia, quae in eodem Concilio definita sunt, ad pie credendum, & ad bene viuendum pertineant, habuit 4.

die Decembris 1563. Hieronymus Ragazonus Venetus Episcopus Naziazenus, & coadiutor Hamagustanus. Nomina vero, cognomina, patrias, ac dignitates Prælatorum omnium, Oratorum, ac Theologorum, qui ad hanc Synodum concuerunt, videlicet ex Concilio Tridentino Venetijs in Officina Ziletti impresso, in quo cathalogus oratorum, & concionatorum desideratur. Quæ autem in depicto Concilio cernuntur Inscriptiones, quæ sunt: quarum una ad dextram, altera ad levam in hanc leguntur verborum formam:

Paulo III. Julio III. Pio IIII. Pontificibus Lutherani, & alij hæretici damnantur.

Cleri, Populiq. disciplina ad pristinos mores restituntur.

DE DVABVS BIBLIOTHECAE CAMERIS QVAS SECRETIORES VOCANT.

BAMERAE, quas secretiores vocant, in selectionum codicum usum concinnatae infra: deambulatorium illud celeberrimum, quod Galatiam vulgo appellat, Bibliotheca ampliori annexæ duæ sunt: quarum fornices stemmatis gentilitijs Sixti V. & Ecclesiæ insignibus, variarumq. rerum Symbolis, aligerisq. puerulis, idq. genus alijs ornamentis, Inscriptionibusq. varia eiusdæ Pontificis gesta exprimētibz insigniti cernuntur, sicut quæque suo loco infra videre est.

DE SEX INSCRIPTIONIBVS quæ in fornice leguntur.

INSCRIPTIONE I.
INSCRIPTION, quæ primam cameram ingredientis, & fornici inuenienti, primo sese offert, reformationem ad mores, necnon ad ritus Ecclesiæ antiquioris,

quioris, siue ad Ecclesiæ dignitatis sanctiones pertinentes breuiter comprehendit in hanc verborum formulam: *quod*

Ecclesiam pristino suo splendori restituit.

DE INSCRIPTIONE II.

Altera, quæ sequitur, Inscriptio grandem pecuniæ summam Sixti V. parsimonia, frugalitateq. pontificia ceterisq. laudabilibus industrijs comparatam, & in Arcem Sancti Angeli repositam patefacit: ad quinque enim decies cetera numerum aureorum millia ad hanc usque diem, Quinto scilicet sui Pontificatus anno omnium admiratione congegit, & tamquam sacrum Ecclesiæ Romanæ peculium dicto in loco seposuit, ita vero, vt nullo vmquam tempore nisi in quibusdam præscriptis casibus, certa q. desuper seruata forma depromi queant, vt in diplomate ad hanc rem pertinente videri potest. Inscriptio legitur hisce verbis:

Grandem pecuniam in Ecclesiæ ararium retulit.

DE INSCRIPTIONE III.

Tertia Inscriptio; Typographiam Vaticanam ab eodem Pontifice institutam ad sanctorum Patrum opera restituenda, catholicamq. disciplinam toto terrarum orbe propagandam præferre videtur in hanc verborum formam:

*Sanctorum Patrum monumenta
typis fideliter excudenda mandauit.*

DE INSCRIPTIONE IIII.

Quarta, quæ sequitur, Inscriptio ingentem indicat curâ, & vere Pontificiâ; quâ Sixtus V. toto suscepit conatu pro Biblijs Vulgatæ editionis emendandis, & imprimendis iuxta Concilij Tridentini præscriptû. Quâ in re præstandâ tot ac tantos die noctuq. perpeffus est labores, quantos vnquâ verbis explicare nemo posset, vt mihi persuadeo; qui huius generis labores re ipsa videns non semel tamquam oculatus testis obstupui.

Vniuersa

Ex Bulla.
rio Sixti
V. Diplom.
31. & in
alijs.

31. 4.

Vniuersa enim Biblia, antequam prælo committerentur, ad verbum perlegit, etiam si quotidie in omnes totius Christiani orbis curas, & grauissimas quidem totus incumberet, & in dies singulos, res sane pias, & heroicas, ac Pontifice dignas produceret. Sacrosanctam igitur paginam perlegit vniuersam, & emendauit, atque ita, vt omnes sacri Codices, iuxta eiusdem Concilij Decretum, cum omnibus suis partibus legantur, prout in Ecclesia Catholica legi consueuerunt, & in veteri vulgata Latina editione habentur. Nec eo contentus, vniuersa item Biblia sic emendata, & recentè impressa de integro perlegit, vt omnia fideliter recognita in lucem prodirent. Quam rem Inscriptio, quæ infra legitur, a pertis hisce verbis breuiter patefacit:

Sacram Paginam ex Concilio Tridentini præscripto, quam emendatissimam diuulgari mandauit.

DE INSCRIPTIONE V.

Quinta Inscriptio, Lauretani oppidi ex prouincia Piceni, in ciuitatem sublimationem, eiusq. collegiatæ Ecclesiæ in Cathedralem, & Episcopalem Ecclesiam erectionem paucis complectitur verbis: Nam Sixtus V. Anno incarnationis Dominicæ 1585. 16. Kal. Aprilis, anno sui Pontificatus primo, Apostolicæ potestatis plenitudine ad fidei orthodoxæ exaltationem, necnon ad fidelium Christi profectum, huiusmodi fauoribus dictum oppidum cohonestauit, ob sacrum domicilium illud ac toto terrarum orbe celeberrimum, diuinis mysterijs consecratum, Angelorumq. ministerio illuc translatum, deinde a Christi fidelibus ex omnibus mundi partibus deuotionis, & peregrinationis causa visitatum, ac tot tantisque miraculis illustratum, in quo beata Maria semper Virgo nata fuit, & ibidem ab Angelo salutata Saluatorem mundi Spiritu sancto concepit. Huic autem Cathedrali, & Episcopali Ecclesiæ, Archipresbyteratu etiam, ceterisque dignitatibus & emolumentis insignitæ duo scutorum millia pro dote summus Pontifex concessit, ac pro diocesi ciuitatem Recanatensem (quæ tamen ciuitatis nomen, titulum, & priuilegia

Ex Bulla-
rio Sixti
V. Diplom.
94.

uilegia non amisit) Castrum item Ficardi, & sanctæ Mariæ in Cassiano, & Montisluponi, dictorumq. territoria assignauit: Ius vero patronatus ad præsentandum Archipresbyterum, quotiescunque occasio sese offeret, familiæ suæ Peretta reseruauit, & concessit.

Decreuit interea idem Sixtus, ad maiorem loci amplitudinem, insignioremq. ciuitatis formam, vt ciuitas ipsa Lauretana muris cingeretur, et singula quæque Piceni Communitas domum sibi in ea construeret. Id quod executioni mandatur. Inscriptio autem, quæ infra legitur, huius ciuitatis sublimationem & Ecclesiæ Cathedralis erectionem explicat hisce verbis:

Lauretum mœnibus cinxit, Ciuitatis iure, & Episcopali dignitate donauit.

In quarum item rerum testimonium ad frontispicium dictæ Ecclesiæ Lauretanæ, quæ sequuntur Inscriptiones marmore incisæ in hanc verborum hinc inde leguntur formam:

SIXTVS V. P. MAX. PICENVS
ECCLESIAM HANC EX COLLEGIATA
CATHEDRALEM CONSTITVIT

M. D. LXXXVI. PONT. I.

SIXTVS V. PONT. MAX. PICENVS
LAURETVM OPPIDVM EPISCOPALI
DIGNITATE ORNATVM
CIVITATIS IVRE DONAVIT

M. D. LXXXVI. PONT. I.

DE INSCRIPTIONE VI.

Sexta, et postrema fornicis Inscriptio breuiter comprehendit accessionē Breviario Romano factam ex eiusdem Sixti V. præcepto:

præcepto : propria enim sanctorum aliquot officia instituta sunt, hoc est, sancti Francisci de Paula, sancti Petri Martyris Ord. Prædicatorum, sancti Antonij de Padua, sancti Nicolai de Tolentino Ord. Erem. sancti Augustini, et SS. Ianuarij et sociorum, necnon sancti Didaci, quem in sanctorum numerum retulit, ab omnibus Ecclesiasticis, statutis diebus recitanda mandavit : Inscriptio hanc rem aperte docens hæc est :

*Breviarium Romanum proprijs sanctorum
aliquot officijs auxit.*

DE E M B L E M A T I S ET HISTORIIS

necnon Inscriptionibus, quæ ad parietes Bibliothecæ secretioris conspiciuntur.

EMBLEM A I.

De S. Bonaventura ad Doctoratum sublimato.



AD PARIETES, & ad cuiuscunque fenestræ fornicem secretioris Bibliothecæ hinc inde varia Emblemata, variæ historiæ, variæq. inscriptiones cernuntur : quorum omnium pars Sixti V. res gestas, altera vero præcipuorum sacrosanctæ Ecclesiæ Doctorum tam Græcorum quàm etiam Latinorum insigniora quædam acta representant. Primam secretioris Bibliothecæ cameram ingredienti a tergo introitus actio illa sese offert, qua Sixtus V. Romæ in Basilica SS. Duodecim Apostolorum sollemni pompa præsentibus Cardinalibus, & alijs Ecclesiæ Prælati S. Bonaventuram Ordin. Min. Card. & Episcopum Alban. in præcipuos & primarios Ecclesiæ Doctores retulit, atque inibi S. Bonaventuræ Collegiū instituit : ex cuius libris & commentarijs sacra Theologia

*Ex 2. par.
Bullarij
Sixti V.
Const. 10.*

Theologia publice explicatur. Inscriptio in hanc legitur verborum formam:

Dum Bonaventura eximios numerabitur inter

Doctores iussu maxime Sixte tuo,

Tu quoque Pontifices inter numerabere primos:

Quis scit an es maior fama futura tibi?

Tu facis, hic scripsit: tua grandia facta manebunt,

Ut Bonaventura grandia scripta manent.

Hac in Inscriptioe Blancus Sixtum V. cum sancto Bonaventura studet conferre per apostrophem ad ipsum Pontificem Maximum dicens, Sixtum V. in præcipuos & primarios Pontifices (quod ad gesta eorum pertinet) adscriptum iri, dum S. Bonaventuram inter præcipuos, & primarios Ecclesiæ Doctores. annumerandū decernit: immo dum amborū præstantiā, scriptorū scilicet, factorumq. vim ac difficultatem ponderare videtur, Sixti V. maiorem futuram esse famam autumat, inquiring hunc facere, scripsisse illum: quamvis enim illius grandia sint scripta, huius tamen grandia esse facta ait, quin & illis maiora innuit, si præclara ipsius Pontificis gesta (ijs tamen omiſſis, quæ pertinent ad sanctitatis rationem, pontificiamq. potestatem, qua maior in terris nulla est) diligenter spectentur. Hæc de Inscriptioe: nunc reliquum est, ut ceteras Inscriptioes soluta oratione confectas, necnon Emblemata distichis explicata exponamus.

DE SANCTO AMBROSIO

ECCLESIAE DOCTORE.



AD DEXTRAM primæ camerae, quam secretiorē appellant, supra coronam ad forniciem sanctus Ambrosius Episcopus Mediolanensis Ambrosij ciuis Romani filius tamquam Ecclesiæ Doctor scribendi actu cernitur. Infra vero coronam ad parietem repræsentatur actio illa, cū Theodosium

Imp.

Imp. propter cædem Thessalonica perperatam, ingressu Ecclesiæ prohibuit. Cui cum ille, David quoque Regem adulterum, & homicidam fuisse, dixisset, respondit Ambrosius: Qui secutus es errantem, sequere pœnitentem. Hinc Theodosius publicam sibi ab Ambrosio impositam pœnitentiam submisso animo egit. Sanctus item Ambrosius Maximum, qui Gravianum Imp. occiderat, pœnitentiam agere recusantem a fidelium communione tamquam legatus amouit. Hic denique Catholicam fidem, & Ecclesiasticam disciplinam acerrime defendens multos Arrianos, aliosq. hæreticos ad fidei veritatem conuertit, & clarissimum Ecclesiæ lumen, malleumq. hæreticorum S. Augustinum Iesu Christo peperit. Inscriptio autem, quæ infra legitur, historiam Theodosij Imperatoris superius enarratam complectitur hisce verbis:

*S. Ambrosius Theodosium Imp. propter cædem
Thessalonica factam Ecclesiæ limine prohibuit.*

E M B L E M A I I.

De Paludum pontinarum exsiccatione.



ANDEM camera partem supra fenestræ primæ coronam, siccatio paludum Pontinarum illa, præclarum scilicet opus vnde quaque laudandum, repræsentatur, hoc est, ingens planities, iuxta quam videre est Tarracinæ portum, & oppidum ipsum in paludes pronum supra mare in edito alperrimoq. loco situm. De paludibus hisce, ex quibus longitudine ad viginti, latitudine vero ad septem milliaria factus est Ager, nihil est quod verba hoc loco faciam: de ijs enim satis a me dictum esse reor, in Emblemate III. de Annona Vrbi, & Italiæ subministrata. Inscriptio, quæ ad Emblema, de quo hic agitur, pertinet, infra coronam ad fenestræ fornitem in hanc legitur verborum formam:

Pag. 12.

INSCRIPTIO EMBLEMATIS.

*Pominas Sixtus potuit siccare paludes,
Fontibus ut potuit sicca rigare loca.*

XQ

Gg

Eleganter,

Emblema
7. pag. 24.

Eleganter, & ingeniose quidem hoc disticho Blancus, inscriptionis auctor, paludum Pontinarum siccationem, aliorumq. locorum irrigationem per illam verborum antithesim mira carminis facilitate, & felicitate comprehendit, ac si dicere voluisset, Sixtum V. eadem providentia, & prudentia, ac pietate, animiq. ingenuitate ac magnificentia, Pontificiaq. liberalitate paludes, exsiccare potuisse: quibus virtutibus sane omnibus Quirinalem, & Exquilinum colles, ceteraq. loca, aquæ naturâ reluctante, rigauit, quin amplissimis ditavit fontibus. Vtrumque enim, siccatio scilicet & rigatio, providentiam, & prudentiam, ac pietatem, animi ingenuitatem, ac magnificentiam, Pontificiamq. denique liberalitatem præferre cernitur. De paludibus autem exsiccatis, & collibus irrigatis Emblema nuper citatum videre est. De hac ite re ingeniosum Epigramma iudicatum est illud, quod in aula sancti Ioannis in Laterano ab eodem Blanco editum in hanc verborum legitur formam:

Cynthius ut Sixtum vidit siccare paludes

Pallenti sales misit ab ore. sonos:

Sol suus est terris: quid ego mea lumina fundam?

Nam mihi nec licuit quod tibi Sixte licet.

Hoc Epigrammate lusu poetico Blancus, Solem ipsum ab altero sole, idest Sixto V. superatum fuisse ingeniose commentatus est, dicens, peculiarem in terris esse solem, qui siccare illud potuit, quod sibi non licuisse fatetur.

DE S. HIERONYMO ET S. THOMA ECCLESIAE DOCTORIBVS.



INTER primam & secundam fenestram S. Hieronymus, & S. Thomas Ecclesiæ Doctores ad cameræ fornicem depicti conspiciuntur: infra vero coronam ad parietem nonnulla notatu digna, & ad studiorum ratione pertinentia repræsentantur.

DE S. HIERONYMO.



LX ALTERA huius interfenestrii parte sanctus Hieronymus representatur, quando iuuenilem agens aetatem, prophanorum lectionibus nimirum addictus morbo, ac verberibus ministerio angelico fuit cruciatus. Hieronymus enim, ut ipse fatetur, lecturus Tullium, ieiunabat: post noctium crebras vigilias, post lacrymas, quas sibi praeceptorum recordatio peccatorum ex imis visceribus eruebat, Plautum sumebat in manus: si quando in semetipsum reuersus Prophetas legere coepisset, sermo tamquam incultus sibi horrebat: & quia caecis oculis lumen non videbat, non oculorum putabat culpam esse, sed solis. Hinc, Deo iubente, in tam grauem incidit febrem, ut moribundus videretur, cum subito raptus in spiritu, ad tribunal iudicis pertrahitur, & interrogatus de conditione, Christianum se esse respondit. Et ille, qui praesidebat, Mentiris, ait, Ciceronianus es, non Christianus: verberandumque ipsum tradidit, deinde eorum, qui astabant, precibus, veniam adolescentiae, errorique locum poenitentiae tribuens, eundem verberibus caesum, ac de prophanis codicibus tempus in posterum non legendis deiecerantem dimisit.

*Epist. 22.
ad Eustochium.
cap. 10. 1.*

Hac ex S. Hieronymi epistola ad Eustochium de custodia virginittis, & fere ad verbum. Quae omnia hisce praescriptis verbis affirmat dicens: Nec vero sopor ille fuerat, aut vana somnia, quibus saepe deludimur: testis est tribunal illud, ante quod iacui: testis, iudicium triste, quod timui: ita mihi nunquam contingat in talem incidere quaestionem. Liuentes factor habuisse scapulas, plagas sensisse post somnum, & tanto dehinc studio diuina legisse, quanto non ante mortalia. Haec Hieronymus ad verbum. Inscriptio hanc historiam breuiter complectens in hanc legitur verborum formam:

*Epist. 22.
to. 1.*

*S. Hieronymus ab Angelo per somnum verberibus
& casus a Ciceroniana lectione deterretur.*

DE S. THOMA AQUINATE.



EX ALTERA eiusdem interfestrestrij parte Sanctus Thomas, Doctor Angelicus supra cameræ coronam sinistra manu Ecclesiam gestans, dextra vero, qua scripsit, magnum luminis splendorem in eam ipsam Ecclesiam immittens: cernitur, ea fortasse ratione, qua splendidissimum Ecclesiæ lumen esse creditur ob suam ipsius Anglicam doctrinam, qua vniuersum Christianum orbem illustrauit. Hic enim in omni scientiarum genere optime versatus doctissima edidit scripta & permulta quidem, vt omnes norunt: scribendi autem, resq. difficiles explicandi facilitate adeo excelluit, vt hanc ob causam Doctoris Angelici nomen non immerito sit adeptus. Hinc Neapoli cum ad imaginem Crucifixi vehementius oraret (numquam enim lectioni, aut scriptioni absque præuia oratione operam dedit) hanc vocem audiuit: *Bene scripsisti de me Thoma*, sicut quæ infra legitur, docet Inscriptio:

Sancti Thomæ de Christo scripta a Christo crucifixo probantur.

E M B L E M A I I I.

De vniõne Christianæ Reipublicæ a Sixto V.

Pont. Max. conseruata.



ANDEM cameræ dextram supra fenestræ secundæ coronam Christianorum Principum, concordia a pictore representatur per varias animalium species, adumbrata. Leo enim intra Nauim, seu Cynibam stare conspicitur supra mare, hinc inde ad littus varijs animalibus consistentibus.

Nauis, siue Cymba Ecclesiā, Leo Sixtum Quintum representat: & est ad ipsius stemmata gentilitia allusio manifesta.

Variæ illæ animalium species hinc inde consistentes non nisi Christianæ Reipublicæ Principes, Imperatorē scilicet, Reges, ac Duces, corundemq. insignia, siue commētitia quædam ad aliquid

aliquid innuendum præferunt. Quod quidem Emblemata curam Sixti V. non modicam indicat pro Christianorum Principum pace ineunda, & concordia conseruanda, sicut ex duabus præsertim Legationibus Poloniæ, & Galliæ lare patet. Quæ in re præstanda idem Pontifex mirificam prudentiam, ac sapientiam cunctis in rebus conficiendis declaratam patefecit: selectissimos enim Patres ad legationes tanti ponderis obeundas, delegatosq. Præsules Viros ingenio, solertia, eruditione, atque vsu rerum præstantes elegit. Nam pro Regni Poloniæ pace ac tràquillitate, Sigismundo III. Rege, Hippolytū Aldobrandinum Florentinū, S. R. E. Cardinalem, & summum Pœnitentiarium, Legatū a latere in Sarmatiā misit: Præsules autē fuerunt Laurentius Blanchettus Bononiensis, Rotæ auditor. Ioannes Tolofanus Collensis, vtriusque signaturæ referendarius. Andreas Grandius Romanus, signaturæ iustitiæ referendarius. Michael Mercatus Miniatus Protonotarius Apostolicus, & Sanctissimi D. N. Sixti V. familiaris.

Anno Domini. 1588.
Mense Maio.

Ad totius Christianæ Reipublicæ tranquillitatem, fidei Catholicæ, ac nobilissimi Regni Franciæ conseruationem, Henrico III. Rege interfecto, Henricum Cardinalem Caetanum Romanum, & S. R. E. Camerariū, Legatum item a latere in Galliā misit: cuius Præsules alijq. viri sunt hi: Camillus Caetanus Patriarcha Alexandrinus, & Legati frater. Dominicus Grimaldus Genuensis, Archiepiscopus Auenionensis. Alexander Canisianus Florentinus, Archiepiscopus Aquæ sextiensis. Philippus Sega Bononiensis, Episcopus Placentinus. Marcus Antonius Mocenicus Episcopus Cenetensis, F. Frācisus Panigarola Mediolanēsis, Episcopus Astensis. Laurētius Blanchettus Bononiensis, Rotæ auditor. Ioan. Antonius Caracciolus Neapolitanus, & Guillelmus Blancus Albiensis, Natione Galus, Protonotarij Apostolici, & intimi Sanctissimi D. N. Sixti V. Cubicularij. Hieronymus Comes de Porciā Protonotarius Apostolicus. Robertus Bellarminus ex Societate Iesu Theologus insignis, Inscriptio ad vnionem pertinens hæc est:

Anno Domini. 1589.
Mense Septemb.

INSCRIPTIO EMBLEMATIS.

Mutua disuncti coeunt in fœdera Reges,

Et Sixti auspicijs Pax stabilita viget.

DE

DE S. IOAN. CHRYSOSTOMO ET DE S. CYRILLO.

DE SANCTO IOANNE CHRYSOSTOMO.



AD HANC eandem Cameraꝝ partem, atque item supra coronam S. Ioan. Chrysostomus, & S. Cyrillus depicti cernuntur. In altera interfenestrij parte cernitur Sancti Ioannis Antiocheni cognomento Chrysostomi ob aureum eloquentiæ flumen historia: qui cum esset Episcopus Constantinopolitanæ Ecclesiæ, prauos mores, nobiliorumq. hominum viuendi licentiam obiurgans, & ad Chalcedonensem conuentum non legitime ab Episcopis aliquot coactum ire recusans, in exilium, Eudoxia in primis nitente, eijcitur: sed paucis post diebus ob id seditione populi facta, quin admirabili ciuitatis plausu ab exilio reuocatur: verum pastoralis munere fungi non desistens, ob pessimorum hominum conspirationem iterum exulare cogitur, bonis omnibus reclamantibus, & hoc factum lugentibus. Concilio autem Romæ habito, Innocentij primi Pont. Max. decreto tandem restituitur: qui cum per Armeniam duceretur, S. Basiliscus martyr, in cuius templo antea orauerat, noctu sic eum affatus est: Ioannes frater, crastinus dies nos loco coniunget. Quare posttridie, sumpto Eucharistiæ sacramento, ex hac luce decessit: in cuius obitu, ingens Constantinopoli cecidit grando, & quarto post die Augusta vitam cum morte commutauit. Inscriptio autē, quæ infra legitur, sancti Ioannis Chrysostomi exilium, præuisamq. mortem comprehendit in hanc verborū formam:

*S. Ioan. Chrysostomus bis in exilium pulsus, tandem
a S. Basilisco martyre per somnium admonitus in Domino requieuit.*

IN ALTERA interfenestrij parte S. Cyrillus conspici-
 citur dum philosophum rationibus conuictum, at-
 que humi prostratum proterit, & conculcat, vt In-
 scriptio ipsa hunc in modum docet:

S. Cyrillus deuictum philosophum proterit, & conculcat.

DE SANCTO HIERONYMO, ET S. IOAN. DAMASCENO.

DE SANCTO HIERONYMO.

AD TERTIAM camerae fenestram, supra coronam,
Templum S. Hieronymi Illyricorum Sixti V. im-
penis a fundamentis extructum repræsentatur: cui
 etiam Ecclesiæ, Illyricorum Nationi hospitium, siue xeno-
 dochium destinatum, extat adnexum. Vetusta autem Aedi-
 cula (cuius erat Titularis F. Felix Cardinalis Montaltus, nunc
 Sixtus V. Pont. Max.) solo æquata in ampliorem postea, insi-
 gnio-remq. formam redacta est. Quam rem Inscriptio in hu-
 ius Templi frontispicio lapide incisa explicat hisce verbis:

Supra fenestram:

SANCTO HIERONYMO DICATVM.

Infra:

SIXTVS V. P. M. ORD. MIN.

TEMPLVM A FVNDAMENTIS EREXIT

PONT. SVI ANNO IIII.

S A L. M. D. LXXXVII.

In interioris Ecclesiæ frontispicio:

*Sixte opus hoc, munusq. tuum est, tibi plaudis ab astris
 Illyricus toto notus in orbe senex.*

Blancus autem huiusce operis pietatem insignem perpen-
 dens ait, domū Sixto V. in cælis a Deo parari, dum ipse Sixtus.
 Sancto

Sancto Hieronymo Templum in terris struit, vt Inscriptio; quæ infra legitur, aperte docet hunc in modum:

*Dum tibi Tempa locat supplex, Hieronyme, Sixtus;
Huic parat in calis aurea tecta Deus.*

ELV M hoc loco Inscriptiois Auctor aurea appellat tecta more poetico, alludens ad colorem stellarum, quæ aureo colori quodam modo comparantur. Vel dixit: aurea tecta, vt per aurum, quod omnibus metallis est pretiosius, locum illum, in quo iustorum animæ perpetua beatitudine perfruuntur, more humano indicet pretiosum, & electis plenū, qui instar auti in fornace probati sunt.

3ap. 3.

DE S. IOAN. DAMASCENO.

Ioan. Patriarcha Hierosolymitanus in vita Damasceni.

AD EANDEM Camerae partem postremo loco supra coronā in fornice ipso cernitur S. Ioannes Damascenus: infra vero historia de manu eius abscisa repræsentatur. Damascenus enim cum a consilijs Saracenorum Ducis esset, scripsit libellum epistolares ad familiares suos pro venerandarum imaginum honore docte ac sapienter demonstrans necessariam diuinarum effigierum esse adorationem contra Leonem Isauricum Imperatorem, qui leonem rapientem, ac rugientem agebat, dum sacras imagines exurendas, ipsarumq. cultores interficiendos curabat. Quare Isauricus pietatem Damasceni ægre ferens, suamq. impietatem tueri cupiens, charactèrem Damasceni inscribendo, eiusdemq. stylum in dictando a notarijs imitari studuit: deinde charactèrem Damasceni imitatione litteras, mentito Damasceni nomine, ad se missas de falsa ciuitatis Saracenorum prodicione pollicenda effingendas dolose curauit: easq. ad Barbarum illum Damasci Principem misit, alteris item ad eum missis, rem effectam, & fraudulenter inuentam pro vera exponens Leo hac in re non leonem aperte irascentem, sed draconem occulte insidiantem imitatus fuit. Quare Barbarus huic impiæ falsitati fide præstita, dextram Ioanni Damasceno abscindi præcepit. Damascenus

scenus autem vbi primum abscctam sibi manum vidit, suum ingressus est cubiculum : in quo adimaginem Genitricis Dei prouolutus inter preces, ac lacrymas somno correptus fuit : expectatus autem dextram amputatam diuinitus sibi restitutam, lineola tamen amputationis quadam insignitam reperit. Hæc ex Ioanne Patriarcha Hierosolymitano. Quare infra leguntur hæc verba :

*In vita
Ioan. Da-
maseni.*

Sancto Damasceno false accusato, abscisa a Principe manus, diuinitus restituitur.

Hæc de dextra primæ camerae parte : nunc reliquum est vt ad læuam accedamus.

DE S. GREGORIO MAGNO P O N T I F I C E, ET ECCLESIAE DOCTORE.



A LÆVAM primæ camerae, primo loco S. Gregorius Magnus Pont. Max. supra coronam in ipso fornice depictus conspicitur : infra vero de eiusdem Moraliū inuentione miraculum repræsentatur. Tagio enim Cæsaraugustanus Episcopus, vt exordium ab ouo, sicut adagio fertur, præteream, ab Hispaniæ Rege Romam ad Pontificem missus pro dictis Moralibus in Apostolicæ sedis archiuo conquirendis, cum negotium differri cerneret, impetrauit vt sibi in Ecclesia S. Petri per summū Pontificem pernoctare semel liceret. Quare ea in Basilica Episcopus ipse dum intempesta nocte orationi vacabat, ecce sacras ædes immenso lumine diuinitus completas, ingentemq. summorum Pontificum, necnon Episcoporum cœtum lustrationem seu supplicationem insignem repræsentantem, & ad Altare sancti Petri adeuntem, eiq. honorem præstantem : in quo sanctorum virorum cœtu erat beatus Gregorius, qui Episcopum Tagionem allocutus, suos libros Morales in recondito quodam scrinio sub Altari asseruatos, vltro

H h

citroq.

citroq. habito sermone, ostendit. Quare Inscriptio huiusmodi inuentionem complectitur hunc in modum:.

S. Gregorij Moralia a Tagione Episcopo Casaravgustano in Ecclesia S. Petri diuinitus reperiuntur.

EMBLEMA I.

De aquis ad Centumcellas adductis.



D. LAEVAM item primæ cameræ, quam secretiorem dicunt, Ciuitas vetus (sic præfens in tempus vocitatur, olim Centū cellæ) Arx scilicet munitissima Mari mediterraneo adiacēs, eiusq. Portus representatur. Hic autē locus nomē sumpsit a ciuitate illa, olim a Saracenis dirūta, quā multi Centumcellas, ob centum cellas ab Hadriano Imperatore pro causis dicendis ibi constructas vocitarunt: alij vero eūdem locum ΠΤΕΡΟΤΣ nominarunt: & Cincellū etiā hodie appellant. Hæc loca ob aquas dulces, quæ ibi ob miram earundē inopiam desiderabantur, & a Sixto V. per longos aquæductus abundantissime illuc adductæ fuerunt, supra fenestræ primæ coronam representantur. Infra vero Inscriptio legitur hisce verbis:

*Vrbs vicina mari medijs sitiebat in undis,
Nunc dulces Sixti munere potat aquas.*

Mirum profecto est, quanta carminis facilitate, Latinæq. linguæ puritate ingenij sui acumen patefaciat Blancus. Hic enim priori versu aquarum inopiam, posteriore copiam venuste & artificiose quidem comprehendit, vbique tamen ingenij sui dulcem, eandemq. copiosam venam, atque vberissimum doctrinæ fontem aperit, alludens, ni fallor, ad illam Tantali fabulam: quem fabulantur poetæ in sui sceleris vindictam ad inferos detrusum perpetua fame & siti torqueri, Eridani fluuij aquis ori, & pomis capiti eius imminētibus, sed captationē fugientibus. Id quod Horatius in lib. serm. aperte docuit,

docuit, & in avaros perpulchre transtulisse visus est, dicens: *Horat. lib. 1. Serm. 1. Sat. 1.*

Tantalus a labris sitiens fugientia captat

Flumina. Quid rides? mutato nomine de te

Fabula narratur. ————— Ovidius item:

Querit aquas in aquis, & poma fugientia captat

Ovid. in Eleg.

Tantalus: hoc illi garrula lingua dedit.

Quare Inscriptionis Auctor, ad locutionē Horatianam & Ovidianam alludens, ex primo versu, ait Urbem illā maritimā aquis salis affluentem, dulcibus vero carentem, in medijs fere aquis olim sitiisse: nunc vero Pontificis munere, hoc est, munificentia Sixtiana nunquam satis laudata, & dulces portare aquas. Quam rem mira carminis facilitate, & felicitate, vt solet omnia, paucis verbis festiue complexus est.

De hac item re Blancus aliud edidit Epigramma, quod in aula sancti Ioannis in Laterano legitur hisce verbis:

Vnda sunt liquide, solidum sed marmor habetur:

Marmor vi trahitur, sponte sed vnda fluit.

Quid mirum est igitur ducat si fornice riuos,

Quando etiam Sixtus marmora vassa trahit?

Inscriptionis Auctor hisce versibus non solum in aquis ad Centumcellas, & ad Urbem adductis, verū etiam in aedificijs construendis difficultatē, ac duplicem Sixti V. laudem comprehendit, aquis & ingentibus quidem saxis inter se collatis. Hæc hætenus, vt alia persequamur.

DE SANCTO AVGVSTINO ECCLESIAE DOCTORE.



DE EANDEM cameræ partem in ipso fornice Sanctus Pater Augustinus Ecclesiæ Doctor, mal-
leus hæreticorum, & Episcopus Hypponen-
sis Pontificalibus vestibus & cucullo nigro indutus
cernitur: infra vero coronam actio illa repræsen-
tatur, cum in Centumcellarum, vel Ostiæ Ciuitatis portu, in
ipso scilicet maris, fluminisq. confinio puerulum nucis puta-
mine aquam e mari haurientem inuenit, & ab huiusmodi in-
cœpto desistendum esse dixit: cui puerulus respondit, illud
fore sibi facilius, quàm eidem Augustino secretissimam, & ab

H h 2 ingenij

ingenij humani perspicacitate alienam sacratissimæ diuinarum personarum Trinitatis, & Essentiæ vnitatis inquisitionem, atque inuestigationem esse affirmavit, vt Inscriptio, quæ infra legitur, hisce docet verbis:

*Puerulus nucis putamine aquam e mari hauriens
S. Augustinum a Sanctissimæ Trinitatis
indagatione debortatur.*

DE S. THOMA AQVINATE,
ET SANCTO BONAVENTURA
ECCLESIAE DOCTORIBVS.



DE EANDEM Camera, eiusdemq. interfensterij partem, S. Bonauentura Balneoregiensis, Cardinalis, & Episcopus Albanensis, necnon eximius Ecclesiæ Doctor supra coronam in ipso fornice depictus cernitur: infra vero actio illa repræsentatur, qua S. Thomas Aquinas, Ecclesiæ item Doctor eundem Bonauenturam adiuit salutandi gratia, eumq. vitam Sancti Francisci scribentem reperiens idem Beatus Thomas Sanctum adhuc viuentem appellauit, dicens: Sinamus Sanctum pro Sancto laborare, vt aperte docet Inscriptio, quæ infra legitur hisce verbis:

*Sanctus Thomas Sanctum Bonauenturam
pro Sancto Francisco laborare sinit.*

E M B L E M A I I.

*De quinque decies centenis nummum aureorum
millibus in Arcem Sancti Angeli repositis.*



DE ALTERAM eiusdem partis Camera fenestram supra coronam ærarium Pontificium repræsentatur per arcam quandam seris oclusam, & Leonem desuper

desuper iacentem, atque Ecclesiæ clauē gestantem, necnon per Angelum tenentem in sublimi Tiaram Pontificiam, quam Regnum Mundi appellant, hinc inde imaginibus, vel symbolis humi consistentibus, quæ Christianos Principes Ecclesiæ Sanctæ Romanæ, Catholicæ scilicet fidei operam laturos, ut superius dictum est, repræsentant: Angelo item ad partem alteram clauē, & ensē gestante. Infra vero Inscriptio in hanc legitur verborum formam:

*Quæ fuit a parco congesta pecunia Sixto,
Turca erit exitium, præsidiumq. Petri.*

Duo in omnibus humanis actibus potissimum inspicere debent, modus scilicet agendi, & finis actæ rei: quæ quidem in præclarissima Sixti actione erudite obseruat Blancus: priore siquidem versu modum colligendæ pecuniæ, posteriore vsum, & finem collectæ venuste comprehendit: sicut enim Princeps, qui ad pecuniæ collectionem animum adijcit non tyrannica vi, aut alijs modis illegitimis, sed honesta & legitima via, qualis est parsimonia, quæ a sapientibus olim magnum vertigal dicta est, conficere debet, ita Sixtus, qui omnia recte peragit, incredibili parsimonia intra paucos dies tantam pecuniæ vim, quantam nullus antea Pontificum, confecit. Quod priore, ut diximus, versu denotat Blancus, dum eum parcum appellat epitheto non ocioso, quasi dicat, Sixtum V. ex parsimonia sua pecuniam congestisse: idq. elarius expressit In-
scriptionis Auctor in eucharistico suo Carmine dicens:

In tua congestos reuulisti araria nummos,

Quas efferre potest non nisi causa grauis:

Nec sibi thesauros vis ulla tyrannica fecit,

Sola manus tantas parca parauit opes.

Vsus autem collectæ pecuniæ, ut etiam tradidimus, accurate considerari debet, ut non ad fouendam auaritiā malorum omniū radicem, non ad prodigalitatē, non ad voluptates, & mollities, aliosve execrandos vsus, sed ad necessarios, honestos, & laudatos comparetur. Vsus autem publicæ pecuniæ (quod in sua ea de re Diplomate præsentit Sixtus V.) est præsidium & ornamentum Reipublicæ: exitium, & interitus
hostium,

*Parsimonia, magis
utitur sol.*

*Ex Bulla-
rio Sixti
V. Constit.
33. par. 1.
Et par. 2.
const. 13.*

hostium, quando pecunia a veteribus belli neruus appellatur. Vsum igitur explicat Blancus dum ait:

Turca erit exitium, praesidiumq. Petri,
Hoc est, Romanæ, & Apostolicæ sedis. Huc spectat eiusdem Blanci locus in Eucharistico suo dicens:

Turca rues: tantos Arx alia servat in usus:

Quas summus Princeps accumulavit opes:

Quosq. sibi belli neruos confecit abunde,

Vertet thesauros in caput ille tuum.

Infelix tu Turca rues hoc nomine, Felix,

Quod tu felici sub Duce Turca rues.

Et ut locum Blanci obiter illustrem, sciendum hanc ingentem pecuniam a Sixto V. collectam repositam esse in mole Aelii Hadriani, quam hodie Castellum S. Angeli dicimus, ob eamq. causam Arcem æliam is appellat ab Aelio Hadriano Imp. qui eam extruxit. Hanc item rem Blancus decantavit Epigrammate alio, quod in aula Sancti Ioannis in Laterano legitur hisce verbis:

Aurum lege sua Plato quondam exegit ab Vrbe,

Lege sua id Sixtus condit in arce Pater.

Scilicet aurum esse excidium Plato censuit Vrbi,

Vrbi praesidium Sixtus id esse probat.

Pagina
238.

Qui autem plura ad id spectantia & scitu digna noscere cupit, ad dictum Diploma, seu ad alteram huius generis Inscriptionem superius declaratam confugiat.

DE S. GREGORIO NAZIANZENO, ET SANCTO ATHANASIO ECCLESIAE DOCTORIBVS.



N ALTERO eiusdem læuæ interfencestrio Sanctus Gregorius Nazianzenus, & S. Athanasius Ecclesiæ Doctores supra cameræ coronam depicti cernuntur: infra vero eorundem actiones duæ præcipuæ conspiciuntur:

Ex altera parte Sanctus Gregorius Nazianzenus, qui ob singularem diuinarum litterarū scientiam, Theologi nomen conse-

consequutus est, primum Sasimorum, deinde Nazianzi Episcopus, representatur. Postremo autem Constantinopolim ad eam regendam Ecclesiam cum fuisset accersitus, eam civitatem hæresum purgatam erroribus ad Catholicam fidem reduxit. Quam ob rem, cum pravorum hominum odium sibi parasset, ob idq. magna inter Episcopos facta fuisset seditio, sponte abdicans se Episcopatu, illud Prophetæ dictum, usurpavit dicens: Si propter me commota est hæc tempestas, deicite me in mare, ut vos iactari desinatis. Hinc Nazianzum rediit. Inscriptio autem, quæ infra legitur, hanc rem aperte hisce indicat verbis:


S. Gregorius Nazianzenus ob commotam inter Episcopos seditionem Constantinopolitano Episcopatu sponte se abdicavit.

In altera interfenestrii parte Sanctus Athanasius Episcopus Alexandrinus, & Ecclesiæ Doctor cernitur, qui multas Arianorum insidias perpassus est: quarum vna, cum de magica arte falso fuerit accusatus, & diuina ope liberatus, per demortui manum, quæ hic conspicitur, in locum iudicii delata, representatur, & per Inscriptionem, quæ infra legitur, aperte indicatur hisce verbis:

*S. Athanasius de maleficio iniuste accusatus
Dei beneficio iuste liberatur.*

E M B L E M A I I I.

De Scala sancta a Sixto Quinto in splendidiorem locum translata.

 D TERTIAM eiusdem læuæ Camerae fenestram supra coronam celeberrima illa Scala sancta pretioso, salutariq. Christi sanguine conspecta in nobiliorem, commodioremq. locum translata, sacrarumq. historiarum picturis, alijsq. ornamentis ad deuotionem, medita-

meditationemq. excitantibus mirifice insignita, necnon Palatii & Basilicæ Lateranensis frontispicia splendidissima representantur: cuius rei translationem insignem duobus hisce versibus comprehendit Blancus:

INSCRIPTIO EMBLEMATIS.

*Scalas innocuo conspersas sanguine Christi
Constituit Sixtus splendidiore loco.*

Hæc Inscriptio adeo facilis est, & clara, vt expositione non indigeat. Hanc eandem translationem decantauit Blancus argutiori quidem Disticho, quod in Palatio ad Thermas legitur hisce verbis:

*Quot transfere sacro perfusus sanguine Christi,
Tot sibi constituit Sixtus ad astra gradus.*

Hoc est, tot gradus in cælum ascendendi sibi parat Sixtus, quot sunt Scalæ sanctæ gradus pretioso Christi sanguine perfusi, & ab eodem Sixto translati.

DE SANCTO BASILIO MAGNO ECCLESIAE DOCTORE.



AD HUIUS læuæ angulum supra coronam S. Basilii ob omnium doctrinarum, sanctæq. vitæ excellentiam cognomento Magnus, necnon Episcopus, & Ecclesiæ Doctor depictus cernitur: infra vero representatur actio illa, qua Valens Imp. pro tribunali sedens eum in exilium eijcere conatur. Basilii enim Dei Filium Patri consubstantialem contra Valentem Imp. hæreticum defendens, huius iras expertus est. Fuit tamen eiusdem Filij Dei ope ab ijs liberatus: cum enim Valens impiæ sententiæ vacaret, subsellium, in quo Valens scripturus erat decretum de eijciendo e ciuitate Basilio, fractum fuit: tribusq. ab eo calamis adhibitis ad scribendam exilij legem, nullus eorum reddidit atramentum: cumq. in proposito scribendi impium decretum persisteret, ipsius dextera dissolutis neruis tota contremuit. His commotus Valens char-

tam

ram vtraque manu conscidit. Hinc Auctor Inscriptionis per
lusum quendam paronomasticum satis venustum, hunc in
modum historiam breuibus enarrat verbis:

*S. Basilium miraculis prepotentem in exilium eicere
Imperator Valens non valuit.*

EMBLEMA IIII.

*De Canonizatione S. Didaci Complutensis
ex ord. Sancti Francisci.*



D POSTREMVM primæ Camerae, quam secre-
torem dicunt, parietem e regione introitus Can-
onizatio Sancti Didaci Complutensis ordinis
S. Francisci luculentissime per pictores repræ-
sentatur: quam Sixtus V. Pont. Max. admiran-
da pietate, sollemni ritu, frequentissimo cleri, populiq. con-
uentu in Basilica S. Petri celebravit vt. Nonas Iul. Anno Dom.
M. D. LXXXVIII. pietate florētissimo Hispaniarum Rege
Catholico Philippo II. postulante. Quare Blancus huius San-
cti Canonizationē eleganti celebrans hexasticho, quod infra
legitur, ait Sixtum V. manum suā inuictam, qua homines fa-
cinorosos, & præsertim prædones hinc inde fusos ab Italia ex-
pulit, in cælum sustulisse pro Didaco Coelitibus, vel sanctis
ciuibus adscribendo, eiusq. festo die instituendo: eundemq.
Pontificem ob sua ipsius gesta & præclara quidem, solum
& polum, hoc est cælum & terram iam sibi demeruisse, per-
belle cōcludit. Inscriptio legitur in hanc verborum formam:

INSCRIPTIO EMBLEMATIS

Postquam Italis fusos prædones expulit oris,

Sustulit inuictas Sixtus ad astra manus.

Et Didacum æthereis adscripsit ciuibus, illi

Thura dedit, festos instituitq. dies.

Sic tu Sixte tibi potuisti ingentibus actis

Demeruisse solum, demeruisse polum.

Perpulchra est profecto atque adeo facilis, festiuq. huius Inscriptionis conclusio non solum ob eiusdem verbi repetitionem, verum etiam ob illam soli & poli paronomasiam, concurfionemq. syllabarum satis hoc loco iucundam, quæ summa Sixti V. laus concluditur ex Italia sicarij & facinorosis hominibus liberata, Canonizationeq. sancti Didaci celebrata. De huius sancti Canonizatione, ac vita Petrus Galefinius Protonotarius Apostolicus, & Franciscus Peña Auditor Rotæ conscripserunt. Franciscus autem Auantius Venetus, bonarum artium studiosus, vtramque editionem ex Latina lingua in Italicam emendatiorem feliciter transtulit.

DE ALTERA BIBLIOTHECAE

CAMERAE,

quam secretiorem appellant.

EMBLEMA I.

De Obelisci Vaticani translatione.



ALTERIVS Camerae introitum a tergo supra portam, translatio Obelisci Vaticani erectio, ac locatio, hoc est, trabes ferro connexæ, funibusq. inuicem compactæ, scalæ, rudentes, subductuarij funes, necnon alia id genus instrumenta ad tantam molem transferendam, erigendam, locandamq. necessaria, equi item vehicularij non pauci, hominesq. permulti huius rei agendæ incumbentes per pictores representantur: atque ita, vt ex pictura ipsa quiuis facile dignoscatur, quantæ rei fuerit magnitudo, humaniq. ingenij ad tantam rem præstandam excellentia. Id quod Dominicus Fontana Comes Palatinus, & Eques aureatus, necnon Sixti Quinti Architectus ex Pago Milli Agri Nouocomensis, qui Romæ quattuor Obeliscos transtulit, erexit, & locauit, ty-

pis.

pis, seu formis æneis, & Italico idiomate fufius & expreffius in fuo de ædificijs Sixtiani libro ob oculos ponit.

Blancus autem, qui res Sixti Quinti immortalitate digniffimi perpendit, hac Obelifci trãflatione miram eiufdem Pontificis præftantiam ingeniofe decantat hunc in modum:

INSCRIPTIO EMBLEMATIS.

Saxa agit Amphion, Thebana vt mœnia condant:

Sixtus & immenfæ pondera molis agit.

Saxa trahunt ambo longe diuerfa: fed arte

Hæc trahit Amphion, Sixtus & arte trahit.

At tantum exsuperat Dircaum Amphiona Sixtus,

Quantum hic exsuperat cetera saxa lapis.

Hac in Inſcriptione eſt luſus quidam poeticus, argutaq. comparatio, Amphionis, & Sixti V. in trahendis ſaxis. Amphion enim, vt poetæ fabulantur, Iouis filius a Dirce matre Dirceus dictus, fuit Muſicus tam inſignis, vt teſtudinem a Mercurio dicatur accepiſſe, cuiusq. ſono ſaxa ad Urbis Thebanæ conſtructionem attraxiſſe, vt Horatius in Arte poetica teſtatur aperte dicens:

Dictus & Amphion Thebana conditor arcis

Saxa mouere ſono teſtudinis, & prece blanda

Ducere quo vellet.

Quod ideo finxerunt Poetæ, quoniam eloquij ſuauiſſas homines rudes & incultis moribus, ad obſequij ciuilis pellexit diſciplinam. Hinc Horatius cum dixiſſet: *Sono teſtudinis*, addidit: *Et prece blanda*. Quare Inſcriptionis Auctôr eſſetam Thebarum conſtructionem eo modo enarratam ad ſuum transfert propoſitum inquiens, Amphionem, & Sixtum traxiſſe ſaxa, longe tamen diuerſa: Adde etiam quòd diuerſa item arte: ita vero ſicut ſermo a func, effictumq. a vero diſtant. Quare ad hunc ſenſum, ni fallor, Blancus hexaſtichi conſolutionem direxiſſe videtur dicens, tantum a Sixto V. Amphionem in trahendis ſaxis fuiſſe ſuperatum, quantum cete-

Orat. in ar
te poet.

ra saxa ab huius generis Obeliscis superari constat. Hoc autem hexastichum extat etiam in libro epigrammatum Guilielmi Blanci superioribus annis edito.

Hæc de Obelisci Vaticani translatione: de Obeliscis autem nihil est quod hoc loco sermonem habeam: nam de ijs nec non de eorundem Obeliscorum Scriptoribus in prioribus Emblematis, quod ad meum institutum pertinebat, satis dictum puto. Addam tamen, Michaellem Mercatum Protonotarium Apostolicum, Virum profecto eruditum, de Obeliscis tum generatim, siue in vniuersum, tum denique singulatim ac nominatim de ijs, qui nunc Romæ a Sixto V. erecti sunt, multa abstrusa, ac scitu dignissima non minus curiose quam docte, Etrusca lingua scripsisse: quæ in lucem prodierunt.

EMBLEMATA II.

De Tholo Sancti Petri.



REGIONE superioris Emblematis Tholus Sancti Petri, eiusdemque Basilicę nouæ frontispicium, magnificis porticibus hinc inde ornatum, ad id celebritatis, & perfectionis, quam habere debet, efficta cōspiciuntur, atque ita ut nihil hac re pulchrius, nihilve admirabilius fere desiderari, nedum inueniri queat. De huiusmodi ædificio tam excellenti, omniq. laude digno, a Iulio I I. Pont. Max. olim inchoato, in Emblemate primo de Sixti V. Coronatione verba fecimus: Hinc alia de hoc Tholo scire cupientes, eo cōfugiant. Huius Emblematis Inscriptio in hanc legitur verborum formam:

Pagina 4.

INSCRIPTIO EMBLEMATIS

Pontifices olim quem fundauere priores,

Precipua Sixtus perficit arte tholum.

Et tantum Sixti se gloria tollit in altum,

Quantum se Sixti nobile tollit opus.

Magnus honos magni fundamina ponere Templi,

Sed finem cœptis addere, maior honos.

Hac

Hac Inſcriptione Blancus huius Tholi, ſeu potius Baſili-
cæ nouæ fundamenta ab alijs ſummiſ Pontificibus iacta fuiſ-
ſe ait, eamq. omnibus ſuis numeris abſolutam ad finem uſ-
que iam fere deſperatum a Sixto V. Deo opitulante, dedu-
ctum iri affirmat: tantamq. Sixti gloriam inter alios Ponti-
fices fore auſpicatur, quantam huius generis opus adeo nobi-
le, famam & admirationem inter cetera ædificia adipiſci po-
teſt. Huc accedit quod multo maiorem gloriam conſequitur,
qui rerum cœptis finem imponit, quàm qui earundem iecit
fundamenta. Hæc ex Blanco: cetera adeo plana ſunt, vt
declaratione non indigeant, hinc reliquorum Emblematum
expoſitionem aggrediendum eſt, vt Bibliothecæ Vaticanæ fi-
nem tandem aliquando imponamus.

E M B L E M A I I I.

De Lauretana Ciuitate.

OC Emblemate ad dextram huius Camera par-
tem ſupra fenestram primam Lauretum toto
terrarum orbe celeberrimum, in quo extat ſa-
crum illud Cubiculum diuinis myſterijs inſigni-
tum, vbi B. Maria ſemper virgo nata & ab An-
gelo ſalutata, Saluatorem mundi de Spiritu ſancto concepit,
repræſentatur. Quibus de cauſis Sixtus V. ad omnes res
pias, ac præclaras producendas natus, Lauretum oppidum
Piceni in Ciuitatem ſublimauit, quam etiam augẽdam man-
dauit: & Eccleſiam Lauretanam ex Collegiata in Cathedralem,
& Episcopalem erexit. Hinc Blancus hæc omnia a
Sixto V. inſigniter acta duobus tantum verſibus, vt infra,
eleganter hunc in modum comprehendit:

INSCRIPTIO EMBLEMATIS.

Lauretum muris, Paſtore, & ciuibus auctum

A Sixto, & Sixti laus ſimul aucta fuit.

His verſibus Auctor Inſcriptionis laudem Sixti V. augeri,
perinde atque Lauretum ipſum ab eodem Pontifice, & muris

Pagina
229.

ac domibus, ciuitatisq. nomine, Episcopaliq. dignitate auctum, illustratumq. fuit. Huius generis sublimationem, quæ hoc in Emblemate tamquam tenui penicillo designata est, & vt sic dixerim, superficie tenus adumbrata, in altera eiusdem argumenti Inscriptione soluta oratione exarata, quæ in fornice alterius cameræ secretioris cernitur, satis diffuse explicauimus. Huc item spectat quod in Palatio Lateranensi ab eodem Blanco editum legitur hisce verbis:

Fatam Urbem populis Piceno in littore Sixtus

Manibus incinxit, Pontificemq. dedit.

Sic teneros septis, includit villicus agnos,

Custodemq. illis donat habere suum.

Hæc autem hætenus, vt cetera, quæ supersunt declaranda persequamur.

EMBLEMA IIII.

De Equorum Phidia, & Praxitelis translatione.

Dartbold-
manni Mar-
tiani lib.
5. cap. 21.
& 22.



EMBLEMA hoc ad eandem cameræ partem supra secundam fenestram Mons Quirinalis a Quirini Fano, vel a Quiritibus, qui cum Tatiano Curibus venientes ibi castra posuerunt, olim dictus: nunc vero, ab Equis illis marmoreis & celeberrimis quidem, Mons Caballus vulgo vocitatus, necnon dictorum Equorum translatio representantur. Hinc Auctor inscriptionis hunc in modum ait:

*Sixtus Equos transfert geminos, quos finxerat olim
Artificum e Pario marmore docta manus.*

Hac Inscriptione Blancus in translatione ipsa enarranda duo præcipua, lapidis scilicet, & Artificum excellentiam breuiter comprehendit, dum illos equos e Pario marmore, & a docta virorum manu exculptos fuisse dicit. Parius enim lapis, a Paro Insula maris Aegæi, dictus, non est Lydius, quo aurum probatur,

probat, sed marmor candidum, omnium optimum, & ad
deorum simulacra olim maxime expetitur, ex quo dicti
equi dicuntur exculpti. Equorum Artifices Phidias & Praxi-
teles fuerunt, Statuarij insignes. Ille, vt Plinius ait, artifex Plin. lib.
36. cap. 5.
numquam satis laudatus, in ebore longe citra æmulum cla-
ruit: dijs tamen, vt Quintilianus ait, quàm hominibus effi-
giandis melior. Inter illius opera maxime commendata est
Mineræ statua, quam Athenis ex Ebore fecit x x v i. cubito-
rum altitudine, in cuius clypeo Amazonum pugnam, & Gi-
gantomachiam insculpsit: in soleis vero centaurorum, &
lapitharum certamen. Inter alia ipsius opera proximā com-
mendationem meruit Iuppiter Olympius ex ebore: & Ro-
mæ in porticibus Octauiae Venus.

Praxiteles autem, vt ait Gabriel Barrius Francicanus, fuit Gabr. Fr.
cicanus li-
bro 1. Cap.
9. de An-
tig. Cala-
ber.
Ex Plin.
ubi sup.
Ex Valer.
Max. li. 8.
homo Calaber ex oppido, Peripoli olim dicto, nunc Amygda-
lia, vulgo Mendolia, in extrema Italiae ora, quam Magnam
Graciam vocant, natus, marmoris gloria se ipsum superauit,
Plinio teste, duplici praesertim Venere nobilitatus, Gnidia, &
Coa, quæ ob artis præstantiam, magnam mortalium vim eas
in Insulas ad sui spectaculum allexerunt: hinc quendam Iuue-
nem Gnidiæ vesano amore captum, in Templo delitentem cum
simulacro coiuisse aiunt. Equum item, visa equæ statua, hinni-
tum edidisse, & canes aspectu canis efficti latratum emisisse,
taurumq. marmoræ vaccæ concubitus Siracusijs appetiisse
ferunt. Fecit et Niobis in saxum olim, vt fabulantur Poetæ,
transformata statuam pulcherrimam a Græcis Poetis cele-
bratam: de qua hoc Epigramma ad verbum latinitate do-
natum extrat in hanc verborum formam:

*Ex vita me dij fecerunt lapidem, ex lapide vero
Vitam Praxiteles iterum fecit.*

Item Aufonius:

Vinebam, sum facta silex, que deinde polita

Praxitelis manibus viuo iterum Niobe.

Reddidit artificis manus omnia, sed sine sensu:

Hanc ego, cum laesi numina, non habui.

Hic denique ob artis statuariæ excellentiam ciuitate Ro-
mana donatus, eam egregijs signis ornasse commemoratur, Ex Plin.
ubi sup.
Triptolemo praesertim, Flora, & Cerere, quæ in hortis Serui-
lianis,

Ex Plin.
ubi sup.

lianis, necnon Boni euentus, & Bonæ fortunæ simulacris, quæ in Capitolio, & alijs plurimis, quæ passim hinc inde Romæ extare dicuntur. Hæc mihi dicenda visa sunt ad equorum Artificum nobilitatem, & excellentiam declarandam.

Duo autem equi marmorei Bucephalum Alexandri equum representantes, quorum alterum Phidias, alterum vero Praxiteles sculpsisse dicuntur, in monte Quirinali super bases lateritias absque marmoris incrustatione cum Aurigis, seu potius Domitoribus marmoreis, colossea forma, Alexandrum representantibus, ob vetustatem satis consumpti visi sunt hisce litteris marmore incisus:

OPVS FIDIAE. OPVS PRAXITELIS.

Publ. Vi-
ctor. var.
lect.

Sunt qui velint hos equos Romam a Tiridate Armeniæ Rege asportatos, & Neroni donatos: Id autem ego non nisi de equo Phidiæ dici posse reor, cum Praxitelem extra Italiæ oras fuisse non constet. Adde etiam quod Publio Victore teste, erat Romæ in septima regione via, quæ lata dicebatur, locus ab Equo Tiridatis Regis Armeniæ nomen habens, ubi de vno tantum equo loquitur. Hinc nonnulli Praxitelem in vrbe Roma, ubi eum floruisse multa simulacra exculpisse volunt, equum illum ad Phidiæ æmulationem effinxisse aiunt.


Sunt præterea qui per eadem illa Simulacra duorum Iuuenum colossea magnitudine equos efferos domatium, Castorē & Pollucem, quibus domandi artem tribuerunt, intelligēdos esse velint. Id quod rationi omnino refragatur. Castoris enim & Pollucis statuae vel stellatæ effingi solent, vel instar earum, quæ nuper ad gradus Capitolinos collocatæ cernuntur pileatæ, ac tenentes equos cicuratos, & mansuetos. Maior tamen hominum pars per eadem simulacra Alexandrum Magnum actu domandi Bucephalum, ferocissimum equum, a duobus Artificibus Græcis mira statuariæ artis excellentia præditis ad æmulationem representatum sentit, & affirmat.

Per colosceas item Statuas illas, Alexandrum Magnum, & Bucephalum eius equum representatos fuisse, veterum numismata cum ipsius nominis Inscriptione Græca docent, quæ statuarum eandem referunt effigiem. Thoraces vero &

Loricæ

Loricæ iuxta Alexandri Magni simulacra Gentes domitas, sibiq. subiectas præferunt.

Varia autem numismatum genera sunt, quæ Alexandri Magni effigiem, ac Bucephalum eius equum representant: alia enim sunt ærea, alia argentea, alia vero aurea. Quædam ex altera facie eiusdem Alexandri imaginem habent, cum hisce litteris Græcis, ΑΛΕΞΑΝΔΡΟΣ, vel ΑΛΕΞΑΝΔΡΟΣ ΒΑΣΙΛΕΥΣ ΜΑΚΕΔΟΝΩΝ, idest Alexandri Regis Macedonum. Ex aduersa vero parte habent eundem Alexandrum actu domandi Bucephalum. Quædam autem ex altera parte Alexandri effigiem, & ex postica, vel eundem Alexandrum equo insidentem habent, vel equum alatum, quem pegasum dicunt, ad eiusdem Alexandri famam innuendam: cuius symbolum inter alia est equus alatus. Quædam denique Alexandri habent effigiem, & alia, quæ longum esset recensere. In gemmis autem, & præsertim amethysto, gemma purpurea, ad colorem vini accedente, et in violam desinente, sola Alexandri imago sculpta conspicitur, vel Alexander Bucephalum domatum tenens. Hæc autem omnia, *Idem supra pagina 120.* multoq. plura ad hanc rem pertinentia penes Annibalem Zittellium a Rocca contrata, conciuem meum, multæ quidem eruditionis virum asseruantur. Quamuis vero effigies Alexandri omnes tam in nummis, quam in gemmis incisæ eandem simulacrorum ad Quirinalem extantium effigiem referre inueniantur, si capillitium, frons, nasus, genæ, mentum, necnon labia conferantur: ego tamen numisma primo loco superius nominatum incidendum, atque hic apponendum curauī, cum in eo Alexander magnus actu domandi Bucephalum repræsentetur. Nec cuiquam mirum videri debet, si positura, vel situatio simulacrorum non sit omnino eadem cum ea, quæ in nummis apparet: id enim vel ob multas eorundem non semel instauratorum translationes factum esse, vel modum domandi inter marmora sculpenda, cudendaq. numismata arbitrium fuisse censendum est.



Plin. lib.
34. cap. 3.

Diod. Sic.
lib. 17.
Plin. li. 8.
cap. 42.

Plutarch.
Vita Alex.
macedoni.

Hoc autē opus Latinorū esse non videtur, sed Græcorum, si Plinio credimus, qui, vt ceteros scriptores silentio prætereā, ait, Græcos Artifices nihil velare, cuiusmodi sunt duæ illæ statuae nudæ: Latinos vero velamen, seu thoraces, vel indumentū addere solere. Nec quisquam mirari debet, excellentes viros hanc decertandi prouinciā sūscipisse, si Alexandri Magni nomen celeberrimum, & Bucephali generositas, atque ferocitas, miraq. eiusdem Alexātri in Bucephalo edomando laus spectentur. Bucephali nomē Græce Taurinū caput significat: atque illud ei impositū iudicatur, vel ex eo quod taurinā truculentiam, vel formam referret, vel quod taurinum caput armō haberet impressum. Tanta autem huius equi ferocitas erat, vt nemini tractabilis videretur, nullumq. sessorem admitteret. Quare Philippus vbi primum ab Alexandro filio Bucephalum edomitum vidit, spectatoribus admirantibus, illa crymasse, Alexandrumq. exosculans, ei dixisse fertur:

Regnum tibi quare: Macedonia enim te non capit.

Plin. lib.
34. cap. 8.

Euseb. in
Chron.
c. 36. c. 5.

Plutarch.
in Pericle
80. 1.

Duæ illæ igitur Statuæ equos efferos domantes Alexandrū Magnū & Bucephalū representāt. Num vero Phidias, & Praxiteles eas effinxerint, nonnulli dubitarūt, dicentes Phidiam Atheniensem floruisse, vt ex Plinio colligitur, Olympiade 83. & 300. circiter ann. ab Vrbe condita, & 115. ann. antequam Alexander Magnus regnare cœpisset. Quæ quidem sententia ab opinione Eusebij aborrere non videtur, qui narrat Phidiā vixisse Olympiade 85. anno mundi 4760. Alexandrum vero Olympiade C.XI. anno mundi 4860. Plato itē, quē ante Alexādrū regnārē ann. circiter 20. fuisse narrat Eusebius, de Phidia statuatio, & Proragora mentionem facit. Plutarchus denique ait,

ait, Phidiam mortuū fuisse tēpore Pericli, qui cū carceri māci-
pauit, & centum, eoq. amplius ann. ante Alexandrū regnauit.

Praxiteles autem duos fuisse, alterum ann. circiter 30. an-
tequam Alexander regnare cōpisset: alterum vero ann. circi-
ter 160 Alexandro posteriorem extitisse ex Plinio item colli-
gitur: quorum prior in marmore, quā ære felicior: poste-
rior argenti cælator clarissimus fuit. Hinc colosseas Statuas
illas, de quibus nūc sermo habetur, Phidiæ & Praxitelis opera
esse nō opinantur, etiamsi eiusdem Alexandri Magni tempore
floruisent, cum Lysippo soli, clarissimo statuario, Alexandri
imaginē, dum hac fruebatur luce, effingere; & nonnisi Apelli
pictoriam artem optime callenti pingere licuisse constet.

*Plin. lib.
34. cap. 8.
¶ 34. c. 5.*

Ego vero, qui ex supputationibus, atque ex pluribus eiuf-
dem nominis rebus falsas opiniones, seu deceptiones suboriri
nō semel expertus sum, colosea illa Simulacra nonnisi Phidiæ
& Praxitelis opera esse puto atque affirmo, quippe qui duas
hasce Inscriptiones marmore vetustissimo ad bases earun-
dem Statuarum incisas sexcenties me legisse memini in hanc
verborum formulam:

OPVS FIDIÆ. OPVS PRAXITELIS.

Nec facile adduci possum, vt has Inscriptiones suppositi-
tias esse, atque id a quopiam effectum fuisse credam, vt ex ijs
inscriptionibus maior ijsdem statuis auctoritas aut existima-
tio tribueretur. Artifices enim dictarum Statuarum fuisse ex-
cellentes, & in primis claros, ipsamet simulacra satis decla-
rāt. Præterea sicut de his Inscriptionibus, ita de omnibus alijs,
quæ in excellentissimorū Artificum simulacris incisæ passim
conspiciuntur, poterit dubitari. Esto autem quod huiusmodi
Statuæ in Græcia, vt reor, sint effectæ, ac tempore Constantini
Magni Romam ad ipsius Thermas exornandas transuectæ,
deinde ad eas Quirinalis partes, in quibus adhuc vsque diem
extant, translata, ac Romæ ijsdem Statuis subiectæ fuerint In-
scriptiones illæ, quas hoc loco apposui: id tamen vel a
Constantino Magno, vel a quopiam præpotenti Principe, vel
viro bonarum litterarum, atque historiarum, siue antiquitā-
tum non ignaro factum esse credendum est, cum huius gene-
ris facinus tam illustre non nisi ad Principes & præclaros vi-
ros pertinere constet. Id quod priuati homines, bonarumq.

artium ignari, vel tentare ausi non fuissent, vel illud idem facere ijs non fuisset permissum. Adde etiā, quòd Inscriptio ipsa cubitali characterū forma exarata, elegantem, & pulcherriam litterarum antiquitatem redolet illam, quæ temporis Constantini, ac futuris deinde temporibus desiderabatur: & marmor, in quo incisa erat Inscriptio, ab eorundem simulatorum colore nulla ex parte distare iudicatum est.

Nec nostris hisce rationibus videtur aduersari orthographia, in Inscriptione operi Phidiæ supposita, in qua Auctor Inscriptionis Fidiæ pro Phidiæ scribendū iudicauit: ide nim nec minus accurate, nec indocte quidem factum esse censeo, dum hunc scribēdi modū in alijs Inscriptionibus, & plane insignioribus, ac per antiquis obseruatū fuisse video. Nam sicut TRIVMPVS, & TRIVMEVS, ac TROPAEVM absque aspiratione pro TRIVMPHVS, & TROPHAEVM a Latinis & doctis viris aliqua tēpestare, & frequenter quidem scribi solebat, vt a nobis iam diffuse demonstratum est: ita etiam quandoque ab ijsdem Romanis, & sane eruditis viris F, pro Ph, passim vsurpatum fuit, sicut ex Inscriptionibus tum priuatis, tum publicis, quas infra videre est, late patet.

INSCRIPTIONES PRIVATÆ

De vsu litteræ F, pro PH.

Afrodisia apud Fuluium Vrsinum. *Fileros* ad S. Pauli Basilicam. *Filonius* in Aedibus Columnensium. *Filo*, inter Quirinalem et fontem Triuij. *Filumena* in Aedibus Bruti Gothfredi, ad S. Agnetis Ecclesiam. *Hierosanta* ad S. Petri Aedes. *Saluix Dafne* in vinea Matthæi Morelli in ascensu Quirinalis. *Symfor* ad S. Angelum in foro Piscario in pariete domus. *Trosimus* Anagninæ ad Cathedralē Ecclesiam.

INSCRIPTIONES PVBLICÆ

De vsu litteræ F, pro PH.

Triumsator in Aedibus Capranicorum in Inscriptioe Flauij Eugenij, de Constantino, et Iuliano Cæsaribus.

Triumsator in Aedib. Franc. Lischæ, in Parione, de Arcadio.

Triumsatores, ad forum Traiani in Inscript. Saturnini secundi, de Valentiniano, et Valente Cæsaribus.

Triumsis, in vetusta Obelisci ad Aedes Lateranenses translati Inscriptioe: in qua Michael Mercatus inuenit *Triumsis*.

Asula

Afula in Ecclesia maiori S. Andree, in columna.

D I V. F L. I O V I A N O
T R I V M F A T O R I
S E M P E R A T V R G.

Simulacra igitur collosa illa, ut rem tandem concludamus, ad Quirinalem montem prope Palatium Pontificium collocata, quæ olim lacera, et obscuro loco, hominūq. aspectui non accommodato extabant, nunc vero iussu Sixti V. Pont. Max. instaurata, et in nobiliorem, commodioremq. locum translata, Alexandrum Bucephali domitorem representant: eaq. Phidiæ ac Praxitelis opera esse, non modo vetusta, sed etiam novæ docent Inscriptiones, quas infra videre est.

Ad basem Equi Phidiæ Inscriptio.

P H I D I A S N O B I L I S S C U L P T O R
A D A R T I F I C I I P R A E S T A N T I A M
D E C L A R A N D A M
A L E X A N D R I B U C E P H A L V M
D O M A N T I S E F F I G I E M
E M A R M O R E E X P R E S S I T.

Ad basem Equi Praxitelis Inscriptio.

P R A X I T E L E S S C U L P T O R
A D P H I D I A E A E M U L A T I O N E M
S V I M O N V M E N T A I N G E N I I
P O S T E R I S R E L I N Q V E R E C V P I E N S
E I V S D E M A L E X A N D R I
B U C E P H A L I Q. S I G N A
F E L I C I C O N T E N T I O N E
P E R F E C I T.

Ad Ba-

*Ad Basis Equi Phidia dextram
hac item legitur Inscriptio :*

SIXTVS V. PONT. MAX.

SIGNA ALEXANDRI MAGNI
CELEBRISQ. EIVS BVCEPHALI
EX ANTIQVITATIS TESTIMONIO
PHIDIAE ET PRAXITELIS AEMVLATIONE
HOC MARMORE

AD VIVAM EFFIGIEM EXPRESSA
A FL. CONSTANTINO MAX. E GRAECIA
ADVECTA SVISQ. IN THERMIS
IN HOC

QVIRINALI MONTE COLLOCATA
TEMPORIS VI DEFORMATA, LACERAQ.
AD EIVSDEM IMP. MEMORIAM, VRBISQ.
DECOREM IN PRISTINAM FORMAM
RESTITVTA HIC REPONI IVSSIT
AN. M. D. LXXXIX. PONT. IIII.

Hac sese offerente occasione, silentio prætereundum nõ est,
Quirinalem collem, seu Montem, vt nunc vocant, Caballum,
& equorum instauratione ac translatione, necnon alijs de re-
bus splendidiorẽ, eiusq. incolis commodiorẽ, salubrio-
remq. reddi. Nam ab equorum loco porta ipsa Nomentana
seu Pia ab equis ad quingentos passus distans spectatur, via
ipsa nunc palmos circiter tredecim aliquo in loco excauata,
& quasi ad perpendicularum complanata, semitisq. ex vtraque
parte lapideis, ac prominentioribus deambulationi commo-
dis, multisq. edificijs ornata, palatio præsertim Pontificio a
SIXTO V. in ampliorem, nobilioremq. formam redactõ, fon-
tibusq.

tibusq. humanæ vitæ necessarijs, necnon aquis Felicibus ditata, ex quibus innumeræ commoditates eandem viam incolentibus, aliorumq. locorum accolis oriuntur, præsertim vero mulieribus pauperculis, lauatricibus, quibus ex aqua Felici ad Thermas Diocletiani prope viam Quirinalem, siue Piam, amplum lauacrum muris cinctum Sixtus V. construendum mandauit: in cuius rei testimonium ad lauacri portam hæc legitur Inscriptio lapide incisa:

S I X T V S P . P . V .

P A V P E R V M

C O M M O D I T A T I

M V L I E R V M

E X T R V I F E C I T

A . M . D . L X X X V I I I .

Huc etiam spectat illud eiusdem Blanci Epigramma in hanc verborum formulam:

Qua lauet immundos mulier paupercula pannos,

Felicem Sixtus suppeditauit aquam.

Hæc de Phidiæ, & Praxitelis operibus, eorumq. translatione, ac monte Quirinali, Via, atque ædificijs illustrato, vberimisq. aquis ditato. Quæ quidem omnia Blancus omni felicitate, ac facilitate, quattuor, vt infra, versibus comprehendit in hanc verborum formam:

Structa domus, ducti fontes, via aperta, caballi

Transpositi, atque vno est area structa loco.

O felix nimium via, equi, domus, area, fontes,

Dum viuunt Vatis carmina, S I X T E, tui.

Hæc de colle Quirinali in commodiorem, illustrioremq. formam redacto SIXTI QVINTI mandato. Reliquum est autem, vt cetera eiusdem camera Emblemata explicentur.

E M B L E M A V.

*De Montalti in ciuitatem sublimatione,
& ampliatione.*

Ex Bulla-
rio Sixti
V. par. 2.
Constitut.
48.



Ex eodem
Bull. Con-
stit. 34. &
49.

D L A E V A M cameræ supra fenestram primam, Patria SIXTI V. oppidum scilicet Montaltum in Piceno, & in edito loco situm, muris vndique cinctum, & collegiata Ecclesia ornatum, nunc autem ab eodem Pontifice erga Patriâ pietate, ac liberalitate in Ciuitatem sublimatum, necnon Cathedra- li, & Episcopali Ecclesia insignitum repræsentatur: in qua sublimatione, & erectione præstanda idem Sixtus Diœcesi, ac dote Ciuitatem donauit, sicut etiam de oppido Laureta- no, & oppido Sancti Seuerini ex Piceno idem factum esse constat. Hinc Auctor inscriptionis ad Episcopalem dignita- tem alludens ait:

INSCRIPTIO EMBLEMATIS.

*Montaltum Sixto Patrem donauit habere,
& Montalto Sixtus donat habere Patrem.*

Hac inscriptione Blancus sub patris nomine, & more poe- tico ludit dicens, Sixtum V. in remunerationem sui patris Patrem spiritualement, Episcopum scilicet Patriæ antidore donasse: quæ enim a Latinis remunerationes, a Græcis anti- dora nuncupantur: sunt enim ea omnia, quæ pro acceptis muneribus redduntur. Locus autem adeo facilis est, vt de- claratione non egeat. Eiusdem Montalti muris olim etiam vndiq. cincti in ciuitatem sublimationem, seu loci ampli- ationem sub moeniorum nomine videtur spectare illud Epi- gramma, quod in Palatio Lateranensi legitur in hanc ver- borum formam:

*Cum te Sixte olim sub luminis edidis oras
Patria, dicta fuit tunc tua vera Parens.
Sed modo, dum firmis circumdas manibus illam,
Quis Patria verum te neget esse Patrem?*

Hoc

Hoc Epigrammate Blancus Sixtum Quintum à Montalto, cuius fuit alumnus, ob dicti loci sublimationem, & ampliationem Patrem Patriæ appellat, quam Parentem esse ait, Terram olim scilicet Montalti Ripanæ diocesis, quæ natalibus eiusdem Sixti V. felicem præbuit ortum. Nec silentio prætereundum videtur, quid pro Montalto ampliando, & illustrando singulos in dies præstetur. Palatijs enim, alijsq. ædificijs construendis, vijsq. sternendis nauatur opera. Episcopium item, habitatio scilicet Episcopi conficitur, & quidquid ad Ciuitatis ampliationem, commoditatem, ac decorem siue splendorem pertinet, summa fit diligentia. Mons denique pro ciuitate amplianda complanatur: nihilq. pro hac re præstanda prætermittitur. Hæc de Montalti sublimatione, atque ampliatione, vt ad Bibliothecæ Vaticanæ describendæ finem properemus.

E M B L E M A V I.

De Fonte Capitolino.

DE ANDEM Camera partē supra secundam fenestrā Fons Capitolinus in Capitolio, iussu Sixti V. nuper constructus, & Felici aqua donatus, representatur. Capitolium enim mons est celeberrimus, in quo erat Arx Romanorum munitissima, varijs ornata marmoribus, sedes, & domus omnium triumphorum, quo in loco Augustus tributarium vidit orbem. Erant ob id in Capitolio decorum templa, sacella, & aræ, aliaq. plurima ædificia publica, statuar aureæ, & argenteæ Regum Romanorum, & aliorum virorum illustrium, vt ait Plinius: quin Eutropius nullam nisi auream, aut argenteam statuam inibi poni potuisse affirmat. Erant præterea vasa aurea, & argentea, atque crystallina permulta, arcarumq. tabularum, in quas incisæ erant & monimenta publica & leges, tria millia. Capitolium quater incēdium passum esse narratur: mons autē ante Urbem conditā Saturnius a Saturnia ciuitate in radicis monte sita, dictus est: deinde capitolium a capite Toli hominis illic inuēto, dum tēpla Iouis aperirentur fundamenta,

Ex Barbo.
Marl. lib.
1. Topogr.
Vrb. Roma
cap. 1. Et
ex Andr.
Palladio.

Arnobius Capitolium
aduers.
Gens.

Dictus & antea est Tarpeius, hinc Auctor Inscriptionis, Montem Capitolinum, Tarpeium scilicet, habere iterum fontem, qualem tamen non habuisse ait hunc in modum:

INSCRIPTIO EMBLEMATIS.

*Fontem rursus habet sedes Tarpeia, sed quem
Non habet, infensi dum timet arma Tati.*

Propert. li.
4. Eleg. 2.
6. 4.

Argutus est hoc loco Blancus, Poeta, ut alias interim laudandas illius animi dotes præteream, nobilissimus, & ætate nostra florentissimus: sed hac Inscriptione, tum ob historiam, & fabulam, tum etiam ob phrasim poeticam non satis clarus, ne dicam, obscurus. Dicam tamen quæ sentio, quæq. ab historicis, & poetis accepi, hoc est a Varrone, Plutarcho, Virgilio, & a Propertio in primis, qui huic obscuritati lucem videtur asserre. Romulus enim cum bella contra Tatium Sabinorum Ducem tractaret, ac Tarpeio cuidam Arcem tuendam dedisset, filia eius Tarpeia incidit in hostes, ad fontem aquatum profecta: quam cum ad prodicionem arcis cohortarentur, illa pro præmio quidquid in sinistris brachijs portarent, sibi dari poposcit, armillas intelligens, quas illi aureas gemmatasq. læuo in brachio ferebant. Itaque prodicione arcis facta, hostes ingeniosa ipsius morte promissum persoluerunt, eam oculis orbatam, scutisq. non armillis, obrutam eodem in monte sepelientes: ex cuius morte, atque sepulchro, ipsi monti nomen Tarpeia indiderunt, Tarpeiusq. mons tempus in posterum dictus est, deinde multis post annis Capitolinus, ut præsens in tempus vocitatur. Hoc igitur in Capitolio, ædificijs, ac statuis marmoreis, atque æneis, picturisq. pulcherrimis, alijsq. ornamentis, ut ætas nostra fert, insignito, in quo etiam Populi Romani Senatus residet, nunc fons satis nobilis constructus cernitur, aquæ Felicis vbertate diratus. Hinc, ut reor, Auctor inscriptionis ait, Tarpeiam sedem, hoc est, Montem Capitolinū rursus habere fontem, sed non qualem habuit, dum timuit infensi arma Tati, hoc est Titi Tatij acerrimi Pop. Rom. hostis, Sabinorum Ducis. Et nisi dicamus, hac in Inscriptione tempus pro tempore positum esse

per

per figurā illam Grāmaticis notam, sensus rationi congruens haud quaquā elici potest: præsens enim, vt opinor, hoc loco pro præterito ponitur, hoc est, Tarpeius mons rursus fontem habet, sed non qualem habuit, infelicē scilicet, infelicisq. proditionis causam occasionalem, vt aiūt naturalis philosophiæ professores. Ex hoc enim fonte, qui nunc exstat, non nisi feliciā augurari licet, cum sit Felici aqua repletus: hinc Capitolium non habuit, qualem nunc habet fontem. Num ego Blanci sententiam fuerim assequutus, iudicet ipse: Ad laborauī tamen ego, vt quod rationi videtur consentaneum, dicerem: mihī enim coniectare, sed non diuinare, datum est.

Hæc de Emblematis, Bibliothecis, Cōcilijs, & Inscriptionibus versū, & soluta oratione cōfectis. Cetera autē, quæ pro arbitrio Pictorū ad parietes vtriusque secretioris Cameræ, & ad ipsos tum earundem, atque aliarum, tum etiam Bibliothecæ amplioris fornices, stemmata gentilitia Sixti V. mirificamq. eius virtutem per symbola, & disteria, quæ symbolorum animæ appellantur, adumbrantia passim cernuntur, silentio prætereunda censeo, ne intuentibus meditandi ansam omnino auferamus.

Reliquum est autem vt nostros hosce Commentarios tandem aliquando concludamus, ac definiamus apponentes quæ ad Bibliothecæ introitus dextram in Tabula lignea satis grandi depicta cernuntur. Hoc enim loco SIXTVS V. Pont. Max. ad viuum repræsentatus sedere conspicitur, alijs adstantibus ad viuum item omnibus effictis a Petro Facchetto Mantuano, qui in imaginibus ad viuum exprimendis excellens iudicatur. Ad viuum etiam efficti sunt, Antonius Card. Carafa, Bibliothecæ Præfectus: & Sixti V. Pronepotes, Alexander scilicet Perettus Card. Montaltus, ac Vicecancellarius, eiusq. frater, Michael Perettus, Marchio, & Ciuitatis Leoninæ, siue Burgi Gubernator.

Hic etiam, vt alias imagines silentio prætecam, quæ neminem singulariter aut propriè referūt, videre est ad viuum item expressum Dominicū Fontanam, Comitem Palatinū, & Equitem aureatum, necnon Sixti V. Architectū, qui, flexo genu, Bibliothecæ Ichnographiā siue descriptionem summo Pontifici offerre cernitur. Is enim non solum omnes Obeliscos hisce in

Commentarijs enarratos trāstulit, & crexit, sed Bibliothecæ etiam Architecturam præstitit, eamq. tribus ordinibus distinctā, Dorica scilicet structura prima, altitudinis palmorū L I. Ionica altera palmorum xxxviii. tertia vero composita, non ea cōpositione a veteribus obseruata, sed a recentioribus inuenta, Corinthia prætermissa, palmorum xxxvi. vt ad eam præsertim partem, quæ Theatrum spectat, videre est: cuius frontispicium est longitudinis siue latitudinis palmorum cccxxv. altitudinis vero cx xv. De huiusmodi ædificiorum generibus, quæ Ethnici mirum in modum obseruarunt, ac religiose excoluerunt in deorum templis ædificādis, arisq. construendis, Vitruuius Architectorum Magister, diffuse loquitur, & Anastasius Germonius Archidiaconus Taurinensis, in libro de Immunitatibus Ecclesiasticis iuxta Antiquorum morem hæc tria ædificiorum genera luculentissime explicat, & erudite quidem.

*Vitru. lib.
2. cap. 2. et
lib. 4. c. 1.
Anast. lib.
1. cap. 1.*

Huic Tabulæ, in qua Sixti V. imago ad viuum expressa, aliæq. effigies repræsentantur, Bibliothecæ porta extat adnexa: supra quam hæc legitur Inscriptio penicillo facta:

SIXTVS V. PONT. MAX.

BIBLIOTHECAM HANC VATICANAM
ÆDIFICAVIT, EXORNAVITQ.

AN. M. D. LXXXVIII.

PONT. III.



UNIVERSA Bibliotheca Vaticana, adiuuante Deo, Commentarijs explicata, reliquum est, vt ordine retrogrado eiusdem Bibliothecæ vestibulum videamus, quidve in eo contineatur. Id quod tempore, ac re ipsa postulante factum est: hosce enim Commentarios ante biennium olim confeceram, typisq. mandare cœperam iam inde ab eo tempore, quo non solum vestibulum ipsum picturis, & Inscriptionibus carebat, sed nondum Obelisci omnes erecti, nec Statuæ supra columnas Cochlides collocatæ fuerant: multaq. aliâ inchoata extabant, vel nondum

dum cœpta desiderabantur: de quibus omnibus in hac Bibliotheca Vaticana nobis loquendum fuit. Quare omnia suo loco apponere non potuimus, sed de quibusdam rebus, quæ ad operis perfectionem pertinent, Appendicem duximus conficiendam, quam infra cernere licet. Quamuis autem hosce Commentarios; ut dixi, a duobus fere iam inde annis prælo committere cœperam, sui tamen e medio, ut sic dixerim, cursu ob grauiorem mihi curam a S. D. N. Sixto V. demandatam reuocatus. Hinc ab incepto desistens, rem ad hanc usque diem prorogare coactus sum. Mirum igitur cuiquam videri non debet, si ordine forsan præpostero Bibliothecæ consideremus vestibulum, in quo non solum duæ Inscriptiones præcipuæ summam totius rei complectentes, quæ magis fini, & ordini nostro conueniunt, sed nonnulla etiam, quæ ad Commentariorum initium, & quasi præludium quoddam, spectare videntur, non sine fortasse ratione a Pictoribus hic ob oculos posita sunt. Hoc enim loco Sibyllas in fornice ipso vestibuli depictas videre licet, quas Varro decem fuisse scribit: Fuerunt enim, Persica, Libyca, Delphica, Cumæa, Erithræa, Samia, Cumana, Amalthea nomine, Hellepontica, Phrygia, Tyburtina, nomine Abulnea, quæ de Christo variatæ sunt, & præsertim Erythræa, dicens: *ἰησοῦς θεῖος διὸς υἱός, σωτὴρ*, idest, Iesus Christus Dei filius, Saluator, ut S. P. Augustinus testatur, qui has voces ex capitibus versuum dictæ Sibyllæ collectas esse narrat. De Cumana etiam, quæ nouem libros Tarquinio præscitum obrulit; suo loco sermonem habuimus.

Ex Gell. li.
i. cap. 29.

S. Ang. lib.
18. c. 23.
de Ciuit.
Dei. ex La-
tia. Firm.
Ex Gell. li.
i. cap. 28.

Pag. 48.

Hoc item in vestibulo multæ picturæ ad artem typographicam, & ad chartarum conficiendam pertinentes in ipso fornice conspiciuntur. Sed quia de Typographiæ, & chartarum inuentione, atque vtilitate in Appendice loqui statuimus, ad præcipuas Bibliothecæ accedamus Inscriptiones, quarum vna antiquam Bibliothecæ Vaticanæ institutionem, & incrementum, deinde illustrationem, necnon translationes explicat: altera vero continet Edictum, quo Anathematis vinculum ijs, qui modum tractandi libros eiusdem Bibliothecæ præscriptum contempserint, minatur, ut, versa pagina, videre est.

Ad Portæ dextram Inscriptio:

S I X T V S V. P O N T. M A X.

BIBLIOTHECAM APOSTOLICAM

A SANCTISSIMIS PRIORIBVS ILLIS PONTIFICIBVS, QVI BEATI PETRI VOCEM AUDIERVNT, IN IPSIS ADHVC SVRGENTIS ECCLESIAE PRIMORDIIS INCHOATAM, PACE ECCLESIAE REDDITA, LATERANI INSTITVTAM, A POSTERIORIBVS DEINDE IN VATICANVM VT AD VSVS PONTIFICIOS PARATIOR ESSET, TRANSLATAM, IBIQ. A NICOLAO V. AVCTAM, A SIXTO III. INSIGNITER EXCVLTAM QVO FIDEI NOSTRAE, ET VETERVM ECCLESIASTICAE DISCIPLINAE RITVVM DOCVMENTA OMNIBVS LINGVIS EXPRESSA, ET ALIORVM MULTIPLEX SACRORVM COPIA LIBRORVM CONSERVARETVR AD PVRAM ET INCORRVPTAM FIDEI ET DOCTRINAE VERITATEM PERPETVA SVCCESIONE IN NOS DERIVANDAM TOTO TERRARVM ORBE CELEBERRIMAM, CVM LOCO DEPRESSO, OBSCVRO, ET INSALVBRI SITA ESSET, AVLA PERAMPLA, VESTIBVLO, CVBICVLIS CIRCVM ET INFRA, SCALIS, PORTICIBVS TOTOQ. EDIFICIO A FVNDAMENTIS EXTRVCTO, SVBSELLIIS, PLVTEISQ. DIRECTIS, LIBRIS DISPOSITIS, IN HVNC EDITVM, PERLVCIDVM SALVBREM, MAGISQ. OPPORTVNVNVM LOCVM EXTVLIT, PICTVRIS ILLVSTTRIBVS VNDIQUE ORNAVIT, LIBERALIBVSQ. DOCTRINIS ET PVBLICAE STVDIORVM VTILITATI DICAVIT
ANNO M. D. LXXXV III. PONTIFIC. IIII.

Inscriptio hæc adeo facilis est, vt nulla declaratione indigere videatur. Hinc ad Edictum deveniendum est.

Ad Porta lauam Edictum:

S I X T V S V. P O N T. M A X.

PERPETVO HOC DECRETO DE LIBRIS VATICANÆ BIBLIOTHECÆ CONSERVANDIS QUÆ INFRA SVNT SCRIPTA HVNC IN MODVM SANCITA SVNTO, INVIOLETEQ. OBSERVANTOR.

NEMINI LIBROS, CODICES, VOLVMINA HVIVS VATICANÆ BIBLIOTHECÆ EX EA AVFERENDI EXTRAHENDI, ALIOVE ASPORTANDI, NON BIBLIOTHECARIO, NEQVE CVSTODIBVS, SCRIBISQ. NEQVE QVIBVSVIS ALIIS CVIVSVIS ORDINIS ET DIGNITATIS NISI DE LICENTIA SVMMI ROM. PONT. SCRIPTA MANV FACVLITAS ESTO.

SI QVIS SECVS FECERIT, LIBROS PARTEMVE ALIQVAM ABSTVLERIT, EXTRAXERIT, CLEPSE-
RIT, RAPSERITQ. CONCERPSE-
RIT, CORRUPERIT
DOLO MALO, ILLICO A FIDELIVM COMMVNIO-
NE EIECTVS MALEDICTVS ANATHEMATIS VIN-
CVLO COLLIGATVS ESTO, A QVOQVAM PRÆ-
TERQVAM ROM. PONT. NE ABSOLVITOR.

Apostolicum Edictū hoc formam redolet illā, qua in condēdis legibus vſi ſunt antiqui: & aliquibus conſtat verbis, quę quāvis apud probatiſſimos Auctores inueniantur, nō ſunt tamen in frequenti vſu niſi in legū præſertim ſanctionibus promulgandis. *Cleperit* enim a *Clepo*, quod verbū non ſemel a Li-
uio, a Plauto, & a Cicerone vſurpatur, a Græco κλέπω ſumptū
eſt pro furto aliquid ſurripere. Vnde *Cleptum*, dicitur furto ſu-
blatum. *Rapſerit* item eſt a verbo *Rapio*, quod in præterito,
Rapſi, fecit. *Concerperit* denique eſt a verbo *Concerpo*, & eſt idē
quod diſcerpo, & lacerō. Hinc Cicero: *Sacrum, ſacroe commen-
datum qui cleperit, rapſeritve, parricida eſto.* Et quoniā in Edictō
imperādi modus adhiberi ſolet, hinc *Sunto* pro *Sint* *Obſeruan-
tor*, pro *Obſeruentur*, *Eſto*, pro *Sit*, *Aſoluitor*, pro *Aſoluiatur*.
Dolo malo, id eſt fraude, apud I. C. Cetera patent.

BIBLIO-

BIBLIOTHECÆ VATICANÆ

A P P E N D I X.



T T A N D E M hisce in Commentarijs vltima primis respondeant, silentio haudquam prætereundum censeo, Molem hanc totam à fundamentis, vt initio dictum est, excitatam, totq. picturis illustratam vnus fere anni curriculo, omnibus suis numeris fuisse absolutam Dominici Fontanæ Equitis aureati, & Architecti industria, qui operarijs hominibus ad structuram, murariam pertinentibus circiter centum, totidemq. ad artem pictoriam spectantibus secum adhibitis vniuersum opus tam cito, tantaq. omnium admiratione perfecit, præsertim vero, vt ceteros prætermittam, opera Cæsaris Nebbij Vrbeuetani, & Ioannis Guerræi Mutinensis, quibus pingendi cura omnis demandata est: Cæsar enim Vrbeuetanus arte pollens pictoria, & iam inde a iuuentute a laudato viro non parum laudatus, Bibliothecarum, Conciliorumq. historias, litterarumq. Inuentores, ceterasq. imagines ad historiâ pertinentes delineauit, hoc est, pingui quadam Minerua futuri operis lineamenta manu sua duxit, deinde ab alijs pictoribus ad amussim pingenda diligenter curauit.

Georg. Vas.
sar. s. p. v.
de Pictor.
Sculpt. &
Architect.
dimitis.

Harum rerum inuentionem Federicus Ranaldus Valuen. Bibliothecæ custos, SIXTO V. obtulit. Siluius autem Antonianus sacri collegij Illustriss. S. R. E. Cardinalium a secretis eandem res disposuit, & Inscriptionibus, eodem SIXTO iubente, & dijudicante, illustrauit, aliqua ex parte Petro Galesinio Protonot. Apostolico adiuuante. Qua in re non nihil etiâ operæ præstitit horum Commentariorum Auctor. Ioannes vero Mutinensis ingenio præstans, & ex arte non ignobilis Emblemata omnia, necnon cetera Bibliothecæ ornamenta ad pictoris arbitrium facta adinuenit, ac delineauit, & ab alijs item pictoribus ad vnguem absoluenda studuit. Ad hæc autem omnia conficienda non modicâ præstitit operam Ioannes Baptista Nouariensis, pictor satis clarus, qui ob delineandi, pingendiq. scientiam apud artis pictoriæ peritos maximam

mam sui expectationem concitauit. Hæc hætenus.

Antea vero quàm postremam Commentarijs imponamus manū, nonnulla in hac Appendice pro earundem rerū declaratione repetenda, quædā vero, quæ in nostris hisce Commentarijs desiderari possent, adijcienda censuimus, quibusdā dubitationibus occurrentes. Quando enim in Bibliothecam Vaticanā Cōmentarios, quos duobus fere ab hinc annis perfecimus, imprimendos curabam, nonnulla, vt dixi, desiderabātur, quæ nōdum in apërto, & propatulo loco extabant. Propterea quòd ego, vt dictum est, grauioribus ac fere perpetuis studijs distētus, ita vero, vix vt ad hanc vsque diem respirare queam, siquid subcesuiarū mihi horarum aliquando cōcedebatur (id quod perraro quidē euenire solebat) statim arripiebā: illudq. temporis pauxillulum mihi concessum in hac Bibliotheca Vaticanā explicanda ad lucernam consumebam, lucubrationemq. ipsam Typographi commoditatē in lucem edendam patiebar, ne in tanta temporis angustia totum opus mihi simul fere tandem aliquando imprimendum relinqueretur. Hinc factū est, vt aliquot Inscriptiones, necnō alia permulta, quæ infra subiiciuntur, suo loco apponere nō potuerim: quædam vero hic repetuntur, quoniam declaratione indigere videntur. A vetustis igitur Obelisci Lateranensis Inscriptionibus, & ab eiusdem dedicatione exordiemur, vt dubitationibus quibusdā in primis occurramus.

DE OBELISCI LATERANENSIS ANTIQUIORI DEDICATIONE.



VAE hic oriuntur dubitationes, ad Obelisci Lateranensis antiquiorem dedicationem, inscriptionesq. hieroglyphicas latinitate donatas pertinent: dixi enim cum de ipso Obelisco sermonem habui, ipsum Heliopoli, hoc est, in solis Vrbe Aegyptia primū fuisse erectū ijs inscriptionibus hieroglyphicis insignitum, quas ego apposui ex Ammiani Marcellini verbis, quæ satis implicata

M m videntur.

videntur. Sed quoniam de duabus hisce rebus, geminus mihi scrupulus iniectus est; quæ scripsi, rectiori quadam trutina, quoad fieri poterit, accuratius examinabo. Quod enim de Maximi Obelisci dedicatione antiquiori a me dictum est, id a veritate alienum esse nonnulli, & eruditi quidem viri affirmant. Ego autem, si Ammiani Marcellini verba satis implexa percepi, quod scripseram confirmabo: quodq. apud probatissimos Auctores reperi, in medium afferam: si enim aliud mihi constaret, palinodiam recantare non ægre ferrem. Id quod animi ingenuitati attribuendum esse mihi persuadeo. Dixi ergo Obeliscum illum omnium aliorum maximum Heliopoli, ciuitate Aegyptia, primitus fuisse erectum: nec id videtur abhorre a verbis Ammiani, qui ipsum Obeliscum, in Circo maximo se vidisse, & ab Heliopolitana ciuitate Aegyptia a Constantio Imp. fuisse transfuectum ait, vel saltem innuit, vt ex eiusdem verborum serie aut vi colligi necesse est. Nec satis video cur magis per veterem Obeliscum, moles ab Octauiano Augusto Romam aduecta, quàm illa altera a Constantio translata intelligi debeat, etiamsi illa ab Octauio veteri Principe, vt ait Ammianus, hæc vero multis post annis a Constantio recens aduecta dicatur: vetustas enim ad molis etiam incisionem, antiquioremq. in Aegypto dedicationem referri potest: nam fieri potuit, vt Obeliscus Maximus prior alijs obeliscis ab Ammiano commemoratis, & fuerit incisus, atque in Aegypto, Solis numini præcipuo munere, eodē teste, fuerit dedicatus: qui etiā tamquam apex omnium eminebat, vt ipse ait. Adde etiam, quod Hermapioni, & Ammiano maiorem de maiori, celebrioriq. Obelisco extitisse curam quàm de alijs credendum est: hinc Inscriptiones illas hieroglyphicas ab Hermapione interpretatas (cum aliæ ab eo interpretatæ non reperiuntur) ad maiorem celebrioremq. Obeliscum pertinere, eundemq. Obeliscum Heliopoli primitus erectum fuisse censendum est, cum Soli eum dedicatum esse, eidemq. Soli præcipuum honorem Aegyptios, ea præsertim in ciuitate, præstitisse cõstet: Heliopolis enim ab Helio, Solis nomine, Solis Vrbs nuncupatur. Huic sententiæ fauet Plinius, qui ait Ramisem, Rhamestē item dictum, in Solis Vrbe Obeliscum quadragenorū, & octonum cubito-

*Ammian.
Marc. lib.
17.*

*Ammian.
Marc. ibi-
dem.*

*Plin. li. 30.
c. 8. in fin.*

eubitorum crexisse: alterū vero lōgitudine vndecenis pedibus, hoc est nonaginta nouē geometricis, qui palmos vsuales centū & nonaginta octo efficiūt: cuiusmodi est Obeliscus, de quo hic verba facimus, sicut ab Architecto, qui hunc Obeliscū ad Aedes Sancti Ioannis Lateranensis transtulit, & erexit, inuentū est. Nec nostræ sententiæ refragatur primum Hexastichū Inscriptionis Constantianę, in cuius versū postremo hęc mollē Thebis reuulsam fuisse legimus: Heliopolis enim est Ciuitas Aegypti inter Alexandriā & Coptum: & a Græcis, teste Diodoro Siculo, Thebe dicitur: ex qua ciuitate Obeliscus ipse a Constantino Alexandriā, recto itinere, deinde a Constantio Romam fuit transuectus. Et quoniam Heliopolis nomen in hexametro versū accommodari non potest, hinc Poeta, Inscriptionis Auctor, Thebarum, & non Heliopolis voce vsus est: Thebe enim est item ciuitas Aegyptiorum eminentissima, atque amplissima, vt Plato testatur. Hęc pro geminis mihi iniectis scrupulis eruendis dicenda visa sunt. Num veritatem sim assecutus, iudicent alij: & suo quisque sensu abundans, opinionem suam tueatur licet, & hac in re præsertim a memoria nostri temporis adeo remota, & in tanta Scriptorum, ac locorum nominum varietate: quarum quidem rerum omnis inuestigatio in coniectura sita est.

V E T V S I N S C R I P T I O B A S I S O B E L I S C I M A G N I,

quem e ruderibus Circi maximi erūtum Sixtus V. Pont. Max.
ad Lateranensem Basilicam transferendum,
erigendumq. curauit.

Hexastichum I.

PATRIS OPVS MVNVSQVE *suum* TIBI ROMA DICAVIT
AVGVSTVS *soto Constantius* ORBE RECEPTO:
ET QVOD NVLLA TVLIT TELLVS, NEC VIDERAT AETAS
CONDIDIT, VT CLARIS EXAequet DONA TRIVMFIS.
HOC DECVS ORNATVM GENITOR COGNOMINIS VRBIS
ESSE VOLENS, CAESA THEBIS DE RVPE REVELLIT.

M m 2. *Exasti.*

Hexastichum II.

SED GRAVIOR DIVVM TANGEBAT CVRA VEHENDI,
 QVOD NVLLO INGENIO, NISVQVE, MANVQVE MOVERI
 CAVCASEAM MOLEM DISCVRENS FAMA MONEBAT..
 AT DOMINVS MVNDI CONSTANTIVS OMNIA FRETVS
 CEDERE VIRTVTI, TERRIS INCEDERE IVSSIT
 HAVT PARTEM EXIGVAM MONTIS, PONTOQVE TVMENTI.

Hexastichum III.

CREDIDIT, ET PLACIDO *vexerunt aquora fluctu*
 LITVS AD HESPERIVM *Tiberi* MIRANTE CARINAM.
 INTEREA ROMAM TAPORO VASTANTE TYRANNO
 AVGVSTI IACVIT DONVM STVDIVMQVE LOCANDI,
 NON FASTV SPRETI, SED QVOD NON CREDERET VILVS
 TANTAE MOLIS OPVS SVPERAS CONSVRGERE IN AVRAS.

Hexastichum II II.

NVNC VELVTI RVRSVS RVFS AVVLSA METALLIS
 EMICVIT, PVLSTATQVE POLOS HAEC GLORIA DVDVM
 AVCTORI SERVATA SVO, CVM CAEDE TYRANNI
 REDDITVR, ATQVE ADITV *Rome* VIRTUTE REPERTO
 VICTOR OVANS VRBIQVE *locat sublime* TROPAEVVM,
 PRINCIPIS ET MVNVS CONDIGNIS *vsque* TRIVMFIS.

*Pag. 17.
6. 18.* Quamvis Inscriptionem hanc vetustam suo iam loco ap-
 posuerimus, in hac tamen Appendice duximus repetendam,
 vt nonnulla, quæ scitu digna sunt, dignoscantur. Nam Mi-
 chael Mercatus Protonot. Apostolicus labore non modico,
 summaq. ingenij perspicacitate duce, bonarumq. artium cõ-
 gnitione comite, vt minores indicant caractères, Inscriptio-
 nem ipsam corrosam, & dilaceratam, vel in varias partes di-
 uulsam e ruderibus eruit, & in hanc formam redegit.

Antea vero quàm ad amussim fuisset concinnata, eam alij
 raptim typis mandarunt erroribus conspersam, quam ego,
 quoad

quoad potui expurgavi, dum suo loco dictam Inscriptionem in his Commentarijs apponere studebam: vbi legitur Trophæum pro Trophæum iuxta vsum scribendi antiquum, vt Pag. 17.
C. 18. inibi hac de re satis dictum puto. Sed quoniam ego huius vocis, *Trophæum*, similitudine deceptus in quarto versu primi Hexastichi, & in postremo Quarti, Triumphis pro Triumphis siue pro Triumphis, sicut eo tempore scribi solebat, reliqui; hinc vocem hanc *Triumphis* (non Triumphis nec Triumphis) a Michaelē Mercato in Obelisci basi inuentā sicut ipsummet id ita esse non semel affuerasse audiui, pro Triumphis reposui. Pag. 200.
C. 201. Antiqui enim F, pro Ph, non raro vsurpabant, sicut alibi, tum ex priuatis, tum etiam ex publicis Inscriptionibus a me demonstratum est. Ita contra: Quod antiquiores item Latini Pag. 140. per Ph, scribebant, vt phama, phanum, & phagus, nos per F, scribere solemus, vt Fama, Fanum, & fagus.

In postremo secundi Hexastichi versu *Haut* pro Haud legitur, T, pro D, interdum ab antiquis Latinis sumpto, sicut e conuerso D, pro T nō raro ab iisdem vsurpatū fuisse inueni. Qui enim T, pro D, vsi sunt, mollem sonum euitare voluisse iudicati sunt, duriorem vel sicciorem sequentes, vt patet ex Inscriptionibus non paucis marmore incisis. Exempla sunt hæc: *Alexsanter*, pro Alexander Romæ in Aedibus Marchionis Riani. *Apud* pro Apud, Romæ in Aedibus Coritianis ad Forum Traiani, in hortis S. Sebastiani ad Viam Appiā, & in Aedibus Capranicorum. *Aliud*, pro Aliud apud Sudorinos ad S. Rocchum. *Ad* pro Ad, Veronæ in ædibus Ioan. Baptistæ Orthij. *Adsigno*, pro Adsigno Romæ. *Id*, pro Id Brundisij extra Urbem. *Quot*, pro Quod infra Præneste in vinea quadam. *Sed*, pro Sed in Pratis Quinctijs in vinea, in hortis Carpensibus, & alibi. In Aedibus Masæiorum extat Inscriptio publica marmore incisa, satis longa, e Caritibus allata, de eorumdem Caritum Municipio, Q. Ninnio Hasta, & P. Mālio Vopisco Cos. anno ab Urbe cōdita 866. Traiano Imperāte: & in ea legitur *Sed*, pro Sed, & *Id*, pro Id. *Sed* pro Sed in vetustioribus scriptis, & impressis Antiphonarijs Ecclesiasticis.

Anno Domini 99.

Ad hanc eandem rem comprobendam hoc loco libet apponere quod Linæer, Aldus, & alij recentiores, sed eruditi sane viri scriptum reliquerunt in hanc fere verborum formam:

T, vsur-

T, vsurpatū est pro D. & D, pro T. nam veteres dixere *Adque*, nos *Atque*, sane melior prischorum ratio: nam & mollior sonus est, & origo seruat: præpositionis enim vis adhuc manet, vt dicamus: Tu *atque* ego: & sit, Tu & *adte* ego. Sed antiqui voluere discrimen esse inter præpositionem & coniunctionem. Eiusdem modi fuit, *Sed*: nam e contrario olim erat, *Se Et*: disiungit enim, Tu curris, *Se Et* ego sedeo. Separata enim est actio mea ab opere tuo. Aduersatur enim vox illa, *Se*, vt scorsum, securus, segrego, separo, & alia innumera. Etiam, *And*, non *Aut* et illi dixere, et nos dicere deberemus: nam si negatiuæ *Haud* addita est aspiratio, differentia causa, sane cetera elementa ad quærendum discrimen non sunt mutanda, quin fortasse potius vtrumque sicciore elemento scribendum sit, *Aut*, *Haut*, Græcum enim fuit, *Ἀὐτί*. Omnis autem disiunctio vim obtinet negationis. Hæc de vsu litterarum D, pro T, et T, pro D, ne quis posthac *Haut* pro *Haud* mendū esse opinetur, sicut fortasse aliqui arbitrati sunt, qui *Haud* pro *Haut* reposuerunt: quos ego, qui *Haud* pro *Haut* impressum reperi nondum alloquutus Mercatum, qui vetustam Inscriptionem in varias partes diuulsam vidit, et concinnauit, in pristinamq. formam diligenter, et ingeniose quidem redegit, imitari coactus fui.

*Taporus
pro Magnentio.*

In tertio tertij Hexastichi versu, T A P O R O pro Magnentio intelligi debet, vt Mercatus recte sentit: Magnentius enim dictus est Taporus Tyrannus, quia apud Helenam, castrum Tapororū, qui Cantabriæ Populi sunt, montibusq. pyrenæis proximi, Constantem Constantij fratrem interfecit. Hinc Mercatus eam vocem, T a p o r o, cuius duæ litteræ mediæ desiderabantur, restituit.

*Plin. lib.
36. cap. 8.*

In primo quarti Hexastichi versu per Metalla rufa lapidis Syenitis fodinas idem Mercatus intelligendas testatur: ex quo lapide omnes Obeliscos esse affirmat. Rufus enim color Græce *συρρός* dicitur: a quo Syenites lapis etiā dictus est pyrro pœcilus. Hæc de vetusta Inscriptione, quæ ad basem Obelisci Lateranensis incisa olim extabat. Qui plura de hac Inscriptione scire cupit, ad librum Mercati de Obeliscis conscriptum & eruditionis plenum confugiat.

DE NOVIS OBELISCI INSCRIPTIONIBVS

Ad Aedes sanctæ Mariæ de Populo erecti.



VM Obelisci, quem Cæsar Augustus ex Aegypto in potestatem Populi Romani redacta Romam in Circum maximum transtulit, Soliq. di-
cauit, translationem, et erectionem ad Aedes
sanctæ Mariæ de Populo imprimendam cura-
bam, nondum, vt dixi, nouæ Inscriptiones in eiusdem Obeli-
sci basi erant incisæ; hinc eæ, quas infra videre est, suo loco
apponi non potuerunt. Inscriptiones nouæ in hanc legun-
tur verborum formam:

Inscriptio I.

ANTE SACRAM ILLIVS AEDEM
AVGVSTIOR LAETIORQ. SVRGO,
CVIVS EX VTERO VIRGINALI
AVG. IMPERANTE
SOL IVSTITIAE EXORTVS EST.

Inscriptio II.

SIXTVS V. PONT. MAX.
OBELISCVM HVNC A CAES. AVG.
SOLI IN CIRCO MAX.
RITV DICATVM IMPIO,
MISERANDA RVINA FRACTVM OBRVTVMQ.
ERVI, TRANSFERRI, FORMAE SVAE REDDI,
CRVCIQ. INVICTISS. DEDICARI
I V S S I T
A. M. D LXXXIX. PONT. IV.

Ceteræ

Ceteræ Inscriptiones duæ, quæ sunt vetustæ, & in eadem basi insculptæ conspiciuntur, vnius, & eiusdem sunt argumenti: cuius exemplum suo loco apposuimus.

DE SACELLO SIXTIANO.

Fig. 30.
Pl. C. 32.



Anno Do-
mi. 1524.

OC in Sixtiano Sacello, statuis septem marmoreis candidi coloris, & pulcherrimis quidem, necnon Inscriptionibus, & picturis nunc prætermisiss, quas suo iam loco descripsimus, extat etiam Statua Sixti V. Præsepe Christi Domini adorans, inscriptionibus item decoranda, de qua prius mentionem non fecimus ob causas superius enarratas. Ad dextram Sacelli Altare sanctæ Lucie sanctorum Innocentum reliquijs insignitum conspicitur: ad læuam vero, Altare sancto Hieronymo dicatum. Illud in honorem sanctæ Lucie, in cuius festo die SIXTVS V. natus est: hoc autem in honorem S. Hieronymi, cuius Titulo, dum erat Cardinalis, decorabatur, idem SIXTVS hoc loco statui mandauit. De sanctissimo Christi Præsepio in hoc Sacellum mira arte translato, omnique admiratione, venerationeq. digno quosdam olim edidimus versus, quos ob oculis ponere libuit, vt infra videre est.

De Sanctiss. CHRISTI PRAESEPIO, a SIXTO V. Pont. Max. in splendidissimum Sacellum translato.

A *Vgustum in Terris cur dat Præsepe TONANTI*
SIXTVS? ut in Cælo nunc sibi tecta paret.

I D E M.

ASTRA, Polumq. refert SIXTVS, cunabula CHRISTI
Dum nouat, & ponit splendidiore loco.

I D E M.

A SIXTO hic quicumque vides Præsepe repositum,
Phidiacam dicas, Parrhasiamq. manum.

IDEM

I D E M.

*CVR SIXTVS Præsepe nouat mira arte vetustum,
 Quo nitidas stellas æquiparatq. Polum?
 Namque Opifex rerū hic fuit, hic Moderator Olympi,
 Hic Spes, hic Vita, hic unica nostra Salus.*

DE TRANSLATIONE CORPORIS PII V.
 in Sacellum Sixtianum.



PIVS Quintus, summum veræ pietatis fuit exemplar, clarissimum catholicæ religionis lumen, ac sanctitatis splendor. Hinc SIXTVS Quintus tanta illius merita, magnaq. ab eodem in se collata beneficia singulari pietatis officio prosequi cupiens, corpus eius Christiana sollempniq. pompa ac Pontifice digna suum in Sacellum transferri mandauit; ibiq. nobili structura, & vere Pontificia ipsum locari iussit. De hac autem translatione, quâ suo loco descripsimus, tetraſtichum, quod infra cernitur, edidimus in hanc verborum formam:

Pag. 30.
 31. 32. 33.

*HIC, ubi iam CHRISTVS voluit de Virgine nasci,
 Mandauit SIXTVS condier ossa PII,
 Vi fateare piè, vicinum hunc esse TONANTI,
 Præsepi veluti proximus est Tumulus.*

DE STATVA SANCTI PETRI ÆNEA
 in Columnæ Traianæ fastigio erecta.



DE COLUMNA Cochlide Traiano olim erecta, Parthis, & Dacis ab eo deuictis, nunc autem B. Petro dedicata, in cuius fastigio eiusdem Apostolorum Principis simulacrum collocatum est, suo loco satis dictum esse arbitror. Quare infra non nisi quædam carmina apponentur, quæ de Statua San-

Pag. 33 34.

Sti Petri supra columnam Traianam erecta olim conscripsimus hisce verbis:

BELLICA Traiani spectat dum Roma trophæa,
 Erigit huic Cochlidem, sculpsit & historiam.
 SIXTVS dum Petri veneratur mille triumphos,
 Erigit huic Statuam, subiicit & Cochlidem.
 Petrus enim CHRISTO generosus vicit ouantes
 Terrarum Reges, tartareosq. Duces:
 Felix hinc merito SIXTVS, cognomine Quintus,
 Victori Petro tanta trophæa dicat.

I D E M A V C T O R

DE SANCTISSIMA CHRISTI CRUCE,
 deq. sacra B. Petri Statua ænea: illa in Cæsaris Obelisci,
 hac vero in Traiani Columnæ Cochlidis
 fastigio erectis.

NVMINA falsa potens pretioso sanguine Christus
 Abstulit, et lusit sæcula vana Iouis:
 SIXTVS id exequitur, Christi dum iura tuetur,
 Dum Petri Cymbam tractat, et Imperium:
 Demonibus pulsis, Obeliscum, altamq. Columnam
 Lympha lustrali purgat, et ore sacro.
 Sustinet hac Statuam Petri, Christi ille Triumphum,
 Traiani hac perdit, Cæsaris ille decus.
 Successor Petri, Christi q. Vicarius idem,
 Et Christo, et Petro clara trophæa sacrat.

DE COLUMNÆ ANTONIANÆ INSCRIPTIONIBVS, ET HISTORIIS.



DE COLUMNÆ Cochlide Antonino Pio Imperatori olim erecta, a SIXTO QVINTO instaurata, in cuius fastigio Statua S. Pauli ab eodem Sixto fuit collocata, satis dictum esse reor eo in Emblemate, quod ad Christianam, & vere piam Columnæ dedicationem, sacramq. statuæ erectionem pertinet. Nunc reliquum est, ut nouas Inscriptiones, quas inibi apponere non potuimus ob causam iam enarratam, subscribam. Inscriptiones sunt quæ infra leguntur:

Ad Occidentem.

M. A V R E L I V S I M P.
ARMENIS PARTHIS
GERMANISQ. BELLO
MAXIMO DEVICTIS
TRIUMPHALEM HANC
COLUMNAM REBVS
GESTIS INSIGNEM
IMP. ANTONINO PIO
PATRI DEDICAVIT.

Ad Meridiem.

SIXTVS V. PONT. MAX.
COLUMNAM HANC
COCHLIDEM IMP.
ANTONINO DICATAM
MISERE LACERAM
RVINOSAMQ. PRIMÆ
FORMÆ RESTITVIT
A. M. D. LXXXIX. PONT. IV.

Ad Orientem.

S I X T V S V. P O N T. M A X.

C O L V M N A M H A N C

A B O M N I I M P I E T A T E

E X P V R G A T A M

S. P A V L O A P O S T O L O

A E N E A E I V S S T A T V A

I N A V R A T A I N S V M M O

V E R T I C E P O S I T A D D.

A. M. D. LXXXIX. PONT. IV.

Ad Septentrionem.

T R I V M P H A L I S

E T S A C R A N V N C S V M

C H R I S T I V E R E P I V M

D I S C I P V L V M F E R E N S

Q V I P E R C R V C I S

P R A E D I C A T I O N E M

D E R O M A N I S B A R B A R I S Q.

T R I V M P H A V I T.

Quamvis Columna hæc Antonino Pio fuerit olim dedica-
 ta a Marcó Antonino philosopho, in eius filium adscito, qui
 deinde, Iulio Capitolino teste, M. Aurelius Antoninus dictus
 est; historiæ tamen in ea exculptæ ad præclara Marci Aurelij
 gesta pertinent: nam Antoninus Pius nihil annotatu siue me-
 moria dignum in bellis gessisse fertur, sed Marcus Aurelius
 de Armenis, & Parthis, necnon de Germanis, Quadis videli-
 cet, Marcomannis, siue Morauis, & alijs Populis, qui, vt non-
 nulli Scriptores prodierunt, equorū & vulpium carnibus de-
 lectâtur, victoriam reportauit. Huius igitur generis Victoriæ
 in Colum-

*Iul. Capito-
 lin. in vi-
 ra M. An-
 tonini phi-
 losophi.*

*Ex Iul.
 Capitol.*

in Columna Antoniana exculptæ conspiciuntur, & præsertim memorabile illud factum & omni admiratione dignum; siue egregium Christianæ victoriæ trophæum repræsentatur, quod Marco Aurelio Christianæ multitudinis precibus in bello Germanico, siue Marcomannico accidisse proditum est. Cum enim Marcus Aurelius in media Germania suo cum exercitu montibus vndique conclusus, ingenti aquæ penuria laboraret, mira quæ siti vexaretur, Christianos cohortatus est, ut opem a Deo peterent, atque aquam precibus impetrandam curarent. Quod quidem factum esse constat: nondum enim Christiani orationibus finem imposuerunt, & ecce tonitrua audiri, & fulmina micare cœperunt, pluvia diuinitus missa, ex qua Romanorum exercitus sese recrearunt, hoste vero magna ex parte fulminibus tacti interiere. Hinc de Romanorum hostibus illud Psalmi dici poterat: *Intonuit de cælo Dominus, & Altissimus dedit vocem suam, grando, & carbones ignis: misit sagittas suas, & dissipauit eos: fulgura multiplicauit, & conturbauit eos. De Romanis autem illud: Apparuerunt fontes aquarum. Et: Fulgura in pluuiam fecit.* Psal. 137.

Hæc res effecit ut Marcus Aurelius Christianos mirum in modum commendaret, eamque Christianorum multitudinem fulminantium nomine nobilitaret, vel eosdem saltem legioni eiusdem nominis aggregaret, Christianumque nomen Christianis crimini tempus in posterum haudquaquam foret, ut ex eiusdem Imperatoris Epistola ad Senatum missa late patet. Huius generis Epistola & Græce, & Latine conscripta reperitur apud probatissimos Auctores. Latina vero, quam infra apponere libet, in Bibliotheca Vaticana legitur in hanc verborum formam: Psal. 134.

IMP. CAESAR. M. AVRELIVS. ANTONINVS.
AVGVSTVS. PARTHICVS. GERMANICVS. SARMA-
TICVS. PONTIFEX. MAXIMVS. TRIBVNITIAE.
POTESTATIS. XXVIII. IMP. VII. COS. III. PA-
TER. PATRIAE. PRO. COS. S. P. Q. R. S. D.

Certiores vos feci de consilij propositiq. mei magnitudine, & quæ in Germania mihi in discrimine atque obsidione, alia ex alijs acciderunt, quum in eius medio, labore atque æstu confectus

Al. Coti-
ni, vel Car-
nutij.
dracones,
militaria
Barbarorū
signa.

confectus fuisset. Sane dum Carnuti essem, speculatores nobis indicarunt septuagintaquattuor hostium dracones prope nos nouem millibus adesse: idemq. Pompeianus, quem bello ducem praefecimus, quod nos quoque videbamus, renunciauit. Cumq. in nostrorum militum exercitu haberemus tantum legiones Primam, Decimam, Geminam, & Frentensem: hostium vero nongentorum & septuaginta septem millia; measq. ipsius copias cum ingenti Barbarorum atque hostium exercitu comparassem, deos patrios votis susceptis rogavi. Sed cum ab eis negligerer; meq. ab hostibus premi animaduenterem; copiarum mearum paucitatem contemplantus, eos qui apud nos Christiani dicuntur, accersui ac rogavi; inueniq. magnam eorum multitudinem: illosq. minis compuli, quod minime decuerat, propterea quod postea illorum vim ac potestatem cognoui. Itaque non ad telorum praeparationem, non ad armorum, neque ad tubarum usum se contulerunt: hoc enim illis facere Dei causa & nomine, quem in conscientia gestant, gratum non est. Aequum igitur est, ut quos impios esse & a Deo alienos opinabamur: eos existimemus Deo munitos esse. Cum enim se humi proiecissent, non solum precati sunt pro me, sed etiam pro toto hoc exercitu, ut famis, ac sitis, qua vrgebamur, remedium aliquod afferretur: quinque enim diebus aquam non sumpseramus, quod ea non suppeteret. Eramus enim in media Germania montibus undique conclusi. Simul autem atque sese humi abiecerunt, ac Deum illum precati sunt, quem ego ignorabam: statim e caelo pluuia delapsa est in nos quidem frigidissima, in Romanorum vero hostes grando, ignis specie ac similitudine, & fulmina: eorumq. orationibus ac precibus statim praesto Deus fuit, qui neque vinci, neque expugnari potest. Quamobrem illinc exorſi, concedamus talibus, ut sint Christiani, ne qua arma eius generis contra nos petant, & impetrent. Censeo autem neminem, quod Christianus sit, esse in crimen & in iudicium vocandum. Quod si quis inuentus fuerit, crimini dare cuiuspiam, quod Christianus sit, ei quidem qui in crimen vocatur, manifestum fieri volo, si nihil aliud obiectum est, quam quod Christianus tantum, dimitti: cum autem, qui Christianum accusauit, viuum exuri: illum

Euseb. lib.
4. cap. 22.
de hist. Ec-
cles.

illum vero, qui Christianum se esse professus fuerit, periculo omni, quod ob eam rem ei intendebatur, liberatum: Is, cui prouincia commissa est, nequaquam ad poenitentiam adigat, aut libertatem ei adimat. Hæc autem S. C. etiam sanciri volo; atque hoc meum edictum in foro Diui Traiani proponi, vt legi possit. Curæ autem erit Vetratio Pollioni Præfecto Vrbi, vt ad omnes prouincias hæc constitutio mittatur: neque quisquam, qui eam exscribere, vel ipsa vti voluerit, prohibeatur. Valere.

De hac huiusmodi historia Tertullianus apertam mentionem facit, dum ad Scapulam Carthaginis præsidem, vel proconsulem scribens ait: Marcus Aurelius in Germanica expeditione Christianorum militum orationibus ad Deum factis imbres in siti illa impetrauit. De Marci Aurelij Epistola, quam supra apposuimus, idem Tertullianus luculentum præbet testimonium dicens hunc in modum: Si litteræ Marci Aurelij grauissimi Imperatoris requirantur, quibus illam Germanicam sitim, Christianorum forte militum precationibus impetrato imbre discussam contestatur, sicut non palam ab eiusmodi hominibus poenam dimouit, ita alio modo palam dispersit, adiecta etiam accusatoribus damnatione, & quidem tetriciore. Hæc Tertullianus. Huius item Epistolæ meminit Iustinus Martyr, eamq. sub finem Apologiæ secundæ scriptam reliquit. Idem Orosius lib. 7. cap. 15. De hac historia, vel Epistola testatur Eusebius lib. 4. hist. Eccl. cap. 12. & 13. De hac eadem historia testimonium protulit Apollinaris Episcopus Hierapolitanus in Phrygia. Idem Polyæus Martyr clarissimus, eiusdem Fulminatricis legionis miles, vt Metaphrastes ait. Idem Gregorius Nyssenus. Idem Niceph. lib. 4. hist. Eccl. cap. 12. Et Bapt. Egnatius lib. 5. cap. 7. Et Onuphr. Panu. lib. 2. Fast. Et Cæsar Baron. in Annal. Eccl. Anno Christi 176.

Hæc eadem historia ab Ethnicis scriptoribus enarratur, nec est qui eam inficietur. Hi autem huiusmodi factum vel magicæ arti, vel Marci Aurelij precibus adscribunt. Et quamuis nemo fere illorum hominum sit, qui auxilium diuinitus obtentum Christianis acceptum ferat, nemo tamē Epistolam illam confictam, & supposititiam esse ait. Dion autem histo-

ricus

Iustinus
Martyr. A-
pol. 2. sub
finem.

Tertul. li.
ad Scapu-
lam.
Ann. Chri-
sti 200.

Tertull. in
Apolog. ad
uerf. Gen-
tes. cap. 1.

Iustinus
Martyr. an-
no Christi
148.
Eusebius.
Orosius.
Apollin.
Polyæus.
Metaphr.
die 9. Ian.
Greg. Nys.
in Quadr.
Martyr.
Niceph.
Egnat.
Cæsar Ba-
ron.

Dion. hist.

*Suidas in
dict. Iulii
mus.*

*Iulius Ca
pitol.*

*Iosephus
Cassialio.*

*Cæsar. Ba
ron. To. a.
Annal. Ec
clesi.*

ricus cognomento Cassius, patria Nicæus, vir consularis, qui Romanam historiam libris lxxx. comprehendit, copiose testatur vnam Christiani nominis legionem illud pluviæ donum impetrasse. Suidas vero rem omnem ad magiæ præstigijs refert, & præsertim in Iulianum quendam Chaldaeum Magum rejicit, seu Arnuphin Aegyptium philosophum, magiæ præsidio præpollentem, a quo exercitum Romanum periclitantem conseruatum esse ait: Sed Iulius Capitolinus in Marco Philosopho id omne ipsi Imperatori M. Aurelio Antonino aperte tribuit. Nos autem magis Antonini Epistolæ quàm alijs Ethnicis fidem adhibere debemus: nam de fide eiusdem Epistolæ nos dubitare non patitur Antonini constitutio, quâ ille in huius rei memoriam gratitudinis ergo fanciuit.

De hac Triumphali Columna Iosephus Castalio, vir sane eruditus Commentarium soluta scripsit oratione. De miraculo autem per Christum in Marci Aurelij Imperatoris gratiam aduersus barbaros facto elegantem edidit Elegiam.

Vt autem huic rei finem imponamus, ad columnam illam Antonini Cochlidem reuertamur dicentes, huius generis miraculum tam insigne, Christi virtute editum, ad perpetuam rei memoriam dicta in columna fuisse exculptum, sed imagine quadam, quæ Iouem Pluuium imbres, & fulgura demittentem, atque ex altera parte Romanos recreatos, ac lætæbundos, ex altera vero Barbaros fulminibus occisos representat, vt apud Cæsarem Baronium Ecclesiasticæ historiæ non minus doctum, quàm accuratum scriptorem videre est, qui huiusmodi imaginem in columna incisam, forma ænea diligenter exprimendam curauit. Ego vero ligneam formam hoc loco representandam volui, vt in sequenti pagella cernere licet.

Quamuis



Quamuis autem Marcus Imperator pluviæ munus Christianorum precibus diuinitus datum per publicas litteras confessus fuerit, Gentilitas tamen Ioui pluuio illud acceptum referens Iouis alaram imaginē largientis pluuiam, barba admodū proluxa, & brachijs extēsis expressam, in Columna ipsa exculpsit, Christianæ gloriæ monumento præclarissimo, sed propter Ethnicā superstitionē adiectā subobscurato. Hinc ob talē impietate, columnā illam partim barbarico olim furore, Deo saltē permittente, incensam, partim vero cælitus fulminet actā fuisse credendū est. Verum vt impietas ipsa magis aboleretur, SIXTVS V. Pontifex Max. eam columnā multis in locis fractā & laceram, summo studio, magna q. impensa restaurādā, & in pristinā formam restituendā, exorcizandāq.

O o

curauit,

curauit, in eiusq. fastigio pro Marco Antonino Philosopho, & pro Antonino Pio, æneum, & inauratum simulacrum Sancti Pauli, qui verus Christianæ fidei Philosophus, & Doctor Gentium fuit, veramq. pietatem Christianam excoluit, & propagauit, collocari iussit, vt hoc item facto, veram non fuisset pietatem illam Antonino Pio tributam, ob quam præsertim virtutem columnā, ac statuam sibi a Marco filio erigendam cōmeruit, ostenderetur. Virtutes enim, vt ait Sanctus Pa-

*S. Aug. lib.
29. de cin.
cap. 25.
Rom. 14.*

ter Augustinus, nisi ad verum Deum referantur, non virtutes, sed vitia iudicanda sunt, iuxta illud Apostoli dictum: Quod non est ex fide peccatum est: nam a communi Theologorum schola, vt alias in hanc sententiam interpretationes posthabeam, omnis vita infidelium peccatum nuncupatur ex quadam concomitantia, peccato scilicet infidelitatis concomitante omnes infidelium actiones.

*Aegid. Ro-
man. li. 2.
sent. diff.
41. q. 2.
art. 3.*

Infideles enim, quatenus infideles, efficere possunt aliquod opus bonum, quod de genere bonorum dicitur, illud tamen opus bonum, vt eleemosyna, & id genus alia, vt Aegidius Romanus & alij Doctores inquirunt, si ad idolum, vel ad inanem gloriam referatur, peccatum omnino est: quia est opus bonum, sed non bene factum: si autem non ad idolum, nec ad inanem gloriam illud referatur, sed naturali quadam pietate, non tamen est omnino bonum, peccato infidelitatis concomitante, formaq. operis, charitate scilicet, deficiente. Et

*Arist. lib.
2. Moral.
Nicom.
cap. 4.
Dent. 16.*

sicut, teste Aristotele, iustus ille non est censendus, qui iuste non agit, etiam si iusta faciat, iuxta illud præceptum: Iuste quod iustum est persequeris; ita nec pius iudicandus est qui pietatem quādam hoc vel illo modo præstat, peccato scilicet infidelitatis concomitante, quod saltem Antoninū Pium suam exercuisse pietatem, censendum est. Id quod alijs item Gentilibus vera fide carentibus accidisse dicas oportet, qui virtutes tanquā animæ facultatum perfectiones, non tanquam ad optimum & supremum finem, Deum verum, ordinatas cognouerunt. Quare sanctus Bonauentura recte ait, Philosophos pennas habere struthionis, qui etiam si alas habeat, non tamen instar aliarum auium volare potest. Gentilium enim virtutes, quæ vicem alarum in hominibus quodam modo gerunt, nec sunt fide illustratæ, nec spe sustentatæ, nec Christia-

*S. Bonau.
Thezaur.
ser. 7. 10. 1.*

na denique charitate informata, hominem ad æternæ vitæ præmium eleuare non queunt. Quare huiusmodi pietate insigniti non vere pij, sed potius impij quidam ex parte dici possunt. Quam profecto rem SIXTVS QVINTVS facto ipso explicauit, dum in columnæ vertice verum pietatis cultorem, Gentium Doctorem, & vas electionis Sanctum Paulum, seu Pauli simulacrum collocauit, atque ita, vt non infulse cecinerit Blancus in hanc verborum formam:

Pag. 36.

Iure Antoninum Paulo vis, SIXTE, subesse:

Nam vere hic pius est, impius ille Pius.

Iure quidem: nā sicut hæc columna a Marco Aurelio Philosopho fuerat dedicata Antonino Pio, seu potius impio, si falsa religio spectetur Imperatoris, qui *Sixto* primo sedere imperauit, ita a *Sixto* ipsi Paulo vere Pio, veroque Christiano Philosopho, ac Gentium Doctori erat consecranda, vt iniuria Deo illata, dum Imperatori, qui temporibus *Sixti* primi vixit, Columna dicatur, a *Sixto* quoque optimo iure vindicaretur.

Ex hist. Tarchag. par. 2. lib. 9. Et Annal. Eccl. Cas. Bar. 10. 2. & alijs.

Hæc de Columna Antoniana, deq. Ethnicorū virtutibus, de quibus alibi prolixiorē habui sermonē dū quærere, num Philosophi in lege naturæ saluari potuerint: vbi multa, & scitu quide digna de Platone recitantur. Nunc reliquū est, vt cetera ad Bibliothecæ Vaticanæ Appendicē pertinētia transeamus:

Lib. de Pæditiā Italica lingua cūseri pio. Multa iū de Plat. sc. pra. pag. na 114.

APPENDIX DE DIALECTIS,

hoc est de varijs linguarum generibus.



RAPTIM ego, & currente quasi, vt dicitur, calamo, grauioribus negotijs distentus variarū linguarum caractères, eorumq. inuentores suo iam loco descripsi. Hinc de Dialectis Appendicem hic conscribendam censui, vt quicquid maiorem inde, exactioremq. cognitionem adipisci valeat. Gentes enim, & linguas septuaginta quinque esse multi hac ratione ducti dixerunt quod Moyses scripsit, Animas exiisse ex Iacob in vniuersum quinque & septuaginta, quæ in Aegyptum descenderunt: vel vt alijs placeat, septuaginta duas esse linguas e totidem capitibus fami-

Euphorus & alijs ex Clem. Alex.

Gen. 46. Exo. 1. Ael. 7. Gen. 10.

liarum, quæ in Genesi recensentur. Reliquæ vero linguæ multæ ad vnum genus commune, quod duas, aut tres, pluresve dialectos contineat, referendæ sunt.

Hoc autem loco silentio prætereundum non est, cur in Genesi, & in Exodo septuaginta, in Actibus vero Apostolorum septuaginta quinque fuisse animas, quæ in Aegyptum ingressæ sunt, legatur. Ad quam rem declarandam, subscribam

*S. Hieron.
in Gen. 10.*

3.

Ex Gen.

46. —
Et Exo. 1

quæ S. Hieronymus docet hisce verbis: Omnes animæ (inquit) quæ ingressæ sunt cum Iacob Aegyptum, & quæ exierunt de femoribus eius absque mulieribus filiorum Iacob animæ sexaginta sex. Filij autem Ioseph, qui nati sunt ei in Aegypto, animæ nouem. Omnes ergo animæ, quæ ingressæ sunt cum Iacob Aegyptum, septuaginta quinque, quod excepto Ioseph & filiis eius, sexaginta sex animæ, quæ egressæ sunt de femoribus Iacob, introierunt Aegyptum, nulla dubitatio est. Ita enim & paulatim per singulos supputatus numerus approbat, & in Hebræis voluminibus inuenitur. Hoc autem quod in septuaginta Interpretibus legimus, Filij autem Ioseph, qui nati sunt ei in Aegypto, animæ nouem, sciamus in

*Ephraim
& Manasse
sunt filij Ioseph.*

*Quinque
filij filiorum
Ioseph.*

Hebræo pro nouem esse duas. Ephraim quippe & Manasse antequam Iacob intraret in Aegyptum, & famis tempus ingrueret, nati sunt de Aseneth filia Phutipharis in Aegypto. Sed & illud, quod supra legimus, Facti sunt autem filij Manasse, quos genuit ei concubina Syra Machir, & Machir genuit Galaad, Filij autem Ephraim fratris Manasse Suthalaam Ethaam; Filij vero Suthalaam Edom additum est. Siquidem id quod postea legimus, quasi per anticipationem factum esse describitur. Neque enim illo tempore, quo ingressus est Iacob Aegyptum, eius ætatis erant Ephraim & Manasse, ut filios generare potuerint. Ex quo manifestum est, omnes animas, quæ ingressæ sunt Aegyptum de femoribus Iacob, fuisse septuaginta, dum sexaginta sex postea ingressæ sunt, & repererunt in Aegypto tres animas, Ioseph scilicet cum duobus filiis eius.

*Conciliatio loco-
rum.*

Deut. 10.

Septuagesimus autem ipse fuerit Iacob. Hanc rem ne videamur aduersum scripturæ auctoritatem loqui, etiam septuaginta interpretes in Deuteronomio transtulerunt, quod in septuaginta animabus ingressus est Iacob in Aegyptum. Si quis igitur nostræ sententiæ refragatur, scripturam inter se con-

trariam

trariam faciet. Ipsi enim septuaginta interpretes, qui hic septuaginta quinque animas per prolepsim cum Ioseph & posteris suis Aegyptum ingressas esse dixerunt, in Deuteronomio septuaginta tantum intrasse memorant. Quod si contrario nobis id opponitur, quomodo in Actibus Apostolorum in concione Stephani dicatur ad populum, septuaginta quinque animas ingressas esse Aegyptum, facilis excusatio est. Non enim debuit sanctus Lucas, qui ipsius historiarum scriptor est, in Gentes Actuum Apostolorum volumen emittens, contrarium aliquid scribere aduersus eam scripturam, quæ iam fuerat Gentibus diuulgata. Et utique maioris opinionis illò duntaxat tempore septuaginta interpretum habebatur auctoritas, quàm Lucæ, qui ignotus & vilis, & non magnæ fidei in nationibus ducebatur.

Obiectio.
Act. 7.

Responsio.

Hoc autem generaliter est obseruandum, quòd ubicumque sancti Apostoli, aut Apostolici viri loquuntur ad populos, ijs plerumque testimonijs abutuntur, quæ iam fuerant in Gentibus diuulgata. Hæc S. Hieronymus loco supra citato. Reliquum est ut ad Dialectos reuertamur.

Regula.

Dialectus est dictio quæ peculiarem alicuius loci notam præferret, vel propriam aut communem Gentis characterem ostendit. Hinc Græci dialectorum suæ linguæ differentias quinque, Atticam scilicet, Ionicam, Doricam, Æolicam, & Communem habere dicuntur. Voces autem barbaræ a Græcis vsurpatæ glossæ dictæ sunt, ut Clemens Alexandrinus testatur: ob idq. Galenus glossas Hippocratis, idest prisca, & obsoleta in eius libris vocabula proprio libro interpretatus est.

Dialectus
quid ex
Clemente
Alexand.
lib. 2.
Strom.

Clem. Alex.
lib. 2.
Strom.

Dióscurias, Vrbs in Cólchide, nunc déserra, quondã adeo clara fuit, ut nonnulli prodiderint in eam trecentas nationes, quæ dissimilibus linguis uterentur, descendisse, sicut Plinius ait, deinde a Romanis centum triginta interpretibus negocia ibi gesta fuisse.

Plinius lib.
6. cap. 6.
Et Steph.
anus ex
lib. 2.
Strom.

Mithridatem Ponti regem duarum & viginti gentium ore loquutum constat, nec de subiectis gentibus vllum hominem per interpretem ab eo appellatum quinquaginta sex annis, quibus regnavit.

Græc.
Ex 11.
Strom.
scriptoribus.

Diodorus Siculus de fabulosis antiquorum gestis narrat, insulam quandam, Felicem dictam, habere homines, qui non solum

Diod. lib. 3.

solum voce humana loquantur, verumetiam auium diuersarum cantus imitentur ob linguam diuisam sibi a natura datam. Quodq. mirabilius est, vnum hominem cum duobus loqui posse ait: vna enim linguæ pars vni: altera alteri loquitur.

Herodotus
Cic. lib. de
leg.

Herodotus Halicarnassæus a Cicerone Pater historiæ nuncupatus narrat Troglodytas Æthiopes, qui serpentibus & lacertis vespertilionum stridere.

Nutius pro
lingua.

In remotissimis quibusdam ad septentrionem regionibus mercatores rerum commutationes nutibus & gestibus facere legimus: non quod loquendi facultate omnino careant tanquam muti, sed quod linguis plane diuersis vtantur.

Gen. 11.

Varia igitur linguarum genera & permulta quidem, siue septuaginta duo, siue plura vel pauciora iam inde ab ædificatione Turris extitisse pro comperto habetur. Immo, vt

Idem pag.
31.

alii volunt, ex illa ædificatione, seu potius insania, tanta homini sermonis varietas, linguarumq. confusio innata est, vt quot orbis Regiones sunt, tot hominum linguæ sint: prius

Gen. 11.

enim vniuersa Terra, teste Moyse, labij vnus erat. Quamuis autem ceteræ linguæ ab Hebræo Idiomate originem traxerint, sola tamen Hebraica, vel tanquam omnium prima & antiquissima, pura & sincera remanlit, vel ob eas fortasse rationes, quas recensuimus, dum de ea suo iam loco loquuti sumus: nulla enim lingua est, quæ ab Hebraica quædam deriuata & corrupta vocabula nō habeat, vt Chaldaica, Syriaca,

Pag. 30. 31.

Ex S. Hieron. in cap.
7. Isa. Et
Isid. lib. 1.
Ety. c. 3.
Vide pag.
218.

Phrygiaca, Aegyptiaca, Punica, Græca, Latina & aliæ.

Pag. 259.

Infra de
Carica lin
gua, Ger
manica,
& Itali
ca.

Et sicut Latini innumera non solum artium, sed rerum etiam vocabula a Græcis mutuati sunt, ita aliæ linguæ multas item voces acceperunt a Latina, quæ a Gothis, & ab alijs Populis in Italia, Gallia, & Hispania atque alibi corrupta est, vt satis eo loci dictum fuit, vbi de Gothorum litteris verba fecimus. Sic etiam alias linguas inter se corruptas fuisse constat, vt alio in loco ostendemus, cum de barbaricis linguis sermonem habebimus: omnes enim linguæ, Hebraica, Græca, & Latina saltem exceptis, Barbaricæ dici possunt, ac debent. Hinc, vt ceteras nunc rationes posthabeam, tribus hisce linguis vniuersa Biblia conscripta, Titulumq. Saluatoris nostri Crucis non sine diuino consilio, ac mysterio apposi-

tum

tum fuisse dicendum est. Sed quamuis Græci ceteras linguas Barbaricas appellare consueuerint, hæ tamen tres insigniores sunt, præcipuumq. obtinent locum, Hebraica præsertim lingua tanquam omnium linguarum genitrix, & mundo cœua, vt alibi dictū est, vbi multarum linguarum originem demonstrauimus. Quādo autem a Plauto, & ab alijs probatissimis Scriptoribus Latina lingua barbara nūcupatur, hæc vox, *Barbara*, pro extera voce sumitur. Barbari enim aliquando pro aduenis, aut exteris populis dicti sunt. Hinc Næuius, Plautus, & alij Poetæ Latini appellati sunt barbari, idest exteri, quippe qui comœdias Græcas latinitate, hoc est lingua extera, donarunt. Quare Plautus in *Asinaria* inquit: Nomen huic Græcæ Onagros est fabulæ, Demophilus, scripsit (idest Græce) Marcus vertit barbære (idest Latine.) Item in *Trinummo*: Græce est huic Thesaurο fabulæ, Philenus scripsit (idest Græce) Plautus vertit barbære (idest Latine.)

Pag. 95. 12
27.

Vox barbara

In Prolo-
giz.

Præcipuæ igitur & insigniores linguæ sunt Hebraica, Græca, & Latina. Quod cum ita sit, ab re alienum me facturum non puto, si de harum trium elementis nonnulla dicantur antequam ad singulas quasque linguas perueniamus, cum ipsæ exactiorē quidem sermonem iure postulent. Hebraica enim elementa & Græci, & Latini sibi desumpserunt, non solum quantum ad scribendas aliqua ex parte notas, verum etiam quantum ad earundem pronuntiationes, & præsertim Græci, vt infra videre est.



De triplicis Alphabeti consonantia.

Hebraice Aleph. א. Græce Alpha α. Latine A.

Primum autem huiusce linguæ sacrae elementum non solum a Græcis & Latinis, sed ab omnibus fere linguis usurpatum esse inueni, vt dictum est eo loci, vbi de nouo Alphabeto Hebraico sermonem habui. Prima enim Hebraica littera, Aleph nuncupatur. Hæc deinde Alepha, & per syncopen Alpha a Græcis dicta est. In alijs linguis prima Alphabeti littera vel eandem omnino Hebræorum pronuntiationem, vel initium, vel saltem desinentiam eiusdem pronuntiationis retinet, velut apud Syriacos & Assyrios, Aegyptios et Asianos,

Pag. 92. 12
118.

Ex Appd.
Thes. Am-
bros. de in-
terod. va-
riarū lin-
guarū.

nos, Samaritanos et Armenos, Arabes et Aethiopes, Indos et Saracenos, Phœnices et Illyricos siue Dalmatas, Hetruscos, et Turcas, necnon apud alias Nationes: nam sicut prima littera ab Hebraeis, et ab alijs Aleph vocitatur. (a Chaldæis tamen Olaph) ita ab Indis Alefu, ab Assyrijs, siue Syriacis, ac Phœnicibus Aluz; a Saracenis Alchmon, ab Aegyptijs Athomus, vel Athoina Græcis, Hetruscis, et Iacobiris, multisq. alijs Nationibus Alpha, et a Latinis, A. Id quod non sine consilio, aut mysterio factū esse dicendū est. Hæc denique littera a Dionysio plenitudo vocis appellatur: a cuius litteræ figura aliquoties coniuncta hoc modo,  pentagonū nuncupatur petal-pha, quasi quintuplum  Alpha: nā in huiusmodi figura, si recte spectetur, A, vel Alpha quinquies videtur esse reperiita.

Hebraice Beth ב. Græce Beta β. Latine Be b.

Hæc littera Hebraice Beth, Græce Βῆτα, et Beta, Latine B, vel Be, dicitur: utrumque tamen ab Hebraica pronunciatione Beth. Beta autem vel Be a Latinis pronunciari debet, non Vita. Quod autem hoc elementum Beta, non vita appellari debeat, illud nobis argumento est, quod Alphabetum, non Alphaurum ex duarum litterarum Alpha et Beta voce vel sono compositum ab omnibus dici solet, ut erudite docet Adolphus Meckerchus Brugensis, quem maiori ex parte in huiusmodi symphonia, siue consonantia Alphabeti Hebraici, Græci, atque Latini sequuti sumus. Hinc Iuuenalis de Beta testatur hunc in modum:

Iuvenalis.

Hoc discunt omnes ante Alpha, & Beta puelli.

Et Martialis. lib. 5.

Dicas licebit Beta me togatorum.

Hinc Græci, Latinis vel Hebraicis utentes distinctionibus, per b, litteram scribunt, eas item per β scribere solent, ut Brutus, Βρούτος. Strabo, Στραβών. Tiberius, Τιβέριος. Benedictus, Βενέδικτος. Budæus, Βυδάιος, idq. genus alia sexcenta apud Plutarchum, Dionem, et alios Historicos Græcos passim videre est. Idem dicitur de vocibus Hebraicis, ut Saba, Σαβα. Balaam, Βαλαάμ. Baal, Βαάλ. Abraam, Ἀβραάμ, et alia id genus permulta. Id quod clarius patet ex ea dictione Hebraica, vel, ut S. Hieronymus ait, Syrica, quam ex duabus primis Alphabeti

S. Hieron.
in c. 4. ad
Gal. ro. 6.

phaberi Hebraici litteris Aleph et Beth compositam Beatus Paulus suis in Epistolis hoc modo reliquit Αββα, ὁ πατήρ, Abba idest Abba Pater, vt quiddam esse in hac voce peculiare, quod et patres libenter audiunt, et pueri statim sonare discunt. Infantes enim pro hac voce *Abba, Babba* vel *Babbo* pronunciare incipiunt. Qui igitur *Vita*, non *Beta* pronunciant, inepte et corrupte loquuntur, illud vitium imitantes, quo Hispania, & Castellæ præsertim prouincia, siue Burgensis Diocesis perpetuo laborat pronuncians *Vestia*, pro *Bestia*: *Vene* pro *Bene*, vt alibi sub alijs exemplis demonstratum est: & e conuerso siue præpostere: *Bita* pro *Vita*: *Bacca* pro *Vacca*: & *Vonum binum* pro *Bonum vinum*, vt apud Vascones in Hispania citiore populos, quibus hoc vitium peculiare est: dicunt enim *Bibo* pro *Viuo*, quasi eorum viuere, *Bibere* sit, vt nescio quem in quodam Epigrammate de ijs hac in re non insulse iulisse memini. De hac littera multa alia vide in Adolpho Mekercho Brugensi.

Rom. 8.
Gal. 4.

Pag. 158.

Adolphus
de pronūc.
lingua Gra
eca.

Hebr. Ghimel ג. Græc. Gamma. Γ, γ. Lat. Gc. G, g.

Hæc littera eodem fere sono apud Hebræos, Græcos, atque Latinos pronunciari solet, & ab Hebræo nomine originē traxit. Et quoniā Græce Gamma dicitur, hinc hæc littera Γ, Digamma Æolicū appellatur quia duplicis Gammatis imaginē referre videtur, hoc modo F, ΓΓ. de quo superius satis dictum fuit. Apud Græcos autē Gamma geminātū, vim & sonum, n, retinere solet, vt Ἀγγελος, Angelus. Ita etiam ante χ vt Ἐγχος Enchos. Et ante kappa, vt πίκρα Pephanca.

Pag. 140.
Gr. 141.

Hebr. Deleth ד. Græc. Delta. Δ, δ. Lat. De. D, d.

Delta a nomine Hebræo Daleth, siue Deleth. Vnde deleta, & per syncopen Delta, triangularis figuræ imaginem apud Græcos representans hoc modo Δ, vt alibi me explicasse memini.

Pag. 114.

Hebr. He ה. Græc. Epsilon. Ε, ε. Lat. E, e.

Hebræis nulla est littera, quæ Græcæ litteræ Epsilon respondeat, nisi accipiatur He, quam Græci in vocalem mutauerunt, vt Heth in Ητα.

Pp

Hebr.

Hebr. Tsade ז. Græ. Zeta . Z, ζ. Lat. Zeta . Z, z.

Hæc littera a Græcis dicitur Zeta , non Zita , & Tsade Hebræorum , non Zaiñ , opponitur . Flandri pronunciant , Ts : Latini pro Zeta Græco elemento . Hanc litteram, vt Martianus Capella refert, Appius Claudius reformidauit, quòd dum exprimitur, morientis dentes imitetur , vt superius demonstratum est .

Hebr. Heth. ה. Græ. Eta , Η, η. Lat. E. E, e.

Heth Hebraice , pro qua Græci Hta , vel Eta , Latini conuertunt in E, longum . Sed Hta Græcum Latine rectius Eta , quàm Ita pronuncians videtur , vt ΙΗΣΟΥΣ, IESVS, non Iisus , & ΗΛΗΛ λημσαβαχθανι, Heli Heli , lamafabachthani . Beth item secundum Alphabeti Hebraici elementum in Threnis Græce scriptum inuenitur Βηθ , a Latinis non nisi Beth Hebræorum more pronuncians esse ratio ipsa persuadet , non Vith , vel Bith , sicut de Beta Græco non Vita a Latinis scribendum , pronunciansq. esse demonstrauimus, ex Mekercho Brugensi .

Hebr. Teth. ט. Græ. Theta . Τ, τ. Lat. The . T, t.

Hæc littera pro Th idem valet apud Hebræos, Græcos, & Latinos, & eandem fere pronunciationem apud eosdem habet . Et quamuis Græce θητα scribatur, & pronuncietur per I, a Latinis tamen per E, non per I, pronunciarī debet ijsdem rationibus, quas de Beta, Zeta, & Eta enarrauimus . Theta igitur non Thita dicendum est . De huius litteræ mysterio, & apud Iudices vsu, satis dictum esse reor alijs in locis .

Hebr. Iod. י. Græ. Iota . Ι, ι. Lat. I, i.

Littera Iota ab Hebræo Iod, t, pro d, vsurpato, & Latine I, responder . Quamuis autem I, varie a Græcis scribatur, & pronuncietur (sunt enim apud eos varijs characteres eundem fere sonum retinentes) Iota tamen apud Græcos & Latinos est idem elementum, & nunquam eius mutatur figura, etiamsi apud Latinos vim consonantis interdum obtineat .

Hebr.

Hebr. Cap. Caph. vel Coph. ♂. Græ. Kappa. κ, χ. Lat. Cc. C, c.

Hoc elementum quamvis apud Hebræos, Græcos, & Latinos eandem notam, idemq. nomen omnino nō habeat, eandem tamen retinet potestatem. Hac littera veteres Latini frequentius utebātur, quā noui: & nō minus recte per C, quā per Q scribere solebant, ut Quando, & Cuoniam pro Quando, & Quoniam, & id genus alia: quia C, & Q, maximam inter se habent affinitatem, ut videre est in Relatiuo Quis, vel Qui, nam eius obliqui tam C, quā Q, retinere solent, ut Cuius, Cui, & Quem & Quo, ut fusius alio in loco dictū est. Pag. 118.

Hebr. Lamed. ל. Græ. Lambda. λ, λ. Lat. El. L, l.

Hæc littera tam apud Hebræos, quā Græcos & Latinos eandem retinet potestatem, quamvis eandem notam, idemq. nomen non habeat apud eosdem. Interdum autem apud Græcos λλ geminata, prima vim & sonum, n, retinere solet, ut Μάλλιος, Manlius.

Hebr. Mem. מ. Græ. My. Μ, μ. Lat. Em. M, m.

Hoc elementum tam apud Hebræos, quā apud Græcos & Latinos idem fere nomen litterulis transpositis, eandemq. pronunciationem habere videtur: eandem tamen retinet potestatem. Est littera, quæ labris imprimitur: si autem huiusce litteræ nomen Hebraicum diligenter spectes, illud a suauissimo nomine, quo infantuli Matrem siue nutricem appellant, non multum distare dicas oportet. Infantuli enim Matrem siue nutricem Mammam vocitare solent. Hinc Martialis
li. 1. Epig.
56. Martialis:

Mammæ atque Tatas habet Afra, sed ipsa Tatarum

Dici, & mammarum maxima mamma potest.

Varro: Qui cibum ac portionē Buas & Pappas vocant, & Patrē Tatā, & matrē Mammā. Hæc Varro. Bua infantulorū portio, Bomba, vel Bombo a Nostratibus dicta: Māmā vero qua Matres vocantur, a mamma feminea, lactis receptaculo, quo ipsis infantulis nihil charius iucūdiusve esse potest, ortum traxisse puto. Hinc in aliquot Italiæ locis, & præsertim apud Nostrates, pueri omnes Mammoli a māmā, & puellæ Mammolæ vo-

*Varro de
liberis e-
ducandis:
& Cato.*

Pp 2 citantur.

citantur. Hac eadem, ut suspicor, ratione Auiā, patris, vel matris Mater, *Μάμμη* Græce dicitur, idest Mamme, cum Auiā mea patri, vel matri meæ præbuerit mammam, siue mamillam, & quodam modo quasi altera mater mea dicenda sit. Ob id mammare apud S. Aug. est *māmas* ad sugendū præbere.

Hebr. Nun. נ. Græ. Ny. Ν, ν. Lat. En. N, n.

Nun Hebraice, Græce vero Ny, quasi Nu per u exile, abiecto ultimo, n: & hoc modo est idem huius elementi nomen tam apud Hebræos, quàm apud Græcos: & idem sonat quod N apud Latinos.

Hebr. Scin. ש. Græ. Xi. Ξ, ξ. Lat. Ix. X, x.

Hoc elementum valet idem quod cf, vel gf. Græcus ille sonus Xi, ab Hebræo ductum videtur, et est eadem nora, quæ et Latina, litterulis inuersis, ut Xi, et Ix.

Græ. Omicron. Ο, ο. Lat. O, o.

Nulla littera Hebraici Alphabeti huic Græce respondere inuenitur, sed Latina O. Appellatur autem apud Græcos O, breue ad differentiam ω, quæ est Oniagnum, ut fufius loco suo dicitur.

Hebr. Pe. פ. Græ. Pi. Π, π. Lat. Pe. P, p.

In hoc elemento Hebræi et Latini, quod ad nomen pertinet, nihil omnino differunt: Græci vero ab ijs non nihil: immo adeo parum, ut nihil distare videatur. Huius autem litteræ eadem est potestas apud omnes.

Hebr. Res. ר. Græ. Rhō. Ρ, ρ. Lat. Er. R, r.

Huius litteræ originem Græcus traxisse videtur ab Hebraico elemento Res, vel Resc, a quo tamē longius remotum nomen desumpsit: Latinus vero propinquius, duabus primis litterulis inuersis, et vltima abiecta.

Hebr. Samech. ס. Græ. Sigma. Σ, σ. Lat. Es. S, s.

Huius litteræ nomen tam apud Hebræos, quàm Græcos idem fere videtur esse, quadam tamen litterarum mutatione, ac traiectione facta: et a Messalla coruino sibilum uocatur, maiuscu-

maiuscula littera est M', Latinum transuersa conscriptum. Pag. 138.
 Antiquiores Græci pro littera S, maiuscula vrebantur ea nota, quæ est eadem prorsus ac C Latinorum, nisi quodd extrema cornua habet intus magis reflexa, & magis oblonga hoc modo C. Hinc per abbreviationem tribus modis scriptitare solebant Iesu Christi, Saluatoris nostri nomen, vt IC: vel IΣ. vel IHΣ. Qua ex re imperiti hoc nomen scribebant cum adspiratione hunc in modum Ihesus, vel THESVS, vel IHS, Pag. 178.
putantes h Græcum, esse h Latinum, vt fufius alio in loco a me dictum est. C. 179.

Hebr. Tau. ט. Græ. Tau, vel Taf. Τ, τ. Lat. Te. T, t.

Tau, tam apud Græcos, quàm apud Hebræos pronunciari debet hoc elementum. De mysterio huius litteræ, quæ sanctissimæ crucis similitudinem repræsentat, multa diximus eo in loco, vbi Alphabetum Hebraicum antiquius appositum est. Pag. 83. Hinc eadem repetere superuacaneum censeo. Addam tamen quod sentit Tertullianus dicens: Ipsa est enim littera Tertul. li. 3. adu. Marcionē. Græcorum Tau, nostra autem T, species Crucis, quam portendebat futuram in frontibus nostris apud veram & Catholicam Hierusalem. Quapropter etiam Typus est sacrosanctæ Crucis Domini nostri Iesu Christi.

Græ. Ypsilon. ς, υ. Lat. Fyo. Y, y.

Nulla in Alphabeto Hebraico littera est, quæ huic Græcæ Ypsilon respondeat: est enim Græca tantum, qua Latini in dictionibus Græcis vtuntur. Pag. 127. De huius litteræ mysterio alijs C. 145. & 158. in locis multa diximus, hinc ea hoc loco subtrahenda censeo.

Hebr. Phe. פ. Græ. Phi. Φ, φ. Lat. Ef. Ph.

Hæc littera apud Hebræos & Græcos eodem fere nomine pronunciatur, & Latino F, responderet: quod quidem inuersum F Digamma appellatur, solis Æolibus peculiare. De hoc Pag. 140. Digammate, quod Cláudius Imperator inuenisse fertur, 141. 142. & 143. multa suo iam loco dicta sunt. Hinc eo confugiendum est.

Græ. Chi. χ, χ. Lat. Ch.

Nullum est apud Hebræos elementum, quod Græco, aut Latino

Latino respondeat. Græci autem & Latini, quod ad figuram pertinet, omnino conueniunt. Græci enim pro littera maiuscula vtuntur hoc elemento X, quod quidem a Latinis vsurpatur, sed non pro Ch, veluti apud Græcos. X enim apud Latinos habet vim cf, & gf, instar litteræ Græcæ, Ξ I. Hinc imperitorum Latinorum ortus est error: hi enim scribunt sic Xps, pro Christus, putantes hanc dictionem, ^{X P E.} sic a Græcis conscriptam, constare ex X, & P, Latinis litteris, cū sint Græcæ pro Ch, & R. nam X Latinū adsimile χ Græco: & P Latinum, ρ Græco est. De hoc modo scribendi multa suo iā loco dicta sunt, hinc cetera sunt hic prætermittenda.

Pag. 177.
& 178.

Græ. Psi. $\Psi \psi$ Lat. Pf.

Hæc littera apud Hebræos non inuenitur, nec apud Latinos: sumitur autem pro pf, aut bf, vt Ψ almus, & Ψ ar ψ , Arabs.

Græce. Omega. Ω, ω .

Hoc elementum est tantum apud Græcos, & vocatur O, magnum duabus de causis: tum quia est natura longum, tum quia veluti ex duobus, oo, constare videtur. vtraque item ratione dicitur magnum ad differentiam, Omicron, quod appellatur o breue.

Hæc de præcipuis linguarum generibus, a quibus omnia alia Idiomata emanasse censendum est, vt experientia ipsa docet. Antea vero quàm ad singulas quasque linguas declarandas perueniamus, de cælestium spirituum necnon animalium Dialectis nonnulla dicenda esse reor. Plato enim Dijs Dialectum quandam attribuit, coniectura ex somnijs & oraculis facta: & insuper ex dæmoniis, vt qui non sua, sed dæmonum inhabitantium Dialecto loquantur. Ego vero spiritibus tam bonis quàm malis Dialectū esse peculiarem quandam non crederem cum ij in corporibus assumptis quauis lingua loqui possint, & locutione aliqua externa non indigeant, quando ad mortales non loquuntur. Angelus enim alteri Angelo duobus modis loqui potest, hoc est, verba in corde suo formata, vel in mente aut cogitationes per signa intelligibilia exprimendo, vel virtutem suam ad res corporeas

Dialectus
spirituum
ex Platone
in Cratyllo.

Ex Aegid.
Rom. li 2.
Sent. diff.
10. q. 3. ar.
vic. 2. dub.
5. & 6. laterali.

reas

reas absque corporum transmutatione applicando : cum enim Angelus couertit se super speciem intelligibilem, quam habet apud se, format inde verbum ; quod est idem quod cogitatio : & tale verbum in vno Angelo non est notum alteri Angelo : quia nec vnus Angeli cogitationes natura ipsa alteri Angelo sunt notæ, nisi in genere. Postquam vero Angelus conuertit se super speciem intelligibilem, & formauit inde verbum, quod est cogitatio ; potest iterum se conuertere super huiusmodi verbum, & formare aliquod signum intelligibile, quod etiam potest appellari verbum, quia est illius verbi formati expressio. Angelus igitur alteri Angelo loqui potest his duobus modis, vel cogitationum, verborumq. formarum expressione, vel suæ virtutis ad res corporeas applicatione. Homini autem vno tantum modo loqui potest, suæ videlicet virtutis ad res corporeas applicatione. Id quod duobus item modis fieri potest : vel per organum siue instrumentum phantasticum ad phantasiam spectans, ab eo mutatum, vel per aerem ab eodem commotum, corporis tamen transmutatione. Quamuis enim Angeli non habeant linguam, nec item organa alia corporea ad locutionem pertinentia, eis tamen res corporeæ, quantum ad motum, sicut vniuersa Theologorum schola faretur, ad nutum obediunt : & quia omnes spiritus perfectam de rebus corporeis ac naturalibus habent cognitionem, hinc in imaginatione, & organo phantastico cuiusuis hominis efficere possunt aliqua signa imaginabilia, vel species imaginabiles, vt sibi placet, deducendo humores, et spiritus animales ad principium sensitium, et organum phantasticum, vel ad phantasiam, in quibus huius generis species, vel similitudines sedem habent : et hoc primo modo homini loquuntur, repræsentantes ei quæ repræsentare volunt. Secundo autem modo Spiritus loqui possunt homini aerem commouentes, vel condensantes, vel frangentes, aut verberantes, atque ita, vt fiant ibi soni quicunque iuxta suam ipsorum Spirituum voluntatem, aut placitum propter voces efficiendas, et locutionem formandam, cum eis perfecta rerum naturalium cognitio sit, resq. corporeæ ad nutum ijs obediunt eo modo, quo dictum est. Quamuis igitur Spiritus loqui possint hominibus, ego tamen non video, cur eis pecu-

Spiritus
locutio.

Angelus
Angelo
duobus modis loqui
potest: ho-
mini autem
vno.

Res cor-
poreæ quo
modo spi-
ritibus o-
bediant.

Secundus
modus lo-
quendi,
quo Spi-
ritus loqui
possunt ho-
mini.

liaris

liaris lingua tribuenda sit, cum quavis lingua hominibus loqui possint: & inter se locutione externa, vel vocali non indigeant.

Ex Clem. Alex. lib. 1. Strom. Brutorum item suam esse Dialectum, censet Plato, quam eiusdem generis animantes intelligant. Ad hoc autem comprobandum quædam narratur historia de Elephante, qui in cœnum illapsus clamasse fertur: alius, qui aderat, hoc viso, abiit: & mox cum grege elephantum reuersus periclitantem seruauit. In Libya quoque aiunt scorpionem, si hominem ut feriat contingere non possit, abire, & cum pluribus reuerti, atque ita catenatim coherentibus & demissis illis, hominem, cui insidiatur, ferire. Vnde quidam coniiciunt, bruta non aliquo nutu obscuro, neque aliquo corporis motu, gestuue, sed sua potius Dialecto, quæ voluerint inter se significando communicare. Fertur præterea de piscibus, si quis forte linea attractus, ea rupta, euaserit, nullum deinceps eo in loco per illum diem eiusdem generis piscem apparere. Hæc Clemens Alexandrinus.

Ex Arist. 2. de part. animal. c. 19. Et 4. de hist. c. 9. 10. 5. De brutorum inter se colloquio multa etiam Porphyrius tradit in libris de abstinendo ab animatis. Sed absurdum videtur illud quod Clemens de brutis in genere scribit, tanquã omnia dialecto quadam inter se vtantur, scorpionis quoque & pisces: quibus cum ipsa vox negata sit, multo magis etiam Dialectum negatam fateamur oportet. Quamuis enim Psittacus Ἀνθρωπογλωττος dictus quasi linguam hominis habens, & Coruus, & Pica ob linguam sibi latiore naturaliter datam, voces quasdã articulas, humanæ locutioni adsimiles, veluti quodã naturæ artificio exprimere videantur, eas tamen ates loqui proprie non est dicendum: quæ enim pronunciant non intelligunt, sed assuetudine quadam id agunt: nam lingua (teste Aristotele) non nisi ad significandum aliquid alteri contributa est. Id quod absque rei intelligentia, quæ in Brutis non est, fieri non potest. Quod autem Liuius quædam Bruta fuisse loquuta narrat, illud prodigiosum, ac dæmonum opera factum esse dicas licet. Quod vero legitur de Balaam

Arist. 3. de anima v. ult. in ultimis verbis. alina, quam Scriptura sacra loquutam fuisse ait, id diuinæ virtuti adscribendum est: aperuit enim Dominus os asinæ, & locuta est, ut eadem Scriptura testatur: asina vero nec verba illa

illa formabat, nec intelligebat, quia verba rationalia non intelliguntur, nec formantur nisi ab eo, qui est rationis particeps, id est habens intellectum. Hinc verba illa non nisi ministerio Angeli mouentis linguam a sinæ, fuerunt formata, vt Lyranus, & alij interpretes affirmant. Bruta igitur, quibus lingua ad loquendum data non fuit, dialecto carere omnino credendum est. Si qua vero narrantur, quæ ijs quendam intellectus gradum adscribere videantur, vel fabulosa sunt, vel ijs causis, quas enarrauimus, attribuenda, vel quodam naturæ instinctu facta esse dicas oportet: sunt enim aliqua animalia magis quodā modo disciplinabilia, quam alia, vt Canis, Plutacus, Pica, & Coruus, de quibus alio in loco loquutur: vbi multa, & scitu quidē digna de loquutione, hoc est de antiquitatis linguæ cōtrouersia, & quæ nam lingua sit homini naturalis, dicta sunt. Elephas item quamuis videatur intelligere, cum Reges adorare doceatur, non tamen intelligit, quia nulla creatura potest intelligere nisi per intellectū. Cum autem sit animal maxime domesticum, ad multa faciēda eruditur, & intelligit, vt ait sanctus Thomas, non quidem per intellectum, sed per vim æstimatoriam. Hæc de Dialectis in genere. Reliquum est, vt singulam quamque Dialectum ordine Alphabetico explicemus.

Nicol. Lyranus.

Pag. 105.
106.
107.S. Tho. in
Iob. c. 40.
lect. 2.

DE DIALECTIS, HOC EST,

De linguis diuersis ordine Alphabetico sigillatim dispositis.



ABSINORVM Dialectum videre est in Titulo; *Aethiopica lingua*: est enim Regio latissima, cuius populi olim Troglodytæ vocitantur, deinde Abasini, & Indiani dicti sunt. Abgazari, vel Abgazelli, vel Mengrelli, & Circassi, populi sunt versus mare Hyrcanum habitantes. Horum linguam vide dictione, *Gazari*.

Pag. 107.

Qq

AEGY.

ÆGYPTIACA LINGVA.

Plin. lib. 5. c. 9. Strabo lib. 17. Ptolem. li. 4. cap. 6. Ammian. Marcell. li. 22.
ÆGYPTVS est Africa regio, sed insula a nonnullis dicta, & Nilo ita se se circa ipsam findente, vt Triquetra nuncupata sit, triangularem figurā efficiens, quam ideo multi Græca litteræ vocabulo, Δ, Deltam vocitarunt. Huius incolæ cum omnibus alijs Nationibus, quæ sub cælo sunt, Apostolos sua dialecto loquentes in die sanctissimo Pentecostes Hierosolymis virtute Spiritus sancti audierunt, & admirati sunt, dicentes: Nonne, ecce omnes isti qui loquuntur, Galilæi sunt: & quomodo nos audiuius vnusquisque linguam nostram in qua nati sumus? Aegyptiaca lingua est eadem; qua Colchis Asiæ regio vti solet, vt Eustathius scribit Dionysium Afrum enarrans, & eadem, quæ Alexandrina, vt ait Athenæus. De lingua Aegyptiaca, cuius characterum inuentrix fuit Isis Regina, satis dictum arbitror in secunda Columna parastatica de Iside Regina: vbi Alphabetum conscriptum est.

Anni menses duodecim sunt apud Aegyptios: eorumque nomina accentum in vltima syllaba habere dicuntur hoc modo: Tybì Mechìr, Phamenòth, Phàrmuthì, Pachòn, Paurì, Epiphì, Meforì, Thòth, Paophì, Chocàch. Id est Ianuarius & c. Hæc item nomina Nicolaus Myrepsus Alexandrinus explicans Alexandrina esse ait: sed pro Ianuario Tymbè, pro Iunio Paynì, pro Septembri Thòd, pro Octobri Phaophì, pro Decembri Chiàch, quæ omnia maximam habent cum superioribus affinitatem.

Nicol. Myreps. Antidoto 371.
Clem. Alex. lib. 1. Strom. Exo. 2.
Aelianus.
M. Porc. Catro.
Orus Apolo.
 Aquam Moy vocant Aegyptij. Vnde Moyses ab aqua dictus est, apta etymologia, eo quòd ex aqua sublatu8 esset a Pharaonis Regis Aegypti filia, vt habetur in Exodo. Baieth apud Aegyptios & accipitrem, & animam significat. Aelianus autem accipitrem & Thaustum ab eisdem dici ait. Baris ab Aegyptijs cymba, quæ cadauera vestat; Græce, & Latine feretrum, Italice *Bara* vocitatur. Hercules vox Aegyptia est, non Græca, vt Marco Porcio Catoni placet. Canem Anubin, & Felem Bubastum vocant: Cetera animalium nomina apud Orum Apollinem videre est, qui loquitur de Hieroglyphicis, hoc est sacris litteris, quas soli sacerdotes in

Aegypto

Aegypto norunt: ceteras vero vulgo didicerunt omnes, vt suo iam loco dictum est. Alphabetum Aegyptiacum supra videre est, de quo multa dicta sunt. Pag. 101.
Pag. 108.
& 109.

ÆOLICA LINGVA.

ÆOLICA lingua, dialectus est Græcæ communis, in qua scriptum nihil extare dicitur nisi apud Poetas: & hac vititur Homerus aliquando, Plutarcho teste. Aeolice item scripsisse Alcæum tradunt. Aeolia est regio in Asia, Græcorum colonia: cuius incolæ Aeolij dicuntur. Plutar-
chus.

ÆTHIOPICA LINGVA.

ÆTHIOPIA, Hebræis Chus, quasi nigra, vel ingredo, Græcis ardorem significat: & est Aphricæ Regio, vel pars ab Aethiope Vulcani filio dicta. Huius Regionis lingua cum Hebraica in multis, cum Chaldaica in paucis congruere, & cum Abasinis vel Indianis omnino conuenire scriptores prodiderunt. Sciendum tamen est, duplicem esse Indiam, vnam orientalem, quæ in Asia extremum occupat locum, cuius linguam, & litteras penitus ignorari aiunt. Altera est Meridionalis in Africa scilicet sita, quæ ad Orientem habet mare rubrum, Arabiæ felici contermina, nisi quod Arabicus interfuit sinus. Ad Septentrionem, iungitur Aegypto: & ad Occidentem, Aethiopiæ. Est regio latissima, cuius populi olim Troglodytæ, qui cauernas incolunt, serpentibus vescuuntur, & magis strident quàm loquantur: hodie autem Abasini & Indiani appellantur viuentes sub potentissimo rege, quem vulgo presbyterum Ioannem vocant: aut, quod vero ad simile tamen est, presbyteri Cohan, quod tam Hebraice quàm Chaldaice Sacerdotem sonat. Ad hos itaque homines dictam spectare linguam, Bernardus Breitenbachius, & Ioannes Pötken testantur, quorum ille Hierosolymis, hic Romæ homines Indianos conuenisse, & Alphabeti litteras descripsisse fatentur. Sunt autem qui opinentur linguam Indianam a Chaldaica non differre: sed vt ab huiusmodi linguarum peritis accepi, Aethiopica lingua

Bernard.
Breit. bá-
chius suo
itinerario,
Ioan. Pör-
ken, & A-
lij.

Ex Plinio,
Pomp. Me-
la lib. 1. et
Hieron.

Breit. &
Pörken.

siue Indica est propria, & suæ genti peculiaris, nunc quidem cum Chaldaismo, nunc vero cum Hebraismo nonnihil habens affinitatis, plus autem diuersitatis cum vtroque, vt Deus ab Indis vel Aethiopibus appellatur Amolachà, a Chaldæis Elahà. Homo ab illis Saboo, ab his vero Enasà. Panis ab Aethiopibus Oholo, a Chaldæis Lachmà. Vinum ab Indis Ion, a Chaldæis Ienà. Domus autem ab vtrisque Bethà nuncupatur. Ex his igitur, alijsq. dictionibus, quas dicti Scriptores ob oculos ponunt, ego vero breuitatis causa præmitto, facile quis intelliget, Aethiopicam linguam siue Indicam a Chaldaica non parum differre.

A F R I C A N A L I N G V A.

Ex Plin.
lib. 5. c. 4.
Et lib. 5.
in proo-
mio.

Herod. lib.
4.

AFRICA pars Orbis tertia, quam Græci Libyam appellauere, vt Plinius testatur, qui multa de hac Regione scribit in Quinto naturalis historiæ libro. Huius regionis Populi non solum Africani, sed etiam Mauri nigri appellantur, qui ad mare Mediterraneum habitant circa Tripolim arcem, quam Rhodienses obtinent. Huius Regionis linguæ vocabula hoc loco apponenda duxi: Deus enim hac lingua, Alhà dicitur: Reges, Battì: Panis, Brit: Vinum, Syràp: Cyathus, Got: a Venetis Gotto. Papirus, Cart, a Latinis Charta. Sed apud Mauros albos Africana lingua alia est, vt ex Erodoto, & alijs scriptoribus accepi.

A L E X A N D R I N A, E T A M M O N I A.

Ex Hero-
doto lib. 2.

ALEXANDRINA lingua eadem est, quæ Aegyptia: & sicut Ammonij Aegyptiorum atque Aethiopum coloni sunt, ita etiam linguā inter vtrosque vsurpare dicuntur. Hinc nihil est quòd hoc loco in huiusmodi linguis immoremur.

A N G L I C A L I N G V A.

ANGLIA, cultior pars Britannia, Insula in Oceano vndique a circumfuso mari complexa, nusquam continenti coniuncta, Hanc primum Troes incoluerunt. Hos postmodum

modum longo temporis tractu Saxones, Alemaniam populi oppressere, eorumq; agros & opes inter Legatos Saxonum Regina Angela diuisit. Hinc Anglia quasi Angela dicta est. Angli præterea a Sancto Gregorio Magno quasi Angeli interpretati sunt, vt videre est in eius vita a Ioanne Diacono conscripta, nam tēpore S. Gregorij, Angli ad fidem conuersi sunt,† vt patet ex lib. 5. epist. 39. & lib. 12. epist. 15. & 31. Alij vero Angliam, quasi nostri Orbis angulum, dictā volunt: est enim in mundi angulo posita, vt Cosmographi aiunt: cuius quidem rei Sanctus item Gregorius testimonium præbet. Huius autem linguæ Anglicæ vocabula ob causas commemoratas vel Germanica, vel Saxonica fere omnia aliqua tamen ex parte detorta, vel immutata censentur. Sunt autem qui Auorum memoria multo pauciora Gallica, & Latina in hac lingua fuisse vocabula testentur, quibus nunc abundant: nam in colloquijs ea multi affectant & in scriptis præferunt, veluti flosculos, ac pigmenta quædam intermiscunt, ita vt vulgus non nisi adhibita interpretatione intelligere queat. Maxima tamen pars adhuc Saxonica est. Libri quidem ante ducentos, aut trecentos annos in Anglia scripti, Saxonica fere toti lingua constare dicuntur. Quædam vero propria ex veteri forte Britannica habent linguam: Britannica autem verus, quæ adhuc in Angliæ parte retinetur, Vallica, vt infra, nuncupatur. Scotica denique ab Anglicâ parum differre dicitur, sed pauciora Gallica habet vocabula, vt pote Septentrioni propinquior: ipsi enim Angli Septentrionales magis quam Australes ad Germanicam linguam accedunt.

Anglica igitur lingua mixta est ex multis linguis, præsertim Germanica, & Gallica: olim vero Germanica omnino erat. Id quod ex Beda animaduertere licet, qui ex Anglia fuit oriundus. Is enim in libro de temporibus ait hunc in modum: Veteres Anglicani populi numerauerunt menses suos secundum Lunæ cursum, appellantq; Lunam nonam; & mensum Monath. Decembrem vocant Halegmonath, idest sacrum mensem: Aprilem Eostemonath, idest paschalem mensem: idq; a Dea quadam, cui Teutonici populi in paganismo sacrificia fecerunt mense Aprili, quæ Eoster appellabatur. Maiū appellauerunt Trimicele, idest tres mulctæ, quod eo mense pecora

* S. Greg.
Ex Edito
Vatic. lib.
5. 10. 1. Ex
S. Anton.
par. 2. c. 1.
9. 7. Et Be-
An libro 2.
c. 6. hist.
Angl.
† Ex edit.
vot. fo. 2.
Ex Vatic.
10. 3.
Lib. 7. E-
pist. 30.

† Eleuther-
ij Papa 18.
pore a Gen-
tilitate
ad fidem
Christi, co-
uersi sunt:
sed postea
defecerunt.

Beda Bri-
tannus.

pecora ter die mulgerent. Sunt autem vocabula illa, quæ Beda Anglica facit, Germanica omnia. Angli tamen hodie nonnihil variant, nuncupantes Lunam Mone: Menſem Mo-neth: Paſchā Eaſter: Mulctram vas, Mylcingpayle: ipſum lac mulctum, Meale. Hæc ex ijs, qui linguam norunt.

AQVITANICA LINGVA.

*Ex Plin.
lib. 4. &
Steph.*

QVAENAM olim lingua fuerit Aquitaniæ, quæ tertia Gallia: pars ab obliquis aquis Ligeris dicta eſt, non ſatis conſtat. De Gallica autem lingua ſuo loco dicetur.

ARABICA LINGVA.

*Theſ. Am-
broſ. in
troſ. diuer-
ſarum lin-
gu. in Ap-
pendice.*

ARABICA in Aſiæ Regione lingua eſt item Punica, quæ omnes Mahumeticæ ſectæ cultores in grammaticis vtun-
tur: affinis aliqua ex parte Hebraicæ: elementorum autem formæ variæ omnino ſunt, vt Theſeus Ambroſius teſtatur. Arabes, & Punici duo tantum genera habent, Chaldæorum & Hebræorum more, vt ait Priſcianus, maſculinum ſcilicet & femininum, neutrum penitus ignorantes: numeros autem in aliquibus nominibus tres habet, ſingularē videlicet, dualem, & pluralem. Hebræi autē in geminatis a natura, vt duæ aures, & duō oculi, & in numero centenariō & millenariō dualē habent, non pluralem: & quando habent pluralem, dualem non admittunt. Maſculina verō nomina Chaldæorum, Hebræorū, Syrorum, atque Indorum more vnica in ſingulari, & vnicam in plurali terminationem habent Arabes: in duali verō peculiarem, & ab his differentem retinent deſinentiam. Homo in ſingulari, Raiul dicitur: In duali, Raiulaym, ideſt duo homines. Mulier, vel vxor in ſingulari, Mara: In duali Maraten, vel Marataym, ideſt duæ mulieres, vel vxores. Caſus nominum non ſecus atque apud Latinos. Habent item Arabes in verbis more Græcorum numerū ſingularē, dualem, & pluralem. Arabica & Turcica linguæ ſunt diuerſæ, characteribus autem iſdem vtuntur. Hæc ex Theſeo Ambroſio in Appendice. Arabes ſua dialecto loquentes Apoſtolos Hieroſolymis in die Sancto Pentecoſtes admirati ſunt.

*Theſ. Am-
broſ. in Ap-
pend.
Ad. 2.*

A RA-

ARAMEA LINGVA.

ARAMEAM linguam eandem Chaldaicam esse, de qua suo loco sermonem habebimus. Quare hic non est quod de ea sermonem habeamus.

ARMENICA LINGVA.

ARMENICA lingua ab Armenia, Asia Regione, quam Hebræi Arab vocant, dicta est. Hæc vulgaris eadem fere, quæ Turcica, & Tartarica est: sed inter Tartaricam & Armenicam Georgianorum linguam esse scriptores aiunt. De Armenica lingua Plutarchus in libro de fluuijs, & Ioannes Stobæus loquuti sunt. De huius item linguæ Alphabeto, eiusdemq. inuentore multa suo iam loco dicta sunt. Sed quoniam Armenica lingua voces multas habet Hebraicas, ut eam parentem referat, nonnulla hoc loco vocabula apponemus.

Ex Plin.
lib. 1. c. 9.

Ex Pto-
lem. Tab.

4. c. Strab.
book 2.

Pag. 155.

156. &
157.

Armenice.

Latine.

Hebraice.

Acl.	Deus.	El.
Aeli.	Deus meus.	Elî.
Rabbi, & Rabbônî.	Magister.	Rab, & Rabbi.
Iezu.	Lingua.	Lasciôn.
Zamanach.	Tempus.	Zemân.
Chahanaim.	Sacerdotes.	Cohaim.
Hgatz.	Crux.	Ethz, vel hetz.
Ail.	Sed.	Ellâ.
Vsan.	Signum vel vexillû.	Nes.
Chô.	Tu.	Attâ.
Chum.	Tuus.	Sciellecha.

Quædam cum alijs linguis habet communia, ut sunt, Episcoputhi, idest Episcopatus, ut apud Græcos, & Latinos. Du, Tu. Von, Ab. Ail, Alij. Ἀλλοι, Em, Εἰμ, Sum. Mesch, Μέσος, Medium. Za, præpositiuum articulum cum Aethiopica communem habet. Ab Armenis autem Germani acceperunt nonnulla vocabula: dicunt enim Armeni Car Potuit. Carolus, idest Potens.

Potens Germani vero Carle, Carol. Hæc ex ijs, qui linguas hæc non parum callent. Armenia a Beroso Saga item vocatur, quam alij Scythicam interpretantur. Hæc autem, vt Xenophon in Aequiuocis ait, *Gallerim*, eo quòd ab vndis saluet, appellat. Hinc eadem forsàn a Germanis; Gallis, & Italis *Galea*, vulgari nomine nuncupatur. Plura de Armenica lingua ex Beroso, & Xenophontis Aequiuocis videre licet, qui Noe tanquam virum sapientissimum Olybama, & Arsa, idest Cælum & Solem ab Armenis cognominatum affirmant.

Berosus, et
Xenophon.

ASIATICA LINGVA.

Ex Strabo
lib. 2.

ASIA & regiones & linguas multas, diuersasq. habet, vt Athenæus ait, hinc ad ceteras transeundum est. Asiæ Incolæ Apostolos sua lingua loquentes Hierosolymis in festo Pentecostes audierunt, & mirati sunt.

Assyriorum linguam videre est in dictione Chaldaica.

ATTICA LINGVA.

ATTICA, Græciæ Regio inter Achaiam, & Macedoniam sita, suam dialectum habet, quæ præ ceteris Homerus vsus est. Hæc lingua duas syllabas in vnam sæpe conuerit, vt *τῆνος*, pro *τοῦνος*. Ex optatiuis quibusdam, aufert, vt *δοκός*, pro *δοκῆος*. Profert *vs*, pro *es*, & id genus alia. Voca- les breues interdum omittit. Epsilon augmentis vocalium præponit. Iota omittit alicubi, & Optatiuis vtitur pro Indicatiuis. Nominibus femininis articulos, vel participia, vel adiectiua generis masculini adiungit. Inter Auctores, qui Attice scripserunt, Aristophanes comicus, ac Demosthenes Rhetor celebrantur. Hæc ex Ioannis Ammonij de dialectis libello.

Ioannes
Ammon.

BABYLONICA LINGVA.

Plin. lib.
6. cap. 26.

BABYLONIA, Magna Mesopotamiæ, Assyriæq. pars, vt Plinio placet, suam, quæ est Chaldaica, dialectum habet: nomenq. ei Babylon, vrbs olim Chaldææ totius cal- pue præbuit. Hanc Urbem Strabo a Semiramide condi- tam tradit. Hebræorum vero literæ originem a Nemroth- gigante,

Strabo lib.
16.

gigante, & a linguarum confusione Babel nominatam volunt. Ambitus eius quadringentorum octoginta stadiorum Euftrate fluuiio mediam eam interfluente. Quoniam vero hæc lingua Chaldaica est, et suo loco declaranda, ad alias linguas accedemus.

Belgicam linguam vide in Gallica dictione.

Bessi, hodie Bosnenses in Illyrica considerantur.

Bithynica lingua Græca est, vt ex mensium nominibus colligi potest.

Bosini, vel Bosnenses Illyrice loquuntur.

BRITANNICA LINGVA.

HÆC lingua hodie Vallica apud Anglos vocatur, vetus scilicet Britannica, in tota Insula vsitata antequam Saxones, ea deuicta, linguam quoque suam intulissent, quæ maxima ex parte nunc obtinet, Britannica veteri in regionem non magnam contracta. Vallos Germani vocant, quasi Gallos, peregrino, & incognito eis sermone loquentes homines, vt Græci ac Latini Barbaros. Veteres Prussi, quorum numero sunt Sudini, Curi, atque alij, vtuntur sua lingua, quam Cornelius Tacitus Britannicæ linguæ propiorem esse ait. *Corn. Tac. lib. 2.* Immixtæ sunt ei multæ Græcorum voces, quas tamen ita rustice proferunt, vt eas, nisi quis diligenter animaduertat, intelligere haudquaquam possit. Prussica item eadem fere est, qua Curorum, Liouonum, & Lituanorum, vt nonnulli affirmant. Sunt tamen qui Curos Illyrice loqui velint.

Bulgari. Vide dictionem, Rascij.

CAPPADOCVM LINGVA.

CAPPADOCIA regio suam dialectum habet, quam barbaram esse Scriptores narrant, dum mensium nomina considerant. Huius incolæ mirantur Apostolos Hierosolymis in die sancto Pentecostes sua lingua loquentes. *Ex Plin. lib. 5. cap. 24. & lib. 6. cap. 2. & 3.*

Ex Plin.
lib. 3. cap.
27.
Philippus.

CARIA minoris Asiæ Regio suam dialectum habet, Græcis nominibus admixtam non paucis, vt Philippus Caricarum rerum conscriptor testatur. Homerus autem in Carchalago, Cares priuatim *Βαρβαροφωνος*, non quia Cariæ lingua breuissima sit, sed eos barbaros appellatos censeo, quod difficulter aspero, ac duriter loquerentur, vt blæfos balbosq. dicimus. Carēs enim siue Carij per totam Græciam errauerunt stipendia merentes: & in Asiam profecti, ibi sine Græcis viuere non potuerunt. Hinc cum Græcis male Græcissantes idest corrupte, aut vitiose loquentes, barbari dicti sunt: Barbarismus enim est contra sermonis legem dictio vitiose scripta, aut pronunciata. Idq. fit vel vnus litteræ, vel syllabæ adiectione, detractiōe, mutatione, siue transpositione. Vel si, exempli causa, in Latino sermone *Guerra* pro bello diceretur. Soloecismus autem est inconueniens partium orationis compositura, seu prauitas orationis tortuosa, quæ nunc a Latinis imparilitas, a vetustioribus vero stribligo, tanquam sterobligo quædam dicebatur. Soloecismi nomen a Solone deductum Laertius testatur, qui cum in Cilicia Vrbe a suo nomine, Soloe condidisset, pauci ex Atheniensibus, quos in ea reliquit, nō multo interiecto tempore, corrupto patrio sermone, inconuenienti partium structura loqui cœperunt: fitq. soloecismus in oratione, vt si vitiose dicatur: Nos lego, Tu curritis, lego libris, & alia id genus innumera. Barbarismus autem fit in dictione tantum ijs modis, quos commemorauimus. Carios igitur corrupte loquentes barbaros appellatos fuisse dicendum est. De Carijs, eorumq. lingua corrupta, siue barbarismo multa Strabo conscripsit. Hæc hætenus.

Strabo li-
bro 14.

Carni, Galliam togatam inhabitantes, quos Veneti Cheros vocant, Carniolani, & Carinthij Illyrice loquuntur: Carnia, vulgo Carniola, a Ptolemæo supra forum Iulij & Concordiam locatur.

Casubi, al. Cassubitæ Illyrice loquuntur.

Celtica lingua. Vide in Gallica dictione.

CHAL.

CHALDAICA LINGVA.

CHALDAEA, Asiæ maioris Regio, Arabiæ contermina, plana, fontium indiga, in qua Babylon ciuitas magna. Chaldaeos Arphasat instituit. Hæc Regio suam habet dialectum, quæ & Aramæa, & Syrorum, & Assyriorum, & Babyloniorum vocatur. Hac lingua in Aegypto, & Aethiopia eruditiores vtuntur, vt a multis accepi. Hebraicæ confinis est, nec multo magis quàm Dorica a Græca communi differt. De litteris Syriacis & Chaldaicis, earumq. inuentore, satis dictum reor, cum de Abrahamo loquuti sumus, & characteres ordine Alphabetico recensuimus, multarum linguarum originem enarrantes. Hinc ad ceteras linguas accedendū est.

Pag. 84.
85. Cap. 20.

Circasi circa mare Caspium, & Mamaluchi etiam dicti Illyrice loquuntur.

Circassi circa mare Hyrcanum bellicosissimi ex Sclauorum Gente oriundi Sclauonica vtuntur lingua, & Christi fidem secundum ritum Græcum sequuntur.

Colchis lingua eadem quæ Aegyptijs, vt ait Eustathius.

Eustathius in
Dionys.

Coralii Illyrice loquuntur.

Crestoniata ab Vrbe Thraciæ, quæ Creston dicitur, cognominati Pelasgice loquuntur.

Cretenses Insulam in medio Ponto, teste Virgilio, Græco sermone vtuntur. Hi etiam Apostolos Hierosolymis in die sancto Pentecostes sua dialecto loquentes audierunt, & admirati sunt.

Ex Herodoto.
Et Virg.

Croati, & Culmij Illyrice loquuntur.

Curorum linguam in Britannica lingua videre est.

Cyprij Insulam in sinu Iffico Græce loquuntur etiamnum, sed corrupte.

Cyrenij Insulani in mari ligustico, Cyrum, idest Corsicam incolentes, & longissimo æuō propter mellis vsum vtentes lingua exules, seu profugi balari dicuntur. Ex Pausania.

Pausanias.

DACICA LINGVA.

*Prolem.
Flin. &
alij.*

DACIA, Scythiæ Europæ Regio, hodie diuisa in Transyluaniam, Zipserlandiam, Rasciam, Seruiam, Septem castra, & Bulgariam. Transyluania vero Hungariæ item nomine censetur, in qua mirabilis diuersarum, nec vnus linguæ gentium mixtura est. Dacicæ aliquot stirpium nomenclaturæ leguntur inter eas, quæ Dioscoridi attribuantur, ex quibus, qualis hæc lingua sit, conijci non potest, ut ab eruditis accepi. Dacorum autem & Getarum sermo idem iudicatur, ut Straboni placet.

*Strabo lib.
7.*

DALMATICA LINGVA.

DALMATIA, quam Sclauoniam dicunt, Illyrici pars, Liburniæ contermina, suam habet dialectum, quæ Dalmatica, siue Illyrica, vel Sclauona nuncupari solet. Hæc ab Illyrica illa, quæ Seruiana dicitur, non distat: characteres autem sunt omnino diuersi, ut supra videre est, ubi vtriusque linguæ Alphabetæ conscripta cernuntur. Dalmaticarum, siue Sclauonicarum litterarum inuentorem sanctum Hieronymum fuisse superiori loco diximus, ubi de hac lingua sermonem habuimus, licet eum non Dalmatam, vel Illyricum, sed Istrianum, Sridonensem scilicet fuisse, ibidem a nobis demonstratum sit. Quamuis autem Sclauonicos characteres a sancto Hieronymo inuentos fuisse, passim dicatur, Ioannes tamen VIII. in Epistola ad Ssentopulchrum, eas a Constantino quodam Philosopho inuentas esse narrat dicens:

*Ioannes
VIII. in
Epist. ad
Ssentopul-
chrum Co-
mitem
Ex Regist.
M.S. Vati-
cane.*

Litteras denique Sclauonicas a Constantino quodam Philosopho repertas, quibus Deo laudes debite resonent, iure laudamus, & in eadem lingua Christi Domini nostri præconia & opera enarrantur, iubemus. Neque enim tribus tantum, sed omnibus linguis Dominum laudare auctoritate sacra monemur, quæ præcipit, dicens: Laudate Dominum omnes gentes, & collaudate eum omnes populi. Et Apostoli repleti Spiritu sancto locuti sunt omnibus linguis magnalia Dei. Hinc & Philipp. 2. Paulus cœlestis quoque tuba insonat, monens: Omnis lingua confiteatur: quia Dominus noster Iesus Christus in gloria est Dei Patris. De quibus etiam linguis in prima ad Corinthios epistola satis & manifeste nos admonet, quatenus linguis loquentes Ecclesiam Dei ædificemus. Nec sane fidei vel doctrinae

Psalm. 116.

Act. c. 1.

Philipp. 2.

1. Cor. 14.

næ aliquid obstat, siue Missas in eadem Sclauonica lingua canere siue sacrarum Euangelium vel lectiones diuinas noui & vereris testamenti bene translatas & interpretatas legere, aut alia horarum officia omnia psallere: Quoniam qui fecit tres linguas principales, Hebræam scilicet, Græcam, & Latinam, ipse creauit & alias omnes ad laudem & gloriam suam. Iubemus tamen vt in omnibus Ecclesijs terræ vestræ propter maiorem honorificentiam Euangelium Latine legatur, & postmodum Sclauonica lingua translatum in auribus populi Latina verba non intelligentis, adnuncietur. Sicut in quibusdam Ecclesijs fieri videtur. Et si tibi, & iudicibus tuis placet Missas Latina lingua magis audire, præcipimus, vt Latine Missarum tibi sollempnia celebrentur. Data M. lun. Indiēt. xiii.

Hæc Ioannes Papa huius nominis viii. Quid autem hac lingua de sacris rebus a S. Hieronymo conscriptum sit, quidve de eadem lingua impetratum sit, eodem loco supra citato cernere licet. De altera vero Illyrica, quæ Seruiana dicitur, supra item satis dictum puto: infra vero alia explicabimus, cum de Illyricis sermonem habebimus. Hæc hæctenus.

Pag. 101.

102. &

103.

Pag. 104.

DE ORVM LINGVA.

HOMERVS nomina quædam humana, quædam diuina facit: diuina autem nimirum illa ab eodem Homero nuncupantur, quæ quàm rectissime, seu verissime facta sunt, vt fluuius, quem Xanthum a dijs vocari ait, ab hominibus vero Scamandrum: Auis, quam dij Chalcidem, homines Cymindin: & Vrbs, quam tum Baticam, tum Myrinem appellari canit. Idem Filium Hæctoris Scamandrium a mulieribus, a viris (rectius nimirum) Astyanactem vocari ait. Hæc ex Platone, in Cratylo, vbi hæ voces ab eo examinantur. De hæc Deorum lingua plura quære apud Homerum, & Scholiastem Odysseæ, & ex ijs, quæ narrauimus paulo superius, vbi multa de spirituum locutione dicta sunt.

Plato in

Cratylo

mo 1.

Pag. 102.

& 103.

Dibriorum sermo Illyricus est.

DORICA LINGVA.

HOMERVS, vt alijs Græcæ linguæ dialectis, teste Plutarcho, ita etiã Dorica vsus est lingua, quæ a Doria Achææ parte

*Plato lib.
3. Legum.
10. 3.*

parte Athenis propinqua, & Dori pro Achiuis, mutato nomine, appellati sunt, vt ait Plato. Hæc dialectus vtitur frequenter dictionibus in fine mutilatis per figuram apocopen, vel in medio per syncopen, litteris vel syllabis detractis. Solent etiam Dori transponere litteras, & futura circumflectunt, & in secundis personis lota omittunt, & Alpha pro Ita ἵτα ponere ijs frequentissimum est. Theocritus Poeta, & Timæus locus de natura Dorice scripserunt. Lacedemonij Cræsi temporibus, Herodoto teste, excelluerunt inter Doros, qui a Græcis incessuntur quod iusto frequentius in dictionibus Alpha ingerere soleant, vt Rhodiginus ait.

Herodotus.

Cal. Rhetor. lib.

ELAMITARVM LINGVA.

ELAMITAE, Arabiæ populi, Apostolos Hierosolymis in die sancto Pentecostes lingua sua loquentes admirabunda audiuit.

Epirotarum lingua Illyrica est. Epirus autem regio est Græciæ finitima.

Etruscam linguam vide in dictione, Hetrusca.

GALATARVM LINGVA.

*Plin. lib. 5.
cap. 32.*

GALATIA minoris Asiæ Regio, Phrygiæ contermina, cuius incolæ Galatæ appellatur, & Gallogræci, quod ex Gallis & Græcis coaluerint, suam habet dialectum. Sunt autem qui velint Galatarum in Asia eandem esse aut fuisse linguam, quæ in Europa Gallorum est, aut fuit. Plura vide mox in Gallica lingua de Galatis, ad quos sanctus Paulus Epistolam scripsit.

GALLICA LINGVA.

*Plin. lib.
4. cap. 17.*

*Cæsar lib.
1. de Bel-
lo Gall. in
prim. ip.*

GALLIA, Europæ pars, a candore populi dicta (Gala enim lac Latine dicitur) triplex est, Togata scilicet, Comata, & Brachata. Togata ab Alpium radicibus & Rubicone fluuiio incipiens Cisalpina dicta est. Comata vero cognominatur omnis Transalpina Gallia, vt Plinius ait, & in Belgicâ, Celticam, & Aquitanicâ diuiditur, vt Cæsar testatur: eisdemq. Comatæ

Comata, nomen reliquæ Galliæ, vt Brachata, quæ Francia nuncupatur, a villosa vestis genere, quo ij Populi utebantur, dicta, videtur conuenire, Prouincia Narbonensi excepta.

DE VETERI LINGVA GALLICA

Ex Henrico Glareano, & alijs.

GALLIÆ lingua duplex censetur, vetus scilicet, ac recens, hinc de veteri primum, deinde recentiori verba faciemus. Sunt qui velint veterem fuisse eam, qua Heluetij & Galli Iulij Cæsaris tempore vsi sunt, vt Aegidio Schudo, & Henrico Glareano placet, qui hanc rem multis rationibus & coniecturis probare student. Alij autem Gallicam linguam veterem tunc neque cum Germanica neque cum Francia, qua hodie Galli vtuntur, communicasse, sed propriam exstitisse linguam huius generis controuerfiam, breuitatis causa, prætermittendam hoc loco censemus. Dicendum tamen videtur, Belgicam, Galliæ Regionem, a bel-
lis, quibus fatigata est, quæq. nunc Flandriam & Picardiam solum comprehendit, dictam, necnon Aquitaniam, et Celticam, institutis, legibus, ac lingua inter se differre Scriptores affirmant, et præsertim C. Iulius Cæsar suis in Commentarijs. Celtas vero non solum Gallos, sed etiam Germanos a veteribus præsertim Græcis, communi nomine appellatos multis testimonijs approbari potest, quæ hoc in loco, ne multis immorer, prætermittenda dijudicaui, vt de veteri lingua Gallica loquamur dicentes, Gallorum linguam multis de causis eam esse, vt multi affirmant, quæ hodie Rhenus vtitur, maximeq. Heluetij, et Sequani Rhenani. Primum enim constat Caium Cæsarem bello Gallico per interpretem loquutum fuisse cum Gallis. Deinde eam quidem linguam, qua hodie Francia vtitur, Romanam esse, quamquam corruptam, vt infra dicemus, nemini dubium videri debet, quippe adhuc vsque de prisca lingua Gallica innumeras retinentem dictiones, quas recensere longum esset. Non igitur Francica lingua olim Galli loquuti sunt, sed alia. Verisimillimum autem est, ea loquutos lingua, qua adhuc ij vtuntur Galli, qui Francice non loquuntur, vt omnes populi circa Rhenum, proximi autem Rheno, Heluetij, Rauraci, Sequani, Elfatice, Tribocchi,

*Aegidius
Schud. Hæd.
Glare.*

*Cæsar in
Comment.
lib. 1. de
Bello Gal.
in principio.*

Caius Cæsar de Bello Gallico lib. 1. ante medium pag. 14.

Henricus
Glareanus

bocchi, Vangiones, et tota fere Belgica. Ad hanc rem comprobendam Henricus Glareanus multis vititur rationibus, et exemplis, quibus satis liquet Helvetiorum linguam ac Rheni vere Gallicam, nisi quod Germani quaedam miscuerunt, maxime infra Argentinam. Spiræ enim, Vormatiæ, Moguntia, atque in circumiacentibus ea Rheni parte populis mixtus est sermo ex Germania, atque Celtica linguis: neque enim pure Germanice, neque pure Celtice loquuntur. Helvetij autem, Rauraci, Sequani, Rheno proximi, Brisgoenses, et Elsatici magna ex parte mere Celtice loquuntur. Non mirum igitur est, quod S. Hieronymus scriptum reliquerit Galatas, ad quos scripsit sanctus Paulus, qui etiam a Celtis descenderunt, ut auctor est Liuius, eadem loquutos suo tempore lingua, qua Treuiri utebantur. Quis autem nescit Treuironum linguam esse antiquam, nec multo a Germanorum lingua diuersam? Et si concedi oportet quod Strabo ait Germaniæ vocabulum Romanorum esse, quam aliam causam fuisse credimus Romanis, quod eos germanos appellarint, quam quod vel lingua et moribus magnam cum Gallis haberent communionem? Vel, quod quidem non absurde argumentantur, ab ipsa inter ipsos appellatione? Fratres enim sese etiamnum hac tempestate in rebus ferijs ac bellis vocant. Id Romani siue per se de Germanis rescuerint, siue a Gallis didicerint, parum constat; neque huius est negotij.

S. Hieron.
in Proem.
in Epist. ad
Gal. 10. 6.
Liuius li-
bro 8. 4.
Dec.

Strabo lib.
7.

Quod autem Helvetiorum lingua vere sit Gallica, ut diximus, id non paruum est argumentum, quod Latini auctores multa Gallicæ linguæ vocabula recensent, quæ etiamnum in Helvetiorum sunt lingua, quamquam a Romanis scriptoribus partim male scripta, partim male percepta, ut pote quæ quod barbara non magnopere curarent, obiter duntaxat in operibus conscribuntur. Quæ tamen ipsa nobis argumento sunt, Gallicam linguam in aliqua apud eos fuisse existimatione. Itaque Cæsar Gallorum propria et maxime Helvetiorum nomina mirator sit, omisis sæpe ac mutatis litteris aliquot, ut Latine declinationi apta fierent, de quibus paulo post dicturi sumus.

Plin. 11.
Veronensis
lib. 3. cap.
16. & lib.
18. c. 18.

Idem Plinius fecit, qui Gallus fuit, ex ipsa Gallia Cisalpina, ut Romani loquuntur, natus: quem ista scisse linguam, atque eam magni fecisse, dubium non est: quippe qui in tam nobiles

De Natura opus inferere voluerit, ea tamen verba temporum iniuria ad hanc vsque diem magis deprauata apud eum leguntur, nemine de ea lingua mille ab hinc annis curante. Id clarum fit ex eo præsertim loco, in quo Plinius aratra rotulis instructa, Gallicum inuentum, *Pflugrat* recte nominauit: vbi tamen codices, *Plummarat*, alij *Planarat*, habent. Quidam vero, vt se prorsus ineptos ostenderent, in *Planetam* mutarunt. Idem Plinius *Bodincum*, Padum fluuium, hoc est fundo carentem, Gallica lingua, a Liguribus dictum ait. Idem ibidem oppidum eodem tractu esse *Bodincomogum* vetusto nomine nuncupatum dicit. Ita apud Suetonium in Galba præpinguis Gallice *Galb* intelligitur, seu potius vitulus: nam ita homo præpinguis, atque obesus, per iocum, vitulus vocatur: Et *Becco* rostrum apud eundem in Vitellio Belgæ nostra ætate in sua lingua adhuc habent sicut Itali. Multa his similia enumerat Aegidius Tschudus, qui etiam hodiernam Francorum linguam ex duabus linguis constare ait, ex prisca lingua Celtica & Romana: in qua tamen Romana dominatur lingua.

Plin. lib.
18. c. 18.
sub finem.

Plin. lib. 3.
c. 16. sub
finem.

Suetonius
in Galba.
Et in Vi-
tello.

Nomina item Gallice desinentia Cæsar in desinentiam et formam conuertit Latinam, vt *Cassich*, Cassichus, Sequanus Regis filius: *Arnold*, Arionoldus: *Ernst*, Ernestus Germanorum Rex, quod postea nomen corruptum est in *Ariouistum*: *Orgentorix* vel *Orgetorix* Helueticorum princeps, apud Helueticos per quandam litteram Græcam desinebat hoc modo, *χ*, nunc vero per X terminatur, vt etiam *Dumnorix*, et alia id genus permulta: quibus constat veterem linguam Gallicam eandem fuisse Germanis.

Qua Cæsar in Latinam desinentiam conuertit.
Lib. 1. de Bello Gal.
non procul a princ.

Rursus Celtas & Gallos veteribus eisdem esse Germanis & veterem Gallicam Germanicam ex Annalium Scriptoribus colligitur, sicut Ephorus & Strabo graues in primis Auctores tradunt. Cato præterea, Plinius, Sextus, Rufus, Festus Pompeius, Diodorus Siculus Gallicam linguam, quæ modo Teutonicorum siue Germanorum est, eam vocari affirmant, docentes apud eos *Padum* pro picea, *Pondicum* pro fundo, *Bulgam*, pro sacco scorteo, vel coriaceo *Bergomum* pro Montana vrbe, *Cimbrum* pro latrone vel pugnaci, *Emporedum* pro equorum domitore, *Rhedam* pro curru, vel rota, *Pyrenem* pro combusto, *Ceruissamq.* pro potu ex hordeo valere: quibus vocabu-

Ephorus
Et Strabo.

† Plin. lib.
3. cap. 16.

lis Teutones adhuc vtuntur. Adde etiam, vt iidem tradunt scriptores, quòd omnia nomina populorum, Regum, & Ducum, Germanica Teutonicaq. sunt, & ad hanc vsque diem vsurpantur, quæ breuitatis causa prætermitto. Multa item probatissimorum scriptorum in hunc sensum congerere possem si vellem loca, quibus linguam veterem Gallicam Heluetijs, Teutonicis, aut Germanis eandem fuisse, affirmari potest: sed ea dictam ob causam subtrahenda sunt. Hæc igitur de lingua veteri Gallica, vt ad recentiorē perueniamus.

DE GALLICA LINGVA RECENTIORE.

LATINÆ linguæ propagines, sed tempore, & vulgi imperitia valde corruptæ, sunt tres, hodie vulgares linguæ, Italica, Hispanica, & Gallica. Prima minus, vt pote Latinæ linguæ proxima, secunda magis, tertia maxime corrupta, hoc est terminationibus, & litteris, syllabisq. mutata, atque distorta: & insuper vocabulis mixta alienis ab eo nimirum tempore, quo Gothi non modo regna & regiones vastare, sed etiam linguas imperio suo peruertere cœperunt. Gallica igitur lingua plurimas habet Latinas voces, quasdā habet Gothicas, quasdā vero Germanicas (nam Franci, qui ceteris eiusdē Regionis populis imperant, a Francis Germanis descendērūt) quasdam vero habet de sua & vetere Gallica lingua, vt ratio ipsa postulat. Hinc dialectis variat non parum: est enim alia terrior in parte, quæ priuatim Francia dicitur: aliæ crassiores, vt Prouincialis, Lotharingica, Burgundica, & id genus reliquæ: crassissima vero harum omnium Sabaudica, & aliæ linguæ circa Alpes, Italiæ cōfines. Hæc ex Aegidio Tscudo & Henrico Glareano. Gallica in lingua, vt ceteris plerisque omnibus barbaris, metra tantum homocoteleuta (rythmos vulgo vocant) nulla prosodiæ habita ratione olim condebantur. nunc vero huius etiam ratio a quibusdam habetur, vt ego ipse vidi. Hæc de Gallica lingua recentiore.

*Aegidius
Tscud. &
Henr. Glare-
anus.*

GAZARICA LINGVA.

GAZARORVM gentes, quæ hodie Abgazari, & Abgazelli a Græcis vocantur, necnon Mengrelli, & Circassii, habi-

fi, habitant versus mare Hyrcanum. Apud hæc Gentes. Tartari Sauolenses tela, & alia comparant necessaria. Hi autem omnes ex Sclauorum gente originem sumptere: linguaq. vtuntur Sclauonica, & Christi fidem secundum ritum Græcum sequuntur.

GEORGIANICA LINGVA.

GEOGIANA, Asiæ Regio a Tartaris subacta, cuius *Blædus li. 7. Decad. 2. anno sal. 1221.* populi ab agricultura nomen sortiti Georgi dicti sunt, vel, vt a Turcis vocantur, Iuriani, Græca lingua vtitur in sacris: vulgaris autem eius lingua Tartaricæ & Armenicæ media est.

Gepidis in vsu est sermo Illyricus. Vide infra, Hungaris.

GERMANICA LINGVA.

DE GERMANICA lingua, quam veteri Gallicæ eandem fuisse aliqui affirmant, iam supra dictum fuit, præsertim quod ad vetera nomina propria: item in Anglica nonnihil. Germanorum autem nomen antiquius esse, quàm Alemanorum, cum aliàs constat, tum ex Flauij Vopisci Proculo. *Flau. V. p. 6.* Multa de Germanica & Heluetica lingua, necnon de Germanicæ linguæ vetustate dicenda forent, sed qui hæc scire cupit, ad Aegidium Tiscudum confugiat. Dicam ramen Germanorum *Aegidius Tiscudus c. 36. 37. 38.* quattuor esse genera, Teutones scilicet, Venedos, Cimbros, Vuagros, qui non solum lingua, verum etiam institutis ac religione differre dicuntur. Num vero inter Germanos Picti populi Septemtrionales Hannonij, Lotharinghi, Burgundiones, Allobroges, & Sabaudienfes annumerandi sint, dubitatur: sunt ramen medij inter Celrarum, Germanorumq. imperia, Germanis obtemperantes Imperatoribus, vt docent Historici. De Venedis, & Vuagris suo loco dicitur: nunc de Teutonibus, ac Cimbris loquendum est.

Teutones, siue Teutoni, ita dicti a Teutone siue Tuistone *Corn. Tacit. lib. de moribus German. in princ. Plin. li. 4.* ipso Deo, quem indigenam, ac terra ortum existimabant, a Cornelio Tacito Thuyscones appellati sunt. Hi autem a Celtis Alemani, a Venedis Nomades, ac Nemetes a iaculando nominantur: a Vuagris Scythulæ, siue Scythæ, hoc est casei

ac lactis voraces, quos Græci tyrophagos, & galactophagos nuncupant. Horum partes sunt multæ, quæ breuitatis causa subtriciendæ sunt.

Valerius
Max.

Cimbrorum partes sunt Dani, Scandia, Selandria, Scandiauia: vbi Nordouici & Normandini, Suiones qui & Suesij, & Suedi, Fenni, Gothi, Eos Græci Getas, Latini Dacos vocare solem: immo Gothi, qui & Dâni, Daci & Geta dicti sunt, homines erant ingenti corpore, horrendisq. oculis, in acie gaudio exultantes tanquam gloriose, & feliciter vita excessuri: contra vero ex morbo quopiam vitam cum morte commutantes, perinde quasi turpiter perituri. De Teutonibus, siue Thuyfconibus, necnon Cimbris, vide Berosum, Cæsarem, Tacitum, Marcellinum, & Cassiodorum.

Sigismundus
Gelenius.

Sermo Germanicus, & præsertim Saxonicus, litterarum natura & potestate, diphthongorum vi & numero, syllabarum pronuntiatione, declamatione, articulis, accentu, ratione loquendi, ceterisq. huiusmodi dictionum proprietatibus, maximam habet communitatem, plurimumq. retinet commercij cum Græcorum lingua, rectiusq. litteris Græcis, quàm Latinis scribitur, vt Sigismundus Gelenius, & alij Scriptores tradunt affirmantes infinita esse vocabula, quæ idem Germanis, & Græcis valere dicuntur. Gelenius item in Lexico suo symphono, in quo ex quattuor linguis, Latina videlicet, Græca, Germanica, & Illyrica, partim omnium, partim trium, partim duarum vocabula inter se, & erudite quidem comparat, huius generis affinitatem linguarum patefacit. Nec defunt qui Germanicam linguam ab Hebraica originem aliqua ex parte traxisse opinentur. Maximam vero in ea mutationem factam esse iidem Scriptores obseruarunt, atque adeo eam ipsam mutatam esse dicunt, vt eam, quæ olim fuerit, ægre etiã peritus quis intelligat.

Franciscus
Alumnus.

Id quod factum esse censendum est ob plurimas bellorum iniurias, & populorum migrationes, necnon ob litterarum, & historiarum denique cultum a multis neglectum, sicut Italicae linguae euenisse Franciscus Alumnus Ferrariensis in Diuitijs, & in Thesauro vulgaris linguae demonstrat, vt in Italica lingua videre licet.

G E T T I C A L I N G V A

GETAE, Populi in Scythia Europæ, quos Appianus Dacos appellat. Strabo vero Getas a Dacis ita distinguit, vt Getæ sint qui ad Pontum in Orientem vergunt: Daci, qui in oppositum latus spectant, versus Germaniam, & Istri fontes, quos olim Danos vocatos nonnulli volunt. Ex quo apud Athenienses Dauorum, & Getarum seruilia nomina in vsu maxime fuerunt. Aelius Spartianus scribit Getas dictos fuisse, qui postea Gothi appellati sunt: Alij vero eisdem Getas esse Tartaros, & veterem Gothorum regionem hodie Tartariæ regno subiectam, eiusq. partem esse, Germanicæq. lingua vti affirmant.

Appian.
Alexand.
Strabo.

Aelius
Spart.

G O T H I C A L I N G V A

GOTHI immanēs Scythiæ populi in Tractu Septemtrionali Europæ, Danis & Noruegis contermini, qui olim armis Italiam subegerunt, Romamq. ipsam solo æquarunt, suamq. in totum orbem inuexerunt barbariem, vt alibi dictum est, cum de Viphila Gothicarum litterarum inuentore sermonem habuimus, vbi de maxima Latine linguæ iactura, quam a Gothis accepit, loquuti sumus, multaq. exempla ad hanc rem pertinentia in mediū attulimus, necnon Alphabetū.

Pag. 153.
153. G
154.

A Gothis Ostrogothæ, tanquam Orientales illorum vocabulis ita dicti, & Vuisigothæ, qui Occidentalium sese Regionibus infudere, nuncupati sunt: Gothalani vero sunt populi ex vtrisque mixti: Alani enim sunt populi Scythiam Europæ ad Mæotidem paludem incolētes, quorum meminisse Plinium legi. Hi autem omnes necnon alij ea in Regione populi, vt Gorthini, Quadi, Osi, Marcomanni, & ceteri permulti Germanice loquebantur, vt a multis accepi Scriptoribus.

Cal. Rhod.
lib. 18. c.
24. 10. 2.

Plin. lib. 4.
cap. 12.

Corn. Tac.
cit. lib. de
mor. Ger-
man.

Nunc vero ex omnibus nationibus Gothicis nullam amplius in Germania superesse constat, Scyris vel Sittis, siue Stirensibus, & Turingis exceptis. Noruegicam vero linguam Germanicæ adsimilem esse multi prodiderunt: idq. ita esse inueni in Italico Iosaphat Barbari libro de sua, qua fundus est, ex Venetijs ad Tanā legatione. Hæc de Gothica lingua.

Iosaphat
Barbarus.

GRÆ.

GRÆCA LINGVA VETVS.

GRÆCIA, Europæ regio olim omni disciplinarum genere excultissima: cuius tamen populi leuitatis, vanitatisq. nomine male audierunt, & fabulosi dicti sunt, quia ab ijs fabulas originem traxisse omnes affirmant. Hinc pluribus in locis, Cicero ait: Homines leuitate Græci, crudelitate barbari, docti quidem, & ingeniosi, sed parum in testimonijs dicendis religiosi. Hæc Cicero: ob idq. Græca fide mercari apud Comicos, est pecunia numerata siue præsentē, mercaturam exercere, cum eos mendacijs laborare constet, sicut de Cretensibus præsertim ab Epimenide Græco dictum fuit, & in Scriptura sacra affirmatur.

Cic. in orationibus, 10. 2.

S. Paulus ad Tit. 1.

Græca lingua non solum in Europa, hoc est in ipsa Græcia proprie dicta, verum etiam in Asia minore, vt in Ionia, necnon in finitimis ei regionibus, atque in extrema Italiæ ora, quam Magnam Græciam vocant, vt in Apulia, & Calabria, in ijs præsertim partibus, quæ mari Adriatico, & Ionico adiacent, olim vigeat, & in communi, vulgariq. erat vsu: cui etiam linguæ non solum Romani, sed remotissimæ item Regionēs propter bonas, & vtilēs artes atque scientias, necnon propter inutiles & vanas, vt magiam, & id genus reliquas eodimomate traditas, operam dederunt. Hæc lingua ex tribus, quæ sunt celebriores, est. Hebraica vero omnium vetustissima, vt suo iam loco demonstratum est, primarium optimo sibi iure comparauit. Hanc sequitur Græca. Post Græcam Latina sibi vendicat locum, si earum tempora necnon earum dignitates, & iura cuncta spectentur, quæ quidem multa sunt.

Pag. 79. 83. & 87.

Græca lingua quinque distinguitur dialectis, vt dictum est, Acolica scilicet, Attica, Ionica, Dorica, & Communi. Attica vero inter ceteras elegantior & communi propior, Dorica crassissima iudicatur, & in hac Aeclogæ & Pastorum colloquia a Theocrito conscripta fuisse aiunt. Communem autem linguam in nulla Regione priuatim vulgo receptam nonnulli opinantur, cum vbique vulgus suum aliquid proprium habeat, quibus a ceteris plerisque differt: Communis enim fortasse illa est, quam viri vel litterati, vel sapientes, et cultiores vsurpabant. Theslala a nonnullis inter Græcas dialectos memoratur,

moratur, et aliæ quædam, quæ ad eas ipsas referri queunt.

Græca lingua in sacris Georgiani vti dicuntur, cum vul-
garis eorum lingua Tartaricæ et Armenicæ media censeatur.
Iacobitæ item et Moschouitæ in lingua Græca similibus cha-
racteribus vtuntur, qui à Græcis parum recedere videntur, vt
in *Theſei Ambroſij* introductione videre eſt. Carthaginien-
ſes, vt ait Rhodiginus, in bello aduerſus Dionyſium ſenio-
rem, cum ſe litterarum Græcarum commercio proditos ſen-
ſiſſent, ac quidquid fuiſſet ab ipsis decretum, Dionyſio ſigni-
ficatum, Senatusconſulto cauerunt, nequis Carthaginien-
ſium aut litteris Græcis, aut ſermoni inſueſceret, ſtuderet ve.
Hæc Rhodiginus.

*Ex Theſeo
Ambroſij
Introd. di.
uerſ. ling.*

*Cal. Rho-
diginus 10
mo 3. lib.
22. 6. 17.*

GRÆCA LINGVA VVLGARIS, et recentior.

GRÆCA lingua vulgaris, qua hodie vtuntur Græci,
tum vocabulis, tum Græcorum deprauatione, litteris ac
terminationibus immutatis, a vetere Græca multis in locis
non minus reſeſſit, quàm Italica, Gallica, et Hiſpanica a ve-
tere Latina, cuius hæ tres propaggines cenſentur: Hæc lingua
Iliadem Homeri tranſlatam, et impreſſam fuiſſe teſtatur *Pe-
trus Burrha* Lucarnenſis, qui libellum, Corona pretioſa in-
ſcriptum, edidit: in quo e regione conferuntur vocabula lin-
guarum quattuor, Italicæ ſcilicet vulgaris, Latinæ Græcæ
vulgaris, et veteris Græcæ. Opinor autem, vt Italis euenire
ſolet, ipſum vulgi ſermonem corruptiorem eſſe, quàm qui
a litteratis ſcribi ſolet, et in eorum ore verſatur. Inter va-
rias autem dialectos, quarum aliæ alijs plus minusve corru-
ptæ ſunt, vt Cretæ, Cypri, Corcyræ, et inter alias, Pelopon-
nenſem tanquam puriorem, vel minus corruptam præferri a
Græcis, accepi. Hæc de Græca lingua recentiore, necnon ve-
tuſta, cuius Alphabetum pronunciationibus, figuris, ac no-
minibus diſtinctum ſuo iam loco ob oculos poſitum eſt, vbi
de Græcarum litterarum Inuentoribus, multisq. alijs rebus
ſcitu quidem dignis verba fecimus. Hic autem numerandi
modum iuxta litteras Alphabeti, inſtar Hebræorum, a qui-
bus hanc formam ſicut et complures litteras, earumq. no-
mina Græci acceperunt, apponere libuit, vt videre eſt.

*Petr. Bur-
rha.*

*Pag. 110.
111. 112.
Cp 113.*

MO-

MODVS NVMERANDI GRÆCVS ET LATINVS.

Græc.	Latino.
En.	1 Vnum.
Dyo.	2 Duo.
Tria.	3 Tria.
Tessara.	4 Quattuor.
Pente.	5 Quinque.
Ex.	6 Sex.
Epta.	7 Septem.
Octo.	8 Octo.
Ennea.	9 Nouem.
Deca.	10 Decem.
Endéca.	11 Vndecim.
Dodeca.	12 Duodecim.
Decatria.	13 Tredecim.
Decatessara.	14 Quattuordecim.
Decapente.	15 Quindecim.
Decacx.	16 Sexdecim.
Decaapta.	17 Decem septem.
Decaocto.	18 Decem octo.
Decaennea.	19 Decem & nouem.
Icofi.	20 Viginti.
Icofién.	21 Viginti vnum.
Icofidyo.	22 Viginti duo.
Icofitria.	23 Viginti tria.
Icofitessara.	24 Viginti quattuor.
Icofiapente.	25 Viginti quinque.
Icofiex.	26 Viginti sex.
Icofiapta.	27 Viginti septem.
Icofioccto.	28 Viginti octo.
Icofiénnea.	29 Viginti nouem.
Triacenta.	30 Triginta.
Triacentaén.	31 Triginta vnum.
Tessaraenta.	40 Quadraginta.
Tessaraentaén.	41 Quadraginta vnum.
Penticenta.	50 Quinquaginta.
Penticentaén.	51 Quinquaginta vnum.
Exicenta.	60 Sexaginta.
Exicentaén.	61 Sexaginta vnum.
Ebdomicenta.	70 Septuaginta.
Ebdomicentaén.	71 Septuaginta vnum.
Ogdoicenta.	80 Octoginta.
Ogdoicentaén.	81 Octuaginta vnum.
Ennecicenta.	90 Nonaginta.
Ennecicentaén.	91 Nonaginta vnum.
Ecaton.	100 Centum.

Diacofia .	α	200	Ducenta .
Triacofia .	τ	300	Trecenta .
Tessaracofia .	υ	400	Quadringenta .
Pentacofia .	φ	500	Quingenta .
Exacofia .	χ	600	Sexcenta .
Eptacofia .	ψ	700	Septingenta .
Oñacofia .	ω	800	Oñtingenta .
Enneacofia .	θ	900	Nongenta .
Chilij .	κ	1000	Mille .
Dischilij .	ε	1000	Bis mille .
Trischilij .	ς	3000	Ter mille .
Tetracischilij .	λ	4000	Quater mille .
Pentacischilij .	μ	5000	Quinquies mille .
Exacischilij .	ν	6000	Sexies mille .
Eptacischilij .	ξ	7000	Septies mille .
Ogdacischilij .	ο	8000	Oñties mille .
Enneacischilij .	π	9000	Nonies mille .
Myria .	ι	10000	Decem millia .
Dylmyria .	κ	20000	Viginti millia .
Trlmyria .	λ	30000	Triginta millia .
Tetracilmyria .	μ	40000	Quadraginta millia .
Pentacilmyria .	ν	50000	Quinquaginta millia .
Exacilmyria .	ξ	60000	Sexaginta millia .
Eptacilmyria .	ο	70000	Septuaginta millia .
Ogdacilmyria .	π	80000	Oñoginta millia .
Enneacilmyria .	ι	90000	Nonaginta millia .
Decamyria .	ρ	100000	Centum millia .
Icofmyria .	σ	200000	Ducenta millia .
Triacontamyria .	τ	300000	Trecenta millia .
Tessaracontamyria .	υ	400000	Quadringenta millia .
Pentacontamyria .	φ	500000	Quingenta millia .
Exiconta myria .	χ	600000	Sexcenta millia .
Ebdomicontamyria .	ψ	700000	Septingenta millia .
Ogdoicontamyria .	ω	800000	Oñtingenta millia .
Ennenicontamyria .	θ	900000	Noningenta millia .

*De nominibus ordinalibus . Quin etiam ipsi ordinales numeri
a superioribus ducunt originem . ut ,*

Protos .	Primus .
Deuteros .	Secundus .
Tritos .	Tertius .
Tetartos .	Quartus .
Pemptos .	Quintus .
Eñtos .	Sexus .
Ebdomos .	Septimus .
Ogdoos .	Oñtaus .
Ennatos .	Nonus .
Decatos .	Decimus .
Endecatos .	Vndecimus .
Dyocedecatos .	Duodecimus .
Trisecedecatos .	Decimus tertius .

Tτ

Tessa-

Tessaresdecatos.	Decimus quartus.
Pentecdecatos.	Decimus quintus.
Eccdecatos.	Decimus sextus.
Eptacdecatos.	Decimus septimus.
Octocdecatos.	Decimus octauus.
Enneacdecatos.	Decimus nonus.
Icostos.	Vigésimus.
Icostos protos.	Vigésimus primus.
Icostos deuterios.	Vigésimus secundus.
Triacostos.	Trigésimus.
Triacostos protos.	Trigésimus primus.
Tessaracostos.	Quadragésimus.
Tessaracostos protos.	Quadragésimus primus.
Penticostos.	Quinquagésimus.
Penticostos protos.	Quinquagésimus primus.
Exicostos.	Sexagésimus.
Exicostos protos.	Sexagésimus primus.
Ebdomicostos.	Septuagésimus.
Ebdomicostos protos.	Septuagésimus primus.
Ogdoicostos.	Octogésimus.
Ogdoicostos protos.	Octogésimus primus.
Ennenicostos.	Nonagésimus.
Ennenicostos protos.	Nonagésimus primus.
Ecatostos.	Centésimus.
Dyacostostos.	Ducentésimus.
Triacostostos.	Trecentésimus.
Tetracostostos.	Quadragesésimus.
Pentacostostos.	Quingentesimus.
Exacostostos.	Sexcentésimus.
Eptacostostos.	Septingentesimus.
Octacostostos.	Octingentesimus.
Enneacostostos.	Nongentesimus.
Chiliosostos.	Millesimus.
Dischiliosostos.	Bis millesimus.
Trischiliosostos.	Ter millesimus.
Tetracischiliosostos.	Quater millesimus.
Pentacischiliosostos.	Quinques millesimus.
Exacischiliosostos.	Sexies millesimus.
Eptacischiliosostos.	Septies millesimus.
Octacischiliosostos.	Octies millesimus.
Enneacischiliosostos.	Nonies millesimus.
Myriosostos.	Decies millesimus.

Græci præter illam supputandi formam a serie Alphabeti desumptam, sex in numeris designandis videntur litteris, hoc est, Ι Π Δ Η Χ Μ. Ι, unitatē significat. Π, πέντε. idest quinque, Δ, δέκα. i. decē. Η, εκατόν. i. centū. Χ, χίλια. i. mille. Μ, μύρια. i. decies mille: quoties autem harum litterarū singula quæque geminatur, toties idem numerus multiplicatur. Decadum vero, centuriarū, & Chiliadum, ac Myriadū litteræ, Δ Η Χ Μ, in hoc caractere Græco Π, incluse, quinarium eorum numerorū semper multiplicat, vt ΔΔ 50. ΗΗ 500. ΧΧ 5000. ΜΜ 50000. nam hæc littera, Π, quinque significat. [Δ] 50. [Η] 500. [Χ] 5000. [Μ] 50000. Horum numerorū adiunctione reliqui omnes gignuntur, & in compositione maior semper minori præponi solet: sed in compositione nominum numeralium maior numerus minori sine coniunctione præfertur, vt δεκατρία: idest decem tria. si autem minor maiori præponatur, coniunctio intercedit, vt τρία καὶ δέκα, idest tria & decem.

HEBRAICA LINGVA.

HEBRAEI non ab Abraam, qui Hebræus in Genesi appellatur, sed ab Heber, qui fuit abnepos Sem, filij Noe, qui et Iudæi a Iudæa, quæ et Chananæa, et promissionis Terra in Scripturis sacris nuncupatur, dicti sunt, Syriæ Regionem incolentes. Et quia in Heber Familia remansit lingua, quæ prius humano generi creditur fuisse communis, cum Gentes linguarum diuersitate sunt diuise, Hebraica deinceps nuncupata est. Hac Hebraica, siue Iudaica lingua, quæ & sacra dicitur, vetus Testamentum, libris Iob, Danielis, & partim Esdræ exceptis, qui Chaldaica lingua editi reperiuntur, conscriptum fuit: qui profecto Liber fere solus pure Hebraicus habetur, vt eruditi affirmant: alij enim ijsdem Characteribus conscripti, vel Chaldaici sunt, vel alias dialectos & glossas habent admixtas. Hinc recentiorum Iudæorum Thalmud vanitatibus, & impietatibus plenum, nunc Romæ expurgationi traditum, obscurum censetur, quia omnium fere gentium vocabulis respersum est. De Alphabetis Hebraicis, antiquiori scilicet, & recentiori, quæ suo iam loco fuerunt apposita, deq. huius linguæ maiestate, & excellentia, multisq. rebus alijs ad hanc eandem linguam pertinentibus, præsertim vero de litterarum mysterijs, quibus ipsa lingua abundat, satis ibi dictum opinor.

Addam autem hoc loco quæ ad nominum numeros, ac desinentiam pertinent. Hebræi enim in geminatis a natura, vt duæ aures, duo oculi, & cetera huius generis nomina, necnon in numero centenario, ac millenario dualem habent, non pluralem: quæ enim pluralem habent, duali carent. Masculina nomina vnicam in singulari, & vnicam in plurali desinentiam habent.

De ijs, qui litteras Hebraicas antiquas, ac recentiores inuenerunt, suis iam locis sermonem habuimus, vbi multa, & scitu quidem digna dicta sunt, num scilicet Hebraica lingua, siue libri sacri hac lingua conscripti fuerint corrupti: qua in re demonstranda multas recensuimus causas et rationes.

De modo scribendi, qui ab Hebræis obseruatur, suo item iam loco dictum est, vbi modum scribendi apud Latinos, a si-

nistra parte in dextram magis naturalem esse naturæ, quàm a dextra in sinistram demonstrauiamus.

Tomo 4.

De litterarum Hebraicarum mysterijs nonnulla etiam diximus: sed earundem interpretationem, connexionem, et ordinem videre est in Oeconomia Georgij Ederi, et apud S. Hieronymum in proœmio lamentationum.

Verum quia ex ordine litterarum numerandi modum obseruant Hebræi, hinc iuxta litteras Hebraicas supputandi formam infra apponere nobis visum est.

N U M E R V S S V P P V T A N D I A P V D H E B R Œ O S.

א	Hechad.	1	Vnum.	י	Ghestim.	20	Viginti.
ב	Scienaim.	2	Duo.	כ	Scieloscim.	30	Triginta.
ג	Scieloscia.	3	Tria.	ל	Arbaghim.	40	Quadraginta.
ד	Arbaga.	4	Quattuor.	מ	Chamiscim.	50	Quinquaginta.
ה	Chamiscia.	5	Quinque.	נ	Sciscim.	60	Sexaginta.
ו	Sciscia.	6	Sex.	ס	Scibghim.	70	Septuaginta.
ז	Scibgha.	7	Septem.	ע	Sciemonim.	80	Octoginta.
ח	Sciemona.	8	Octo.	פ	Tifeghim.	90	Nonaginta.
ט	Tifegha.	9	Nouem.	ק	Mea.	100	Centum.
י	Ghasara.	10	Decem.	ר	Marthaim.	200	Ducenta.
יא	Hechadghasar.	11	Vndecim.	ש	Scialoscmeoth.	300	Trecenta.
יב	Scienaimghasar.	12	Duodecim.	ת	Arbaghmeoth.	400	Quadringenta.
יג	Scielosciaghassar.	13	Tredecim.	י	Chamefscmeoth.	500	Quingenta.
יד	Arbaghaghassar.	14	Quattuordecim.	כ	Sciesfmeoth.	600	Sexcenta.
טו	Chamisciaaghassar.	15	Quindecim.	ל	Scieuaghmeoth.	700	Septingenta.
טז	Scisciaaghassar.	16	Sexdecim.	מ	Sciemonemeoth.	800	Octingenta.
יז	Scibghaghassar.	17	Decem septem.	נ	Tefciaghmeoth.	900	Nongenta.
יח	Sciemonaghassar.	18	Decem octo.	ס	Eleph.	1000	Mille.
יט	Tifeghaghassar.	19	Decē & nouem.				

Num. Ordinalis.

Riscion.	Primus.
Sieni.	Secundus.
Scielisci.	Tertius.
Rerieghi.	Quartus.
Chamiscchi.	Quintus.
Scisci.	Sextus.
Scieuighi.	Septimus.
Sciemini.	Octauus.
Tefcighi.	Nonus.
Ghasiri.	Decimus.

Pro numero cuiuscumque decadis multiplicando eadem nomina ab unitate ad denarium vsque numerum resumuntur, maiore minori, & contra, præposito. Id quod etiam in numero ordinali obseruatur.

HETRY-

HETRUSCA LINGVA.

HETRURIA, Italiæ Regio, Tyrhæno mari incumbens ad primam vsque Tyberis ripam protensa, Macra fluuio a Liguria discreta: auguriorum olim, & haruspicinæ peritissima, vt Claudianus testatur. Hinc dictæ Regionis incolæ Hetrusci sunt appellati, atque Hetrusca lingua vetus, qua Populi Hetrusci utebantur. Huius linguæ Alphabetum suo iam loco appositum est, vbi de Demaratho Hetruscarum litterarum Inuentore loquuti sumus. Eiusdem linguæ septem illæ Tabulæ æneæ verustissimæ Eugubij, siue Igubij repertæ censentur esse.

Claudianus & Rufinus.

Pag. 250. & 251.

Hanc linguam, quam hodie nullam extare, pro comperto habetur, a Latina longe diuersam fuisse apparet ex vocibus quibusdam paucis, quas apud probatissimos Scriptores me legisse memini. Deus enim, vt Suetonius ait, *Aesur* ab Hetruscis dicebatur, & Padus a profunditate, *Botigon*, quem *Ligures Botigum* dicunt, appellabatur. Ancona, prius Hetrusco vocabulo *Picena* simul & Aboriginum dicta. Piceni, Hetrusca lingua genus sacrum dicitur, orti a Sabinis. Hetrusci etiam, vt Cato testatur, nobilem Principem *Laronem*, vel *Larunem*, & *Arunem* appellabant, quem Itali, Hispani, & alij *Baronem* vocitare solent. Eidem item linguæ voces illæ, quas Arnobius de victimis earumq. partibus recenset, adscribuntur a Rhenano, & Pamelio, quia ibi Arnobius de Hetruria, quam genitricem et matrem superstitionis appellat, sermonem habet. Voces huius generis sunt: *Apexabo*, *Longauo*, *Tucetum*, *Tenia*, *Plasea*, *Fendica*, *Istium*, *Mateola*, *Fuilla*, *Augmen*, *Magmentum*, et id genus alia, quas iidem Scriptores pro animalibus, animaliumq. partibus, atque farciminū generibus, quibus utebantur Hetrusci in sacrificijs, student explicare. Vocabula enim sunt ab ijs confecta, vt propter eorum obscuritatem augustiora iudicarentur, sicut idem Rhenanus testatur.

Suetonius. Tranquil. in Augustino.

M. Porcius Cato. & Berosus.

Arnobius aduersus Gentes. li. 7. circa med. Rhen. & Pamelius

Hæc lingua aliquid commune cum Armenica, et Scythica habuisse nonnulli suspicantur: Vtrique enim Pontifices suos et sacros expiatores *Sagos* appellabant, et *Noam* ex Armenia in Italiam profectum dicebant, *Vestamq. colebant, perpetuumq.*

*Petr. Crin-
isus.*

petuumq. ignem seruabant : fabulas Hetruscorum quasdam a Liuiio, & a Cicerone explicatas Crinitus testatur. Hæc de veteri Hetrusca lingua.

*Liuius li.
9. hist. ab
urbe cõdi-
to Dec. 1.*

Recentior autẽ est Italica, & emẽdatio quidem, quæ adeo florēt, vt inter Vulgares linguas nobilior, & cultior habeatur. Hæc eadem lingua omnes artes, atque scientiæ passim in Italia conscribi solent. Hinc sicut Romanos olim pueros Hetruscis litteris erudiri solitos tradit Liuius, ita tempus in præsens Hetruscæ linguæ recẽtiori omnes fere operâ nauant, & præsertim ij qui Italica lingua emendate, & perpolite quidem scribere, aut loqui percipiunt : maximo enim pretio habetur apud omnes. Hæc hæctenus.

H I B E R N I C A L I N G V A.

*Cæs. lib. 5.
de Bello
Gall.*

HI B E R N I A, Insula non procul ab Anglia, vulgo *Hirlanda* in Oceano inter Angliam & Hispaniam sita est, ab Ibero dicta duce, homine Hispano, qui primus magno hominum numero eam occupauit: vel ab Ibero Hispaniæ fluuiio, cuius accolæ primi Insulam habitasse feruntur. Hiberni quidem cum habitu corporum, tum viuendi ritu, atque moribus non valde ab Hispanis vicinioribus discrepare dicuntur: linguam vero eorum peculiarem esse, qua Scotos etiam siluestres & Insulanos ab Hibernis oriundos vti aiunt.

H I S P A N I C A L I N G V A.

*Plin. li. 3.
cap. 1. 2.
C. 3.*

HI S P A N I A, latissima Europæ Regio, a montibus Pyrenæis incipiens & per Columnas Herculeas circumiens ad Borealem vsque Oceanum protenditur, & in Citeriorem, & Vltiorẽ secatur, Hesperia olim dicta ab Hespero Atlantis fratre, vel ab Hespero stella lucidissima: vltimò autem ab Hispali, quam hodie *Siuiam* vocant, Hispalia, vnaq. deinde littera inmutata, Hispania dicta est. Hispanorum autem lingua vetus quænam fuerit, inuenire non potui. Sed verisimile est, in oris ad Mediterraneum mare, præsertim occasum versus remotis, Lybicæ vel Mauritanicæ linguæ olim extitisse vsum. Mauri enim ijs in Regionibus imperarunt: atque inibi, & in

& in Lusitania præsertim Maurorum vocabula relicta sunt, vt ab Hispaniarum Indigenis accepi. Habent etiam eæ Regionēs quædam vocabula Gothica, virorum præsertim: nam multo tempore Hispanias obtinuerunt Gothi, quorum item grassationibus & imperijs Latina lingua maiestatem suam, suumq. imperium in Italia omisit primum, deinde in Gallijs, & Hispanijs: & nouæ illæ, quibus nunc loquuntur, fuerunt introductæ.

Castellana vero lingua ceteris dialectis, quibus hodie vtuntur Hispani, sicut Hetrusca in Italia, præfertur, vt ego re ipsa noui: Affinis est Italicæ, & ad Latinam linguam propius quàm Gallica accedit, minus tamen quàm Italica: has enim tres linguas vulgares Latini idiomatis propagines esse dictum est. Hæc de Hispanica lingua.

HUNGARICA LINGVA.

HUNGARIA Austriæ contermina, & in Orientem vergens, inferiorem Pannoniam a fluuio Leycha ad Sauuna vsque complectitur, & Danubium transgressa ad Polonos vsque protenditur: & vltra, citraq. Istrum late dominatur. Extat adhuc non longe ab ortu Tanais altera Hungaria & lingua & moribus illi pene similis, sed Christi cultrix: illa vero ritu barbarico viuens seruit idolis. Hæc ex Aenea Siluio.

*Aeneas
Siluius in
Europa.*

Huius nationis numeri cardinales, vt aiunt, sunt infra conscripti, vt huius Gentis numerandi modus aliqua ex parte habeatur.

1. Eig.	Vnum.	6. Hatt.	Sex.
2. Ketto.	Duo.	7. Het.	Septem.
3. Harom.	Tria.	8. Niogis.	Octo.
4. Nieg.	Quatuor.	9. Kilentz.	Nouem.
5. Or.	Quinquē.	10. Tiz.	Decem.

Sunt qui velint eosdē esse Hunnos atque Hungaros paucis litteris immutatis; alij vero Hunnos ab Hungaris distinguūt, atque hos ad Vagum fluuium Illyrice loqui solitos aiunt.

Hunni vel Huni vide, Hungaria.

IACOBITARVM LINGVA.

*Thef. Ambrosij princip. Appen-
disit.*
IACOBITAE characteribus quibusdam vtuntur, qui a Græcis parum differre videntur: vt ego ipse vidi in Appendice diuersarum litterarum Thefei Ambrosij Papiensis & Canonici Regularis Lateranensis, qui ibi ob oculos ponit Iacobitarum Alphabetum, in quo non solum plurimi characteres Græcis litteris adsimiles sunt, immo omnino iidem qui & Græci, verum etiam nomina litterarum maiori ex parte cum Græcis habent affinitatem: lingua vero est Arabica, vt Ambrosius ait.

ILLYRICA LINGVA.

*Appianus
& Eustathius.*
ILLYRIVM, siue Illyris, Illyriave, Regio Europæ satis ampla, & Epiro contermina, Italiæ propinqua, ab Illyrio, vt Appianus inquit, Polyphemi filio, siue, vt Eustathio placeat, Cadmi filio denominata, hinc Italiam, illinc Germaniam, inde Macedoniam, Thraciam & Epirum habens confines: hinc Adriaticum sinum, quem *Golphum* Venetiæ appellant: inde autem Danubium flumen. Hanc regionem & Dalmatiam, quæ est pars Illyrij, & *Sclauoniam* hodie vocant, quæ & *Slauonia* rectius dicitur. Huius Regionis lingua, quæ Illyrica nuncupatur, late se diffundit, cum plurimi populi ea vti soleant: vtuntur enim Illyrica lingua, Dalmatia, siue Sclauonia, Istria, Stiria, Carinthia, Croatia inter Dalmatiam & Istriam sita, Forum Iulij, Carnia, necnon gentes aliæ his finitimæ: Seruia item Bulgaria, Musia, Vallachia, & Moldauia, & aliæ Daciæ partes, Bosina etiam, Russia, Moschouia, & aliæ Gentes ad Orientalem plagam pertinentes: Boemia item, Polonia, Morauia, Lithuania, & aliæ Gentes quàmplurimæ, quas infra conscribam, vt a multis Scripto-ribus accepi, & a non paucis dictorum locorum incolis audiui. Hæc denique lingua in Græcia necnon Constantinopoli in Ottomanorum aûla est familiaris: & nuper in Aegypto apud Memphiticum Sultanum et equites Mamaluchos haud ingratis auribus audiebatur. Per vniuersam autem Turcicam Gentem, præcipue vero apud milites, Sclauonica lingua adeo est in

est in usu, ut Constantinopolis ipsa iam non amplius prisco nomine, sed Cæsaris domus Sclauonica vocetur lingua. Hæc ex Sigismundo Gelenio, Marino Temperizza Epidaurio, siue Ragusæo et societate Iesu, et alijs.

*Sigismundus Gelen.
Mar. Tem
per.
Pag. 168.
& 171.*

In hanc linguam sacrarum litterarum codices, industria sancti Hieronymi, et Cyrilli translati sunt, ut suis iam locis dictum est. Hæc item lingua non solum patrij Annales, verumetiam de Alexandro Magno, Romanisq. Cæsaribus, necnon de Marco Antonio et Cleopatra commentarij. conscripti ijs in locis reperiuntur, ut Iouius narrat. Philosophiam vero, et Astrologiam, ceterasq. disciplinas, rationalemq. medicinam eæ Gentes numquam attigere. Hæc Iouius.

Paulus Iouius.

Quamuis autem Illyrica lingua tot Gentes, ut fusiùs enarrabimus, vrantur, characteres tamen sunt omnino inter se diuersi sicut supra videre est, vbi Alphabetum Sclauonicum, ac Seruianum apposuius figuris, nominibus, ac pronunciationibus siue potestatibus distinctum: illud vero tribus ac triginta, hoc autem tribus et quâdraginta litteris constat: illud a sancto Hieronymo, hoc a sancto Cyrillo censetur inuentum, ut suis iam locis dictum esse memini. Sclauonicum autem Alphabetum licet a S. Hieronymo inuentum fuisse dictum sit, ut rumor docet: hoc tamen loco sententiam Ioannis octauij silentio prætereundam esse non opinor: Ioannes enim in Epistola ad Scentopulchrum Sclauonicas litteras, siue Croaticas a Croatia dictas inter Dalmatiam et Istriam sita a Constantino quodam Philosopho inuentas esse testatur: cuius Epistolam videre est in dictione, Dalmatica lingua.

*Pag. 168.
& 169.*

*Pag. 162.
& 171.*

*Ioan. viij.
& Registro.*

*Idem supra
& dict. Dal
matica.*

Quænam vero Gentes Alphabeto Sclauonico, quod Hieronymianum vocant, quænam etiam Seruiano, vel Cyrilliano vrantur, suis iam locis enarratum est: quamuis enim Illyricam linguam tot Nationibus communem esse pateat, characteres tamen diuersi omnino sunt.

*Pag. 163.
& 171.*

Hæc autem lingua a tot Gentibus adhibetur non secus atque Italica lingua in Italia, in qua tot Prouinciæ eadem lingua, sed aliæ magis, aliæ minus culte loquuntur, ita vero, ut singula quæque Prouincia, quin singuli quique populi nonnullas habeant voces ac pronunciationes aliunde ob commercium desumptas, ut in Italica lingua euenisse ostende-

*Infra in
dict. Ita
lica.*

V u mus.

mus. Vt autem quis facilius videre queat, quinam populi sint ij, qui Illyrica, sed vulgari lingua loquantur, omnia eorum Populorum nomina, qui ea vtuntur, tum ex Auctorum ^{Sigism. & Marinus.} verbis iam recitatis, tum etiam ex Sigismundi Gelenij præsertim Epistola, necnon ex ijs, quæ Marinus Temperizza Epidaurius e societate Iesu, vir quidem Illyricam linguam, Illyricosq. characteres optime callens, mihi copiose narrauit, hoc loco recensenda existimaui.

Nomina populorum, qui Illyrica loquuntur lingua, ordine Alphabetico disposita.

A BGAZARI, vel Abgazelli, qui et Gazari circa mare Caspium.

Aestiuui.

Arbenfes.

Bessi, hodie Bosnenses, vel Bosnasienfes.

Bohemi.

Borufij.

Bosnenses. Vide Bessi.

Bulgari, siue Rascij.

Carni.

Carniolani.

Carinthij.

Cassubi, vel Cassubitz.

Circassi Quinquemontani circa Pontum, vel Ciercassi circa mare Caspium.

Coralii.

Croati, vel Chroati.

Culmij.

Curi.

Dalmata, vel Delmata.

Dibrii.

Epidaurij, siue Ragusæi ex Epidauro ciuitate iuxta

Dalmatiam ad Illyricum mare sita.

Epirotæ.

Foroiulenses, vulgo Furlani, a Foroiulio Italiæ Regione, in qua sunt Aquileia, Vtinum, Ciuidale, ac Tergestum.

Gazari. Vide, Abgazari.

Gepidæ.

Hungari ad Vagum fluuiũ.

Iapides, vel Foroiulenses.

Iaziges.

Istri.

Lithuani.

Liui.

Lufarij.

Lygi.

Macedones Mediterranci.

Maxobij, vel Mazolitæ.

Meisi, vel Mysij.

Moldau.

Moraui.

Mysij, vel Meisi.

Nugardi.

Obodritæ, vel Obrottriti.

Ohulici.

Ohulici.	Sarmatæ, qui et Poloni dicuntur.
Pannoniæ pars.	Sclauī, vel rectius Slaui.
Permi.	Seruij. Vide Sorabi.
Plescouij, vel Plescouienfes.	Slesij, vel Silefij. al. Slesitæ.
Podolij.	Smolnenfes.
Polabi.	Sorabi.al. Sarbi.hodie Seruij.
Poloni maiores et minores.	Transiluani.
Pomerani.	Vandali, al. Vuandali.
Ragufæi. vide Epidaurij.	Veltæ.
Rascij, vel Rasci, siue Bulgari.	Vilaci.
Rugi.	Vuagrij.
Ruffani, vel Ruffi a Russia:	Vuinuli.
vel Rutheni.	Zagorani.
Samogitæ.	Zadrauani.
Sarbi. Vide Sorabi.	

Hi sunt igitur Populi, qui Illyrica lingua vulgari vtuntur: extat enim altera huic valde adsimilis et fere eadē, quæ scripturalis, vel litteraria nuncupari potest, Buchuizza a Sclauis dicta, quæ non nisi per regulas disci potest, et a rudioribus absque regulis non recte intelligitur, nec recte pronunciatur. In hanc linguam a sancto Hieronymo Scripturam sacram, Sclauonicis litteris, et a sancto Cyrillo Seruanis characteribus translaram fuisse credendum est. Id quod etiam de Missali, de Codice horario, deq. alijs Sclauorum libris dicendum puto. Sunt autem qui hanc linguam non Illyricam, sed Sarmaticam potius, idest Polonicam vocandam, affirmant quod ceteræ ab hac sint ortæ: Polonica enim non multum a Sclauonica, & Bohemica recedit, vt facile intelligere potui ex Oratione Dominica tribus hisce linguis conscripta, quam apud Bartholomæum Georgenitam & Sigismundum Gelenium Bohemum, qui Symphonum edidit lexicon, in quo vocabula linguarum, Latinæ, Græcæ, Germanicæ, & Illyricæ, quæ inter se conueniunt, vel in duabus ex his, vel tribus, vel quattuor linguis, conferre studet. Quod autem Polonica & Sclauonica, siue Illyrica linguæ magnam inter se affinitatem habeant, ex eorundem supputandi modo, quem infra apponere libuit, facile comprobari potest.

Barthol.
Georg. &
Sigism. Gelen.

MODVS NVMERANDI ILLYRICÆ.

Iedan.	1	Vnum.
Dvā.	2	Duo.
Tri.	3	Tria.
Cetiri.	4	Quattuor.
Pet.	5	Quinque.
Sceſt.	6	Sex.
Sedam.	7	Septem.
Oſſam.	8	Octo.
Deueth.	9	Novem.
Deſeth.	10	Decem.
Iedanæſt.	11	Vndecim.
Dvanaeſt.	12	Duodecim.
Trinaeſt.	13	Tredecim.
Ceternaæſt.	14	Quattuordecim.
Petnaeſt.	15	Quindecim.
Sceſtnaæſt.	16	Sextdecim.
Sedanaeſt.	17	Decem ſeptem.
Oſſanaeſt.	18	Decem octo.
Deuethnaeſt.	19	Decem & novem.
Dvadeſeth.	20	Viginti.
Dvadeſeth i iedan.	21	Viginti vnum.
Dvadeſeth dva.	22	Viginti duo.
Dvadeſeth i tri.	23	Viginti tria.
Dvadeſeth i cetiri.	24	Viginti quattuor.
Dvadeſeth i peth.	25	Viginti quinque.
Dvadeſeth i ſceſt.	26	Viginti ſex.
Dvadeſeth i cedam.	27	Viginti ſeptem.
Dvadeſeth i oſſam.	28	Viginti octo.
Dvadeſeth deuēt.	29	Viginti novem.
Trideſet.	30	Triginta.
Trideſet i iedan.	31	Triginta vnum.
Ceteri deſet.	40	Quadraginta.
Ceterdeſet i iedan.	41	Quadraginta vnum.
Pedeſet.	50	Quinquaginta.
Pedeſet i iedan.	51	Quinquaginta vnum.
Sceſdeſet.	60	Sexaginta.
Sceſdeſet i iedan.	61	Sexaginta vnum.
Sedamdeſet.	70	Septuaginta.
Sedamdeſet i iedan.	71	Septuaginta vnum.
Oſſamdeſet.	80	Octoginta.
Oſſamdeſet i iedan.	81	Octoginta vnum.
Deuerdeſet.	90	Nonaginta.
Deuetdeſet i iedan.	91	Nonaginta vnum.
Sto.	100	Centum.
Tiſucchiā.	1000	Mille.
Dvi e tiſucchiē.	2000	Duo millia.
Tri tiſucchiē.	3000	Tria millia.

Qui plura de Illyrica & Polonica lingua, scitu quidem digna, noscere cupit, Bartholomæi scripta & Gelenij, qui de ea copiose scripserunt perlegere studeat. Hæc hæstenus.

INDICA LINGVA.

INDIA, Regio Orientalis, Asiæ terminus ab Indo dicta fluuiio, qui solus præter Nilum Crocodilos creat, tam vasta esse perhibetur, vt eam tradant esse tertiam omnium terrarum partem. Abundat gemmis, elephantos procreat Africanis multo maiores, arbores semper habet frondentes, bis fruges in anno ad maturitatem perducit, aromata ad nos mittit, binasque habet æstates. Huius autem Regionis lingua adeo Hebraicæ, Chaldaicæ, & Arabicæ affinis est (licet characteribus variet) vt rara admodum in hac sit dictio, quæ in aliarum aliqua non reperiatur: & hæc sola Orientalium, quæ ab Hebræa originem habent, nostro legitur modo, a sinistra scilicet in dextram, vt a viris peritis, atque ab huiusce Regionis incolis accepi, & re ipsa id ita esse comperi: vidienim & contrectaui codicem quædam ex Indijs transuectum & subtilissimis autem arborum corticibus confectum, ac typis mandatum, quem superioribus annis frater Spiritus Vicetinus, summus olim ordinis Eremitarum S. Augustini Magister Sixto Quinto dono dedit. Quod quidem munus tum ob miram rei nouitatem ad loca hæc asportatam, tum etiam ob admirabile ingenij artificium summo Pontifice dignum existimatum fuit: ex eo enim codice iam impresso, typographiam anteaquam in Europam fuisset aduecta, in Indijs floruisse patet. Adde etiam quod pagina ex arborum corticibus confecta adeo subtilis & aranæ telæ adsimilis est, vt duæ paginae pro vna sumantur, altera tantum paginae parte typis insignita: quæ profecto res ingenij perspicacitati nonnisi admirationi esse potest. Hæc de Indica lingua. Plura in Aethiopum lingua legenda sunt.

Ex Pomponio. & Strabone lib. 15.

Typographia Indiana ante Typographias Europæ.

IONICA LINGVA.

IONIA, Asiæ minoris Regio, media inter Cariam, & Acolidem, tum cæli bonitate, tum situs commoditate nulli Regionum

gionum posthabenda: hinc Ionica Dialectus inter quinque Græcarum linguas notissima dicta est, quæ diæreses sine contractione præter usum communem, & quasdam litterarum mutationes admittit. Hac lingua Hippocrates medicus, & Herodotus historicus scripsisse dicti sunt. Hæc ex Ioanne Grammatico.

Ismaelitica dialectus in Aethiopum lingua videnda est.

Istri Illyrice loquuntur.

ITALICA LINGVA.

ITALIA, Europæ regio nobilissima, eiusdemq. Viridarium perpulchrum vulgo nuncupata, Hesperia prius ab Hespero Rege, siue, vt Macrobio placet, ab Hespero, stella occidentali, cui subiecta est, deinde Oenotria vel a bonitate vini, quod in ea nascitur (Græci enim vinum, οἶνον appellant) vel ab Oenotrio Sabinorum Rege: postremo autem Italia dicta est ab Italo Siculorum Rege, qui Italos agriculturam docuit, & leges condidit: eamq. partem, in qua postea Turnus regnavit, a suo nomine Italiam appellauit. Est autem vniuersa Italia in formam cruris inter Adriaticū, & Tuscum mare sita, vmbilicum in agro Reatino habens: cuius longitudo ab Augusta Prætoria ad Rhegium vsque Calabria terminum, siue Messanæ Pharum, Solino teste, decies centena millia passuum continet: Latitudo vero quadringenta decem, vbi maxima latitudo: vbi autem minima, ad viginti milliaria: hæc autem angustia est inter Scyllaticum sinum & Tiri-neum, vel sanctam Euphemiam. Huius Regionēs vel Pro-uinciæ maxime insignes, sunt Liguria, Insubria siue Gallia Cisalpina, Venetia, Iapidia, Carnia, & Istria, Hetruria, Aemilia vel Flaminia siue Romandiola, Picenum, Vmbria, Latium, Campania, Samnium, siue Aprutium, Apulia, Lucania, & Calabria, quibus Siciliam a Calabria non natura, sed angustiori terræ parte ab Ionio, ac Tirreno mari subtus cor-rosa, Diodoro Siculo teste, vel secundum alios, sed vi terræ-motus olim disiunctam, nonnulli adiungunt: ex cuius terræ auulsione natum est fretum Siculum, inter Messanam & Rhegium,

* Longitu-
do & lati-
tudo Ita-
lia ex Soli-
no, et Ga-
brielse Bar-
rio Franci-
cano li. 1.
de antiqu.
Calabria.
Strabo li.
6. Trog.
Pōp. apud
Iustinū li.
4. & Virg.
lib. 3. Ae-
nrid. de se-
paratione
Sicilia a
Calabria.
Diod. Sic.
lib. 5.
Et Thom.
Faëlius
hist. Sic. li.
1. cap. 3.

Rhegium, quod pharum vulgo appellant: Pharos enim separationem significat. Est autem hoc mare verticosum, & periculosum nautis, quod contrarijs fluctuum cursibus collisionem facit, & rapta quæque absorbet, et rejicit ob diuersa maria contrarijs ventis agitata, quæ in ipsum confluunt et a nonnullis vocitatur Charybdis: sunt enim in hoc frero, quod pharum vocant, duo saxa, quorum vnum in confinio Siciliae alterum vero in extrema Calabriae ora extant: illud Charybdis, hoc Scylla fabulose monstra vocitantur: hinc natum prouerbum illud:

Incidit in Scyllam cupiens evitare Charybdim.

Harum igitur Prouinciarum omnium vna est lingua, quæ Italica nuncupatur, vna scilicet ex ijs tribus, quæ Latinae linguae propagines vocantur, vt olim dictum est. Quamuis autem his Italiae Prouincijs vna sit lingua, Hetrusca tamen noua cultior, et emendatior inter alias censetur, et maiori habetur pretio: ad quam profecto linguam qui magis accedit, purior in dicendo, aut in scribendo existimatur. Insubres, et Siculi ab ea non parum, Genuenses autem magis in loquendo recedunt: hi enim voces adeo diuersas et pronunciationem aliarum Prouinciarum locutione ita distinctam habent, vt ab ijs, qui eorum loca diu non incoluerunt, haud facile intelligantur. Id quod factum reor ob maximum locorum intervallū, quo ab Hetruria, et ab Italiae praesertim centro disiunguntur: hæc enim loca alijs Regionibus contermina, sunt extremæ Italarum oræ. Hinc ob frequens diuersarum Gentium commercium alienas voces aliqua ex parte detortas, exterorūq. pronunciationes admittunt, atque ita vt diuersam quodam modo linguam efficiant. Quibus de causis idem Siculis, Calabris, et Appulis euenisse credendum est: nam ijs in locis Greciam quandoque fuisse pro comperto habetur, et ad hanc vsque diem alicubi, hoc est in aliquibus Calabriae et Apuliae, siue Magnæ Græciæ partibus Græcanicum sermonem, ac ritum in viuendo extare inueni, Regno vtriusque Siciliae peragrato, dum Augustinianæ Reipublicæ a secretis eram, summumq. Augustinianorum Magistrum, fratrem Spiritum Vicentinum Italiae prouincias visitandi gratia perlustrantem comitabar, In Sicilia vero non solum vculas Græcas, Galli-

*Distione
Gallica, et
Hispanica
pag.*

cas,

cas, & Hispanicas, verum etiam barbaras, quas Saraceno-
rum appellant, sicut ipsamet multorum locorum nomina
aperte docent, in frequenti usu remansisse eas ob causas nu-
per enarratas, me reperisse memini. Adde etiam quòd Go-
thi ea in Insula anno salutis D. XV. tempore Iustiniani Impe-
ratoris: Anno vero M. CC. LXXXII. Galli dominati sunt:
sed hi stratagemate quodam tertio die Paschatis eadem fere
hora per vniuersam Siciliã trucidati sunt. Anno autẽ M. CCC.
XCVI. Africani Siciliam subegere, eamq. regalem sibi sedem
fecerunt. Nunc denique Philippus II. Hispaniarum Rex
Catholicus vtriusque Siciliæ Regno dominatur. Huc accedit
quòd in hac Insula Græci, & aliæ Gentes multa loca ædifica-
runt, & præsertim Chaldæi, Damasceni, & Fœnices Panor-
mum, & Messenij Achaia, seu Græciæ populi Messanam, pri-
marias Insulæ ciuitates, condiderunt. Hinc mirum non est,
variarum linguarum voces, ac pronunciationes in hanc In-
sulam fuisse introductas.

Vt autem variarum mixtionem linguarũ breuitatis causa
prætermittã, perpauca de pronũciatione referam. Siculi enim
Melitæ, atque Africæ proximi accentu quodã a ceteris Italiæ
pronunciationibus distincto inter loquendum vtuntur, & V,
pro O, necnon E, pro I, frequenter vsurpare solent dicẽtes hoc
modo: *Vuliti viniri?* & id genus reliqua pro eo quòd Italice di-
citur: *Volete venire?* Latine autẽ: *Vultisne venire?* Præterea, sicut
barbaras voces retinent, & permultas quidem: ita & barbaricẽ,
quod ad mores pertinet, multis in rebus conseruãt, præsertim
vero mulieres in mortuis deplorandis morem imitantes anti-
quorum, apud quos mulieres, quæ præficæ dicebantur, adhi-
beri solebant funeri mercede conductæ ad præstandum la-
mentabilem cantum in demortui laudibus recensendis, vt ce-
teris plangendi modum præberent. Huiusmodi autem plan-
gendi consuetudo in Italia non solũ in Sicilia, sed in Apulia,
& Calabria ad hãc vsque diẽ conseruatur: Mulieres enim alieno
in funere ad huius generis munus exhibendum conductæ,
quæ *Repetentes*, vulgari lingua *Repetitrici*, vocitantur, capillos
scindunt magis atque magis clamãtes, vt aliæ feminæ & præ-
sertim defuncti, vel defunctę affines, & cõsanguineæ lacrymis
ac fletibus, necnon funeralibus ad ylulandum laudationibus
inuitentur,

Ex Tho-
ma Fa-
lo Dec. 1.
lib. 8. cap.
1. & Dec.
2. lib. 8. c.
4.

Ex Nonio
Plauto in
Frinola-
ria. &
Truc. &
Lucilioli.
22. & Na-
uio.

inuitentur, quæ tandem non solum capillos discindunt, sed vnguibus etiam scalpunt faciem, & domos horrêdis implent vlulatibus: quæ profecto barbaries stultitiam non minus, quàm sœuitiam repræsentat, vt ego ipse ijs in locis, hoc est, in Sicilia, Calabria, & Apulia non semel vidi. Quæ ex re barbariem repræsentante coniiciendum est, multas in hæc Provincia, voces, ac pronunciationes a barbaris fuisse introductas: pronuntiât enim & scribunt huius Regni incolæ, *ch*, pro *p*, & *i*, pro *g*, vt *Chiano*, pro *piano*, Latine, *submis*se. *Chianura*, pro *pianura*, Latine *planities*: & *Chiaia* pro *piaggia*, & *spiaggia de mare*, Latine, *procliuitas*, vel litus maris, & id genus reliqua.

Mulieres autem ad plorandum conductæ *Repetentes* Latina lingua, & vulgari lingua *Repetitrici* dictæ sunt, vel a laudibus demortui repetendis, quasi ad memoriam reuocandis, siue potius, vt sic dixerim, *Reputatrices* dicendæ sunt a verbo Italico *Reputare*, quod Latine *æstimare* sonat: defunctus enim in magnam trahitur existimationem.

Multas iidem Siculi nō solum barbaras voces, necnon Gallicas, atque Hispanas, verum etiam Latinas, a Latino fonte cadentes, sed parum detortas retinent sicut ceteræ Italiæ partes, quippe quæ Latinæ olim fuerunt: & Latina lingua late dominata est. Insubres vulgo Lombardi in Gallia Cisalpina, cuius ciuitates sunt; Mediolanum, Papia, Lauda, Nouaria, Vercellæ, & Comum, satis corrupte loquuntur, atque ita vt non facile interdum intelligantur, non solum ob variarum vocum mixtionem, sed etiam ob corruptam pronunciationem, truncatasq. voces, figuram apocopen frequenter vsurpantes: corrupte enim dicunt exempli gratia: *Vien scia chilo*, idest *vien qua a questo luogo*, pro eo quod dicunt Veneti: *Vien xà quà*, & ceteri Italiæ populi: *Vien quà*. Latini vero: *Veni ad hunc locum*, vel *veni huc*. Pronunciant præterea Insubres & quidem perperam, *f*, pro *u*, dicentes: *Bref*, pro Breue, & id genus permulta. Veneti de medio dictionum litteras nonnullas abijcere solent, vt *Pare*, & *Mare*, pro eo quod ceteri Italiæ populi dicunt *Patre*, & *Matre*: interdum auferunt *p*, dicentes *Cao*, pro *Capo*: Latine, caput. *Fiao*, pro *fiao* Italice, Latine vero, *Flatus*, et frequenter *d*, pro *t*, vti solent; nam *frater* Italice dicitur *Fratello*, Veneti dicunt, *Fradelo*, *t*, in *d*, mutata,

et littera, l, abiecta. Multa sunt alia, quæ varias voces apud Italos sortita fuisse comperio, ut est illud quod Latine dicitur *Modo*, vel *nunc*: Italice enim, & quidem passim dicitur, *Adesso*, vel *hora*, ut *Adesso vengo*, *hora vengo*, idest, *Nunc venio*. Hetrusca autem lingua recentiori a Scriptoribus antiquis dicitur: *Tessè*. Sunt item in Italia Populi, ut Perusini, Eugubini, & Camertes qui & alij dicunt: *Affaia*: Alibi vero, *Mo*: Crassissima alicubi, *Idè cona*. Omnes hæ tamen voces idem significant.

Sunt præterea Italia, ut Perusini, & alij agro Perusino contermini, qui proferunt *Tochecco*, *Tochello*, *Tochi*, & *Tolì*, pro eo quod Latini dicunt: *Hoc loco*, & *eo loco*, vel *hic*, & *illic*. Alij vero, ut Nôstrates, & rudiores quidem, *Macchi*, & *Malli*, & *Macchitta*, & *Mallitta* pro *hic*, & *illic*. Dicunt etiam Nôstrates ad pronunciationem Hetruscam multis in rebus quadam ex parte accedentes: *Testo*, & *Testui*, per figuram aphæresim, pro eo quod Hetrusci dicunt: *Cotesto*, & *Cotestui*, Latini vero: *Istuc*, vel *istud*, & *iste*, qui apud te est, vel de quo loqueris. Proferunt etiam Nôstrates Hetruscorum more in vocabulis quibusdam i, pro, r, dicentes: *Gennaio*, & *Febraio*, idemq. in alijs vocibus id genus sexcentis pronuciare solent. Perperam autem multi pronunciant, & aliqui scribunt sc, pro simplici s, ut *Desidero* pro *desidero*, & c, pro s, ut *concihero*, pro *confidero*. Alij præterea in Italia populi minus recte pronunciant, a: mediū enim quoddā inter a, & e, proferūt, ut *Paeter*, & alia permulta. Utūtur item interdū alij, u, pro o, dicentes: *Piuri*, pro hac Italica voce *Priori*, & *Lu capo*, pro eo quod alij recte dicunt: *Il capo*. Sunt qui perperam dicant: *Madamè*, *Madatè*, pro *Amè*, *Atè*.

Quamvis igitur in Italia vna sit lingua, quæ Italica dicitur, sunt tamen variæ pronunciationes, quas longum esset recensere, & varij sunt accentus, immo variæ vsurpantur voces, quæ ab exteris Nationibus mutuatae sunt, & cum alijs linguis magnam habent affinitatem. Gothica enim lingua multas habet voces, quæ non solum cum Germanicis quandam retinent affinitatem, sed Italicae item linguae sunt omnino communes, desinentia, & accentu exceptis: nam Gothica lingua Angelus dicitur *Angil*, Germanice *Angl*, Italice *Angelo*. Monachus Gothice *Monch*, Germanice *Minich*, Italice *Monaco*. Monialis, Gothice & Germanice *Nun*, vel *Nunna*, Italice

Monaca.

Monaca. Monasterium Monialium, *Nuncloſtr'*, vel *Fraucloſtr'*, idest claustrum moniale: Monachorum autem claustrum, *Minicheloſtr'*, Italice, *Chioſtro de Monachi*. Scamnum, Germanice *Ponch*, Gothice *Banch*, Italice *Banco*. Vexillum, Gothice *Banèr*, Italice *Bandiera*. Pera, Gothice, & Italice *Taſcha*. Poculum, vel Ciathus, Gothice, & Italice *Becchier*, ab Africanis *Got*, vt diximus, a Veneris *Goto*, a Germanis *Glos*: *Pag. 308.*
Gott Germanice ſtriſto ore & duplici tr, Deus appellatur, *Guot* vero bonum. *Charta* Latine, & Italice, Africanice *Cart*, vt ſupra videre eſt. Nauiſ item ſiue Triremis ab Armenis *Gallè* *Pag. 311.*
ri, dicitur, a Germanis autem, Gallis, & Italis vulgari nomine *Galea* nuncupatur, vt ſuo iam loco dictum eſt. Feretrum *Pag. 308.*
ab Ægyptijs appellatur *Baris*, Italice dicitur *Bara*. *Hercules* item eſt vox Ægyptiaca, vt ſuo iam loco diximus, a Græcis tamè, Latinis, & Italis eadè voce uſurpatur. *Petra* item a Græco fonte cadit, & apud Latinos adeo eſt in frequenti uſu, vt Latina eſſe dicatur: nā Πέτρος Græce lapis magnus eſt, qui Syriace teſte Hieronymo, dicitur *Cephas*. Hinc dictum eſt Petro: Tu vocaberis Cephas: quod interpretatur Petrus: deinde alio in loco: Tu eſ Petrus, et ſuper hanc petrā ædificabo Eccleſiā meā. Saccus dicitur Græce, & Latine, Italice *Sacco*, Hebraice *Sach*: quæ ſane res eodè etiā nomine apud Hiſpanos, Flandros, Germanos, Gallos, multarumq. aliarū Gentium homines uſurpatur. *Pag. 312.*

Mirum item cuiquam videri non debet, Gothos ab Italis, atque Italos a Gothiſ multas accepiffe voces, parum aut nihil immutatas: Gothos enim in Italia olim commoratos fuiſſe conſtat. Itali præterea ab alijs Nationibus vocabula non pauca ſibi mutuarunt, vel ob commercium in bellis gerendis, vel mercaturis exercendis, vel ob alias cauſas, quas ſupra enumeravi. Itali namque ſua lingua dicunt: *Monſignor*, *Pag. 313.*
quaſi ſolus, vt Alumno placet, ſiue vnicus dominus: Gallice enim aiunt: *Monsieur*: nam vox Latina, *Solus*, *Monos* dicitur apud Græcos. Dicunt etiam Itali *Meffier* & *Miffer* quaſi *mio ſir*, hoc eſt dominus meus: *Sir* enim Gallica vox eſt, quæ dominum ſignificat: quare *Meffier* dicitur, quaſi meus herus. Veneti autem hanc vocem *Sier* a Gallis mutuata, litterulā vnica adiecta, frequenter uſurpant: ceteri vero Italiæ populi *Ser* pronunciant, & huiuſmodi vocem Notarijs vt

plurimum tribuere solent. Via angusta in Vrbe, siue Oppido, vel Villa *Vicus* dicitur a Latinis: a Romanis vero *Vico*, & *Vicolo*: a Nostratibus, *Androne*: *Ἀνδρῶν* Græce dicitur locus, ubi viri versantur: A Perusinis *Rembocco*: a Latinis item *Callis*, quasi via callo perdurata, a Veneris *Cale*, littera vnica, l, abiecta. Veneti namque inter pronunciandum plurimas litteras abijciunt, multasq. immutant, vt supra dictum est. Sunt item in Italia populi Aprutio contermini, qui b, pro u; & u pro b, frequenter vti solent: alij vero ab ijs remoti, b, pro u, interdum vsurpant dicentes stricto ore, *Boto*, pro *Voto*, vulgari tantum lingua, & n pro d, vt *Banno* pro *Bando* pronunciant, quod a Latinis *Exilium* dicitur.

Est denique in Italia Regio dicta olim Iapidia, nunc Forum Iulium Latine, Italice autem *Friuli*, ubi non solum Sclauonica lingua, sed tanta multarum linguarum mixtio adhibetur, vix vt credi possit. Hinc ipsi alios facile intelligunt, sed non intelliguntur, & præsertim, dum quadam lingua, quæ instar Zingarorum, vel errorum vocabula quædam fictitia, suoq. ipsorum arbitratu, vel commento quodam habet, iocandi vel obloquendi causa vtuntur.

Quamuis igitur vna sit Italica lingua, singula quæque tamen Prouincia, immo quilibet Italiæ locus peculiaria quædam habet vocabula, peculiareq. pronunciationes, quæ inter se non parum distant. Hetrusca item lingua recentior, quæ præstantissima ab omnibus censetur, suam habet pronunciationem ab alijs distinctam: Hetrusci enim in pronunciando spiritum intra palatum retinere solent, ingurgitantium morem imitantes. Romana vero locutio non solum in pronunciando, verumetiam in vocibus vtendis totius Italiæ linguæ perfectionem, & quandam communitatem, neglecta affectatione, habere iudicatur. Hæc de Italica lingua, vt ceteras dialectos tandem aliquando consideremus.

Iudæorum lingua eadem est, quæ Hebraica.

Iuhri. Vide Vngari: iidem sunt Vgri, Rhuteni quidem pro g, pronunciant h, pro lugra *Iuhra*.

L A C O N I C A L I N G V A.

L A C O N I A in Peloponneso Prouincia, quæ & Oebalia, & Lacedæmonia dicitur a quibusdam, sicut a media Græcia remotior

remotior est, ita a communi lingua longius recedit, & ad Doricam accedit. Lacones in dicendo, aut scribendo breuitate vtuntur. † Vnde breuitas, laconismus nuncupatur: Attici vero prolixitate vti solent, & quemadmodum breuitas dicendi Laconismus appellatur, ita & Atticus dicendi modus Atticismus nuncupatur, vt a Cicerone & Quintiliano accepi. Est autem Atticorum locutio argutiarum, exemplorum, vrbانيتatis, & suauitatis plena, vt idem Cicero testatur: qui etiam dicit Atticorum esse inculte & horride dicere, modo id eleganter, enucleateq. fiat. Croesi tempore inter Dores, vt Herodotus ait, excelluerunt Lacedemonij, quorum Glossæ, idest dictiones huic linguæ peculiare ab Hesychio annotantur: eorumdemq. Apophthegmata copiose descripta sunt a Plutarcho, qui etiam in vita Lycurgi multa Laconum tum vocabula tum dicta enarrat. Hæc de Laconica lingua.

† Cic. 1.
Attic. lib.
4. Op. ad
Brut. lib.
15. ep. 25.
Quint. lib.
6. cap. 5.
Cicero. de
Orat. et de
Clar. orat.
multis in
locis.

LATINA LINGVA.

DE LATINA lingua suo iam loco multa a me dicta sunt, Pag. 299.
320. quod vna sit ex tribus cultioribus, quarum comparatione ceteræ omnes barbaræ dicuntur: quod antiquissima, & quod multa a Græcis fuerit mutuata. De eiusdem linguæ vbertate, qua Græcam superari demonstraui, nihil est quod dicam: nam non solum supra id satis me explicasse memini, Pag. 79.
82. Op. 87.
Pag. 132. sed etiam in nostro de Latinæ linguæ Obseruationibus libello idipsum copiosius declarauit. Libell. de
Observ. lin-
guæ Lat.

Addam autem hoc loco, apud Latinos quattuor idioma-
tum genera esse, Priscum scilicet, Latinum, Romanum, &
Mixtum, vel Antiquissimum, Antiquum, Perfectum, & Im-
perfectum, vel corruptum. Petrus Crinitus de huiusmodi
temporibus linguæ Latinæ loquitur hunc in modum: Relat-
um est, quattuor fuisse apud nostros linguarum proprietate-
tes, hoc est, Priscam, Latinam, Romanam, & Mixtam. Id
quod ex Varronis item auctoritate Grammatici tradunt.

Anno ab
Orbi cōdi-
to 1550.
vel 4448.
vel 4448.
vel 4448.
lino 3239.
ante mun-
disalutem
258.

Prisca est, qua vetustissimi Italiæ Populi sub Iano videli-
cet, & Saturno Regibus, vel ab Vrbe condita vsi sunt: cuius-
modi carmina quædam incondita, parumq. a nostris intelle-
cta adhuc supersunt. Hæc autem ætas ad Liuium vsque An-
dronicum

dronicum primum inter Latinos scriptorem durasse dicitur,

vt ab Horatio accepi dicente:

*Horat. lib.
2. Epist. 1.
Diomed. li
bro 16. ca-
pit. ult.*

Habet hos, numeratq. Poetas

Ad nostrum tempus Lini scriptoris ab aeo.

Hic primus Comædias Latina lingua conscripsit, vt Diomedes ait. De scripris Auctoris, quem multi in quinta mundi ætate fuisse tradunt, Cato mentionem facit.

*Cato de
origin.*

Latina vero est, qua sub Latino, & Regibus Tusciæ ceteri quidem Populi in ipso Latio loquebantur: qua Tabulæ decemuirales scriptæ sunt, multæ leges, & publica quædam edicta. Hæc ætas a Liuo Andronico incæpit, anno mundi 4968. ante Saluatoris nostri aduentum 231. ad Ciceronem vsque. Hac in ætate fuerunt multi scriptores, & præsertim

*Cicer. in
Bruto.*

Liuius Andronicus, Ennius, & Cato. De Liuo Andronico Cicero hunc ait in modum: Fabulam docuit non satis dignam, quæ iterum legeretur. De Ennio autem & Catone Horatius ait:

*Horat. in
Arte Poet.*

Lingua Catonis, & Enni

Sermonem patrium ditauerit, & noua rerum

Nomina protulerit

*Ouid. de
Trist.*

De Ennio Ouidius:

Ennius ingenio maximus, arte rudis.

*Virg. apud
Donat. Ci-
cero in Bru-
to.*

& Virgilius de eodem interrogatus ait: Aurum colligo e stercore Ennij. Cicero de Catone: Catonis orationes significant formam quandam ingenij, sed admodum impolitum, & pene rudem sermonem. De Carbone, Gracchiis, & Cornelia Gracchorum Matre, & Lucio Cotta, ac de alijs mentionem item facit Cicero in Bruto. Ceteros huius ætatis scriptores videre est in nostro de Latina lingua libello.

Romana est, quæ post exactos Reges Romanos populi gesta complexa fuit: nam & hanc ipsam inter Poetas M. Plautus, Næuius, Accius, Pacuius, Terentius, Horatius, Virgilius & alij maxime coluerunt. Ex Oratoribus autem & Historicis M. Cato, Sisenna, Quadrigarius, Val. Antias, Cæsar, Sallustius, M. Cicero, & alij permulti.

Mixta vero est, quæ aucto imperio, & libertate amissa, varios Populos, ac Nationes in iura Ciuitatis admisit. Hinc factum est, vt Romana virtus, ac loquendi forma, siue integritas

passim

passim cum moribus degenerarit. Neque enim me latet, vt supra iam diximus, Latinam quidem doctrinam ex multiplici, varioq. idiomate constare. Si quidem & Osca & Sabina vocabula a multis recepta sunt, vt Punica, et Græca nunc omittamus: nam Q. Ennius Osce loquutus est, & alij Hetruscas fabulas exposuerunt, sicut Liuius, et M. Cicero testantur. Hactenus de Latina lingua.

Libyes circa Cyrenem Apostolos in die sancto Pentecostes Hierosolymis sua dialecto varijsq. linguis loquentes mirati sunt.

L I G V R I C A L I N G V A.

LI G V R E S Hetruriæ pars sunt, et ipsi Hetrusca lingua, vt ratio docet, olim vsi sunt: nam sic vt Padū a profunditate Hetrusci *Botigon* vocauerūt, sic Ligures *Botigum*, vt Marcus Porcius Cato testatur. De hac lingua in Italica satis dictum puto.

L I T H V A N I C A L I N G V A.

LI T H V A N I A olim suum ducem magnum habuit, nunc Regi Poloniae subijcitur. Huius regionis lingua quadripartita censetur. Prima est Iaczuingorum, qui circa castrum Drohicin habitant, quorum pauci supersunt. Altera Lithuanorum, et Samagitharum. Tertia Prutenica. Quarta in Lothua, seu Lothihola, idest Liuania, circa fluuiū Dzuina et Rigam Ciuitatem. Horum autem quamuis eadem sit lingua, vnus tamen alium non satis intelligit, nisi ijs in locis non fuerit commoratus. Hæc regio vtitur etiam Polonico sermone, quo sacerdotes in Ecclesijs concionantur, vt Matthias a Michou testatur. Alij Lithuanos Illyrice loqui aiunt. Hæc de Lithuanica lingua.

L I V O N I C A L I N G V A.

LI V O N V M, vel Liutorum, et Lithuanorum, et Curorum lingua, eadem est, quæ verus Prussia, dialectis tantum variant. Vide in Britannica.

LYDI.

LYDICA LINGVA.

Suidas in B. Herod. lib. 3. Pag. 104. 105. 106. Or. 107.
LYDI, aut Phryges, panem, *Beccus*, vel *becus*, vel Βίχος, vocabant, vt ait Suidas, et Herodotus in Thalia. De Phrygiarū litterarum in Βακχιδίλ inuēto, atque Alphabeto, satis suo iam loco dictum fuit, vbi quānam sit lingua homini naturalis, et quānam inter linguas antiquior, multis rationibus et exemplis declaratum est.

Lygorum sermo Illyricus est.

MACEDONICA LINGVA.

MACEDONIA, latissima Europæ Regio, duobus olim Regibus, ac terræ imperio clarissima, cuius populi, sed mediterranei, Illyrice loquuntur, sunt qui Macedonia incolas lingua Græca, dialecto autem glossisq. distincta, vsos olim fuisse velint: quod ex vetustis mensium apud ipsos nomenclaturis colligi potest; Menses enim apud Macedonicos ex duodecim Zodiaci animalium nominibus appellantur, quæ sunt:

Aquarius.	Piscis.	Aries.	Taurus.
Τροχός.	Ιχθύς.	Κριός.	Ταῦρος.
Ianuarius.	Februarius.	Martius.	Aprilis.
Gemini.	Cancel.	Leo.	Virgo.
Δίδυμος.	Καρκίνος.	Λέων.	Παρθένος.
Maius.	Iunius.	Iulius.	Augustus.
Libra.	Scorpio.	Sagittarius.	Capricornus.
Ζυγός.	Σκορπίος.	Τεξέτης.	Αγούρειος.
September.	October.	November.	December.

*Clemens
 Alexan.
 Strom.
 Quinto.*

Aqua vel aër, vt ait Clemens Alexandrinus, apud eosdem Populos Βιδυ nuncupatur.

MAR

MARSIGNICA LINGVA.

MARSIGNI, et Buriij terga Marcomannorum, Quadorumq. claudentes, fermone, cultuq. Sucuos referunt, vt Cornelius Tacitus testatur.

Cornel. Tacitus.

Maxobij, alias Maxobitæ Illyrice loquuntur.

MEDORVM ET MESOPOTAM. LINGVA.

MEDI, et Mesopotamiæ Incolæ Apostolos Domini Saluatoris nostri Hierosolymis varijs linguis atque item sua, Spiritus sancti dono loquentes in die sancto Pentecostes mirantur: Medi *canem*; *spacu* vocant, vt Herodotus ait: quod sane nomen ad Illyricum; *pas*, vel *pas* accedit.

Herodotus

Meisi, vel Mysij Illyrice loquuntur.

Mengrelli item: sed vide Gazaris.

Moldau, Moraui, & Morlaci Illyrice loquuntur.

Monæ Insulæ duæ, quarum vna est inter Britanniam, & Hiberniam sita, vt Plinius, & Tacitus testantur: altera in Rheno fluuio Hollandiæ, Phrysiæ, & Ghuelldriæ proxima, vnde Monasteriensis forte dicti sunt, vt idem Tacitus narrat. Has autem Insulas sub dirione Anglorum linguam ab alijs prorsus distinctam habere accepi.

Plin. li. 4.
cap. 10.
Tacitus li
bro 24.

MOSCOVITARVM LINGVA.

MOSCOVIA Russiæ, vel Rhutenorum caput suam per Scythiam longe lateq. extendens ditionem Sclauonica vtitur lingua, externis tamen linguis adeo confusa, vix vt Sclauus & Moscouita se inuicem intelligant, sicut Sigismundus Liber in rerum Moscouitarum Commentarijs testatur, vbi plurima huius linguæ vocabula tum propria, tum aliena in medium affert: & ab initio operis de Rhutenorum peculiari circa litteras quasdam pronuntiatione nonnullas conscribit obseruationes: Moscouitica enim lingua eadem cum Russica, vel Rhutenica & Sclauonica videtur esse, vt ipse ait:

Sigismundus liber.

Y y nam

*Antonius
Vuied.*

nam Russi vel Rhuteni iidem qui Moscovitæ sunt. Antonius autem Vuied Lithuanus Alphabetum, quo Moscovitæ & Lithuani vtuntur, Græco non dissimile, sed characteribus aliquot auctius, in Tabula Chorographica proponit.

Mysii, vel Meisi Illyrice loquuntur.

Nugaroli Illyrice loquuntur.

Obodritæ Illyrice loquuntur.

OSCICA LINGVA.

*Festus P-
prius.*

*verba obscena
unde dicitur.*

Petr. Crin.

OSCI, Volosci, vel Volsi Italiæ populi antiqui in Campania ab oris foeditate vt ceteras huiusce nominis etymologias omittam, dicti: vnde impudica verba, vt ait Festus, obscœna dicuntur: frequentissimus enim Oscis fuit libidinum sporcarum vsus. Q. Ennium Oscè loquutum fuisse Crinitus ait.

Osi Pannonice loquuntur. Vide Gothini.

PAMPHYLICA LINGVA.

Ptol. lib. 5.

PAMPHYLIA, Ptolemæo teste, minoris Asiæ Regio est inter Ciliciam, & Syriam, ab occasu Lyciam, & Asiæ minoris partem, a Septentrione Galatiam & Cappadociam, a meridie Mediterraneum mare, quod illic Pamphylij maris nomen habet. Huius Regionis Populi, Pamphylij scilicet, Apostolos Spiritus sancti dono diuersis linguis, & sua etiam Hierosolymis in die Sancto Pentecostes loquentes summa cum admiratione audierunt.

PANNONICA LINGVA.

Corn. Tac.

PANNONIAE pars Illyrice loquitur. Pannonice item loquuntur Osi, vt Cornelius Tacitus testatur. Sed supra vide dictionem, Hungarica lingua.

PARTHICA LINGVA.

PARTHIA Asiæ Regio, ab Occasu Media, ab Aquilone Hyrcania, ab Ortus Ariana, a Meridie Carmanix desertis termi-

terminatur: cuius incolæ Parthi, qui pertinacissimi olim nominis Romani hostes, qui Crassum insidijs circumuentum cum vniuerso exercitu ad internecionem ceciderunt, Apostolos Iesu Christi Saluatoris nostri, virtute Spiritus sancti vario idiomate, & suo item, Hierosolymis loquentes in die Sancto Pentecostes admirati sunt.

PELASGICA LINGVA.

PELASGIA, Græciæ Regio circa extremam Macedoniæ Plin lib. 4. cap. 4. partem, versus Achaïam, olim Thessalia dicta inter duomaria propter angulosos recessus: cuius incolæ errabundi coniarum ritu per multas nationes vagati sunt: quanam vero lingua Pelasgi sint vsi, affirmare non possum, sed coniectura, vt ait Heròdotus, dici potest, eandem fuisse cum ea, quæ Herod. li. bro 1. nunc Pelasgi vtuntur qui supra Tÿrrenos urbem Crestonem incolunt, quodam tempore finitimi eorum, qui nunc Dores vocantur: Dores autem incolebant regionem illam, quæ nunc Thessaliotis nominatur, eodem Heròdoto teste, qui etiam Pelasgicam Gentem barbarâ esse, eamq. ob causam magnos profectus haudquaquam fecisse idem Heròdotus affirmat.

PERSICA LINGVA.

PERSIA Orientalis Regio a Septentrione Medis terminatur, ab Occasu Susiana, ab ortu solis, duplici Carmania Ptolema- us lib. 5. minoris Asiæ Regione inter Persiam & Indiam sita, a Meridie parte sinus Persici. Huius Regionis lingua ab Aegyptiaca, et Iudaica diuersa est, et cum Illyrica, atque Armenica nihil commune habet, vt Bartholomæus Georgeuitus docet, qui Barthol. Georgen. multa huius linguæ vocabula, et locutiones in libello de afflictione Christianorum sub Turcis recenset, eandemq. Persicam, ac Turcicam appellat. Vt autem de Persica lingua nonnihil notitiæ habeatur, hoc apponam loco de Turcico imperio a Christi tandem fidelibus euertendo Vaticinium, quod in eiusdem Bartholomæi Georgeuitæ libello inueni hac lingua conscriptum hisce verbis Persiæ, ac Latinis:

*Vaticinium de Turcico Imperio euertendo Persica
lingua conscriptum.*

Patissah	omnes	ghelar
Imperator	noster	veniet
Ciaferum	memleketi	alar
Ethnici principis	regnum	capiet,
kenzul almai	alur	kāpzeiler,
rubrum pomum	capiet	subiget.
Jedi	gladegh	gyaur
quod si	ad annum	vsque septimum
Keleci	esikasse,	on iki
gladius; scilicet	non insurrexerit,	vsque ad
Christianorum	gladegh	onlarum
annum	duodecimum	begli
gheder,	eusi	iapar,
dominabitur,	domos	edificabit;
baghi diker,	basesain	baghlar,
vineas plantabit;	hortos	sepier,
oglikei	olur iki	yldensora
liberos	procreabit.	Post duodecimū

scilicet annum, ex
quo rubrum pomum in eius potestatem redactum fuerit,

Christianorum
gladius
Turki
Turcam
quaquauersum
fugabit.

Vaticinium sic se habet cum Georgeuiti interpretatione,
quam ego ad verbum Persicis vocabulis accommodandam
curavi. Qui plura vocabula huius Persicæ linguæ scire cu-
pit, videat libellum Andreæ Bellunenſis, qui ea in Glossis
Auicennæ copiose interpretatur: multæ enim voces Persicæ
a varijs Nationibus vsurpatæ reperiuntur, vt *Paransaga*, *Schoe-
nus*, & *Ailaris*, mensurarum de terræ spatijs nomina. Persica
etiam

Andr. Bell.
lunenſis.

etiam a Græcis nonnullis adhibentur, vt Athenæus ait. *Sus*on liliū apud Persas significat, et Susa Vrbs nominata est propter loci pulchritudinem, et amœnitatem, vt idem Athenæus testatur. Magi dicuntur sapientes lingua Persarum, vt ait Porphyrius. Hæc de Persica lingua.

*Athen. lib. 3.
Ex Herod. lib. 9.
Porphyrius.*

PHOENICVM LINGVA.

PHOENICIA, Asiæ Regio, Syris, et Iudæis contermina suam habet dialectum, cuius Alphabetum in tertia Columna parastatica videre est, vbi de Phœnicum litterarum inuentore, necnon de alijs rebus, scitu quidem dignis sermonem habuimus. Sunt qui Hebraicam et Phœnicam linguam eandem esse dicant, omnium antiquissimam. De hac lingua vide in dictione, Punica.

*Steph. ex Strab. lib. 16.
Pag. 125.
126. 127.
& 128.*

PHRYGIACA LINGVA.

PHRYGIA minoris Asiæ Regio, Cariæ, Lydiæ, Misiæ, et Bithyniæ finitimâ, suam habet dialectum, cuius Alphabetum in tertia Columna parastatica videre licet, vbi de Phrygiacis characteribus, eorundemq. inuentore satis dictum puto. Eo loci de huius linguæ antiquitate sermonem habuimus, deq. infantibus, quos mulieribus lingua præcis educandi gratia traditos ait Strabo, historiam enarrauimus, et controuersiam explicauimus, num scilicet aliqua homini lingua sit naturalis. Qua in re declaranda philosophiæ rationes, et Aristotelis dicta in medium attulimus: et multa scitu quidem digna interpretari studuimus. Hoc autem loco addo quod Plato ait de hac voce, *πῦρ*, id est, ignis: quam barbaricam esse, Phrygiacam videlicet in Cratylo affirmat. Idem ait de hac voce *ὑδωρ* et *κύρις*, id est, Canes. Erinaceus Phrygum lingua *Exis*, vel *Exin* dicitur: Aqua, *Bedy*: *Noticus*, vtrius. Plura vide in Aequiuocis Xenophontis. Phryges Apostolos sanctos varijs linguis atque item sua loquentes in die sancto Pentecostes maxima cum admiratione audierunt.

Strabo lib. 13.

*Pag. 104.
105. 106.
107. &
108.*

† Herodotus, Diodorus Siculus, Pausanias, Suidas, & alij.

Plato in Cratylo.

Clemens Alexandr. Strom. 5.

Xenophon.

Placianorum lingua. Vide Pelasgica. Est autem Placia Vrbs Mysiæ.

Pescouij, Polabi, Poloni, et Pomeriani Illyrice loquuntur.

P R V S.

HANC linguam vide in Britannica dictione, et in Lithuania lingua. Prussiæ incolæ Pruteni dicuntur: et lingua olim diuersa vti sunt: postquam vero Teutonicorum fratrum iugū subiere, lingua Teutonica introducta est, et religio Christiana fuit accepta Federici Imperatoris secundi temporibus.

P V N I C A L I N G V A.

POENI iidem qui Carthaginenses, ita dicti quasi Phœni a Phœnicibus originem trahentes. Hinc Punicus quasi Pœnicus, æ in u, conuerso. Punice Deus dicitur *Hal*, vt Seruius ait in Virgilium: *Sepis Gadir*, vt Plinius testatur. *Zegeries* genus murium, Græce Βορρῆς, vt ex Herodoto colligitur. *Vala* autem hanc vocem, *colles*, transfert.

Seruius.

Plin. lib. 4.

cap. 22.

Herod. libro 4.

Rascij, aliter Rasci, seu Bulgari Illyrice loquuntur.

R H Æ T I C A L I N G V A.

RHÆTIA, Europæ Regio: quæ in duas diuiditur partes, superiorem, & inferiorem. Illa magnam Galliæ Cisalpinæ partem occupat: cuius incolæ *Grisones* hodie vocitantur. Hæc vero alteram Galliæ partem Comum vsque pertingens. Huius Regionis incolæ sermone Italico, omnium autem corruptissimo vtuntur, vt in Oratione Dominica vernaculo Rhetorum conscripta sermone, quem ipsi vulgo Romanum appellant, vidi. Deus enim ab ipsis *Bab* nuncupatur: nam quod Latine dicunt, *Nos*, & Itali, *Noi*, Rhæti aiunt, *Nus*: quod vero Latini *Nostri*, & Itali *Nostri*, ipsi, *Nos* dicunt. Horum sermo est adeo corruptus, vt nihil fere ab Italis tam in pronuncian-do, quàm in scribendo intelligatur, quamuis eos a Thuscis non a Romanis originem traxisse eruditi viri affirmant. De hisce populis Liuius scribit, & Aegidius Tscudus.

Liui. et Aegid.

Romana lingua. Vide supra in Latina.

Rugi Illyrice loquuntur.

Ruthenorum lingua, vel Russorum lingua. Lege dict. Moscouitæ.

SABI-

SABINORVM LINGVA VETVS.

SABINI Populi in quarta Italiæ Regione non procul ab Vrbe Roma angustum, vt ait Strabo, incolentes agrum in longitudinem protensum a Tyberi vsque Nomentum, oppidū in Latio situm stadijs mille vsque ad Vestinos Mauricinis & Picentibus conterminos. Romani a Sabinis prænomen acceperunt ex fœdere cum ijs facto, vt Crinitus ait, & Quirites dicti sunt ab hasta, quam Sabini, vt inquit Festus, *Curim*, siue *Quirim* vocabant: vel a Curibus Sabinorum Vrbe, cui T. Tatius imperabat, cuius ciues Quirites dicebantur, teste L. uiuo. Hinc Quirinalis mons Romæ dictus quod in eum commigrauerant Sabini a Curibus venientes: & Quirinalis porta, quod ea in collem itur Quirinalem. Vel Mons Quirinalis a Quirini, hoc est Romuli templo, quod inibi extabat, appellatus est. Hodie Phidiæ & Praxitelis operibus in hoc colle sitis, Mons Caballus, a SIXTO V. perpulchris ædificijs, vijs, & aquis, necnon præclarissimorum Artificum Statuis instauratis mirum in modum illustratus. Sabina vocabula, vt Crinitus testatur, a Latinis fuerunt recepta: sed ij paulatim Latino sermone vsi sunt maternam linguam relinquentes.

SAMARITANORVM LINGVA.

SAMARIA, Vrbs Syriæ inter Iudæam, & Galilæam media, a qua tota Regio decem Tribuum a duabus alijs separata, Samaria dicta est. Postea Ciuitas hæc regalis ab Augusti nomine Sebaſte nuncupata fuit. Postremo autem Sichem, & corrupte Sichar, Metropolis eiusdem Regionis Samariæ, quæ Hebraica utebatur lingua, sed characteribus proprijs distincta, conuenientibus tamen cum veteri Alphabeto communis Hebraici idiomatis, litterarum scilicet numero, sono, & nominibus, figura differente, vt sanctus Hieronymus ait, qui ad sua ipsius tempora, Samaritanos antiquis Hebræorū litteris vsos fuisse testatur in Commentarijs super Ezechielem: nam, vt idem alibi ait, Certum est, Efdram scribam, legisq. doctorem, post captam Hierosolymam & instauracionem templi sub Zorobabel alias inuenisse litteras, quibus

nunc

Strabo.

Lin. lib. 2.

Petr. Crin.

nit. 3. 4.

Fest. Pom.

peius.

Lin. lib. 2.

Petr. Crin.

nit.

Gen. 39.

Ioan. 4.

S. Hieron.

in præf. lib.

Reg. 10. 3.

S. Hieron.

in cap. 9.

Ezech. 20.

mo 4.

Idem pag.

89.

nunc utimur, cum ad illud usque tempus Samaritanorum & Hebræorum characteres iidem fuerint. Hæc sanctus Hieronymus. Quamvis autem eiusdem linguæ usus tam apud Hebræos, quam Samaritanos fuerit, Samaritanis tamen nonnullas voces peculiâres fuisse credendum est, cum ab Hebræorum cultu idolis seruientes non parum distarent: hinc ipsi in Vrbe Sichem, omnes veteris Testamenti codices, Mosaicis exceptis, spreuisse dicuntur. Hæc de Samaritanorum lingua.

Samogitæ Illyrice loquuntur.

Sarbi. Vide Sorabi.

SARDORVM LINGVA.

*Salust.
Strabo, &
Solinus.*

SARDINIA in Ligustico mari Insula a Corsicæ extremis nouem tantum millium passuum freto dirimitur, cuius latitudo est millium passuum nonaginta octo, longitudo vero ducentorum viginti, aeris pestilentie maxime obnoxia ob editissimos, quos a Septentrione habet, montes, qui prohibent quo minus a Borea perflari queat. Quo nomine tam male olim audiuit, ut Marcus Cicero Quintum fratrem moneat, etiam tum cum optime valeret, meminisse eum debere, in Sardinia se esse: et alibi Tigellium quendam Sardum hominem esse ait patria sua pestilentiorẽ. Est autem Sardinia frumenti fertilissima a Sardo Herculis filio dicta multas habens ciuitates, quarum omnium præclarissima Calaris est, in qua Sancti Patris Augustini ossa ducentis vigintitribus annis conquievere: deinde ab Aliprando Longobardorũ Rege translata sunt Papiam, vbi nunc maxima veneratione coluntur. Hac in Insula coralliorum piscatio est, nec lupi gignuntur, nec serpentes inueniuntur.

*Cicer. ad
Quint. fra-
trem.*

Sardi olim propriam habuerunt dialectum: sed postquam diuersi populi in eam migrarunt, et ab exteis principibus imperium eiusdem Insulæ usurpatum fuit, Latinis videlicet, Pisanis, Genuensibus, Hispanis, et Afris, lingua eorum non parũ corrupta est, relictis tamen vocabulis, quæ in quauis alia nõ reperiuntur. Multa Latini sermonis vocabula retinentur ad hanc usque diem quibusdã in locis, et præsertim in Barbaria

riæ montibus, vbi Romani Imperatores militum præsidij potiebantur. Hinc factum est, vt Sardi propter Imperiorum varietatem diuersis in locis tam diuerse loquantur: ita tamen vt sese inter se recte intelligant. Sunt autem duæ præcipuæ in ea Insula linguæ, vna, qua in Ciuitatibus, et altera, qua extra Ciuitates vtuntur: sed oppidani loquuntur fere Hispanica lingua, Tarraconensi, vel Catalana, quam didicerunt ab Hispanis, qui tamdiu Magistratum in eisdem ciuitatibus gerunt: alij vero genuinam retinent Sardorum linguam. Hæc de Sardorum lingua.

*Leg. 2. C.
de off. præf.
pra. Afric.*

SARMATICA LINGVA.

SARMATIA, Regio latissima multos diuersi cultus populos complectitur. Vt autem ceteros silentio prætermittam, ij, qui & Poloni appellantur, Illyrice loquuntur. Huius regionis incolæ Sarmatæ, vel Sauromatæ dicuntur ab oculis lacertarum: *Γαύρος* enim lacerta est, *ὄμμα* oculus. Sarmatides item, ac Sarmatici appellantur.

Sciri, vel Scyri, idest Stirij, vel Stirenseſ a Gothijs oriundi. Vide Vandali.

Sclauj, vel potius Slaui Illyrice loquuntur.

SCOTICA LINGVA.

SCOTI Britannia populi, quondam Anthropophagi, vt Sanctus ait Hieronymus, qui in Gallia Scotos, Gentem Britannicam humanis vesci carnibus se vidisse testatur, vt etiam Sanctus Ioannes Chrysostomus affirmat, & linguam omnibus sibiſſa esse ait. Hos Strabo balbutientes vocat, quos Roma se vidisse inquit. Horum linguam communioſiorem ab Anglica parum differre, sed pauciora Gallica habere admixta accepi. Hodie Siluestres & Insulani moribus ab Hibernis, a quibus originem duxerunt, nec magnum inter illos est intervallum, haudquaquam distare dicuntur: nam cum cælum est serenum, Hibernia in Scotia videri potest. Est præterea indisereta lingua eorum, indiscreti mores, & vestitus. Qui me-

*S. Hieron.
lib. 2. con-
tra Iovin.
S. Ioann.
Chrysost.
in ser. Pæ.
Strabo.*

liorem terræ incolunt partem, nempe Meridionalem, hibernari dicuntur, ac tanquam humaniores, Anglica utuntur lingua. De Scotica lingua hætenus.

SCYTHICA LINGVA.

SCYTHIA longe lateq. Septentrionem versus ad Oceanum per maximam Asiæ, & aliquam etiam Europæ partem sese extendens, multas diuersasq. linguas habet, ut ratio ipsa persuadet. Germani interdum, Armeni, Hungari, Tartari, & alij item Populi Scythiæ dicuntur. Quare nihil est quod hæc de lingua plura dicam.

Seruij. Vide, Sorabi.

Slesij, vel Silesij Illyricam habent linguam.

Sorabi, vel Sarbi, hodie Seruij Illyrice loquuntur.

Sueui bellicosissimi Germaniæ populi.

Syrorum linguam vide in Chaldaica dictione.

TARTARICA LINGVA.

Paul. Ven.
et Matth.
Rich.

TARTARI, siue potius Tartari, quorum imperium latissime patet, Asiæ, & Scythiæ, necnon Europæ partem incolentes, multas fortasse habent linguas, & omnino diuersas ob quam plurima eorum regna, ut Paulus Venetus, & Matthias a Michou testantur. Sunt qui Turcas a Tartaris ortum traxisse velint, ut ritus, victus, & vestitus, equitandi ac bellandi usus, fraudes, perfidia, & innata barbaries, ac feritas docent, immo & ipsa indicat lingua, quam Turcis ac Tartaris eandem esse dicunt. Tartarorum nomen recentis ab hinc annis, antea penitus ignotum, hoc modo vocitari coepit, cum prius Getæ Gothini, ut alij volunt, dicerentur. Ottomanus deinde se cum suis a Tartaris seiungens Turcarum nomen assumpsit: hinc Tartari hodie Turcas clientes suos esse aiunt, eosq. ob sua ipsorum peccata elatos a Deo conqueruntur, cum antea non solum illorum fuerint subditi, sed rustici etiam: idq. Turcarum nomine significari affirmant, ut iidem dicunt Scriptores, in quo-

In quorum scriptis multa Tartarorum vocabula sparsim leguntur. Sunt denique, qui Georgianorum linguam Tartaricæ & Armenicæ mediam esse velint: Tartaris autem ac Turcis eam esse linguæ similitudinem, quæ Anglicæ, & Saxonicæ existimatur.

THRACICA LINGVA.

THRACIA, latissima Europæ Regio Macedoniæ ad occasum proxima, nec celo, nec solo tractabilis, frigida prorsus, & infœcunda etsi mari propior, Getarum linguam habere dicitur, vt nonnulli volunt. Huius incolæ Thraces, necnon Mysi vocitantur, vt Straboni placet.

*Ptolema-
us Plin. &
Pompon.*

*Strab. li-
bro 7.*

Transiluani, qui & Daces, Scythiæ Europæ populi Illyrice loquuntur.

Thessalici Græciæ populi ad Doricā linguam accedunt.

Troglodytæ Aethiopes, instar vespertilionum in loquendo strident, vt Herodotus ait,

Troglodytæ in Africā aliter loquuntur.

TURCICA LINGVA.

TURCARVM lingua, vt diximus in Tartarica, vel est eadem cum Tartarica, vel parum ab ea distat, vel Tartaris ac Turcis ea est linguæ similitudo, quæ Anglicæ & Saxonicæ esse censetur. Sunt qui Turcicam cum Persica, alij cum Armenica eandem esse, vel parum ab ijs differre velint. Turcica vero & Arabica etsi diuersæ omnino sunt, eas tamen characteribus easdem esse nonnulli tradunt.

VALACHICA LINGVA.

VALACHIA latissima Regio est a Transilvania incipiens, cui sermo ad hanc vsque diem Romanus est, vt Aeneas Siluius testatur, cum a Flacco Romano subacta Romanorū Colonia fuerit effecta: hinc Flaccia nuncupata, sed longo temporis tractu, vt passim euenire solet, corrupta voce, Vala-

Aeneas Siluius.

chia dicta est. Sermo autem Romanus adeo mutatus est, vix
vt ab homine Italico intelligi queat.

VANDALICA LINGVA.

VANDALI in Thracia Populi Sclauonica lingua vtuntur,
e quibus, vt aiunt, multæ maximæq. Gentes diuisæ sunt,
Poloni scilicet, Bohemi, Sclauonij, Croatij, Vandali ad Ger-
manicæ Marchiam pertinentes. Horum scilicet Vandalorum
lingua Turcarum aulici frequenter vti solent.

VASCONICA LINGVA.

VASCONES, Populi, citerioris Hispaniæ, quæ in Galli-
cum, & Britannicum Océanum vergit, ad Pyrenæum po-
siti, propria loquuntur lingua: olim autem Cantabri, Tarra-
conensis Prouinciæ Gentes, nunc vulgari sermone *Biscaini* vel
Biscagluni dicuntur, quorum lingua adeo est ab Hispanica
diuersa, vt non facile quis ab alijs Hispanis intelligatur.

Zadrauani, & Zagouani Illyrice loquuntur.

ZINGARORVM LINGVA.

ZINGARI, vel potius Zigari, erronei quidam, & insignes
sane nostra ætate fures, cum liberis & vxoribus Europam
peruagantes, a Zigato, quod eam ferunt esse Terram, ex qua
Zingari exierunt, dicti. Huius generis homines excocti sole,
vestibus immundi, & vsu rerum foedi, furtis omnino intenti,
& præsertim feminæ, ex quarum furtis victus est viris, anno
post Christi Saluatoris nostri aduentum 1417. primum in
Europa apparere cœperunt, vt Aeneas Silvius testatur.

Quamuis autem huiusmodi hominū colluices omnium fere
Europæ linguis vtatur, quandam tamen sibi propriā linguā,
vocabulis fictitijs inuentis, excogitauit: eaq. persæpe vitur,
vt ab alijs non intelligatur. Huius confictæ linguæ Diction-
narium typis mandatum me non semel vidisse memini. Vidi
etiam, & legi nō raro iam inde a puero Vocabularium aliud
impressum, confictæ item linguæ a mendicis quibusdam, &

erroni-

erroni-

Zingaro-
rum descri-
ptio, & in
Europa ap-
paritio.

Aeneas Silvius.

erroribus inuentum, & vsurpatum, quod Zergum, quasi Zingarorum, aut Zingarorum Dictionarium vocitabant. Hi autem Onomatotheræ dici possunt, eorum instar, qui apud Græcos, vt ait Cælius Rhodiginus, noua sibi consarcinantes vocabula, rerum intuitu proprietatem, nominum venatores dicti sunt, cuiusmodi Dionysius, Alexarchus, & Atticus Herodes Athenæo teste, fuisse videntur.

*Cal. Rhod.
lib. 24. cap.
p. 3. 10. 3.
Arben. li-
bro 3.
Dipnoso-
phistarum
lib. 14.*

Hæc de Dialectis, hoc est de diuersarum linguarum generibus: alias enim linguas, quæ sunt in remotissimis Imperij Tartarici, & Orbis noui terris, videre est apud Iosaphat Barbarum, Paulum Venetum, Americum Vespucium, Aloysium Cadamustum, Gelenium, Aegidium Tescudum, Thefesum Ambrosium, & Sigismundum liberum, quibus hac in Appendice maiori ex parte vsi sumus. Nunc reliquum est, vt præcipuorum quorundam Idiomatum Orationem præsertim Dominicam infra apponamus, curiosis ite hominibus satis quidē faciētes.

DE ORATIONE DOMINICA VARIIS LINGVIS, ET CHARACTERIBVS CONSCRIPTA.



QVONIAM de varijs linguarum generibus sermonem habuimus, a ratione alienum fore visum mihi non est, si Dominicam Orationem, qua nihil in orando præstantius, aut efficacius esse potest, varijs item linguis, & characteribus expressam in hac de Dialectis Appendice apponam: hac enim occasione maiorem quis de linguis aliquot notitiam adipiscetur, orationemq. ipsam varijs modis celebratam conspiciet. Ordine autem Alphabetico posthabito, precationem Dominicam Hebraico idiomate tanquam antiquiori conscriptam, & ex sacrosancto Beati Matthæi Euangelio desumptam primo loco apponendam existimaui: Beatus enim Matthæus Hebraica lingua scripsit Euangelium, quod Hebraice exaratum per omnia non videtur congruere Syriaco, vel Hebraico, quo S. Hieronymus vsus est, vt patet ex verbo *Panem nostrum quotidianum*. pro quo Beatus Hieronymus legit:

Crasinum,

3. Hieron. *Craſſinum*, ſicut eius Commentaria in Matthæum teſtantur. in cap. 6. *Matth. 10. mo 6.* quamvis enim in Textu verterit, *Superſubſtantialem*, prout iacet in Vulgata Editione ex voce Græca, *ωπερὺς*, in Commē- tarijs tamen ait ſe reperiffē Hebraicum, *מחר Machar*, hoc eſt *Corn. Lan- ſen. in cap. 6. Matth.* *Craſſinum*, ſicut etiā Cornelius lanſenius recte docet. Variæ ſunt item aliæ perpaucæ diſtiones in hac Oratione Dominica iuxta varias ex Hebraico, & Græco translationes, ut videre eſt in Matthæo, & Luca, ſicut ex Vulgata Editione conſtat: ſenſus autem eſt vnus, & idem, ut in noſtra in hanc Orationem explanatione ſatis probatū eſt. Apponam igitur hoc loco Orationem Dominicam Hebraica lingua, Hebraicisq. litteris expreſſam, nec non eiufdem linguæ pronunciationem litteris Latinis deſcriptam, iſſdemq. Latinis characteribus, Latinaq. lingua ex Hebraico ſermone translationem. Orationem vero Dominicam iuxta Vulgatam Editionem, & uſum orandi frequentem ab Eccleſia Sancta receptum, poſt Orationem Græcè conſcriptam ponemus, ut triū præſertim linguarum, quæ inter omnes primariæ ſunt, ordinem dignitatis ſequamur.

*Oratio Dominica ex Euangelio Beati Matthæi
Hebraice conſcripta.*

אֲבִינוּ שְׁבַשְׁמִים יִתְקַדֵּשׁ שְׁמֶךָ: יְבֹא מַלְכוּתְךָ: יַעֲשֶׂה רְצוֹנְךָ כְּבִשְׁמִים
 גַּם בָּאָרֶץ: לְחֻמְנוּ חֲמַר: תֵּן לָנוּ הַיּוֹם: וְסַלַּח לָנוּ הַזֹּכוֹתֵינוּ כַּאֲשֶׁר
 אָנָּחְנוּ סוֹ חַיִּים לְבַעַל הַזֹּכוֹתֵינוּ: וְאַל תְּבִיאֵנוּ בְּנִסְיוֹן: אֱלֹא חֲצִלְנוּ מִרָעָה:
 אָמֵן:

Oratio Hebraica characteribus Latinis expreſſa.

A VINV ſciebaſciamaim itcadaſc ſcimcha Iauo Malchutach Ieghaſe rezonach che baſciamaim gam baarez lachmenu temidi ten lanu haiom vſlach lanu chouotenu, caaſcier anachnu ſolechim lebaghale chouotenu yeal teuicnu benifaion hella hazilenu meragh. Amen.

Domi-

Dominica Oratio ex Hebraico Textu Latinis characteribus, Latinaq. lingua conscripta.

PATER noster, qui in cælis, sanctificetur nomen tuum: Veniat Regnum tuum: Fiat voluntas tua sicut in cælis, & in terra. Panem nostrum continuum, *vel perpetuum* da nobis hodie. Et remitte nobis debita nostra, quemadmodum nos remittimus debitoribus nostris. Et ne facias nos venire in tentationem: sed libera nos a malo. Amen.

Oratio Dominica sermone & characteribus Græcis.

Πάτερ ἡμῶν ὁ ἐν τοῖς οὐρανοῖς, ἀγαθὴ τὸ ὄνομά σου. ἔλθέτω ἡ βασιλεία σου. γρηθῆτω τὸ θέλημά σου ὡς ἐν ἐρανοῖς & ἐπὶ τῆ γῆς. τὸν ἅπτον ἡμῶν τὸν ὀπίσσω δὲς ἡμῶν σήμερον & ἄφες ἡμῶν τὰ ὀφλήματα ἡμῶν, ὡς & ἡμεῖς ἀφίμεθα τοῖς ὀφειλέταις ἡμῶν. καὶ μὴ εἰσενέγκῃς ἡμᾶς εἰς πειρασμόν. ἀλλὰ ῥύσαι ἡμᾶς ἀπὸ τοῦ πονηροῦ. Ἀμήν.

Eadem Latinis characteribus.

PATER himôn, ho en tîs vranîs, hagiasthîto tò ónomá su. elthêto hi basiléa su. genithîto tò thélímá su hòs en vranô ka' epì tîs gîs. tòn árton himôn tòn epiúsion dðs himîn símeron. ka' áphes himîn tà ophilímata himôn, hðs ka' himîs aphíemen tîs ophilétas himôn. ka' mî isenénkis himás is piraísmòn. allà rhytæ himás apò tû ponirû. Amín.

Dominica Oratio Latine conscripta.

PATER noster, qui es in cælis. Sanctificetur nomen tuum. Adueniat regnum tuum. Fiat voluntas tua, sicut in cælo, & in terra. Panem nostrum quotidianum da nobis hodie. Et dimitte nobis debita nostra, sicut & nos dimittimus debitoribus nostris. Et ne nos inducas in tentationem. Sed libera nos a malo. Amen.

Quamuis

Quam supra e Græco translata apposui Orationem, dictione, ἐπιόσιον, excepta, quæ *super substantialem* sonat, ex B. Matthæi Evangelio Vulgatæ Editionis desumpsi, eadem voce, *super substantialem*, posthabita, in cuius locū ex S. Lucæ Evangelio vox illa, *Quotidianum*, suffecta est iuxta formā in orando ab Ecclesia sancta receptā. Quoniam autem Græca ab Hebraica lingua ortū habet, & ab utriusque Latina, cuius propages sunt Italica, Hispanica, & Gallica, quarum prima propius, secunda minus, tertia uero multo minus ad Latinā linguam accedit; hinc eundem dignitatis ordinem, quē in ijs tribus primarijs linguis secuti sumus, hisce in tribus sequemur.

Pag. 294.

¶ 295.

Pag. 302.

¶ 303.

Dominica Oratio Italice conscripta.

PADRE nostro, che sei ne' Cieli, sia santificato il nome tuo: Venga il regno tuo: Sia fatta la tua volontà così nella terra, come nel Cielo. Dacci hoggi il nostro panē cotidiano. Rimettici i nostri debiti, si come noi li rimettiamo a' nostri debitori. Non ci indurre in tentatione. Ma liberaci dal male. Amen.

Dominica Oratio Hispanice expressa.

PADRE nuestro que estas en los cielos, santificado sea el tu nombre. Venga a nos el tu reyno. Hagase tu voluntad assi en la tierra, como e nel Cielo. El pan nuestro de cada dia da nos lo oy. Y perdona nos nuestras deudas, assi como nosotros perdonamos a nuestros deudores. Y no nos dexes caer en la tentacion: mas libra nos de mal. Amen.

Dominica Oratio Gallica lingua politiori.

NOSTRE Pere qui es es.cieulx, ton nom soit sanctifié. Ton royaume nous aduiene: Ta volonté soit faite ainsi en la terre comme au ciel. Donne nous aujourd'hui nostre pain quotidien. Et nous pardonne noz offenses, comme nous a ceux qui nous ont offensé. Et ne nous induy point en tentation: Mais deliure nous du mal. Amen, vel *ainsy soit il.*

R. 1111111111

Oratio

*Oratio Dominica Gallice conscripta
declaratur.*

De Gallicæ linguæ pronunciatione nonnihil hoc loco ob occasionem sese offerentem dicendum est. Galli enim frequenter litteram, s, pronunciare non solent, etiam si ea in scribendo utantur præsertim in ijs locis, in quibus admitti debet, ut videre est in prima Dominicæ Orationis voce, quæ est, *Notre* Latine dictioni proxima, *Noiser*, littera r, transposita: nam pronunciant, *Noire*, non *Notre*, ut scribunt. Eandem hanc litteram s, in fine dictionis non pronunciant, cum sequitur consonans, quando autem sequitur vocalis, non item: tunc enim pronunciant, ut in hac gemina voce *es, es*, cernere licet: nam in prima tantum, littera, s, pronunciatur propter vocalem sequentem. Dicitur item *les pechez* pro eo quod Latine dicitur *Peccata*, & Italice, *li peccati*: sed in hac voce, *Les*, abijcitur s, consonante sequenti, sed *le*, pronunciatur: vocali autem sequenti, ut *les offenses*, pronunciatur *les*, non *le*. Hoc item obseruatur in littera z, quæ plerunque pro s, ponitur, ut *Noz* pro *Notre*. Solent etiam scribere e pro littera a, ut *Pere*, pro *Pare*, & *Mere*, pro *Mare*, iuxta pronunciationem Venetorum, qui vernacula lingua scribunt, & pronunciant *Pare* & *Mare*, pro *Patre*, & *Matre*. Scribunt item e, & pronunciant a, ut *offenses*, Italice *offese*, *encre*, pro eo, quod Latine dicitur atramentum, & Italice *inchioistro*: pronunciant enim *offanses*, & *ancre*. Utuntur non raro diphtongis Græcis, quæ sunt au, eu, oi, ou, oy, & ei, sed non pronunciant omnino, ut Græci solent, his diphtongis exceptis, eu, & ou pro u, dicunt enim *Nus*, & scribunt *Nous*, pro *Nos*: in ceteris vero diphtongis pronunciationem à Græca diuersam habent. Pronomina in hac lingua nominibus præponuntur, sicut in multis alijs euenire solet, ut infra videre est: dicunt enim *Notre Pere*, non *Pere nostre*. Solent in fine Orationis Dominicæ hac voce, *Amen*, prætermitti, uti his vocibus: *Ainssy sois il*, idest, *Ita fiat*, vel *Ita factum sit*.

Oratio Syr. vel Chald. ex B. Luca Euang. conscripta.

Prout jacet, ut ajunt, in Chald. lingua ex B. Luca desumpta.

احق، وبعقدنا. نأفيع عضر. لا ملكوتك. دبو. دبو. دبو.
امر. بعقدنا. افخا. نأ. نأ. نأ. نأ. نأ. نأ. نأ. نأ. نأ. نأ.
معه. ما. ج. سة. نأ. نأ. نأ. نأ. نأ. نأ. نأ. نأ. نأ. نأ.
ولا. ليجمع. حصة. نأ. نأ. نأ. نأ. نأ. نأ. نأ. نأ. نأ. نأ.

Eadem Chald. verbis, sed litteris Latinis.

ABVN d bafchmajo nethqadasch fchmoch rhiithe mal-
chuthoch. Nehue tzeuionoch ach d bafchmajo aph baa-
roo hab lan lahhmo d fun qohan cul ium vafchbuq lan hha-
than aph hlinan glier fchbaqn lecul d hha iobin lan v lo
thaaelan lenafiuno elo phruqan men bishchio.

Eadem Lat. verbis & charact. Sed non iuxta editionem Vulgatam B. Luca.

PATER noster qui es in cælis sanctificetur nomen tuum.
Adueniat regnum tuum. Fiat voluntas tua, sicut in cæ-
lo etiam in terra. Da nobis panem necessitatis nostræ, *vel*
necessarium nobis quotidie. Et dimitte nobis peccata nostra.
Nam & nos dimittimus omnibus qui debent nobis. Neque
introducās nos in tentationem. Sed libera nos a malo.

Oratio Arabicis verbis, & litteris conscripta.

ابانا الذي في السموات يتقدس اسمك تاتي ملكوتك
تكون مشيتك كما في السماء كذلك على الارض
خبزنا كفافنا اعطنا في اليوم واغفر لنا خطايانا لاننا
نعفر لمن لنا عليه ولا تدخلنا التجارب لكن تجننا من

الشري

Eadem

Eadem Arabicis verbis, sed Latinis litteris.

ABANA lladi phissamauari it cades esmoca tati mala cu-
toca racuno mascitoca choma phissamai chedhaleca-
ghlallardi chobzana chephaphona agtona phil i aumi agh-
pliar lena chataiana loenniana naghphar leman lena galaihi
vua la tadcholnal' tagarabi lachen nagna min sciarriiri.

Eadem Latinis verbis & characteribus.

PA T E R. noster qui es in cælis, sanctificetur nomen tuum.
Adueniat regnum tuum. Fiat voluntas tua, sicut in cælo
ita super terram. Panem nostrum sufficientiæ nostræ da no-
bis hodie. Et dimitte nobis peccata nostra, nam & nos di-
mittimus unicuique debitori nostro. Et ne nos inducas in ten-
tationem. Sed libera nos a malo.

Dominica Oratio Armenice conscripta.

Հայր մեր որ յերկինս դես տուրք եղիցի անուն քո: Եկեացէ
արքայութայ քո եղիցին կամք քո որպէս յերկինս և ի երկրի.
Հնաց մեր հանապազորդ տուր մեզ այստար և Թող մեզ զպա-
արտիս մեր որպէս և մեր Թողուցէ մերոց պարտականաց և մի
տանիք զմեզ ի փորձութան այլ փարկեայ զմեզ ի չարէ զի քո
է արքայութի և զաւրութի և փառք յաւիտեանս. Ամեն.

Eadem Armenicis sed Latinis litteris.

HA I R. mer or iercins, des furb eglizzi anun cho: eccfzge
archaiutai. cho eglizzin cham cho orpes iercins, eu ier-
cri. Zhazt mer hanapazord tur mez aifaur eu thogl mez
zpaartis mer orpæs eu mech thoglumelh merozt partpanazt
eu mitanir zmez i phorxuthai ail pharceai zmez i zaræ. Zi
cho æ archaiuthai eu zauruthai eu pharhch iauiteans. Amen.

Oratio Aramæa Latinis litteris conscripta.

EYN raad rhuun vuyt yn y nefoedd, fanteiddier yr he-
nuu tau. Deued ydyrnas dau. Guu neler dyuuollys, ar y
ddayar megis ag yn y nifi. Eyn bara beunyddauul dyro inni
heddiuu. Amaddeu ynny cyn deledion: megis ag i maddeu-
vun indeledunyr nifau. Ag na thouuys ni i brofedigaeth.
namyn guuared ni rhag druug. Amen. Hoc est.

A a a 2 *Eadem*

Eadem Latinis verbis & litteris.

NOSTER pater qui es in ipsis cælis, sanctificetur illud nomen tuum. Adueniat illud regnum tuum, fiat tua voluntas super illam terram sicut & in illo cælo, nostrum panem quotidianum da nobis hodie, & remitte nobis nostra debita sicut etiam remittimus debitoribus nostris. Et ne inducas nos in tentationem, sed libera nos a malo. Amen.

Oratio in lingua Germanica communi,

Vns'er Vatter der du bist im himmel. Geheiligt vuerde dein nahme. Zu khomme vns dein reich. Dein vuille geschehe gleich vuie im himmel also auch auff erden. Vnsere taglichs brott gib vns heutte. Vndt vergieb vns vnsere schuldt, als vuir vergieben vnseren schuldern. Vndt liete vns nicht in versuchung. Sonder errette vns von dem bosen. Amen.

Hæc lingua solet adiectiua, & pronomina præsertim demonstratiua nominibus præponere, si nihil intercedat. Hinc oratio a voce, Vns'er, idest, Noster, non à Vatter, idest, Pater, cuius sumus: & ab Heluetica non multum discrepare videtur: nonnullasq. voces Latinas parum detortas retinere indicatur, ut Vatter pro Pater, & Nam'o, vel Namen Heluetica pro Nomen: & id genus alia voces non pauca.

Oratio Germanice in Heluetijs conscripta.

FATER ijs'er, du in hijnele bist, din namo vuerde geheiligot. din riche chome. din vuillo gesrehe in erdo also in himel. Vns'er ragolicha brott tib vns hinto. vnde vnsere sculde belaz ijs, als auch vuir belasend vnseren sculdigen. Vnd in chorunga nit leitest du vnsich. Nun belose vnsich so-
ne vbele. Amen.

Sunt qui dicant Fater, alij Vater pro Pater.

Oratio sermone Bohemico, qui præceteris huius lingua dialectis cultior existimatur, & Scotica respōdet.

OTOTZIE nafs, genz sy na nebesich. Ofzuuiet se meno tuue. Przid kralo vustuuij tuue. Bud vule tuua yakona nebi, tak y na zemi. Chleb nafs vuezdeyssi dey nam dnes. Y odpust nam nassie vuiny, yako y my odpaushtime nassim vuinikom. Y ne uvuod nafs do pokussenij. Ale zbauu nas od zleho. Amen.

Domi-

Oratio Dominica Heluetice conscripta.

V Atter unser der du bist im himmel. Geheliget vuerde din namen. Zu chom vns din rich, din vüill der uerde vol bracht vfferden vie im himmel. Vnser teglich brott gib vns hiit. Vnd vergib vns vnser schuldr, als vuir vergebet vnser schuldnere. Vnd fur vns nit in versuchnus. Sonder erlos vns vor allem vbel. Amen.

Dominica Oratio Hungarice conscripta.

M I ATTIANK ki vagij menniegben, zenteltessek az the neued, loion the orzagod legien the akaratod, mikopen menijben, azonkepen it az foldon, mi keniereonket minden napit aggiad mi nekeonkma, es boczasd meg h mi nekeonk az mi vetkeijnket, mikopen mies meg boczatunk az mi ellenonk vetetteknek, es ne vigij minket az keserteben, de zabadicz minket, minden gono ztul. Amen.

Oratio Dominica Anglice conscripta.

O VR Fater vuhiche arte in heauen. Halouued be thy name. Thy kyngdome come. Thy vuyll be done in earthe, as it is in heauen. Giue vs lhys day our dayby bread. And forgeue vs oure trespasses, as vuc forgeue oure trespassers. And leade vs not in to temptacion. But delyuer vs from euyll. So be it.

Hac lingua multas voces tum Germanicas tum Saxonicas habet desortas: & pronomen nominibus solet praponere. Anglici item dicunt. So be it, pro Amen, idest, ita fiat. Hinc eandem Orasionem Latina lingua reddere nobis visum est.

N OSTER Pater qui es in cælis. Sanctificetur tuum nomen. Tuum regnum adueniat. Tua voluntas fiat in terra sicut in cælo. Da nobis hodie nostrum quotidianum panem. Et dimitte nobis nostra debita, sicut & nos dimittimus nostris debitoribus. Et ne inducas nos in tentationem. Sed libera nos a malo. Amen. vel ita fiat.

Oratio

Oratio Islandice conscripta, quæ Gothicæ respondet.

BADER vor; sun ert ai himmum, helgizt bitt namb ti.
 Tomititt rite. Verdi tinn vile, suomš ai himme, so ai
 podu. Burd vort daglgt geb tu ofz i dag. Og bergeb ofz
 stullden vorn, suo sem vi bergebun stulldu vorn. Ant leid
 ofz eti breift ni. Helldur brella tu ofz berillu. Tatz sie.

Hæc lingua in pronuntiatione est Anglicæ adsimilis, quia Anglica ortum habuit a Saxonica, vel Teutonica: differt autē, quia hæc nominibus præposita non præponit sicut illa.

Oratio Dominica vernaculo Rhetorum sermone conscripta, quem vulgo Romanum appellant.

BAB nos, quel tū ist in eschil, santifichio saia ilg tes num.
 Ilg tes ariginam vigna ter nus. La rhia vogglia vaipita
 in terra, sco la fo in eschil. Do a nus nos pauu houtz & in
 miinchia di. Parduna a nus nos dbits, sco nus fain a nos dbi-
 raduos. Nun ens mēer in mel aprouamaiat. Dimperse-
 maing spendra nus da tuots mels. Amen.

Oratio Dominica Hibernice conscripta.

AIR nathir ataigh air nin. Nabzfar hanimb. Tigiuh
 air da riathel. Deannur da hoil anhuoit air nimh agis
 airtalamh. Air naran laidhthuill rabhair dhuin a niomh,
 agis math duin dair fhiacha amnnil agis mathumuid dar
 feuphnuim; agis na trilaic astoch sin anauseu; ac far sin o
 ole. Amen.

*Hæc lingua Hibernica est antiquissima. Et ita nobilis, ut nunquam passim sit alterius
 exteri idiomatis mixtionem. Et valde copiosa in dicendi modis existimatur. Hebraica lin-
 gua tum characteribus, tum pronuntiatione & punctis aliquas ex parte responder.*

Oratio Dominica Lusitanica conscripta.

PADRE nosso que stas nos ceos. Santificado seia o teu no-
 me venha a nos o teu reino. Seia feita a tua vontade, Assi
 nos ceos, como na terra. O paõ nosso de cada dia, dano lo
 vienesta dia. E perdoã nos seño as nossas diuidas, assi como
 nos perdoamos aos nossos diuidores. E não nos dexes cair
 in tentação. Mas libra nos do mal. Amen.

Oratio Dominica in lingua Flandrica: quæ parum differt ab illa quæ Brabant, Holand, Zeland, Frisi, & alij inferioris Germaniæ videntur.

ONSE (oder uuse) vader die ghy syt in den hemel, gheheelicht vuerdet dyn (oder uunne) name. doe tomme uûs dyn rycle. dyn vuille geschie vp erde, ghelycl in den hemel. uûser daghelicls brood gheff uûs heden. ende vergheft uûs uûse schûlden, ghelycl vuy vergheuen uûse scûldonaren. ende leet (oder brinck) uûs niet in becooringhe. maer verlost uûs van den quaden (oder boossem). Amen.

Eadem Illyrice, vel Sclauonice

СУЕ НАШЪ, КН НСЫ НА НЕБЕСЪХЪ, СЪБЪТНСЕ ИМЕ ТВОЕ. ПРНАДЪ ЦЕСАРЕТКО ТВОЕ. БОУ ДЫ ВОЛМ ТВОМЪ, КАКО НА НЕ БОУ, И НА ЗЕМАИ. ХЪЛБЪ НАШЪ ЕСАКА ДНН ДАИНАМЪ ДАНАСЪ. И ОПОУСТН НАМЪ ДОУГЕ НАШЕ, КАКО, И МНІ ОПОУЩАМО ДОУЖ НИКОМЪ НАШНМЪ. И НЕ ОУБЕДИ НАСЪ КЪ НАПАСТЪ. ДА ИЗВАКЪ НАСЪ О НЕПРНІАЗНЫ. АМННЪ.

Eadem Latinis litteris

OССЕ нас, kijiesi nà nebesich, svetise ime tvoje. Prighi kragleystvo tvoje. Budi voglia ruoja, kako nà nebu, tako i nà semgli. Kruh nase sv akdani daj namga danas. I od pusti nam dughe nase, kako i mi od pustujemo duhnikom naseciem. i ne uvedi nas u napast, da oslobodi uas od sla. Amen.

Eadem Polonice.

OCZIECZ, nasch ktory iestofz vunyebye. Svuyecz sie gymye tvua. Przydy tvua kroliestvo. Bandz vuolya tvua, yako vunyebi, y na zemij. Chlieb nasch povu schedny day nam dzy fay. A odpuscZ nam vyny nascha yako y my odpuszczamy vuynovua ytzom naschym. Nyevuodz nasz napokuschenye. Alye zbavu nasz od zlego. Amen.

Oratio

Oratio Sardonum oppidanorum lingua.

PADRE nostru qui istas in sos quelos, fiat sanctificadu su nomen teu. Vengat a nois su regnu tou, fiat fatta sa voluntade tua, gasi in terra, comente in quelu, su pane nostru de dognia die da nos hoc, & perdona nos sos deppitos nostros, comente noisateros perdonamus a sos deppidores nostros, & no nos lasses ruen in sa tètatione, mas libra nos de male. Amē.

Eadem ex communiori lingua, extra ciuitates.

BABBU nostru qui ses in sos quelos, santificadu fiat su nmine tuo. Aduengiat su rennu tou, fiat fatta sa voluntade tua, comente in su quelu gasi in sa terra, Su pane nostru de ogni die da nos lu hoc & perdona nos sos deppidos nostros, gasi comente noij perdonamus sas deppidores nostros & non nos lasses ruer in sa tentassione, mas libera nos de male. Gasi fiat

Oratio verbis Siniacis, vel Chiniacis, sed characteribus Latinis conscripta.

SCi gin ta fu ciu zai tien tin. Ngo iuon ta fu min ie hhiē
iam ngo iuon su gin ciuon scieu cui chiai ye giu tien gin suō
zum ta fu ngo iuon ta fu so in chu ngo. Ngo iuon ta fu sli ngo
yi ciē ngo iuon ta fu cio ngo ci zui gin gio hai ngo ngo ie ciē
ci. Ngo iuon ta fu ieu ngo guei scien pu mi zui hoh. Ngo iuon
ta fu chien ngo cu nan. Amin.

Hæc de varijs linguarum generibus, quibus Dominicam Orationem conscribendam curauī non solum multorum Virorum varias linguas callentium ope, quos supra recensui, verū etiam Bartholomæo Georgeuita, Henrico Glareano, Marino Temperizza, Ioanne Baptista Raymundo, Michaelē Rugerio e Soc. Iesū, Neāpolit. & Miahæle Gualtero Hiberno Sac. Theol. Doct. adiutus, necnon a singulo quoque, quoad potui, illius linguæ, in qua natus ipse est, vt diligentia in qualibet dialecto præstita videatur, eas accepi. Nunc reliquum est vt ad vārium scribendi vsum, & ad Bibliothecas, ac Typographias accedamus.

A P P E N D I X
DE VARIO SCRIBENDI VSV,
NECNON DE BIBLIOTHECARVM
I N S T I T V T I O N E ,

A C T Y P O G R A P H I I S
*pro scientiarum monumentis , historijsq.
tradendis , & conseruandis .*



NTEAQUAM ad perpolitum scribendi modum & ingeniose excogitatum, quem hodie in vsu frequenti esse videmus, perueniretur, varium apud homines diuersis tamen ætatibus scribendi vsum extitisse inuenio.

Filij Seth, & Adam nepotes, hac in re primū in quodam scribendi genere locum occuparunt: Ipsi enim anno Mundi 235. vt Iosephus testatur, in duabus scripserunt Columnis, quarum vna lateritia erat, altera ænea, siue marmorea: illa contra ignis conflagrationes, hæc contra aquæ alluiones vt monumenta ipsa diutius conseruarentur. Hinc Iosephus ad suam vsque ætatem columnam illam marmoream in Syria durasse affirmat, vt alibi me dixisse memini: nam nullum aliud scribendi genus ante diluuium extitisse constat. Post autem vniuersale diluuium, atque ante hodiernum chartarum vsum, palmarum folijs scriptitatum esse, Plinius affirmat, dicens: Prius tamen quàm digrediamur ab Aegypto de papyri natura dicetur, cum chartæ vsu maxime humanitas vitæ constet, & memoria. Et hanc in Alexandri Magni victoria repertā, auctor est Marcus Varro, condita in Aegypto Alexandria, ante non fuisse chartarum vsum, sed in palmarum folijs primo scriptitatum: deinde quarundam arborū libris. Postea publica monumenta plumbeis voluminibus, mox & priuata linteis confici cœpta, aut ceris. Pugilarium enim vsum etiam ante Troiana tempora inuenimus apud Homerum. Et infra: Mox æmulatione circa Bibliothecas Regum, Ptolemæi & Eumenis, supprime chartas Pro-

*Iosephus
lib. 1. Antiq. & Genabr. lib. 1. Chron. 235.*

Pag. 82.

Plin. lib. 13. c. 11.

Eumen. Pergami Rex Ptol. Egypti.

lemæo, idem Varro membranas Pergami tradidit repertas. Hæc Plinius, qui hisce verbis mentionem faciens de varijs scribendi generibus, ait primo scriptitatum fuisse in palmarum folijs, vt Virgilius præferre videtur in sexto libro Aeneidos, dicens:

Folys tantum ne carmina manda.

Ex huiusmodi scribendi vsu ad hanc vsque diem nomen chartæ remansit: charta enim folium nuncupatur. Deinde quarundam arborum libris, hoc est corticibus ligno adherentibus scribi cœpit. Hinc volumen, in quo scribimus, liber appellatus est, atque ite cōdex, qui est arboris truncus, ex quo cortex extrahitur, vt ex Columella colligitur: antiqui enim ad scribendum tabulis item ligneis utebantur cera obductis, in quibus stylo scribebatur: ob idq. Tabulæ ceræ, vel lignæ, siue alterius materiæ, in quibus scriptitabatur, pugillares dicebantur, vel quod pugno comprehendebantur, vel a pun-gendo, quod stylo in his pun-gendo scribebatur. Varijs autem nominibus pugillares apud veteres vocitabantur, alij scilicet lintei cera obducti, citrei, alij eborei, alij membranei dicti sunt, ex linteis, ex citro, ebore, & mēbranis confecti: quorum hi hac etiam tempestate ab aliquibus adhiberi solet, dum quædam, ne memoria excidant, scriptis breuiter mandant. Ab huiusmodi scribendi genere Tabulæ pro libris apud Romanos frequenter dictæ sunt, Tabulas autem non modo ligneas, vel linteas cera obductas, verumetiā plumbeas, æreas, atque lapideas, siue marmoreas fuisse constat.

Quamvis autem post vetustissimum scribendi genus in palmarum folijs, in aliarum item arborum corticibus, vt pote ab Ulmis, Platanis, Fraxinis, atque Alnis, quæ facile decorticantur, scriptum esse dicendum sit, vt ex Plinio colligi potest: ex eodem tamen Plinio patet scriptitatum fuisse in papyro, arbuscula quadam, præcipue in Aegypti palustribus ad Nilum nascente, radicem, vt ait Matthiæolus, obliquam habente, triangulis lateribus, decem non amplius cubitorum longitudine, in gracilitatē fastigiata, thyrsi modo cacumen includente. Ex hoc igitur frutice præparabantur chartæ, acu diuisæ in prætenuēs, & latissimas phyliras, quæ eo meliores erant, quo mediæ papyro propinquiores, quæ ab huius

fruticis

Saxta. /

Colum.
lib. 5. cap.
10.

Volumen. /

Codex. /

Colum. li.
4. cap. 8.

Tabulæ. /

Pugillares. /

Linus 4.
lib. ab Vr-
ba cond.
Plin. lib.
13. c. 13.

Papyri de
scriptio
ex Mat-
thiæolus in
Dioscor.
lib. 2. cap.
96.

fruticis appellatione etiam papyri nomen acceperunt. Hinc ab huius item fruticis nomine chartas nostras, quæ ex contritis linteis fiunt, papyrum hodie appellamus, eo quod eundem nobis præstent vsum, quem olim Aegyptijs præstabat papyrus. Huius generis materiam, siue prætenues cortices arborum scriptas, artificio tamen quodam, ut opinor, præparatas ad characteres suscipiendos ac retinendos, non semel vidi in Bibliotheca Vaticana. Vidi etiam aliâ corticem scriptam, sed rudiorē, atque ita, ut arboris cortex esse omnino dignoscatur: quam Aldus Manutius penes se diligenter asseruat. Vidi librum item corticeum, paginas habentem adeo tenues ut duæ pagellæ pro vna suscipiantur, altera tantum facie impressa. De huiusmodi libro, quem superioribus annis Magister Spiritus Vicentinus summus Augustinianorum Magister SIXTO V. dono dedit, nec non de Typographia ab Indis inuenta antequam in Europam fuisset aduecta, in Indica lingua loquuti sumus. Vidi etiam alios huius generis libros asseruatos penes Michaelē Rugerū Neapolitanum ex Societate Iesu, qui Sinis, hoc est in Regno, quod vulgo dicitur China, xj. annis est commoratus, quiq. mihi dono dedit paginam vnā, in qua oratio Dominica, & salutatio Angelica characteribus Siniacis impressæ leguntur.

Pag. 341.

Chartæ denique siue membranæ genus, quod velut postremo ante chartam ex linteis cōfectam repertum, in Bibliothecis, & alibi passim inuenitur, est membrana, ut tradit Plinius ex Varrone, inuenta Pergami, quod est Asiæ ciuitas, eaq. deinde charta pergamena vulgo vocitari cœpit. Membrana autem dicitur eo quod de animalium membris detractæ sint, in quorum tergoribus ab vno primum latere scribi cœptum, deinde ab utroque derasis pilis. Membranæ vsus Pergami regnante Eumene initium habuisse dicitur: hinc ad hanc vsque diem tradente sibi inuicem per manus posteritate pergamenæ nomen seruatum est. Huius generis charta apud Romanos fuit in frequenti vsu, sicut non solum codices docent vetusti, verum etiam ipsa Latinorum scripta, ut videre est in Cæsaris commentarijs, in Horatio, in Liuiο, in Plinio, Quintiliano, Martiale, & alijs; & præsertim in Cicerone, qui, ut ait Plinius, in nuce inclusam Iliada, Homeri carmen in membrana scriptum tradit.

Membrana.

Pergamena.

Plin. li. 7.
cap. 21.

Iosephi.
12. antiq.
cap. 2.

Plin. lib.
13. c. 13.

Herodot.
lib. 1.

Tertull.
de preser.
Genebr.
ib. 1. an-
no mundi
3408.
Genebr.
anno mil-
li 2670.

Plin. lib.
22. c. 13.

Pag. 308.
☉ 347.

Quamuis autem Varro scribat, Ptolemæi, & Eumenis Regum temporibus membranas per æmulationem fuisse inuentas, ex Iosephi tamen scriptis, multo antequam tradit Varro, esse repertas, & apud Hebræos in vsu olim fuisse colligitur: Iosephus enim dum de libris sacris per septuaginta duos interpretes in Græcum transferendis ab Eleazaro sacerdotum principe ad Ptolemæum Philadelphum missis mentionem facit, Regem Ptolemæum de maxima membranæ tenuitate, ac de incomprehensibile compagine maiorem in modum admiratum fuisse testatur. Herodotus item priscum in pellibus caprinis, & ouillis scriptitandi vsum fuisse affirmat. Hinc eundem chartæ vsum ad Romanos manasse constat: atque ex huiusmodi charta Numæ Pompilij libros, de quibus loquitur Plinius, confectos fuisse amplius trecentis annis ante Alexandrum Magnum credendum est. Anno enim ab Vrbe condita CCCCXXVIII. Alexander Magnus regnavit, & Alexandriam in Aegypto condidit. Anno autem 38. ab Vrbe condita, & anno item ætatis suæ 38. Numa Pompilius regnare cœpit, & sacra, & cæremonias, atque Pontifices Mosaicis consimiles instituit, vt ait Tertullianus. Adde etiam quòd, Genebrardo teste, Moyse, qui fuit ante Numam Pompilium annos circiter mille, paulo ante mortē membranarum volumina Pentateuchi tresdecim ad vltimum vsque legis elementum anno mundi 2670. exarauit.

Eiusdem generis, aut materiæ libros Sybillinos Tarquinio Superbo traditos fuisse opinari quis potest, cum quingētos circiter annos Numæ Pompilij libros sub terram illæsos fuisse asservatos Plinius affirmet: nisi cum eodem Plinio, eos super lapide impositos, & cedratos, etiam si papyracei fuissent (vt idem Plinius videtur innuere, cum ait eos libros fuisse ex charta, quæ vt plurimum pro papyro sumi solet) nec computrescere, nec a tineis corrodī potuisse dicamus: charta autem, quæ est vox Græca, a Latinis, & ab Africanis, vt diximus, vsurpata, tam ex papyro, quàm ex pellibus animalium membrana recte vocitatur: hinc non facile dignosci potest, num Hebræorum & Numæ Pompilij volumina, vel papyracea, vel pellicea fuerint: nam Membranæ nomen & papyraceis, & pelliceis chartis commune esse comperi: vtrumque autem genus, siue papyraceum

papyraceum, siue pelliceum, vel pergamenum, vel plumbeum, ut in Suetonio videre est, charta dici solet.

Charta vero, quæ & pagina nuncupatur, quasi a pangendo, quod in paginis carmina pangantur, id est figantur (versus enim pangi, vel figi in pagellis dicuntur) ab vrbe Tyri ita dicta hoc nomen accepit, ex qua & Dido dicta fertur, & a se conditam Urbem, Chartaginem appellasse, ut vulgo putatur. Isidorus autem vult dici, chartam, quod carptim papyri tegmen decerpitur glutinatur: sed neutra huius nominis Græci, *Sueton. in Nerone. Polid. vir gil. lib. 2. cap. 3. Petrus Mess. par. 3. cap. 2. & alij.* *pagina*

charta, *χάρτιν*, declaratio Græcæ vocis orthographiæ respondet. Vt cumque autem sit, varia sunt chartarum genera: alia enim charta sortita est sibi nomen ab usu, alia a loco, alia ab inuentore ipso. Ab usu, ut hieratica, antiquitus sacris tantum voluminibus dicata: imperialis interdum dicta: deinde adulatorie Augustana, necnon Liuiana, ab Augusti vxore. Alia a loco, ut Amphitheatrica, ab Amphitheatro: Saitica ab oppido, necnon Tæonitica a vicino loco. Alia ab inuentore ipso, ut Fanniana a Fannio, qui chartam insigniorem reddidit: & Claudiana a Claudio, cuius temporibus fuit in meliorem usum aut formam redacta, ceterisque præstantior existimata. Fuit etiam Bibula, & Emporetica papyrus: Bibula a bibendo, quia sorbet atramentum, dicta, de qua Lucanus:

Conficitur bibula Memphitis charta papyro.

Emporetica vero inutilis in scribendo, & inuolucris chartarum tantum, atque mercium, usum præbens, *απὸ τῶν ἐμπορευμάτων*, id est a mercatoribus, nuncupata est. Hæc ex crassioribus linteolis & absque glutine confecta etiam hodie mercatorum vsui deseruit. De his chartarum generibus, ac de eas conficiendi modo Plinius copiose scribit, a quo Polidorus Virgilius, Petrus Messias, & alij accipere quidquid de chartarum inuentione, atque usu scripserunt.

Reliquum est, ut de charta, qua hodie omnes fere uti solent, sermonem habeamus. Hæc ex linteolis contritis multiplex fieri solet iuxta varias telarum species, quarum vna prætenuis, altera minus, tertia rudior, aut crassior, quarta vero crassissima, quam Latini vocant telam cannabaceam, filo admodum raro, & rudi contextam, Italice autem *cannanaccia*: ex ijs tribus fiunt chartæ ad scribendum, & ad imprimendum optimæ: ex quarta

Charta emporetica, siue bibula.

De modo conficiendi varias chartarum species.

quarta specie iuxta varium telarum colorem fit charta bibula & emporerica, quæ mercium inuolucris deferuit. Fit autem charta ex telis in frustra secatis, & in mortario ligneo, interiori tamē atque inferiori parte mortarij ferro cooperta, ferreoq. pistillo contritis: quæ quidem prius quindecim dierum spatium in aqua marcescunt, deinde dum teruntur, perpulchro sane artificio, lauantur, atque ita, ut fluxibilitate, & albedine lacteum præsentent colorem. Postquam vero huius generis massa quatuor ac viginti horarum intervallo contrita in materiam subtilem ac fluidam redacta est, illa eadem super forma, siue, ut aiunt, modulo filis æneis iuxta latitudinem, longitudinem, & profunditatem folij, quod faciendum curatur, confectio, extenditur, deinde ipsum chartæ folium ad aerem exsiccat. Vbi vero exsiccatum est, in aquam, in qua excocta sunt pellium bouillarum residua, siue nerui, immittitur, & statim inde, ex aqua scilicet illa, hoc est glutino extrahitur, & ad aerem iterum exsiccat, exsiccatumq. super tabula lapidea, frusto marmoris fricatur, & expolitur: atque hunc in modum charta suam ipsius recipit perfectionem.

Chartariæ officinæ in Europa multæ sunt; sed Italia omnibus alijs præstantiores habere existimatur. Quæ autem sunt in Fabriano, & chartarum copia, necnon præstantia ceteras excellunt officinas: in ijs enim omnia chartarum genera, & optima quidem conficiuntur, præsertim vero tres chartarum species, Papalis scilicet, Imperialis, & Regalis, quæ non nisi eo in Opido confici solent. Quamvis autem charta ex omni genere, maxime omnium continens atramentum, ne effluat, Fabriani conficiatur: Fulginea tamen paginula tantæ est præstantiæ, ut nulla alia cum hac conferri queat. Multæ aliæ in Italia chartariæ extant officinæ, quæ breuitatis causa subtrahuntur. Sunt autem in ora Salonina officinæ insignes circiter viginti, quarum charta est ad imprimendum optima, sed non satis alba. Extra Italiam Lugduni in Francia, Francofurti in Germania, & alibi chartæ conficiuntur. Hæc de chartarum inuentione, atque usu ante typos inuentos, necnon de earumdem officinis: nunc reliquum est, ut de Bibliothecarum inuentione, incremento, & situ atque conseruatione, necnon de librorum ordine sermonem habeamus.

A P P E N D I X D E B I B L I O T H E C A R V M I N V E N T I O N E , E T I N C R E M E N T O ,

ac de ceteris rebus ad eas pertinentibus.



QUOD docta hominum scripta veram ingeniorum effigiem, veraque necnon æterna monumenta esse dixit; & dixisse vere, & præclare sensisse mihi certe videri solet. Hinc Agesilaus Lacedæmoniorum Rex, Plutarcho teste, animi tantum monumenta posteris relinquere studens, sui corporis simulacrum effingi haudquaquam passus est, tamen id facere multi cupiebant: quippe qui hoc sculptorum aut pictorum, illud suum: hoc diuitum, illud bonorum opus esse affirmabat. Hac igitur, ut reor, ratione Reges olim, & Imperatores, & locupletes homines bonarumque artium cultores Bibliothecas instituerunt: & id ipsum iam inde ab orbe condito factum esse opinandum est, cum omnium primum Enoch, ab Adam septimum, libris aliquid mandasse, ex epistola B. Iude colligatur. Huius Prophetæ a Tertulliano citantur scripta, quibus Enoch ipse idolorum fabricatores & cultores in comminatione, ut Tertullianus ait, prædamnat. Hisce in scriptis Enoch vaticinia dicuntur esse de ijs, quæ Patriarcharum nepotibus euentura erant: de futuris Hebræorum sceleribus, & poenis, de Hebræorum euersione, & captiuitate, de mundi Saluatore ab Hebræis occidendo, deque eorumdem perpetua inter Gentes dispersione, & de Christo ad iudicium cum Angelis venturo: immo Ioannes Annius Commentario in Be-rosum scribit, in iisdem Enoch scriptis celebre fuisse vaticinium de geminis totius terræ cladibus, altera per inundationem, altera vero per incendiū futuris: additque hoc ipsum vaticinium ab Enoch in duabus columnis, altera lapidea, quæ aquis resisteret, altera latericia, quæ superesset ignibus, fuisse insculptum. Alij autem columnas hæc astrologia insignitas Seth & Enos, necnon illius filijs, & Adæ nepotibus adscribunt, ut supra a nobis dictum est. Eadem Enoch scripta a Procopio frequenter citantur, & ab Origene non raro, qui ait in ijs comprehensa

*Plutarch.
in vita
Ages.*

*B. Iuda
Epistola.*

*Tertullia-
nus lib. de
Idol. non
procul ab
initio.*

*Pag. 22.
Ex Go-
nebrardo
chrō. pag.
7. & 14.
Orig. ho-
mil. 28. in
Num.*

*Genebrardus lib. 1.
pag. 7. &
11.*

*Augu. de
Ciuil. lib.
15. c. 23.
10. 5.
Hierony.
item in ca
put 1. Ep.
ad Titum
scribit li-
brum apo-
cryphum
Enoch ci-
tatur a Iu-
da. 10. 6.
prope finē
epist.*

*Publiu
Vitt.*

Pag. 48.

prehensa fuisse arcana de plagarum cæli, omniumq. stellarum, atque siderum nominibus, prout extant apud Christianos Aethiopes in regno Regina Sabæ, & abyssino idiomate conscripta, vt ait Genebrardus. Quamuis autem S. Pater Augustinus dicat, nimiam antiquitatem effecisse, vt huiusmodi scripta apocrypha censeantur, ne per occasionem eorum falsa pro veris infererentur, negari tamen non potest, teste B. Iuda Apostolo, Enoch prophetasse, & prophetice saltem scripsisse; etiamsi scripta ipsa hodie non extant, quæ tamen diuina virtute in diluuiio seruari, vel Beato Iudæ, & alijs reuelari potuerunt.

Qua de re sicut primam illam mundi ætatem plura aliorum hominum scripta habuisse coniectare licet, quamuis eorum memoria ob vniuersalem inundationem non supersita etiam ad prædecessorum monimenta conseruanda, & ad posteros iuuandos illius sæculi homines coaceruasse libros, atque ex ijs Bibliothecas instituisse coniiciendum est. Multas autem post vniuersale diluuium extitisse Bibliothecas nemo est qui inficias eat. Fuerunt enim permultæ, & insignes quidem, vt Hebraica a Moyse vna, deinde altera ab Esdra constructæ, necnon Babylonica a Nabuchodonosor, Græca a Pisistrato institutæ: hæc autem a Xerxe, deinde a Seleuco conseruata, & aucta: Bibliotheca Alexandrina, a Ptolemæo Philadelpho septingentis voluminum millibus constructa: Bibliotheca Apamienlis, in qua libri ad viginti millia, vt Plutarchus ait, extabant. Fuerunt item Bibliothecæ Romanorum publicæ, Publio Vittore teste, vnde triginta omni laude dignæ, vt suo iam loco dictum est. Fuerunt præterea Bibliothecæ ab Ecclesiasticis viris post Apostolorum tempora constructæ, vt Hierosolymitana a Beato Alexandro Episcopo & Martyre, Cæsariensis a Sancto Pamphylo presbytero, & Martyre institutæ. Extat denique Romanorum Pontificum Bibliotheca Vaticana iam inde a Beato Petro Apostolorum Principe, & Christi Saluatoris nostri Vicario instituta, & ab eiusdem Petri successoribus, & Christi Vicarijs conseruata, & aucta, necnon mirabiliter illustrata. De quibus omnibus suo iam loco diffuse loquuti sumus: hinc ijs prætermisiss, Bibliothecas, quas hodie extare scio, hoc loco recensere libet, vt hac in re, nostram hanc ætatem a prisca illa omnino superatam non fuisse ostendamus.

Vt

Vt autem ab ijs, quæ extra Italiam sunt, Bibliothecis initium sumam, ab Imperatoribus exordiri libet, Maximiliano scilicet, & Rodulpho eius filio, quorum ille Viennæ Bibliothecam instituit nobilem, hic vero in dies auget, & exornat.

Alphonfus Arragonum Rex, & Siciliæ, vir sane doctissimus, Bibliothecæ exstruendæ diligentem nauauit operam. A Cosmo Mediceo seniore, Liuij Decades dono accepit. Quas cum euolueret, medicis prohibentibus, ne forte paginæ veneno fuissent infectæ; O stulti (respondit) an nescitis, Regum animas sub præcipua Dei Optimi Maximi tutela esse? A Venetis brachium ex reliquijs Titi Liuij summi muneris instar obtinuit, ut ait Panormitanus libro de rebus gestis Alphonfi. Cum arcem Neapolitanam instaurare decreuisset, Vitruuij de Architectura librum offerri ad se iussit. Verum cum sine ornatu, ac sine assensibus allatus esset: Non decet (inquit) hunc potissimum librum, qui nos quo modo contegamur, tam belle doceat, detectum incedere. Librum igitur egregie ad vsum parari mandauit, & omnibus semper ædificijs adhibuit. Hæc ex Panormitano, loco supra citato. Idem Alphonfus cum aliquando de iactura rerum pretiosarum sermo haberetur, persancte affirmasse dicitur, malle se gemmas, vniones, margaritas suas, quæ quidem essent in toto orbe celeberrimæ & pretiosissimæ; quàm libros qualescumque perditum iri. Hæc idem Panormitanus libro quarto de rebus gestis Alphonfi, qui non minus ob Bibliothecam clarus euasit, quàm armis, quibus Neapolim coepit, & Apuliæ regnum, pulso Renato, obtinuit.

Matthias Coruinus, Rex Hungariæ, Budæ, (quæ est Hungariæ Metropolis, & capta a Turcis dissipata) magnificam, & locupletem extruxit Bibliothecam. Hic magnam Bohemiæ partem subegit: postremo Bohemorum Rex electus, bello clarus, ob Bibliothecam institutam clarior euasit.

Franciscus I. Galliæ Rex non minus item litteris quàm armis clarus, Parisijs in Abbatia sancti Victoris, & in arce Fontanablio Bibliothecas instituit, quas conquestis yndique ex media Græciâ, & Arabia libris illustrauit, & viros eruditos eam ob rem suis sumptibus diu aluit in Oriente. Ea vero, quæ sancti Victoris dicitur, ob ingentem librorum copiam, quæ quidem

mira est, adeo celebris est vt in vniuersa Gallia, in qua plurimæ fuerunt, & ad hanc vsque diem extare dicuntur, celebrior existimetur.

Extat item Cracouiæ Bibliotheca insignis a Poloniæ Regibus instituta, quæ ad nostra vsque tempora conseruatur, & augetur in dies a Sigismundo tertio Rege.

Sunt qui dicant in Atho Thraciæ monte multas Bibliothecas Græcas reperiri: sed id affirmare non ausim, cū nihil certi inuenire potuerim. Hoc in monte, qui est editissimus, & speculationi aptissimus, duo & viginti Monasteria ex instituto sancti Basilij extare accepi, vbi etiam Monachi ad septem millia commorantur contemplationi incumbentes.

Philippus Hispaniarum Rex catholicus regijs sumptibus, regioq. ornata Bibliothecam instituit, & quotidie augere, atque illustrare non mediocriter studet. Bibliotheca hæc dicitur Escorialis a monte, vbi sita est, sic dicto, in quo Rex coenobium sancti Laurentij a fratribus sancti Hieronymi inhabitatum suis, & ingentibus quidem sumptibus a fundamento mirifice construendum curauit: in cuius Ecclesiam Reges Hispaniarum defunctos, hinc illinc transferendos, atque inibi regio honore locandos mandauit.

Frater Franciscus Ximenes de Cisneros ordinis Minorum de Obseruantia, Archiepiscopus Toletanus, & Cardinalis sanctæ Balbinæ, Bibliothecam insignem Compluti instituit, nobilissimamq. Vniuersitatem illam Complutensem erexit, Complutensiaq. Biblia sumptibus immensis, laboribus, ac vigilijs elucubrata, varijs item linguis, & Interpretibus illustrata edidit Anno Dom. M. D. X. Leoniq. decimo dedicauit. Extant præterea aliæ in Hispania Bibliothecæ, vt Bibliotheca Benedicti Ariæ Montani viri quidem doctissimi, ac celeberrimi, et præsertim ob insignes elucubrationes in Biblia olim ab eo editas 1569. quæ sane Editio Regia Quadrilinguis nuncupatur. Extat etiam Bibliotheca Antonij Augustini Archiepiscopi Tarraconensis, & Michaelis Thomasi Episcopi Ilerdensis, atque item aliæ priuatorum hominum permultæ.

Extat ætate nostra Fuggerorum Augustana Bibliotheca locupletissima, quam Fuggeri, vulgo Fuccari, mercatores ditissimi Augustæ Vindelicorum Germaniæ Urbis celeberrimæ, a Germanis

Germanis sua lingua Augspurg dictæ, admirandis impensis instituerunt. Quam præsertim ob rem clariiores, ac Principes euaserunt, quippe qui vbi vis gentium antiqua scripta per Bartholomæum Amantium, & Petrum Appianum viros eruditissimos diligenter, immensisq. sumptibus conquirenda curarunt. Quæ profecto res non minus admirabilis, quàm laudabilis ab omnibus existimatur.

Multæ item extra Italiam extant Bibliothecæ, tum publicæ, tum priuatæ, quibus breuitatis causa ommissis, ad Italiæ deueniemus Bibliothecas, inter quas Vaticana primum occupat locum, immo & loci dignitate & excellentia, necnon ex omni genere librorum manu scriptorum antiquitate, & auctoritate, atque copia, omnium Bibliothecarum, quæ in Europa extant, celeberrima est, & admiratione dignissima iudicatur, nunc præsertim mira Sixti V. Pont. Maximi magnanimitate, in splendidiorem, ditiolemq. locum translata, & aucta, maioremq. in modum illustrata, de qua multo plura suo iam loco a me dicta sunt, vbi de Bibliothecis antiquorum, & Romanorum Pontificum habui sermonem. Hanc enim Bibliothecam erexit, missis quoque versus viros eruditissimos ad comparandos libros, Nicolaus V. Lunensis ex oppido Sarazana Latinæ linguæ, & bonarum artium illustrator, qui doctis viris tam in humanioribus, quàm in diuinis litteris magna stipendia assignauit. Eandem Bibliothecam Sixtus IV. auxit, & illustrauit, sed Sixtus V. multo magis, vt dictum est. Quid de veteri, quam in Lateranensi Patriarchio sitam, & a Petro ortum traxisse diximus, factum sit, nihil certi affirmari potest, sed eam a successoribus, vel in Bibliothecam sancti Petri, vel in Vaticanam fuisse translata opinandum est: nam de Bibliotheca Romana mentionem facit sanctus Gregorius Magnus, scribens ad Eulogium Episcopum Alexandrinum. De duabus in Baptisterio Lateranensi Bibliothecis ab Hilario sancto Pont. Rom. constructis, vt ait Genebrardus, ac de Gelasij Papæ præsertim libris contra Nestorium, & Eutichen inibi asseruatis mentionem facit Liber, qui dicitur Pontificalis.

Extat Venetijs publica Reipublicæ Bibliotheca insignis, tam Græcis, quàm Latinis libris instructissima, quam instituit Bessarion Nicænus, vir apprimè eruditus & clarissimus, S. R. E.

Pag. 52.
53. 54. 55
ib. 56.

S. Anton.
par. 2.
chron. tit.
22. c. 12.

Pag. 59.

S. Greg. li.
7. epist. 29

Geneb. lib.
3. anno
Christi.
463.

Libro 1.
epist. 2.

Cardinalis, & Patriarcha Constantinopolitanus.

Hanc nobilem, & copiosam Bibliothecam Bessarion eidem Reipublicæ dono dedit, ut ipse met testatur in quadam Epistola Italice conscripta, quam videre est inter litteras, quæ dicuntur Principum: sed ego huiusmodi Epistolam ab Autore latine exaratam, deinde a quopiam alio, ut ea inter litteras Italica lingua conscripfas infereretur, translatam dixerim. Epistola enim Italicæ linguæ puritate, & elegantia est satis plena: & ratio mihi persuadet, Bessarionem, hominem Græcum, altissimarumq. rerum studijs omnino dicatum, Italicæ linguæ flosculis industriosam haudquaquā nauasse operam. Adde etiam, quòd ad nobilissimam scribebat Rempublicam, ea potissimum tempestate, qua linguæ Latinæ quispiam non ignarus, frequentius Latine, quàm Italice ad familiares, & ad Principes præsertim scribere solebat. Vt cumque autem sit, in huius generis doni testimonium, subtexere libet Epistolā ipsam, qua Bessarion miram suam ipsius iam inde a pueritia industriam de conquirendis, & emendis, describendisq. libris pro Bibliotheca construenda enarrat. Qua in re facienda veram librorum excellentiam, & utilitatem docte declarat. Postremo autem tres recenset causas, aut rationes, quæ ipsum ad huius generis munus conficiendum recenset. Epistola autem hæc est:

All'Illustrissimo & Inuitissimo Principe, il Signor Cristoforo Moro, Duce; & all'inclito Senato di Venetia, Bessarione Cardinale, Patriarcha di Constantinopoli.

IO certamente fin dalla prima mia fanciullezza cominciai à metter ogni fatica, ogni opera, & ogni studio per poter hauer libri in ciascheduna sorte di scienze: la onde molti ne scriueua di mia mano, & tutti quei pochi denari, ch'io poteua sparagnare alla modesta mia spesa, io gli spendeua in comprar libri. Percioche giudicaua di non poter acquistarmi masseritia più degna & più nobile, nè tesoro più utile, & più eccellente: essendo i libri pieni delle voci de' sauij, pieni de gli esempi antichi, pieni di buoni costumi, pieni di legge, & pieni di religione. Essi vinono, conuersano, & sono letti con noi, ci insegnano, ci ammoniscono, ci consolano, & ci mettono auanti à gli occhi le cose antiche,

*utilità, & si hanno
da i libri.*

antiche, & lontane dalla nostra memoria, & tanta è la potenza loro, tanta la dignità, & tanta finalmente la diuinità, che se non fossero i libri, noi saremmo tutti huomini rezi, & ignoranti, senza hauer alcuna memoria delle cose passate, ò alcun' essemplio, nè finalmente alcuna cognitione delle cose diuine, & humane, & il medesimo sepolcro, che cuopre i corpi de gli huomini, coprirebbe ancor il loro nome. Et quantunque io in ogni tempo habbia sempre atteso molto diligentemente à raunar libri, l'ho fatto tuttauia con molto maggior caldezza dopo la ruina della Grecia, & la miserabile cattiuà di Constantinopoli, hauendo io posta ogni mia forza, ogni pensicro, ogn' opera, ogn' industria, & finalmente ogni facoltà mia per hauer libri Greci, come quello, che dubitaua, & grandemente temeva, che con tutte l'altre cose non andassero à periculo, & perditione, & rouina ancor tanti eccellenti libri, tante fatiche di tanti grandi huomini, tanti sudori, tante vigilie, & tanti lumi di tutto il mondo, sì come ne' tempi più adietro habbiamo patito tanto gran danno, che di quasi dugento & venti mila libri, li quale Plutarcho scrine, ch'erano nella libreria d'Apamia, appena se ne trouino pur mille ne' nostri. Et mi sono ingegnato, non tanto di raccogliere molti libri in numero, quanto ottimi, & eccellenti, & di ciascuna opera, non volendo hauere, se non vna copia, ò vn volume, che cose vengo ad hauer raccolte quasi tutte l'opere intiere, & difficili à trouarsi, ch'erano in tutta la Grecia. Ma andando io spesso riuolgendo per la mente questo mio pensicro, & questo mio studio, non mi parcaua d'hauer soddisfatto al desiderio mio, se parimente io non prouedeva, che questi libri da me raccolti con tanta fatica, & con tanta spesa, si disponessero in modo, mentre son viuo, che ne potessi stare sicuro, ch'essi dopo la morte mia non sarebbono dissipati, & alienati, ma sarebbono seruati in qualche luogo sicuro, & commodo per la commune utilità de gli huomini studiosi, & amatori così delle lettere Latine, come delle Greche. Et stando io molto spesso in questo pensicro, & riuolgendo con l'animo tutte le Terre d'Italia, niuna ne ho trouata, se non la vostra gloriosa Città, nella quale l'animo mio si riposasse da ogni parte. Percioche primieramente io vedea, ch'io non potena eleggere luogo più sicuro, che quello, il quale si governa con equità, si ritiene con le leggi, si regge con l'integrità, & con la sapienza, & doue si vede la stanza vera delle virtù della continenza, della granità, della giustitia, & della fede, doue è l'Imperio tanto eguale, & moderato, quanto grandissimo, & amplissimo, d'anmi nel consultar liberi, non intrigati in alcuna cupidigia, nè in alcun

mancamento

mancaamento, oue i prudenti, & sanj gouernano il timone dell' Imperia, i buoni son anteposti a cattini, & dimenticati tutti de' proprij comandi loro, attendono con vglual consentimento, & con somma integrità alla cura di tutto il corpo della Republica. Alle quai cose si dee sperare quel che desideriamo, cioè, che la vostra Città habbia ogni di più a crescere, & distendere le forze, & il nome suo. Io conosceua poi oltre a questo, non potersi da me eleggere luogo più comodo, & più atto principalmente a' nostri huomini Greci, che cotesta vostra Città. Percioche concorrono in essa quasi tutte le nationi di tutto il mondo, & principalmente i Greci, i quali, venendo dal lor paese, fanno primieramente scala in Venetia, & hanno tanta amicitia, & congiunzione d'animi con esso voi, ch'entrando in Venetia, par loro veramente d'entrare in vn' altro Constantinopoli. Et oltre a ciò in qual maniera questo beneficio di far dono di questi libri poteua da me collocarsi più honoratamente, che appresso di voi Signori, a' quali io per molti vostri beneficij verso di me mi trouo strettissimamente obligato? Et in qual Città poteua io più conueneuolmente porli, che in cotesta Città, laquale io, dopo l'essere soggiogata la Grecia dal Turco, haueua eletta per mia patria, & nella quale era stato da voi benignamente chiamato, & honorolissimamente riceuuto? La onde ricordandomi d'esser mortale, & vedendomi già d'età molto graue, & oppresso, & afflitto da diuerse infermità, & considerando molte altre cose, che possono accadere, ho donato alla sacratissima Chiesa del Beato Marco della vostra inclita Città tutti i miei libri, così Greci, come Latini, giudicando esser'io tenuto dimostrar questa affectione, & questo animo per debito della mia gratitudine alla Serenità vostra, a cotesto Illustriss. Senato, & a tutta cotesta nobilissima patria, la quale vi siete degnati di farmi commune con esso voi, accioche, si come voi con la virtù, & con la sapienza vostra, & con molti vostri beneficij mi hauete obligato, così voi, i vostri figliuoli, & i vostri posteri, o discendenti, habbiate a trarre continuo, & gran frutto dalle mie fatiche, & insieme ne habbiano a partecipare ancora, per amor vostro, & per vostra benignità, tutti gli altri studiosi delle buone lettere. Et così vi mando in dono i libri, & l'indice, & insieme il decreto del sommo Pontefice, pregando Iddio, che gli piaccia concedere alla vostra nobilissima Republica ogni felicità, & ogni contentezza vera per ogni parte. Da' Bagni di Viterbo. Il di vltimo di Maggio. M. C C C C LXVIII.

Hic fuit ex instituto sancti Basilij, & sub Eugenio IIII. floruit. Huius tanta fuit liberalitas erga doctissimos viros, vt ip-
 fus domus artium liberalium officina diceretur. Platonem in
 primis obseruabat, in cuius defensionē aduersus Trapezuntium
 Peripateticum, suumq. coartaneum, vt Volaterranus ait, com-
 mentarios edidit, suamq. Bibliothecam suis item scriptis mira
 eruditione refertissimis locupletauit, & ornaui, ac denique
 Reipublicæ Venetæ, quæ semper litteratos, ac de Republica
 benemeritos fouet, dono dedit. Huic Bibliothecæ Præfectus
 non paruo stipendio Marcus Antonius Sabellicus fuisse narra-
 tur. Venetijs item extat non solum Bibliotheca Cardinalis
 Grimani, sed etiam aliæ tum publicæ, tum priuatæ, quas si-
 lentio prætereundas censeo, vt ad insigniores accedatur.

Volaterr.

*Tristhe-
 mus in ui-
 ta Bessa-
 rionis.*

Extat Mediolani in Cœnobio sancti Marci Bibliotheca infi-
 gnis, quam Zacharias Doctor Theologus ex instituto sancti
 Augustini, vir quidem bonarum artium cultor optimus, mira li-
 brorum copia, ac varietate locupletauit, ac diligēter exornauit.

Medicorum nomen, etsi pluribus de causis fuit celebre, hac
 tamen potissimum re celebrius euasit, quod Musæ e Græciā
 exulantes hospitio exceperint, & libris præsertim Græcis ma-
 ximo sumptu tota Græciā, & Asia conquisitis non solum Bi-
 bliothecam instituerunt, & ornarunt, sed bonarum artium stu-
 dia in Italia, non sine magnis impensis fouerunt. Cosmus enim
 senior insignem construxit Bibliothecam, quam Petrus eius fi-
 lius, necnon Iulianus, & Laurentius Cosmi Nepotes, & Petri
 filij auxerunt, viri sane clarissimi, & bonarum artium, nomi-
 nisq. Platonici, eiusq. doctrinæ cultores: in quorum gratiam
 Platonicos libros ad eam vsque ætatem Latinitate nondum do-
 natos Marsilius Ficinus Florentinus, vir quidem eruditissimus,
 ac celeberrimus, linguarum peritissimus, Platoniamq. doctri-
 nam optime callens e Græco in Latinum transtulit sermonem,
 vt ex eodem constat Ficino, qui in Proœmio in Platonis libros
 ad Laurentium Medicem post multa hunc in modum scribit:

*Marsilius Ficinus li-
 bro Platonis transtulit
 in Latinum sermonem.*

Cum vero ad hæc vsque sæcula sol Platicus nondum pa-
 lam Latinis gentibus oriretur, Cosmus Italiæ decus, & insignis
 pietate vir, Platicam lucem, religioni admodum salutarem,
 a Græcis ad Latinos prorogare contendens, me potissimum
 intra suos lares plurimum educatum, tanto operi destinauit.

*Marsil.
 Fic. pro-
 æm. in lib.
 Plat. co. 2.*

Ego

Ego autem, etsi a tenera ætate nominis Platonici cultor, rem-
tamen ad eò grauem, non meis quidem, sed aui tui Cosmi pro-
speris auspicijs sum aggressus, sperans, diuinam opem tam ne-
cessario, tamq. pio officio non defuturam. Hac ergo in primis
spe ductus Academiam sum ingressus, decemq. ex ea Platonis
nostri dialogos, Cosmo prius, quàm naturæ cederet, Latinos
feci. Post eius obitum Patri tuo Petro præstantissimo viro, dia-
logos nouem legendos dedi. Postquam vero Petrus è vita de-
cessit, mors præclaris sæpe operibus inuida, inuitum me a tra-
ductionis officio distrahebat. Verum tu & Religionis auctor,
& philosophiæ patronus me ad inceptum omni fauore, & au-
xilium reuocasti. Quamobrem ad institutum munus felicibus
iterum auspicijs sum regressus, neque traduxi tantum, verum
etiam partim argumentis mentem perstrinxi Platoniam :
partim, quoad potui, breuibus commentarijs explicavi. Opus
itaque totum diuino auxilio iam absolutum tibi libentissime
dedico : ad quem illa etiam, quæ maioribus tuis inscripta sunt,
iure hæreditario pertinent, virum profecto auitæ, paternæq. in
patria colenda virtutis hæredem. Leges autem inter dialogos
funebrem Platonis orationem pio fratri tuo Iuliano dicatam.
Præterea vbi ad Librum de Regno perueneris, videbis Federi-
cum Vrbinatem Ducem eo die a me honoratum, quo ipse tuas
ædes honorifice salutauit. Non solum vero septem, atque tri-
ginta libri, qui solo tuo insigniti sunt titulo, sed cuncti denique
tui sunt, quandoquidem omnes tui gratia sunt absoluti, atque
ego sum tuus.

*Marfil. Fi-
cin. in lib.
Plat. de
Regno. 10.
1. in fine.*

Hæc Ficinus : cuius ego in ea, quæ a me dicta sunt, testimo-
nium luculentissimum hoc loco apposui, vt huius generis argu-
mento plane quis sciat, quanta extiterit cura non modo in Bi-
bliotheca instituenda, exornanda, & augenda doctissimorum
viro-
rum scriptis, verum etiam quanta in litteratis fouendis, &
in eos fuerit Mediceorum liberalitas. Cosmus enim, quem Fi-
cinus loco supra citato Italiæ decus, & virum præstantissimum
appellat; & Petrus, quem hic virum præstantissimum, & ali-
bi clarissimum, & Patriæ Patrem nominat; & Iulianus, quem
virum clarissimum dicit; & Laurentius, quem Magnanimum,
& optimum vocitare solet, Musarum fuerunt amici, vt Ficinus
testatur, qui ad Laurentium scribens ait :

*Ficin. ar.
de Pul-
chritudine
ad Petru
Medicæ, et
Clitoph.
ad eundem
10. 4. Idem
Ficin. Me-
nex. vel
Episaph.
10. 4.*

Orpheum quidem afflauit Calliope, Musæum Vrania, Homerum Clio, Polyhymnia Pindarum, Erato Sapphon, Melpomene Thamyram, Terpsicore Hesiodum, Thalia Maronem, Nasonem Euterpe, Linum rapuit idem, qui & te iam nunc exagitat Phœbus, optime Laurenti; Phœbus, inquam, qui aucto tuo Cosmo vaticinium dedit, parenti autem Petro arcum, atque medelas, Tibi denique lyram, & carmina.

*Marf. Flin.
in li. Plat.
de furor.
Poet. to. 4.*

Hæc Ficinus. Non est igitur mirum, præclarissimos hosce viros bonarum artium cultores, litteratos adamasse, suisque opibus fouisse, insignēque instituisse, atque exornasse Bibliothecam, quam Alexander primus Florentiæ Dux conseruauit, conseruatamque Cosmus iunior, eiusque Filij, Franciscus, & Ferdinandus magni Hetruriæ Duces auxerunt: locupletiore autem & ornatorem in dies reddere studet Ferdinandus, qui magnanimitate, ac liberalitate in regendis populis, in fouendis litteratis maiorum suorum nemini est secundus, vir profecto ad res præclaras, & Heroicas magno Principe, quin se ipso dignas efficiendas natus. Quod sane futurum fuisse iam inde a iuuentute præferebat, immo deinde aperte iam præstare cœpit, dum Romæ Cardinalitia dignitate insignitus Typographiam Arabicam, & Chaldaicam suis magnis impensis ad Christianam fidem inter Turcas, atque inter alias barbaras Gentes, a vera fide alienas propagandam erexit, vbi sacrosancta Christi Evangelia Arabice, & Latine imprimuntur, atque inibi sparsim, suisque locis mysteria sacra per imagines quasdam in ligno excultas, & impressas repræsentantur, & ad exterarum denique Nationes diuinam legem ignorantes mittuntur. Arabice item humanæ disciplinæ, vt Galeni medicina, & Euclidis mathematica, necnon quædam alia Chaldaice ad eorumdem Nationum commoditatem imprimuntur. Hinc non solum in Bibliotheca his alijsque scriptis augenda, & exornanda, & in viris eruditis, quos penes se habet; amplectendis, verum etiam in bonis artibus, immo in diuinis litteris excolendis, & in Evangelica fide subministranda, ac propaganda veram meretur laudem, cum de his omnibus optime meritis iure dici debeat.

*Typogr.
Arab. &
Chald.*

Altera Bibliotheca Florentiæ a Medicea familia erecta reperitur in coenobio sancti Marci, vbi Fratres ex instituto sancti Dominici vitam degunt religiosam.

Ddd

Extat

*Mars. Fic.
Apologus
ad Federi-
cum Vrbi-
ni Ducem
in librum
Platonis
de Regno,
20.1. in fi.*

Extat Urbini Bibliotheca omnium iudicio insignis, quam manuscriptis libris refertam magnificentissime construxit Federicus Feltrius Urbini Dux, vir profecto eruditissimus, & non minus litteris, litterarumq. cultura, quam armis dominandiq. prudentia clarus, etsi clarissimus, quem Marsilius Ficinus Florentinus a fide regia, Fideregum, & ab orbis imperio Orbinatem Ducem semper inuictum nominandum esse ingeniose, & merito quidem excogitauit.

Celeberrima autem Bibliotheca illa est, quam Franciscus Maria iunior, Guidubaldi Filius, & Francisci Mariæ Nepos, Urbini Dux, & doctrinarum lux fulgentissima, egregiumq. doctissimorum hominum præsidium instituit, ingentiq. librorum copia ex ijs præsertim omnibus, qui ad hanc usque diem in lucem prodierunt, incredibili quidem cura ac diligentia, magnisq. impensis in dies magis atq. magis auget, ac mirifice exornat, ut ego ipse vidi, meisq. manibus non sine maxima animi mei iucunditate contrectaui.

Alphonfus Ferrariæ Dux maiorum suorum Bibliothecam insignem ad hanc usque diem conseruat, adauget, & exornat.

Multas item priuatas, ac publicas Bibliothecas in Italia extare hodie inuenio, quarum præcipuæ sunt non paucae: celeberrima est illa Vincetij Pinelli nobilis Genuensis Bibliotheca Græcis præsertim libris refertissima, qua Patavium non parum honestatur, quamuis non solum ob Antenorem loci conditorem, & Titum Liuium historicum, & Volusium Poetam Patavinos, quorum ille Romanas res summa facundia, hic vero post Ennium Annales populi Romani carmine descripserunt; nec non ob Stellam, & Valerium Flaccum Poetas, & Paulum iureconsultum, & alios viros doctos ab eadē Ciuitate oriundos, verum etiam ob insigne Gymnasium, siue bonarum omnium artium Emporium celeberrimum Ciuitas ipsa præclarissima ab omnibus iure optimo iudicetur.

Extat Cesenæ Malatestarum Bibliotheca in Cœnobio sancti Francisci: Assisij altera in Monasterio eiusdem ordinis.

Bononiæ item aliæ reperiuntur, & præsertim vna satis nobilis in Cœnobio sancti Dominici: vbi duo Esdræ libri in corio implato siue inuoluto (cuius generis codices proprie volumina dicuntur) sua ipsius manu conscripti iuxta numerum a sacro Conci-

lio

Patavij laudes.

*Esdræ libri duo,
Bononiæ.*

lio Tridétino de canonicis Scripturæ sanctæ libris præscriptum mira asseruantur cura, ac diligentia in Reliquario duabus occlusa clauibus, quarum vna penes Senatum Bononiensem, altera vero penes eiusdem Coenobij Patres custodiuntur.

Altera vero celeberrima in Aedibus Canonicorum Regulæ sancti Saluatoris: hæc enim Bibliotheca nobilissima est, tum manuscriptorum codicum antiquitate, ac raritate, et bonitate, atque copia, tum etiam ob insigne ædificium, in quo singulares libri asseruantur: Aedificium enim ordine constans Dorico est adeo pulchrum ac splendidum, vt, qui ipsum foris circumspeciant, maxima perfundantur voluptate. Bibliotheca est vas amplissimum, & oblongum, tria & amplius hominum millia capiens, cuius porta ordine Corinthio constructa cernitur. Nouem sunt, atque ingentes quidem fenestræ, ex quibus copiosissime lumen excipit Bibliotheca ipsa, laqueare insigniter depicto, & inaurato. Facies item Bibliothecæ interior, ac primaria, quæ ingredientibus primum sese offert, multis ac pulcherrimis picturis manu Bagnacaballi, Pictoris insignis exornatur: inter quas sanctum Patrem Augustinum contra Manichæos disputantem videre est. Vas denique libros complectens est editissimo loco situm, re ipsa id postulante, vt postea docere studebimus: inferior enim ædificij pars est cella vinaria: media, est Refectorium, vbi religiosi viri cibo reficiuntur: suprema vero, est ipsa Bibliotheca. Qua in re silentio prætereundum non videtur quod a Card. Bobba de huiusmodi ordine ædificij dictum fuit: is enim dum fabricam admiraretur, huius generis ordine statim audito, ex improviso et ingeniose quidem dixit: Sapientia ædificauit sibi domum, miscuit vinum, & proposuit mentem. Quod ad libros pertinet, Bibliotheca est omni genere scientiarum refertissima, codicibus Latinis, Græcis, Hebraicis, Chaldaicis, & Arabicis maiori ex parte manuscriptis constans. Extant inibi aliquot Aristotelis libri in linguam Hebraicam translati, & Bibliorum frustum, hoc est, liber Hester in corio conscriptus, & more antiquorum complicatus. Id quod faciebant antiqui in arborum corticibus scribentes, quo commodius secus ferrent libellum, qui proprie volumen a uolundo aut complicando dici debet. Hic præterea videre est præcipuos Rabinos, vt Dauid Kimki, & alios ma-

*Card. Bobba
dictum.*

FROM. 2.

Volumen.

nuscriptos, multos item alios impressos. Græci codices insigniores manuscripti, qui hac in Bibliotheca reperiuntur, sunt Hieronis liber de machinis bellicis tum terrestribus tum naualibus, exornatus figuris, & Proclus eruditissimis insignitus notationibus, & Aegyptiaca historia, quæ alibi fortasse non reperiuntur, & sanctus Basilius in Psalmos. Omnia opera Græca præcipuorum Auctorum tam ad Theologiam, quam ad philosophiam pertinentia in hac sunt Bibliotheca, quorum multa etiam impressa inibi asseruantur. Hic quoque Biblia complutensia quattuor linguarum, Psalterium lingua Syriaca conscriptum, & Quinquelinguium, Doctores omnes Theologos tam scripturales, quam scholasticos, opera Alphonsi Tostati omnia, quæ paucis in locis reperiuntur, ac denique Ephemeridas lingua Longobardica conscriptas, & aliqua lingua Gortica exarata videre est. Hæc, ut finem faciam, Bibliotheca a Peregrino Fabretto ciue Bononiensi ex eadem sancti Saluatoris Congregatione fuit primo instituta, & erecta, deinde ab alijs eiusdem instituti Patribus in dies aucta, & conseruata.

Perusiæ in Cœnobio sancti Dominici extat item Bibliotheca non ignobilis.

Prosper Podianus, ciuis Perusinus, animi nobilitate ac magnitudine in hac præsertim re præstanda, hoc est in Bibliotheca instituenda, Principibus viris ætate nostra haudquaquam cedere debere iudicatur: extruxit enim Bibliothecam Perusiæ miram manuscriptorum codicum, omniumq. librorum, qui ad hanc vsque diem in lucem prodierunt, varietate refertissimam.

Th. Fazellus de rebus Siculis.

Extabant in Sicilia Bibliothecæ permultæ, ut ex historijs accepi, & præsertim illa Archimandritæ nomine nuncupata in Monasterio sancti Saluatoris a Ciuitate Messana duobus miliaribus distante. Nunc vero ex insignioribus Bibliothecis non extat nisi illa, quæ reperitur in Abbatia sancti Placidi ex Congregatione Cassinensi sancti Benedicti in duas partes diuisa, in Græcos scilicet codices, & Latinos.

Neapoli item sunt aliæ Bibliothecæ, ut antiqua illa sancti Seuerini in puluere quasi neglecta nō secus atque illa, quæ est Pauli filypi in Aediculis Augustinianorum a Simone Porcio philosopho doctissimo & quidem insigni ex testamento ibi relicta in gratiam Hieronymi Scripandæ eiusdem Augustinianæ Familiæ olim

olim Magistri Generalis, deinde Archiepiscopi Salernitani, ac tandem S. R. E. Cardinalis, & in Concilio Tridentino Legati. Hic autem Scripandus Neapoli in Cœnobio sancti Ioannis ad Carbonariam, vbi habitum ordinis suscepit, Bibliothecā Græcam, & Latinam insignem, ac locupletissimam tum manuscriptorum codicum antiquitate, tum etiam impressorum copia instituit, & ornatam non solum imaginibus, verum etiam concinnis codicum compagibus publicæ fratrum, & aliorum commoditati, atque vtilitati reliquit.

Romæ denique multæ sunt Bibliothecæ tum publicæ tum priuatæ: quarum omnium, immo & cunctarum, quæ hodie extant, pluribus de causis celeberrima est Vaticana Bibliotheca, de qua non solum in hac Appendice, sed paulo item superius prolixum habuimus sermonem. Quare nihil est quod de ea hoc loco immoremur. Bibliothecæ publicæ in Vrbe sunt item aliæ, institutæ tamen commoditati præsertim eorum, qui in ipsis Collegijs, aut Cœnobijs vitam degunt, vt in Collegio Capranicensi, extat vna a Dominico Capranica S. R. E. Cardinali erecta: in Congregatione Oratorij altera, quam Achilles Statius Lusitanus eidem Congregationi reliquit.

Extat etiā Bibliotheca in Cœnobio sancti Dominici, in Aedibus scilicet sanctæ Mariæ supra Mineruā a Fratre Ioanne Card. de Turrecremata eiusdem instituti professore erecta, & paulatim aucta: a Fratre autem Vincentio Cardinale Iustiniano eiusdem ordinis olim Generali amplificata: in Aedibus Augustinianis, & in Cœnobio sancti Frâncisci, vel sanctæ Mariæ de Araceli: in tribus enim hisce Cœnobijs extāt Gymnasia, in quibus plurimi variarum nationum iuuenes aluntur, qui bonarum artium studijs, ac Theologiæ præsertim operam nauant. In Aedibus SS. duodecim Apostolorum, hoc est ord. S. Francisci, vbi Gymnasium florebat, nunc vero sancti Bonauenturæ studiosorum Collegium a Sixto V. erectum, & redditibus dotatum, extabat olim Bibliotheca ab eodem instituta.

His autem celebrior, & antiquior iudicatur, & iure quidem, Bibliotheca illa, quæ in Aedibus Canonicorum Sancti Petri in Vaticano ad id vsque tempus reperitur: eaq. censetur esse, quæ originē a Sancto Petro, & ab eius successoribus, siue a summis primitiuæ Ecclesiæ Pontificibus habuit augmentum. antequam

altera

*Car. l. Scripandus
Bibliotheca.*

*Pag. 32.
& seq. &
Pag. 384.*

*S. Bonauenturæ
collegium.*

*Vide Pag.
52. 384. v.
bi hæc su-
sine tra-
ctantur.*

altera summorum Pontificum Bibliotheca scilicet Vaticana ortum haberet : nam in ea inter varia multorum generum scripta Sanctorum etiam Martyrum , summorumq. Pontificum gesta conferuantur .

Extat Romæ in Aedibus Farnesianis Bibliotheca illa celeberrima a Paulo I I . dum Cardinalitia erat dignitate insignitus , erecta : is enim litteras latinas & perpolitas quidem Romæ a Pomponio Leto , atque item Græcas Florentiæ a Demetrio Chalchondyle doctus , optime callebat . Cum itaque huius generis litteræ sibi forent in delicijs , Bibliothecæ construendæ , quæ hodie in Aedibus Farnesianis reperitur , diligentem operam dedit : camq. Græcis codicibus , Latinisq. manuscriptis non paucis exornauit : quam Alexander Farnesius Pauli I I . Nepos , vir insignis , & S. R. E. Cardinalis singularibus libris a Petro Crasso Episcopo Viterbiensi , qui ei olim inferuebat ; relictis locupletauit . Eandem Bibliothecam multis Græcis , & Latinis item codicibus manuscriptis auxit Raynutus eiusdem Pauli Nepos , & S. R. E. Cardinalis sancti Angeli nuncupatus , & Festo Pompeio tam celebri decorauit : hos autem libros Michael Silu. & S. R. E. Cardinalis Viseus ei ex testamento reliquit . Hæc denique Bibliotheca præfens in tempus ab Odoardo Farnesio Alexandri Card. pnepote ex fratre in litteris perpolitis egregie erudito , & magnæ expectationis iuvene , Græcis , Latinis , Hebraicisq. manuscriptis , atque omni genere scientiarum refertissima diligenter custoditur , & asseruatur .

Extant præterea Romæ Bibliothecæ priuatæ non paucae , quarum vna est non tam multitudine , quàm bonitate librorum insignis , quam Sfortiadem a Familia nobilissima sic dictam vocant . Hæc maxima sane cura , & diligentia custoditur , cum in ea non solū Græca volumina , & vetusta quidem , verum etiam Autographa ipsa reperiantur , quæ non vulgari curiositate spectari , & legi solent , quippe quæ auctoritate non modica polleere dignoscantur .

Nec silentio prætereunda est Bibliotheca , quam Scipio Lancellotus Romanus , vir quidem doctissimus , & S. R. E. Cardinalis extruxit . Hæc quamuis manuscriptis & antiquis codicibus non sit referta , est tamen celebris tum ob librorum copiam (sunt enim ad septem millia volumina) tum etiam

ob perpulchram codicum compaginem, ordinem mirificum, & magnificum ornatum: quibus rebus nobilissima iudicatur.

F. Michael Bonellus S. R. E. Cardinalis Alexandrinus non nisi ad præclara omnia, & se ipso, hoc est Pij V. Nepote dignissima contendens, Bibliothecam nobilissimam, quam

*Card. Alexandrinus
Bibliotheca, quam
Eremum appellat /*

Eremum appellat, summa impensa instituit. Est enim Bibliotheca, & commoditate loci, unde magna ex parte Roma conspicitur, & forulis ipsis, armarijs scilicet, in quibus reponuntur libri, maximo sumptu factis, necnon ditissimis librorum compagibus adeo insignis, vt nulla alia hîce in rebus ex ijs, quæ nunc extant, cum ea conferri queat. Hæc quotidie codicibus impressis, & manuscriptis augetur, perpulchro digeritur ordine, necnon picturis ad Eremum, & studiosos pertinentibus, atque imaginibus exornatur. Bibliothecam hanc Eremum nominavit, Platonem, & Aristotelem (vt opinor) imitatus: nam in loco nemoroso ab Athenis mille passus distante Academia Platonis erat Gymnasium inferius dictum: superius autem, quod erat Aristotelis, Lycæum dicebatur. Fuit etiam Academia nomine villa Ciceronis nuncupata ad Auernû lacum non procul a Puteolis in littore sita, porticu, & nemore insignis: a qua etiam Academicis quæstionibus, quas in hac Villa conscripsit, nomen imposuit. Id quod factum ab ijs creditur, quia locum ab hominum frequentia, rerumq. familiarium negotijs remotum studijs philosophandi maxime accommodatum esse compertum est. Hinc Cicero in villa sua Tusculana Quæstiones philosophicas ab Agro Tusculano dictas conscripsit. Quod ad imagines pertinet, secutus est Asinium Pollionē, qui primus Bibliothecam Romæ instituit aut promulgauit, vt Plinius, & Isidorus testantur, Auctorum imaginibus Bibliothecæ atrium exornauit: inter quas solius Marci Varronis viuensis imago erat, vt idem Plinius ait. Hæc de Eremica, siue Alexandrina Bibliotheca, vt ad ceteras Bibliothecas priuatas accedamus.

*Plin. libro
35. cap. 2.
Isid. lib. 6.
cap. 3.
Plin. lib. 7.
cap. 30.*

Hieronymus de Ruere in omni scientiarum genere apprime eruditus, & bonis animi dotibus optime præditus, ac S. R. E. Cardinalis, insignem, vt Anastasius Germonius in libro 3. de sacrorum immunitatibus testatur, habet Bibliothecam in oppido Vicinoui suæ ditionis, Græcis, & Latinis codicibus, manuscriptis & impressis refertissimam.

*Lib. 3. c. 6.
num. 67.*

Ascanius

Ascanius Columnius S. R. E. Cardinalis, vir sane doctissimus, & non minus animi magnitudine ac liberalitate, quàm familiæ nobilitate apprime insignis, Bibliothecam non solum ingenti codicum impressorum copia, sed libris etiam manuscriptis, & reconditis quidem refertissimam coaceruauit: is enim nonnisi ad heroica præstanda, ac se ipso digna natus, summis emit impensis Bibliothecam illam Cardinalis Sirleti locupletissimam ac celeberrimam: cui etiam Marci Antonij Marfilij Columnæ, Archiepiscopi olim Salernitani Bibliothecam insignem, & suos ipsius libros quàmplurimos hinc illinc conquisitos adiecit: eamq. in dies auget, & exornat.

Multæ aliæ sunt Illustrissimorum S. R. E. Cardinalium Bibliothecæ, quæ, quia ex omni disciplinarum genere, tum impressis, tum etiam manuscriptis libris refertæ non constant, licet satis copiosæ sint, eas tamen silentio prætereundas existimaui: singula enim quæque eos scientiæ libros complectitur, cui quisque præcipuam olim nauabat operam, aliqua tamen aliarum disciplinarum, ac Theologicæ præsertim facultatis varietate admissa.

Quamuis autem multæ priuatorum item hominum Bibliothecæ sint prætermittendæ, fieri tamen non potest, quin de Latini Latinij, ac Fuluij Vrsini Bibliothecis mentio fiat: ille enim vir sane vndeunque doctus, & magnæ existimationis vir, Bibliothecam habet librorum varietate satis refertam, quam viuens Canonicis Viterbiensibus, suis conciuibus, donauit. Hic autem, Fuluius scilicet Vrsinus, vir quidem eruditissimus, & omnium antiquitatum notitia clarissimus, Bibliothecam habet nobilissimam tum librorum varietate, & bonitate, tum multarum etiam rerum antiquitate: quamuis enim admodum numerosa libris non sit, codices tamen ij selectissimi sunt fere omnes, & vere singulares, tum Græci tum Latini: nam inter Græcos libros sunt quædam scripta maiusculis litteris exarata, & præsertim celebre Dionis historici fragmentum, Biblijs Græcis, quæ in Bibliotheca Vaticana reperiuntur, antiquius. Extant etiam in ea libri aliquot a Theodoro Gaza, Constantino, & Ioâne Lascare, a Scipione Cartaromacho, & ab alijs huius generis doctissimis, & insignibus viris conscripta. Sunt itē inter Latinos libros aliquot codices litteris quoque maiusculis manu-

manuscripti, & praesertim Terentius, quem Petrus Bembus Cardinalis olim possedit, tempore Alexandri Seueri Imperatoris conscriptus, quo Angelus Politianus, & alij huiusce classis viri, libros antiquiores non reperiri affirmant. Sciendum praeterea est, huius codicis margines scholijs caractere Longobardico conscriptis esse refertissimas, necnon aliquot Menandri versibus Graecis ab ipso Terentio in Latinam linguam olim translatis, & suo Poemati insertis, & postremo a Petro Victorio promulgatis. Libri autem emendationes a Card. Bembo, qui dum in iuuenili aetate vna cum Politiano ipsum codicem cum alijs contulit, prius praestitae fuerunt, deinde a Gabriele Faerno, nunc vero ab Fulvio Ursino. Extat inibi Virgilius, quem prius Pontanus, deinde Bembus possederunt. De hoc libro manuscripto mentionem facit Pierius confirmans emendationem praestitam in illum Virgilij versum:

Conuulsam remis, rostrisq. tridentibus aequor.

Legebatur enim in 5. libro & mendose quidem, vt nunc legitur in omnibus exemplaribus, quae videre potui, *tridentibus* pro *tridentibus*: sed in 8. lib. vbi extat idem versus, *tridentibus* legitur, asterisco tamen appposito: in hoc autem vetustissimo codice, nonnisi *tridentibus*, legitur: nam prima huius dictionis syllaba est longa, quae in hoc versu admitti non potest: illius autem, brevis. Hanc denique lectionem esse veram, illam vero mendosam, perspectum omnino fuit ex carmine illo Valerij Flacci dicentis:

Infinditq. salum, & spumas vomit aere tridenti.

Hic codex antiquior est Virgilio, qui extat in Bibliotheca Vaticana, necnon Virgilio, qui olim fuit Pomponij Laeti, deinde Angeli Colotij Episcopi Nucerini, & in Bibliotheca extat Medicea. Afferuntur praeterea in hac Fuluiana Bibliotheca libri Italica, & politiori quidem lingua, quam Hetruscam nouam appellant, conscripti: qui partim ex Bibliotheca Petri Bembi, partim ex alijs desumpti sunt, & praesertim Petrarca, hoc est liber ille insignis non nisi versibus rhythmicis constans, & ipsius Auctoris manu conscriptus, quae res singularis est. Quaedam etiam hic asseruantur lingua illa, quam vulgo Prouenzalem vocant, conscripta, in quibus Petrarcae manus apparet. Quaedam item Ioannis Boccacij, & aliorum virorum insignium manu exarata inibi videre est. Haec denique Bibliotheca, vt huic tandē

Ecc narrationi

*Virg. lib. 5
non procul
a prin. l. dē
versus le-
gitur in 8.
lib. nō pro-
cul a fine.*

narrationi finem imponam , a Fulvio Ursino quadraginta ab hinc annis , ac plurimo ad id efficiendum ex Patrimonio ære collato , insigniter constructa est , multis alijs rebus antiquis exornata , ob magnam codicum antiquitatem , & raritatem , & (quod caput est) bonitatē insignis , ac ditissima ab omnibus , qui eam viderūt , existimatur : atque hisce tribus in rebus præsertim alias excellit Bibliothecas , atque item Vaticanam , quæ alijs de causis nō solum Fulvianā , sed ceteras omnes superare iudicatur.

Extat denique Romæ Bibliotheca insignis Fratris Alphonfi Ciaconi Hispani , viri eruditissimi ex instituto sancti Dominici. Hæc enim & librorū copia , & codicibus manuscriptis , necnon rerum antiquarum varietate , & quàm plurimis virorum insignium imaginibus ornata est , ac refertissima .

Nec silentio prætereunda videtur Manutiana illa Bibliotheca , mira librorum copia , & varietate , codicibus scilicet , non solum impressis , sed manuscriptis etiam vetustissimis , Autographisq. refertissima , quam ipsemet Aldus junior , vir sane doctus , tum de bonis , ac politioribus litteris , tum etiam de litteratis viris , bonarumq. artium cultoribus optime meritus , suis sumptibus , Principum tamen liberalitate adiutus , instituit , auxit , atque Romam aduexit : cum enim ipse primum Romæ cum Paulo Patre viueret , eam struere cœpit , postmodum Venetias profectus a Senatu Veneto in secretariorum numerum allectus , & præcipua humaniorum litterarum , vt dicitur , lectura insignitus , aliquot ibi vixit annos , donec Bononiam accersitus præcipuum in ea Ciuitate locum tenuit : inde Pisas a Francisco Medice Hetruriæ Duce ad Latinam , & Græcam linguam de superiori loco docendam vocatus , ibiq. iuris ciuilis , & canonici laurea decoratus . Romam tandem Sixti V. auspicijs petens , minore potitur statu , si præsentem spectemus : maiore , si eius merita , si Romanam ciuitatem , si , quod denique caput est , Pontificiam & indeficientem Sixti V. beneficentiam perpendamus : nulla enim alia res , vt opinor , hominem ipsum potuisset adducere , vt vel animo cogitasset , vel vt perficeret quod certe perfecit : octuaginta enim librorum salmas , & supra octuaginta voluminum millia , in quibus multa extant , quæ admodum singularia sunt , Romam deferendas curauit : quibus in itineribus ad duo fere aureorum millia insumpsit , animo sane su-

ne supra vires priuatas; hac fortasse spe ductus, vt tandem aliquando ab ijs, qui de litteratis viris bene mereri solent, ac debent, aliqua sibi ex parte refarcitum iri putaret, etiam si ipse non nisi bonum, ornamentumq. publicum spectet, Aldum Auum, & Paulum Patrem non solum imitatus, sed quodam etiam modo superans: quorum omnium Aedes vbique locorū, *Viri insignes, qui a domo Manutiana prodierunt.* vt optime noui, litteratis & probis hominibus semper patuerunt: ex quibus item tamquam ex equo Troiano viri præcipui, Card. Hieronymus Aleander Motensis, Card. Rodolphus Pius Carpenfis, a cuius Familia Aldus senior in eam adoptatus Pij nomen accepit, Episcopi permulti, & alij innumeri: A Paulo M. Antonius Muretus multorum instar, & alij, quos longum esset recensere, prodire. De his omnibus, tribus scilicet Manutianis, qui nonnisi iuuandæ Reipublicæ Christianæ diligentē nauarunt operam, memini me aliquando lusisse hunc in modū:

Aldus Manutius senior moritura Latina,

Græcæq. restituit mortua ferme typis.

Paulus restituit calamo monumenta Quiritum,

Vtq. alter Cicero scripta diserta dedit.

Aldus dum iuuenis miratur Auumq. Patremq.

Filius atque Nepos, est Auius atque Pater.

Aldus enim senior publicæ consuluit vtilitati, dum impressoriā artem miro exercuit studio, vt Latinam linguam, & Græcam, quas optime callebat, in pristinum splendorem, Ioanne Baptista Alberto, Nicolao Peroto Episcopo Sipontino, Francisco Philelpho, Io. Iucundo, Theodoro Gaza, Trapezuntio, Lascare, Chrysolora, Musuro, Urbano, & Bessarione ad eandem rem præstandam in scribendo adlaborantibus, typis perpulchris restitueret: nam ea tempestate Græca, & Latina lingua maximā patiebantur iacturam. Paulus autem Aldi filius, alter Cicero in Latine scribendo, Romanam linguam collabentem in pristinum nitorem studuit reuocare, dum Latinorum monumenta diligenter scruratus est. Aldus denique iunior Aldi Nepos, & Pauli filius, dum Auum, & Patrem, & typis, ac scriptis imitatur, vtriusque linguæ non ignarus, Auum & Patrem imitatione repræsentat. Hæc de Aldina Bibliotheca, tribusq. Manutianis, necnon de insignioribus Bibliothecis, quæ hac nostra extant ætate. Nunc reliquum est, vt ad alia pertinentia ad Bibliothecas accedamus.

DE BIBLIOTHECARVM SITV,
& librorum ordine, atque conſeruatione.

Vitruv.

NEC ab re futurum ſpero, ſi de Bibliothecarū loco ſiue aſpectu, librorum ordine & conſeruatione nonnihil dicatur. Quod ad locum pertinet, vt breuibus agam, cum editiorem, & humiditatis omnino expertem, ad orientemq. vt Vitruuius placet, ſpectare debere ſentio: uſus enim librorum matutinum expoſtulat lumen, quod non ſolum ſtudioſis, verumetiam codicum conſeruationi plurimum prodeſſe compertum eſt: nam in locis ſole carentibus, & præſertim in Bibliothecis opacis ob chartarum naturam humiditati, & corruptioni facile expoſitam, lanugo quædam, ſiue ſordes, aut illuuiæ illa, qualis naſcitur inter opaca domus, quæ diu non repurgatur, & ſitus etiã dicitur, non modo odorem quendam tetrum & aſpèrnabilem parit, qui aerem intra Bibliothecam incluſum inficit, & olfactuentium nares offendit, verumetiam codicibus iſſis non parum obest. Huius generis incommodum euitari poterit, ſi Bibliotheca hinc inde habeat fenestras, ex quibus lumen excipiat, & aer incluſus a ventis percuffus habeat exhalationem, & expurgetur: verbis enim explicari vix ymquam poſſet, quantum damni & hominibus, & rebus denique omnibus aer corruptus afferre ſoleat.

Horat. in
artis Poet.

Quoniam vero non ſolum ſitu, aut putredine, ſed etiam puluere vermiculus ille, qui ligna, veſtes, & libros abrodit, & tinea dicitur, naſci ſolet, ne libri a tinea lædantur, eos frequenter euertendos, & interdum excutiendos eſſe iudico: libri enim puluere obduſti a tineis non parum vexantur, vt experientia moneat: ad quam vexationem fugiendam, cedrino item oleo, cupreſſinisq. arcis utebantur antiqui, vt Plinius ait, & Horatius hunc in modum teſtatur dicens:

*Speramus carmina ſingi
Poſſe linenda cedro, & læui ſeruanda cupreſſo?*

Hoc loco Horatius appellat carmina cedrino oleo linēda, quæ immortalitatem promerentur, & eiufmodi iudicantur, vt poſteritati conſecrari debeāt: quæ enim huius arboris ſucco illinuntur,

tur, vel in arculis cupressinis custodiuntur, cariem, aut tineam non sentiunt. Plinius idem de cedri natura sentit dicens: Ex cedro resina laudatissima. *Plin. lib. 12. cap. 5.* Materię vero ipsi æternitas. Itaque & simulacra deorum ex ea factitauerunt. Cedrinus est Romę in Delubro Apollo. Sofianus Seleucia aduectus. Idem Plinius alibi de vsu cedrino in chartis perungendis loquens, ab Hemina in Annalibus scriptum fuisse ait, libros Numę Pompilij repositos a Cn. Terentio sub Iapiculo non computruisse, quamvis annis DXXXV. infoscos, eo quod cedrati essent. *Pl. lib. 13. c. 13. & lib. 10. c. 40.* Dioscorides autem inquit viuientium corpora a cedrino liquore corrumpi, corpora vero mortuorum conseruari: hinc cedrum mortuorū vitam a nonnullis vocitari affirmat. *Diosc. lib. 1. c. 80.* Seruius in illud Virgilij: *Seru. in li. 7. Virg.* tiqua ex cedro oleo cedrino conseruari chartas ait, quia cedrus ex vetustate nec tineas patitur, nec corruptionem: & propterea mortuorum imagines ex cedro testatur fieri solitas, vt asseruari perpetuo possent. Hinc natum est prouerbium: Cedro digna, *Perf. sa. li. 1.* idest æterna laude, vel immortalitate, quale est illud Perfij:

Cedro digna locutus.

Huc spectat illud Martialis ad suum librum loquentis hunc in modum:

Cedro nunc licet ambules peruenetus

Et libro 5. Epigrammate 7. ait:

Quę cedro decorata, purpuraq.

Nigris pagina creuit umbilicis.

Et Ouidius libro 1. de Tristibus.

Nec titulus minio, nec cedro charta notetur:

Librorum igitur conseruationi succus cedrinus mirum in modum confert, sicut eruditi viri testantur. Ego autem idem præfari posse credo, si ex folijs cedrinis exsiccatis puluis conficiatur, deinde per libros dispergatur, vel libri forinsecus eo perfri-centur. Studendum præterea est, vt glutinum, quo libri compaginandi sunt, ex farina & aceto, atque ex æris rubigine, siue viridi, vt aiunt, ære constet excoctum: si enim non sit, excoctum, vel ex farina, & aqua tantum conficiatur, non solum glutinum, verumetiam paginę ipsę, vt ego non semel expertus vidi, sunt proculdubio tinearum esca. Hęc de librorum conseruatione, vt ad ordinem, seu dispositionem accedamus.

De librorum dispositione, & ordine.

Nunc reliquum est vt ad eorundem librorū dispositionem, & ordinem deueniamus: ordo enim, qui est in suo loco rei vniuscuiusque collocatio, adeo omnibus in rebus est necessarius, vt sine eo cuncta confundātur, & inter se permisceatur. Id quod in ijs præsertim, quæ ad rem litterariam spectant, euenire solet, cum ordo, vt ait Orator, memoriæ maxime lumen afferat: immo, eodem teste, quidquid peccatur, perturbatione rationis & ordinis peccatur: nam si exempli causa, Grammatica cum Mathematica, Poësis cum Theologia, Theologia item cum Grammatica, & Poësis cum Mathematica commisceantur, sicut nihil eo est perturbatius, ita nihil studiosis incommodius euenire potest. Ordo igitur, vt rerum confusio, & studiorum perturbatio de medio auferantur, seruandus est. Quamuis autem in doctrinarum ordine, siue in librorum dispositione seruanda diuersi diuersa sentire videantur, omnes tamen aliquē obseruant ordinem non incommodum studiosis.

Dicam igitur ego quod sentio: quodq. a multorum opinione non abhorret. Quælibet Bibliotheca in plures diuidenda est classes, quarum singula quæque multos complectatur libros: sed vt a nobilioribus sumam exordium, Biblia (quo nomine libri sacri per excellentiam appellantur, cum sit Liber doctrinæ diuinitus inspiratæ complectens, omnesq. libros excellens) primo loco statuenda credendum est. Sed inter varias Bibliorum conuersiones manuscriptas atque impressas, Biblia sacra Vulgatæ editionis ad formam præscriptam a Concilio Tridentino, & in Decreto sacrorum Bibliorum contentam, primum locum tenere iure quidem debent: deinde Biblia Hebraica impressa, & manuscripta, atque item Græca iuxta antiquitatis ordinem: postremo denique Commentarij omnes in Scripturam Sacram eodē antiquitatis ordine seruato sequantur.

Hoc autem loco haudquaquam subticendum videtur quod de Biblijs manuscriptis mihi sese offert: vidi enim multa Bibliorū exēplaria manuscripta, alia alijs antiquiora, quæ suis in Aedibus Romæ Antonius Cardinalis Carafa non sine magno labore, atque impensis coaceruauit, vndique ijs conquisitis: nam de Biblijs Vulgatæ editionis ex Decreto sacrosancti Concilij Tridentini

dentini emendâdis Congregationem iam inde a Pio I V. inceptam, in eiusdem Cardinalis Aedibus haberi Sixtus V. mandauit. Vidi igitur multa Bibliorum exemplaria ex mēbranis: sed duo inter omnia tum temporis antiquitate, & characterum excellentia, tum etiam alijs nominibus nobilissima iudicantur. Horum vnum exemplar fuit Caroli Magni, magnificentissime scriptum, quod in Aedibus sancti Pauli extra Urbem asseruatur: alterū vero in vetustissimo Cisterciensium Monasterio Montis Amiatae Agri Senensis custoditur totum litteris maiusculis exaratum sicut antiquitus apud Romanos scribi passim solebat. Id quod antiquitatem illam redolens circiter iam mille a Christo nato Redemptore nostro annos existimatur scriptum: nam tempore Beati Gregorij Magni conscriptum fuisse omnino existimatur, de quo in Commētarijs Pij II. fit mentio, dum de dicto Monachorum Coenobio sermo habetur, hisce verbis: Sacram supellectilem habuit pretiosam, & Bibliothecā nobilem, cuius pauca extant volumina, inter quæ vnum maximum, & admirabile veteris & noui Testamenti litteris maiusculis exaratum, quod Pius Pontifex cupide vidit. Nec silentio prætermittendū censeo quod penes Hieronymum Cardinalem Rusticucium seruatur: est enim exemplar vetustum, & in membranis scriptum, sed ita magnifico & regio sumptu, hoc est omnibus Bibliorum historijs per pictoriam artem ad amussim, & ad viuum per varios colores, & pulcherrimos quidem repræsentatis ornatum, vt nihil hac in re pulchrius, aut præstantius desiderari queat. Quæ quidem res Cardinale Rusticucio, hoc est sua ipsius magnificentia, atque splendore digna est. Huius generis Bibliorum exemplaria nobiles Bibliothecas reddunt insigniores, in quibus post Scripturam sacram Cōcilia, Diplomata, seu Bullæ summorum Pontificum, & ius Canonicum: deinde omnes in sacram Paginam Commentarij tum scholastici, tum scripturales, sed hi primo loco inter Commentarios statuendi sunt, deinde, vt sic dixerim, Sermonarij, postremo autem opuscula ad Theologicam facultatem, & Christianam fidem spectantia, necnon Summæ ad conscientiae casus pertinentes, Ecclesiasticiq. denique libri sunt apponendi. Hæc de prima, & digniori classe.

Secunda Classis Philosophiā complectens secundo apponatur

*Biblia manu scripta
Montis Amiatae
manusculis.*

*Lib. 9. non
procul a
princ.*

*Secunda
classis.*

*Aul. Gell.
lib. 20. c. 4.
Cic. lib. 5.
de fin.*

*Exoterica
scripta.*

*Acroamati-
tica scri-
pta.*

*Gellius li.
20. cap. 4.*

*Tertia
classis.*

*Quarta
classis.*

tur loco. Philosophia vero iuxta ordinem Aristotelicum erit distribuenda: Aristoteles enim, ut Gellius tradit, & Cicero testatur, duas philosophiæ species tradidisse dicitur: nam quædam exoterica; alia vero acroamatica dicebantur.

Exoterica, ut Gellius ait, dicebantur quæ ad Rhetoricas meditationes, facultatem argutiarum, ciuiliūq. rerum notitiam conducebant: hæc a Cicerone populariter scripta vocitabantur. Acroamatica vero a verbo *Ἀκροάω*, quod est audio, dicebantur ea, in quibus Philosophia remotior, subtiliorq. agitabatur: quæq. ad naturæ contemplationes, disceptationesve dialecticas pertinebant: quæ a Cicerone limatius, & perpolitius scripta nuncupabantur. Huius generis videntur esse omnia, quæ de natura subtilius scripta sunt, & præsertim pars illa, quæ Physica, siue de physico auditu inscribi solet, ac debet: hæc enim Philosophiæ pars nonnisi maxima percipi potest difficultate, sicut ex Epistola Aristotelis ad Alexandrum Magnum discipulum suum constat dicentis: Acroamaticos libros, quos editos queris, & non perinde ut arcana absconditos, neque editos scito esse, neque non editos: quoniam ijs solis, qui nos audiunt, cognobiles erunt. Hæc ex Gellio, qui utrarumq. Epistolarum recitat exempla. Primum igitur locum, ut ordinem primæ Classis sequamur, occupabunt Physicorum libri, & aliæ philosophiæ naturalis partes, quæ mûltæ sunt: deinde Politica, Ethica, Oeconomica, postremo autem Logica: Commentarij etiam, eodem primæ Classis ordine seruato, necnon Metalla, Alchemica, & Opuscula quæcūque, ceteraq. omnia ad philosophiam naturalem pertinentia statui debent: postremum vero locum Indices, & alia id genus sibi vendicabunt.

Tertia Classis omnia, quæ ad Mathematicam spectant, complectitur. Huius scientiæ partes hoc ordine statui possunt: Astrologia, Astronomia, Cosmographia, Geometria, Geographia, Musica, & Arithmetica, necnon ea, quæ ad hæc disciplinas reduci queunt: ut Statica de ponderibus: & Metrica de mensuris, & alia id genus permulta. Idem denique de Commentarijs, & opusculis, & alijs rebus intelligendum erit quod superius dictum est.

Quarta classis, quæ est de Medicina, ordinem superiorem seruat, quem in Philosophicis libris secuti sumus.

Quinta

Quinta erit de iuris ciuilibus prudētia, ordine superiori seruato. *Quinta
classis.*
Sexta erit de Grammaticis Hebraicis, & Græcis, ac de lin- *Sexta
classis.*
guis, ac Dictionarijs, de Historia, Poësi, Rhetorica, Diale-
ctica Græce conscriptis.

Septima, ordine item superiori seruato, complectatur Gram- *Septima
classis.*
maticos Latinos, Historiam, Poësim, Rhetoricam, Dialecti-
cam, & in hæc artes Commentarios, necnon Dictionaria.

Octaua erit de rebus mechanicis, quarum partes sunt Ars *Octaua
classis.*
Militaris, Agricultura, Architectura, Pictura, & Sculptura,
Venatio, Aucupium, & Piscatus.

Nona erit de Opusculis quibusdam, quæ sunt, Res vxoria, *Nona
classis.*
Aulica, Nautica, Ars natandi, & Culinaria.

Decima complectatur Stromata, Encyclia, & Catholica: illa *Decima
classis.*
varias res, hæc disciplinarum orbem continent.

De Bibliothecis hætenus, vt quæ de Typographijs dicere
statuimus, tandem aggrediamur. Qui plura de librorum ordi-
ne in Bibliothecis seruando scire cupit, Robertum Constanti-
num in insignium Scriptorum Nomenclatore, necnon Ioānem
Baptistam Cardoniam Episcopum olim Dertosanum de Regia
sancti Laurentij Bibliotheca legat. Hic etiam videre est quæ Eul-
uius Vrsinus de Bibliothecis in genere scripsit, necnon de Vati-
cana ex Onuphrij Panuini non editis collegit: hæc enim Car-
dona typis mandanda curauit. Ego vero nonnulla de Biblio-
thecæ Vaticanæ Bibliothecarijs, & Custodibus ex eo codice de-
sumpsi, vt suo loco ante Appendicem cernere licet.

DE TYPOGRAPHICAE ARTIS INVENTIONE, ET PRÆSTANTIA.



TYPOGRAPHICAE artis inuentum vsui char-
tarum apud nos frequenti, & valde utili, ita
præstat, vix vt verbis vnquam explicari queat.
Hoc enim nouo scribendi genere, tantum
vno die ab vno homine litterarum imprimi-
tur, quantum vix toto anno, vt Polydorus te- *Polydorus
lib. 2. c. 2.*
statur, a pluribus scribi posset. Hinc non solum mira li-
brorum

brorum copia ad nos manauit, atque ita, vt quisque, quamuis egenus, litterarum studijs facilius incumbere queat, verum etiam Scriptorum monumēta ab omni prorsum interius periculo vindicata sunt, & quotidie non modo ab huiusmodi interitu, sed ab alijs etiam incommōdis, quæ multa sunt, vindicantur. Quamuis autem impressoria huius generis ars in Europa, anno a partu Virginis 1442. fuerit inuenta, vt multi scribunt, cā tamen in magno Sinarū Regno, ante annos plus minus bis mille in vlu fuisse, atque nunc esse accepta multis, qui inibi diu vixerunt, & præsertim a Michaelē Rogerio Neapolitano e Societate Iesu, qui, cum vndecim annos ad Christianam fidem propagandam eo in Regno vitam duxerit, nunc Romam ab eius Regni incolis missus, ait se legisse libros verbis, & characteribus Siniacis impressos ante Saluatoris nostri aduentum annos circiter quadringēros. Typographica vero ars, quæ dicto in Regno exercetur, distat a nostra: ea enim non habet characteres ex plumbo, ac stanno conflatos, quibus vtuntur nostrates, sed in tabulis intusculptos, quales nos interdum effingimus, cum figuras in tabulis ligneis, vel laminis æreis incidendas curamus, & alia id genus permulta. Vtuntur præterea Sinarum incolæ in imprimendo paginis tenuissimis ex cuiusdam arboris cortice confectis, vt supra a nobis non semel dictum est, cum de quodam libro apud Siniacos impresso, quem Frater Spiritus Vicentinus, summus olim Augustinianorum Magister Sixto V. dono dedit, mentionem fecimus. Huius item generis libros aliquot vidi asseruatos penes Michaelē Rogeriū, nuper a me nominatum, qui mihi paginam Oratione Dominica, & Salutatione Angelica insignitam, & verbis, & characteribus Siniacis impressam donauit. Vtuntur denique variorum colorum atramento, & vice glutinis alumen adhibent in paginis conglutinandis, aut tenuissime illinendis, vt quandam eis soliditatem, aut tenacitatem ad characteres recipiendos tribuant: nam ob miram chartarum tenuitatem, nonnisi altera cuiusque paginæ facies imprimi solet, vt ego ipse vidi. Hoc autem admiratione dignum est, omnes dictiones Siniacæ linguæ esse monosyllabas, vt in Oratione Dominica, quam suo iam loco appolimus, videre est. Multos igitur post annos ars Typographica in Europa anno salutis nostræ 1442. inuenta fuit, vt Polydoro placet,

Pag. 341.
C 379.

Poly. Virg.
lib. 2. c. 2.

cet, a Ioanne Guthembergio natione Theuthonico, equestri dignitate viro, sicut ab eius ciuibus se audisse ait, in Oppido Germaniæ, quam *Moguntiam* Latine dicunt, vulgari vero sermone *Mainz.* Decimosexto deinde anno, qui fuit salutis humanæ 1458. quidam nomine Conradus, eodem Polydoro teste, homo *Pol. Virg.* iridem Germanus, Romam primo in Italiam attulit, quam deinde Nicolaus Ienson Gallus mirum in modum illustrauit. Hæc Polydorus. Volaterranus autem, duos fratres Alemannos in Italiam aduexisse artem impressoriam, & anno ab Orbe redempto 1465. Romæ instituisse, & Libros sancti Patris Augustini de Ciuitate Dei, & Lactantij Firmiani institutiones primum impressisse affirmat. Alij eiusdem Augustini Confessiones primum impressas fuisse aiunt. Sunt qui velint huius artis inuentores fuisse Ioannem Faustum, & Iuonem Schœfferum anno Dominicæ incarnationis 1440. deinde a Ioanne Guthembergio eam illustratam fuisse in Germania: anno vero 1460. a Conrado item Germano Romam, a Sixto autem Ruffinger Argētinate Neapolim aduectam, & in Italia ab Aldo seniore illustriorem fuisse redditam, & a Nicolao Iensone Gallo in Galliam asportatam. Sed in tot Scriptorū controuersia, apponere libet quod manu Mariangeli Accursij exaratum in prima Donati Grammatici pagina inueni. Aldus enim iunior, vir quidem eruditus, & in Antiquorum monumentis indagandis accuratissimus, ostendit mihi librum Donati ex membranis confectum, & impressum, in cuius priori pagina hæc scripta leguntur:

Ioannes Faust, Ciuis Moguntinus, auus maternus Ioannis Schæffer, primus excogitauit imprimendi artem typis arcis: quos deinde plumbos inuenit: multaq. ad artem poliendam addidit eius Filius Petrus Schæffer. Impressus autem est hic Donatus, & Confessionalis primum omnium anno 1450. Admonitus certe fuit ex Donato Hollandia prius impresso in Tabula incisa. Hæc ibi, ubi etiam a latere eadem manuscripta leguntur: Hæc scripsit Mariangelus Accursius. Hic liber est Grammatica Donati; non parum autem, quantum ad ordinem pertinet, ab ea distans, qua in Italia vti solemus: immo principium est ad simile Grammaticæ institutioni Guarini, qui ab eo multa accepisse iudicatur. Huius codicis typi, & imminutus imprimendi modus rudem illam inuentionem præferunt: *Antiquorum typi.* characteres enim a prius illis Inuentoribus non ita eleganter,

& expedite vt a nostris fieri solet, sed filo in litterarum foramen immisso, connectebantur, sicut Venetijs id genus typos me vidisse memini. Vt cumq. autem sit, Typographia non solum a nobilibus, & eruditis viris, ac ditissimis quidem fuit inuenta, sed etiam ab huius generis hominibus diu exulta. Hac autem tempestate, in qua per totum fere terrarum orbem exercetur, vilissimus quisque, per paucis exceptis, egenus præterea, nulliusq. eruditionis homunculus eam illotis tractat manibus, spe tantum lucri aut mercaturæ exercendæ gratia ductus. Hinc factum est, vt soli fere Mercatores, quorum multi nullum norunt litterarum elementum, pauperrimis hanc artem hominibus exercendam cōmittant, quæstum inde omnem desumētes, & non nisi labores litterarum concinnatoribus, qui & Compositores dicuntur, necnon ijs, qui prælo præfunt, & Torculares vocitantur, relinquentes. Correctores insuper vel satis mediocriter eruditi ob tenuissimam mercedem ad corrigendi artem eliguntur, vel si eruditi sint, accurati esse non possunt, ob ingentem sarcinam humeris imparem, quam tamen sponte susceperunt, vt die nocteq. ad laborantes victum quotidianum sibi comparare queant. Id quod etiam Compositoribus, Torcularibus, ac Proto, ceterisq. huiusce artis operarijs euenire solet. Dira igitur lucri cupido, pæce bonorū dixerim, hanc nobilissimam artem, & omni laude dignam deturpauit, vilissimamq. reddidit. Quamuis autem hæc ars a pristino illo splendore degenerarit, characteribus exceptis, qui nūc pulchriores sunt, & in maiori extant varietate, addito item multarum rerum ornatu, non defuerunt tamen nostra ætate viri eruditissimi, publicam vtilitatem adamantes, & honorem magis, quàm quæstum sectantes, qui ipsam diligenter excoluerunt, & in maxima conseruarunt existimatione. Quos inter, Aldus Pius Manutius senior primum hac in re locum occupauit, atque ita, vt omnibus in rebus quidquid exacti, quidquid pulchri, quidquid denique boni appareat, id ipsum Typographiæ Aldinæ nomine ex prouerbio nuncupari soleat: fuit enim doctissimus, ac non minus re, quàm cognomine, Pius, omniq. laudē dignus, vt in Bibliotheca Aldina fusus dictum est. Audiui enim ab ijs, qui cum eo diu versati sunt, vt alias postabeam diligentias in Typographia præstitas, duo ad summum folia, singula quaque hebdomada imprimi solere,

solere, cum hodie totidem fere in singulo quoque prælo quotidie cudiantur, nulla præstita multis in locis accurratione, quin etiam (proh scelestum, & nefarium facinus) posthabito Correctore. Hinc fieri non potest, quin libri multis conspersi mendis, atque hæresibus imprimantur, vt frequentissime vidi. Huic sane rei Principes Ciuitatum non solum priuata, sed publica etiam vtilitari consulentes, toto conatu inuigilare deberent: vix enim verbis explicari posset, quantum boni ex huiusmodi arte nascatur, si diligenter; contra vero, si negligenter, & spe sordidissimi solum quæstus exerceatur: cuius enim bonus vsus, illam rem bonam dicās oportet: *vsus bonus rē bonam reddit.* contra vero, cuius vsus malus, sicut de pecunijs, de armis, & de alijs dicendum est, & præsertim de sclopo, quem vulgo vocitant arcumbusium ab arcu & foramine, quod Itali *bustum* dicunt. Idem sentiendum est de tormento illo æneo, quod *Bombarda* a *bombo*, *ardeo*, & *do*, passim nuncupatur: nam facit bombum terribilem scilicet sonitum, ardet, & dat. Quamuis enim huiusmodi tormentum bellicum, vt ait Polydorus, casu repertum a quodā Germano homine admodum ignobile, sed vt ait Genebrardus, a Bertholdo Schuartz, siue Nigro, quem deinde huius machinæ vsum Venetijs in illo bello, quod ad Fossam Clodiam cū Genuensibus anno salutis humanæ 1330. gestum est, primum ostendisse affirmat, non propterea diabolica res appellari debet, si vsus bonus sit, hoc est in defensionem Ecclesiæ, iustisq. alijs de causis adhibeatur. Arris etiam Typographica vsus si sit bonus, quantum inde boni nascatur, vix ymquam dici posset: si autem sit malus, alterum tantum mali ex eo oriri necesse est, vt experientia ipsa docet. Studendum igitur est, vt Ars typographica recte, & cum splendore tractetur non secus atque Aldus fecit, quem magna ex parte imitati sunt Badius Ascensius, Frobenius, Iunctæ, Sebastianus Gryphius, Christophorus Plantinus, & alij perpauci: sed, vt verum dicam, nunc a splendore illo descierunt. Quare Sixtus V. ad præclara omnia, & sane pia contendens, Typographiam Apostolicam Vaticanam magnificentissime instituit, viris doctis vndique conquisitis ad Concilia Generalia imprimenda, Sanctorumq. Patrum monumenta restituenda, Ecclesiasticosq. libros promulgandos, necnon ad catholicam disciplinam tototerrarum

vsus bonus rē bonam reddit.

Lib. 2. c. 8.

Genebr. li. 4. anno Domini. 1330. Ex Platina, Herburto & alijs.

Typographia Vaticana instituta.

terrarum orbe propagandam: quantum enim iacturæ passus
 sit vniuersa Theologorum, catholicorumq. Schola, quantove
 discrimini exposita sit, optime ipse nouit. Hinc nobilissimā Ty-
 pographiam; rem quidem Pontifice, quin se ipso dignam in
 Vaticano instituit, Dominico Basa Veneto, Typographo, ho-
 mine quidem nauo & industrio ac sagaci ad Typographiam
 erigendam atque regendam electo, qui pro huiusmodi re præ-
 standa circiter quadraginta aureorū millia insumpsit nulli par-
 cens incommodo, nulliq. impensæ. Hæc præterea Typogra-
 phia Apostolica Vaticana & elegantia, ac varietate, ingentiq.
 charactèrum copia, Latinis scilicet litteris, Græcis, Hebraicis,
 Arabicis, & Seruianis, necnon chartarū pulchritudine ac boni-
 tate, alijsq. rebus imprimendi arti necessarijs, ceteras Typogra-
 phias longe antecellit, viris eruditissimis ad exemplaria (quod
 caput est) recognoscenda & illustranda selectis. Id quod Ty-
 pographiam ipsam reddit nobiliorem, in qua Scripturæ sacre,
 Concilia, Sanctorum Patrum scripta, aliorumq. Doctorum
 libri tum scholastici, tum scripturales, omnesq. denique codi-
 ces ad Theologiam, catholicamq. disciplinam, historiasq. Ec-
 clesiasticas pertinentes accurate in dies imprimuntur. Hæc sunt
 arma, quæ contra aduersariorum machinas veritati tantopere
 oppugnata opem ferunt: hæc denique sunt arma illa, ad quæ
 cohortatur nos Beatus Paulus dicens: Induite vos armaturam
Dei, vt possitis stare aduersus insidias diaboli. Et infra: in
 omnibus sumentes scutum fidei, in quo possitis omnia tela ne-
 quissimi ignea extinguere: & galeam salutis assumite, & gla-
 dium Spiritus, quod est verbum Dei. Hæc profecto arma a
 Francisco Lamata Doctore Theologo, ex Prouincia Aragoniæ,
 viro quidem erudito, sua in Epistola ad Sixtum V. satis belle
 explicantur. Quare ego, cum hæc mecum considero, in
 hanc deuenio sententiam, nihil Typographiæ Vaticanæ ere-
 ctione præclarius & opportunius ad catholicam fidem defen-
 dendam excogitari potuisse. Faxit autem Deus, qui bonum
 incipit opus & perficit, vt diuina hæc erectio illud habeat
 incrementum, quod a bonis speratur ac desideratur. Hæc
 de Typographijs.

D E S I X T I V.

Aedificijs.

QVoniam in Bibliotheca Vaticana ad pictoris arbitrium, representatur rerū gestarum Sixti V. Theatrum nobilissimum, a ratione alienum fore non puto; si in eiusdem Bibliothecæ Appendice, omnia Aedificiorum genera a Sixto V. magnificentissime ad hanc usque diem perpetrata hoc loco summari apponantur, quamvis de nonnullis sermonem iam habuerim, ut suis in locis videre est.

Antequam Sixtus V. omni immortalitate dignissimus ad Pontificatum fuisset assumptus, Cardinalitia tamen dignitate decoratus, Palatium struxit suo in horto, vel Viridario amplissimo picturis vndeque ornatum, ubi nunc æstiuo tempore frequenter habitare solet. Cum primum summus Pontifex divina providentia creatus fuit, statim Sacellum, in Aedibus sanctæ Mariæ maioris ad Præsepe, quod nunc Sixtianum dicitur, aggressus est, atque Sacellum vetustissimum, quod Præsepe nuncupatur, eò integrum transferendum curavit. Hisce in Aedibus cernuntur Statuæ Pij V. & Sixti V. egregiæ, necnon eorundem sepulchra magnificentissime ab eodem Sixto constructa. Miram huius Sacelli structuram supra videre est. Scalam sanctam in splendidiorem locum transtulit, eamq. necnon Sancta Sanctorum mirifice exornavit: ambulacrum, siue porticum superiorem, & inferiorem Ecclesiæ sancti Ioannis in Laterano, ubi summus Pontifex benedictionem in die sancto Paschatis elargiri solet, a fundamentis instauravit, & illustriorem reddidit: atque inibi Palatium Pontificium a fundamentis restituit, amplissimum reddidit, admirabili structura exornavit, & Pontificia dignitate dignum, in quo publica etiam Consistoria celebrantur. Ecclesiam sancti Hieronymi, & Illyricorum Nationi Hospitium a fundamentis, suisq. impensis construendum mandavit, ut fusus suo iam loco dictum est. Scalam item longissimam & amplissimam, & pulcherrimis picturis ornata Pontificum commoditati in Vaticano aperuit, qua ire possunt a Palatio Pötificio ad sanctum Petrum absque eo quod in

Pag. 30.

30.280. et

281.

Pag. 17. et

32. de Scâ

la S. & de

pal. Later.

De Scala

item pag.

247.

Pag. 24. et

265.

Pag. 239.

in publicum exeant. Ecclesiam sanctæ Sabinæ, vbi Cappel-
 la Pontificia in die Cinerum celebratur, instaurauit. Obeli-
 scos quattuor maximis quidem impensis transferendos, & eri-
 gendos curauit, vt suis iam locis fusissime dictum est. Hospi-
 tium, vel Xenodochium, siue Ptochodochium, & Ptochotro-
 phium, vt supra videre est, quam domum mendicantium vo-
 cant, ad Pontem Sixtum extruxit. Statuam sancti Petri aeneâ,
 & inauratam supra Columnam Traianam: & Statuam san-
 cti Pauli ex ære, & auratam supra Columnam Antonianam,
 erexit, quam etiam multis in locis instaurauit. Lauacrū mulie-
 rum pauperum commoditati, & locum publicum Sericæ arti
 commodum ad Thermas, Lanæ autem ad viam Felicem ad
 Amphitheatrum, vel, vt dicunt, Coliseum vsque instituit. Aquâ
 Felicem per longos aquæductus ex Agro Prænestino ad xxii.
 duo mille pass. Romam vsque ad Quirinalem mirificis impen-
 sis adduxit, eaq. Romam vndique irrigandam concessit. Mi-
 rificam Fontis in Quirinali structuram, & alia scitu digna suo
 loco videre est. Amplissimum Pontificum commoditati Pala-
 tium in Quirinali struit, & exornat. Hoc in monte Phidiæ, &
 Praxitelis equos & Aurigas instaurauit, necnon in splendorum
translulit locum & viam, quæ ab equis ad Portam Piam
ducit, excauauit, complanauit, & commodiorem reddidit, vt co-
piofius alibi dictum est, vbi multa de equis, digna quidem scitu,
videre est. Fontes publicos Romæ multos struxit: Plateas com-
planauit, multasq. vias strauit, quarum vnâ Felicem vocant
ad quingentos, ac duo mille passus longam. Duas item lon-
gas, latasq. ad populi commoditatem, ac deuotionem strauit,
vias, quarum vnâ a Porta sancti Laurentij extra muros ducit ad
Aedes sanctæ Mariæ maioris ad Præseppe: altera vero ex eodem
loco ad Thermas, sicut vberius alibi narratum fuit. Nouam
item strauit viam ab Aedibus sanctæ Mariæ ad Præseppe ad san-
ctum Marcum, alteram ab Aedibus sancti Ioannis in Latera-
no ad Amphitheatrum, aliam a Porta Salaria ad viam Piam.
Montem sanctæ Mariæ Maioris, & Plateam sancti Ioannis in
Laterano complanauit, & viam, quæ ducit ad Ecclesiam
sanctæ Mariæ ad Præseppe, repleuit, & altiore, commodio-
remq. reddidit. Plateam sanctæ Mariæ Angelorum exor-
nat, rudibus, parietumq. ruinis, aut veterum Aedificiorum
 excidijs

excidijs vndique amotis. Turrim Nicolai Papæ in editissimo loco sitam ad nemus, vulgò Belvedere dictum, siue Pulchrum viridarium prope Vaticanum Palatium, maiorem, siue altiorē reddidit, & aliqua ex parte restaurauit. Aedes in Palatio Vaticano, loco aperto, ac salubri, gratoq. Vrbs aspectu insignes Pontificum commoditati facit, vt inscriptio ipsa docet.

DE THOLO BASILICAE

sancti Petri.

THOLVS Ecclesiæ sancti Petri sphæricus est, sicut infra videre licet, opus sane adeo admirandum vt in toto terrarum orbe nihil ex antiquis aut nouis ædificijs cum eo conferri queat. Quamuis autem de ipso satius sit silere, vt ille dixit de Carthagine, quàm pauca dicere, nonnulla tamen tenui saltem penicillo describenda esse censeo, vt qui Romæ non adsunt, aliquam notitiam habeant. Huius generis opus tam immensum, tantaq. admiratione dignum, Bramante Architecto egregio, vt alibi dictum est, Iulio II. iubente cœptum fuit: deinde ab alijs Pontificibus intermissum, sed Paulo III. mandante, a Michaelæ Angelo Bonarota Architecto, & Pictore eximio, & numquam satis laudato, reformatum est, & auctum. Sacra hæc sancti Petri Aedes, immensa quidem, & admirationis plena a ceteris deinde Pontificibus fuit continuata Sacello Gregoriano, Iacobi a Porta opere, & aliquot testudinibus aucta: Tholus vero, quem Cupulam vocant, tamquam moles operosior, immo operosissima ceterarum totius machinæ partium, tum ob impensas sane ingentes, summosq. labores, tum ob temporis diuturnitatem ab alijs Pontificibus desperatus, iubente Sixto V. ad res sane arduas, ac præclaras producendas nato, duorum ac viginti mensium spatio centum millibus aureorum singulo quoque anno consumptis per operarios homines ad octingentos perficitur, summa industria Fabij Blondi Patriarchæ Hierosolymitani, & opera ac labore incredibili Iacobi a Porta Architecti egregij, tota Vrbe exultante, & admirante. Nam etli ceteri summi Pontifices huius generis opus tam pium, tamq. arduum

Sallust. de bello Jugurt. in princ.

*Pag. 4. 6
252.*

Sixti V. magnanimitas. Impensa pro Tholo construendo. Tholi Praefectus.

*Architecti
laudes.*

maiolem in modum affectarunt, quod tamen vehementer cupiebant, executi non sunt: eos enim impensæ magnitudo deterruit, ac temporis longinquitas ab opere faciundo reuocauit: Architecti namque non nisi quinque decies centenis nummum aureorum millibus, decemq. annorum spatio mirificam, & operosissimam illam molem erigi posse omnino affirmabant. Sixto autem V. illud idem assequi cupiente, aliquot magnæ existimationis Architectos accersiu: sed ij manifestam operis difficultatem, & breue temporis interuallum intuiti durissimam renuerunt prouinciam, quam Iacobus a Porta ingenij excellentia præditus, & egregie cordatus homo, Architectusq. nobilissimus, omnium admiratione suscepit, remq. ipsam iisdem impensis eodemq. temporis spatio supranarratis vniuersæ Urbis, & Orbis exultatione absoluit: moles enim ipsa operosissima extrui cœpit anno salutis nostræ M. D. LXXXVIII. Mense Iulio ineunte, anno vero M. D. XC. die 14. Maij suam recepit perfectionem, exceptis laminis plumbeis, quibus Tholus contegitur, & bracteis aureis, quibus costæ mirifice ornantur; necnon Laterna columnis extructa, pila & Cruce inauratis super Tholum collocatis: quæ omnia septem deinde mensibus confecta sunt: Mensibus autem vndetriginta, cuncta suis omnibus numeris fuerunt absoluta.

Vt autem aliquid de Tholo intimius a nobis describatur, eius altitudinem, & latitudinem, necnon alia ad tantam molem construendam, & ad Tholi ornatum pertinentia explicabimus. Tholus ipse, sphericæ figuræ moles, a suo ipsius paumento ad fastigium vsque, hoc est ad initiũ vsque machinæ, quam vulgo Laternam vocant, quingentis palmis Romanis constat, latitudine vero diametrali, ducentis: sustentatur autem, huiusmodi moles quattuor parastatis, siue, antis immensis marmorũ varietate incrustandis, quæ columnæ quadræ, siue pila stri a nostris vocantur: singula autem quæque parastata est latitudinis octuaginta palmarũ ex qualibet parte aut facie. Super parastatis fornices quattuor ingêtes ducti sunt, quorũ quilibet centum inanitatis, aut vacuitatis palmos habet. Supra Tholi fastigium, quod oculus dicitur, duæ ac triginta columnæ Tiburtinæ super bases sphericæ locatæ sunt, quarum vnaquæque palmis viginti

viginti constat. Hæc res insignem refert ornatum ad alterius Tholi, siue templi sphaerici formam constructa, quam vulgo Laternam vocant: & hac, puto, ratione hunc Tholi ornatum Laternam dictam, eo quod laternam quandam repræsentet, quæ in Turribus, & in alijs id genus locis editissimis prope mare apponi solet, vt nauigantibus iter tutius præbeatur, quo cautius ad portum peruenire queant. Id quod etiam in trirēmis præcipuorum virorum fieri solet, quarum puppis laterna inaurata ornatur, quā nonnulli Italiæ populi *Fanale* vocitare solent, alij autem, *Lanternæ*, Veneti vero, *Phano* vocant, vocē mutuati a Græcis, a quibus dicitur *Phanos*, *φάνος*, Latine autem *Phanos*. *Laterna*. Supra Tholi laternam locatur pila ænea inaurata, *Pila aurata*, quæ ex diametro est latitudinis duodecim palmorum. A pavimento autem Laternæ ad cacumen vsque pilæ est altitudo palmorum centum. Supra pilam cernitur Crux item ænea et aurata, altitudinis palmorum quinque ac viginti. Quæ quidem omnia, haud facile dici potest, quantum ipsi Tholo splendoris afferant, & ornamenti. Hæc de Tholi altitudine, & latitudine. Reliquum est, vt exteriorem eiusdem molis ornatum aliqua ex parte explicemus.

A quattuor fenestrarū ordinibus, & a culmine ipso aperto ad latitudinē palmorum 200. ex diametro, Tholus excipit lumen, quarum quisque sexdecim fenestris constans lucem item non solum amplis præbet ambulacris, quæ totum Tholum intraduos, & profundos quidem fornices circumeunt, sed concauitatibus, & conuexionibus vndeunque lumen subministrant: vnde quaque enim a pavimento ad fastigium vsque Tholi per Scalas fornicatas parietem interfecantes, partim planas, partim vero gradibus constructas commode iri potest: mira est enim parietum crassitudo, atque ita, vix vt credi queat: sexdecim autem sunt scalæ inter vnā atque alterā Tholi costam ductæ, quibus ad Tholi culmen ascenditur. Quæ profecto res est adeo narratu difficilis, vt non nisi ab ijs, qui eas viderunt, recte intelligi possit. Primus autem fenestrarum ordo machinæ fornicatæ, Tholo subiaccens (vt eo, vnde digressi sumus, reuertamur) lapidibus Tiburtinis concinnatis & sculptis, necnon duabus ac triginta columnis ornatus a basibus ad epistylia, siue capitula, est altitudinis palmorum viginti.

Supra hunc primum fenestrarum & columnarum ordinem opus egregium & admirandum Sixto V. sedente ac iubente fieri cœpit, & absolutū fuit, saxis Tiburtinis constructum ad altitudinem palmorum 200. latitudinem vero ex diametro totidem palmorum. Huic ordini succedit moles illa arcuata aut fornicata, in qua tota versatur difficultas, mirumq. omnium ædificiorum artificium. Huius generis machina, ac structuræ perfectio quamvis omnium peritorum iudicio septem ad minimum annorum spatium postulasset, maxima tamen pecuniarum & operarum copia, vt supra diximus, industria item eorum, quibus hæc cura commissæ fuit, suis omnibus numeris dictoq. temporis spatio ad finē deducta est: nam non solum moles arcuata aut fornicata laminis plumbeis vndeque contegitur siue incrustatur, sed costæ item sexdecim ab imo ad summū subductæ vitro tessellato, ac bracteis inaurato incrustatæ cernuntur: quarum splendor tantus est, vt oculos intuentium, reddant cæcutientes.

Instrumenta ad Tholum constructum adhibita.

De ijs, quæ ad tantam molem erigendam fuerunt necessaria, subtrahendum censeo, quia longum esset ea recensere. Dicam tamen ex rudentibus quingenta librarum millia fuisse consumpta, innumerosq. funes ad lapides Tiburtinos, columnas, lateres, cæmenta, aquam, ligna, ferrum, & alia id genus permulta ab Ecclesiæ pauimento sursum trahenda: cui sane rei, die noctuq. incumbebatur: nam quotidie pro duobus Tholi fornicibus connectendis, ingenti Tholi oculo in eius summitate relicto, a quo lumen excipitur, ex ferramentis triginta librarum millia sursum extracta sunt, tribus officinis Ferrarijs adhibitis. Armaturæ, vt aiunt, forinsecæ, siue fercula, super quibus operæ suam exercebant operam, fuerunt innumera: sed interior fuit tantum vna, quæ in vltima ex tribus Tholi partibus fuit adhibita: Hæc erat lignorum, connexio præter ceteras trabes minores circiter mille, centum & amplius trabibus constans, quarum multæ erant ad longitudinem palmorum centum, atque ita crassæ vt duo homines amplecti eas non possent: compactio vero lignorum omnis stuporis plena: erat enim ita ingeniose facta, vt super se fundata, nullo prorsus adminiculo adiuuante, in aere pendens videretur, iuxta Ciceronis dictum de Nat. Deo. terra, quam vndique in sese nutibus suis conglobatam ait: atque

atque iuxta Psalmographi sententiam dicentis, terram firmam esse super stabilitatem suam, idest super mundi centrum: ad quod terræ partes ita vndeque ex sui tendunt natura, vt ab ipso centro declinare nullo penitus modo queant. Et Iob: *Iob 26.*

Appendit terrā super nihilum, nullum scilicet infra se habentem elementū, super quo fulciatur, hoc est suis libratam ponderibus, Ouidio teste. Huius generis videbatur connexio lignorum illa. *Ouid. lib. 2. Metam. in prin.*

Quoniam vero, nobilissimum beati Petri Templum ab ipsius Tholi magnitudine, & excellentia haudquaquam discrepat, immo ei, vt Anastasius Germonius in suo de Sacrorum Immunitatibus libro erudite docet, omnino respondet omnem habens Symmetriam, hinc nonnulla de augustissimo Templo explicanda censeo. Templum igitur ordine Corinthio intus & foris extructum, lapidibusq. Tiburtinis diligentissime concinnatis, miroq. ordine dispositis vndeque incrustatum, atque item hemicyclis, balaustris, acroterijs, semicorollis & floribus, & frondibus, atque fructibus contextis, Ecclesiæ sanctæ insignibus, epistylis, triglyphis, acanthis, & id genus alijs rebus distinctum. Quæ omnia tantam afferunt elegantiam, tantamq. artis præstantiam, quanta vix vnquam verbis exprimi posset. *Lib. 3. c. 1. num. 8. Templi descriptio. De his Virruuius lib. 4. cap. 3. et alibi.*

Ad Templum autem per plurimos ascenditur gradus, ad quorum ascensum sese primum offerunt sacræ beatorum Apostolorum Petri & Pauli Statuæ in edito loco sitæ. Post graduū ascensum sequitur Porticus perpulchris sustentata columnis, deinde Templi frontem excelsam, & ob marmorum varietatem, multos hemicyclos, multasq. fenestras, necnon ob alia ornamenta nobilissimum. Per quinque autem ianuas, quarum primaria nobilissima est, aditus patet ad Templum, instar Crucis formatum, Sacellis quattuor, Altaribus, hemicyclis, in quibus Statuæ collocandæ sunt, columnis, picturis, atque alijs insignitum rebus, quibus hodie abundare cernitur Gregorianum Sacellum, in quo non deest marmorum varietas ac nobilitas, nec item discolores desiderantur columnæ, non musui, vermiculati ac tessellati operis præstantia, non picturæ ab excellenti effictæ artifice, nec denique auri copia. Hisce omnibus de rebus copiosissime, ac doctissime quidem scripsit, præsertim vero in nominibus rerum explicandis, Ascanius Valentinus Romanus Cardinalis Nouocomensis a secretis, qui eruditum edidit

*S. Gregorij
Nazianze-
ni transla-
tio.*

edidit libellum de Gregoriano Sacello, in quo sancti Gregorij Nazianzeni corpus, nobilissima & admiranda, sed sacra quidem pompa 1580. die vndecima Iunij, festo die sancti Barnabæ ab Ecclesia sanctæ Mariæ de Campo Martio Romæ a Monialibus Ordinis sancti Benedicti religiose exulta iussu Gregorij XIII. translatum requiescit, brachio tamen eiusdem Sancti dicta in Ecclesia relicto.

De hac Translatione, Italica lingua nonnulli scripserunt, & præsertim Fortunius Lælius Cornetanus, & Io. Bernardinus Rastellus Perusinus. De Sacello Gregoriano scripsit item Laurentius Frizolius Poeta clarissimus, & Lilius Gregorij Gyraldi Ferrariensis celeberrimi viri alumnus.

*Reliquia
sacra in
Basilicâ
Petri as-
servata.*

Ad Gregoriani Sacelli formam tria erunt altera, atque hunc fere in modum Altaria, quæ permulta sunt, ornabuntur, & præsertim Altare illud celeberrimum sancti Petri, in quo Sanctorum Apostolorum Petri & Pauli ossa maximo asseruantur honore ac pietate iam inde a Siluestro Papa, qui eorumdem Apostolorum corpora diuisit, medietatemq. hoc in Templo, alteram vero in Basilica sancti Pauli: sed capita eorumdem Apostolorum maxima custodiuntur veneratione in Basilica sancti Ioannis Lateranensis. Asseruatur denique hac in Basilica sancti Petri caput sancti Andreæ, Sudarium sanctæ Veronicæ, Saluatoris nostri effigiem habens expressam: Lapis satis grandis, in quo multi Christi fideles martyrij coronam meruerunt: Lapis item porphyreticus, super quem sanctorum Apostolorum corpora a Siluestro diuisa sunt, & Sedes sancti Petri ex Antiochia translata. Extat etiam inibi columna perbelle insculpta ex Hierusalem aduecta, cui Saluator noster, dum prædicaret, innixus fuit: eaq. maligni spiritus humana corpora vexantes abiguntur. Eodem in Templo sanctorum Pontificum, aliorumq. Martyrum corpora requiescunt, reliquiæ vero, quæ inibi magnæ custodiuntur veneratione, innumeræ fere sunt, & pretiosæ quidem, quas longum esset recensere.

*Timantis
exemplū.*

Hæc de vniuersa, atque immensa Templi machina, totoq. fere terrarum orbe celeberrima breuiter dicenda visa sunt: cetera enim, quæ a me explicari non potuerunt, silentio inuolui, Timantem imitatus: qui quæ pingere non valebat, velamine picto tegebat. Ut autem de hoc augustissimo

acceleberrimo Templo aliquam notitiam visu perceptibilem ijs, qui ab Vrbe absunt, præbeam, eius Ichnographiam iuxta Bramantis delineationem a Michaelē Angelo Bonarota reformatam hoc loco apponere libuit, vt infra videre licet.

AEDIFICIA EXTRA VRBEM *extructa.*

SIXTVS V. Bononiæ Picentū commoditati Collegium Scholarium crexit, & redditibus opulenti doraui. Ciuitatem ad Aedes Lauretanas instituit, magnisq. impēsis construendā curat in honorem Deiparæ Virginis. Montaltum item patriam suam Ciuitatis iure donauit, multisq. ædificijs auget, & exornat, vbi mons complanatur, atque officina Monetaria instituta est. Ad Centumcellas aquarum potabilium penuria laborantes, Aquæductus construendos curauit, & ciuitatem salubribus aquis ditauit. Pontem inter Burghettum & Oriculum supra Tibrim omnium commoditati struendum curat: quæ res tanti momenti est, vt haud facile dici possit.

Auctor operis ad Lectorem.

ERRARE possum, corrigi volo: homo enim sum, & humani
a me nihil alienum puto. Siquid igitur hisce in meis commentarijs ob temporis angustiam mihi a grauioribus negotijs concessam minus recte dixerim, aut explicarim, in ijs præsertim, quæ ad Fidei doctrinam pertinent, S. R. E. censuræ me subiectum & emendationi paratissimum esse declaro: immo pro fide catholica meum profunderē sanguinem, & libentissime quidem: quin si mihi id eueniret, summæ felicitati ascriberem.

*Peroratio
operis.*

Quod autem ad impressionē libri attinet, scio nonnulla irrepsisse menda: sed mirandum non est, cum fieri haudquaquam possit, vt liber vllus absque ijs in lucem prodeat, sicut experientia docet: verbis enim vix vñquam exprimi posset, quanta in mendis admittendis, omni etiam diligentia adhibita, sit facilitas. Qui autem artem Typographicam norit, hac in re fidus mihi poterit esse testis: nemo enim est tam Lynceus, qui nusquā

*De erroribus
Typo-
graphica
artis.*

cessperet,

*Typogra-
phica ar-
tis errorū
causa.*

*Auctor ab
opere veno
gatus.*

*Summorum
Pontificum
concionato-
res.*

cespiter, nusquam incurrat. tot namque litterarum concinnatorum errata sunt, & plerumque ob exemplaria nimis confuse conscripta, quale fuit nostrum, quod erat, ut sic dixerim, illa prima Graphis, aut informatio, ut menda omnia auferri non possint: vel si auferantur, ab ijs deinde concinnatoribus ob eandem interdum causam suam in locum recognita non reponuntur. Adde etiam, quod nonnumquam emendata inter imprimendum ab ijs, qui prælum tractant, corrumpuntur. Typographica igitur ars, ut multa vno verbo cōplectar, nimis est erroribus subiecta, sexcētæ enim aliæ sunt causæ, quibus facile admittuntur errores, & cuitari vix vnquam possunt: quis autem tam accuratus esse potest, ut laqueos omnes vndique sibi paratos euadere queat? nemo prorsus hominum. Sed utcumque sit, menda in fine Indicis videre est. Nec silentio pertranseundum censeo, me hoc totum fere opus duos iam annos elucubrasse, & pene absoluisse, magna ex parte iam inde ab eo tempore fuisse impressum, sed Sixtus V. e medio cursu me reuocauit, grauiorq. negotio destinauit. Hinc factum est, ut in huius generis onere mihi imposito, Biblijs scilicet Vulgatæ editionis ex sacri Concilij Tridentini Decreto, ac præscripto quàm emendatissime in lucem edendis, non solum ob multos studiorum labores (Francisco etiam Toletico Societate Iesu, viro sane doctissimo, multisq. ab hinc annis summorum Pontificum Concionatore, adlaborante, & consulente, ipsumq. Pontificem adiuvante, præuia tamen eorumdē Bibliorum vtilitate in Aedibus Antonij Card. Carasæ præstita) verum etiā ob plurimas corporis defatigationes, quibus diē totum, maioremq. noctis partē consumebam: quotidie, enim negotio postulāte, Sanctiss. Dom. non semel alloqui opus mihi erat, non solū dum in Vaticano degebat, sed eo etiam æstiuo tempore, in Quirinali monte commorante, illuc vsque, solis ardore sæuiente, e Vaticano adibam. Hisce igitur de causis in diuturnam incidi febrem, atque adeo grauem, ut quater ab omnibus mortuus fuerim existimatus. Sed qui me creauit, me denique recreauit, ut vita superflite ei melius inferuire studeam. Quare opus iterum sum aggressus, ac tandem aliquando ad finem perduxī Deo fauente, cui sit honor perpetuus, & gloria sempiterna.

F I N I S.

S · PETRI O BASILICA





I N D E X
RERVM PRAECIPVARVM
QVAE IN HOC LIBRO
CONTINENTVR.



A.



ARON & Moyſes
quomodo Chriſtū
repreſentent. f. 187
A, littera unde ortum
habuerit. 113

A, littera cur ſalutaris ex Cicero-
ne. 114

A, initium prima litterae Alphabe-
ti cuiuſcumque apud omnes fere
Nationes non ſine myſterio. 92

A, non eſt ad virum magis quā
ad feminam pertinens. 92. Hinc
primus homo Adam dictus eſt.
fol. 92

A, plenitudo vocis appellatur, & ex
ea fit pentagonum quinque repe-
tita. 296

A, pronunciatur a viris in prima
infantis luce, a feminis, E. 92

Abba, unde Babba vel Babbo. 297

Abſolutus interpretatur. 86

Aborigines quaſi ſine origine, ideſt
patribus. 135

Abraham Chaldaeus. 85. & 86

Abrahami bellum commiſſum cum
Rege Elamitarum. 85

Abrahami artes, quas ipſe inuenit,
vel exercuit. 85

Abrahamus Syriacarum, et Chalda-
carum inuentor. 84

Abſiſtere pro deſiſtere. 33

Abſiſto pro deſiſto. 33

Abſoluitor pro abſoluitur. 271

Abyſſina linguae propagines duae. 86

Αὐτός ἑπν. hoc eſt, ipſe dixit. 127

Αὐτοῦ πάτερ, quid. 179

Achillis ſtatij Bibliotheca. 397

Adam primus homo damnauit ſe-
cula pomo. 79

Adam lingua Syriaca terrenus, vel
pulcroſus dicitur. 194. & 195

Adam litteras inuenit. 78

Adam, ideſt terra rubra. 86

Adam primus & ſecundus. 173

Adam, Cain, Abel, & Noe nomi-
na Syriaca. 86

Adam, vocis huius cur prima lit-
tera ſit, A. 92

Adam lapſus, ligōn, pomum: &
veſtis pellicea quid. 78. & 79

Adque pro Atque. 278

Aedificia Sixti V. omnia nominan-
tur. 415

Aeſar, Deus lingua Hebraea. 333
h h h 2 Aegy-

I N D E X

Aegyptij sacras litteras a Mercurio edocti. 99
Aegyptij callent omnes Mathematicae artes, quae ab ipsis emanarunt ad Graecos: illi enim celo sereno perpetuo vtuntur. 115
Aegyptiacum Alphabetum. 108
Aegyptiarum litterarum inuentor: & Mercurio, & Memnoni tribuitur a diuersis. 109
Aegyptiarum litterarum inuentrix ex Augustino. 99
Aegyptiarum litterarum inuentio antiquissima. 99
Aegyptiarum litterarum inuentores. 96
Aegyptiarum litterarum inuentor. fol. 108
Aenigma elegans de Phœnice aue. 116
Aer inanitatis impatiens. 195
Aer inane dicitur. 195
Aldi Manutij Orthographia maior diffuse docet, aspirationem ab antiquis Latinis non nisi in vocalibus fuisse admissam, a consonantibus ablatam. 19
Aldi Manutij Bibliotheca. 402
Aldobrandinus Card. & Legatus Polonia. 237
Alexander Magnus Grueminitus. 124
Alexander III. fugiens Venetias superbiam Federici repressit. 201
Alexander Magnus, eiusq. Bucephalus in varijs numismatis representantur. 257
Alexander pro Alexander. 277

Alexandri Magni epistola ad Aristotelem de sepulchro Cainan ante diluuium extructo, & de epitaphio inibi insculpto Hebraicis litteris. 83
Alexandrina Bibliotheca a Philadelpho constituta. 47
Allium & cape pro Dys apud Aegyptios. 98
Aliud pro aliud. 277
Alphabeti Hebraici prima littera omnium fere Nationum Alphabeticum primae litterae pronuntiatione, vel saltem initium litterae primae dedit. 92. 118. & 295
Alphabetum Phœnicum. 117
Alphabetum Chaldaicum. 85
Alphabetum Armeniacum. 136
Alphabetum Iacobitarum. 84
Alphabetum Hebraicum nouum ab Esdra inuentum. 91
Alphabetum Hetruscum. 150
Alphabetum Illyricum. 160
Alphabetum Latinum figuras, nomina, formationem litterarum, ac pronuntiationem habens. 144
Alphabetum Graecum. 112
Alphabetum Aegyptiacum. 108
Alphabetum Hebraicum antiquius. fol. 79. 82. & 88
Alphabetum Hebraicum vocales non habet. 93
Alphabetum Chaldaicum, & Syriacum cur eiusdem characteris. fol. 86
Alphabetum Seruianum. 169
Alphabetum Phrygiacum. 104
Alphonfi Aragonum Regis Bibliotheca.

I N D E X.

ibeca. 385. eius dictum de libro
Vitruuij sibi asportato sine asse-
ribus. ibid.
Alphonfi Ferraria Ducis Bibliotheca
ca. 394
Alphonfi Ciaconi Bibliotheca. 402
Alphonsus Ciacon de Cardinalatu
S. Hieronymi. 168
Altare ligneum in Basilica solum
Lateranensi reperitur : cur eo
nonnisi summis Pontificibus li-
ceat uti in sacrificando. 6. &
Cardinalibus Episcopis per Pon-
tificiam dispensationem. 7
Altare ligneum, eiusq. priuilegium
in Basilica Lateranensi primum
a Constantino magnificentissime
constructa. 176
Ambrosius sanctus Theodosium Imp.
ab ingressu Ecclesie prohibuit.
fol. 233
Ambrosius Maximum, qui Gra-
tianum Imp. occiderat, pœniten-
tiam agere recusantem, excom-
municauit. 233
Ambrosius se Romæ ieiunare ait,
Mediolani non item iuxta loco-
rum consuetudinem. 74
Ambrosius multos hereticos conuer-
sit, & Augustinum Ecclesie lu-
men baptizauit. 233
AMPLIATIT, pro amplia-
uit, &c. 141
Amphionis fabula. 251
Anastasius Germonius de Concilijs
habitis ab Imperatoribus, aut
Regibus. 58
Anastasius Germonius de Ordini-

bus Architectura iuxta Vitru-
uij doctrinam. 268
Anastasius Germonius de tribus ord.
adificiorum. 208
Andrea Apostoli caput. 422. ubi nã
asseruetur. 422
Angeli num habeant propriam dia-
lectum. 302
Angelis quomodo res corporeæ obe-
diant. 302
Angelorum corporeitas, eosq. pin-
gendi vsus. 75. difficultas quæ-
dam grauis explicatur. ibid.
Angelus vno tantum modo loqui po-
test homini. 302
Angelus Angelo quot modis loqui
possit. 302
Anglia quasi nostri orbis angulum.
fol. 309
Angli tempore Gregorij Magni ad
fidem conuersi sunt. 309
Angli quasi Angeli. 309
Annibal Zitellus de numismatis.
fol. 257
Annibal Zitellus de antiquitatibus,
ac de imaginibus virorum illu-
strium. 180
Anni tempestatum emblemata. 197
Anni tempestates ab Ouidio descri-
ptæ. 197
Annona Vrbi comparata satis lar-
ga. 34
Annona Vrbi & Italia subministra
ta. 12
Anima, qua cum Iacob in Aegy-
ptum fuerunt ingressæ, cur in Ge-
nesi, et Exodo septuaginta fuis-
se dicantur: in Actibus vero Apo-
stolo-

stolorum septuaginta quinque. fol.	292
Antipodes quinam sint.	8
Antiphona ad Laudes Matut. Na- tivitatis Domini.	32. & 65
Antisigma sc. a Claudio inuentum. fol.	142
Antonij Augustini Bibliotheca.	386
Antonij Card. Carafa sumptus, & labores in Bibliorum emen- datione.	407
Antonius Queregens de treremi- bus.	39
Antonius Card. Carafa de Biblijs. fol.	406. & 424
Antoninus Imperator cur pius fue- rit nuncupatus. 36. Hic primus permisit, vt Dominico die Re- surrectio celebraretur. ibid. Huic columnam dedicauit M. Antoni- nus philosophus filius adoptiuus. ibidem.	
Antoninus Pius Sixto primo seden- te imperauit, & a Sixto V. co- lumna priuatus est.	291
Apex pro Apex, & Gregs pro Grex apud veteres Latinos usurpa- bantur.	137
Appendix in Bibliothecam Vatica- nam.	272
Appendix in Bibliothecam cur sa- cta.	273
Apud pro Apud.	277
Aqua ab Ouidio cur in postremo lo- co ponatur inter elementa, cum terra sit aqua inferior, & gra- uior omnibus elementis.	193
Aqua procreationum origo.	194.

Aque felicitis Emblema 24. cur sic dicta.	24
Ararat est in Armenia.	158
Arborum cortices scripta in Biblio- & theca Vaticana asservantur: etiā apud Aldum Manutium.	379
Arcta est via qua ducit ad vitam, & lata ad interitum.	127
Archimandrita quid.	67
Architectus Sixti V. Dominicus Fontana.	262
Architectus Sixti V.	259
Archium Romanorum Pontificum maxima existimatione ac vene- ratione habitum.	52
Argi fabula: cuius caput Panionis cauda inseruit Iuno centum ocu- los habens.	100
Argus mystice sumptus.	100
Ariana heresis omnibus amplior, & perniciosior.	59
Ariana heresis flamma totum de- populata est.	59
Arianos libros ex decreto Concilij Niceni Constantinus Imperator comburi iubet. 62. qui autem eos celasse deprehensus fuisset, capi- tali supplicio afficiebatur.	62
Arius Concilio Nicano interfuit, ibiq. praesens fuit condemnatus, deinde Constantinopoli secessum petens exonerandi ventris caus- sa, effluentibus foras intestinis miseram euomit animam.	61
Aristeas Ptolemai Τραπεζουσῆς, idest protector.	47
Aristotelis & Quintiliani dictum de sermone humano quomodo in- scelli-	

I N D E X

telligatur. 106
 Armeni, Græci, & Aethiopes ad fi-
 dei unitatem redeunt. 216
 Armeni nunc dicuntur Christiani
 sancti Thomæ & cinctura. 158
 Armenia rex regno renunciat, &
 in Ordinem Franciscanum se
 abdidit. 213
 Armeni a S. Ioanne Chrysostomo
 Euangelicam doctrinam, & scri-
 pturam sacram in Armenicam
 linguam translata[m] acceperunt.
 fol. 157. & 158
 Armenorum vulgaris lingua est Tur-
 cica, & Tartarica multas voces
 habens Hebraicas. 158
 Armenicarum litterarum inventor
 155. Alphabetum. 156
 Ascanij Columnij Bibliotheca. 400
 Ascanius Valentinus de Sacello Gre-
 goriano. 421
 Asina Balaam quomodo loquuta di-
 catur. 304
 Asisij Bibliotheca in Cænobio san-
 cti Francisci. 394
 Aspiratio non in consonantibus, sed
 in vocalibus ab antiquioribus
 admitti solebat. 18. id quod a Ci-
 cerone item fuit obseruatum. 19
 At pro Ad. 277
 Athanasius sanctus Concilio Nice-
 no interfuit, & contra hereti-
 cos disputauit. 60
 Athanasius falso accusatus de ma-
 leficio, Dei beneficio liberatur.
 fol. 247
 Athenarum insignia, nocturna. 110
 Attila a Leone primo placatur, dum

clero & cruce ei occurrit. 66
 Assigno pro Adsigno. 277
 Aud pro Aut. 278
 Augustini sententia de antiquitate
 lingua Hebraica. 88. De Hebrai-
 cis exemplaribus corruptis. 95. 96
 Augustinus maior Hieronymo, &
 Hieronymus maior Augustino,
 quomodo huius generis dictum
 intelligatur. 166
 Augustinus, ut ipsemet facitur, ab
 Ambrosio fuit baptizatus. 74
 Augustinus morte praeventus in-
 teresse non potuit Concilio Ephe-
 sino. 65
 Augustinus de ieiunio Sabbati con-
 sultuit Ambrosium, qui ei re-
 spondit, se Roma ieiunare in die
 Sabbati; Mediolani non ieiunare
 iuxta locorum consuetudinem.
 fol. 74
 Augustinus a sanctissima Trinita-
 tis indagazione dehortatur a pue-
 rulo nucis putamine aquam e
 mari haurientis. 243. & 244
 Aues Memnonia, earumq. histo-
 ria. 109
 Auenionem Clemens V. Romanam
 Sedem transtulit, Gregorius XI.
 reduxit. 213
 Aulai, & Aurai, Animai,
 Aquai, Terrai pro Aula, Aura,
 Anime, Aqua, Terra. 139

B.

B pro F, apud antiquos scri-
 ptores ut Bruges pro Fru-
 ges, &c. 141

B, pro

I N D E X

B, pro *V*, & *V*, pro *B*, tempore Gothorum Itali pronunciabant. 153
Badesius de Sacello Sixtiano. 33
Balaam a sine quomodo loquuta dicatur. 304
Baptismi forma ab Apostolis tradita, est eadem implicite cum ea a Christo data. 73. cur ab Apostolis ad tempus mutata. *ibid.* Fuit mutatio non substantia sed modi suæ ritus. *ibid.* Hæc potestas mutandi semper fuit in Ecclesia, ut Concilium Tridentinum testatur. *ibid.*
Baptismum Constantini, & SS. Apostolorum Petri, & Pauli ei apparuisse multis auctoritatibus probatur. 181
Barbarus quot significet. 294
Barbarismus quid, & unde dictus. fol. 314
Bargus de Obelisco. 11. & 20
Basilica Lateranensis quinque nominibus, aut titulis vocitari solet. 7
Basilica cur sic dicatur. 22
Basilica sancti Petri a Silvestro primo, & sub nomine eiusdem Pontificis constructa Constantini Imperatoris impensis: eiusq. descriptio. 3. & 4
Basilica Lateranensis a Fratribus olim culta, canonici vero sacra tantum faciebant in ea, & sacramenta subministrabant. 22
Basilica sancti Petri a Constantino edificata quamvis eiusdem Petri prima dicatur, non tamen Ar-

chiepiscopatus, nec Metropolis, nec Episcopatus: & cur prima dicatur. 7
Basilium Magnum miraculis præpotentem Valens Imp. in exilium eijcere non valuit. 249
Bacca pro vacca. 297
Becus Patriarcha Constantinopol. in carcerem truditur. 210
Beccus vel *Bech* Phrygia lingua panis est. 105
Beccus rostrum apud Gallos, & Italos. 105
Bedy apud Phrygas aqua dicitur. fol. 105
Benicus de Tholo scripsit Latino versu. 4
Benedicti *Aria* Montani Bibliotheca. 386. Hic edidit bellum contra Turcas. 217
Bessarion Platonius. 391
Bessarion Trapezuntius Cœcilio Florentino interfuit. 216
Bessarionis Bibliotheca Venetjs. 387
Bessarionis Epistola ad Remp. Ven. de Bibliotheca ei data. 388
Bestia num peculiarem habeant linguam. 304
Beta non *vita* dicendum in Alphabeto Græco. 297
Biblia manuscripta Montis Amiatæ litteris maiusculis. 407
Biblia manuscripta antiquiora. 406
Biblia manuscripta Caroli Magni in Aedibus sancti Pauli extra Urbem. 407
Biblia sacra emendata ex Decreto sacrosancti Concilij Trident. 229
Bi.

I N D E X.

<i>Biblia Quadrilinguis.</i>	386
<i>Bibliotheca Græca a Pisistrato instituta, a Xerse ad Persas asportata, a Seleuco Athenis reddita.</i>	46
<i>Bibliotheca Vaticana velut quedam cancellaria, seu secretaria erat. fol.</i>	54
<i>Bibliotheca Alexandrina a Philadelpho constructa.</i>	47
<i>Bibliotheca Hebraica unde ortum, & incrementum habuerit.</i>	42
<i>Bibliotheca Casariensis triginta voluminum millibus constans a Pamphilo martyre suis constructa.</i>	50
<i>Bibliotheca Esdra.</i>	43
<i>Bibliotheca Hierosolymitana ab Alexandro Episcopo, & martyre constructa.</i>	49
<i>Bibliotheca canonicorum S. Petri. fol.</i>	397
<i>Bibliotheca tribus ordinibus constructa.</i>	268
<i>Bibliotheca Pontificia ortum a B. Petro habuit.</i>	52
<i>Bibliotheca Palatina.</i>	49
<i>Bibliotheca Ptolemai.</i>	47
<i>Bibliotheca Romanorum.</i>	48
<i>Bibliotheca Vaticane librarij, vel scriptores, & numerus.</i>	56
<i>Bibliotheca Lateranensis Gregorius I I.</i>	54
<i>Bibliotheca Pontificia.</i>	52
<i>Bibliotheca Vaticana brevis descriptio, & summa.</i>	1. & 2
<i>Bibliotheca Vaticana institutores. fol.</i>	387

<i>Bibliotheca Vaticana custodes.</i>	55
<i>Bibliotheca vestibulum multas picturas comprehendit, & inscriptiones duas, quarum una continet Bibliotheca institutionem, incrementum, & translationes: altera excommunicationem. fol.</i>	269. & 270
<i>Bibliotheca Græca in monte Atho. 386. ubi extant viginti Monasteria Monachorum Græcorum. fol.</i>	386.
<i>Bibliotheca Vaticane appendix. fol.</i>	272
<i>Bibliotheca insigniores ætate nostra exstantes.</i>	383. & seq.
<i>Bibliotheca antiquorum.</i>	384
<i>Bibliotheca Vaticane Præfetti iam inde a Sixto IV. ad hunc usque diem.</i>	54
<i>Bibliotheca Romanorum privatae permulte.</i>	48
<i>Bibliotheca Romanorum publicæ unde detriginta.</i>	48
<i>Bibliotheca Vaticane descriptio.</i>	78
<i>Bibliotheca antiquiores & celeberrime.</i>	41. & seq.
<i>Bibliotheca nostri temporis celeberrime.</i>	383. & seq.
<i>Bibliothecam Pontificiam Avenionem translata a Clemente V. qui Romanam Sedem eo item transtulit, Romam denique Martinus V. referendam curavit, & in Vaticano locavit.</i>	53
<i>Bibliothecam Romanorum quinam Pontifices cum auxerint & ornarint.</i>	52. & 53.

Bibliothecas tam Græcas quàm Latinas Asinius Pollio primus Romæ promulgavit. 48
Bibliothecarum situs, & ordo librorum. 404
Bibliothecarum usus apud omnes Nationes. 41
Bibliothecarum inuentio insignis, necessaria, & omni laude digna. fol. 41
Bibliothecarius in Romana curia quibus nominibus nuncupabatur, eiusq. officium. 54
Bibo pro Vino, quasi eorum vivere, & bibere sit. 297
Blancus alter Martialis 29. facillius, & purius in dicendo 242. Poeta nobilissimus. 266
Bæotia unde dicatur. 121
Bombarda usus bonæ an malus. fol. 413
Bonaventura sanctus in primarios S. R. E. Doctores refertur. 231
Bonaventura, sanctus de Psalterio Romano. 94
Bonaventura Card. disputat cum Græcis. 211
Bononia in Canobio sancti Domini Bibliotheca. 394
Bononia in Aedibus Canonicorum S. Saluatoris Bibliotheca. 395
Bordinus de gestis Sixti V. 40
Bonem locum fuisse tradit Linius 107. cuius id tribuatur. ibid.
Bramans Architectus, qui Templum S. Petri delineauit, & Michael vero Bonarotia delineationem reformauit. 417

Breuiarium Rom. proprijs sanctorum aliquot officijs auctum. 231
Bruta num peculiarem habeant linguam. 304
Bua & Pappa quid. 299
Bucephalus cur sic dictus, & natura. 258
Buchizza lingua Sclauorum, id est litteraria a quibusnam populis adhibeatur: Croatica est altera. fol. 163

C.

C littera cur condemnationis nota. 114
C, littera loco ipsius, 2, Romani utebantur. 136
C, pro 2, ut Quando. 299
C, pro 2. 299
C, apud Græcos veteres erat S. 301
C, cur pro centum. 148
CIC, quanam sit nota in numerando. 149
Cabbale inuentor apud Hebræos. 89
Cadmi litteræ. 120
Cadmus Thebas condidit. 131
Cadmus Græcarum litterarum inuentor, siue institutor. 118
Cadmus ubinam litteras inuenerit. fol. 121
Caduceatores appellabantur pacis Legati. 100
Caduceum quid, legatos pacis representabat. 100
Cain, possessio interpretatur. 86
Cainam sepulchrum ante diluuium constructum ab Alexandro Magno 890

I N D E X.

gno visum. 83. Epitaphium ini-
bi insculptum. ibid.
Caesar pro Caesar apud antiquos
scripti. 141
Calabria multas habet ciuitates,
quæ retinent nomina ciuitatum
alterius Græcia. 127
Calaris ciuitas in Sardinia. 360
Cardinales Galero rubro ac purpu-
ra donantur. 207
Cardinales cur maiores Episcopis,
qui olim inter Cardinales pres-
byteros, & presbyteros non Car-
dinales medium locum tenebant.
fol. 166
Cardinales quando Galero rubro
ut caperint. 163
Cardinales in primitiua Ecclesia
presbyteri nuncupabantur: eo-
rum tituli, & officium. 164
Cardinales donantur veste cocci-
nea, cucullo insigni siue lacerna
donantur a Paulo I I. Veneto.
fol. 207
Cardinales ab Innocentio IIII.
Federico II. Imperatore Ga-
lero rubro ac purpura donati fue-
runt. 59
Cardinales quando ex Episcopis fie-
ri caperint. 167
Cardinalium laudes. 207
Card. Grimani Bibliotheca. 391
Carmenta a carminibus, vel a car-
pente dicta. 131
Carmenta latinarum litterarum
inuentrix. 131
Cappelle Pontificie a Sixto V. in ve-
tustam summorum Pontificum

consuetudinem, pristinumq. ri-
tum restituta. 198
Capitolium cur sic dictum. 265. quo-
ties incensum: de hoc nobilissi-
mo olim loco admiranda nar-
rantur. 265
Capitibus de tribus contentiones se-
dantur in Concil. II. Constan-
tinopol. 69
Capranicensis collegij Romæ Biblio-
theca. 397
Castellana lingua in Hispania ce-
teris præfertur. 335
Castitatis, & continentia triplicis
Emblema 28. inscriptio. 29
Cathari, idest puri, qui omittebant,
Dimitte nobis debita nostra, in
oratione Dominica. 201. & 202
Catharorum hæresis. 201
Calum cur dextrum ac sinistrum
proprie non habeat. 80
Cæsariana Bibliotheca Varroni
commissa. 48
Cæsar nomina Gallice desinentia, in
disinentiam, & formam Lati-
nam conuertit. 321
Cæsar Nebbius Pictor. 272
Cæsar Baronius de Ioue plunio. 288
Cecchinus de Italia exulibus libe-
rata. 10
Cecrops cur Diphyes, idest gemine
naturæ homo, vel partim homo
& partim bellua dicatur. 111
Cecrops cur bicipiti effigie sculpe-
batur a præcis Gentibus. 113
Cecrops Græcarum litterarum in-
uentor. 110
Cecrops primus omnium Iouem ap-
pella-

I N D E X

pellauit, & nonnulla ad religionem statuit.	113
Cedrinum olcum pro conseruandis libris.	404
Cedro digna; prouerbium.	405
Centum cellæ, & varia huius ciu. nomina.	242
Centumicelle aquis potabilibus ditata. 242. cur sic dicta. ibid. olim ciuitas vetus.	ibid.
Caphas & Petrus idem sunt.	86
Caphas, vox Syriaca, idest petra. fol.	347
Chair mer or hierchins.	158
Chaldaica lingua est illa, quam Hebraicam dicimus, & omnibus alijs antiquior.	86
Chaldei Astrologiam inuenerunt, non Aegyptij.	85
Chaldaicum Alphabetum.	85
Chalcedonense Concilium contra Eutychen, & Dioscorum in Christo post humanitatem assumptam non nisi diuinam remansisse naturam assuerantes sub Leone primo, & Martino Imp. celebratum.	66
Chalcedonis Ciuit. descriptio.	66
Charta, qua nunc utimur, quomodo conficiatur.	381
Charta tenuissima ex Arborum corticibus apud Sinenses, vel Chineses.	379
Charta, qua utuntur Sinenses, vel Chineses.	410
Charta vox Græca.	308
Charta bibula, & emporctica.	381
Charta unde dicatur.	381

Charta indica.	341
Chartaria officina insigniores.	382
Chartarum vsus nouus.	381
Chartarum nomina varia.	381
Characterum siue litterarum inuentores.	78. & scq.
Chiuril, idest Cyrillus, lingua Seruiana.	170
Christi regnum quale.	191
Christos Græcis characteribus discussim, quid.	177
Christum exercuisse potestatem temporalem auctoritatibus scriptura Evangelica probatur.	188
Christus per abbreviationem quomodo a Græcis scribatur.	178.
Nostrates imperiti id perperam scribunt.	179
Christus quomodo per Moysen & Aaron representetur.	187
Chrysostomus bis in exilium missus, a S. Basilisco per somnum admonitus in Domino requieuit. fol.	238
Chrysostomus Evangelicam doctrinam, & scripturam sacram translatam dedit Armenis.	158
Chrysostomus Armenicarum litterarum inuentor.	155
Cicero de aspiratione ablata in aliquos dictionibus ab antiquis, quæ in vocalibus tantum utebantur, se aliquando hunc modum scribendi usum fuisse affirmat, ac denique concludit, dicens: Vsum loquendi Populo concessi, scientiam mihi reseruavi.	19
Cinellum olim centumcella.	242

Circus maximus cur sic dictus. 33.
 eius descriptio. 34
 Cuius vetus aquis potabilibus di-
 tata, eiusq. varia nomina. 242
 Clagudia pro Claudia apud Lati-
 nos. 139
 Claudij litterae tres, & DC. Ph. 143.
 ac de litteris hisce scripsit. ibid.
 Claudius trium litterarum inuen-
 tor, sed duæ usu oblitteratae sunt.
 fol. 140
 Clemens V. Romanam Sedem Aue-
 nionem aduexit, eoq. Bibliothec-
 am item Pontificiam transstu-
 lit. 53
 Clemens V. vasco absens Pontifex
 creatur Perusia, Lugduni coro-
 natur multis Regibus adstanti-
 bus, & Sedem Romanam Aue-
 nionem transtulit. 213
 Clementis Papae Martyrium. 170
 Clementinarum decretal. const. co-
 dex promulgatur in Concilio
 Viennensi. 214
 Clepo pro furto aliquid surripere.
 fol. 271
 Cletus, idem cum Anacleto. 53
 Cape & allium pro Dijs apud Aegy-
 ptios. 98
 Columna Traiana Statua sancti Pe-
 tri dedicata a Petro Galefinio de-
 scripta fuit. 14
 Columna Antoniana Ionem pluuii
 habet insculptum. 289
 Columna, cui innixus Saluator no-
 ster, dum predicabat: & hac
 spiritus maligni expelluntur. 422
 Columnae Antonianae descriptio. 35.

Multa scitu dignissima de ea vi-
 dere est. 283. & seq.
 Columnae Traianae descriptio. 13
 Columnae Traianae inscriptio anti-
 qua, cuius dictio una corrosa est:
 & hac in re varia opiniones. 15
 Columnae Traianae Epigrammata
 fol. 282
 Columnae Antonianae inscriptiones
 nouae quattuor. 283. & 284
 Concilia a Regibus, aut Imperato-
 ribus non sine summorum Pon-
 tificum permisso, seu potius hor-
 tatu fuerunt acta. 58
 Concilia 4. ab Apostolis habita. 57
 Concilia orientalia. 58. & seq.
 Concilia antiquitus apud omnes Na-
 tiones habita. 57
 Concilia Occidentalia. 200. & seq.
 Concilium Nicanum primum ac ce-
 leberrimum omnium Lateranèn-
 si Generali secundo sub Siluestro
 Papa, & Constantino Imperato-
 re contra Arianam haesim. 58
 Concilium non ratum; nullius pon-
 deris absque summi Pontificis
 auctoritate habitum. 58
 Concilium Nicanum chirographis
 de mortuorum Episcoporum mi-
 raculose subscriptum. 61
 Concilium primum a Cornelio con-
 tra haesim Nouatianam habi-
 tum fuisse creditur. 57. & 58
 Concilijs quattuor tanquam Euan-
 gelijs honorem præstandum esse
 sanctus Gregorius Magnus affir-
 mauit. 61
 Concerperit pro lacerauerit. 271
 Concor-

Concordantias Hugo Card. edidit.

fol. 208

Confessio auricularis singulo quoque
saltem anno faciendā. 204

Congregationis Oratorij Bibliotheca. 397

Congruo, is, unde dicatur. 124

Constantini donationem verā fuisse,

se, etiam per Ethnicos, & Hebraeos probatur. 182. & 183

Constantini donationem verā fuisse multis rationibus, & auctoritatibus probatur. 181. & seq.

Constantini vera effigies. 180

Constantini baptismum, & SS. Apostolorum Petri & Pauli imagines ei apparuisse multis auctoritatibus probatur. 181

Constantini reverentia erga Sacerdotes, & liberalitas erga Concilium quantum ad largissimam, & Imperatoriam annonam. 60

Constantini numisma. 180

Constantino Imperatore primum Concilium publicum celebrari licuit. 58

Constantina Crux in aere apparuit. fol. 176

Constantinum ab Arianis fuisse baptizatum: Hieronymus refutatur, eiusque dictum declaratur. fol. 181

Constantinus Magnus Imperator Lateranense Palatium in Basilicam conversum Silvestro primo donavit, a quo baptismum suscepit. 6

Constantinus post acceptam victo-

riam Crucem in vexillo apponendam iussit, eamque multis modis honoravit. 176

Constantinus Crucem in sublimi per celebriq. loco Roma statui iussit cum inscriptione. 176

Constantinus Maxentium devicit, ad Pontem milivium. 176

Constantinus Imp. a sanctis Apostolis Petro & Paulo, qui ei apparuerunt, admonitus, accersit Silvestrum Papam, a quo a lepra sanatur, & baptizatur. 175. & 176

Constantinus multas Basilicas construendas curavit. 175. ad eius usque tempus publice celebrare non licebat, nec Ecclesias habere. fol. 175

Constantinus in Concilio Niceno sedere noluit absque insin Episcoporum: sedit denique in humiliori loco. 60

Constantinopolitana Ecclesia nō est aequalis Romanae Sedi praecise & omnino, sed quantum ad aequalia privilegia & post Romanam Sedem primum locum obtinet, & ita intellexit sexta Synodus. 73

Constantinopolitana Ecclesia Patriarcha cur laicus in Concilio Constantinop. fuerit electus. 63

Constantinopolitano Concilio quatuor interfuerunt Patriarchae. fol. 63

Constantinopolitanam Ecclesiam primum post Romanam primatum obtinere, novamque Romam esse in Concilio Niceno decretum est. fol.

fol. 63
Constantinopolitanum Concilium
 IIII. sub Hadriano II. &
 Basilio Imp. contra Photium he-
 reticum. 76
Constantinopolitanum Concilium
 sub Damaso Papa, ac Theodosio
 Imperatore cōtra Macedonium,
 qui Spiritū sanctum creaturam
 esse affirmabat. 62
Constantinopolitanum II. Conci-
lium sub Vigilio Papa & Iusti-
 niano Magno Imp. contra An-
 thimum, Sergium, ac Theodo-
 rum Mopsucitenum Nestoria-
 nos, & alios Trinitatem sanctis-
 simam crucifixam fuisse affir-
 mantes. 68
Constantinopolitanum III. Con-
cilium sub Dona, Agathone, &
 Leone II. tempore Constanti-
 ni Imp. IIII. contra Sergium
 & alios, unam tantum naturam
 & voluntatem in Christo affir-
 mantes. 69
Constantinopolitanum Concilium
 IIII. & VIII. Generale se-
 ptem Generalia precedentia con-
 firmat. 77
Constantinopolis civitatis descri-
ptio, variaq. nomina. 62
Contemptibiles de Ecclesia, idest se-
culares. 186
Continentia triplicis Emblema. 28
Conuiuium, Græce Συμπόσιον,
 pro computatione, & concanatio-
 ne apud Græcos. 133
 Συμπόσιον, idest conuiuium pro

computatione, & concanatione
 sumitur apud Græcos. 133
Copia pro Dea habita apud Poetas.
 fol. 13
Cornelia Graccorum matris puri-
tas loquendi Latina, & eloquen-
tia. 153
Cornelij Taciti locus emendatur. 125
Cornelius Tacitus de Græcarum lit-
terarum inuentoribus. 113
Cornucopia nomen quid, & cuinam
datum. 13
Coronatio Sixti V. 3
Coronatio Summorum Pontificum
 cur ante Aedes sancti Petri, &
 non in Basilica Lateranensi. 3
Coronationis Sixti V. Inscriptio ver-
su Latino. 5
Coruus & Psittacus & Pica cur pro-
prie loqui dici non debeant. 106
Croatica, & Buchina quid. 163
Crocodili lacryma quid. 98
Crocodilus cur Aegyptum represen-
tet, eiusq. astutia. 97
Crocodilus quid, eiusq. natura. 97
Crocodilus cur ab Aegyptijs coleba-
tur. 97
Croton ciuitas vetustissima in Ca-
labria. 126. in postilla. *Metapon-*
tum ciuitas vetustissima Apulia
 126. in postilla.
Cruce signati. 208
Crucem Constantinus multis modis
 honorat. 176
Crucem in sublimi ac percelebri lo-
co Romæ statui insit Constanti-
nus, cum Inscriptioe. 176
Crucis signum, quod Constantino
 appa-

apparuit, varie narratur. 178.
 Ex nummis varijs item. 179
Cruce triplex in numismate Constantiniani quid sibi velit. 180
Custodes Bibliotheca Vaticana. 55
Cybeles per terram significatur. 194
quot nominibus nūcupetur. ibid.
Cydaris quid. 187
Cypriani canon de hereticis rebaptizandis a sexta Synodo non recipitur totus. 72. quomodo recipiatur. 73
Cyrilli sancti corpus translatum in Ecclesia sancti Hieronymi Illyricorum. 170
Cyrillus Hierosolymit. Concilio Constantinensi interfuit. 63
Cyrillus pro Dalmatis impetravit, & ut suo idiomate diuinum officium recitare possent, & Romam corpus sancti Clementis Papa asportandum curauit, & Seruianum Alphabetum inuenit. 168
Cyrillus aliarum Illyricarum litterarum cultor precipuus. 168
Cyrillus, lingua Seruiana, Chiuril dicitur. 170
Cyrillus Alexandrinus Patriarcha Ephesino Concilio praesuit. 65
Cyrillus denictum philosophum proterit, & conculcat; 239

D.

D, littera pro numerandi ratione cur pro sexqui millen. numero. 149
Damasceni historia de manu sibi

abscisa, & miraculose restituta. fol. 241
Daniel cum socijs in schola Babylo-nica 44. ubi non nulla digna de Daniele narrantur.
Dauar, Dauar, & Deuer apud Hebraeos quomodo differant variatipunctis. 94
Dauid solium, in quo Christus sedere debebat, nonnisi potestas temporalis fuit. 188
Demarathi historia de eius aduentu in Hetruriam. 150
Demarathus Hetruscarum litterarum inuentor. 149
Demetrius Phalerens Ptolemai Bibliotheca praefectus. 47
Decussare quid sit. 177
Deus cur quatuor tantum litteris apud omnes appelletur: eiusq. nomina. 102. & 103.
Dialecti, siue linguae omnes. 291
Dialecti Graecorum quinque. 293
Dialectus quid. 293
Diana Templum ab Herostrato Ephesio combustum. 33
Didaci canonizatio. 249
Digamma Aeolicum Δ, a Claudio inuentum. 141
Dioscurias ciuitas trecentas Nationes habuisse fertur. 293
Dioscorus primus contra Papam libellum confecit. 67
Diphthongi Graeca a Latinis usurpata. 138
Dolor & labor habent vnum tantum nomen apud Graecos. 133.
ἰσχυρὸς pro dolore ac labore apud Gra-

Græcos .	133
Dolus malus pro fraude .	271
Dominicus sanctus contra Albigen- ses hæreticos pugnam suscepit : ab Honorio III. sui ordinis con- firmationem accepit, Augusti- ni regulam recipiens .	205
Dominicus Bafa Typographus Vati- canus .	414
Dominicus Fontana quattuor tran- stulis Obeliscos, & adificia mul- ta, librumq. de his, & de modo transferendi confecit . 250.267. & 272.	
Dominicus Fontana Sixti V. Archi- tectus .	250
Domitiana Bibliotheca .	48
Domus Mendicantium 34. De hac domo inscriptiones .	35
Donatio Constantini a multis Imp. & Reg. confirmata .	184
Donationem Constantini veram fuisse multis rationibus, & auctoritatibus probatur .	181. & seq.
Donationem Constantini verā fuisse, etiam per Ethnicos, & He- braeos probatur .	182. & 183
Donationis Constantini Scriptores omnes recensentur .	184
Donationis Constantini decretum Græce conscriptum in Bibliotheca Vaticana asseruatur, & a Gra- tiano citatur, & in Decretis re- peritur .	184
Duo pro dúo dictione Græca, T, in u conuersa .	139
D, pro T, & T, pro D .	278

D, pro Z, ut Medentius pro Me-
rentius . 138

E.

E, vox est magis femina, quàm viri, ut in prima infan- tis luce experimento discitur .	92
Ego sum principium, & finis : pri- mus & nouissimus, explicantur .	174
Ei, pro, i, quando fuerit usus .	139
Elementorum ordo ex Ouidio .	193
Elementorum emblemata ad fene- stras Bibliothecæ .	193
Elingues pene sumus in Latina lingua .	154
Elephas quomodo intelligere dica- tur .	305
Elephantis natura .	304
Emblema de Episcopatus Latera- nensis possessione a Sixto V. capta, Iaponibus Regibus comitatibus, cuius rei faciendæ Pontificia de- scribitur pompa .	6
Emblema de Iubileo in initio Ponti- ficatus Sixti V. celebrato . 16. ma- gnam Populi deuotionem hac in re descriptam inibi videre licet .	16
Emblema de Sacello Sixtiano .	30
Emblema de triplici castitate, & continentia .	28
Emblema primum de coronatione Sixti V .	3
Emblema de annona Vrbi & Italiae	

<i>subministrata.</i>	12.	<i>Emblematis explicatio. ibid. eiusdem inscriptiones.</i>	<i>ibid.</i>	<i>uentor apud Gracos.</i>	128
<i>Emblema de aqua felici</i>	24.	<i>cur sic dicta.</i>	24	<i>Epigrammata duo de Aqua & Fonte felici.</i>	25
<i>Emblema de domo Mendicantium.</i>	<i>fol.</i>		34	<i>Episcopatus Lateranensis possessio a Sixto V. capta, cuius rei faciende Pontificia pompa describitur.</i>	<i>fol.</i> 6
<i>Emblema de Italia prædonibus, & exulibus liberata</i>	8.	<i>eiusdem Emblematis declaratio.</i>	9	<i>Epitaphium in sepulchro Cainam insculptum.</i>	83
<i>Emblema de Statua sancti Petri in columna Traiane fastigio erecta.</i>	14			<i>Epitaphium Seruiana lingua insculptum in Templo sanctæ Mariæ de Aracali reperitur.</i>	<i>fol.</i> 170
<i>Emblema de Obelisco sanctæ Mariæ de Populo.</i>	33			<i>Equi Phidia & Praxitelis translati in honestiorem locum, & instaurati.</i>	254
<i>Emblema de vijs a Sixto stratis.</i>	<i>fol.</i>		27	<i>Equus visa equæ statua hinnitum edidit.</i>	255
<i>Enoch scripta, & quid contineant.</i>	383.	<i>Hæc scripta fuisse multi viri docti, & antiqui testantur. ibidem. Idem ait B. Iudas.</i>	<i>fol.</i> 384	<i>Esdras Prophetarum volumina cor rexit, & sacros omnes libros reparauit, vetusq. Testamentum in duos ac viginti libros distinxit, ut tot essent libri in lege, quos habentur & litteræ.</i>	90
<i>Enos cepisse inuocare nomen Domini quomodo intelligatur, cum eum Abel & Cain eum præcessissent.</i>	83			<i>Esdras Bibliothecam Hebraicam reparauit, multos libros emendauit, & præter duos illos canonicos, quattuor ac ducentos libros edidit, & Cabbalam tradidisse fertur: hosq. libros pictus Mirandulanus se habuisse scribit.</i>	43
<i>Ephesine Ciuitatis descriptio.</i>	64.	<i>Huic Concilio præfuit Cyrillus Patriarcha Alexandrinus.</i>	<i>fol.</i> 65	<i>Esdras quomodo propheta dicatur: Hebraicarum litterarum recentiorum inuictor, Cabbalam apud Hebræos collegit.</i>	89
<i>Ephesium Concilium sub Calestino Papa, & Theodosio iuniore coactum contra Pelagium, & Nestorium, qui Christum purum hominem esse sentiebant.</i>	<i>fol.</i>		64	<i>Esdras Codicis Iudeorum per sententias, membra, & versus, atque</i>	<i>que</i>
<i>Epicharmi litteræ.</i>	120				
<i>Epicharmus duarum litterarum in-</i>					

que per intervalla quadam di-
uist. 90
Esdras cur mutauit litteras anti-
quiores in Assyriacas, quibus
nunc utuntur Hebrai. 92
Esdras tertius, & quartus libri non
sunt canonici, nec unquam rece-
pti, immo nunc e Biblijs expun-
cti sunt. 39. 90. sunt tamen a Pa-
tribus citati, & ab iisdem non
canonici appellati, quamuis sint
alicuius auctoritatis. 46. & 90
Esdra libri duo Bononiæ in Biblio-
theca Cænobii S. Dominici. 394
Esdras accentuum, ac punctorum
inuentorem fuisse Hieronymus
negat. 90
Ester liber in corio conscriptus in Bi-
bliotheca S. Saluatoris Bononiæ.
fol. 395
Esto pro sit. 271
Etruscarum litterarum inuentor.
fol. 149
Euander apud Aborigenes littera-
rum inuentor. 135
Euandri litteræ Latina sex. 136
Eugubij tabule antea insculptæ lit-
teris. 151
Euphrates idem quod Hebra. 86
Eutiches archimandrita, & eius he-
resis. 67
Exulum, & prædonum expulsio ab
Italia. 8
ΕΝ ΤΟΤ ΤΩ ΙΝΙΚΑ, idest
in hoc vince. 176

F.
F, littera a Claudio inuenta.
fol. 140
F, littera est duplex Gamma Gra-
cum Γ, γ. 141
F, pro H, usurpabatur ab antiquis
Scriptoribus, ut Fordcum pro
Hordecum, & Feneti pro Heneti,
deinde Veneti. 141
F, littera pro Ph. in varijs inscrip-
tionibus marmore incisus repe-
ritur usurpata. 260
F, pro V, apud antiquos Script. ut
Finum pro Vinum, Fulgus pro
Vulgus, Fixit pro Vixit. 141. hæc
pronunciatio in Gallia Cisalpina
usurpatur, ut Bres pro Breuc.
ibidem.
F, littera pro V, ut AMPLIAFIT.
pro amplianit. 141
F, Digamma Aeolicum a Claudio
inuentum. 141
Fabius Blondus Patriarcha Tholi
structure præfectus. 417 & 417
Farnesiana Bibliotheca. 398
Federici Vrbinatis Ducis Bibliothhe-
ca. 394
Federicus Valuen. 56 & 272
Federicus II. Imperator ab In-
nocentio IIII. imperio priua-
tus est. 187
Felis Lunam significabat apud Aegy-
ptios. 97
Felis oculi, Luna crescente, maio-
res: decresciente, minores sunt.
fol. 149

*Fidei, aut bonis moribus non repu-
gnans indifferenter seruari po-
test, quomodo intelligatur.* 74
*Figura quadrata stare cernitur,
quacumque vertatur.* 5
Florentia olim Fluentia. 215
*Florentia Bibliotheca in conuentu
S. Marci, ubi commorantur pa-
tres S. Dominici.* 393
*Florentinum Concilium 215. quid
contineat.* 216
*Foderunt manus meas, &c. Hac ver-
ba ab Hebraeis fuerunt corrupta.*
fol. 94
Fons Capitolinus, olim Tarpeius.
fol. 265. & 266
Fons felix in colle Quirinali. 24.
eiusq. inscriptiones ibid. & 26.
cur sic dictus 24. tria admirabi-
lia comprehendit. 25. historia in
coexculpta, ibidem. eiusdem de-
scriptio. 26
Fons Caballinus cur musis sacer.
fol. 121
*Fons Caballinus unde ortum ha-
buerit.* 121
*Fortunius Lelius de Translatione
sancti Gregorij Nazianzeni.*
fol. 422
*Forum Iulium quam linguam ha-
beat.* 348
*Francisci Ximenis Bibliotheca com-
pluti. Hic vniuersitatem com-
plutensem erexit, & Biblia com-
plutensis sumptibus ac laboribus
immensis edidit.* 386
*Francisci Maria Ducis Urbini Bi-
bliotheca.* 394

Francisci I. Gall. Regis Bibliotheca.
fol. 386
*Franciscus Lamata de armis contra
hereticos ad Sixtum V.* 414
*Franciscus Toletus de potestate
temporali, quam habuit &
exercuit Christus, & Apostoli.*
fol. 189
*Franciscus Toletus pro lingua san-
cta intelligenda quatuor ac vi-
ginti causas conscripsit, quibus
Hebraica scriptura corrupta fuit,
atque corrumpi potest.* 93
*Franciscus Toletus de Biblijs a
Sixto V. editis.* 424
*Franciscus Pena de Canonizatio-
ne S. Didaci.* 250
*Franciscus Auantius Canonizatio-
nem Didaci Latine conscriptam
in Italicam linguam emendatio-
nem feliciter transfudit.* 250
*Franciscus S. visus est Innocentio
III. per quietem Ecclesiam Late-
ranensem humeris sustinere 205.
hinc ab eodem Pontifice Ordini
sui confirmationem suscepit.*
fol. 204
*Franciscus sanctus de Psalterio Ro-
mano.* 94
*Franciscus Badefius de Sacello Six-
tiano.* 33
*Franciscus Bencius de Tholo scri-
psit versu Latino.* 4
*Francorum Regem Zacharias re-
gno priuauit.* 187. & 190
Frater spiritus Vicentinus. 397
*Fructus Virginum, Coniugatorum,
ac Viduorum.* 29

I N D E X.

Fuggerorum Bibliotheca. 386

Fulnij Vrsini Bibliotheca. 400

Fyo, vel Fya quid. 145. de hoc nomine multa scitu digna narratur. 145. 146. & 147. & vide vtriusque sententiam in postilla. fol. 147

G.

GALLICAE quaedam voces, quibus Itali vtuntur. 347

Gallicae quaedam voces explicantur. fol. 369

Gallia Legatio. 237

Georgiana lingua Armenica, & Tartarica media est. 158

Germanica lingua propagines multae. 86

Gibellinorum & Guelforum secta. fol. 201

Gladij duo, quos penes se Apostoli esse dixerunt Christo, nonnisi duplicem potestatem representabant. 190

Gladius in vaginam reponendus ad tempus. 191

Gladius est naturalis & artificialis. fol. 106

Glutinum pro compaginandis libris, quale debeat esse. 495

Gordiana Bibliotheca. 48

Gothicam linguam Romani didicerunt, teste Augustino. 153

Gothi, Ostrogothi, & Vuisigothi quidnam sint. 153

Gothorum litterarum inuenitor. fol. 152

Gothorum tempore B, pro V, & V, pro B, ab Italis pronunciabatur. 153. & hic pronunciandi modus apud multos populos remansit. ibid.

Gothorum tempore mira Latina lingua iactura. 153

Gothorum immanitas, et barbaries, quam vniuersa Italia, & Roma praesertim omnibus in rebus passa est. 153

Grammatica Aethiopica Mariani & Victorij. 93

Graeca, & Latina linguae interdum coarctantur: multa enim nec de Graeco in Latinum, nec de Latino in Graecum transferri possunt. fol. 134

Graeca Bibliotheca a Pissistrato constructa. 46

Graeca mercari pecunia quid. fol. 326

Graeca littera antiqua eadem pene fuerunt, quae nunc sunt Latinae. fol. 132. & 136

Graeca linguae propagines quinque. fol. 86

Graeca littera mystica quinque apud Graecos. 128

Graci ab Aegyptijs varias disciplinas, & philosophiam acceperunt, quam multi inter Graecos inquilinam esse aiunt. fol. 114

Graci appellant omnes barbaros. fol. 294

Graci an ante Homerum litteris caruerint. 120

Graci

I N D E X

ronymi sententia quomodo intel-
legendum sit. 95
Hebraica lingua omnium matrix,
& mundo coeua, cuius propa-
gines 72. duae sunt. 86
Hebraica lingua omnes populi lo-
quebantur. 81
Hebraica litterae, quibus nunc utun-
tur Hebræi, sunt Assyriacæ, in
quas antiquæ mutatae sunt, ne-
cum Samaritanis communica-
rent ullo sacrorum usu. 92
Hebraica litteræ ab Adamo inuen-
ta. 78
Hebraica litteræ sunt duae ac vi-
ginti. 93
Hebraica scripturæ deprauatio fa-
cilis, unde oritur. 93. & 94
Hebraica litteræ sunt quadratae, cu-
iusmodi non erant prius. 93
Hebraica litteræ antiquiores ab He-
bræis relictæ Samaritanae sunt
nuncupatae, quibus Samaritani
vsque ad tēpora Hieronymi ute-
bantur. 93
Hebraica, Chaldaica, Arabica, &
Graeca linguarum Studium in
quattuor Europæ Academijs in-
stituitur in Concilio Viennensi.
fol. 214
Hebraici Alphabeti cū prima littera
omnium Alphabetorum prima
littera eundem fere in initio so-
num habent. 2
Hebraicus scribendi ac legendi mo-
dus a dextro scilicet in sinistrū
latus an sit naturalis, vele con-
uerso. 80

Hebraicarum litterarum instaura-
tor Moyses. 87
Hebraicarum litterarum recentio-
rū inuentor Esdras. 89. hic Cab-
balam apud Hebræos collegit.
ibidem.
Hebraicarum litterarum puncta a
quonam, & quando inuenta. 87.
& diffusius. 93
Hebraicum Alphabetum vocales nō
& habet. 93
Hebraicum Alphabetum nouum ab
Esdra inuentum. 91
Hebræi unde dicantur. 331
Hebræi in geminatis a natura &c.
dualem habent, non pluralem.
fol. 310. & 331
Hic pro Hic apud Latinos. 139
Henricus Card. Cactanus Gallia Le-
gatus Henrico III. Rege inter-
fecto: & huius Legationis Pra-
lati. 237
Hercules Phrygiarum litterarum
inuentor. 104
Hercules pro sapientia apud Gallos.
fol. 104
Herculi, qui montem Auentinum,
extremamq. Italiae partem præ-
donibus liberauit, Sixtus com-
paratur. 10
Hæresis Ariana omnibus amplior,
& perniciosior. 59
Herodotus historiarum pater.
fol. 110
Herostatus Ephesus incendit tem-
plum Dianæ. 33
Hebraica lingua vetus, & noua.
fol. 333
He-

*Ætrusca lingua recentior ceteris
præstantior.* 334

*Ætrusca litteræ apud Romanos in
pretio habita.* 334

Ætruscarum litterarum inuentor.
fol. 149

*Ætruscarum litterarum cur varia
Alphabeta.* 150

*Hilarus sanctus Pontifex non Hi-
larius duas in Palatio Latera-
nensi construxit Bibliothecas
originem a B. Petro trahentes.*
fol. 52

*Hieremia verba quedam ab Hebrais
corrupta.* 94

*Hieroglyphica quadam explicatur,
non autem quæ in Obelisco vi-
dentur.* 19

*Hieroglyphica ceteris litteris anti-
quiora, a sacerdotibus, non a
vulgo intelligebantur.* 101

*Hieroglyphica in Obelisco Latera-
nensi exculpta sunt litteræ, qui-
bus Aegyptij utebantur.* 19. Ho-
die a nemine intellecta quæ in
Obelisco cernuntur. 20. Ab Her-
mapione Græce fuerunt inter-
pretata quantum ad sensum, non
autem distincte quantum ad si-
gnificationem cuiusunque Hier-
oglyphici. 20. & 21

*Hieronymi de Ruere Card. Biblio-
theca.* 399

*Hieronymi Seripandi Card. Biblio-
theca.* 397

*Hieronymi sententia de Hebraicis
exemplaribus corruptis, & non
corruptis, quomodo intelligatur.*

fol. 95

*Hieronymi Card. Rusticij Biblia
& manuscripta.* 407

*Hieronymi Templum a Sixto V. ex-
structum, ac Xenodochium, siue
Hospitium.* 239

*Hieronymi dictum de lingua La-
tina paupertate explicatur.*
fol. 134

Hieronymus Brunellus. 20

*Hieronymus S. quinque linguas cal-
lebat.* 159

*Hieronymus sanctus an fuerit Car-
dinalis.* 163. vsque ad 168. & hac
in re multa scitu digna narran-
tur. ibid.

*Hieronymus sanctus ab Angelo per
somnum verberibus casus a Ci-
ceroniana lectione deterretur.*
fol. 235

*Hieronymus sanctus fuit Damasi
Papæ a secretis.* 164

*Hieronymus sanctus Illyricarum lit-
terarum inuentor.* 159

*Hieronymus a quo nam presbyteria-
tum accepit, presbyter Ecclesiæ
Romane fuit.* 167

*Hieronymus Franciscanus, qui fuit
Nicolaus IIII. Tartarorum
Regem ad baptismum duxit.*
fol. 211

*Hieronymus summo Sacerdotio a
Romanis dignus iudicatus, ut
ipse testatur: Hoc declara-
tur.* 164

*Hieronymus cur ad pedes Leonem
habere a pictoribus representa-
tur.* 51

Hiero-

I N D E X.

Hieronymus Brunellus, & Petrus Angelius Bargeus inscriptiones Gracas de Hieroglyphicis Latine reddiderunt. 20
Hieronymus, & Gennadius undique Ecclesiasticos libros conquiescunt. 51
Hieronymus maior Augustino, & Augustinus maior Hieronymo, quomodo huiusmodi dictum intelligatur. 105. & 106
Hieronymum sanctum non fuisse Illyricum rationibus, & auctoritatibus probatur. 102
Hieronymum fuisse Cardinale multis rationibus, & auctoritatibus probatur. 103. 104. 105. &c.
Hierosolymitana Bibliotheca ab Alexandro Episcopo, & martyre constructa. 49. in hac Bibliotheca Alexander, Narcissus, & Origenes per pictores representantur. fol. 50
Historia miraculosa in Bello Germanico multis auctoritatibus approbatur. 287
Hoc vince. 176
Hoc est nomen, quod vocabunt eum, Dominus inquit noster. Hac verba ab Hebraeis fuerunt corrupta. fol. 94
Hominem prius audire necesse est, ut postea loquatur. 105
Homo natus inter mutos, eum discere loqui necesse esset, si loqui vellet, ex Augustino. 105
Homo nascitur mutus & surdus ex Aristotele. 105

Homouison quid. 153
Hofius Cordubensis Cardinalis celeberrimus, & Constantino gratissimus Concilio Nicano praefuit. 59
Hugo Cardinalis Concordantias sine Indicem scriptura sacra edidit. 208
Hyacinthi fabula. 146

I.

I littera omnibus Alphabeti elementis formandis deservit. 147
I, cur pro unitate. 147
Iacobitarum Alphabetum. 84
Iacobus a Porta Architectus. 4. et 417
Iajm vinum, & Lechem panis apud Hebraeos. 107
Iani numismata curiose consideratur. fol. 39
Iannus in Italiam venit. 39
Iapones Sixtum V. cunctem ad Episcopatus Lateranensis possessionem capiendam comitantur. 6
Iaponum & semina nobilissima iam inde ab Africo sinu ad Urbem accessus quid. 8
Ibe epistola damnatur. 69
Ibis ciconia adsimilis cruribus dispositis formam referi triangularem & litteram, A. 113
Ibis natura & cur ab Aegyptijs colebatur. 98
Ibis pro inuido. 98
IS, quam numerandi nota. 149
Ichnographia Templi sancti Petri LII in

in fine operis. 422
 Ichreo, & Ichreu quomodo differat
 apud Hebraeos. 94
 Iehouah nomen admirandum, &
 magnae venerationis. 83
 Iehouah quid. 102
 Ieiunium in die Sabbati non esse
 obligatorium quomodo intelligen-
 tur. 74
 Ieiunium cur in die Sabbati obser-
 natum Romae ab Ambrosio, non
 autem Mediolani. 74
 Iesus per abbreviationem quomodo
 a Graecis scribatur. 178. nostra-
 res imperiti id perperam scri-
 bunt. 179
 Ignatij Martyris, qui fuit beati
 Petri discipulus, testimonium
 de beati Petri successoribus.
 fol. 52. & 53
 Igne quaedam animalia gigni ait
 Aristoteles alienam opinionem
 sequutus, cum dicat vireonem
 animal in igne procreari fabu-
 losum esse. 196. & 197
 Igne nihil diu resistit. 196
 Ignis procreationis expers. 196
 Ignis a gignendo per antiphrasim
 dictus. 196
 Illyrica lingua quot Populi utan-
 tur, eorumq. nomina. 337. & 338
 Illyrica lingua a Constantino phi-
 losopho inuenta, ut Ioan. VIII.
 scribit. 316. & 337
 Illyrici, Missas, Codicem hora-
 rium, ceterasq. diuinas preces
 Illyrica lingua conscriptas ha-
 bent. 162

Illyricarum litterarum aliarum in-
 uentor. Cyrillus. 168
 Illyricarum litterarum inuentor Hie-
 ronymus. 159. & Alphabetum. 160
 Imagines sacrae quomodo veneran-
 dae, atque item sanctorum reli-
 quiae. 75
 Imago beatae Mariae semper Virgi-
 nis. 76
 India Crocodilos habet. 341
 Infans quidam 24. horis vix com-
 plexus locutus & perniciem regni
 paterni pronunciauit, statimq.
 obiit. 107
 Infantem ante idoneam loquendi
 aetatem locutus rursus obmutui-
 se Aristoteles testatur, donec ve-
 nisset idoneum loquendi tempus,
 vel statim obiisse ait. 107
 Infantes inter pecora educandi tra-
 diti ad periculum faciendum,
 num sit lingua homini natura-
 lis. 105
 Infantes inter pecora educandi tra-
 ditos, leghem, & Iaijn pronun-
 ciasse nonnulli tradunt, id est pa-
 nem & vinum. 108
 Infideles quatenus infideles efficere
 possunt aliquod opus bonum de
 genere bonorum, quod est pec-
 catum, si ad idolum, vel ad mun-
 di gloriam referatur. 290
 Innocentius IIII. Federicum II.
 Imperatorem imperio priuauit.
 fol. 187
 Innocentius IIII. Pernsi obiit.
 fol. 208
 Innocentius IIII. Anagninus. 206
 18-

I N D E X.

Inscriptio de Italia prædonibus, & exulibus liberata. 9
Inscriptio Lateranensis Obelisci. 22
Inscriptio de Columna Traiana Statuæ sancti Petri dedicata. 14.
Inscriptio subobscura declaratur. 14
Inscriptio de possessione Episcopatus Lateranensis capienda. 8
Inscriptio Emblematis de Coronatione Sixti V. 5
Inscriptio de Iubileo. 16
Inscriptiones de rebus gestis Sixti V. in fornice camerarum depictæ. 227. & seq.
Inscriptiones Græcæ in Latinum translata quæ ab Aegyptijs in Obeliscis incisa Roma cernuntur. 20. & 21
Inscriptiones duæ in marmore incisa. 270
Inscriptiones de annona Urbis, & Italia subministrata, ac de Pontinis paludibus exsiccatis. 12. et 13
Insubrium pronunciationes. 345
Infulæ felices, homines loqui voce humana, & auium, unumq. hominem cum duobus simul loqui ob linguam diuisam Diodorus ait. 293. & 294
Ioachim Abbatis libellus contra Magistrum sententiarum damnatur. 203. & 204
Ioann. Baptista Nouariensis. Pictor. fol. 272
Io. Bernardinus Rastellus de Translatione sancti Gregorij Nazianzeni. 422
Ioan. Damascenus falsò accusatus,

abscessa a Principe manus, diuinitus restituitur. 240. & 241
Ioannes Fontana de aqueductibus. fol. 27
Ioannes Franciscus Bordinus de gestis Sixti V. 40
Ioann. Guerranus Pictor. 272
Ioannes VIII. de lingua Sclauonica, a quodam Constantino philosopho inuenta. 316
Ioannes Paulus Eustachius Neophytus exprimit dictum cuiusdam Hebraei. 183
Iosephi Patriarchæ Constantinopol. Chirographum de fidei confessione dum mors sibi instaret. fol. 216
Iosephus Castalio de Tholo scripsit Latino versu. 4
Iosephus Castalio de Columna Antoniana. 288
Iosephus Stephanus de potestate coactiua. 189
Iside Regina nullum apud Aegyptios numen maius. 99
Isis pro Luna suscipitur. 97
Isis Regina Aegyptios litteras docuit, & colere instituit. 96. pro Dea habebatur. 98
Isis lingua Aegyptiorum terra nuncupatur. 96
Italia prædonibus, & exulibus liberata a Simone Cecchino distichis ingeniose, & feliciter decantata. 10
Italiae longitudo, & latitudo. 342
Italica lingua retinet voces quasdam Gallicas. 347

Italica lingua Latina prima propago. 343
Italica lingua cur Barbarorum vocibus quibusdam utatur. 346
Italica lingue variae pronunciationes, & voces. 342
Italiae Provinciae omnes. 342
It pro Id. 277
Iubileum in initio Pontificatus Sixti V. celebratum, magna Populi hac in re deuotio descripta. 16
fol. 16
Iulianus apostata omnium Imperatorum impiissimus 45. eius impietates horrendae. ibid.
Iuppiter pluuius in Columna Antoniana insculptus. 289
Iustus non est qui iusta agit nisi iuste agat. 290

K.

K Alende, & Kyrie non nisi per, & K, scribi debent. 137
Kalende, Karta, Karus & id genus alia non nisi per K scribi debent, ut Scauro placet. 137
Kappa littera cur superflua apud Latinos. 137
Kappa dicitur inuenta a Sallustio ludimagistro. 137. cur inuenta. 137
fol. 137
Kappa habens vim, C, tam apud Grecos, quam Latinos, non usurpatur nisi in dictionibus Graecis. 137
fol. 137
Karu, & Kaari quid. 94
Katarina Bosnensis Regina in Tem-

plo sancta Maria de Aracali sepulta. 171

L.

L cur pro quinquaginta. 148
L, pro N, & e conuerso. 148
fol. 148
Labarum quid sit. 177
Lapis porphyreticus, super quem Sanctorum Apostolorum ossa a Beato Siluestro diuisa. 3. 4. & 422
Lapis, in quo multi fideles martyrij coronam meruerunt. 422
fol. 422
Laterana supra Tholum sita cur sic nominetur. 419
Lateranense I. Concilium Generale contra Vualdenses, & Catharos: in hoc Concilio prohibetur torneamenta, & decretum editur de duabus tertijs suffragiorum in eligendo Pontifice. 201
fol. 201
Lateranense Concilium II. omnium Conciliorum celeberrimum, in quo Abbatis Ioachim errores dantur, & sacrum bellum de recuperanda Hierosolyma cruce signati instituuntur. 204
Lateranense Palatium a Laterano Ciue Romano dictum, & a Constantino Magno in Ecclesiam sancti Saluatoris conuersum. 6
fol. 6
Lateranense III. Concil. contra conciliabulum Pisanum coactum contra Iulium. II. 217

Lat.

I N D E X.

Lateranensis Obelisci inscriptio. 22
Lateranensis Basilica quando fuerit adificata. 8
Lateranensis Palatii restitutio, & Obelisci dedicatio. 17
Lateranensis Palatii varia nomina. 21. & 22. eius restitutio. 22
Lateranensis Basilica quinque nominibus, aut titulis vocitari solet. 7
Lateranensis Episcopatus possessio a Sixto V. capta: cuius rei faciende Pontificia describitur pompa, Iaponibus Sixtum comitantibus. 6
Lateranensis Basilica a Fratribus olim culta: canonici vero sacra tantum in ea faciebant, & sacramenta subministrabant. fol. 22
Lateranensis Basilica cur primaria, & Lateranensis dicatur. 6
Latinam linguam omnibus indifferenter Romæ & in Italia fuisse communein, quam pueri cum lacte ipso imbibebant, cum nulla alia apud Romanos esset lingua, multis rationibus & auctoritatibus probatur. 154
Latinarum linguam non superari a Græca, immo ea uberiorem multis rationibus, & auctoritatibus probatur. 132. & 133
Latina litteræ retinentes easdem figuras, potestates & pronuntiationes. 138. alia tantum figuras. fol. 138
Latina lingua miseranda iactura

Gothorum tempore. 153
Latina littera, quæ numerandi modo deseruiunt. 147
Latina lingue propagines. 86. 322. 335. & 343.
Latina littera a Cadmo ex Phœnicia in Græciam primum allata, Græcisq. adsimiles. 132
Latine loqui cur multis iam saculis nemo fere sciuerit. 153
Latini antiquiores non in consonantibus, sed in vocalibus aspiratione uti solebant. 18
Latini Latinæ Bibliotheca. 400
Latini Alphabeti pronuntiatio, figura, nomina, & litterarum formatio. 144
Latinarum litterarum inuentrix. fol. 131
Latinarum litterarum formatio. 144. earundem numerus. 145
Latinorum quorundam error in scribendo, Christus & Iesus abbreviatum. 302
Laurentius Frijolius de Sacello Gregoriano. 422
Lauretum ciuitatis iure, & Episcopatu donatum. 253
Lauretum manibus cinctum. fol. 229. & 230
Lechem panis, & Iayn vinum apud Hebræos. 107
Legatio Gallie. 237
Legati pacis caduceatores dicebantur. 100
Legatus Poloniæ Card. Aldobrandinus, & Prælati huius legationis. 237
Leo

I N D E X

hanc agroselin
de ungula. 27.

*Leo dum vigilat, oculos clausos,
dum dormit apertos habet.* 9.
cur sic. ibid.
*Leo cur ad Hieronymi pedes pin-
gatur.* 51
*Leones marmorei siue anei cur in
Fanorum valuis, sacrarumq.
Aedium vestibulis statui solent.*
fol. 9
*Leo primus Attila occurrens ipsum
Cruce placauit.* 66
Lex nulla sine auctoritate Papa.
fol. 186
Libri quomodo conseruari debeant.
fol. 404
Libri primum omnium impressi.
fol. 411
*Librorum dispositio & ordo per clas-
ses distributa.* 406
*Linus Gracarum litterarum in-
uentor.* 122
Linus doctissimus. 123
*Lipsii sententia de tertia littera a
Clandio inuenta.* 143
Lipsius Taciti locum restituit. 125
*Lingua vna omnes populi olim lo-
quebantur.* 81
*Lingua nonnisi ad significandum
aliquid alteri contributa est.*
fol. 106. & 304
*Lingua homini naturalis quanam
sit.* 105
*Lingua mollis, lata, & absoluta
locutioni accommodatior sicut in
quibusdam auiibus, & bobus.*
fol. 106
*Lingua nulla naturalis homini ex
Augustino.* 105

Lingua omnes, siue dialecti.
fol. 291
*Lingua omnium Nationum orde-
ne Alphabetico digesta.* 305
*Lingua omnes (Hebraica, Graca,
& Latina exceptis) barbara
dici possunt.* 294. hisceq. tribus Bi-
blia conscripta, ac Titulum Cru-
cis non sine mysterio esse dicen-
dum est. 294
*Lingua omnes cur quinque & se-
ptuaginta, vel due ac septua-
ginta.* 291
*Linguarum trium communicatio,
vel symboleitas in litteris Al-
phabeti.* 295. & seq.
*Linguarum confusio ad adificatio-
nem turris.* 81
*Littera cuiuscumque Nationis or-
tum habent in aliquibus ab He-
braicis.* 118
*Littera rubea cur in librorum vel
capitum fronte scribi ac impri-
mi soleant.* 117
*Littera mystica quinque apud Gra-
cos.* 128
Litterarum inuentores. 78. & seq.
*Locutio propria quanam sit: &
quodnam postulet, ut propria
& vera sit.* 106
Lucanus de litteris Phæniceis.
fol. 117
*Ludouicus Rex Francorum Hiero-
solymitana expeditionis Dux de-
signatur.* 208
*Lugdunense I. Concilium de Terra
sancta recuperanda.* 208
Lugdunense primum Concilium.
fol.

I N D E X.

fol.	206
Lugdunense secundum Concilium.	
fol.	209
Luna soli aduersatur.	97
Luna per Isidem apud Aegyptios sumebatur, & colebatur.	97
Lusus quidam, sed mysticus, de nummo in sublime iacto quid.	
fol.	40
Lysippus Alexandri Magni statua- rius.	259

M.

M , littera hoc modo interdū scripta. ☉.	149
Malatestarum Bibliotheca Cesena in Cœnobio sancti Francisci.	
fol.	394
Maledictus omnis, qui non perman- serit in omnibus, quæ scripta sunt in libro legis. Hæc verba fuerunt corrupta ab Hebrais.	
fol.	95
Mamma, & Tata quid.	299
Mammare quid sit.	300
Manutiana ex domo viri insignes prodire.	403
Manutiana Bibliotheca.	402
Manutianorum Epigramma.	403
Mammoli & Mammole quid.	
fol.	299
Marcellus Cerninus quid in Bi- bliotheca Vaticana præstiterit.	
fol.	50
Maria semper Virgo Christotocos, idesit Christi mater, sed etiam Theotocos, idesit Deipara, vel	

Dei mater in Concilio Ephesti- no declaratur.	65
Maria semper Virgo sine exemplo Virgo, quæ nec primam simi- lem visa est, nec habere sequen- tem.	32
Maria semper Virginis imago a beato Luca per pictoriam artem expressa.	76
Mariani Victorij Rheatini Gram- matica Aethiopica Marcello Cer- uino Card. dicata.	93
Marinus Temperanza de lingua Seruiana.	170
Marinus Valuen. custos Biblioth. 56	
M. Aurelij Imp. in christianos pro- pensio. 285. eiusdem ad Senatum Rom. in fauorem Christianorum propter beneficium a vero Deo acceptum, Christianis orantibus.	285
fol.	285
M. Aurelij Imp. gesta cur in Co- lumna Antoniana insculpta.	
fol.	284
M. Aurelij historia miraculosa in Columna Antoniana insculpta.	
fol.	284
Martianus Imp. duas conciones, Gracæ scilicet, & Latinam in Concilio Chalced. habuit.	
fol.	67
Martiani capella sententia de ter- tia littera a Claudio inuenta.	
fol.	143
Martinus V. Bibliothecam Vatica- nam Auenionem translata Romam reportandam curauit.	
fol.	53

Marfi-

I N D E X

Marsilius Ficinus Platonius. 391
Matrimonij decretum in Sexta Synodo non dicit dissolutionem, sed separationem. 74
Matthia Coruini Bibliotheca. fol. 385
Mediceorum Bibliotheca. 391
Mediceorum Typographia Arabica, & Chaldaica. 393
Mediolani Bibliotheca in Cænobio S. Marci. 391
Melitus Antiochenus Concilio Constant. interfuit. 63
Membrana usus in scribendo. fol. 379
Memnon quisnam fuerit: in aemum mutatus. 109
Memnon cur Phoroneo aequalis dicatur. 110
Memnon litterarum Aegyptiarum inuentor. 18
Memnonis sepulchrum ab auius eius quotannis, vel quinto quoque anno perlustratum. 109
Memnonis statua in Aethiopia magno in honore visitur. 110
Memnonia aues earumq. historia. fol. 109
Mendici per Urbem ire non cernuntur. 35
Menna praefuit Concil. II. Constantinop. 68
Mercurij multae inuentiones. 99. & 163. eiusq. descriptio. 100
Mercurij varia nomina a Patre sancto Augustino declarata. fol. 100
Mercurij Trismegisti liber habet

haec verba: Hic est Filius Dei benedicti. 115
Mercurius Sol a Macrobio dicitur, hinc perustus fingitur, & quia soli propinquior. 101
Mercurius cur Thoyt vel Thont appellatur. 102
Mercurius Thoyt, Theut, Thout, Theutates, Taatus, Thoor, & Thoth appellatus. 103. & 104
Mercurius sacras litteras Aegyptijs tradidit. 99
Metalla rufa quoniam sint. 278
Metapontum ciuitas vetustissima Apuliae. 126. in postilla.
Michael Mercatus de Obeliscis. fol. 11. & 252
Michael Mercatus inscriptiones vetustas Obelisci Lateranensis e ruderibus eruit, & corrossas in pristinam formam ingenij perspicacitate restituit. fol. 276. & 278
Michael Mercatus de hac dictione Triumphus per, s, non per ph. fol. 260
Michael Angelus Bonarota Tholi delineatio a Bramante factam reformauit. 417
Michael Rogerius. 410
Michael Rogerius chartas impressas a Sinis, idest China in Italiam aduexit. 379
Michaelis Bonelli Card. Alexandrini Bibliotheca, quam Erethum vocat. 398
Michaelis Thomassii Bibliotheca. fol. 386
Mille-

I N D E X.

Millenarij numeri nota, ∞, 149
Minervæ statua. 255
Miraculum de duobus libris in se-
pulchro sanctæ Euphemie noctu
reconditis in Concil. Chalc. 67
Miraculum de Cruce, quæ Con-
stantino apparuit, varie nar-
ratur. 178. *Ex nummis item va-*
rijs. 179
Mitra cur summus Pontifex sem-
per & ubique uti soleat, Tia-
ra vero, quæ Regnum mundi
vocitatur, non item. 5
Mitridates duarum ac viginti Gen-
tium ore locutus. 293
Moguntia, ubi inuenta fuit Typo-
graphia. 411
Monothelita & Monophysita quid.
fol. 70
Mons Quirinalis, siue Caballus
multis rebus illustratus. 263
Montis Caballi via ab equis ad Por-
tam usque Piam complanata,
multisq. commoditatibus dona-
ta. 260. *Hæc omnia a Blanco*
in quodam Epigrammate feli-
citer quatt. vers. decantantur.
fol. 263
Montaltum civitatis iure & epi-
scopali dignitate donatum.
fol. 264
Moyſes leges 449. & amplius in
monte condidit, quæ postea ad
614. excreverunt. 87
Moyſes Hebraicarum litterarum
instaurator. 87. & 88
Moyſes fuit eruditus omni sapien-
tia Aegyptiorum. 115

Moyſes præcepta affirmantia. 248.
quot hominum ossa: negantia ve-
ro 366. quot dierum anni con-
didit. 87
Moyſes quomodo litteras Hebraicas
inuenisse intelligatur, cum ante
diluvium extiterint. 88
Moyſes Hebraicam linguam pun-
ctis insignivit in monte a Deo
edoctus. 87
Moyſes cur ab aqua dictus. 306
Moyſes & Aaron quomodo Chri-
stum representent. 187
Muris oculi; Luna crescente, maio-
res: decreſcente minores fiunt.
fol. 97
Mus ad solem pertinere dicitur.
fol. 97
Mutus ac surdus nascitur homo ex
& Aristotele. 105

N.

N. & L, quanam nota erant
apud Latinos. 114
Nativitas Salvatoris nostri omnium
festorum metropolis a Io. (hry-
soſt. nuncupatur. 38
Navis curiose & mystice confide-
ratur ex usu ipsius navis inci-
denda in numismata apud Ro-
manos. 40
Navis apud Athenienses & Roma-
nos felicitatem, & salutis in-
dicium præſerebat. 40. *Navis in*
anulo summi Pontificis, & in
aureis Apostolici fisci nummis
expressa quid. *ibid.*

M m Nea -

I N D E X

Neapoli Bibliotheca S. Scuerini, &
 Pausilipi in Aediculis Augusti-
 nianorū, & Card. Seripandi. 396
 Nicenum Concilium nonnulla ad-
 didit Symbolo Apostolorum in
 declarationem eius contra hære-
 ses insurgentes. 59
 Nicenum Concilium II. sub Ha-
 drianō I. Et Constantino VII.
 Imp. contra Iconomachos. 75
 Nicenum Concilium Chirographis
 demortuorum Episcoporum mi-
 raculose subscriptum. 61
 Nicolai IIII. sepulchrum, Sta-
 tua, & Epitaphium. 212
 Nicolaus V. Bibliothecam Vatica-
 nam auxit, ac distinxit. 53
 Nicolaus Myra Episcopus Concilio
 Nicæno interfuit. 60
 Nicostata latinarum litterarum
 inuentrix. 131
 Niobis fabula, & Statua. 255
 Noctua Athenarum insignia. 110
 Noë interpretatur requies. 86
 Nymæ Pompilij libri in membra-
 nis. 380
 Numerandi modus Illyrice. 341
 Numerandi modus Græcus & La-
 tinus. 328. & seq.
 Numerandi modus apud Hebræos.
 fol. 332
 Numerandi modo Latina litteræ
 deseruienes. 147
 Numerus quaternarius totus nume-
 rus, sacer, & solidus dicitur apud
 Pythagoricos. 102
 Numisma de Alexandro Magno,
 & Bucephalo impressam cum in-

scriptione Græca. 238
 Numisma Constantini. 180
 Numisma Iunij curiose considera-
 tur. 39
 Numismata varia variè represen-
 tant Crucis signum, quod Con-
 stantino apparuit. 179
 Numismata multa Alexandrum
 Magnum, & Bucephalum, re-
 presentant. 257. & 258

O . . .

Obelisci translatio, & dedica-
 tio a Petro Galestinio de-
 scripta: quæ autem ad Obeliscos
 in genere pertinent. a Petro An-
 gelio Bargo, & a Michaele
 Mercato, & magna quidem eru-
 ditione declarata sunt. 15
 Obelisci Vaticani translatio in Bi-
 bliotheca Vaticana mirifice re-
 presentata. 250
 Obelisci Lateranensis descriptio, ac
 translatio, Inscriptiones vetustæ.
 117. & 275. nouæ. 23. Inscriptiones
 hieroglyphicæ ex Græco in La-
 tinum translata. 20. & 21
 Obelisci Lateranensis disputatio,
 num scilicet Heliopoli primum
 fuerit erectus. 273. & 274
 Obelisci sanctæ Mariæ de Populo
 Emblemata, & Inscriptiones. 33
 Obelisci S. Mariæ de Populo Inscr-
 ptiones. 279
 Obelisci Lateranensis Inscriptiones.
 fol. 23
 Obelisci Vaticani Inscriptiones.
 fol.

I N D E X.

fol. 10. & 11
Obelisci Lateranensis Inscriptiones
vetusta. 276. a Michaele Mer-
cato e ruderibus eruta, & in
pristinam formam ingenij per-
spicacitate restituta. 276
Obelisci S. Maria ad Praesepe trans-
latio, & quis cum olim erexe-
rit. 37. *Inscriptiones.* 38
Obeliscus quid sit. 10. *Soli dedica-*
batur a Gentilibus. 11. *huius mo-*
lis inuentor Mytres. 11
Obeliscus Vaticanus translatus, &
sanctissima Cruci dedicatus. 10
Obeliscus S. Maria de Pop. minor
& Vaticano, & Lateranensi, cur
maximus a Blanco dicatur. 34.
eiusdem Obelisci Inscriptio ve-
tus ibidem: noue autem. 279
Obeliscus est nomen diminutiuum
ab Obelo dictum. 23
Obseruantor pro obseruentur. 271
OCTAUIVS, & DIVS, pro
Octauius, & Dinus, & alia id
genus permulta. 142
∞, quamam numerandi nota.
fol. 149
Oratio Dominica varijs linguis con-
scripta. 365. *vsque ad pag.* 376
Orationis Dominica varie voces
declarantur. 366
Ordinatus quis ex uxoris consensu
continebat, sin secus non ordi-
nabatur. 74
Origenis errores refelluntur in Con-
cilio Constantinop. 11. *& de tri-*
bus capitibus contentiones sedan-
tur. 69

Ostrogothi, Vuisigothi, & Gothi
quinam sint. 153

P.

Pagina unde dicatur. 381
Palatina Bibliotheca. 49
Palamedes quattuor litterarum
Gracarum inuentor. 123. & 125
Palamedis inuenta. 124
Palatij Lateranensis varia nomina.
21. 22. eius restitutio. 22
Paleologus Imp. Catholica fidem,
& ritus suscipere renuentes va-
rijs multauit modis. 210
Palmarum vsus in scribendo. 378
Paludes pontinae exsiccate. 12. & 233
huius facti Inscriptiones.
fol. 233. & 234
Paludum Pontinarum exsiccatio
quoties fuerit prestita ab anti-
quis, & utilitas orta ab exsic-
catione, Sixto V. sedente.
fol. 12. & 13
Pamphilus martyr Casaree infi-
gnem instituit Bibliothecam, &
mann sua Origenis scripta de-
scripsit. 51
Papa est Vicarius & minister le-
gis diuine. 186
Papa sua auctoritate leges Impe-
riales corrigere potest. 186
Pape electio a duabus suffragiorum
tertijs Cardinalium in Concilio
Lateranensi primo ab Alexan-
dro III. sancita. 201
Paphnutius sanctus Aegyptius, &
Episcopus Concilio Nicano inter-
M m m 2 fuit.

I N D E X

fuit .	60
Papyrus pro charta , eiusq. descri- ptio.	378
Parfimonia Sixti V. 245. multa sci- tu digna.	ibid.
Patauij viri illustres in literis .	
fol.	394
Patauium omnium bonarū artium Emporium.	394
Patriarchales Ecclesia Roma sunt quinque.	7
Patrum monumenta in Vaticano imprimuntur .	228
Pauli Apostoli Statua in Columna Antoniana fastigio erecta .	
fol.	35. & 290
Paulus Apostolus ad Columnam	
fuit alligatus , & verberatus sicut & Petrus . 36. sed copio- sius . 14. ubi multa scitu digna narrantur .	
Paulus cur a dextris, Petrus a si- nistris ponantur in Bullis.	166
Paulus quomodo maior Petro, & Petrus maior Paulo .	166
Paulus Aemilius Romam primus li- brorum copiam aduexit.	48
Paulus IV. quid in Bibliotheca Vaticana praestiterit.	56
Paulus Manutius nouus Latina lin- gue instaurator.	134
Pauperes per Urbem ire non cer- nuntur .	35
Pausilipi Bibliotheca in Aediculis S. Augustini.	396
Pecunia grandi in Ecclesia arariū repositum .	228
Pecunia Graeca mercari quid.	326

Pecunia collecta vsus. 245. multa scitu digna.	ibid.
Peregrinus desert litteras ad Con- cilium Ephesinum intra arun- dinem inclusas .	65
Peroratio operis .	423
Perusii in Canobio S. Dominici Bi- bliotheca .	396
Persius de fonte Caballino.	121
Petra, vox Graeca 86. 347. Syriace Cephas .	347
Petrarcha. liber sua ipsius manu conscriptus .	401
Petri sancti Basilica vetus, & no- ua, earumdemq. descriptio, & Tholi praesertim breuis 4. am- plior 252. amplissima vero.	417
Petri successores, Linus primo lo- co, secundo Cletus, tertio vero Clemens .	53
Petri Sedes ex Antiochia vbi nam asseruetur .	423
Petri & Pauli corpora a Siluestro Papa diuisa vbi nam asseruen- tur .	422
Petri sancti Basilica cur prima di- catur Sedes 7. Patriarchalis ha- betur, & nominatur.	ibid.
Petri Apostoli Statua in Columna Traiana fastigio erecta .	281
Petrum & Paulum exercuisse po- testatem temporalem auctorita- tibus probatur .	189
Petrus & Paulus Apostoli ad Co- lumnas marmoreas, quae in Ec- clesia Beatae Mariae trans Pon- tem visuntur, ferreis vincu- lis fuerunt alligati, & verberi- bus	

I N D E X.

bus caesi. 14. de his Columnis
 Caesar Baronijs mentionem fa-
 cit. ibid.
 Petrus cum Roma discessit Linum
 & Cletum Diaconos. corepisco-
 pos, sine coadiutores Roma in-
 stituit. 52
 Petrus quomodo fuerit maior Pau-
 lo, & Paulus maior Petro. 166
 Petrus & Cephas idem sunt. 86
 Petrus a Paulo iure reprehensus.
 fol. 166
 Petrus Angelius Bargaus, & Hie-
 ronymus Brunellus ex Societate
 Iesu Inscriptiones Gracas de
 Hieroglyphicis ab Ammiano
 Marcellino recitatas Latine red-
 diderunt. 20
 Petrus Angelius Bargaus de Obe-
 lisco. 11
 Petrus Facchetti Mantuanus Pi-
 etor. 267
 Petrus martyr ex Ord. Prædicat.
 in sanctorum numerum relatus.
 fol. 208
 Petrus Galefinius de Canonisatio-
 ne S. Didaci. 250
 Phama, Phanium, & Phagus scri-
 bebantur a Latinis. 141
 Phanos quid. 419
 Phidia & Praxitelis equorum tra-
 & latio, & institutio. 254
 Phidia laudes & opera insignia.
 fol. 255
 Phidias & Praxiteles num fuerint
 & artifices simulacri Bucephali,
 equi Alexandri Magni dispu-
 tatur, & diffuse quidem.

fol. 256. & seq.
 Philosophia cur inter Gracos in-
 quili- 114
 Philosophi habent pennas Stru-
 & thionum. 290
 Philippi. Regis Hisp. Bibliotheca.
 fol. 386
 Philippi dictum ad Filium Alexan-
 drum. 258
 Phium, littera apud Armenos, a
 quo Fyo nostrum parum distat.
 fol. 158
 Photij scelera 77. eius chirographa
 cremantur. ibid.
 Photio expulso, sanctus Ignatius
 in Sedem Constantinop. restitui-
 tur. 77
 Phæniceæ littera affinitatem ha-
 bent cum Hebraicis, atque Gra-
 cis. 117. & cum alijs. 118
 Phænicaum Alphabetum. 117
 Phæniciis elegans anigma. 116
 Phæniciis historia tanquam fabulo-
 sa ab Aristotele præmissa est,
 sed tanquam vera a doctissimis
 viris, & sanctis Doctõribus
 narratur. 116
 Phæniciis avis in Arabia historia.
 fol. 116
 Phænix quomodo concipiatur ac ge-
 neretur. 116
 Phænix litterarum apud Phænices
 inuentor. 115
 Phrygia eloquentia laudatur. 105
 Phrygiarum litterarum inuentor
 Hercules. 104
 Piceni voces quedam & pronun-
 ciationes. 346

Pecus

I N D E X

- Picus Mirandulanus libros Tabba-*
la ab Esdra editos se vidisse
ait. 89
- Pictores precipui in Bibliotheca pin-*
genda. 272
- Pictorum aliarumq. operarum nu-*
merus pro Bibliotheca constru-
enda. 272
- Pij V. sepulchrum, ac statua, eiusq.*
gesta. 30
- Pij V. translatio 36. de hac Translat.*
Inscriptio. 37. & epigramma.
fol. 280
- Platina familiaris Sixti IV. & Bi-*
bliotheca Vaticana praefectus.
fol. 54
- Plato cur Moyses Atticissans nun-*
cupetur. 115
- Plato Moysis & Hieremie libros le-*
git ex Patris Augustini senten-
tia. 114
- Plato de nomine Mercurij, eiusq.*
innentionibus. 103
- Platonis dogmata multa recensentur*
a Christiana Theologia de-
sumpta. 115
- Platonis lex de pecunia.* 246
- Platonicis in libris caput Euangelij*
sancti Ioannis primum se legis-
se ait S. P. Augustinus. 115
- Poeta ante Homerum.* 120
- Polonia Regum Bibliotheca.* 386
- Polonia legatio 237. vide, Legatus.*
- Pontina paludes a Sixto V. exsic-*
cata: ab antiquis non semel. 12
- huius generis exsiccatio quantas*
impensas postulauit, quantaq.
utilitatem afferat. 12
- Pontificibus Romanis a sancto Pe-*
tro usque ad Siluestrum Papam
cur nonnisi in cryptis celebrare
licebat, & in Altari ligneo,
quod in Ecclesia tantum Late-
ranensi reperiit. 6
- Potestatem temporalem a B. Petro*
fuisse exercitam auctoritatibus
Scriptura sacra probatur. 188. &
189. idem dicitur de B. Paulo.
ibidem.
- Potestatem coactiuam tam tempo-*
ralem, quam spiritualem in Ec-
clesia esse auctoritatibus Scriptu-
rae sacrae probatur. 189
- Potestatem rerum temporalium fuisse*
in Christo, & esse in omnibus
eius Vicarijs, multis rationibus
& auctoritatibus probatur. 185
- Potestatem temporalem a Christo*
fuisse exercitam auctoritatibus
scripturae Euangelicae probatur.
fol. 188
- Potestas temporalis tanquam tyrā-*
nice usurpata a Constantino fuit
Ecclesiae reddita. 192
- Potestas rerum temporalium Prin-*
cipibus secularibus est in mini-
sterium data. 187
- Potestas coactiuā tam temporalis*
quam spiritualis. 189
- Potestas rerum temporalium cur*
Imperatoribus, & alijs secularibus
a summo Pontifice sit tri-
buita. 186
- Potestas Imp. & Reg. ab auctorita-*
te Papae dependet. 186
- Praxiteles Calaber, eiusq. laudes,*
&

I N D E X

Pythagora auditores sexcenti .
fol. 126

Q.

Q, littera apud Latinos tantum reperitur. 136. superflua vocabatur a Romanis, qui loco eius litteram, c, usurpabant. 136

Q, per quingenta millia ab antiquis usurpabatur : nunc autem non est in usu. 149

Quadrata figura stare semper creditur, quacumque vertatur. fol. 5

Quaternarius numerus cur. apud Pythagoricos totus numerus, sacer, & solidus. 102. Hic numerus cur. Mercurio ab Aegyptijs tribuebatur. 103

Querengus de triribus. 39

Qui firmavit terram super aquas, quomodo intelligatur. 194

Quid mihi de ijs, qui foris sunt, quomodo intelligatur. 192

Quinq; decies centena nummum aureorum millia in Arcem sancti Angeli reposita. 228. & 244

Quaternalis via complanata, & alijs commoditatibus donata. 260

Quot pro Quod. 277

R.

R, pro S, apud antiquos, quae littera a Claudio invenita putatur. 142

Rapserit pro rapuerit. 271

Rauennas Antistes Sedi Apostolica non obtemperans exarchorum potentia factus ad obedientiam redijt. 71

Rauennatis Archiepiscopi Legatus ad Concilium Constantinop. III. missus. 70

Rauennatis Antistitis electionem irritam esse in Concilio Constantinop. III. decretum fuit, nisi Romani Pontificis auctoritate comprobaretur. 71

Redditae quae sunt Caesaris Casari, quomodo intelligatur. 192

Regnauit a ligno Deus. Haec verba ab Hebraeis fuerunt corrupta. 94

Regnum mundi tribus constans coronis cur sic dictum, eoque Pontifex non semper & ubique uti soleat, sicut & Mitra. 5

Regnum Christi quale. 191

Regnum meum non est de hoc mundo, multis modis explicatur. fol. 191

Reipublica bona quamuis alienari non queant, in usum tamen meliorem quomodo conuertri debeat. fol. 185

Reipublica Christiana unio representatur per quasdam picturas. fol. 263

Reliquia sanctorum, & sanctorum imagines quomodo adoranda. fol. 75

Reperentes in Sicilia quae nunc sint 344. unde dicta. 345

Resur.

I N D E X.

*Resurrectionem Dominico die posse
celebrari Antoninus Pius Imp.
primus permisit.* 36

*Roma in Aedibus sanctæ Mariæ
supra Mineruam fratrum Ord.
S. Dominici Bibliotheca.* 397. &
alia Religiosorum.

Roma laudes permulta. 17

*Romani cur Gothorum, Gallorum,
& Longobardorum linguas di-
dicerint.* 153

*Romani codices multo veriores,
quàm Græci.* 52

*Romanorum Bibliotheca publica
vndetriginta.* 48

Romanorum Bibliotheca. 48

S pro Z, ut Sacynthus & Se-
thus pro Zacynthus, &
Zethus. 137

*Sacelli Sixtiani Epigrammata va-
ria.* 280

*Sacellum Sixtianum edificio Tem-
pli Diana comparatum.* 32

*Sacellum Sixtianum, eius inscri-
ptiones, ac descriptiones.* 30.
31. & 32.

Sacellum Gregorianum. 421

*Sacerdotalis dignitatis vsus actua-
lem munditiâ iure postulat.*
fol. 74

*Sacramenti corporis Christi festum
ab Urbano IV. institutum, offi-
cium diuinum a S. Thoma edi-
tum, cui dedit in premium
Columnam argenteam: lustra-*

tio huius festi Papiæ incipit.
fol. 214

*Sacramentorum mutationes quomo-
do ab Ecclesia fieri possint.* 73

Sd, pro Z. 137

*Salamandra non diu viuit in igne,
sed ignem extinguit.* 196

*Saluator a saluo, as, verbo Cicero-
niano.* 134

*Saluator plura maioraq. comprehē-
dit, quàm Soter.* 133

*Saluator cur apud Ciceronem non
sit.* 134

*Saluatoris nostri natiuitas omnium
festorum metropolis a Io. Chry-
sost. nuncupatur.* 38

Samaritæ lingua. 359

Samaritana littera quanam sint.
fol. 93

*Sanctorum reliquie, & sacra ima-
gines quomodo adorande.* 75

Sardinia pestilentior Tigellius. 360.
*frumenti fertilissima: huius po-
puli propriam olim habuerunt
dialectum.* ibid.

*Saturno regnante magna frumenti
in Latio vbertas fuit.* 13

*Scala sancta in insigniorem locum
translata, eiusq. ornatus.* 23. &
247.

Scauri sententia de littera, K. 137

*Sclauonica lingua a Constantina
philosopho inuenta, ut scribit
Ioan. VIII.* 316. & 337.

*Sclauonica lingue propagines mul-
tæ.* 86

*Scipionis Lancelotti Card. Biblio-
theca.* 398

N n n Schola

Schola Babylonica, in qua fuerunt
Daniel, & socij. 43. cur didi-
cerunt Chaldaeorum linguam.
ibidem.
Scorpij mira natura in Lybia?
fol. 304
Scribendi modus ab initio fere
mundi. 377
Scribendi usus in pellibus caprinis.
fol. 380
Scribendi modus in Tabulis aereis.
378. in lignis, cera obductis.
ibidem.
Scribendi usus in coriicibus arbo-
rum. 378. & in membranis.
ibidem.
Scribendi modus post dilunium.
fol. 377
Scribendi modus quisnam sit natu-
ralis, vel a dextro in sinistrum
latus, vel e conuerso. 80
Scriptores, siue Librarij, & nume-
rus Bibliotheca Vaticane. 56
Sedes Romana. Auenionem trans-
fertur. 213. Romam reduciur a
Gregorio. XI. 213
Septuaginta interpretes cur nonnul-
la omiserint, & quamam sine?
fol. 96
Septem mundi miracula 32. eorumq.
descriptiones. ibid.
Sermo est naturalis & artificialis.
fol. 106
Sermo soli homini naturaliter in-
situs. 106
Serviana lingua omnium ditissima,
& a Cyrillo inuentore Chiurili-
za vocitatur, hoc est Cyrillia-

na. 170
Seruiantum Alphabetum. 169
Seruianis litteris quot Genes tran-
tur. 170
Seruator cur pro Saluator dici non
debeat. 134
Seth filij Astrologia inuectores,
Hebraicarumq. litterarum cul-
tores. 81
Seth filiorum columna quid conti-
nebant. 82
Set pro Sed. dem. 277
Sexta Synodus nullam edidit Ca-
nonem Constantinop. sed in Trul-
lo coacta tradidit canones duos
ac centum. 71
Sexta Synodi acta in Concilio Ni-
ceno I I. citata, & approba-
ta. 76
Sfortiana Bibliotheca. 398
Sibyllini libri a Tarquinio empti
maxima veneratione a Romanis
habebantur. 49
Sicilia cur tot linguarum vocibus
utatur. 343. eiusdem lingua
pronunciationes. 344
Sicillie Bibliotheca per multa exta-
bant, sed nunc non nisi in Ab-
batia S. Placidi. 396
Sicilicorum mulierum mos sanctissi-
mus 345. Idem de Calabria, &
Apulia. 345
Sigismundi Polonia Regis Biblio-
theca. 386
Sihor aarmen, id est, Domine mi-
serere. 153
Siluius Antonianus multa, & fere
omnia praeiit in Bibliotheca
Vaticana

I N D E X.

Vaticane rebus conscribendis ac disponendis Sixto V. diiudicante. 272
Simonides quattuor Græcarum litterarum inuentor. 129
Simonides artem memorandi inuenit, octauamq. chordam citharæ sine lyra, & sonum tertium. fol. 130
Simonidis littera. 120
Simon Cecchinus de Italia exulibus liberata. 10
Sixti V. Aedificia omnia nominatim. 415
Sixti V. imago ad vinum representata in Tabula lignea satis grædi, in qua etiam Card. & alij ad vinum item ibidem expressi sunt a Petro Facchetti Mantuano. 267
Sixti V. parsimonia. 245. multa scitu digna. ibid.
Sixto V. sedente quot bona olim euenerint. 16
Sixtus IV. Bibliothecam Vaticanam amplificauit, & in nobiliorum locum reposuit. 54
Sixtus V. Bibliothecam Vaticanam illustriorem, ac celebriorem reddidit. 54
Solecismus quid, & unde dictus. fol. 314
Solum David, super quod Christus sedere debebat, non nisi potestas temporalis fuit. 188
Sophi in temporalibus dominatur Christianis S. Thomæ. 158
Sorex ad solem pertinere dicitur.

fol. 97
Soter una voce exprimi non potest. 133. minusq. comprehendit, quam Saluator. ibid.
Spiritus sancti processio declaratur contra Græcos. 209
Spiritus sancti processio declarata in Concilio Lugdunensi, confirmatur in Concilio Florentino. fol. 215
Spiritus sancti processionis Articulus Latine, & Græce in Concilio Lugd. II. decantatus. 209
Spiritus Vicentinus. 341. 343. & 410
Spyridion sanctus Cyprius Episcopus Concilio Nicæno interfuit. fol. 60
Spyridion prophetia, & signorum dono clarus, philosophum quendam ethnicorum in Concilio denunciit, & ad Christianam fidem perduxit. 60
Statua sancti Petri Columna Traiana fastigio a Sixto V. erecta. 13
Stateram ne excedas, dictum Pythag. 127
Stribiligo quid sit. 155
Stridon, quæ nunc Strigna vocatur, in consinio Pannonia, ac Dalmatia sita, patria fuit beati Hieronymi, qui non fuit Illyricus. 162
Sudarium sancta Veronica ubi nam asseruetur. 422
Sunto pro sint. 271
Surdi omnes muti sunt. 107
Symbolo Apostolorum cur aliqua addita.

diis.	64	Templum Hebraorum sub Tito in-
Symbolum Nicæne fidei explicatur		cenſum, ter Hebræi inſtaurare
in Concilio Ephſino.	65	frustra conati ſunt. 45. cur nun-
Symbolum fidei in Concilio Con-		quam deinde inſtaurari potue-
ſtantiноп. editum.	64	rit. ibid.
T.		Templum Hebraorum dum Iulia-
		nus Apoſtata inſtaurare impie
		conobatur, miraculum diuina
		virtute ortum fuit. 45
T ernecem refert.	301	Templum Salomonis ſeptem mundi
Tabule aenea inſculpta lit-		miracula ſuperauit, centū quin-
teris Eugubij reperta.	151	quaginta tribus millibus homi-
Tantali fabula.	243	nibus. ad conſtructionem pra-
Tarpeia, a qua dictus eſt mons Tar-		ſtandam inuentis conſtructum.
peiſus, arcem Tarpeio patri com-		fol. 44
miſſam proditiōnem perpetra-		Terra ſuper aquas fundata, quo-
uit: eius mors ingenioſa.	266	modo intelligatur. 194
Taporus cur pro Magnentio.	278	Terra mari ſecuritas: dictum in
Tarquinius libros Sibyllinos a Si-		nummo Sixti V. 40
bylla Cumæa emit.	48	Terra per Deam Cybelem ſignifica-
Tartarica lingue propagines due.		tur. 194
fol.	86	Terra mater omnium. 195
Tarcuntis ſepulchrum Volaterris.		Terra filius quid. 195
fol.	151	Terentius litteris manuſculis ma-
Tartarorum rex baptizatur.	211	nuſcriptus. 401
Tatius Romanorum hoſtis, & Sa-		Tetragrammaton quid. 103
binorum Dux, arcem in Capi-		Thalmud expurgatur, cur obſcu-
tolio, proditiōne facta, cepit.		rum. 331.
fol.	266	Thau, littera T, quid repreſentet,
T, pro D, & D, pro T.	278	& cur Hebraica recentiori non
Templi S. Petri deſcriptio.	421	ſit adſimilis. 83
Templi Hebraorum inſtauratio. 44.		Thau ſymbolum noſtra redemption-
& 45.		nis ante aduentum Saluatoris
Templi Salomonis inſtauratio a Cy-		noſtri. 84
ro conceditur, ſub Artaxerſe		Thau in Alphabeto Iacobitarum cru-
intermittitur, ſub Dario longi-		cis figuram repreſentat. 84
mano perſcitur, ſub Tito, ſed		Thau Hebraicum quomodo differat
samen renitente, a militibus		a Theta, ſiue Thita Græco. 84
comburiſſetur.	45	Theba

I N D E X.

Theba a Cadmo condita. 121
Theodorus hareticus. damnatur.
 fol. 69
Theodosius Imp. publicam egit pœ-
nitentiam a B. Ambrosio sibi im-
positam. 233
Thodoriti scripta contra Cyrillum
damnantur. 69
Theotocos, idest. Dei mater. 65
Theta, θ, cur mortiferum nuncu-
petur. 84
Theta, θ, est signum mortis, Thau
vero vite. 84. appellatur mor-
tiferum, infelix, & nigrum.
Thita vel Theta, θ, cur nota con-
demnationis, & mortis. 84. 114.
 & 129
Tholi Ecclesie noua sancti Petri
breuis descriptio. 4. amplior. 252.
 amplissima vero. 417
Tholi sancti Petri Ichnographia in
Bibliotheca Vaticana represen-
tata, atque item Ecclesia, & mi-
risce quidem. 252. Tholi, & Ec-
clesia descriptio copiosa. 417
Thoma Aquinatis, & Bonauentura
Card. doctrina non semel in Con-
cil. Florentino citatur. 216
Thoma sancti scripta de Christo
crucifixo probantur. 236
Thomas sanctus Bonauenturam vi-
uentem sanctum appellauit. 244
Thomas sanctus ad Concil. Lugd.
 II. accersitus morte prauentus
 ire non potuit. 211
Thoye, Thout, Theuth quid.
 fol. 102. & 103
Tiara Pontificia, qua dicitur Re-

gnum mundi tribus constans co-
ronis cur sic dicta: eaq. summus
Pontifex cur non semper, &
ubique vti soleat, sicut Mitra. 5
Timantis exemplum. 422
Timotheus Alexandrinus Concilio
Constantinop. interfuit. 63
Tridentini Concil. Prælati omnes.
 fol. 221
Tridentini Concilij Legati omnes.
 220. Card. non legati. *ibid.*
Tridentino in Concilio orationes,
& conciones habite quonam an-
no, mense, & die, & nomina
Oratorum, & concionatorum.
 221. & seq.
Tridentinum Concilium contra Lu-
theranos, Zuinglianos, & Cal-
uinistas. 218. quid contineat. 219
Tirremes Sixti V. ad abigendos pi-
ratas. 38. de hisce tirremibus opi-
nio Guillelmi Blanci. 39. opinio
Auctoris Bibliotheca altera lon-
ge diuersa. 39
Trisagium ab hareticis quomodo de-
cantatur. 68
Troglodyta instar vespertilionum
loquuntur. 294
Troglodyta serpentibus vescuntur.
 fol. 307
Tropaum, ac Triumphus pro Tro-
phæo, ac Triumpho, & id genus
alia dictiones permultæ. 18
Tropaum pro Trophaum. 277
Triumphus pro Triumphus. 277
Triumphus & Tropaum pro Trium-
phus, & Trophaum. 138
Trullani canones a Gratiano citan-
 tur.

I N D E X

tur. 71. Hos Nicolaus I. appro-
 batos a Ioanne VII. testa-
 tur. 71. & Synodus VII. id-
 est Nicanum II. comproba-
 vit. 72. & 76. necnon Hadrianus
 primus. *ibid.*
Trullanos canones authenticos esse
multis rationibus & auctorita-
tibus probatur: & obiectiones
ad hanc rem spectantes solvun-
tur. 71
Turris Nemroth post diluvium adi-
ficatur, ad cuius extruccionem
secuta est linguarum confusio.
fol. 81
Typographia Vaticana quare insti-
tuta. 413. & 414
Typographia Vaticana omnes alias
excedit multis de causis. 414
Typographia ab Indis inuenta.
fol. 379
Typographia Indica. 341
Typographia Indiana priusquam in
Italia. 341
Typographia prius inuenta Sinis,
quam in Europa. 410
Typographia nostri temporis unde
damnum patiantur. 412. Insi-
 gniores quanam sint. *ibidem*
 & 413
Typographia Vaticane initium.
fol. 413
Typographica ars a doctis, ac diuiti-
bus exculta. 412. nunc vero non
 item. *ibid.*
Typographica ars erroribus subie-
 cta. 424
Typographica artis inuentor.

fol. 409. & 411
Typographus Vaticanus Dominicus
Basa. 414
Typi olim Venetijs, anteaquam ad
hanc perfectionem peruenire-
tur, filo concinnabantur. 411.
 & 412

V.

V cur pro quinque. 147
 V, pro B, & B, pro V. Go-
 thorum tempore ab Italis pro-
 nunciabantur. 153
 V, pro B, & B, pro V, in Castella
 Hisp. 297
Vacuum non datur in rerum na-
tura. 195
Vacuum rusticale quid sit. 195
Valla iniquus, mordacissimus, &
ad obloquendum natus. 182
Varronis Statua in Palatina erat.
Bibliotheca, dum ipse vivebat.
fol. 49
Vaticinium de Turcico imperio
euertendo Persica lingua conscri-
ptum. 356
Veneris statua, cum qua coijt inue-
nis quidam. 258
Veneris Reip. Bibliotheca. 387. Bibl.
 praefectus M. Antonius Sabellius
 fuit. *ibid.*
Venetorum quaedam voces, & pro-
nunciationes. 345. & 347
Vestia pro Bestia in Hisp. 297
Vetus testamentum a Septuaginta
quomodo, & ubi translatum.
fol. 47
 Ve

I N D E X.

Vexilli Augustalis descriptio. 177.

¶ 178.

Viduitas casta nuptijs est præferenda, ita etiam virginitas viduitati. 28

Viduitas fidei magistra, & virginitas vitæ Angelorum est. fol. 29

Via noua à Sixto in formam sideris strata. 27. *Inscriptiones de ijs.* fol. 27. & 28

Vincentij Pinelli Bibliotheca Patavij. 304

Virginum, Coniugatorum, & Viduorum fructus. 29

Virginitas viduitati præferenda est, ita etiam casta viduitas nuptijs. fol. 28

Virginitas Angelorum vitæ, & viduitas fidei magistra. 29

Virgo Despara sine exemplo Virgo, quæ nec primam similem visa est nec habere sequentem. 32

Virgilij locus restitutus. 401

Virtutes si ad verum Deum non referantur, sunt vitia non virtutes. 290

Vlbia Bibliotheca. 48

Vlphile mira apud Gothos auctoritas. 152

Vlphilas ad Christianam fidem Gothos conuertit, deinde hæresim Arianam secutus est. 152

Vlphilas Scripturam sacram in Gothicam linguam primus translulisse fertur. 152

Vlphilas Gothicas litteras inuenit.

fol. 152

Vmbrie voces quedam, & pronunciationes. 346

Vnitas quid ex Boetio. 147

Voces Barbaræ à Græcis usurpata glossæ dicuntur. 293

Vinum binum pro Bonum vinum. fol. 297

Vrbini Bibliotheca à Federico Feltrio Duce Urbini. 394

Vsus bonus rem bonam facit. malus vsus rem malam reddit. fol. 413

Vualdensium hæresis. 201

Vuisigothi, Ostrogothi, & Gothi quinam sint. 153

X, littera apud Latinos ad Augusti vsque tempora nondum erat recepta. 137. sed pro ea C, & S, vel G; & S, utebantur, ut Apecc, & Gregs, pro Apex, & Grex. 137

X, cur pro decem. 148

X, componitur ex duplici V, ut XV. fol. 148

T.

Y, littera à Virgilio explicata Epigramma. 127

Y, littera in V, conuersa, ut duo pro d'uo. 139

Y, littera humanam vitam representans. 127

T, lis-

I N D E X

T, littera omni ex parte considera-
tur. 127

T, littera cur Fyo, vel Fya dica-
tur. 145. 146. & 147

T, & *Z* litteras pro Gracis dictio-
nibus Latine a Gracis sunt mu-
tuati, sed apud Romanos ad Au-
gusti usque tempora admissæ
non fuerunt. 137. pro, *T*, ute-
bantur, *I*, pro *Z*. ss

Z.

Z, littera dentes mortui
representat dum ex-
primitur, hinc ab Appio Clau-
dio detestabatur. 138

Zacharias Francorum Regem re-
gno priuauit. 187. & 190

Zingarorum lingua. 364


Emendationes

Primus numerus paginam, secundus lineam.

Pag. 32. l. 33. nec similem, deest, primam, p. 36. l. 2. a M. Antonino, p. 51.
l. 9. coniectare, p. 53. l. 19. coniectare, p. 72. l. 5. Pogonato, p. 83. l. 31.
Alphabeti, p. 101. l. vlt. ca, p. 102. l. 1. representare, p. 111. l. 17. deleatur,
q. in Alphabeto. p. 142. linea 33. Furijs, p. 143. l. 22. deleatur, vt Ph. p. 151.
lin. 6. apponatur, non a sinistro p. 165. l. 26. vt patet, p. 311. l. vlt. idest.
Carolus potens, p. 361. l. 26. vocat.

VAl

1507545



726.

150
F
23

